



Հարգելի՛ ընթերցող.

ԵՊՀ հայագիտական հետազոտությունների ինստիտուտը, չհետապնդելով որևէ եկամուտ, իր կայքերում ներկայացնելով հայագիտական հրատարակություններ, նպատակ ունի հանրությանն ավելի հասանելի դարձնել այդ ուսումնասիրությունները:

Մենք շնորհակալություն ենք հայտնում հայագիտական աշխատասիրությունների հեղինակներին, հրատարակիչներին:

Մեր կոնտակտները՝

Պաշտոնական կայք՝ <http://www.armin.am>

Էլ. փոստ՝ info@armin.am

ՌՐԻՍ ԳԱՍԱԿԱՆՆԵՐԻ ԳՐԱԳԱՐԱՆ

БИБЛИОТЕКА РУССКОЙ КЛАССИКИ

Михаил Шолохов

ТИХИЙ ДОН
В ЧЕТЫРЕХ ТОМАХ



ТОМ
ТРЕТИЙ
Перевод
А. Мазманяна

ИЗДАТЕЛЬСТВО
„СОВЕТАКАН ГРОХ“ ЕРЕВАН 1978

Միխայիլ Շոլոխով

ԽԱՂԱՂ ԴՈՆԸ
ՉՈՐՍ ՀԱՏՈՐՈՎ



ՀԱՏՈՐ
ԵՐՐՈՐԴ

Թարգմանությունը
Դ. Մազմանյանի

«ՍՈՎԵՏԱԿԱՆ ԳՐՈՂ»
ՀՐԱՏԱՐԱԿՉՈՒԹՅՈՒՆ ԵՐԵՎԱՆ — 1978

Գու մեր հայր, խաղաղ, պանծալի մեր Գեճ,
 Ինչ մեր բարերար, Դոն Իվանովիչ,
 Թնդում է միշտ էլ համբավոյ բարի,
 Համբավոյ բարի, անունդ անուշ.
 Գու, մեկ էլ տեսար, հոսում ես արագ,
 Հոսում ես արագ, ջրերդ մաքուր:
 Իսկ հիմա դու, Դոն, պղտոր ես հոսում,
 Գղտորվել ես դու վերից մինչե վար:
 Խոսում է Դոնը խաղաղ, պանծալի.
 «Բա ես հ'նչ անեմ պղտոր շիճեմ,--
 Արձակել եմ ես սեզ արծիվներիս,
 Վեց արծիվներիս, իմ կազակներին:
 Ինչ առանց նրանց ափերս եմ մաշվում,
 Ի՞նչպէս եմ թափվում հանց դեղին ավազ»:

(Կազակական հինավուրց երգ)

70302 (310)
 Շ $\frac{705 (01) 78}{78}$ «Տ»

ՎԵՑԵՐՈՐԴ ՄԱՍ

I

1918 թվականի ապրիլին Դոնի մարզում ավարտվեց մեծ բաժանումը. Խոպերի, Ուստ-Մեդվեդիցկու և մասամբ Վերին Դոնի,— հյուսիսային այդ օկրուգների ճակատային կազակները գնացին Միրոնովի ու կարմիրզավարդիականների նահանջած զորամասերի հետ. Դոնի ստորին օկրուգների կազակները քշում էին նրանց ու սեղմում մարզի սահմաններին:

Խոպերցիները Միրոնովի հետ գնացին համարյա գլխովին, ուստ-մեդվեդցիները՝ կիսով չափ, Վերին Դոնի կազակները՝ միայն աննշան թվով:

Միայն 1918 թվականին պատմությունը վերջնականապես բաժանեց Դոնի վերին ու ստորին ավազանի կազակներին. բայց բաժանման սկիզբը նշմարվել էր դեռ հարյուրավոր տարիներ առաջ, երբ հյուսիսային օկրուգների ավելի քիչ ունևոր կազակները, որոնք չունեին ոչ մերձագտվյալ բերրի հողերը, ոչ խաղողի այգիներ, ոչ էլ հարուստ որսատեղեր ու ձկնորսարաններ, երբեմնակի անջատվում էին Զերկասկից, ինքնակամ հարձակումներ էին գործում վելիկոռուսական հողերի վրա և ամենահուսալի հենարաններ էին հանդիսանում բոլոր բունտարարների համար՝ Ռազինից սկսած մինչև Սեկաչը:

Նույնիսկ ամենաուշ ժամանակներում, երբ ամբողջ կազակ բնակչությունը տերության կողմից ճնշված, խուլ կերպով հուզվում էր, Դոնի վերին ավազանի կազակները բա-

ցահայտորեն ոտքի էին ելնում ու իրենց ատամանների ղեկավարութամբ ցնցում ցարերի հենարանները. կռվում էին գահական զորքերի դեմ, Դոնում թալանում էին քարավանները, արշավում դեպի Վոլգա և խոտվություն էին գրդում ընկճված Զապորոժիեն:

Ապրիլի վերջին կարմիրները թողել էին Դոնի մարզի երկու-երրորդ մասը: Երբ արդեն ակներև էր մարդային իշխանությունն ստեղծելու անհրաժեշտությունը, հարավում կռվող մարտական խմբերի ղեկավար պաշտոնյաները առակցով մարտական ներկայացուցիչների ժողով հրավիրել է ջարկեցին կազակ ներկայացուցիչների ժողով հրավիրել է Դոնի ժամանակավոր կառավարության անդամների և ստանիցաների ու զորամասերի ղեկավարների հավաքը նշանակվել էր ապրիլի 28-ին, Նովոչերկասկում:

Տատարսկի խուտորում ապրիլի քսանից հետո, Վեշենսկայա ստանիցայի ատամանից ստացվեց մի թուղթ, որով ծանուցվում էր, թե Վեշենսկայա ստանիցայում այդ ամսի 22-ին տեղի կունենա ստանիցայի ժողով՝ կազակ ներկայացուցիչների ժողովի ղեկավարներ ընտրելու համար:

Միրոն Գրիգորևիչ Կորշունովը ժողովում կարգաց թուղթը: Խուտորը Վեշենսկայա ուղարկեց նրան, Բոգատիրյով պապին և Պանտելեյ Պրակոֆևիչին:

Ստանիցայի հավաքում ներկայացուցիչների ժողովի մյուս ղեկավարների թվում ընտրեցին նաև Պանտելեյ Պրակոֆևիչին: Նույն օրը նա վերադարձավ Վեշենսկուց ու որոշեց հետևյալ օրը խնամու հետ գնալ Միլերովո, այնպես որ ժամանակին հասնի Նովոչերկասկ (Միրոն Գրիգորևիչին հարկավոր էր Միլերովոյում նավթ, օճառ ու տնտեսության համար էլի ուրիշ բաներ գնել և, ի դեպ, ուզում էր նաև փող աշխատել՝ Մոխովի աղացի համար մաղեր ու բաբբիտ գնել):

Լուսաբացին մեկնեցին: Միրոն Գրիգորևիչի սևաթույր ձիերը թեթև տանում էին բրիչկան: Խնամիները կողք-կողքի նստել էին նախշուն, գույնզգույն օրորանում: Բարձրացան բլուրը, խոսեցին. Միլերովոյում գերմանացիներ էին գտնվում, դրա համար էլ Միրոն Գրիգորևիչը մի քիչ վախեցած հարցրեց.

— Խնամի ջան, գերմանացիք մեր գլխին խաթա չե՞ն

բերի, հը՞: Զարագործ մարդիկ են, դրանց շուն հերն անիծվի:

— Զէ՛-է՛,— հավատացրեց Պանտելեյ Պրակոֆևիչը:— Մատվեյ Կաշուլինը անցած օրը այնտեղ էր, ասում է՝ գերմանացիք վախում են... սիրտ չեն անում կազակներին ձեռք տալ:

— Հլա տես, է՛,— Միրոն Գրիգորևիչը քմծիծաղ տվեց աղվեսի շեկլիկություն ունեցող մորուքի տակին ու խաղացրեց բալի գույնի ահագին մտրակը. ըստ երևույթին հանգրստանալով, նա փոխեց խոսակցության նյութը.— բա ի՞նչ իշխանություն է հաստատվելու, ի՞նչ ես կարծում:

— Ատաման կընտրենք: Մերոնցից: Կազակներից:

— Տա՛ աստված: Ընտրեցեք ամենալավին: Տնտղեցեք գեներալներին, ոնց որ ցիգանը ձիերին: Պակասություն չունենա, հա՛-ա:

— Կընտրենք: Դոնումը հլա շատ կան լավ գլուխ ունեցողներ:

— Դրուստ է. խնամի ջան, դրուստ է... Նրանց և հիմարների հո չեն ցանում,— իրենք են բուսնում:— Միրոն Գրիգորևիչը կկոցեց աչքերը, տխրությունը ստվերեց նրա պեպենոտ դեմքը:— Ես միտք ունեի իմ Միտկային մարդ դարձնել, ուզում էի, որ սովորի, սպա դառնա, իսկ նա ծխական դպրոցն էլ չավարտեց, երկրորդ ձմռանը թողեց ու փախավ:

Մի րոպե լռեցին՝ մտածելով իրենց որդիների մասին, որոնք գնացել էին հայտնի չէ ուր,— բոլշևիկներին հետապնդելու: Բրիչկան հա՛ ցնցվում էր խորոզաբոր ճանապարհին. աչ կողմի սևուկը ոտներն իրար էր զարկում, շրխկացնում շմաշված պայտերը. օրորանը ճոճվում էր, ու ինչպես ձկնկիթ արձակող ու զուգավորվող ձկներ, խնամիները կողքերով քամվում էին միմյանց:

— Տեսնես ո՞րտեղ են մեր կազակները,— հոգոց հանեց Պանտելեյ Պրակոֆևիչը:

— Գնացել են Խոպերի կողմը: Կալմիկ-Ֆեդոտկան եկել էր Կումիլթենսկուց, նրա ձին սատկել է: Ասում էր, որ միթամ ճամփա են բռնել Տիշանսկայա ստանիցայի կողմը:

Էլի լռեցին: Քամին պաղեցնում էր մեջքերը: Ետևում, Դոնի մյուս կողմում, արշալույսի վարդագեղ խարույկի վրա

Վեհոքեան ու լռին այրվում էին անտառները, մարգագետինները, լճերը, մերկ բացուտները: Դեղին, շհալած մեղրահացի նման փոված էին ավազոտ բլրակները, ակերին զարնը-վող ալիքների ուզտասապատները դժգունորեն բրոնզի գույն էին անդրադարձնում:

Գարունը հախուռն կերպով էր ընթանում: Անտառների բյուրեղափայլ զմրուխտը արգեն տեղի էր տվել մուգ կանաչ, փարթամ սաղարթին, ծաղկում էր տափաստանը, իջել էին հեղեղված ջրերը՝ գետառում թողնելով բազմաբանակ, պըսպըղան լճակներ, իսկ քարափների տակ դեռևս կավախառն հողին էր կառչել տաքությունից հալչող ձյունը, շողում էր հանդգնորեն ու պայծառ:

Երկրորդ օրվա իրիկնագեմին ժամանեցին Միլլերովո, գիշերեցին ծանոթ մի ուկրաինացու մոտ, որ ապրում էր էլեվատորի կողքին, գորշ փոշիով պատած տեղում: Առավոտյան նախաճաշելով, Միրոն Գրիգորևիչը լծեց ձիերը, գնաց դեպի խանութները: Անարգել անցավ երկաթգծից և այստեղ իր կյանքում առաջին անգամ տեսավ գերմանացիներին: Նրան դեմուդեմ գալիս էին երեք լանդշտրոմիստ: Սրանցից մեկը, որ ցածրահասակ էր, մինչև ականջները աճած գանգուր, շագանակագույն մորուքով, ձեռքը թափահարեց նրա կողմը:

Միրոն Գրիգորևիչը քաշեց երասանները՝ անհանգիստ ու սպասողական ծամծմելով շրթունքները: Գերմանացիները մոտեցան: Բարձրահասակ, պարարտ մի պրուսացի, ժպտալով ու բանալով սպիտակափայլ ատամները, ասաց ընկերոջը:

— Ահա իսկական կազակը: Տե՛ս, սա մինչև իսկ կազակական տարազով է: Սրա տղաները հավանորեն կովել են մեր դեմ: Եկեք սրան կենդանի ուղարկենք Բեռլին: Սա մանանահետաքրքիր էքսպոնատը կլինի:

— Մեզ նրա ձիերն են հարկավոր, իսկ նա թող ջհանձնամը գնա, — առանց ժպտալու պատասխանեց ցածրահասակ, շագանակագույն մորուքով գերմանացին:

Նա վախվխելով շրջանցեց ձիերը, մոտեցավ բրիչկային:

— Վա՛ր իջիր, ծերուկ: Քո ձիերն անհրաժեշտ են մեզ համար, պետք է այս աղացից ալյուր փոխադրենք կայա՛

րան: Ասում եմ քեզ վա՛ր իջիր, է՛: Ձիերիդ համար կգաս պարետի մոտ, կստանաս ձիերդ ու սայլդ. — գերմանացին աչքերով ցույց տվեց աղացը և իր անելիքի նկատմամբ կասկածներ թույլ չտվող ժեստով Միրոն Գրիգորևիչին հրավիրեց վար իջնել:

Մյուս երկուսը ետ նայելով ու ծիծաղելով, քայլեցին դեպի աղացը: Միրոն Գրիգորևիչի դեմքը գորշ-դեղնակարմիր գույն առավ: Երասանները փաթաթելով օրորանի ձողին, նա շահելավարի թուով բրիչկայից, անցավ ձիերի առջևի կողմը:

«Խնամիս չկա, — անցողակի մտածեց նա ու սարսուռ զգաց, — կտանե՛ն ձիերը, թյո՛ւ, ա՛յ քեզ խաթա. սատանան ինձ բերեց այստեղ»:

Գերմանացին, շրթունքներն ամուր սեղմելով իրար, բըռնեց Միրոն Գրիգորևիչի թևքը, նշան արեց, որ նա գնա դեպի աղացը:

— Թո՛ղ, — Միրոն Գրիգորևիչը առաջ անցավ ու է՛լ ավելի սփրթնեց, — դեն տար ձեռներդ, հա՛-ա, չե՛մ տա բրիչկան:

Գերմանացին նրա ձայնից կռահեց պատասխանի իմաստը: Նա հանկարծ գիշատչաբար բացեց բերանը, ցույց տվեց կապտավուն-սպիտակ ատամները, բիբերը սպառնալից կերպով լայնացան, տիրաբար ու ճղճղալով հնչեց նրա ձայնը: Գերմանացին վերցրեց ուսից քարշ արած հրացանի փոկը և այդ ակնթարթում Միրոն Գրիգորևիչը հիշեց իր ջահելությունը. մուշտակովի ժամանակ տրվող հարված հասցրեց նրա թշին, — համարյա առանց թափ առնելու: Գերմանացու գլուխը ճքալով ցնցվեց հարվածից, կզակի վրա կտրվեց սաղավարտի փոկը: Նա ընկավ երեսի վրա ու, փորձելով վեր կենալ, բերանից թանձրացած արյուն դուրս տվեց: Միրոն Գրիգորևիչը մի անգամ էլ խփեց նրա ծոծրակին, նայեց դես-դեն, ու կռանալով, քաշեց ու վերցրեց հրացանը: Այդ պահին նրա միտքը արագ ու անասելի հստակությամբ էր աշխատում: Շուտ տալով ձիերը, նա արդեն գիտեր, որ գերմանացին չի կարող կրակել իր ետևից, ու վախենում էր միայն մի բանից, — շինի՞ր թե ժամապահները իրեն տեսնեն երկաթուղու ցանկապատի մյուս կողմից կամ երկաթգծերից:

Նույնիսկ ձիարշավների ժամանակ էլ սևուկները չէին սլանում այդչափ կատաղի քառատրոփով: Նույնիսկ հարսնառ գնալիս էլ այդքան արագ չէին պտտվում բրիչկայի անիվները: «Տե՛ր իմ, պահպանիր ինձ, ազատիր, տեր իմ. հանուն հոր...» — մտքում կրկնում էր Միրոն Գրիգորեկիչը՝ անդհատ մտրակելով ձիերին: Քիչ մնաց, որ բնածին ազահույնը կործաներ նրան. նա ուզում էր բրիչկան քշել ծանոթ ուկրաինացու տունը, որպեսզի վերցնել ոտների ծածկոցը. բայց բանականությունը հաղթեց, — նա մի կողմ շուռ եկավ: Մինչև Օրեխովայա ավանը քսան վերստ թռչում էր նա, ինչպես հետո ինքն էր ասում, թռչում էր ավելի արագ, քան Նդիա մարգարեն իր կառքով: Օրեխովում հասավ մի ծանոթ ուկրաինացու տունը, ու կիսամեռ-կիսակենդան վիճակում պատմեց տեղի ունեցած դեպքը, տանտիրոջը խնդրեց թաքցնել իրեն և ձիերը: Ուկրաինացին թաքցրեց, բայց նախազգուշացրեց.

— Ես կթաքցնեմ, ամա թե որ ինձ շատ հարցուփորձ արեցին, ես, Գրիգորիչ, տեղդ ցույց կտամ, էլ ուրիշ ճար չունեմ: Տունս կվառեն, վիզս էլ չվան կգցեն:

— Թաքցրու, էլի, ազիզ: Քեզանից շնորհակալ կլինեմ, ինչով որ ուզենաս: Մենակ թե ազատիր մահից, պահիր մի լավ տեղ, քեզ մի հոտի շափ ոչխար կբերեմ: Տասը հատ ամենալավ ոչխարը քեզ նվեր, — խնդրում ու խոստանում էր Միրոն Գրիգորեկիչը՝ բրիչկան քաշելով շարդախի տակ:

Նա հետապնդումից ավելի շատ էր վախենում, քան մահից: Ուկրաինացու բակում մնաց մինչև երեկո, ու մթնեց թե չէ, չբացավ: Օրեխովայից ձգվող ամբողջ ճանապարհով թռչում էր գովածի պես, ձիերից ծով քրտինք ու փրփուր էր թափվում, բրիչկան այնքան արագ էր գնում, որ անիվների ճաղերը աչքիդ միաձուլված էին թվում, և ուշքի եկավ միայն նիժնե-Յաբլոնովսկի խուտորի մոտ: Դեռ այնտեղ չհասած, նստիքի տակից հանեց գերմանացուց գրաված հրացանը, դիտեց փոկը, որի վրա թանաքե մատիտով ինչ-որ բառեր էին գրված, ու թեթևացած ասավ.

— Հը՛, հասա՞ք իմ ետևից. շան որդիք: Ո՛նց չէ, կհասնե՛ք:

Ուկրաինացու համար այնպես էլ ոչխարներ շտարավե

Աշնանն այդ ավանից անցնելիս եղավ նրա մոտ, տանտիրոջ ակնկալող հայացքին պատասխանեց.

— Ոչխարները սատկեցին: Ոչխարների բանը վատ է... Ամա տես, իմ սեփական այգուց քեզ տանձ եմ բերել քո բարության համար: — Բրիչկայից երկու կոտ տանձ թափեց, որը ձխլովել էր ճանապարհին, ու շարաճճի աչքերը մի կողմ դարձնելով, ասաց. — Մեր տանձը լավն է, հա՛-ա... համ ու հոտից չես կշտանա... — ու տանտիրոջը հրածեշտ տվեց:

Այն ժամանակ, երբ Միրոն Գրիգորեկիչը փախչում էր Միլլերովոյից, նրա խնամին ցցվել էր կայարանում: Գերմանական մի երիտասարդ սպա անցաթուղթ գրեց, թարգմանչի միջոցով հարցուփորձ արեց Պանտելեյ Պրակոֆեկիչին, ու վառելով էժան սիգարը, հովանավորական տոնով ասաց.

— Մեկնեցեք, միայն թե հիշեցեք, որ ձեզ խելոք իշխանություն է հարկավոր: Ընտրեցեք նախագահ, ցար, ում ուզենաք, միայն այն պայմանով, որ այդ մարդը գուրկ չլինի պետական մարդու բանականությունից և կարողանա մեր պետության նկատմամբ լոյալ քաղաքականություն վարել:

Պանտելեյ Պրակոֆեկիչը բավական անբարյացակամորեն էր նայում գերմանացուն: Նա հակամետ չէր խոսակցություն ունենալու և, ստանալով անցաթուղթը, իսկույն գնաց տոմս գնելու:

Նովոչերկասկում նրան գարմացրեց երիտասարդ սպաների շատությունը. դրանք խմբերով քայլում էին փողոցներում, նստում ռեստորաններում, գրոսնում օրիորդների հետ, թրևում ատամանի պալատի և դատարանի շենքի մոտ, որտեղ բացվելու էր ներկայացուցիչների ժողովը:

Դեղեգատներին հատկացված հանրակացարանում Պանտելեյ Պրակոֆեկիչը հանդիպեց իրենց ստանիցայից մի քանի հոգու, մի ծանոթի, որ Ելանսկայա ստանիցայից էր: Դեղեգատների մեջ գերակշռում էին կազակները, սպաները շատ չէին, իսկ ստանիցաների ինտելիգենցիայի ներկայացուցիչներն ընդամենը մի քանի տասնյակ էին: Անվատահ դատողություններ էին արվում մարզային իշխանություն ընտրելու մասին: Պարզ էր մի բան, — պետք է ատաման ընտրեն:

Տրվում էին հայտնի կազակ գեներալների անունները, քըն- նարկվում էին թեկնածութունները:

Ժամակցիւ օրվա երեկոյան, թեյից հետո Պանտելեյ Պրակոֆևիչը նստեց իր սենյակում, տնից բերած ուտեստն անուշ անելու: Նա կտոր-կտոր արեց շորացրած ծածան ձուկը, կտրեց հացը: Նրա մոտ նստեցին երկու միգուլինցի, մոտեցան էլի մի քանի մարդիկ: Խոսակցութունը սկսվեց ուղղամական տի դրութունից, հետզհետե անցավ իշխանութ- յան ընտրութուններին:

— Հանգուցյալ Կալեդինից ավելի լավ մարդ չի գտնվի, ողորմի՛ նրա հոգուն, — հոգոց հանեց գորշաճերմակ մորուքով մի շումիլինցի:

— Համարյա թե, — համաձայնեց մի ելանցի:

Խոսակցությանը ներկա գտնվողներից մեկը, Բերսերգե- նեսկայա ստանիցայի դելեգատը, որը փոխ-յասավուլ էր, մի փոքր տաքացած ասաց.

— Ինչպե՞ս թե համար մարդ չկա: Ի՞նչ եք ասում, պա- րոններ. հապա գեներալ Կրասնովը:

— Այդ ի՞նչ Կրասնով է:

— Այսինքն ո՞նց թե ինչ: Ամոթ չէ՞ այդ հարցնել, պա- րոններ: Հուշակավոր գեներալ է, Երրորդ հեծյալ կորպուսի հրամանատար, խելացի, գեորգևյան կավալեր, տաղանդա- վոր զորավար:

Փոխ-յասավուլի հիացական, կրքոտ խոսքը վրդովեց մի դելեգատի, որը ուղղամական զորամասերից մեկի ներ- կայացուցիչն էր:

— Իսկ ես ձեզ փաստացի եմ ասում՝ մենք գիտե՛նք նրա տաղանդը: Անպետք գեներալ է: Գերմանական պատե- րազմում իսկի էլ աչքի չընկավ: Թե որ ռուսացիան չլիներ, նա բրիգադի հրամանատարութունից դենը չէր գնա:

— Ինչե՞ր եք ասում, ա՛յ մարդ, դուք, ուրեմն, չեք ճա- նաչում գեներալ Կրասնովին: Ծվ հետո, առհասարակ, ինչ- պե՞ս եք համարձակվում նման բաներ ասել բոլորի կողմից հարգված գեներալի մասին: Դուք ամենայն հավանականու- թյամբ մոռացել եք, որ շարքային կազակ եք:

Փոխ-յասավուլը շախջախիչ կերպով շեշտում էր սառ- յալ

ցե խոսքերը, ու կազակը շփոթվեց, վախեցավ, ձայնը ցած- րացնելով կմկմաց.

— Ես, ձերդ բարեծննդութուն, իմ գիտեցածն եմ ասում, — ծառայել եմ նրանց հրամանատարության տակ... Ավստրական ֆրոնտումը նա մեր գունդը փշալարերի վթա նստեցրեց: Դրա համար էլ մենք նրան անպետք ենք համա- րում... Ասենք, ո՞վ գիտի... Կարելի է բանը այդպես չի...

— Բա ինչի՞ համար են նրան գեորգի տվել, հը՞, սար- սաղ, — Պանտելեյ Պրակոֆևիչը քիչ մնաց կուլ տար ծածա- նի ոսկորը. հազարով և այն ետ տալով: Հարձակվեց ճակա- տայինի վրա. — սարսաղութունից ձեռ չեք քաշում, բոլորին պախարակում եք, բոլորն էլ վատ են ձեզ համար... Տեսե՛ք թե գլխներից ինչ մոդա են հանել, է՛: Որ քիչ խոսեիք, հո այսպիսի ավերմունք չէր լինի: Խելքի ծով եք դառել, էլի՛, փչաններ:

Զերկասկը, Դոնի ստորին ավազանի բոլոր կազակները ամուր կանգնած էին Կրասնովի կողմը: Գեորգևյան շքանշա- նակիր գեներալը ծերունիների սրտովն էր. ճապոնական պատերազմի ժամանակ շատերը ծառայել էին նրա հետ: Սպաներին հրապուրում էր Կրասնովի անցյալը. գվարդիա- կան էր, բարձր դասին պատկանող, փայլուն կերպով կքրթ- ված գեներալ, եղև էր արքունիքում և նորին կայսերական մեծության շքախմբում: Լիբերալ ինտելիգենցիային բավա- րարում էր այն հանգամանքը, որ Կրասնովը ոչ միայն գե- ներալ էր, ռազմական գործի մեջ մարգված մարդ, այլև, ինչքան շլիներ, նաև գրող էր, սպայության կենցաղի վերա- բերյալ նրա պատմվածքները, որոնք տպվում էին «Նիվա»-ի՝ հավելվածներում, հաճույքով էին կարդացվում. և քանի որ գրող էր, ուրեմն, այնուամենայնիվ, կուլտուրական մարդ էր:

Հանրակացարանում թունդ ագիտացիա էր մղվում Կրաս- նովի օգտին: Նրա կերպարի առջև նսեմանում էին մյուս գեներալների անունները: Կրասնովին կողմնակից սպաները Աֆրիկան Բոգաևսկու մասին շնշալով լուրեր էին տարա-

1 «Նիվա» — պատկերազարդ շաբաթաթերթ (ամսագիր), որ հրատա- րակվում էր Պետերբուրգում, 1870—1917 թթ.:

ծում, որ իբր թե Բողակակին ու Դենիլինը մի շաշկա-լոժկո են, ու եթե Բողակակին ատաման ընտրվի, ապա հենց ու ջախջախեն բոլշևիկներին ու մտնեն Մոսկվա, վե՛րջ կլինի կազակական բոլոր արտոնություններին և ինքնավարությանը:

Կային նաև Կրասնովի հակառակորդներ: Մի ուսուցիչ ղեկեզատ փորձում էր արատավորել գեներալի անունը, բայց անհաջող: Ուսուցիչը մտնում էր ղեկեզատների սենյակները, թունալից կերպով, մոծակի պես բզզում կազակների մազակալած ականջներին.

— Կրասնովը: Եվ բոսոտ գեներալ է, և անպետք գրող: Պալատում թրև եկած, բժնող մարդ է: Մի մարդ, որը ուզում է, այսպես ասած, թե՛ ազգային կապիտալ ձեռք բերել և թե՛ դեմոկրատական անմեղություն պահպանել: Ա՛յ, կտեսնեք, Դոնը կծախի հենց առաջին գնորդին: Գծում մարդ է: Իբրև քաղաքագետ, զրոյի է հավասար: Պետք է Ագեկին ընտրել: Նա բոլորովին ուրիշ մարդ է:

Բայց ուսուցիչը հաջողություն չէր գտնում: Ու երբ, մայիսի մեկին, ժողովի բացման երրորդ օրը, գոչում էին.

— Հրավիրե՛լ գեներալ Կրասնովին:

— Խնդրում ենք...

— Խոնարհաբար...

— Իող գա՛:

— Մեր պարծա՛նքն է:

— Թող գա պատմի մեզ իր կյանքից— ամբողջ ընդարձակ դահլիճը թնդաց:

Սպաները ուժգին ծափահարեցին, ու, նայելով նրանց, թույլ, ցածրաձայն ծափահարեցին նաև կազակները: Նրանց սև, աշխատանքից կոշտացած ձեռներից շոր, ճքճքան, կարելի է ասել՝ նույնիսկ անհաճելի ձայն էր ստացվում, որը խորապես տարբերվում էր ծափահարությունների այն մեղմ երաժշտությունից, որ առաջացնում էին օրիորդների ու տիկիների, սպաների և վերնասրահում ու միջանցքներում հավաքված աշակերտների ձեռնափերի փափլիկ բարձիկները:

Իսկ երբ հանդիսավոր կերպով, կորովի տեսքով բեմ ելավ բարձրահասակ, իր տարիքին անհամապատասխան

վայելչատես, գեղեցիկ գեներալը, որ համազգեստով էր, խաչերի ու մեդալների խիտ ծածկոցով, էպուլետներով և գեներալական այլ տարբերանշաններով,— դահլիճը ծածկվեց ծափերի ալյակներով, բացականջություններով: Մափերը օվացիայի վերածվեցին: Ցնծության փոթորիկ բարձրացավ ղեկեզատների շարքերից: Այդ գեներալի մեջ, որ կանգնել էր գրգռված, հուզված դեմքով ու նկարվելու դիրք ընդունած, շատերը տեսան կայսրության երբեմնի հզորության աղոտ արտացոլումը:

Պանտելեյ Պրակոֆևիչը արտասվեց ու երկար խնչում էր գլխարկից հանած կարմիր թաշկինակի մեջ: «Ամա՛ թե գեներալ է, հա՛-ա, Իսկույն երևում է, որ կարգին մարդ է: Ոնց որ կայսրն ինքը, երևելի տեսքով է: Ասես նման լինի հանգուցյալ Ալեքսանդրին»,— մտածում էր նա՝ գորովագին դիտելով բեմի վրա կանգնած Կրասնովին:

Ժողովը, որ կոչվեց «Դոնի փրկության ժողով», ընթանում էր անշտապ: Ժողովի նախագահ յասավուլ Յանովի առաջարկով որոշում ընդունվեց ուսադիրներ և զինվորական կոշման համապատասխան բոլոր տարբերանշանները կրելու մասին: Կրասնովը հանդես եկավ փայլուն, վարպետորեն հորինված ճառով: Նա զգացված խոսում էր «բոլշևիկների կողմից անարգված Ռուսաստանի» մասին, նրա «նախկին հզորության», Դոնի բախտի մասին: Պատկերելով առկա դրությունը, կարճ շոշափեց գերմանական օկուպացիան և աղմկալից հավանություն առաջացրեց, երբ ճառը վերջացնելիս պաթոսով խոսեց բոլշևիկների պարտությունից հետո Դոնի մարզի ինքնուրույն գոյության մասին:

— Կազակ ներկայացուցիչների տիրակալ ժողովը կկառավարի՝ Դոնի մարզը: Ռեկուլցիայով ազատագրված կազակությունը կվերականգնի կազակական կյանքի ամբողջ հինավուրց, սքանչելի կացութաձևը, և մենք, ինչպես հնում մեր նախնիները, լիահնչուն, հաստատուն ձայնով կասենք՝ «Բարև, սպիտակ ցար, զու կայժքարս Մոսկվայում ես, իսկ մենք՝ կազակներս, Խաղաղ Դոնում»:

Մայիսի 3-ին, երեկոյան նիստում, հարյուր յոթը ընդդեմ երեսունի և տասը հոգու ձեռնպահությունով կան ատաման ընտրվեց գեներալ-մայոր Կրասնովը:



յասավուլի ձեռքից նա շընդունեց ատամանական փետրազարդ գավազանը՝ առաջադրելով մի պայման—հաստատել իր կողմից ժողովին առաջարկված հիմնական օրենքները և իրեն օժտել ատամանական անսահմանափակ իշխանությամբ:

— Մեր երկիրը կործանման նախօրյակն է ապրում: Ես գավազանը կվերցնեմ միայն այն պայմանով, երբ լիակատար վստահություն լինի դեպի ատամանը: Իրադարձությունները պահանջում են աշխատել վստահորեն և կատարելիք պարքի բերկրալից գիտակցությամբ, երբ գիտես, որ կազակ ներկայացուցիչների ժողովը, Դոնի կամքի գերագույն արտահայտիչը վստահում է քեզ, երբ կսահմանվեն իրավական հաստատուն նորմաներ՝ ի հակակշիռ բուլշեիկյան անարխիայի և սանձարձակության:

Կրասնովի առաջարկած օրենքները նախկին կայսրության հապճեպորեն շուռ տված, մի քիչ ռեստավրացիայի ենթարկված օրենքներն էին: Ժողովն էլ ինչպե՞ս շընդունեք դրանք: Ուրախությամբ ընդունեցին: Ամեն ինչ, նույնիսկ անհաշող վերափոխված դրոշակը նախկինն էր հիշեցնում. երկայնակի կապույտ, կարմիր ու դեղին զուլեր (կազակներ, գյուղացիներ, կալմիկներ), և միայն կառավարական գերբը, որպես ազգային ոգու արտահայտություն, արմատական փոփոխության ենթարկվեց. գիշատիչ երկզվաանի արծվի փոխարեն, որ տարածել էր թևերը ու շուկ մագիլները, պատկերված էր մի մերկ կազակ, փափախը գլխին, թրով: Տրացանով ու հանդերձանքով, գինու տակաոխն նստած:

Քծնող, միամիտ դելեգատներին մեկը շողորթությունով հարց տվեց.

— Գուցե նորին գերզանցությունը կառաջարկի որևէ բան փոխել կամ ձևափոխել իրեն հիմք ընդունված օրենքների մեջ:

Կրասնովը, ողորմածաբար ժպտալով, իրեն թույլ տվեց կատակ անել: Նա խոստումնալից կերպով նայեց ժողովի անդամներին և ընդհանուր ուշադրությունից հեռու առած մարդու ձայնով պատասխանեց.

— Կարող եմ: Խոսքս որոշակի, գերբի ու հիմնի վերաբերյալ քառասունութորոգ, քառասունիններորդ և հիսունե-

րորդ հոդվածների մասին է: Դուք կարող եք ինձ առաջարկել որևէ դրոշակ, բացի կարմիր դրոշակից, որևէ գերբ, բացի հրեական հնգաթև աստղից կամ այլ մասունական նշանից, և որևէ հիմն, բացի «Ինտերնացիոնալից»:

Ժողովը ծիծաղելով հաստատեց օրենքները: Ատամանի կատակը հետո երկար ժամանակ բերանից բերան էր անցնում:

Մայիսի 5-ին ժողովը արձակվեց: Հնչեցին վերջին ճառերը: Հարավային զորախմբերի հրամանատար գնդապետ Դենիսովը, Կրասնովի աջ ձեռքը, խոստացավ ամենակարճ ժամանակամիջոցում վերջ տալ բուլշեիկյան խռովությանը: Ժողովի անդամները ցրվեցին հանգստացած, թե՛ ատամանի հաջող ընտրությամբ և թե՛ ռազմաճակատից ստացվող ամփոփագրերով ուրախացած:

Պանտելեյ Պրակոֆևիչը Դոնի մայրաքաղաքից գնում էր խորին հուզմունքով, բուն բերկրանքով լեցուն: Նա հաստատ համոզված էր, որ փետրազարդ գավազանը հուսալի ձեռք է ընկել, որ շուտով կջարդեն բուլշեիկներին, և իր գավակները տուն կվերադառնան: Մերոնին նստել էր վագոնի պատուհանի մոտ, հենվել փոքրիկ սեղանին. ականջներում դեռ հնչում էին Դոնի հիմնի հրածեշտի ձայները, կենարար խոսքերը թափանցում էին մինչև գիտակցության խորքը, ու թվում էր, որ իրոք, ինչպես հարկն է, ռարժվել, հուզվել է խաղաղ Դոնը ուղղափառ»:

Բայց նովոչերկասկից մի քանի վերստ հեռանալով, Պանտելեյ Պրակոֆևիչը պատուհանից տեսավ բավարական հեծելազորի առաջապահ պոստերը: Մի խումբ հեծյալ գերմանացիներ երկաթգծի կողքից գալիս էին դեպի գնացքը: Ձիավորները հանգիստ նստել էին թամբերին. պարարտ, լայնագավակ ձիերը թափահարում էին կարճ կտրած պոչեզրը, պլպլում էին պայծառ արևի տակ: Թեքվելով պատուհանին, տխրությամբ կիտելով հոնքերը, Պանտելեյ Պրակոֆևիչը նայում էր, թե ինչպես գերմանական ձիերի սմբակները հաղթականորեն, վեր-վեր թռչելով, կոխտում են կազազ կական հողը, ու հետո երկար, տխուր կուշ էր գալիս, ֆրստում՝ լայն մեջքը դարձնելով դեպի պատուհանը:

Դոնի մարզից Ուկրաինայի վրայով սլանում էին գնացքները, կարմիր վագոններով ցորենի ալյուր, յուղ, ձու, եզներ տանում Գերմանիա: Վագոնների հարթակների վրա կանգնած էին լինում գերմանացիներն անհովար գլխարկներով, գորշկապույտ սերթուկներով, հրացանների ծայրերին ամրացված սվիններով:

Դեղին կաշուց կարված, լավորակ, պայտած կրունկներ ունեցող գերմանական սապոգները տոփանում էին Դոնի ճանապարհները, բավարական հեծելազորը ջրում էր ձիերը Դոնում... Իսկ Ուկրաինայի սահմանում երիտասարդ կազակները, որոնք Պերսիանովկայում հենց նոր էին ավարտել ուսուցումը ու ծառայության կանչվել, կովում էին պետլյուրականների դեմ: Դոնի կազակական 12-րդ, նոր հավաքած գնդի համարյա կեսը կոտորվեց Ստարոբելսկի մոտ՝ ուկրաինական տերիտորիայից մի ավելորդ կտոր նվաճելով մարզի համար:

Հյուսիսում Ուստ-Մեդվեդիցկայա ստանիցան ձեռքից ձեռք էր անցնում. Միրոնովը Գլազունովսկայա, Նովո-Ալեքսանդրովսկայա, Կումիլժենսկայա, Սկուրիշենսկայա և այլ ստանիցաների խոտորներից իր մոտ հավաքված կարմիրզավարդիականների ջոկատով գրավում էր այն, իսկ մի ժամից հետո սպա Ալեքսեևի սպիտակ պարտիզանների ջոկատը նրան դուրս էր քշում, ու փողոցներում երևում էին ջոկատի կազրերը կազմող զիմնագիստների, ռեալականների, սեմի-նարիստների շինելները:

Հյուսիսում Վերին Դոնի կազակները հոծ խմբերով ստանիցայից ստանիցա էին անցնում: Միրոնովը հեռանում էր Սարատովի նահանգի ուղղությամբ: Կարմիրները թողել էին խոպերի համարյա ամբողջ օկրուգը: Ամառվա վերջում Դոնի բանակը, որ բաղկացած էր զենք կրելու ընդունակ ամեն հասակի կազակներից, կանգ առավ սահմանների վրա: Ծանապարհին վերակազմակերպվելով, Նովոչերկասկից ժամանող սպաներով համալրված, բանակը իսկական բանակի բնույթ էր ստանում. միացվում էին ստանիցաներից եկած, փոքրաթիվ զուգազները. վերականգնվում էին առաջվա կա-

նոնավոր գնդերը՝ գերմանական պատերազմից ողջ մնացած նախկին կազմով. գնդերից զիվիզիաներ էին կազմվում. շտաբներում խորունժիներին փոխարինեցին փորձառու զենդապետները. հետզհետե փոխվեց նաև պետերի կազմը:

Ամառվա վերջում մարտական միավորները, որոնք բաղկացած էին Միգուլինսկու, Մեշկովսկու, Կազանսկու և Շումիլինսկու կազակների հարյուրյակներից, գեներալ-մայոր Ալֆերովի հրամանով անցան Դոնի մարզի սահմանը ու գրավելով Դոնեցկոյեն, — Վորոնեժի նահանգի սահմանամերձ առաջին ավանը, — պաշարեցին գավառական Բոգուշար քաղաքը:

Արդեն շորս օր էր, որ Տատարսկիի կազակների հարյուրյակը Պետրո Մելեխովի հրամանատարությամբ խուտորների ու ստանիցաների միջով գնում էր Ուստ-Մեդվեդիցկու օկրուգի հյուսիսային կողմը: Հեռվում, նրանց աջ կողմից, առանց կովի բռնվելու, Միրոնովը շտապ նահանջում էր դեպի երկաթգիծը: Ամբողջ ժամանակվա ընթացքում նրանք շտեսան հակառակորդին: Օրվա ընթացքում քիչ տարածություն էին անցնում: Պետրոն, ինչպես և բոլոր կազակները, առանց պայմանավորվելու որոշել էին, որ հարկ չկա շտապել դեպի մահը, և օրվա ընթացքում երեք տասնյակ վերստից ավելի շէին անցնում:

Հինգերորդ օրը մտան Կումիլժենսկայա ստանիցան: Դունդուկով խուտորում անցան խոպերը: Մոծակները մարմաշե վարագույրի նման պատել էին մարգագետինը: Քանի գնում սաստկանում էր նրանց անլուելի բզզոցը: Բյուրավոր մոծակները թռչկոտում, պտույտ էին գալիս, լցվում հեծյալների ու ձիերի ականջները, աչքերը: Ձիերը նեղվում էին, փնչում, կազակները պաշտպանվում էին ձեռներով, անդադար ծիռում իրենց տնտեսություններում մշակված ծխախոտը:

— Ա՛յ քեզ օյին, անիծված մոծակներ, — բղավեց իրիստոնյան. թևքով սրբեց արցունքված աչքերը:

— Մտավ ա՛ջբղ, հա՛, — ժպտաց Գրիգորին:

— Աչքս կսկծում է: Ուրեմս թունավոր է այս զզվելի մժղուկը:

Ճմլելով կարմրած կոպի իրիստոնյան կոշտ մատը

տարավ աչքի խնձորի վրայով. շրթունքներն ուռցրած, ձեռքի արտաքին կողմով երկար տրորեց աչքը:

Գրիգորին գնում էր նրա կողքից: Արշավանքի դուրս գալու օրից նրանք միասին էին լինում: Նրանց միանում էր նաև Անիկուշկան, որը վերջին ժամանակներում հաստացել էր ու դրանով է՛լ ապելի էր կնոջ նմանվում:

Ջոկատը լրիվ հարյուրյակից էլ պակաս էր: Պետրոյի օգնականը վախժիստը կատիշն էր, որը Տատարսկի խուտորի փեսա էր դարձել: Գրիգորին դասակի հրամանատար էր: Նրա դասակի համարյա բոլոր կազակները խուտորի ստորին ծայրից էին. դրանց թվին էին պատկանում հրիստոնյան, Անիկուշկան, Տեդոտ Բոզովսկովը, Մարտին Շամիլը, Իվան Տամիլինը, երկարահասակ Բորշևը, անճոռնի ու դանդաղ-կոտ Ջախար Կովալյովը, Պրոխոր Զիկովը: գնչուի ազգական Մերկուլովը, Եպիֆան Մակսանը, Եգոր Սինիլինը ու էլի մի տասնհինգ հոգի հասակակից երիտասարդներ:

Երկրորդ դասակի հրամանատարը Նիկոլայ Կոշևոյն էր, երրորդինը՝ Յակով Կուլովեյդինը և չորրորդինը՝ Միտկա Կորշունովը, որ Պաղտյուկովի մահապատժից հետո գեներալ Ալֆերովի հրամանով շտապ կարգով ավագ ուրյադնիկի կոչում էր ստացել:

Հարյուրյակը ընթանում էր արագ վարգով: Ճանապարհը շրջանցում էր ջրով լցված ճահիճները, իջնում բոշխով և ուռենիներով ծածկված ձորահովիտները, ձգվում մարգագետիններով:

Հետին շարքերում բամբ ձայնով քրքջում էր Յակով Պաղ-կովան, բարակ ձայնով նրան արձագանքում էր Անդրյուշկա Կաշուլինը, որ նույնպես ուրյադնիկի թելեր էր ստացել, դրանք վաստակել Պաղտյուկովի զինակիցների արյունը թափելու համար:

Պետրո Մելեխովը ու կատիշևը իրար կողքի էին գնում: Նրանք կամացուկ զրուցում էին: կատիշևը տնտղում էր նոր Բրափունջը, Պետրոն ձախ ձեռքով թիմարում էր ձին. քորում դրա ականջների արանքը: Ուռուցիկ այտեր ունեցող կատիշևի դեմքին խաղում էր ժպիտը, նոսր բեղերի տակից երևում էին ծխախոտից սև-դեղնավուն գույն ստացած, սուր պսակներ ունեցող ատամները:

Բոլորի ետևից խայտարղևտ, փոքրիկ զամբիկով գնում էր Անտիպ Ավդեևիչը, Փշանի տղան, որին կազակները «Անտիպ Փշանով» մականուն են էին կպցրել:

Կազակներից ոմանք զրուցում էին, ոմանք էլ. խախտելով շարքերը, գնում էին հինգ մարդ իրար կողքի, մնացածները ուշադրութամբ դիտում էին անծանոթ վայրերը, ալեթթթուն լճակներով կտրատված մարգագետինը, բարդինների և ուռիների կանաչ ցանկը: Հանդերձանքից երևում էր, որ կազակները հեռավոր վայրեր էին գնում. թամբերի տուրակները ուռճացած էին իրերից, հակերը լիքն էին, ամեն մեկի շինելը հոգատարութամբ կապված էր թամբի ետին կողմի փոկերով: Նույնն էր ցույց տալիս նաև ձիասարքը. յուրաքանչյուր փոկը մերակված էր ձյութալարով, ամեն ինչ ամուր կարված էր, քայքայած, նորոգած: Եթե մի ամիս առաջ հավատում էին, թե պատերազմ չի լինի, ապա այժմ գնում էին այն հլու, անուրախ գիտակցութամբ, որ արյունահեղութունն անխուսափելի է: «Այսօր կաշի դրուց է, թակ վաղը գուցե ազոալները շոլում դաբաղեն այն», — մտածում էր ամեն մեկը:

Անցան Կրեպի խուտորից: Աջ կողմից երևում էին եղեգնով ծածկված, իրարից հեռու խրճիթները: Անիկուշկան շալվարի գրպանից հանեց մի կարկանդակ ու գիշատչաբար բանալով մանր, կտրիչ ատամները, կծեց դրա կեսը, սկսեց ծամել. նապաստակի պես անհանգիստ շարժել ծնոտները՝ հրիստոնյան շեղակի նայեց նրան:

— Սովա՞ծ ես, հը՞:

— Բա ո՞նց... Կնկաս թխածն է:

— Ա՛մա թե զխտվում ես, հա՛-ա: Ուրեմս քո փորը խոզի փոր է:— Նա դարձավ դեպի Գրիգորին և ինչ-որ բարկացկոտ ու գանգատվող ձայնով շարունակեց. — Ինչքա՛ն է զխտվում գրողի տարածը: Ոնց էլ տեղավորո՞ւմ է փորի մեջ: Այս քանի օրը մտիկ եմ անում նրան ու թուրք սառում է. ինքը, ուրեմս, ջանով չէ, ամա լափում է ու լափում, ոնց է՛լ չի տրաքվում:

— Իմ ունեցածն եմ ուտում, աղբեր: Իրիկունը մի ոչխար կուտեմ, առավոտն էլ շուտ կսովեմ: Մենք ամեն մի

համով բան անուշ ենք անում: Մեզ ամեն բան էլ օգուտ է տալիս, ինչ որ բերաններս է գալիս:

Անհիկուշկան բռնում էր ու Գրիգորիին աչքով անում իրիստոնյայի կողմը. վերջինս բարկացած թքեց:

— Պետրո Պանտելեև, ո՞րտեղ ես գիշերում: Տեսնո՞ւմ ես, ձիերը բեզարել են,— բղավեց Տամիլինը:

Նրան պաշտպանեց Մերկուլովը.

— Գիշերելու ժամանակն է: Արևը մայր է մտնում:

Պետրոն թափահարեց մտրակը:

— Կգիշերենք Կլյուշիում: Գուցե թե մինչև Կումիլգի էլ հասնենք:

Մերկուլովը ժպտաց սև, խուճուճ մորուքի տակին, փքսփսաց Տամիլինի ականջին.

— Ուզում է Ալֆերովի աչքը մտնել, շա՛ման-որդի. վառ-զում է...

Մեկը Մերկուլովի մազերը խուզելիս շարաճճիաբար փըշացրել էր նրա փարթամ մորուքը, կարճացրել, ծուռ սեպի տեսք էր տվել դրան: Մերկուլովը մի նոր, ծիծաղելի տեսք ունեւր, հենց այդ էլ մշտական կատակների առիթ էր դարձել: Տամիլինն այստեղ էլ չզսպեց իր լեզուն.

— Իսկ դու աչք մտնող չե՞ս:

— Ի՞նչ եմ արել որ:

— Մորուքդ գններալի պես ես կտրել: Երևի կարծում ես, որ եթե գններալի մորուքի պես կտրեցիր, քեզ միանգամից դիվիդիա՞ կտան, հա՞: Փայլող շատ չի՞ լինի:

— Հիմա՛ր, սատանա՛: Քեզ լուրջ բան են ասում, իսկ դու ա՛յ թե որ կողմն ես ծռում:

Միծաղելով ու խոսակցելով մտան Կլյուշի խուտորը: Բնակարաններ գտնելու համար առաջուց ուղարկված Անդրյուշկա Կաշուլինը ծայրամասի մի տան մոտ դիմավորեց հարյուրյակին:

— Մեր դասակը թող գա իմ ետևից: Առաջին դասակի համար—հրեն այն երեք տունը, երկրորդին—ձախ կողմը, երրորդին—հրեն այն տունը, որտեղ ջրհոր կա, ու էլի մյուս շորս տունը, որ իրար կողքի են:

Պետրոն ձիով մոտեցավ նրան:

— Ոչինչ չլսեցի՞ր: Հարցրի՞ր:

— Այստեղ նրանց հոտն էլ չի գալի: Ամա գիտե՞ս ինչ, ա՛յ տղա, այստեղ անհաշիվ մեղր կա: Մի պառավ երեք հարյուր փեթակ ունի: Գիշերս անպատճառ մեկնումեկը կճղենք:

— Դեհ, դեհ, մի՛ դուրս տա, թե չէ ես քեզ ճղել ցույց կտամ:

Պետրոն նոթերը կիտեց, մտրակեց ձին:

Տեղավորվեցին: Ձիերը կապեցին: Մթնեց: Տառտերերը կազակներին իրիկնահաց տվին: Բակերում նախորդ տարում կտրված լաստենիների վրա նստոտեցին եկվորներն ու խուտորի կազակները: Խոսեցին դեսից-դենից ու գնացին քնելու:

Առավոտյան մեկնեցին խուտորից: Համարյա հենց Կումիլժենսկու մոտ հարյուրյակի ետևից հասավ մի հատուկ սուրհանդակ: Պետրոն բացեց ծրարը, երկար կարդաց՝ ճոճվելով թամբի վրա, թուղթը լարվածորեն ձեռքում պահած. — ասես դա ծանրություն լիներ: Գրիգորին մոտեցավ նրան:

— Հրամա՞ն է:

— Ըհը՛մ:

— Ի՞նչ են գրում:

— Նոր բան... Հրամայում են հանձնել հարյուրյակը: Իմ բոլոր հասակակիցներին ետ են կանչում, Կազանկայում Քսանութբորդ գունդ են կազմում: Հրետանավորներին ու գնդացրորդներին է՛լ են կանչում:

— Բա մնացածնե՞րը:

— Այստեղ գրված է՝ «Արժենովսկում անցնել Քսանբուկուերորդ գնդի հրամանատարի տրամադրության տակ: Անմիջապես գնալ»: Մի տե՞ս, է՛,— «անմիջապես»:

Մոտեցավ Լատիշևը, Պետրոյի ձեռքից վերցրեց հրամանը: Թուղթը շեղակի պահած, շարժելով հաստ, պիրկ շըրթունքները, կարդաց հրամանը:

— Գնացի՛նք,— բղավեց Պետրոն:

Հարյուրյակը շարժվեց, գնաց քայքայով: Կազակները, ետ դարձնելով գլուխները, ուշադրությամբ նայում էին Պետրոյին, սպասում, թե նա ինչ կասի: Կումիլժենսկում Պետրոն հայտարարեց հրամանը: Տարեց կազակներն իրար անցան թյատրաստվելով ետ գնալու: Որոշեցին ցերեկը հանգստա-

զակությունը նրանց դեմ է, ես էլ դեմ եմ: Չեմ ուզում նրան հակառակ գնալ ու շեմ գնալ: Որ դրուստն ասեմ... միտք էլ շունի նրանց կողմն անցնել, իմ ու նրանց ճամփաները տարբեր են:

— Թո՛ղ այդ խոսակցությունը, — հոգնած խնդրեց Գրիգորին:

Ամուր քայլերով, ուսերը ճոճելով, նա առաջինը գնաց դեպի իր բնակարանը:

Գարսյասի մոտ Պետրոն ետ մնաց, հարցրեց.

— Ի՞նչ ասա, որ ես գիտենամ... ասա, Գրիշկա, հո չե՞ս անցնի նրանց կողմը:

— Հազիվ թե... Չգիտեմ:

Գրիգորին պատասխանեց դժկամորեն, ալարկոտությամբ: Պետրոն հոգոց հանեց, բայց էլ ոչինչ չհարցրեց: Նա հուզված, գլխիկոր հեռացավ: Թե նրա և թե Գրիգորիի համար մի բան բոլորովին պարզ էր. այն շավիղները, որ առաջ միացնում էին նրանց, այժմ պատել էին անանցելի մացառներով, անկարելի էր իմանալ Գրիգորիի գաղտնի մտքերը: Այդպես ձորակի վերևից, թեք լանջով ձգվում է այժմերի կճղակներով հարթված, ոլոր-մոլոր արահետը, ու հանկարծ շուտ գալով, շքանում է ձորակի հատակում, ասես կտրվում է ու էլ ճանապարհ չկա, առջնում պարսպվել է բուխրի անանց մացառուտը, փակուղի առաջացրել:

...Հետևյալ օրը Պետրոն հարյուրյակի կեսը ետ տարավ դեպի Վեշենսկայա Մնացածները, երիտասարդները, Գրիգորիի հրամանատարությամբ գնացին Արժենովսկու կողմը:

Առավոտից անխնա վառում էր արևը: Տափաստանը եփվում էր գորշ մուժում: Նտևում կապույտին էին տալիս հոպերին մոտիկ զմրուխտաբող լեռնաճյուղերը, փովել էին շաֆրանե ավազուտները: Հեծյալների տակին շորորալով քայլում էին քրտնած ձիերը: Կազակների դեմքերը արևից սևացել, գունաթափվել էին: Թամքերի բարձերը, ասպանդակները, սանձերի մետաղե մասերը այնքան էին տաքացել, որ չէր կարելի շոշափել: Անտառում էլ զովություն չէր մնացել. — խեղդուկ տոթ էր ու անձրև էր սպասվում:

Մոռյալ տխրությունը գերել էր Գրիգորիին: Ամբողջ օրը նա օրորվում էր թամքի վրա, անկապ մտածում գալիքի մա-

սին. մտքում տնտղում էր Պետրոյի խոսքերը՝ ինչպիս տրնա-տրղում են մանյակի ուլունքները, ու թախծում էր դառնապես: Օշինդրի բարկ, շժմեցնող բույրը չորացնում էր նրա շուրթերը, ճանապարհը մշուշվել էր տապով: Արևի տակ երեսն ի վեր փովել էր թուխ-ոսկեհուր տափաստանը: Սուրում էին շոր քամիները, ճմլում փշոտ խոտաբույսերը, քրշում ավազն ու փոշին:

Իրիկնադեմին թափանցիկ մուժը վարագուրեց արևը: Երկինքը խամրեց, գորշացավ: Արևմուտքում խիտ ամպեր երևացին: Նրանք կանգնած էին անշարժ, կախ ընկած ծայրերով կաթնել էին հորիզոնի անորոշ, նրբահյուս դծին: Հետո սահեցին հողմավար, ահեղորեն, բոլորովին ցածրից քարշ տալով թուխ սյուները, շաքարի նման սպիտակին էին տալիս նրանց կլորավուն կատարները:

Ջոկատը երկրորդ անգամ անցավ Կուսիլգա գետակը, մտավ բարդու անտառի գմբեթի տակ: Տերևները քամուց երերվում էին, կաթնա-կապտավուն գույն առնում, ներդաշնակորեն ու թավ սոսափում: Հեռու-հեռվում, հոպերի մյուս կողմում ամպի բիլ-ճերմակ փեշի տակից թափվում էր սե գետինը հատում շեղակի, կարկտախառն անձրևը, որ գուտևորված էր ծիածանի նրբերանգ լաթազոտիով:

Գիշերեցին մի փոքրիկ, ետ ընկած խուտորում: Գրիգորին տեղավորեց ձին, գնաց մեղվանոց: Դրա տերը գուռամած, գանգրահեր մի կազակ, մորուքից դեն տալով մեղուները, անհանգիստ առայց Գրիգորիին:

— Այս փեթակը նոր եմ գնել: Բերեցի այստեղ, ու չգիտեմ ինչու բոլոր մատղաշ մեղունները կոտորվեցին: Տեսնում ես, մեղունները տանում են նրանց, — կանգ առնելով մի փեթակի, — մեջը փորած գերանի մոտ, նա ցույց տվեց դրա անցքը: մեղունները անդադար դուրս էին բերում մատղաշների փոքրիկ դիակները, դրանք տանում խուլ բզզոցով:

Տանտերը ցավազին կկոցեց խարտյաշ աչքերը. դառնացած ճպճպացրեց շրթունքները: Նա քայլում էր անհամաշափ, անհանգիստ, ու անճոռնի կերպով թափահարում ձեռները: Լինելով չափից դուրս արագաշարժ, կոպտամարմին, կցկտուր ու հապճեպ շարժումներ կատարող, նա ինչ-օր անհանգստություն էր առաջացնում և ավելորդ էր թվում

մեզ վանոցում, ուր մեղուների հսկայական կողեկտիվը շափած ու ձևած, կանոնավոր, դանդաղ ու խելացի աշխատանք էր կատարում: Գրիգորին անբարյացակամության թեթև զգացումով հետամուտ էր լինում նրան: Այդպիսի զգացում էր ակամայից առաջացնում պոռթկումներով լեցուն, տարեց, թիկնավետ կազակը, որը ճոճուսն ձայնով ու արագ էր խոսում:

— Այս տարի մեղուն լավ է հյութեր հավաքում: Մոթորը հիանալի է ծաղկել, նրանից են հյութ բերում: Արկղերն ավելի լավ են փեթակի համար, քանց ջոթուկները: Սկզբում եմ արկղեր բանեցնել...

Գրիգորին սոսնձի պես կաշուն մեղրով թել էր խմում: Մեղրից զգացվում էր ծոթորի, ախլախնձորի, մարգածաղկի քաղցր բույրը: Թեյը լցնում էր տանտիրոջ դուստրը, — առանց ամուսնու մնացած բարձրահասակ, գեղեցիկ մի կին: Նրա ամուսինը գնացել էր Միրոնովի հետ, այս պատճառով էլ տանտիրը հաճոյակատար, ուշադիր էր Գրիգորիի նկատմամբ: Նա չէր նկատում, որ դուստրը աչքի տակով, շեշտակի նայում էր Գրիգորիին, սեղմում բարակ, դժգույն շրթունքները: Կինը ձեռքը տարավ թելամանին, ու Գրիգորին տեսավ նրա թևատակի կպրանման սև, խուճուճ մազերը: Նա մի քանի անգամ բռնեց կնոջ զննող, հետաքրքրվող հայացքը, ու մի անգամ էլ նրան մինչև իսկ այնպես թվաց, թե երբ այդ ջահել կազակուհու աչքերը հանդիպեցին իր աչքերին, նրա այտերը շիկնեցին և շուրթերի անկյուններում թաքցրած քմծիծաղ նկատվեց:

— Ես ձեզ համար օթախում տեղ կզգեմ, — թելից հետո ասաց նա Գրիգորիին, բարձն ու կարպետը ձեռքին. անցավ նրա կողքից ու կարոտավառ խոստումնալից հայացքով այրեց նրան: Թափ տալով բարձը, որպես թե ի միջի այլոց ասաց ցածրաձայն ու արագ. — Ես կպառկեմ շարդախի տակ... տան մեջ շոգ է, լվերը կծում են...

Գրիգորին հենց որ լսեց տանտիրոջ խումփոցը, հանեց միայն կոշիկները ու գնաց նրա մոտ: Կինը իր կողքին նրա համար տեղ զիջեց քարշակը հանած սայլի վրա, ու ոչխարենու մուշտակը գցելով իր վրա, ոտները դիպցնելով Գրիգորիին սակվեց: Նրա շուրթերը շոր էին, կոշտ սոխի հոտ և

Թարմության անաղարտ բույր էին արձակում: Գրիգորին զուգը նրա բարակ ու թուխ թևին դրած, պառկեց մինչև լուսաբաց: Կինը ամբողջ գիշերը նրան ուժով սեղմում էր իրեն, անհագորեն փայփայում, ու բռնալուով, կառակելով, կծոտում, ցավեցնում էր նրա շուրթերը, ու նրա պարանոցի կրծքի և ուսերի վրա թողեց իր համբուլքներից առաջացած կապտավուն բծերը ու իր մանր, գազանային ատամների փոքրիկ հետքերը: Երբորդ աթորականչից հետո Գրիգորին ուզեց բռնել դեպի օթախը, բայց կինը չէր թողնում:

— Թող, թող, սիրելիս, ջանիկս, — խնդրում էր Գրիգորին՝ ժպտալով սև, կախ ընկած բեղի տակին, մեղմիվ փորձելով ազատվել:

— Մի քիչ է՛լ պառկիր... մի քիչ է՛լ:

— Ախր կտեսնեն, է՛: Տե՛ս, շուտով կլուսանա:

— Է՛հ, թող լուսանա:

— Բա հա՞յրդ:

— Հերս գիտե:

— Ո՞նց թե գիտե. — Գրիգորիի հոնքերը բարձրացան զարմանքից:

— Այնպե՛ս, էլի...

— Ա՛յ քեզ բան, իսկ նա ո՞րտեղից գիտի:

— Նա, հասկանո՞ւմ ես... Նա երեկ ինձ ասավ, որ եթե աֆիցերը կպշելու լինի, գիշերս քնիր նրա հետ, կակղացրու նրան, թե չէ Գերասկայի պատճառով կտանեն մեր ձիերը և ո՞վ գիտե էլ ինչ կլինի... Մարգս՝ իմ Գերասիմը, Միրոնովի հետ է գնացել...

— Ա-ա-ա՛յ թե ի-ի՛նչ, — Գրիգորին ծիծաղկոտ ժրպտաց բայց ներքուստ վիրավորվեց:

Կինը ցրեց այդ անհաճելի զգացումը: Սիրաբար շոշափելով Գրիգորիի թևի մկանները, նա ցնցվեց.

— Իմ սիրածն այնպես շի ինչպես դու...

— Բա ինչպե՛ս է նա, — հետաքրքրվեց Գրիգորին՝ զգաստացած աչքերը հռոկելով գունատվող երկնակամարին:

— Անպետքի մեկն է... թույլ է... — կինը վստահորեն հպվեց Գրիգորիին, նրա ձայնի մեջ շոր արցունքներ էին

զգացվում.— Ես նրա հետ ապրել եմ առանց որևէ քաղցրու-
թյան... Կեկա գործերի մեջ անպետք է նա...

Գրիգորիի առաջ պարզապես բացվում էր ուրիշի ման-
կականորեն միամիտ հոգին, ինչպես ցողը ներծծելով՝ բաց-
վում է ծաղիկը: Դա շշմեցնում, թեթև կարեկցութիւն էր
արթնացնում: Գրիգորին ցավակցութեամբ, փաղաքշանքով
շոյում էր իր պատահական մտերմուհու թափթփված մազե-
րը, փակում հոգնած աչքերը:

Լուսնի մարող լույսը թափանցում էր շարգախի եղեգնչա
կտուրից: Ընկնող մի աստղ լուսավառվեց ու շեշտակի նետ-
վեց դեպի հորիզոնը՝ ֆոսֆորափայլ, մարող հետք թողնելով
մոխրագույն երկնքի վրա: Լճակում կռթված մարի բաղը,
տարփալից ձայնով նրան արձագանքեց արուն:

Գրիգորին թեթևացած, քաղցր հոգնածութեամբ համակ-
ված մարմնով գնաց օթախը: Շուրթերի վրա զգալով կնոջ
շուրթերի բարկ բույրը, նա քնեց՝ հիշողութեան մեջ սիրա-
բար պահելով կաղակուհու տենչավառ մարմինը և դրա
բույրը.— ծաղկաբույր մեղրի, քրտինքի ու ջերմութեան
բարկ բույրը...

Երկու ժամից հետո կազակներն արթնացրին նրան:
Պրոխոր Աիկովը թամբեց նրա ձին, բակից դուրս տարավ:
Գրիգորին հրաժեշտ տվեց տանտիրոջը՝ անտարբերութեամբ
հանդուրժելով թշնամութեամբ մշուշված նրա հայացքը. զը-
խով արեց տանտիրոջ աղջկան, որ անցավ դեպի խրճիթը:
Վերջինը նույնպես զլխով արեց՝ մի փոքր ներկած, բարակ
շրթունքների անկյուններում վառելով ժպիտը ու ափսոսան-
քի տարտամ շունչով:

Գրիգորին գնում էր փողոցով ու ետ էր նայում: Փողոցը
կիսադեղի ձևով շրջանցում էր այն տունը, ուր գիշերել էր
նա, ու տեսավ, թե ինչպես իր փայփայած կազակուհին
փոքրիկ, թուխ ձեռքը վահանակի պես աչքերի վերևում պա-
հած՝ նայում է իր ետևից: Գրիգորին անսպասելիորեն ծա-
գած ախրութեամբ ետ էր նայում, փորձում էր պատկերաց-
նել նրա գեմքի արտահայտությունը, նրա ամբողջ կերպա-
րանքը ու շէր կարողանում: Նա միայն տեսնում էր, որ կա-
զակուհու զլուխը, սպիտակ լույսակով ծածկված, կամացուկ

շուռ է գալիս, աչքերով հետևում իրեն: Այդպես է շուռ գա-
լիս արևածաղկի զլխիկը՝ հետամուտ լինելով արևի դան-
դաղ, շուրջանակի ընթացքին:

Միխայիլ Կոշևիչին էտապային կարգով Վեշենսկուց
տանում էին ռազմաճակատ: Նա հասավ Ֆեդոսեևսկայա
ստանիցան, այնտեղ սքանիցայի ատամանը նրան պահեց
մի օր և հակողութեան տակ ուղարկեց Վեշենսկայա:

— Ինչո՞ւ եք ետ ուղարկում,— հարցրեց Միխայիլը ստա-
նիցայի գրագրին:

— Վեշենսկուց կարգադրություն է ստացված,— դժկամ
պատասխանեց գրագիրը:

Բանից դուրս եկավ, որ Միշկայի մայրը խուտորի ժողո-
վում ծնկաչոք աղաչել-պաղատել էր ծերունիներին, և սրանք
հասարակության կողմից միջնորդել էին, որ Միխայիլ Կո-
շևիչը որպես ընտանիքի միակ նեցուկ, ձիարած նշանակվի:
Միտոն Գրիգորիին ինքը այդ միջնորդութեամբ գնացել էր
Վեշենսկայա ստանիցայի ատամանի մոտ: Թախանձագին
խնդրել էր բաց թողնել Միշկային:

Ստանիցայի վարչությունում ատամանը գոռաց իր առ-
ջև ճակատ կանգնած Միշկայի վրա, հետո ցածրացրեց ձայ-
նը, բարկութեամբ վերջացրեց խոսքը:

— Բոլշեիկներին մենք չենք վստահում Դոնի պաշտպա-
նությունը: Գնա արոտավայրը, կծառայես իբրև ձիարած,
հետո կտեսնենք ինչ կլինի: Տես, շան որդի, խելոք կմնաս,
հա՛ւա: Մո՞րդ եմ խղճում, թե չէ... գնա՛:

Միշկան արգեն առանց ուղեկցորդի գնում էր շոգից թե-
ժացած փողոցներով. շինելի կոլուրը հարում էր նրա ուսը:
Հարյուր հիսուն վերստ քայլելուց հետո նրա ոտները բուր-
բուր թուլացել էին: Միշկա երեկո հագիվ հասավ խուտոր,
խսկ մյուս օրը հրաժեշտ տալով իր վրա լացող, գզվող մո-
րը, մեկնեց արոտավայր՝ հիշողութեան մեջ պահելով մոր
պառաված դեմքը և նրա զլխի ձերմակած մազափունջը, որ
ինքը առաջին անգամ էր տեսնում:

Կարգինսկայա ստանիցայից դեպի հարավ, քսանութ
վերստ երկարութեամբ ու վեց վերստ լայնութեամբ փոված

էր խոսպան, երբեք չվարած անձեռնմխելի տափաստանը: Բազմահազար գեայատին տարածութեամբ այդ հողամասը հատկացված էր ստանիցայի հովատակների արածեցման համար, այս պատճառով էլ արոտավայր էր կոչվել: Ամեն տարի ս. Գևորգի տոնին Վեշենսկուց, ձմեռային ախոռներից ձիարածները դուրս էին բերում ձմռանը հանգստացած հովատակները, տանում արոտավայր: Արոտավայրի մեջտեղում ստանիցայի փողով կառուցված էր մի ախոռ ամառային բաց մսուրներով, տասնութ հովատակների համար, կողքին էլ կառուցված էր փայտաշեն մի հանրակացարան՝ ձիարածների, վերակացուի և անասնաբուժակի համար: Վեշենսկու հողի կազակները բերում էին մայրացու զամբիկներին, դրանց ընդունելու ժամանակ բուժակն ու վերակացուն հետևում էին, որ յուրաքանչյուր զամբիկի բարձրութունը երկու արշինից պակաս չլիներ և նա շորս տարեկանից փոքր չլիներ: Առողջներից կազմում էին ջոկեր՝ յուրաքանչյուրում քառասուն ձի: Ամեն մի հովատակ իր ջոկը տանում էր տափաստան՝ խանդոտութեամբ հետամուտ լինելով զամբիկներին:

Միշկան գնում էր իր տնտեսութեան մեջ եղած միակ զամբիկով: Մայրը նրան ճանապարհելիս գոգնոցով արցունքները սրբելով, ասաց.

— Կարելի է թե գիրանա զամբիկը... Գու սրան լավ պահիր, շատ մի շարշարի: Մենք պետք է մի ձի էլ ունենանք, շատ է պետք:

Կեսօրին տոթակեզ մուտից դենը, որ սահում էր ձորահովտի վերևում, Միշկան տեսավ հանրակացարանի երկաթե կտուրը, ցանկապատը, ախոռի տախտակե կտուրը, որ անձրևից ու ձյունից գորշ գույն էր ստացել: Նա արագացրեց զամբիկի ընթացքը. բարձրանալով բլրազագաթը, պարզ տեսավ շենքերը ու դրանցից դենը՝ փարթամորեն փոված խոտաբույսերը: Հեռու-հեռվում, արևելյան կողմում սև բծի նման երևում էր դեպի լճակը վազող ձիերի մի ջոկ. նրանցից քիչ հեռու վարգով սլանում էր ձիավոր ձիարածը, — խաղալիքանման, փոքրիկ մի մարդ՝ խաղալիքանման ձիուն կպած:

Մտնելով բակը, Միշկան իջավ ձիուց, սանձը կապեց.

մուտքի սանդուղքին, ներս մտավ: Ընդարձակ միջանցքում նրան հանդիպեց ձիարածներից մեկը, կարճահասակ, պեպենոտ մի կազակ:

— Ո՛ւմ ես ուզում,— անբարյացակամորեն հարցրեց նա՝ ոտից-գլուխ չափելով Միշկային:

— Ուզում եմ տեսնել վերակացուին:

— Ստրուկովի՞ն: Չկա, բոլորովին դուրս է գնացել: Նրա օգնականը, Սազոնովը այստեղ է: Չախ կողմի երկրորդ դուռը... Ինչի՞ համար է, գու ո՞րտեղից ես եկել:

— Եկել եմ ձեզ մոտ ձիարած լինելու:

— Ում ասես խաթում եմ, էլի՛...

Ձիարածը մաթմաթալով քայլեց դեպի դուրս: Նրա ետևից հատակի վրա քարշ էր գալիս ուսին գցած օղապարանը: Բանալով դուռը ու մեջքը Միշկայի կողմը դարձրած, նա թափահարեց մտրակը, արդեն հաշտ տոնով ասաց.

— Մեզ մոտ, աղբերս, ծառայութունը ծանր է: Մեկ էլ տեսար երկու օր ձիուց վար չիջար:

Միշկան նայում էր նրա կուզիկ մեջքին ու խիստ ծուռ ոտներին: Կազակի անհամաչափ մարմնի յուրաքանչյուր գիծը պարզ ու ցայտուն կերպով ուրվագծվում էր դուռից ներս ընկած լույսի մեջ: Ձիարածի ոտները, որոնք անվի կորութուն ունեին, զվարճացնում էին Միշկային: «Սա կարծես քառասուն տարի նստած է եղել տակառի վրա», — իր մեջ ծիծաղելով մտածեց նա ու աչքերով փնտրեց դռան բռնակը:

Սազոնովը փքված ու անտարբեր կերպով ընդունեց նոր ձիարածին:

Շուտով ինչ-որ տեղից եկավ ինքը վերակացուն, հաղթանդամ մի կազակ՝ առամայան գնդի վախժիստը Աֆանասի Ստրուկովը: Նա հրամայեց Կոշևոյին հաշվի առնել սնունդ տալու համար, նրա հետ դուրս ելավ արտաքին սանդուղք, որ թունդ տաքացել էր սաստիկ շոգից:

— Կարո՞ղ ես ընտելացնել չհեծած ձիերը: Դրանով ըզբաղվե՞լ ես թե ոչ:

— Չեմ գբաղվել,— անկեղծորեն խոստովանեց Միշկան և իսկույն նկատեց. թե ինչպես աշխուժացավ շոգից նվաղած վերակացուի դեմքը, որի վրա սահեց դժգոհութունը:

Քորելով քրտնած մեջքը, ծումռելով հուժկու թիակները՝ վերակացուն բութ նայում էր Միշկայի աչքերի արանքին:

— Կարո՞ղ ես օղապարան գցել:

— Կարող եմ:

— Ձիերին խղճո՞ւմ ես:

— Խղճում եմ:

— Նրանք էլ մարդկանց պես են, միայն թե համր են և խղճա՞, — հրամայեց վերակացուն ու առանց պատճառի բարկանալով՝ բղավեց. — պետք է խղճալ և ոչ թե մտրակով դաղել:

Նրա դեմքը մի բուրբ թե իմաստավորվեց և թե աշխուժացավ, բայց աշխուժությունը իսկույն չբացավ, յուրաքանչյուր գիծը ծածկվեց բութ անտարբերության պինդ կեղեվով:

— Ամուսնացա՞ծ ես:

— Ամենևին ոչ:

— Ա՛յ քեզ հիմար: Ամուսնանալիք, էլի, — ուրախացած վրա բերեց վերակացուն:

Նա սպասողաբար լռեց, մի բուրբ դիտեց տափաստանի բացված, վիթխարի կուրծքը, հետո հորանջելով գնաց տուն: Ձիարածի իր ծառայության մի ամսվա ընթացքում Միշկան նրանից այլևս ոչ մի խոսք չլսեց:

Արտավայրում կար ընդամենը հիսունհինգ հովատակ: Յուրաքանչյուր ձիարածին երկու-երեք ջոկ էր ընկնում: Միշկային հանձնարարեցին մի մեծ ջոկ, որի մեջ էր Բախար անունով մի հուժկու, տարեց հովատակ, ու էլի մի փոքրիկ ջոկ, — մոտ քսան մայրացու, որոնց մեջ էր Բանայլնի կոչված հովատակը: Վերակացուն կանչեց ձիարած Իլյա Սալղատովին, ամենաջանադիր ու աներկյուղ ձիարածներից մեկին, և ասաց.

— Ահա մի նոր ձիարած, Միխայիլ Կոչևոյը՝ Տատարսկի խուտորից: Սրան ցույց տուր Բանայլնու և Բախարի ջոկերը, օղապարան տուր: Պետք է ապրի ձեր տնակում: Տար ցույց տուր: Գնացեք:

Սալղատովը լուռ վառեց ծխախոտը, գլխով արեց Միշկային.

— Գնանք:

Մուտքի սանդուղքի վրա ցույց տալով Միշկայի գամբիլը, որ նվաղել էր արևի տակ, հարցրեց.

— Քո հայվա՞նն է:

— Իմն է:

— Սանրա՞ծ է:

— Չէ:

— Ջուզավորիք Բախարի հետ: Բախարը թագավորական բուժարանից է, անգլիական ու մեր ձիուց ծնված: Ա՛յ թե գիժն է, հա՛-ա... Դեհ, նստիր:

Գնում էին իրար կողքի: Ձիերը մինչև ծնկները թաղվում էին խոտի մեջ: Բավական հեռացել էին հանրակացարանից և ախոռից: Առջևում, ամենաքնքուշ ու կապույտ մուժով վարագուրված, փովել էր վեհասքանչ, լուին տափաստանը: Ձենիթում, լուսավառված ամպիկների քուլաներից դենը բուց կըլտում էր արևը: Ջերմացած խոտաբույսերը թունդ, բարկ բուրմունք էին տարածում: Աջ կողմից, բլրագոգի աղոտ զբժագրված փոսից դենը մարգարտաշող ծալիտով սպիտակին էր տալիս ժիրով լճակի շերտը: Իսկ շուրջը. — որքան որ աչքդ տեսնիր, — դալարագեղ, անծայրածիր տարածություն, երերուն օղացուլքեր, կեսօրվա տապով բռնված հնամենի տափաստանը ու հորիզոնում, — գորշ կապտավուն, լայնանիստ մի բլուր, — հեքիաթային ու անհաս:

Խոտաբույսերը արմատներից վեր մուգ կանաչին էին տալիս, նրանց գլխիկները պլպլում էին արևի տակ, երանգավորվում պղնձափայլ բզեզի գույնով: Փրշտովել էր շհասունացած փնջավոր փետրախոտը, դրա հետ շերտերով փոված էր գանգրագեղ առվույտը, սիգախոտը սագհուլայամբ ձգտում էր դեպի արևը՝ պարզելով հատիկավորված գլխիկը: Տեղ-տեղ կուրորեն ու պինդ կպել էր գետնին ցածրիկ երկաթախոտը՝ երբեմնակի եղեստուկով ցանցված, ու կըրկին փարթամորեն փովել էր գերակշռող փետրախոտը, որին հաջորդում էին բազմաբանդ խոտաբույսերը, խապուկը, դեղին կանճրակը, կաղանչանը, ինչ-որ քոլախոտ, — կոշտ, փշոտ մի խոտաբույս, որը իր գրաված տարածությունից դուրս էր մղել մյուս բլուր խոտաբույսերը:

Կազակները լուռ գնում էին: Միշկան վաղուց չզգացած հլու անդորրության զգացում էր ապրում: Տափաստանը նրան

ճնշում էր իր լուսթյամբ, իմաստուն վեհությամբ: Նրա ուղեկիցը ուղղակի քնել էր թամբի վրա, թեքվել ձիու բաշին, պեպենոտ ձեռները ծալել ու դրել թամբի դաշին՝ ասես ճաշակվելու էր:

Ձիերի ոտների տակից թռավ մի արոս, ճախրեց ձորակի վերևում՝ արևի տակ փայլեցնելով սպիտակ փետուրները: Մածանելով խոտաբույսերը, հարավից սուրաց քամին, որ գուցե ակոսել էր Ազովյան ծովը:

Կես ժամից հետո հանդիպեցին մի ջոկի, որ արածում էր Բարդինների լճակի մոտ: Սալդատովը արթնացավ, ճմլկոտվեց թամբի վրա, ծուլորեն ասաց.

— Պանտելյուշկա կոմակինի ջոկն է: Ո՞ւր է նա, չի երևում:

— Այդ հովատակի անունն ի՞նչ է,— հարցրեց Միշկան՝ նայելով Դոնի բաց շիկակարմիր, երկարամարմին նժույգին:

— Ֆրագյոր է: Չար է անիծվածը: Տես թե ոնց է գիրացել: Տարավ, հա՛ւ:

Հովատակը գնաց մի կողմ, ու զամբիկները խմբովին հետևեցին նրան:

Միշկան ընգունեց իրեն հանձնված ջոկերը և իրերը դրեց դաշտային տնակում: Մինչև իր գալը այնտեղ ապրում էին երեք հոգի,— Սալդատովը, կոմակինը և վարձու մի ձիարած,— տարեց, լուակյաց կազակ Տուրովերովը: Սալդատովը ավագն էր: Նա Միշկային սիրով բացատրեց վերջինի պարտականությունները, հետևյալ օրն էլ նրան պատմեց հովատակների բնավորության ու սովորությունների մասին ու թեթև ժպտալով, այսպիսի խորհուրդ տվեց.

— Դու իրավունք ունես քո ձիով կատարելու ծառայությունը, ամա թե որ ամեն օր նրանով դես-դեն գնաս, միայն նրան կընտելանաս: Դու նրան պահիր ջոկի մեջ, ուրիշի ձի նստիր ու դրանց շուտ-շուտ փոխիր:

Միշկայի աչքերի առաջ նա ջոկեց մի մայրացու, և վազվրզելով, օղապարանը ճարպկությամբ գցեց դրա վիզը: Թամբեց Միշկայի թամբով, ու դողդոջուն, ետին ոտների վրա պզգոզ ձիուն բերեց Միշկայի մոտ:

— Նստիր: Երևում է, որ այս անտերը հեծած չի: Նըստիր, է՛,— բարվությամբ բղավեց նա՝ աչ ձեռքով ուժգին

քաշելով սանձը, ձախ ձեռքը զամբիկի դնչին պահած:— Դու սրանց հետ մեղմ վարվիր: Ախոտում դու կգոռաս հովատակի վրա՝ «Մի կո՞ղմ», և նա կսեղմվի մսուրի մի կողմին, իսկ այստեղ զգուշ կաց: Բախարից առանձնապես վախեցիր, շատ մոտիկ մի՞ գնա, կխփի ու վար կցցի,— ասում էր Սալդատովը՝ ասպանդակից բռնած ու սիրաբար շոյելով մեկ կամ մյուս ոտը վեր գցող զամբիկի պիրկ, ատլասե-սե կուրծր:

III

Միշկան մի շաբաթ հանգստանում էր, ամբողջ օրերով ձիուց վար չէր գալիս: Տափաստանը նվաճում էր նրան, տիրաբար ստիպում ապրել նախնադարյան, բուսական կյանքով: Ջոկն արածում էր որևէ մոտիկ տեղում: Միշկան կամ ննջում էր թամբի վրա նստած, կամ խոտի վրա փուված, մտամոլոր հետևում էր, թե ինչպես քամին երկնքով մեկ թռում-տանում էր եղյամային սպիտակությամբ խավակալած ամպերի ջոկերը: Ամեն ինչից ձեռք քաշելու այդ վիճակը սկզբում բավարարում էր նրան: Արոտավայրում, մարդկանցից հեռու իր վարած կյանքը նրան մինչև իսկ դուր էր գալիս: Բայց շաբաթվա վերջում, երբ նա արդեն ընտելացել էր նոր գրություն, անորոշ մի երկյուղ արթնացավ: «Այնտեղ մարդիկ իրենց և ուրիշների բախտն են որոշում, իսկ ես ձիեր եմ արածացնում: Այդ ո՞նց կլինի: Պետք է հեռանալ, թե չէ կիրվես ու կմնաս»,— զգաստանալով մտածում էր նա: Բայց մի այլ միտք էլ էր ծուլորեն թափանցում նրա գիտակցության մեջ. «Թող այնտեղ կովեն, այնտեղ մահն է, իսկ այստեղ՝ ազատ կյանք: արոտ ու երկինք: Այնտեղ քեն ու ռխ է՝ իսկ այստեղ՝ խաղաղություն: Դու ի՞նչ գործ ունես մյուսների հետ...» Մտքերը սկսեցին եռանդով մաշել Միշկայի հյուս հանգստությունը: Այդ նրան մղում էր դեպի մարդիկ, և նա ավելի հաճախ, քան առաջին օրերում, ձրգտում էր հանդիպել Դուդարև լճակի շրջանում իր ջոկով շքրչող Սալդատովին, փորձում էր մոտիկանալ նրա հետ:

Սալդատովը ըստ երևույթին չէր զգում մենակութեան ծանրութիւնը: Նա հազվադեպ էր գիշերում տնակում և համարյա միշտ լինում էր ջոկի հետ կամ լճակի ափին: Նա ապրում էր գազանի կյանքով, ինքն էր ուտելիք ճարում իրեն համար և դա անում էր արտասովոր ճարտարութեամբ, կարծես իր ամբողջ կյանքում հենց դրանով էր զբաղվել: Միշկան մի անգամ տեսավ, թե ինչպես նա ձիու մագից կարթաթել է հյուսում: Հետաքրքրվելով՝ հարցրեց.

— Ինչի՞ համար ես հյուսում:

— Ձկան համար:

— Ձուկ ո՞րտեղ կա:

— Լճակում: Մածաններ են:

— Ճիճուներո՞վ ես որսում:

— Հացով ու ճիճուներով:

— Եփո՞ւմ ես:

— Չորացնում եմ և ուտում: Առ, վերցրու,— սրտաբաց հյուրասիրեց նա՝ շալվարի գրպանից հանելով չորացրած մի ծածան:

Մի անգամ ջոկի ետևից գնալիս Միշկան տեսավ թափարդով բռնված մի արոս: Դրա կողքին դրված էր արոսի խրտվիլակը, վարպետութեամբ սարքված, թակարդն էլ լավ թաքցրած էր խոտերի մեջ ու կապված էր ցցին: Սալդատովը այդ նույն երեկոյան արոսը խորովեց հողի մեջ, որի վրա շիկացած կրակ լցրեց: Նա իրիկնահացի հրավիրեց նաև Միշկային: Կտրատելով հոտավետ միսը, ասաց.

— Մյուս անգամ զգույշ մոտեցիր, թե՛ չէ՛ իմ գործը կըփշացնես:

— Դու ո՞նց ես ընկել այստեղ,— հարցրեց Միշկան:

— Ես ընտանիքի միակ նեցուկ եմ:

Սալդատովը մի փոքր լռեց ու հանկարծ հարցրեց.

— Լսիր, ճի՞շտ են ասում տղերքը, որ դու կարմիրնեփից ես:

Կոշտոյը, որ այդպիսի հարց չէր սպասում, շփոթվեց:

— Ոչ... Դե, ո՞նց ասեմ... Հա՛, էլի, գնում էի նրանց մոտ... Բռնեցին:

— Ինչո՞ւ էիր գնում, ի՞նչ էիր փնտրում,— աչքերին

մտալլ արտահայտութիւն տալով՝ կամացուկ հարցրեց Սալդատովը ու սկսեց ավելի դանդաղ ուտել:

Նրանք նստած էին կրակի մոտ, շոր ձորակի ափին: Տարթերը թանձր ծուխ էին արձակում, մոխրի տակից պըլպըլում էր կրակը: Շուրջը փոված էր գիշերային խավարը, զգացվում էր շոր տաքութիւնը և թառամող օշինդրի բուլբուլը: Ընկնող աստղերը ճեղքում էին սև երկինքը: Ընկնում էր մի աստղ, և ապա երկար ճառագայթում էր խավոտ հետք՝ ինչպես ձիու գավակին մտրակի հարված տալուց հետո:

Միշկան ուշադրութեամբ դիտում էր Սալդատովի դեմքը, որի վրա խաղում էր կրակի ոսկեհուր ցուլքը: Միշկան պատասխանեց.

— Ուզում էի իրավունքներ ձեռք բերել:

— Ո՞ւմ համար,— Սալդատովը ցնցվեց, աշխուժացավ:

— Ժողովրդի համար:

— Ի՞նչ իրավունքներ, պատմիր տեսնենք:

Սալդատովի ձայնը խուլ և շողորթութեամբ էր հնչում: Միշկան մի վայրկյան տատանվեց. նրան թվաց, թե Սալդատովը դիտմամբ տարթ դրեց կրակի վրա, որպեսզի թաքցնեիր իր դեմքի արտահայտութիւնը: Միշկան այնուհետև ասաց.

— Բոլորի համար իրավահավասարութիւն, այ թե ինչ: Զպետք է լինեն ոչ պաներ, ոչ էլ ծառաներ: Հասկանալի՞ է: Այդ բանին վերջ կտրվի:

— Կարծում ես կաղետները չե՞ն հաղթի:

— Դե, իհարկե, ո՛չ:

— Ուրեմս դու ա՛յ թե ինչ էիր ուզում, հա՛-ա...— Սալդատովը շունչ առավ ու հանկարծ վեր կացավ:— Դու, շան որդի, ուզում էիր կազակութեանը ջնուղների ստրուկնե՞ր դարձնել, հա՞,— սուր, շարացած բղավեց նա,— դու... դուք բոլորդ էլ, ես ձեր... Ուզում եք բնաջի՞նջ անել մեզ, հա՞: Հը՛մ, ա՛յ թե ինչ... Ուզում եք, որ ջնուղները իրենց գործարաննե՞րը շինեն տափաստանումը, որ մեզ կտրե՞ն հողից, հը՞:

Միշկան ապշեց, դանդաղորեն ոտքի ելավ: Նրան թվաց, թե Սալդատովն ուզում է խփել իրեն: Նա ետ ընկավ, ու Սալդատովը տեսնելով, որ նա վախենում է ու ընկրկում, ետ

տարավ ու վրա բերեց բոունցքը: Միշկան կարողացավ բռնել նրա ձեռքը. սեղմելով դրա ենթադաստակը, նախազգուշացման խորհուրդ տվեց.

— Դու, աղբեր-տղա, ձեռք զարդու խուրդ կանեմ: Ի՞նչ ես բռնում, հը՞՛:

Մթուփյան մեջ նրանք կանգնած էին իրար դեմ: Ոտններով տրորված կրակը հանգավ. միայն մի տարթ էր վառվում ու ծուխ արձակում մոխրակույտի ծայրում: Սալդատովը ձախ ձեռքով բռնեց Միշկայի շապկի օձիքից. բունցքի մեջ հավաքելով օձիքը ու բարձրացնելով, փորձում էր ազատել այ ձեռքը:

— Ցախիցս մի բռնի, է՛յ,— խոխում էր Միշկան՝ պտըտելով հուժկու պարանոցը,— մի՛ բռնիր, ասում եմ. կթակեմ, լսո՞ւմ ես...

— Զէ-է մի... կթակե՞մ... հլա կա՛ց,— հետև էր Սալդատովը:

Միշկան պոկ եկավ, ուժով դեն հրեց նրան, և հարվածելու, վար գցելու, ձեռներին ազատութուն տալու բունցան կուփյուն զգալով, ջղաձգարար շտկում էր շապկը:

Սալդատովը չէր մոտենում նրան: Ատամները կրճտացնելով ու մայր հայհոյելով, նա գոռում էր.

— Կհայտնեմ... Հենց հիմի քարը կտամ վերակացուի մոտ: Ես կքերթեմ քո կաշին, օձ, իժ... Բոլշևիկ... Քեզ պետք է Պաղտյուկովի օրին հասցնել, վիզդ թոկ գցել, կախել:

«Կհայտնի... Գլխից դուրս կտա... Բանտ կնստեցնեն... Ծրոնտ չեն ուղարկի, ուրեմն չեմ կարողանա փախչել մերոնց մոտ»:— Միշկան սարսուռ զգաց, ու նրա միտքը ելք փնտրելով, դեգերում էր անհույս, ինչպես դեգերում է շիղաձուկը որևէ փոսում՝ վարարած և ապա իջնող ջրով գետից կտրված: «Սպանե՛լ սրան, հիմա կխեղդեմ... Ուրիշ կերպ չի կարելի...» Ու ենթարկվելով այդ վայրկենական որոշման, նրա միտքն արդեն արդարացում էր փնտրում. «Կասեմ, որ հարձակվեց ինձ վրա, որ ծեծեր... Ես էլ բռնեցի բկից... պատահաբար... ինքս ինձ կորցրած...— այսպես կասեմ...»

Միշկան դողողալով քայլեց դեպի Սալդատովը, և եթե այդ պահին վերջինս փախչեր, մահն ու արյունը անխուսափելի կլինեին: Բայց Սալդատովը շարունակեց հայհոյանք:

ներ թափել, ու Միշկան մեղմացավ, միայն ոտներն էին թունդ դողում ու քրտինքն էլ դուրս տվեց մեջքի վրա և թեվերի տակ:

— Սպասիր, է՛... Լսո՞ւմ ես, Սալդատով, կաց: Մի՛ գոռա: Դու հո առաջինը սկսեցիր...

Ու Միշկան նվաստացած խնդրում էր դադարեցնել վեճը: Նրա ծնոտը դողում էր, աչքերը շփոթված թափառում էին:

— Շատ էլ շատ բան կարող է լինել ընկերների մեջ... Ես հո չսպեցի քեզ... Իսկ դու բկիցս ես բռնում... Ախր ես ի՞նչ ասացի որ: Դրա համար պետք է նեղանա՞լ... Եթե վիրավորեցի, ներիր, էլի, մա՛րդ ես:

Սալդատովը հետզհետե ցածրացրեց ձայնը և լռեց: Մի րոպեից հետո շուռ գալով ու ձեռքը ետ քաշելով Կոշևոյի պաղ, քրտնած ձեռքից, ասաց.

— Պոչո ես պտտացնում ոնց որ իժը: Դե լավ, չեմ ասի: Սարսաղի մեկն ես, խղճում եմ... էլ չերևաս աչքիս, էլ չեմ կարող քեզ տեսնել: Սրիկա ես դու, ջհուղներին ես ծախվել, իսկ ես չեմ խղճում այնպիսի մարդկանց, որոնք ծախվում են փողով:

Միշկան ստորացած ու ողորմելիորեն ժպտում էր մթուփյան մեջ, թեպետև Սալդատովը նրա դեմքը չէր տեսնում: Ինչպես և չէր տեսնում, որ Միշկայի բունցքները սեղմվում են և արյունով լցվելուց ուռչում:

Նրանք բաժանվեցին առանց մի բառ ասելու: Կոշևոյը զայրացած մտրակում էր ձին՝ փնտրելով իր ջոկը: Արևելքում բռնկվում էին փայլակները, գոռում էր որոտը:

Այդ գիշեր փոթորիկ բարձրացավ: Արևելքից ոռնալով, սուլելով, փչեց ուժգնաթափ քամին, նրա ետևից անտեսանելի փեշերը փռելով՝ ձգվեցին ցուրտ զովութունը ու դառն փոշին:

Երկինքը մռայլվեց: Կայծակը շեղակի ճեղքում էր ուռձացած, սևահողի գույն առած ամպը, երկար ժամանակ լռութուն էր կուտակվում և հեռու-հեռվում սպառնալից թնդում էր որոտը: Անձրևի խիտ ցանքը սկսեց ճմլել խոտաբույսերը: Երկրորդ անգամ ճայթող կայծակի լույսի տակ Կաշևոյը տեսավ երկնքի կեսը բռնած թուխ ամպը, որի ծայրերը ածխանման սև էին, ահավոր. դրա տակ փուլած գետ-

հենց վտիտ, սպիտակ ձեռներին, անտարբերությամբ փաշկեց աչքերը: Ճանապարհին ավտոմոբիլի մեջ օրորվելը վատ էր ազդել նրա վրա: Նա ասես արյունաքամ էր եղել ծերությունից և ապրած ցնցումներից: Գոսացած բերանի ծալերը թռչել, կախ էին ընկել, երակներով կտրատված, կապտավուն կոպերը ուռել ու ծանրացել էին: Բազմաթիվ վանրագույն կնճիռները ցանցել էին դեմքը մինչև քունքերը: Մատները, որոնք ամուր սեղմված էին այտերի թորշոմած մաշկին, ծայրերով թաղվել էին ծերունական դեղնավուն, կարճ խուզած մազերի մեջ: Գնդապետ Ռյասնյանսկին սեղանի վրա խնամքով փոռում էր խշշացող քարտեզը, Կիսլովն օգնում էր նրան: Ռոմանովսկին կանգնել էր նրանց կողքին, ձկուլթի եղունգով պահել քարտեզի անկյունը: Բոգաևսկին հենվել էր ցածր պատուհանին, իր սիրտը ճմլող կարեկցությամբ նայում էր Ալեքսեևի անսահմանորեն հոգնած դեմքին: Այն կարծես գիպսե դիմակ լիներ: «Որքա՛ն ծերացել է նա, սարսափելի է, թե որքան է ծերացել», — մտածում էր Բոգաևսկին՝ խոնավ, նշաձև աչքերը չկտրելով Ալեքսեևից: Ներկաները դեռ չէին տեղավորվել սեղանի շուրջը, երբ Դենիկինը դիմելով Կրասնովին, խիստ տոնով և հուզմունքով սասց.

— Նախքան խորհրդակցությունը սկսելը ես պետք է հայտարարեմ ձեզ հետևյալը. մեզ չափազանց զարմացնում է այն հանգամանքը, որ դուք Բատայսկը զբաղվելու դիսպոզիցիայում մատնանշում եք, թե ձեր աջ գորասյունում գործում է գերմանական գումարտակը և մարտկոցը: Պետք է խոստովանեմ, որ նմանօրինակ համագործակցության փաստը ինձ համար ավելի քան տարօրինակ է... Թույլ տվեք իմանալ, թե դուք ինչու՞վ եք դեկավարվել, որ հարաբերություն եք պահպանել հայրենիքի թշնամիների, անարգ թշնամիների հետ, և օգտվել եք նրանց օգնությունից: Դուք իհարկե տեղյակ եք, որ դաշնակիցները պատրաստ են մեզ օժանդակություն ցույց տալու... Կամավորական բանակը գերմանացիների հետ եղած դաշինքը զնահատում է որպես դավաճանություն Ռուսաստանի վերականգնման գործին: Դուքի կառավարության գործողությունները նույնպիսի զնահա-

տական են գտնում դաշնակիցների լայն շրջաններում: Խնդրում եմ ձեզ բացատրվել:

Դենիկինը ցասկոտությամբ հոնքը ծռած, պատասխանի էր սպասում:

Միմիայն պաղարյունության և իրեն հատուկ նրբակրթության շնորհիվ էր, որ Կրասնովը արտաքին հանգստություն էր պահպանում. բայց այնուամենայնիվ զայրույթը հաղթահարում էր. ճերմակող բեղերի տակի ջղայնոտ մկանագեղանքը ցնցում ու ծռում էր բերանը: Կրասնովը շատ հանգիստ ու շատ քաղաքավարի պատասխանեց.

— Երբ խաղաթղթի է դրվում ամբողջ գործի բախտը, չեն խորշում նաև նախկին թշնամիների օգնությունից: Եվ հետո ընդհանրապես Դոնի կառավարությունը, հինգ միլիոն սուլներեն ժողովրդի կառավարությունը, զերծ լինելով որևէ մեկի խնամակալությունից, իրավունք ունի գործելու ինքնուրույն կերպով. կազակության շահերին համապատասխան, որոնց պաշտպանության համար է նա կոչված:

Այս խոսքերի վրա Ալեքսեևը բացեց աչքերը և ըստ երեվույթին մեծ լարվածությամբ փորձում էր լսել ուշադիր կերպով: Կրասնովը նայեց Բոգաևսկուն, որը ջղայնորեն ոլորում էր սլաքի նման սրած բեղը, ու շարունակեց.

— Ձեր դատողությունների մեջ, ձեր գերազանցություն, գերակշռում են, այսպես ասած, բարոյական կարգի մոտիվները: Դուք խիստ շատ պատասխանատու խոսքեր ասացիք Ռուսաստանի գործին մեր իբր թե դավաճանության մասին, դաշնակիցներին դավաճանելու մասին... Բայց, ես կարծում եմ, ձեզ հայտնի է այն փաստը, որ Կամավորական բանակը մեզանից ստանում էր այն արկերը, որ գերմանացիները ծախել էին մեզ...

— Խնդրում եմ խստորեն սահմանազատել խորապես տարբեր կարգի երևույթները: Իմ գործը չէ, թե դուք գերմանացիներից ինչ ճանապարհով եք ուզում մեզ ստանում, բայց, օգտվել նրանց զորքերի օժանդակությունից... — Դենիկինը բարկությամբ վեր գցեց ուսերը:

Վերջացնելով իր խոսքը, Կրասնովը անցողակի կերպով, զգուշությամբ, բայց վճռականապես հասկանալ տվեց Դենի-

կինն, որ ինքը առաջվա բրիգադային գեներալը չէ, որին Դենիկինը տեսել էր ավստրո-գերմանական ռազմաճակատում:

Խախտելով անհարմար լուսթյունը, որ տիրել էր Կրասնովի խոսքից հետո, Դենիկինը խելամտությամբ անցավ Դոնի ու Կամավորական բանակների միացման և միասնական հրամանատարություն սահմանելու հարցերին: Բայց դրան նախորդած ընդհարումը ըստ գործի էություն սկիզբ դարձավ նրանց հարաբերությունների հետագա, անդադար աճող սրման և այդ հարաբերությունները վերջնականապես խզվեցին այն պահին, երբ Կրասնովը հեռացավ իշխանությունից:

Կրասնովը խուսափեց ուղղակի պատասխանից, դրա փոխարեն առաջարկելով համատեղ արշավանք Յարիցինի վերա, որպեսզի նախ՝ գրավեն այդ խոշորագույն ստրատեգիական կենտրոնը և երկրորդ՝ այն պահելով իրենց ձեռքում, միանային Ուրալի կազակների հետ:

Հետևեց կարճ խոսակցությունը.

— ...Ձեզ չէ, որ պիտի ասել, թե մեզ համար ինչպիսի հսկայական նշանակություն ունի Յարիցինը:

— Կամավորական բանակը կարող է հանդիպել գերմանացիներին: Յարիցինի վրա չեմ գնա: Ես ամենից առաջ պետք է ազատագրեմ կուբանցիներին:

— Այո, բայց և այնպես Յարիցինի գրավումը ամենահիմնական խնդիրն է: Դոնի զորաց կառավարությունը ինձ հանձնարարել է այդ մասին խնդրել ձեր գերազանցությունը:

— Կրկնում եմ՝ ես չեմ կարող թողնել կուբանցիներին:

— Յարիցինի վրա հարձակվելու պայմանով միայն կարելի է խոսել միասնական հրամանատարություն սահմանելու մասին:

Ալեքսևը, դրան հավանություն չտալով, ծամծամեց շըրթունքները:

— Հնարավոր չէ: Կուբանցիները չեն գնա իրենց մարզից, որը բոլշևիկներից վերջնականապես մաքրված չէ, իսկ կամավորական բանակում կա երկու հազար հինգ հարյուր հոգի, ըստ որում մեկ երրորդ մասը շարքից դուրս է, — վերավորներ ու հիվանդներ են:

Համեստ ճաշի ժամանակ ալարկոտությունը, աննշան

դիտողություններ էին փոխականում. պարզ էր, որ համաձայնություն չի կայանա: Գնդապետ Ռյասնյանսկին պատմեց մարկովականներից մեկի ինչ-որ մի զվարճալի, կիսանեկզոտային սխրագործության մասին և ճաշի, ուրախ պատմության համատեղ ներգործությամբ լարվածությունը հետզհետե շքացավ: Բայց ճաշից հետո, երբ ծխելով ցրվեցին սենյակում, Դենիկինը բռնեց Ռոմանովսկու ուսը, սուր, կկոցված աչքերով ցույց տվեց Կրասնովին, շնչաց.— Մարզային մասշտաբի նապոլեոն է... Անխելք մարդ է, գիտե՞ք... — Ռոմանովսկին ժպտաց, արագ պատասխանեց.— Իշխել ու տիրել է ուզում... Բրիգադային գեներալը միապետի իշխանությամբ է հափշտակված: Ըստ իս, նա զուրկ է հումորի զգացումից...

Ցրվեցին՝ թշնամանքով ու անբարյացակամությամբ լնցուն: Այդ օրվանից Կամավորական բանակի ու Դոնի կառավարության հարաբերությունները խիստ վատթարանում են, վատթարացումն իր գագաթնակետին է հասնում հունիսի վերջին, երբ Կամավորական բանակի հրամանատարությանը հայտնի է դառնում գերմանական կայսր Վիլհելմին Կրասնովի ուղարկած նամակի բովանդակությունը: Նովոչերկասկում պառկած վիրավոր կամավորականները ծաղրում էին Կրասնովի ձգտումը դեպի ավտոնոմիա և կազակական հին կյանքը վերականգնելու նրա հակումը, յուրայինների շրջանում նրան արհամարհանքով անվանում էին «խազեին», իսկ Դոնի զորաց կառավարությունը՝ «Դոնի կորած կառավարություն»: Դրան իբրև պատասխան, Դոնի անկախականները նրանց հորջորջում էին «թափառաշրջիկ երածիշտներ», առանց տերիտորիայի կառավարողներ» անուններով: Կամավորական բանակի «ջոջերից» մեկը Դոնի կառավարության մասին կծու կերպով ասաց՝ «Դա մի պոռնիկ է, որը վաստակում է գերմանական անկողնում»: Դրան հետևեց գեներալ Դենիսովի պատասխանը՝ «Ըթե Դոնի կառավարությունը պոռնիկ է, ապա Կամավորական բանակն էլ կատու է, որ ապրում է այդ պոռնիկի միջոցներով»:

Պատասխանը ակնարկում էր Կամավորական բանակի կախումը Դոնի կառավարությունից, որը նրան բաժին էր հանում Գերմանիայից ստացվող մարտական հանդերձանքից:

Ռուստովն ու Նովոչերկասկը, որոնք Կամավորական բանակի թիկունքն էին հանդիսանում, լեփ-լեցուն էին սպանե-
րով: Հազարավոր սպաներ սպեկուլյացիայով էին զբաղվում,
ժառայում էին անթիվ ու անհամար թիկունքային հիմնարկ-
ներում, պատսպարվում ազգականների ու ծանոթների մոտ,
վիրավորվելու վերաբերյալ կեղծ փաստաթղթերով պառ-
կում էին լազարեթներում... Բոլոր նրանք, ովքեր առավե-
լապես արի էին, կոտորվում էին մարտերում, տիֆից, վեր-
քերից, իսկ մնացածները, որոնք ռևոլյուցիայի տարիներին
ընթացքում կորցրել էին իրենց պատիվն ու խիղճը, շնագայ-
լերի նման թաքնվում էին թիկունքում, կեղտոտ քափի, աղ-
բի նման լողում հերոսական օրերի մակերեսին: Դրանք
սպայութայն դեռևս այն անվթար, մարտերում չմարզված
կադրերն էին, որոնց մի ժամանակ պախարակում, մերկաց-
նում, ամաչեցնում էր Չերնեցովը՝ կոչ անելով պաշտպանել
Ռուսաստանը: Նրանք մեծ մասամբ այսպես կոչված «մտա-
ծող ինտելիգենցիայի» ամենանողկալի, գինվորական հա-
մազգեստ հագած այլատեսակությունն էին հանդիսանում:
Բոլշևիկներից փախել էին, սպիտակներին չէին միացել, կա-
մաց-կամաց ապրում էին, վիճում Ռուսաստանի բախտի
մասին, գլուխ էին պահում և բուռն կերպով պատերազմի
վախճանն էին տենում:

Նրանց համար միևնույն էր, թե ով կկառավարի երկի-
րը.— Կրասնովը, գերմանացիները թե բոլշևիկները,— միայն
թե վերջանար պատերազմը:

Իսկ իրադարձությունները օրեցօր ավելի ահավոր էին
դառնում: Սիբիրում ծավալվում էր չեխոսլովակյան խռովու-
թյունը¹, Ուկրաինայում մեջտեղ էր եկել Մախնոն², որը գեր-

¹ Չեխոսլովակյան խռովությունը համաշխարհային պատերազմի ժա-
մանակ գերի հանձնված չեխոսլովակյան զորամասերի կոնտրոլուցիոն
ապստամբությունն էր սովետական իշխանության դեմ 1918 թ. ամռանը:
Խռովությունը կազմակերպվել էր ստարեկրյա տերությունների ուղղակի
գերեկախիվով և մենշևիկների ու աչ էսէռների ամենակտիվ օժանդակու-
թյամբ:

² Մախնո Նեստոր, «Տայր Մախնո»— քաղաքացիական պատերազմի
ժամանակ Ուկրաինայում խոշորագույն բանդիտական ջոկատի պարագլուխ

մանացիների հետ չափահասի, թնդանոթների ու գնդացի-
ների լեզվով էր խոսում: Կովկասը, Արխանգելսկը, Ֆինլան-
դիան... Ամբողջ Ռուսաստանը կրակ ու բոցով է բռնված...
Ամբողջ Ռուսաստանը մեծ վերափոխման տառապանքի
մեջ է...

Հունիսին Դոնում արևելյան քամիների նման լուրեր տա-
րածվեցին, որ իբր թե չեխոսլովակները գրավում են Սա-
րատովը, Ցարիցինն ու Աստրախանը, նպատակ ունենալով
Վոլգայի ափերին արևելյան ֆրոնտ կազմել՝ գերմանական
զորքերի վրա հարձակվելու համար: Ուկրաինայում գերմա-
նացիները դժկամորեն էին ճանապարհ տալիս այն սպանե-
րին, որոնք Ռուսաստանից գնում էին Կամավորական բա-
նակի դրոշակի տակ անցնելու համար:

Գերմանական հրամանատարությունը «արևելյան ֆր-
ոնտ» կազմվելու լուրերից անհանգստացած, իր ներկա-
յացուցիչներին ուղարկեց Դոն: Հունիսի 27-ին Նովոչերկասկ
ժամանեցին գերմանական բանակի մայորներ ֆոն Քոկեն-
հաուզենը, ֆոն Ստեֆանին և ֆոն Շլեյնիցը:

Այդ նույն օրը ատաման Կրասնովը պալատում գնեցրել
Բոգաևսկու ներկայությամբ ընդունեց նրանց:

Մայր Քոկենհաուզենը հիշատակելով, թե ինչպես գեր-
մանական հրամանատարությունը բոլոր ուժերով, ընդհուպ
մինչև զինված միջամտությունը, օգնել էր Դոնի Մեծ Ձորաց,
բոլշևիկների դեմ պայքարելու և սահմանները վերականգ-
նելու համար, հարցրեց, թե ինչպես կվերաբերվի Դոնի կա-
ռավարությունը, եթե չեխոսլովակները գերմանացիների դեմ
ռազմական գործողություններ սկսեն: Կրասնովը նրան հա-
վատացրեց, որ կազակությունը խստորեն չեզոքություն կը-
պահպանի և, իհարկե, չի թույլ տա, որ Դոնը ռազմաբեմ
դառնա: Մայր ֆոն Ստեֆանին ցանկություն հայտնեց, որ
ատամանի պատասխանը գրավոր ձևակերպում ստանա:

Դրանով վերջացավ տեսակցությունը, իսկ մյուս օրը Կը-
րասնովը հետևյալ նամակը գրեց գերմանական կայսրին.

Անարխիստություն անող Մախնոն կովում էր և՛ գերմանացիների, և՛
սպիտակների ու Պետլյուրայի, և՛ սովետական իշխանության դեմ: Վրան-
գելի ջախջախումից հետո Մախնոյի բանդաները հարավային Ուկրաինա-
յում սովետական իշխանության գլխավոր թշնամիներն էին:

«Ձերդ կայսերական և արքայական մեծություն, սույն նամակը հանձնուը, Դոնի Մեծ Ջորաց Զիմովայա ստանցիայի ատամանը, ձերդ կայսերական մեծության արքունիքին կից դեսպանը և նրա ընկերները իմ, Գոնի ատամանի կողմից լիազորված են ողջունելու ձերդ կայսերական մեծությանը, մեծ Գերմանիայի հզոր միապետին, և հաղորդելու հետևյալը.

Դոնի քաշակորով կազակների երկու ամսվա պայքարը, որ նրանք իրենց հայրենիքի ազատության համար մղում են այնպիսի արիությանը, որով վերջին ժամանակներս անգլիացիների դեմ պայքարում էին գերմանական ժողովրդին ազգակից բուրքերը, մեր պետության բոլոր ֆրոնտներում պսակվեց լիակատար հաղթանակով. և այժմ Դոնի Մեծ Ջորաց երկիրը առ 9/10 ազատագրված է կարմիրգլորիական վայրենի բանդա-ներից: Երկրի ներսում ամրապնդվել է պետական կարգը և լիակատար օրինակություն է հաստատվել: Ձերդ կայսերական մեծության զորքերի բարեկամական օգնության շնորհիվ անդորրություն է ստեղծվել երկրի հարավում, ու ես կազակների մի կորպուս եմ պատրաստել երկրի ներսում կարգը պահպանելու և դրսի թշնամիների հարձակմանը դիմադրելու համար: Երիտասարդ պետական օրգանիդմի համար, որպիսին ներկայումս հանդիսանում է Դոնի մարզը, դժվար է մենակ գոյություն ունենալ, և այս պատճառով էլ նա սերտ դաշինք է կնքել Աստրախանի և Կուբանի մարզերը զլխավորողներին, գնդապետ իշխան Տունդուտովի և գեդապետ Ֆիլիմոնովի հետ, այն հաշվով, որ Աստրախանի և Կուբանի մարզերը բոլշեիկներից մաքրելուց հետո Ֆեդերացիայի հիմունքներով կազմվի պետական հաստատուն միավորություն Դոնի Մեծ Ջորաց երկրից. Աստրախանի մարզից՝ Ստավրոպոլի նահանգի կալմիկներով հանդերձ, Կուբանի մարզից, ինչպես նաև Հյուսիսային Կովկասի ժողովուրդներից: Այդ բոլոր տերությունների կողմից համաձայնություն կա, և նոր կազմվող պետությունը Դոնի Մեծ Ջորաց հետ լիակատար համաձայնությամբ որոշել է թույլ չտալ, որ իր երկրները արյունոտ ընդհարումների ասպարեզ դառնան, ու պարտավորվել է լիակատար չեզոքություն պահպանել: Մեր Զիմովայա ստանցիայի՝ ձերդ կայսերական մեծության արքունիքին կից ատամանը իմ կողմից լիազորված է՝

Խնդրել ձերդ կայսերական մեծության՝ ճանաչել Դոնի Մեծ Ջորաց ինքնուրույն գոյության իրավունքները, իսկ Կուբանի, Աստրախանի և Թերեքի ու Հյուսիսային Կովկասի ազատագրումից հետո—նաև ամբողջ Ֆեդերացիայի ինքնուրույն գոյության իրավունքը՝ Դոն-Կովկասյան միության անունով:

Խնդրել ձերդ կայսերական մեծության՝ ճանաչել Դոնի Մեծ Ջորաց սահմանները նախկին աշխարհագրական ու ազգագրական շափերով, օգնել Տազանրոզի ու նրա օկրուգի վերաբերյալ Ուկրաինայի և Դոնի Ջորաց միջև վեճի լուծմանը հօգուտ Դոնի Ջորաց, որն ավելի քան 500 տարի տիրում է Տազանրոզի օկրուգին և որի համար Տազանրոզի օկրուգը մի մասն է հանդիսանում Տնուտարականի, որից և առաջացել է Դոնի մարզը:

Խնդրել ձերդ մեծության աջացությունը՝ ստրատեգիական նկատառումներով Դոնին միառնելու Կամիշին և Ծարիցին քաղաքները, Սարա-

տովի նահանգը, Վորոնեժ քաղաքն ու Լիսկի կայարանը և Պովարինո, Դոնի Ջորաց սահմանն անցկացնելու այնպես, ինչպես այդ ցույց է տրված Զիմովայա ստանցիայում եղած քարտեզի վրա:

Խնդրել ձերդ մեծության՝ ճնշում գործադրել Մոսկվայի սովետական իշխանությունների վրա և ստիպել նրանց իրենց հրամանով կարմիր Բուսակի ավազակային շոկատներից մաքրել Դոնի Մեծ Ջորաց և Դոն-Կովկասյան միության մեջ մտնելիք մյուս տերությունների սահմանները և հնարավորություն տալ վերականգնելու նորմալ, խաղաղ հարաբերությունները Մոսկվայի և Դոնի Ջորաց միջև: Սովետական Ռուսաստանը պետք է հատուցի Դոնի կազակ բնակչության, առևտրի և արդյունաբերության բոլոր վնասները, որոնք առաջացել են բոլշեիկների արշավանքից:

Խնդրել ձերդ կայսերական մեծության՝ մեր երիտասարդ պետության օգնել թնդանոթներով, հրացաններով, ռազմամթերքով ու ճարտարագիտական գույքով, և եթե այս շահավետ եք գտնում, Դոնի Ջորաց սահմաններում թնդանոթների, հրացանների, արկերի ու փամփուշտների գործարաններ կառուցել:

Դոնի Մեծ Ջորաց երկիրը և Դոնի-Կովկասյան միության այլ պետությունները չեն մոռանա բարեկամական ծառայությունները գերմանական ժողովրդի: Որի հետ կազակները համատեղ կովում էին դեռ երեսնամյա պատերազմի ժամանակ, երբ Դոնի գնդերը գտնվում էին Վալլենշտեյնի բանակի շարքերում, իսկ 1807—1813 թվականներին Դոնի կազակները իրենց ատաման կոմս Պլատովի հետ պայքարում էին Գերմանիայի ազատության համար, և այժմ, Պրուսիայի, Գալիցիայի, Բուկովինայի ու Լեհաստանի դաշտերում մղված Յիշ տարվա արյունոտ պատերազմից հետո կազակները և գերմանացիները փոխադարձաբար սովորել են հարգել իրենց զորքերի քաջությունն ու սոկոունությունը, ու հիմա միմյանց ձեռք մեկնելով, որպես երկու ազնիվ մարդիկ, միասին պայքարում են հայրենի Դոնի ազատության համար:

Դոնի մեծ Ջորաց երկիրը և Դոնի կայսերական մեծության մատուցած ծառայության համար պարտավորվում է լիակատար չեզոքություն պահպանել ժողովրդների համաշխարհային պատերազմի ժամանակ և գերմանական ժողովրդին թշնամի դիմված ուժերը շնորհել իր տերիտորիան, որի համար իրենց համաձայնությունն են տվել թե՛ Աստրախանի զորաց ատաման իշխան Տունդուտովը և թե՛ Կուբանի կառավարությունը, իսկ միանալուց հետո կտան Դոն-Կովկասյան միության նաև մյուս մասերը:

Դոնի Մեծ Ջորաց երկիրը Գերմանական կայսրությանը նախապատվության իրավունք է ընձեռում տեղական կարիքների բավարարումից հետո արտածել հացահատիկ և ալյուր, կաշվեղեն ապրանքներ և հումք, բուրդ, ձկնեղեն ապրանքներ, բուսական ու կենդանական ճարպեղեն ու յուղ և դրանցից պատրաստված ապրանքներ, ծխախոտի ապրանքներ, անասուններ ու ձիեր, խաղողի գինի և այլբերծության ու հողագործության այլ մթերքներ, որի փոխարեն Գերմանական կայսրությունը կմատակարարի պտղատնտեսական մեքենաներ, քիմիական մթերքներ և ազաղման հյուսիք, պետական արժեթղթերի պատրաստման լքսպեդիցիա-

յի սարքավորում նյութերի համապատասխան պաշարով, բամբակեղենի, կաշվեղենի, քիմիական, շաքարի և այլ գործարանների սարքավորում և էլեկտրատեխնիկական պարագաներ:

Բացի դրանից, Գոնի Մեծ Ջորաց կառավարությունը գերմանական արդյունաբերությանը կտրամադրի հատուկ արտոնություններ Գոնի արդյունաբերության և առևտրի ձեռնարկություններում կապիտալներ գետն-դեղու, մասնավորապես ջրային և այլ նոր ճանապարհների կառուցման ու շահագործման համար:

Սերտ դաշինքը փոխադարձ օգուտներ է խոստանում, և ճակատամարտերի ընդհանուր դաշտերում գերմանացի ու կազակ ռազմասեր ժողովուրդների թափած արյունով ամրապնդված բարեկամությունը կդառնա մի հզոր ուժ՝ մեր բոլոր թշնամիների դեմ պայքարելու համար:

Այս նամակով ձերզ կայսերական մեծությանն է դիմում ոչ թե մի դիպլոմատ և միջազգային իրավունքին քաջածանոթ մի մարդ, այլ մի զինվոր, որը սովորել է ազնիվ մարտում հարգել գերմանական զենքի ուժը, այս պատճառով էլ խնդրում եմ ներել իմ տոնի շիտակությունը, որը խորթ է որևէ խորամանկության, ու խնդրում եմ հավատարի իմ զգացմունքների անկեղծությանը:

Ձեզ հարգող Պյոտր Կրասնով
Գոնի ատաման, գեներալ-մայոր:

Հուլիսի 2-ին նամակը քննարկվեց բաժինների կառավարիչների խորհրդում, ու շնայելով, որ վերաբերմունքը դեպի այն խիստ զուսպ էր, իսկ Բոգանսկու և կառավարության էլի մի քանի անդամների կողմից այն նույնիսկ պարզապես բացասական էր, Կրասնովն այն անհապաղ հանձնեց Բեռլինում Զիմովայա ստանիցայի ատաման հերցոգ Լիխտենբերգսկուն, որը մեկնեց Կիև, այնտեղից էլ գեներալ Չերյաշուկինի հետ—Գերմանիա:

Առանց Բոգանսկու գիտություն չէր, որ նամակը մինչև ուղարկելը արտատպվեց արտաքին գործերի բաժնում, նրա պատճենները լայն շափով ձեռքից ձեռք անցան և համապատասխան կոմենտարիաներով տարածվեցին կազակական զորամասերում և ստանիցաներում: Նամակը պրոպագանդայի մի հզոր միջոց դարձավ: Մարդիկ սկսեցին ավելի ու ավելի բարձրաձայն խոսել այն մասին թե Կրասնովը ծախվել է գերմանացիներին: Թագամականներում հուզումներ էին ծավալվում:

Իսկ այդ ժամանակ գերմանացիները հաջողություններից

թեևավորված, ռուսական գեներալ Չերյաշուկինին տանում էին Փարիզի մերձակայքը, և նա գերմանական գլխավոր շտաբի պաշտոնյաների հետ միասին դիտում էր Կրուպպի ծանր հրետանու հզորագույն գործողությունը, անզլո-ֆրանսիական գործերի ցախջախումը:

V

Զմեռային արշավանքի ժամանակ Եվգենի Լիստնիցկին երկու անգամ վիրավորվեց. առաջին անգամ՝ Ուստ-Լարինսկայա ստանիցայի համար մղված մարտում, երկրորդ անգամ՝ Եկատերինոգրաի վրա գրոհելու ժամանակ: Երկու վերքերն էլ անեղան էին, և նա նորից շարք վերադարձավ: Բայց մայիսին, երբ կամավորական բանակը նովոչերկասկի ռայոնում կանգ առավ կարճատև հանգստի համար, Լիստնիցկին տկարություն զգաց, երկու շաբաթվա արձակուրդ վերցրեց: Որքան էլ մեծ էր տուն մեկնելու ցանկությունը, այնուամենայնիվ նա որոշեց մնալ նովոչերկասկում, որպեսզի այնտեղ հանգստանար, ժամանակ շկորցներ ճանապարհ զրնալու վրա:

Նրա հետ միասին արձակուրդ ստացավ միլենույն դասակում ծառայած նրա ընկերը, ռոտմիստր Գորչակովը: Գորչակովը նրան առաջարկեց ապրել իր մոտ:

— Ես երեխաներ չունեմ, իսկ կինս ուրախությամբ կընդունի քեզ: Նա քեզ հետ ծանոթ է իմ նամակների միջոցով: Կեսօրին, որ ամառվա պես տաք ու պայծառ էր, նրանք մոտեցան ցածրիկ, առանձնակի մի տան, որ գտնվում էր կայարանամերձ փողոցներից մեկի վրա:

— Ահա իմ ռեզիդենցիան անցյալում,— արագ քայլելով ու նայելով Լիստնիցկուն, ասաց սևաբեղ, բարձրասրունը Գորչակովը:

Նրա ուռուցիկ, թուխ-կապտավուն աչքերը խոնավանում էին խնդրառատ հուզումից, ժպտը դեպի ներքև էր ծռում հույնի քթի պես մտտ քիթը: Լայն-լայն քայլելով, պաշտպանական գույնի հեծելազորային շալվարի մաշված սեկերի

չոր խշշոց արձակելով, նա մտավ տուն, սենյակները միանգամայն լցրեց զինվորայնության սուր հոտով:

— Ո՞րտեղ է կոլլան, Օլլգա Նիկոլաևնան ո՞ւր է,— բղավեց խոհանոցից հապճեպ մոտեցող ու ժպտացող սպասուհու վրա,— այգո՞ւմն է: Գնանք այնտեղ:

Այգում խնձորենիներից վագրի մորթու պես բծավոր սովերներ են ընկել, տարածվել է մեղվանոցի, տաքացած հողի բույրը: Լիստնիցկու ակնոցի ապակիների մեջ բեկվելով, շրապնելի նման փշրվում են արևի ճառագայթները: Կայարանում անդադար ու խռպոտ մոնչում է մի շոգեթարշ, ընդհատելով այդ միալար, հեծեծագին մոնչոցը, Գորչակովը կանչում է կնոջը.

— Կյո՛լա, կյո՛լա, ո՞րտեղ ես:

Կողմնակի փոքրիկ ծառուղուց, մասրենու թիփրի ետևից դուրս եկավ բաց դեղնագույն շրջագգեստով, բարձրահասակ մի կին:

Մի վայրկյան նա կանգ առավ, վախենալով, գեղեցիկ ժեստով ձեռները սեղմեց կրծքին, հետո էլ ճիշ արձակելով, բազկատարած վազեց նրանց կողմը: Նա այնքան արագ վազեց, որ Լիստնիցկին տեսավ միայն յուրկայի տակ թրթիփացող կլորավուն-ուռուցիկ ծնկները, տուֆլիների նեղիկ թաթերը և ետ գցած գլխի վրա ծածանվող ոսկեփրփուր վարսերը:

Թաթերի վրա բարձրացած, արևավառ, մերկ թևերով ամուսնու գլուխը գրկած, կոլլան համբուրում էր նրա փոշոտ այտերը, քիթը, աչքերը, շրթունքները, արևից ու քամուց սևացած պարանոցը: Համբույրների կարճ, ճպճպացող հընչունները թափվում էին գնդացրի տկտկոցի նման:

Լիստնիցկին սրբում էր ակնոցը՝ ներշնչելով աղավնիճի բույրը, որ տարածված էր իր շուրջը, ու ժպտում էր ամենահիմար, շինձու ժպիտով, ինչպես ինքն էր այդ գիտակցում:

Նրբ ուրախության պոռթկումը մեղմացավ ու մի վայրկյան ընդհատվեց, Գորչակովը իր վզից գուրգուրանքով, բայց վճռականապես իջեցրեց կնոջ ձեռները, ու գրկելով նրա ուսերը, մեղմակի դարձրեց Լիստնիցկու կողմը:

— Կոլլա... ընկերս է, Լիստնիցկին:

— Ա՛խ, Լիստնիցկին: Շատ ուրախ եմ, Ամուսինս ձեռ

մասին...— Նա շնչասպառ լինելով, երջանկութունից ոչինչ չտեսնող, ծիծաղկոտ աչքերով հարևանցիորեն նայեց Լիստնիցկուն:

Նրանք քայլում էին կողք-կողքի: Գորչակովի մազոտ ձեռքը, որի եղունգներն անմաքուր ու քիստավոր էին, գրկել էր կնոջ աղջկական իրանը: Լիստնիցկին քայլելիս շեղակի նայում էր այդ ձեռքին, ներշնչում աղավնիճի և արևից տաքացած կանացի մարմնի բույրը ու իրեն զգում էր մանկականորեն խորապես դժբախտ, ինչ-որ մեկի կողմից անարդարացի ու ծանր վիրավորված: Նա նայում էր կնոջ վարդագույն, փոքրիկ ականջաբլթակին, որի վրա ոսկեփայլ-շիկակարմրավուն մագերի մի փունջ էր ընկել, նայում էր իրենից մի արշին հեռու գտնվող այտի մետաքսե մաշկին. նրա աչքերը մողեսմալարի սահեցին դեպի կնոջ կուրծքը, և նա տեսավ ոչ բարձր, թմբանման կաթնա-դեղնավուն ստինքը և իջած, կինամոնագույն պտուկը: Գորչակովան երբեմն նրա վրա էր դարձնում պայծառ, կապտավուն աչքերը, դրանց նայվածքը փաղաքուշ, բարեկամական էր, բայց թեթևակի ու ջղայնացուցիչ մի ցավ մաշում էր Լիստնիցկուն, երբ այդ նույն աչքերը նայելով Գորչակովի թուխ դեմքին, բուրբուլիս ուրիշ լույս էին ճառագայթում...

Լիստնիցկին միայն ճաշի ժամանակ ինչպես հարկն է զննեց տանտիրուհուն: Վերջինիս թե՛ բարետես կերպարանքում և թե՛ դեմքի վրա կար այն նվազող, մարող գեղեցկութունը, որով ոչ այնքան պայծառ փայլում է երեսուներորդ աշունն ապրած կինը: Բայց ծիծաղկոտ, մի փոքր սառն աչքերում, շարժումներում նա դեռ պահպանել էր ջահելության շվատնած պաշարը: Նրա դեմքն իր մեղմ, իրենց անկանոնությամբ գրավիչ գծերով անշուշտ ամենասովորական մի դեմք էր: Խիստ աչքի էր ընկնում միայն մի կոնտրաստ. բարակ, թուխ-կարմրավուն, ճաքճքված, վառ շուրթեր, որ ունենում են հարավի սև կանայք միայն, և այտերի նուրբ վարդագեղ մաշկ, բաց շիկագույն հոնքեր: Նա հաճույքով էր ծիծաղում, բայց ժպիտի մեջ, որից բացվում էին խիտ, մանր, ասես ձուլածո ատամները,— ինչ-որ մի սերտած բան կար նրա ցածր ձայնը մի փոքր խուլ էր հնչում ու երանգավորումներով հարուստ շէր: Նա չափազանց գեղեցիկ էր թվում

Լիստնիցկուն, որը երկու ամիս կին չէր տեսել, բացի գթության լիստված քույրերից: Լիստնիցկին նայում էր Օյլգա Նիկոլաևնայի հպարտ նստվածք ունեցող, վարսահանգույցով ծանրացած գլխին, պատասխանում էր անպատեհաբար ու, շուտով պատճառ բերելով հոգնածությունը, անցավ իրեն հատկացված սենյակը:

...Եվ ահա սահում էին օրերը հաճելի ու ձանձրալի: Հետո Լիստնիցկին դրանք երկյուղածությամբ էր տեսողում իր հիշողության մեջ, իսկ այն ժամանակ նա տանջվում էր տղայաբար, անխոհեմ ու հիմարորեն: Գորչակովների մտերիմ զույգը առանձնանում էր, խուսափում նրանից: Գորչակովների ննջարանին կից սենյակից նրան տեղափոխեցին տան անկյան սենյակը, պատրվակ բերելով նորոգումը. որի մասին խոսելիս Գորչակովը կծոտում էր բեղը, սափրված, ջահելացած դեմքի վրա ժպտալից լրջություն էր պահպանում: Լիստնիցկին գիտակցում էր, որ նեղում է ընկերոջը, բայց չգիտես ինչու չէր ուզում տեղափոխվել ծանոթների մոտ: Նա ամբողջ օրերով նստում էր խնձորենու տակ. գորշնարնջավուն ստվերում, կարողում էր լրագրերը, որոնք հասանք սովորած էին լինում անպետք փաթեթոցաթղթի վրա, քնում էր ծանր, չթարմացնող քնով: Նրա հետ մաշող ձանձրությունը բաժանում էր սիրունիկ պոետները,— շոկոլադագույն ու սպիտակ պիսակներով շունը: Սա լուռ խանդում էր տանտիրոջը՝ վերջինիս կնոջ նկատմամբ, գնում էր Լիստնիցկու մոտ. հեալով պառկում նրա կողքին, ու Լիստնիցկին շոյվում նրան, հուզված շնջում էր:

Նրադիր, երազիր... դալիացել է արդեն
Նայվածքը ոսկեհուր աչքերիդ...

Գուրգուրանքով կրկնում էր Բունինի տողերը, որ մնացել էին հիշողության մեջ ու ծոթորի մեղրի պես բուրավետ ու թանձր էին: Ու դարձյալ քնում էր...

Օյլգա Նիկոլաևնան լուկ կնոջը հատուկ բնագրով ըմբռնեց նրան ճնշող տրամագրությունը: Սկզբից զուսպ լինելով, նա սկսեց էլ ավելի զուսպ վարվել նրա հետ: Մի անգամ հրեկոյան քաղաքային այգուց վերադառնալիս նրանք գնում էին երկուսով (Մարկովյան գնդի ծանոթ սպաները այգու մուտք

քի մոտ կանգնեցրել էին Գորչակովին): Լիստնիցկին թեանցուկ էր արել Օյլգա Նիկոլաևնային, անհանգստացնում էր վերջինիս՝ նրա արմունկը պինդ սեղմելով իրեն:

— Ի՞նչ եք այդպես նայում,— ժպտալով հարցրեց Օյլգա Նիկոլաևնան:

Լիստնիցկուն թվաց, թե նրա ձայնը խաղուն, գրգռիչ տոնով է հնչում: Հենց միայն այս պատճառով էլ նա ռիսկ արեց մեղամաղձոտ մի քառյակ արտասանել (այդ օրերին նա պոեզիայով էր տարվում, ու մտքերը մեղունների ջանադրությամբ հիշողության մեջ վերականգնում էին ուրիշի հնչուն թախիծը):

Նա թեքեց գլուխը, ժպտալով շնջաց:

Օտարոտի մտերմությամբ ուժաբեկ,
Ես նայում եմ քոզով պատած երեսիդ,
Ու տեսնում եմ սքանչազեղ մի եզերք,
Հեռուների կախարդանքը ինդատիթ:

Օյլգա Նիկոլաևնան մեղմիվ ետ քաշեց իր թևը, զվարթացած ձայնով ասաց:

— Եվզենի Նիկոլաևիչ, ես բավականաչափ... Ես չեմ կարող շտեսնել, թե դուք ինչպես եք վերաբերվում ինձ... Եվ դուք չե՞ք ամաչում: Սպասեցեք, սպասեցեք: Ես ձեզ մի քիչ... այլ կերպ էի պատկերացնում... Լավ, թողնենք այդ տեղ... Ես վատ օբյեկտ եմ նմանօրինակ էքսպերիմենտների համար: Ուզում էիք իմ ետևից ընկնել, հա՞, Եկեք չկտրենք մեր բարեկամական հարաբերությունները, թողքե հիմարությունները: Ես «գեղեցիկ անծանոթուհին» չեմ: Հասկանալի՞ է: Համաձա՞յն եք: Տվեք ձեր ձեռքը:

Լիստնիցկին ազնվորեն վրդովված ձևացավ, բայց ի վերջո, չկարողանալով տանել իր դերը, քա՛հ-քա՛հ ծիծաղով պատասխանեց Օյլգա Նիկոլաևնայի ծիծաղին: Երբ Գորչակովը հասավ նրանց, Օյլգա Նիկոլաևնան աշխուժացավ ու էլ ավելի զվարթացավ, իսկ Լիստնիցկին լռեց և մինչև տուն հասնելը մտքում շարաշար նախատում էր ինքն իրեն:

Օյլգա Նիկոլաևնան իր ամբողջ խելացիությամբ հանդերձ, անկեղծորեն հավատում էր, թե բացատրությունից

հետո նրանք բարեկամներ կլինեն: Լիստնիցկին արտաքուստ արդարացնում էր նրա այդ հավատը, բայց ներքուստ համարյա ատում էր նրան, ու մի քանի օրից հետո զգալով, որ իդուր է ինքը տանջալից կերպով բացասական գծեր որոնում Օյլգայի բնավորության ու արտաքինի մեջ, հասկացավ, որ վրա է հասնում իսկական, մեծ զգացմունքը:

Վերջանում էին արձակուրդի օրերը՝ նրա գիտակցության մեջ թողնելով չիմորված տականքը: Կամավորական բանակը, համալրված ու հանգստացած, պատրաստվում էր հարվածներ հասցնել. կենտրոնախույս ուժերը նրան դեպի Կուրան էին մղում: Գորչակովն ու Լիստնիցկին շուտով մեկնեցին Նովոչերկասկից:

Օյլգան նրանց ճանապարհ էր դնում: Սև, մետաքսե գլխատը շեշտում էր նրա ոչ պայծառ գեղեցկությունը: Նա ժպտում էր լացակումած աչքերով, տգեղորեն ուռած շուրթերը նրա դեմքին հուզիչ, սրտաշարժ, մանկական արտահայտություն էին տալիս: Նա հենց այդպես էլ տպավորվեց Լիստնիցկու հիշողության մեջ: Եվ սա երկար ժամանակ, իր ապրած օրերի արյան ու կեղտի մեջ գուրգուրանքով պահում էր իր հուշերում նրա պայծառ, անմար կերպարը, պճնում անհասանելիության ու երկրպագության լուսապսակով:

Կամավորական բանակը հունիսին արդեն կովի բռնվեց: Առաջին իսկ կովում երեք դույմանոց արկի բեկորը խոցոտեց ռոտմիստը Գորչակովի փորոտիքը: Նրան շղթայից դուրս տարան: Մի ժամից հետո նա, սայլի վրա պառկած, արյունով ու մեզով ողողված դիմեց Լիստնիցկուն.

— Ես չեմ կարծում, թե կմեռնեմ... Հիմա ինձ օպերացիա կանեն... Ասում են քլորոֆորմ չկա... Չարժե մեռնել: Ի՞նչ ես կարծում... Բայց համենայն դեպս... Միանգամայն գիտակցական վիճակում և այլն... Եվդենի, շթողնես Լյուլային... Ես էլ, նա էլ հարազատներ չունենք: Դու ազնիվ ու հիանալի մարդ ես... Ամուսնացիր նրա հետ... Չե՞ս ուզում...

Նա աղերսանքով ու ատելությանմբ էր նայում Եվգենուն, նրա շսափրված, կապուտկած այտերը դողում էին: Նա արյունոտված ու հողոտված ձեռները խնամքով սեղմում էր պատոված փորին, ու շրթունքներից լիզելով կարմրավուն քրտինքը, ասում էր.

— Խոստանո՞ւմ ես: Մի՛ թող նրան... Եթե քեզ էլ այսպես չզարդարեն... ռուս զինվորիկները: Խոստանո՞ւմ ես: Լո՞ւմ ես: Նա լավ կին է,— ու ամբողջովին այլանդակ կերպով ծոմովեց,— տուրգենևյան կին է... Հիմա այդպիսիները չկան... Լո՞ւմ ես:

— Խոստանում եմ:

— Դեհ, ջհաննամը գնաս... Մնաս բարով...

Նա դողողալով սեղմեց Լիստնիցկու ձեռքը, հետո էլ ծանր, հուսահատական շարժամբ նրան քաշեց դեպի իրեն, ու ճիգ թափելուց սրթսրթալով, մի փոքր բարձրացնելով քրտնակալած գլուխը, ցամաքած շրթունքները սեղմեց Լիստնիցկու ձեռքին: Շտապելով, շինելի փեշը գցելով զուխին, շուտ տվեց դիմքը, և հուզված Լիստնիցկին հարևանցիորեն տեսավ նրա շուրթերի պաղ դողը, արցունքնեղի գորշ հետքը այտի վրա:

Երկու օրից հետո Գորչակովը մեռավ: Մեկ օրից հետո էլ Լիստնիցկուն ուղարկեցին Տիխորեցկ. նա ծանր վիրավորվել էր ձախ ձեռքից ու ազդրից:

Կորենովսկայայի մոտ երկարատև ու համառ մարտ ըսկրավեց: Լիստնիցկին իր գնդի հետ երկու անգամ գրոհի և հակազոռհի գնաց: Երրորդ անգամ ոտքի ելան նրա գումարտակի շղթաները: Լսելով մի վաշտապետի ճշոցները,— «Չպառկե՛լ», «Արծիվներս, դեպի առա՛ջ», «Դեպի առաջ, հանուն Կոռնիլովի գործի»,— նա ծանր ու դանդաղ վազեց շհնձած ցորենի միջով, ձախ ձեռքով թիակը իբրև վահան գլխի վրա պահած, աջ ձեռքում սեղմելով հրացանը: Մի անգամ գնդակը զրնդալով սահեց թիակի թեքված փոսիկով, ու Լիստնիցկին շտկելով թիակի բռնակը, սուր բերկրանքով մտածեց՝ «չդիպավ»: Հետո էլ մի կարճ, ապշեցուցիչ կերպով ուժեղ հարված դեն գցեց նրա ձեռքը: Նա վար գցեց թիակը և բորբոքված վիճակում, չպաշտպանված գլխով վազեց էլի մի տասը սաժեն: Փորձեց հրացանը վերցնել հորիզոնադիր, բայց չկարողացավ ձեռքը բարձրացնել: Ցավը ծանր լցվում էր յուրաքանչյուր հողի մեջ, ինչպես արձիճը—կաղապարի մեջ: Պառկեց մի ակոսի վրա, ու չկարողանալով զսպել իրեն, մի քանի անգամ ճչաց: Պառկած վիճակում մի գնդակ էլ

խփեց ազդրին, և նա դանդաղորեն, դժվարութեամբ կորցրեց գիտակցութիւնը:

Տիկորեցիկում կտրեցին նրա շարդված թևը, մի կտոր սկոր հանեցին ազդրից: Երկու շաբաթ պառկեց՝ տանջվելով հուսալքումից, ցավից, ձանձրութից: Հետո տեղափոխեցին Նովոչերկասկ: էլի երեսուն տաղտկալի օրեր լազարեթում: Վիրակապումներ, գթութեան քույրերի ու բժիշկների ձանձրացուցիչ դեմքեր, յոդի, կարբոլյան թթվուտի սուր հոտ... Երբեմն գալիս էր Օյլգա Նիկոլաևնան: Նրա այտերը կանաչավուն դեղնութեամբ էին պատած: Սգաշորը կրկնապատկում էր մարած աչքերի լացով շթեթեացած վիշտը: Լիստնիցկին երկար նայում էր նրա խամրած աչքերին, լռում էր, շապկի դատարկ թևքը ամոթխածութեամբ, գողավարի թաքցնում վերմակի տակ: Օյլգա Նիկոլաևնան ասես դժկամորեն պատմել էր տալիս ամուսնու մահվան մանրամասնութիւնները, լսում շինծու ցրվածութեամբ, անտարբեր նայում մահակալներին: Լազարեթից դուրս գրվելով, Լիստնիցկին գնաց նրա մոտ: Օյլգան նրան դիմավորեց արտաքին սանդուղքի մոտ, երեսը շուռ տվեց՝ երբ Լիստնիցկին նրա ձեռքը համբուրելիս խոր թեքից գլուխը, որը կարճ կրտրած, սպիտակավուն ու խիտ մազերով էր ծածկված:

Լիստնիցկին խնամքով էր սափրված, պաշտպանական գույնի պճնագեղ ֆրենչը առաջվա պես հիանալի էր նստել նրա վրա, բայց դատարկ թևքը տանջալից անհանգստութիւն էր պատճառում. դրա մեջ շղաձգարար շարժվում էր թևի փոքրիկ, բինտով կապված կտրոնքը: Նրանք տուն մտան: Լիստնիցկին առանց նստելու ասաց.

— Բորիսը մահից առաջ խնդրել էր ինձ... Ինձնից խոստում էր վերցրել, որ ես ձեզ չեմ թողնի...

— Ես գիտեմ:

— Ո՞րտեղից:

— Նրա վերջին նամակից...

— Նրա ցանկութիւնն այն էր, որ մենք միասին լինենք... Իհարկե եթե դուք համաձայնեք, եթե հաշմանդամի հետ ամուսնանալը ձեռնտու է ձեզ... Խնդրում եմ հավատալ... զգացմունքների մասին խոսելն այժմ տեղին չէր լինի... Բայց ես անկեղծորեն ձեր բարորութիւնն եմ ցանկանում:

Լիստնիցկու շփոթված տեսքը ու անկապ, հուզումնալի խոսքերը շարժեցին Օյլգայի սիրտը:

— Ես մտածում էի այդ մասին... Ես համաձայն եմ:

— Մենք կմեկնենք հորս մոտ, մեր կալվածքը:

— Լավ:

— Մնացածը կարելի է հետո՞ ձևակերպել:

— Այո:

Լիստնիցկին ակնածանքով շրթունքները հպեց Օյլգայի ձեռքին, որ թեթև էր ինչպես ճենապակի, ու երբ բարձրացրեց խոնարհ աչքերը, տեսավ նրա շրթունքներից սահող ժպիտի ստվերը:

Սերը և մարմնական ծանր ցանկութիւնը Լիստնիցկուն քաշում էին դեպի Օյլգան: Նա սկսեց ամեն օր գնալ Օյլգայի մոտ: Մարտական առօրյայից հոգնած նրա սիրտը հեքիաթի էր ձգտում... Եվ նա մենակութեան բուսկներին դասական վեպի հերոսի նման էր դատողութիւններ անում, իր մեջ համառորեն փնտրում ինչ-որ վեհ զգացումներ, որպիսիք երբեք և ոչ ոքի չէր տածել, — գուցե ցանկանում էր դրանցով քողարկել ու պճնել սոսկ զգայական հակման մերկութիւնը: Մական հեքիաթը մի թևով էր շոշափում իրականութիւնը: Կյանքում պատահմամբ հանդիպած այդ կնոջ հետ նրան կապում էր ոչ միայն սեռական հակումը, այլև էլի ինչ-որ աննշմար մի թել: Լիստնիցկին աղոտ կերպով էր ըմբռնում իր ապրումները, միայն մի բան էր զգում առավելագույն պարզութեամբ, այն է՝ իր վրա, խեղված ու շարքից դուրս եկած այդ մարդու վրա առաջվա պես տիրաբար իշխում է սանձարձակ ու վայրենի բնազդը, — «Ինձ ամեն ինչ կարելի է»: Նույնիսկ Օյլգայի համար տրտում օրերին, երբ վերջինս իր մեջ, որպես պտուղ, կրում էր ամենածանր կորստի դառնութիւնը, Լիստնիցկին մեռյալ Գորչակովի նկատմամբ խանդով դաղված, ըղձում էր Օյլգային, ըղձում մոլեգնաբար... Կատաղի ջրապտույտում փրփրում էր կյանքը: Այն օրերին վառողի հոտ քաշած, իրադարձութիւններից կուրացած ու շշմած մարդիկ ապրում էին հապճեպորեն ու ագահութեամբ, հենց միայն առկա օրով: Եվ արդյո՞ք այդ չէր պատճառը, որ Լիստնիցկին շտապում էր կապել իր և Օյլգայի կյանքը՝ թերևս տարտամորեն գիտակցելով անխուսափե-

լի կործանումն այն գործի, որի համար ինքը դիպի մահ էր գնում:

Նա մանրամասն նամակով հաղորդեց հորը, որ ամուսնանում է և շուտով կնոջ հետ կժամանի Յագոդնոյն:

«...Ես վերջացրի իմ անելիքը: Ես դեռ կարող էի մի ձեռքով էլ ոչնչացնել բունտ բարձրացրած խուժանին, այդ անիծված «ժողովրդին», որի վիճակի համար տասնյակ տարիներ լաց ու կոծ էր անում ուսաստանյան ինտելիգենցիան, բայց, իսկապես, այժմ դա ինձ օտարոտի ու անիմաստ է թվում... Կրասնովը Գենիկինի հետ հաշտ չէ. իսկ երկու լագերի մեջ էլ փոխադարձ ոտնձգություն, խարդավանք, գարշանք ու նողկանք է տիրում: Երբեմն ես սարսափում եմ: Ի՞նչ է լինելու: Այժմ տուն եմ գալիս միակ ձեռքով ձեզ գրկելու և ձեզ հետ ապրելու՝ հեռվից հետամուտ լինելով պայքարին: Ես արդեն ոչ թե զինվոր եմ, այլ ֆիզիկապես ու հոգեպես հաշմանդամ: Ես հոգնել եմ, անձնատուր եմ լինում: Երևի մասամբ դրա հետևանքն է իմ ամուսնությունը և «խաղաղ հանգրվան» ձեռք բերելու ձգտումս», — այսպիսի տխուր հեղինակով էր նա վերջացրել նամակը:

Նովոշերկասկից մեկնելը նշանակված էր միկ շաբաթից հետո: Մեկնելուց մի քանի օր առաջ կիստնիցկին վերջնականապես տեղափոխվեց Գորչակովայի մոտ: Նրանց մերձեցնող գիշերից հետո Օյլգան մի տեսակ նիհարեց, դալկակացավ: Նա հետո էլ էր զիջում կիստնիցկու ցանկություններին, բայց տաջնալից կերպով էր տանում ստեղծված դրությունը և հոգու խորքում վիրավորված էր: Կիստնիցկին չգիտեր կամ չէր ուզում գիտենալ, որ նրանց կապող սերը չափում են տարբեր շափերով և ատիլությունը՝ մեկ շափով:

Եվգենին մինչև մեկնելը Ակսինյայի մասին դժկամորեն, կցկտուր կերպով էր մտածում: Նա պաշտպանվում էր Ակսինյային վերաբերող մտքերից, ինչպես ձեռքով պաշտպանվում են արևից: Բայց, նրա կամքից անկախ, ավելի ու ավելի համառորեն, լուսաշերտերի նման թափանցում, անհանգստացնում էին նրան հիշողություններն այդ կապի մասին, որը տարիների ընթացքում հաստատուն միություն էր դարձել: Կիստնիցկին որոշ ժամանակ մտածում էր՝ «Նրա հետ հառաբերություններս չեմ կտրի: Նա կհամաձայնվի»:

Բայց պատշաճություն չգտնեց հաղթահարեց. նա որոշեց Յագոդնոյն ժամանելուց հետո խոսել Ակսինյայի հետ, ու եթե հնարավոր լինի, ձեռք քաշել նրանից:

Մեկնելուց հետո շորրորդ օրվա վերջում ժամանեցին Յագոդնոյն: Մերունի պանը նորապսակներին դիմավորեց կալվածքից մի վերստ հեռավորությամբ: Եվգենին դեռ հեռվից տեսավ, թե ինչպես հայրը ոտը ծանրաշարժ իջեցրեց մըրցարշավի կառքի նստելատեղից, հանեց գլխարկը:

— Եկել ենք դիմավորելու թանկագին հյուրերին: Է՛հ, թողեք մի տեսնեմ ձեզ... — բամբ ձայնով ասաց ծերունին՝ անճոռնի շարժմամբ գրկելով հարսին, կանաչավուն-սպիտակ, ծխահարված բեղերի փնջերը հպելով նրա թշերին:

— Նստեցեք մեզ հետ, հայրիկ: Քշի՛ր, կառապան: Ա՛ա-ա, Սաշկա պապի, բարև, սա՛ղ ես, էլի՛: Հայրիկ, նստեցեք իմ տեղը, ես կտեղավորվեմ կառապանի կողքին:

Մերունին նստեց Օյլգայի կողքին, թաշկինակով սրբեց բեղերը ու զուսպ կերպով, առերևույթ զվարթությամբ նայեց որդուն:

— Է՛հ, ո՞նց ես, ջանքս:

— Շատ ուրախ եմ, որ տեսնում եմ ձեզ:

— Ասում ես հաշմանդամ ես, էլի՛:

— Ի՞նչ արած, հաշմանդամ եմ:

Հայրը շինծու ձգվածությամբ նայում էր Եվգենին՝ փորձելով խստություն տակ թաքցնել կարեկցություն արտահայտությունը, աշխատելով շնայել որդու համազգեստի դատարկ, կանաչ, գոտու տակ խոթած թևերին:

— Ոչինչ, ընտելացել եմ: — Եվգենին թոթվեց ուսը:

— Իհարկե կընտելանաս, — հայճեպ վրա բերեց ծերունին, — միայն թե զլուխդ ողջ լինի: Չէ՞ որ վահանով... հը՞, ինչպե՞ս: Ասում եմ վահանով ես եկել: Եվ նույնիսկ գերի վերցրած գեղեցկուհու հետ, հը՞:

Եվգենին զմայլվում էր հոր նրբին, մի փոքր հնացած բարեկրթությամբ, աչքերով հարցնում Օյլգային՝ «Չը՞, ի՞նչպես է դուր գալիս ծերունին», ու Օյլգայի աշխույժ ժպիտից, շերմություն արտահայտող աչքերից առանց խոսքերի հասկացավ, որ հայրը նրան դուր է եկել:

Գորշ, կիսավարդուն ձիերը կառքն արագ տանում էին

բլրալանջից ներքև: Բլրակից երևացին շենքերը, տնամերձ պուրակի կանաչ, փուլած բաշը, սպիտակ պատերով տունը, պատուհանները ծածկող թխկիները:

— Որքա՛ն լավ է, ախ, լավ է,— աշխուժացավ Օլլզանը: Բակից դուրս գալով, բարձր ցատկումներով մոտ վազեցին բարակները: Նրանք շրջապատեցին կառքը: Սաշկա պապին հտեկից մտրակով շրմփացրեց նրանցից մեկին, որ ցատկում էր կառքի մեջ, ու բարկացկոտ գոռաց.

— Ուզում ես կառքի տա՛կ ընկնել, սատանա՛: Դե կորիզնա:

Եվգենին նստել էր մեջքը դեպի ձիերը. գրանք երբեմն փնշում էին, քամին ետ էր բերում մանրիկ կաթիլները, ցուզում նրա վիզը:

Նա ժպտալով նայում էր հորը, Օլլզային, ճանապարհին, որի վրա հասկեր էին թափթփված, բլրակին, որ դանդաղ բարձրանում էր, ծածկում հեռավոր բլրաշարքը և հորիզոնը:

— Ի՛նչ խուլ տեղ է և ինչպիսի՛ անդորրություն...

Օլլզան ժպտալով նայում էր ճանապարհի վերևում լուռ թռչող սերմնագուպներին, դեպի ետ սլացող բարձվենյակի ու իշառվույտի թփերին:

— Դուրս են եկել մեզ դիմավորելու— Պանը կկոցեց աչքերը:

— Ովքե՞ր:

— Մառանները:

Եվգենին ետ նայելով ու դեռ լավ չտեսնելով տան մոտ կանգնածների դեմքերը, զգաց, որ կանանցից մեկն Ակսինյան է, թունդ կարմրեց: Նա սպասում էր, որ Ակսինյայի գեմքի վրա հուզմունք կարտահայտվի, բայց երբ կառքը կայտառ սվսվալով մոտեցավ դարպասին և նա սրտագող նայեց աջ կողմը ու տեսավ Ակսինյային, նրան ապշեցրեց վերջինիս դեմքը, որ զուսպ ուրախություն էր արտահայտում ու ժպտում էր: Կիստնիցկու ուսերից ասես մի ծանրություն ընկավ, նա հանդատացավ, պատասխանեց Ակսինյայի բարեին:

— Ինչպիսի՛ արատավոր գեղեցկություն, ո՞վ է դա... Գրգռիչ կերպով գեղեցիկ է, այնպես չէ՞,— Օլլզան հիացած աչքերով ցույց տվեց Ակսինյային:

Բայց Եվգենին վերստին արիացավ. հանգիստ ու սառն պատասխանեց.

— Այո, գեղեցիկ կին է: Դա մեր աղախինն է:

Օլլզայի ներկայությունը տան մեջ ամեն ինչի վրա իր դրոշմն էր դնում: Մերուկ պանը, որ առաջ տանը ամբողջ օրերով գիշերային շապկով և տաք, գործած վարտիքով էր լինում, հրամայեց սնդուկներից հանել նավթալիների հոտ արձակող սերթուկները և կոշիկների մեջ շորվող գեներալական շալվարները: Նա, որ առաջ անփույթ էր ամեն բանի մեջ, ինչ որ իր անձնավորությանն էր վերաբերում, այժմ գոռում էր Ակսինյայի վրա, եթե արդուկած սպիտակեղենը որևէ փոքրիկ ծալ էր ունենում, ու աչքերին սարսափելի արտահայտություն էր տալիս, երբ Ակսինյան առավոտները նրան լավ շմաքրված կոշիկներ էր հրամցնում: Մերուկը թարմացած էր, Եվգենին հաճելի զարմանք էր զգում՝ նայելով նրա մշտապես մաքուր սափրված, պլպլան թշերին:

Ակսինյան ասես մի վատ բան նախազգալով, աշխատում էր գոհացնել դեռատի տիրուհուն, քծնողաբար հնազանդ էր և չափից դուրս ծառայակամ: Լուկերյան կաշվից դուրս էր գալիս, որ լավ ճաշ պատրաստեր, ու ինքն էլ գերազանցում էր խրենից՝ շափազանց հաճելի համ ունեցող սոուսներ ու կերակրի թանձր հեղուկներ հնարելու մեջ: Յագոգնոյում կատարված փոփոխությունների քայքայիչ ազդեցությունը շոշափեց նույնիսկ Սաշկա պապին, որը նիհարել էր ու խիստ ծերացել: Մի անգամ արտաքին սանդուղքի մոտ պանը հանդիպեց նրան, ոտից զուլի զննեց ու, չարագուշակ արտահայտություն տալով դեմքին, մատով կանչեց նրան:

— Այդ ի՛նչ է, շան որդի, հը՞,— պանի աչքերից սարսափ էր կաթում,— այդ ի՛նչ վիճակումն է շալվարդ, հը՞:

— Այսպես է, էլի՛,— հանդգնաբար պատասխանեց Սաշկա պապին, բայց ինքը մի փոքր շփոթվեց թե՛ անսովոր հարցուփորձից և թե՛ իր տիրոջ դողդոջուն ձայնից:

— Տանը ջահել կին կա, իսկ դու, գյաղայի մեկը, դու ուզում ես ինձ գերեզման դնել, հը՞, ինչո՞ւ շալվարդ չես կռճկում, մունտոփկ ավանակ, հը՞:

Սաշկա պապի կեղտոտ մատները շոշափեցին շալվարի առջևի մասը, սահեցին խոշոր կոճակների երկար շարքի, ասես անհնչուն հարմոնի կափարիչների վրայով: Նա ուզում էր էլի մի խիստ հանշուզն բան ասել իր տիրոջը, բայց սա, ինչպես երիտասարդության ժամանակ, ոտը խփեց գետնին, ու այնպես խփեց, որ սրաքիթ, հին ձևի սապոգի ներբանն էլ երևաց. պանը գոռաց.

— Հա՛յդա ախոռ, մա՛րջ: Լուկերյային կստիպեմ եռաջրով խաշե՛լ քեզ: Կեղտը դեն կշարտեմ, ձիո՛ւ մոռեթ:

Եվզենին հանգստանում էր, հրացանով թափառում անջրդի ձորահովտում, հնձած կորեկի արտերի մոտ կաքավներ էր որսում: Նրան մի բան էր մտահոգում, — Ակսինյայի հարցը: Բայց մի երեկո հայրը Եվզենին իր մոտ կանչեց. վախ՛լուկ նայելով դռանը ու, խուսափելով որդու աչքերին հանդիպելուց, ասաց.

— Գիտե՞ս ինչ, ես... Ներիր ինձ, որ միջամտում եմ քո անձնական գործերին: Բայց ես ուզում եմ գիտենալ, թե դու ինչպես պիտի վարվես Ակսինյայի հետ:

Եվզենին ինքն իրեն մատնեց նրանով, որ հապճեպորեն հանեց ու վառեց ծխախոտը: Նա դարձյալ շիկնեց ինչպես ժամանելու օրը, ու զգալով, որ կարմրում է, դրանից է՛լ ավելի կարմրեց:

— Զգիտեմ... Ուղղակի չգիտեմ... — անկեղծորեն խոստովանեց նա:

Մերունին ծանրակշիռ կերպով ասաց.

— Իսկ ես գիտեմ: Գնա և իսկույն խոսիր նրա հետ: Խոստացիր փող, մեզնից ձեռք քաշելու գին, — այստեղ ծերունին ժպտաց բեղի տակին, — խնդրիր, որ մեկնի: Մենք ոչևէ մեկ ուրիշին կգտնենք:

Եվզենին անմիջապես գնաց սպասավորների շենքը:

Ակսինյան մեջքը դեպի դուռը դարձրած, խմոր էր հունցում: Մեջքի վրա երևում էր երկայնակի փոսը, թիակների շարժումը: Դողում էին մինչև արմունկները քշտած թուխ, պարարտ թևերի մկանները: Եվզենին նայեց փարթամ մազերի խոշոր խոպոպներով պատած նրա վզին ու ասաց.

— Ակսինյա, խնդրում եմ ձեզ մի բոպեով:

Ակսինյան արագ շուռ եկավ՝ աշխատելով փայլ առած

իր դեմքին ծառայակամության և անտարբերության արտահայտություն տալ: Բայց Եվզենին նկատեց, որ իջեցնելով թևերը, դողում էին նրա մատները:

— Գալիս եմ: — Ակսինյան մի երկչոտ հայացք նետեց խոհարարուհու վրա, ու անկարող լինելով թաքցնել ուրախությունը, երջանիկ և աղերսագին ժպիտով քայլեց դեպի Եվզենին:

Մուտքի սանդուղքի վրա Եվզենին նրան ասաց.

— Գնանք այգի: Պետք է խոսել:

— Գնանք, — ուրախացած և հլու համաձայնեց Ակսինյան, կարծելով, որ դրանով վերսկսվում են նախկին հարաբերությունները:

Ճանապարհին Եվզենին ցածրաձայն հարցրեց.

— Ի՞նչ գիտե՞ս, թե ինչի համար քեզ կանչեցի:

Մթության մեջ ժպտալով, Ակսինյան բռնեց նրա ձեռքը, բայց Եվզենին իսկույն ետ քաշեց այն, ու Ակսինյան ամեն ինչ հասկացավ: Կանգ առան:

— Ի՞նչ էիք ուզում, Եվզենի Նիկոլակիչ: Ես այստեղից դենը չեմ գնա:

— Լավ, մենք կարող ենք հենց այստեղ էլ խոսել: Մեզ ոչ ոք չի լսում... — Եվզենին շտապում էր, խճճվում խոսքերի աննշմար ցանցում: — Ի՞նչ պետք է հասկանաս ինձ: Այժմ ես չեմ կարող քեզ հետ այնպես լինել, ինչպես առաջ... Ես չեմ կարող քեզ հետ ապրել... Հասկանո՞ւմ ես: Հիմա ես ամուսնացած եմ և, որպես ազնիվ մարդ, չեմ կարող ստորություն անել... Խիղճս թույլ չի տալիս... — ասում էր Եվզենին՝ սաստիկ ամաչելով իր վերամբարձ խոսքերից:

Գիշերը հենց նոր էր եկել մթին արևելքից:

Արևմուտքում դեռ բոսորավառված էր վերջալուսի հըրդեհած երկնքամասը: Կալում, լապտերների լույսով կայտում էին «լավ եղանակին». այնտեղ արագ ու եռանդով խփում էր մեքենայի զարկերակը, աղմկում էին բանվորները՝ ատամնանիվը, որ անդադար կերակրում էր շատակեր կալսիչը, խոպոտ ու բերկրալի բղավում էր՝ «բեր-տուր, բեր-տուր, բե՛ր-տուր»: Այգում կուտակվում էր լուռությունը: Եղինջի, ցորենի, ցողի բուրմունք էր զգացվում:

Ակսինյան լուռ էր:

— Ի՞նչ կասես, ինչո՞ւ ես լռում, Ակսինյա:

— է՛հ, ի՞նչ ասեմ:

— Ես քեզ փող կտամ: Դու պետք է մեկնես այստեղից: Ես կարծում եմ, որ կհամարձայնվես... Ինձ համար ծանր կլինի շարունակ տեսնել քեզ:

— Մի շաբաթից հետո ամիսը կլրանա: Կարելի՞ է այդ մի շաբաթն էլ ծառայել:

— Իհարկե, իհարկե:

Ակսինյան մի փոքր լռեց, հետո մի տեսակ կողքի շարժվելով, անհամարձակ, ասես տկար վիճակում մոտեցավ Եվգենիին, ասաց.

— Դե՛հ, ի՞նչ արած, կգնամ... Բա ինձ շե՞ս խղճա վերջին թուղթին: Ինձ կարիքն է այսպես անամոթ դարձել... Մենակ հոգիս դուրս եկավ... Դու ինձ մի՞ փնովի, ժենյա:

Նրա ձայնը հնչեղ ու շոր էր: Եվգենին իզուր էր փորձում հասկանալ՝ լո՞ւրջ է ասում նա, թե՞ կատակում է:

— Ի՞նչ ես ուզում:

Եվգենին սրտնեղությամբ հազաց ու հանկարծ զգաց, որ Ակսինյան նորից երկշոտ փնտրում է նրա ձեռքը...

Հինգ թուպից հետո նա դուրս եկավ հաղարջի թաց, բուրավետ թփի տակից, հասավ ցանկապատին, ու փստացնելով ծխախոտը, թաշկինակով երկար սրբեց շավարը, որի ծնկները կանաչել էին հյութալի խոտից:

Տան արտաքին սանդուղքով բարձրանալիս ետ նայեց: Սպասավորների շենքում, լուսավորված պատուհանից երեվում էր Ակսինյայի վայելչակազմ կերպարանքը. ձեռները գլխին տարած, Ակսինյան շտկում էր մագերը, նայում լամպին, ժպտում...

VI

Հասունացել էր փետրախոտը: Տափաստանը բազմավերստ տարածությամբ ծածանվող արծաթ էր հագել: Քամին առաձգականորեն տափում էր այն, վրա հասնում, զրզրելով, թմբացնում, կապտավուն-արևակնային ալիքները թշում մերթ դեպի հարավ, մերթ դեպի արևմուտք: Այնտեղ,

ուր սրարշավում էր ուժգնաթափ օդահոսանքը, փետրախոտը աղոթարարի նման կռանում էր գետնին, ու նրա սպիտակավուն լանջի վրայով երկար ձգվում էր սևին տվող մի արահետ:

Թոշնել էին գույնզգույն խոտաբույսերը: Բլրակների վրա ճկվել էր անուրախ, խանձված օշինդրը: Արագ սահում էին կարճ գիշերները: Գիշերները ածխանման-սև երկնքում շոդում էին անթիվ ու անքանակ աստղերը. լուսինը,— կազակական արեգակը,— նվազած կողով սևին տալով, ժլատ, սպիտակավուն լույս էր սփռում. լայնարձակ Հարդազողի ճանապարհը միաձուլվում էր աստղային այլ ուղիների հետ: Բարկ օդը խիտ էր, քամին շոր էր, օշինդրաբույր, գետինքը, որ հագեցված էր ամենազոր օշինդրի էլի նույն դառն բույրով. գովություն էր տենչում: Երեքվում էին սիգապանծ աստղադիները, որոնցով ոչ սմբակ էր անցել, ոչ էլ ոտք. աստղերի ցորնացրոնքը ոչնչանում էր սևահողանման սև երկրնքում՝ առանց ծլելու և առանց ծիլերի բերկրանք վատելու. լուսինը— ոնց որ շորացած աղուտ, իսկ տափաստանով մեկ— շորություն, պառկած խոտ ու դրա վրա՝ լորերի աշխույժ, անլուելի, արծաթահնչուն դայլայլը ու բզեզների մետաղե զրնգոցը:

Իսկ ցերեկները՝ տապ ու տոթ, ծխանման մուժ: Երկնքի խոնացած լազուրում՝ անողոք արև, ամպերի բացակայություն և ուրուրի տարածված թևերի կինամոնագույն, պողպատե կիսաղեղները: Տափաստանով մեկ կուրացուցիչ կերպով, պայծառ շողում է փետրախոտը, մշուշվում ուղտագույն, թուխ, տաք խոտը. ուրուրը թեքվելով՝ լողում է կապույտ կամարում. ներքեում, խոտի վրայով լռին սահում է նրա ահագին ստվերը:

Հոգնածորեն ու խռպոտ ճատատում են գետնասկյուռնները: Բներից դուրս տված, դեղնող, տաք հողի թմբիկների վրա ննջում են արջամկները: Տափաստանը տաք է, բայց մեռած է, ու շուրջն ամեն ինչ տաղտկալիորեն անշարժ: Նույնիսկ կուրգանն էլ հեքիաթայնորեն ու անուրջ, որպես երազում, կապույտին է տալիս տեսանելիության սահմանի վրա:

Հայրենի՛ տափաստան: Դառն քամի, որ օրորում է շո-

կային մայրացուների ու հովատակների բաշերը: Ձիու դուն-
ը աղիանում է քամուց, և ձին, ներշնչելով դառն-աղի
բույրը, ծամծամում է մետաքսանման շրթունքներով ու վը-
րընջում՝ դրանց վրա զգալով քամու և արևի կողմնակի
համբ: Հայրենի՝ տափաստան Դոնի ցածր երկնի տակ, ձո-
ռակների, շոր հովիտների, կարմրակավոտ յառերի ոլոր-
մոլոր գծեր, փետրախոտե հեռուներ՝ ձիու սմբակի կանա-
չած, փոս ընկած հետքով, իմաստուն լուսթյամբ խոյացած
կուրգաններ, որ պահպանում էք կազակական թաղված
իհառքը... Խոնարհում եմ գլուխս ու որդիաբար համբուրում քո
անուշ հողը, Դոնի՝ տափաստան, որ ողողված էս կազակա-
կան շժանգոտող արյունով:

Նա փոքրիկ, վտիտ, օձի գլուխ ունի: Ականջները մանր
են ու արագաշարժ: Կրծքի մկանները լիակատար շափով
զարգացած են: Ոտները բարակ են, ուժեղ, կոճիկներն ան-
բասիր են, սմբակները ողորկ՝ ինչպես գետաքարը: Հետույքը
մի քիչ կախ է, պոչը թել-թել: Նա Դոնի գտարյուն նժույգ է:
Ավելին՝ նա միանգամայն ազնվացեղ է, նրա երակներում
ո՛չ մի կաթիլ այլ արյուն, ու ցեղայնությունը նկատվում է
ամեն ինչում: Նրա անունը Մայլբրուկ է:

Ջրարբում պաշտպանելով իր մատակ ձիուն, նա կռվում
էր մի ուրիշ, ավելի ուժեղ ու տարիքավոր հովատակի հետ,
ու վերջինս սաստիկ վիրավորեց նրա առջևի ձախ ոտը, շնա-
յելով, որ արոտավայրում ձիերը միշտ էլ առանց պայտերի
են լինում: Նրանք ծառս էին լինում, կրծում միմյանց, խը-
փում առջևի ոտներով, պոկում մեկը մյուսի կաշին...

Ձիարածն այնտեղ շէր, նա քնել էր տափաստանում՝
մեջքը արևին դեմ արած ու փոշոտ, տաք սապոգներով ոտ-
ները տարածած: Հակառակորդը Մայլբրուկին գցեց գետին,
հետո ջոկից հեռո՛ւ-հեռու քշեց ու արյունլվիկ վիճակում
թողնելով այնտեղ, զավթեց երկու ջոկն էլ, տարավ Ճահ-
ճոտ ձորակի երկարությամբ:

Վիրավորված հովատակին տեղավորեցին ախոռում, բու-
ժակը բուժեց նրա վնասված ոտը: Իսկ վեցերորդ օրը Միշ-
կա Կոշևոյը, որ եկել էր վերակացուին զեկուցում տալու,

ականատես եղավ, թե ինչպես Մայլբրուկը ցեղը շարունակո-
ղի հզոր բնազդով տարված, կրծելով կտրեց սանձափուկը,
դուրս թռավ ախոռից, ու վերցնելով հանրակացարանի մոտ
արածող, երկու թե երեք ոտները կապած զամբիկներին,—
որոնցով երթեկում էին ձիարածները, վերակացուն ու բու-
ժակը,— տարավ տափաստան,— սկզբում վարգով, հետո էլ
սկսեց կծոտել ետ մնացողներին, շտապեցնել: Ձիարածներն
ու վերակացուն դուրս թռան հանրակացարանից, լսեցին մի-
այն, թե ոտնակապանքներն ինչպես են շրմփալով զարկվում
զամբիկներին:

— Անիծվածը մեզ առանց ձիերի թողեց, հիմի ոտով
պիտի գնանք...

Վերակացուն հայհոյանք թափեց, բայց հեռացող ձիերին
նայում էր ո՛չ առանց ծածուկ հավանության:

Կեսօրին Մայլբրուկը ձիերը բերեց ջրելու: Հետիոտն
ձիարածները նրանից անջատեցին զամբիկներին, իսկ Միշ-
կան թամբեց նրան, տարավ տափաստան ու խառնեց առաջ-
վա ջոկին:

Երկու ամիս ծառայելով իբրև ձիարած, Կոշևոյը ուշա-
դրուկթյամբ ուսումնասիրեց արոտավայրում գտնվող ձիերի
կյանքը. ուսումնասիրեց ու համակվեց խորին հարգանքով
դեպի նրանց խելքը և ոչ մարդկային ազնվությունը: Նրա
աչքերի առաջ զուգավորվում էին մայրացուները. և նախ-
նադարյան պայմաններում կատարվող այդ հավերժական
ակտը այնքան բնականորեն անարատ ու պարզ էր, որ Կո-
շևոյի մտքում ակամայից հակադրություն էր առաջացնում
ո՛չ հօգուտ մարդկանց: Բայց ձիերի հարաբերություն մեջ
նակ շատ բան մարդկային էր: Օրինակ, Միշկան նկատում
էր, որ պառավող Բախար հովատակը, որ սանձարձակ ու
կատաղի էր ու մի փոքր կոպիտ էր վարվում զամբիկների
հետ, ջոկում էր շորս տարեկան շիկակարմիր, գեղեցիկ մի
զամբիկ, որը ճակատին աստղանման նախշ ուներ, աչքերն
էլ վառվուռն էին: Բախարը դրա մոտ միշտ էլ անհանգիստ,
հուզված ու խստաբարո էր լինում, միշտ էլ մի առանձին,
զուսպ ու կրքոտ փնջոցով հոտոտում էր նրան: Բախարը
սիրում էր արխաջում իր շար գլուխը դնել սիրած զամբիկի
զավակին ու այդպես երկար ննջել: Միշկան մոտիկից նա-

յում էր նրան, տեսնում, թե ինչպես նրա բարակ կաշվի տակ թույլ խաղում են մկանների կապուկները, ու Միշկային թըվում էր, որ Բախարը ծերունական անհույս, բուռն ու տխուր սիրով է սիրում այդ զամբիկին:

Կոշեռը կանոնավոր էր ծառայում: Ըստ երևույթին նրա ջանադրույթյան լուրը հասել էր ստանիցայի ատամանին, ու օգոստոսի սկզբին վերակացուն հրաման ստացավ՝ Կոշեռին գործուղել ստանիցայի վարչության տրամադրության տակ:

Միշկան իսկույն պատրաստվեց, հանձնեց պետական հանդերձանքը և նույն օրվա երեկոյան մեկնեց տուն: Նա անդադար շտապեցնում էր իր զամբիկին: Մայրամուտին արդեն անցավ Կարգինից և այնտեղ, բլրակի վրա հասավ մի սայլի. որը գնում էր Վեշենսկու ուղղությամբ:

Ուկրաինացի սայլապանը քշում էր քրտնակալած, պարարտ ձիերը: Զսպակավոր սայլի ետին մասում կիսապառկած էր վայելչակազմ, լայնաթիկունք մի տղամարդ քաղաքային ձևի պիջակով և ծոծրակին քշած գորշ, ֆետրե գլխարկով: Միշկան որոշ ժամանակ գնում էր սայլի ետևից, դիտում այդ մարդու լայն, ցնցումներից շարժվող ուսերը, օձիքի սպիտակ, փոշոտված շերտը: Ճանապարհորդի ոտների մոտ դրված էր մի դեղին ճամպրուկ ու մի պարկ, որը ծածկված էր ծալված վերարկուով: Միգարի անծանոթ հոտը ատր խտղտում էր Միշկայի քիթը: «Որևէ մի մեծավոր է, գնում է ստանիցա», — մտածեց Միշկան, երբ իր զամբիկն արդեն սայլի կողքից էր գնում: Նա շեղակի նայեց լայնզոր գլխարկի եզրերի տակ ու կիսաբացեց բերանը՝ զգալով, թե ինչպես վախից ու մեծ զարմանքից իր մեջքով սարսուռ է անցնում. Ստեպան Աստախովն էր կիսապառկել սայլի վրա՝ անհամբերությամբ ծամծմելով սիգարի սև ծայրը, կկոցելով սուր, պայծառ աչքերը: Ինքն իրեն չհավատալով, Միշկան մի անգամ էլ դիտեց իր հայրենակցի ծանոթ, տարրերն փոխված դեմքը, վերջնականապես համոզվեց, որ սայլի վրա օրորվողը հենց կենդանի Ստեպանն է, ու հուզմունքից բրտունելով՝ հազաց:

— Ներողություն, պարոն, դուք Աստախովը չե՞ք:

Սայլի վրայի մարդը գլխի շարժումով գլխարկը քշեց ճակատին. շուտ գալով, աչքերը հառեց Միշկայի վրա:

— Այո, Աստախովն եմ: Ի՞նչ կա որ: Մի՞թե դուք... Կաց, դու հո Կոշեռ՞ն ես, չէ՞:— Նա վրա նստեց ու ծայրերը կտրած, շագանակագույն բեղերի տակին ժպտալով միայն թուխ շրթունքներով, աչքերում ու ամբողջ ծերացած դեմքի վրա անմատչելի խստություն պահպանելով, շփոթված և ուրախացած մեկնեց ձեռքը:— Կոշեռ՞ն ես, Միխայիլ՝ լը: Ա՛յ թե ոնց տեսվեցինք... Շատ ուրախ եմ...

— Բա այդ ո՞նց է, ախր ո՞նց թե այդպես.— Միշկան զցեց սանձը, տարակուսանքով տարածեց ձեռները.— բա ասում էին, թե քեզ սպանել են: Մտիկ եմ անում՝ հրես Աստախովը...

Ժպիտը ծաղկեց Միշկայի դեմքին, նա սկսեց անհանգիստ շարժումներ անել թամբի վրա, բայց Ստեպանի արտաքինը, մաքուր, խուլ առոգանությունը շփոթեցրին նրան. նա փոխեց վարվելաձևը ու այնուհետև խոսակցության ժամանակ Ստեպանին շարունակ «դուք» էր ասում, անորոշ կերպով զգալով ինչ-որ անտեսանելի մի սահման, որը բաժանում էր նրանց:

Երկուսի միջև խոսակցություն բացվեց: Ձիերը քայլերով էին գնում: Արևմուտքում ճոխ հրավառվում էր վերջալույսը, երկնքում հետզհետե մթնում էին կարմրաշող ամպերը: Ճանապարհի կողքին, կորեկի արտերում զի՛լ, անդադար դալլալում էր լուրը, փոշոտ լուծվում էր նստում տափաստանի վրա, ուր դադարել էին ցերեկվա իրարանցումն ու աղմուկը: Չուկարինսկու և Կրուժիլինսկու ճանապարհների բաժանման տեղում, յասամանագույն երկնքի ֆոնի վրա երևում էր մի մատուռի թռչնած սիլուետը. դրա վրա ուղղաձիգ կախվել էր թուխ-աղյուսագույն, խիտ ամպերի վիթխարի մի կուտակ:

— Բա դուք ո՞րտեղից եք եկել, Ստեպան Անդրեիչ,— ուրախացած հարցրեց Միշկան:

— Գերմանիայից: Դուրս պրծա, եկա հայրենիք:

— Բա մեր կազակներն ասում էին, թե իրենց աչքերի առաջ սպանեցին Ստեպանին:

Ստեպանը պատասխանեց զուսպ, միապաղաղ տոնով, սասն նեղվում էր հարցուփորձից.

— Վիրավորվեցի երկու տեղից, իսկ կազակները... էհ,

ի՞նչ ասեմ. նրանք թողին ինձ ու հեռացան... Գերի ընկա...
Գերմանացիները բուժեցին, ուղարկեցին աշխատանքի...

— Ձեզանից կարծեմ նամակներ չէին գալի...

— Ո՞ւմ պիտի գրեի:— Ստեպանը դեն գցեց սիգարի
մնացորդը և իսկույն վառեց երկրորդ սիգարը:

— Բա կի՞նդ, Ձեր կինը ողջ-առողջ է:

— Ծա հո նրա հետ չէի ապրում, կարծեմ դա հայտնի է
Ստեպանի ձայնը շոր էր հնչում, դրա մեջ ոչ մի ջերմ
հնչյուն չկար: Կնոջը վերաբերող հիշեցումը նրան չհուզեց:

— Է՛հ, օտար երկրում չէի՞ք տխրում,— ազահուժյամբ
հարցուսիրձ էր անում Միշկան՝ կուրծքը համարյա հենելով
թամբի դաշին:

— Սկզբում տխրում էի, իսկ հետո ընտելացա: Կամ էի
ապրում:— Մի քիչ լռելով՝ ավելացրեց.— ուզում էի բոլորու-
վին մնալ Գերմանիայում, գերմանական հպատակություն
ընդունել: Բայց հետո կարոտեցի տանը, ամեն բան թողի,
մեկնեցի:

Ստեպանն առաջին անգամ մեղմելով աչքերի անկյուն-
ների կոշտ ծալերը, ժպտաց:

— Իսկ այստեղ, մեզ մոտ, տեսնո՞ւմ եք ինչ իրարան-
ցում է... Կովում ենք իրար դեմ:

— Այո-ո՞... լսել եմ:

— Դուք ի՞նչ ճանապարհով եկաք:

— Ֆրանսիայից, շոգենավով, Մարսելից—այդպիսի քա-
ղաք կա — մինչև նովորոսիյսկ:

— Ձեզ էլ կամրիլիզացնեն, չէ՞:

— Երևի... Ի՞նչ նոր բան կա խոստորում:

— Է՛հ, ո՞ր մեկն ասեմ. նոր բան շատ կա:

— Տունս անվնաս է:

— Քամին օրորում է այն...

— Հարևանե՞րս: Մելիխովենց տղերքը կենդանի՞ են:

— Կենդանի են:

— Մեր նախկին կնոջ մասին լուր ունե՞ք:

— Նա էլի այնտեղ է, Յագոդնոյում:

— Իսկ Գրիգորին... ապրո՞ւմ է նրա հետ:

— Ո՞չ, նա օրինական կնոջ հետ է ապրում: Ձեր Ակսին-
յայից բաժանվեց...

— Ա՛յ թե ինչ... Չգիտեի:

Մի բոպե լուռ էին: Կոշկոյը շարունակում էր ազահու-
թյամբ գննել Ստեպանին: Հավանության ու հարգանքի տո-
նով ասաց.

— Երևում է, որ լավ էիք ապրում, Ստեպան Անդրեիչ:
Ձեր հագուստը կարգին է, ոնց որ ազնվականի հագուստ
լինի:

— Այնտեղ բոլորն էլ մաքուր են հագնվում:— Ստեպանը
կնճռոտեց դեմքը, բոթեց սայլապանի ուսը.— Դեհ, շտա-
պիր:

Սայլապանը դանդաղ թափահարեց մտրակը, հոգնած
ձիերը ծուլորեն քաշեցին քեղինները: Սայլը մեղմ սվսվաց-
նելով անիվները, ճոճվում էր փոսերի վրայով անցնելիս ու
Ստեպանը, վերջացնելով խոսակցությունը, մեջքը դարձնելով
դեպի Միշկան, հարցրեց.

— Խուտո՞ր ես գնում:

— Ոչ, գնում եմ ստանիցա:

Ճամփաբաժանում Միշկան շուռ եկավ դեպի աջ, կիսա-
կանգնեց ասպանդակների վրա:

— Հլա զնաք բարով, Ստեպան Անդրեիչ:

Վերջինս մատնների ծանր հնգյակով ճմլեց զլխարկի փո-
շոտված եզրը, ու շեշտելով յուրաքանչյուր վանկը, ինչպես
ոչ ուուս մարդ, ստոն ու պարզ պատասխանեց.

— Մնա՛ք բարո՛վ:

VII

Ֆիլոնովու-Պովորինո գծի վրա հավասարեցվում էր ուղ-
մաճակատը: Կարմիրները հավաքում էին ուժերը, բունցք
էին պատրաստում հարված հասցնելու համար: Կազակները
թույլ էին ծավալում հարձակումը. ուղմամթերքի սուր
կարիք էին զգում, չէին ձգտում մարզի սահմաններից դուրս
գալու: Ֆիլոնովոյի ճակատում մարտական գործողություն-
ները փոփոխակի հաջողությամբ էին ընթանում: Օգոստոսին
համեմատաբար հանդարտություն տիրեց, և այն կազակնե-
րը, որոնք ուղմաճակատից գալիս էին կարճատև արձա-

կուրզով, ասում էին, թե աշնան սկզբին պետք է զինադա-
դար ապասել:

Իսկ այդ ժամանակ թիկունքում, ստանիցաներում ու
խուտորներում հացի բերքահավաք էր կատարվում: Պակա-
սում էին աշխատող ձեռքերը: Թեև բն ու կանախքը չէին կա-
րողանում կատարել աշխատանքը. դրան խանդարում էր
նաև այն, որ շարունակ բնակիչներ էին նշանակվում իրենց
սայլերով ֆրոնտին ռազմամթերք ու պարեն հայթայթելու
համար:

Տատարակի խուտորից համարյա ամեն օր կարգազրույց
հինգ-վեց սայլ էր ուղարկվում դեպի Վեշենսկայա, այնտեղ
դրանք բեռնվում էին փամփուռներով ու արկերով լցված
արկղերով, ուղարկվում փոխադրիչ կետ, որ գտնվում էր
Անդրոպովսկի խուտորում, երբեմն էլ, այնտեղ սայլեր շի-
նելու դեպքում, ուղարկվում էին ավելի հեռու, — Խոպերին
մոտիկ խուտորները:

Խուտորն անհանգիստ, բայց խուլ կյանքով էր ապրում:
Բոլորի մտքերը թռչում էին դեպի հեռավոր ճակատը, բոլորն
էլ անհանգստություն մտնում ու ցավով սև լուրերի էին սպասում
կազակների մասին: Ստեպան Աստախովի գալուտը հուզեց
ամբողջ խուտորը. յուրաքանչյուր խրճիթում, յուրաքանչյուր
կալում հենց միայն այդ մասին էին խոսում: Եկել էր մի կա-
զակ, որը վաղուց թաղված էր, որին միայն պառավներն
էին հիշում, այն էլ «ողորմի հոգուն» ասելով, որի մասին
արդեն համարյա մոռացել էին: Մի՞թե սա զարմանալի չէր:

Ստեպանը իջավ Անիկուշկայի կնոջ մոտ, իրերը տարավ
խրճիթ, ու մինչդեռ տանտիրուհին նրա համար իրիկնահաց
էր պատրաստում, գնաց դեպի իր տունը: Տնտեսատիրոջ
ծանր քայլերով երկար շափշփեց լուսնի սպիտակ լույսով
ողողված բակը, մտավ կիսավեր մարազների ծածկերի տակ,
զննեց առևը, ճոճեց ցանկապատերի ձողերը... Անիկուշկա-
յի կնիկ տանը, սեղանի վրա վաղուց արդեն սառել էր ձվա-
ծեղը, իսկ Ստեպանը էլի դեռ զննում էր իր բուսակալած
տուն ու տեղը, ճբացնում մատները ու թլվատի նման ինչ-որ
անհասկանալի բան էր քրթմնջում:

Ճննձ երեկուան նոսն այցելեցին կազակները, որ նրան

տեսնեն ու հարցուփորձ անեն գերության մեջ ապրած իր
կյանքի մասին: Անիկուշկայի օթախը լիքը լցվեց կնանիքով
ու երեխաներով: Նրանք կանգնել էին հոծ բազմություն, բա-
լում էին Ստեպանի պատմածները, սևին էին տալիս նրանց
բացված բերանները: Ստեպանը դժկամորեն էր խոսում,
ժպիտը ոչ մի անգամ չթարմացրեց նրա ծերացած դեմքը:
Ծրևում էր, որ կյանքը խիստ ճկել, փոխել, ուրիշ մարդ էր
գարձրել նրան:

Առավոտյան, երբ Ստեպանը դեռ քնած էր օթախում,
եկավ Պանտելեյ Պրակոֆևիչը: Նա բամբ ձայնով հագում էր
բոխ մեջ, սպասում, որ արթնանար եկվորը: Օթախում զգաց-
վում էր հողի հատակի մեղմ զովությունը, անծանոթ. սարթ
թուփունի հեղձուցիչ հոտը ու հեռավոր ճանապարհի հոտը,
որով երկար ժամանակ հագեցված է լինում ճամփորդ
մարդը:

Ստեպանն արթնացավ, լսվեց լուցկու շխկոցը, — նա
ծխեց:

— Թույլ կտա՞ս ներս մտնել, — հարցրեց Պանտելեյ
Պրակոֆևիչը, ու կարծես մեծավորի մոտ եկած լինելով,
հապճեպ շտկեց նոր վերնաշապկի գուրսը ընկած ծալերը. Իլ-
յինիչնան միայն տվյալ առիթով էր նրան հագցրել այդ
վերնաշապիկը:

— Մտե՛ք:

Ստեպանը հագնվում էր՝ փուտացնելով սիգարի մնացոր-
դը, ծխից կկոցելով քնաթաթախ աչքերը: Պանտելեյ Պրա-
կոֆևիչը ո՛չ առանց երկշոտության ներս մտավ շեմքից, ար-
մանք-զարմանք կտրեց Ստեպանի փոխված դեմքից ու նրա
մեռաբան տաբատակալի մետաղե մասերից, կանգ առավ,
մակուշկաձև մեկնեց սև ձեռքը:

— Բարև քեզ, հարևան: Սաղ ես, էլի՞...

— Բարև ձեզ:

Ստեպանը տաբատակալն անցկացրեց լայն, հուժկու
ուսերին, շտկեց այն և արժանապատվությամբ իր ձեռքը
զրեց ծերունու կոշտ ձեռքի մեջ: Հարևանցիորեն նայեցին
միմյանց: Ստեպանի աչքերում թշնամանքի կապտավուն
կայծեր բռնկվեցին, Մելեխովի շիլ, ուռուցիկ աչքերում՝
հարգանք ու թեթև, հեզնալից զարմանք:

— Սերայել ես, Ստյոպա... ծերայել ես, ջանս:

— Այո, ծերայել եմ:

— Քեզ համար մեռելոց էինք անում, ոնց որ Գրիշկայիս համար... — Ասաց ու սրտնեղութեամբ կտրեց խոսքը. անտեղի էր այդ հիշողությունը: Փորձեց ուղղել բերանից թրուցըրածը. — փառք աստծո, ողջ-առողջ ես եկել... Փառք քեզ, տե՛ր: Գրիշկայի համար էլ էինք մեռելոց անում, իսկ նա, ոնց որ Ղազարոսը, սաղ դուրս եկավ: Արդեն երկու երեխա ունի, ու նրա կինը, Նատալյան, փառք աստծո, տուն-տեղ եղավ: Լավ կնիկ է, հա՛-ա... է՛հ, բա դու ո՛նց ես, զավակս:

— Շնորհակալ եմ:

— Հարեանիդ մոտ հյուր կզա՛ս: Արի, էլի, պատիվ արա, կխոսենք:

Ստեպանը հրաժարվեց, բայց Պանտելեյ Պրակոֆևիչը համառորեն խնդրում էր, նեղանում, ու Ստեպանն անձնատուր եղավ: Կլացվեց, կարճ կտրած մազերը սանրեց դեպի վեր, ծերունու այն հարցի վրա, թե «բա քյաքուլդ ո՛ւր է, մսխե՛լ ես», — ժպտաց, ու լայնեզր գլխարկը վստահորեն դնելով գլխին, առաջինը դուրս ելավ բակը:

Պանտելեյ Պրակոֆևիչը քծնելու չափ սիրալիր էր, այնպես որ Ստեպանն ակամա մտածեց՝ «Հին վիրավորանքի համար է այդպես ջանք թափում...»

Հետևելով ամուսնու աչքերի լուռ ցնցումներին, Իլինիչ-նան արագ բալլում էր խոհանոցում, շտապեցնում նատալյային ու Դունյաշկային, ինքն էր սեղան գցում: Կնանիքը երբեմն հետաքրքրությամբ նայում էին սրբապատկերների տակ նստած Ստեպանին, աչքերով տնտղում նրա պիջակը, օձիքը, ժամացույցի արծաթե շղթան, սանրվածքը, լավ շթաքցրած զարմանքի ժպիտներով նայում էին միմյանց: Ներս մտավ շիկնած Դարյան. շվարած ժպտալով ու գոգնոցի ծայրը քսելով բարակ շրթունքներին, կկոցեց աչքերը.

— Ա՛խ, հարևան, քիչ մնաց չճանաչեի ձեզ: Դուք արդեն կազակի է՛լ նման չեք:

Պանտելեյ Պրակոֆևիչը առանց ժամանակ կորցնելու մի շիշ արաղ դրեց սեղանի վրա, շիբ բերանից հանեց ի իցը, — կոլտլած լաթը, հոտ քաշեց քաղցրա-դառնաբույր հեղուկից, գովեց այն.

— Փորձի՛ր: Մեր տան արաղն է: Որ լուցկին վառես ու մոտեցնես, կապույտ բոց կտա, աստված վկա:

Կցկուտը խոսակցություններ էին տեղի ունենում: Ստեպանը դժկամությամբ էր խմում, բայց բավականաչափ խրմելուց հետո գինովցավ, կակղեց:

— Հիմի դու պետք է ամուսնանաս, հարևան:

— Ի՛նչ եք ասում, բա առաջվա կի՛նս:

— Առաջվա... Դե ի՛նչ կա որ... Կարծում ես առաջվա կինը չի՞ մաշվի: Կի՛նն ու մատակ ձին մեկ են. մատակ ձին կարող ես այնքան հեծնել, քանի դեռ բերանում ատամներ կան... Մինք քեզ համար ջահել կին կգտնենք:

— Մեր կյանքը խառնակվել է... Ամուսնանալու ժամանակ չի... Մեկ ու կես շաբաթ արձակուրդ ունեմ, հետո էլ պետք է ներկայանալ վարչություն, ու երևի ֆրոնտ կուղարկեն, — ասում էր Ստեպանը՝ հարբելով ու հետզհետե կորցնելով իր արտասահմանյան առողանությունը:

Շուտով զնաց, Դարյան հիացած հայացքով ուղեկցեց նրան, ու այնուհետև նրա մասին սկսեցին վիճել, դատողություններ անել:

— Ա՛մա թե մարդ է դառել շան որդին: Ո՛նց էր խոսում: Ոնց որ թե ակցիզի շինովնիկ կամ թե մեկ ուրիշ աղա մարդ լինի... Գնում եմ մոտը, նա վեր է կենում ու շապկի վրայից աբրշումե շինքաթոկեր է կապում, վրան էլ այվզուկներ, հոգիս վկա: Թոկերն էլ այնպես խտտեցին քամակն ու դոշը, ոնց որ ձիուն: Բա այդ ի՛նչ է, հը՛: Մի բանի համար հարկավոր է, չէ՞: Հիմի նա ոնց որ թե ուսումնական մարդ լինի, — հիացած ասում էր Պանտելեյ Պրակոֆևիչը, պարզապես գոհ լինելով, որ Ստեպանը հարգել էր նրա աղ ու հացը ու, մի կողմ թողնելով ոխը, եկել էր իր մոտ:

Խոսակցություններից պարզվեց, որ ծառայությունը վերջանալուց հետո Ստեպանը ապրելու է խուտորում, վերականգնելու է տունն ու տնտեսությունը: Նա թուուցիկ կերպով ասել էր, թե միջոցներ ունի, ու դրանով Պանտելեյ Պրակոֆևիչի մեջ տարտամ մտքեր ու ակամա հարգանք էր առաջացրել:

— Երևում է, որ փող ունի, — նրա գնալուց հետո ասաց Պանտելեյ Պրակոֆևիչը, — անզգամը կապիտալ ունի, հա՛-

ա: Կազակները գերությունից գալիս են տկլոր վիճակում՝ իսկ նա, տեսեք, է՛, արբշում է հագել-կապել... Ո՞վ գիտի մարդ է սպանել թե փող զողացել:

Ստեպանը առաջին օրերին հանգստանում էր Անիկուշ-կայի խրճիթում, փողոցում քիչ էր երևում: Հարևանները հետամուտ էին լինում նրան, հսկում նրա յուրաքանչյուր շարժումը, նույնիսկ փորձեցին հարցուփորձ անել Անիկուշկայի կնոջը, թե Ստեպանը ինչ է անելու: Բայց այդ կինը լուռ էր, գաղտնապահություն անում, ասում էր, թե ինքը ոչինչ չգիտե:

Խուտորով մեկ այլևայլ լուրեր էին պտտվում այն դեպքից հետո, երբ Անիկուշկայի կնիկը Մելիխովներից ձի վարձեց ու շաբաթ օրը վաղ առավոտյան մեկնեց հայտնի չէ ուր: Միայն Պանտելեյ Պրակոֆևիչը հասկացավ, թե ինչ էր կատարվում: «Գնում է Ակսինյային բերելու», — աչքով արավ նա Իլյինիչնային՝ կաղ զամբիկը լծելով տարանտա-սին: Ու շտապվեց: Ստեպանի ցուցումով Անիկուշկայի կինը գնաց Յագոդնոյե: «Ակսինյային կհարցնես, թե արդյոք չի՞ վերադառնա ամուսնու մոտ՝ մոռանալով անցած վիրավորանքները»:

Ստեպանն այդ օրը առմիշտ կորցրեց պաղարյունությունըն ու հանգստությունը, մինչև երեկո շրջում էր խուտորում, Մոխովի տան արտաքին սանդուղքի վրա երկար նստեց Սերգեյ Պլատոնովիչի ու Յացայի հետ, պատմեց Գերմանիայի, այնտեղ իր ապրելու, Ֆրանսիայով ու ծովով ճանապարհ անցնելու մասին: Խոսում էր, լսում Մոխովի գանգատները, ու շարունակ անհամբերությամբ նայում ժամացույցին...

Մթնշաղին Յագոդնոյից վերադարձավ տանտիրուհին: Ամառային խոհանոցում իրիկնահաց գցելով, պատմում էր, թե Ակսինյան վախեցավ անսպասելի լուրից, շատ հարցեր տվեց Ստեպանի մասին, բայց կտրուկ կերպով հրաժարվեց վերադառնալուց:

— Տեղից շարժվելու կարիք չունի նա, խանում-խաթունի պես է ապրում: Կոկլիկացել է, երեսը սպիտակ է: Մանր աշխատանք չի անում: Էլ ի՞նչ է պետք: Այնպես է հագել-կապել, որ իսկի մաքուր էլ չի անցնի: Լի օր է, իսկ նա

ձյան պես ճերմակ յուրկա է հագել, ձեռներն էլ մաքուր-մաքուր... — ասում էր տանտիրուհին՝ կուլ տալով նախանձոտ ախ ու վախը:

Ստեպանի այտերը կարմրում էին, խոնարհած, վճիտ աչքերում բարկացկոտ ու կարոտալից կայծեր էին բռնկվում ու մարում: Ջնարակած թասից գդալով մածուն էր վերցնում՝ զսպելով ձեռքի դողը: Դիտավորյալ դանդաղությամբ հարցեր էր տալիս.

— Ասում ես Ակսինյան պարծենո՞ւմ է իր ապրուստով:

— Բա ո՞նց: Ո՞վ չի ուզենա այդպես ապրել:

— Իմ մասին հարցնո՞ւմ էր:

— Ո՞նց չէ: Սփրթնեց, երբ ասացի, որ դուք եկել եք:

Ընթրելուց հետո Ստեպանը դուրս ելավ կանաչապատ բակը:

Արագահոտ իջել ու մարել էր օգոստոսյան կարճատև մրթընշաղը: Գիշերվա խոնավավուն գովում անդադար թրխկ-թրխկում էին քամիչների թմբուկները, հատու ձայներ էին լսվում: Դեղին, բծավոր լուսնի տակ մարդիկ ջանք էին թափում սովորական խառնաշփոթության մեջ. էրնում էին օրվա ընթացքում կալսած օրանը, հացահատիկը տանում ամբարները: Խուտորում տարածված էր հենց նոր կալսած ցոլոնի ու մզեղալին փոշու ջերմ, բարկ բույրը: Հեռվում, հըրապարակի մոտ թխկթխկում էր շոգեկալսիչը, շները հաշում էին: Հեռավոր կալերում հեղվում էր ծորուն մի երգ: Դոնից անուշահամ խոնավություն էր փչում:

Ստեպանը հենվեց ցանկապատին ու երկար դիտեց Դոնի բուռն հոսանքը, որ երևում էր փողոցի միջով, շողշողուն, գալարածև շավիղը, որ լուսնից շեղակի ընկել էր գետի վրա: Թավալվում էին խայտաբղետ, փրփրուն կոհակները: Դոնի մյուս կողմում լուռ նիրհել էին բարդիները: Թախիծը մեղմակի ու տիրաբար համակեց Ստեպանին:

Արշալույսին անձրև էր գալիս, բայց արևծագից հետո ամպերը ցրվեցին, ու երկու ժամից հետո միայն աղուրների շորացած ցեխակտորներն էին հիշեցնում անձրևային եղանակը:

Ստեպանը առավոտյան ժամանեց Յագոդնոյե: Հուզվե-

լով, ձին կապեց դարպասի մոտ, կայտառ քալիւրով, օրոր-
վելով գնաց սպասավորների շենքը:

Չորացած խոտաբույսերով պատած, ընդարձակ բակը
գատարկ էր: Ախոռի մոտ, աղբակույտի վրա հավերը քու-
ջուջ էին անում: Ընկած ցանկապատի վրա թրևում էր ագ-
ռավի պես սև մի աքաղաղ: Կանչելով հավերին, նա այնպես
էր ցույց տալիս, թե կտցում է ցանկապատի վրա սողացող
կարմիր զատիկները: Պարարտացած բարակները պառկել
էին ստվերում, կառնթանոցի կողքին: Վեց հատ սև, խայ-
տարղետ, պոչատ լակոտները իրենց մորը, մատղաշ, առա-
ջին անգամ ցնկնած մի քածի գետնին տապալած, տոտիկ-
ներին հենված, ծծում էին՝ ետ-ետ քաշելով ճլրոված, մոխ-
րագույն պտուկները: Աղայատան երկաթե կտուրի ստվեր-
ված կողմում պսպղում էր ցողը:

Ստեպանը ուշադրութեամբ նայելով իր շուրջը, մտավ
սպասավորների շենքը, հարցրեց հաստ խոհարարուհուն.

— Կարո՞ղ եմ տեսնել Ակսինյային:

— Իսկ դուք ո՞վ եք, — հետաքրքրվեց խոհարարուհին՝
զոգնոցով սրբելով քրտնած, չեչոտ դեմքը:

— Այդ ձեզ հարկավոր չէ: Ակսինյան ո՞րտեղ կլինի:

— Պանի մոտ է: Սպասեցեք:

Ստեպանը նստեց, սարսափելի հոգնածութեան ժեստով
գլխարկը դրեց ծնկներին: Խոհարարուհին շուգունե կճուճները
էր դնում վառարանի մեջ, թխկթխկացնում կեռ ունելիքը՝
ուշադրութուն չդարձնելով հյուրի վրա: Խոհանոցում զգաց-
վում էր մակարոզված տվարոգի ու գայլուկի ճյուղերի հո-
տը: Ճանճերը սև ցրոնքով ծածկել էին վառարանի բուխարի-
կը, պատերը, ալյուրոտ սեղանը: Ստեպանը ուշքը լարած՝
ականջ էր դնում, սպասում: Ակսինյայի քայլերի ծանոթ
ձայնը նրան կարծես թե վեր թոցրեց նստարանից: Նա վեր
կացավ՝ ծնկներից վար գցելով գլխարկը:

Ակսինյան ներս մտավ՝ բերելով մի դաստա ափսեներ:
Նրա դեմքը սփրթնեց, փափլիկ շուրթերի անկյունները ցընց-
վեցին: Նա կանգ առավ՝ ափսեները երկչոտութեամբ սեղմե-
լով կրծքին, վախեցած, անթարթ նայելով Ստեպանին: Հե-
տո էլ մի տեսակ պոկվեց տեղից, արագ մոտեցավ սեղա-
նին, ափսեները վար դրեց:

— Բարև:

Ստեպանը շնչում էր դանդաղ, խորունկ, ինչպես քնի մեջ.
շրթունքները բացվում էին լարված ժպտից: Նա լուռ, դեպի
առաջ թեքվելով, ձեռքը մեկնեց Ակսինյային:

— Եկ օթախը, ինձ մոտ... — ժեստով հրավիրեց Ակսի-
նյան:

Ստեպանը գլխարկը բարձրացրեց ինչպես ծանրութուն:
Արյունը խփեց նրա գլխին, մշուշեց աչքերը: Հենց որ մտան
Ակսինյայի սենյակը ու նստեցին սեղանով անջատված.
Ակսինյան լպստելով շորացած շուրթերը ու հոգոց հանելով՝
հարցրեց.

— Ո՞րտեղից բուսար...

Ստեպանը անորոշ ու անբնականորեն ուրախ շարժ-
մամբ, գինովցածի նման թափահարեց ձեռքը: Նրա շուր-
թերից դեռևս չէր չքացել ուրախութեան ու ցավի էլի նոյն՝
ժպտը:

— Գերութունից... Եկել եմ քեզ մոտ, Ակսինյա...

Նա մի տեսակ անհեթեթ, անհանգիստ շարժումներ արեց.
վեր կացավ, գրպանից հանեց մի փոքրիկ փաթեթ, ու ան-
համբերութեամբ պոկելով դրա վրայի լաթը, չկարողանալով
զսպել մատների դողը, հանեց կանացի արծաթե մի ժամա-
ցույց, ապարանջան ու էժանագին, կապույտ քարով մի մա-
տանի... Այս բոլորը նա քրտնած ձեռքով մեկնեց Ակսինյա-
յին, իսկ սա աչք չէր կտրում իրեն օտար դեմքից, որը ծըռ-
մըռվում էր նվաստութեան ժպտից:

— Վերցրո՞ւ, քեզ համար եմ պահել... Հո միասին էինք
ապրում...

— Ինչի՞ս է պետք, սպասիր... — շնչում էին Ակսինյայի
գունաթափ շրթունքները:

— Վերցրու... Մի՛ նեղացնի... Մեր հիմարութունից
պետք է ձեռ քաշել...

Ակսինյան ձեռքով պաշտպանվելով վեր կացավ, մոտե-
ցավ վառարանի պառկելատեղին:

— Ասում էին, թե դու մեռել ես...

— Իսկ դու ուրա՞խ կլինեիր:

Ակսինյան շղատախանեց. արդեն ավելի հանգիստ վի-

ճակում ոտից-գլուխ զննելով ամուսնուն, աննպատակ շտկեց խնամքով արդուկած շրջազգեստի ծալերը: Չեռները դնելով մեջքին, ասաց.

— Անիկուշկայի կնկանը դո՞ւ էիր ուղարկել... Ասում էր, թե ինձ կանչում ես քեզ մոտ... ապրելու...

— Կգա՞ս,— ընդհատեց Ստեպանը:

— Չէ,— Ակսինյայի ձայնը կոշտ հնչեց:— Չէ, չեմ գա՛

— Ինչո՞ւ այդպես:

— Գրանից ձեռք եմ քաշել, մի քիչ էլ ուշ է... Ուշ է:

— Իսկ ես ուզում եմ տուն ու տեղ լինել: Գերմանիայից էի գալիս, այնտեղ ապրելով: միշտ էլ դրա մասին էի մտածում... Բա դու ի՞նչ պիտի անես, Ակսինյա: Գրիգորին թողել է քեզ... Թե՞ դու ուրիշին ես գտել: Լսել եմ, որ պանի տղայի հետ... ձի՞շտ է:

Արյունը խփեց Ակսինյայի այտերին, ամոթից ծանրացած աչքերի կոպերի տակին արցունքներ երևացին:

— Հիմի նրա հետ եմ ապրում: Ձի՞շտ է:

— Ես չեմ նախատում,— վախեցավ Ստեպանը,— ես նրա համար եմ ասում, որ գուցե՝ դու քո բախտը չես որոշել: Դու նրան երկար ժամանակ հարկավոր չես լինի, նա խաղ է անում... Ա՛յ, աչքերիդ տակին կնճիռներ կան... Նա քեզ կթողնի, երբ ձանձրացնես, կվռնդի: Ո՞ր պիտի գնաս: Բա նոքարությունը չի՞ ձանձրացրել: Տես, էլի՛... Ես փող եմ բերել: Պատրեազմը կվերջանա, կարգին կապրենք: Կարծում էի, որ կմիանանք: Ես ուզում եմ մոռանալ եղած-անցածը...

— Բա առաջ ինչի մասին էիր մտածում, սիրելի բարեկամ Սոյոպա,— ուրախության արցունքներով, կերկրաձայն ասաց Ակսինյան ու պառկելատեղից ետ քաշվեց. հուպ մոտեցավ սեղանին,— առաջ ի՞նչ էիր մտածում, երբ ջահել կյանքս սև արեցիր: Դու ինձ Գրիշկայի գիրկը գցեցիր... Դու իմ սիրտը ցամաքեցրիր... Մի՞տո՞ղ է, թե ինչ արեցիր ինձ:

— Ես հաշիվ մաքրելու չեմ եկել... Գու... ի՞նչ գիտես: Կարելի է ետ շատ եմ ցավել զբոս համար: Կարելի է ես ուրիշ կյանքով եմ ապրել, հիշելով...— Ստեպանը երկաթ զննեց սեղանին դրած իր ձեռները, բռռերը գանգաղ էր կապակցում, ասես դրանք քաշելով էր դուրս հանում բերանից.— մտածում էի քո մասին... Սիրտս արյունվիկ է՛

լինում... Գիշեր-ցերեկ մտքիցս չէիր հեռանում... Ես այնտեղ ապրում էի մի այրի կնկա, գերմանուհու հետ... հարուստ էի ապրում, ու թողի... Ուզեցի տուն գալ...

— Հանգիստ կյա՞նք ուզեցիր, հա՞,— ցասկոտ շարժելով ունգները՝ հարցրեց Ակսինյան,— ուզում ես տուն ու տե՞ղ լինել: Գուցե ուզում ես երեխանե՞ր ունենալ, կի՞ն ունենալ, որ շորերդ վա՛, ուտեցնի ու խմեցնի, հա՞,— Ու անբարյացակամորեն, մոռյլ ժպտաց.— ոչ, Քրիստոս ազատե, պառավ եմ ես, հրես, կնճիռներ տեսար... Երեխաներ ունենալուց էլ ձեռք եմ քաշել: Սիրուհի եմ, իսկ սիրուհիներին երեխաները չեն սազի... Այս տեսակ կինը ինչի՞դ է պետք:

— Ճարպկացել ես, հա՛-ա...

— Ի՞նչ որ կամ, այն եմ:

— Ուրեմն չե՞ս գա:

— Ոչ, չեմ գա: Ո՛չ:

— Է՛հ ողջ-առողջ լինես:— Ստեպանը վեր կացավ, ձեռներին մեջ ավելորդ տեղը շուռումուռ արեց ապարանջանը ու այն նորից դրեց սեղանի վրա:— Թե որ գալու միտք ունենաս, հայտնիր:

Ակսինյան նրան ճանապարհ դրեց մինչև դարպասը: Երկար նայում էր, թե ինչպես անիվների տակից բարձրանում է փոշին, սքողում Ստեպանի լայն թիկունքը:

Դառն արցունքներ էր թափում Ակսինյան: Երբեմնակի հեկեկում էր, մտածելով իր անմուրազ մնալու մասին, ողբալով նորից քամուն տված իր կյանքը: Երբ իմացավ, որ ինքն այլևս հարկավոր չէ Եվգենիին ու երբ լսեց ամուսնու վերադարձի լուրը, որոշեց տեղագիտվել վերջինիս մոտ, որպեսզի կրկին մաս-մաս հավաքեք իր երջանկությունը, որը չէր եղել... Այս որոշմամբ սպասում էր Ստեպանին: Բայց նրան տեսավ ստորացած, հնազանդ վիճակում, ու իր մեջ ծառա եղավ սև հպարտությունը, այն հպարտությունը, որ նրան, մերժվածին թույլ չէր տալիս մնալ Յագոդնոյում: Նրան շննթարկվող շար կամքն էր ուղղութուն տալիս նրա խոսքերին ու աթաբքներին: Վերհիշեց իր կրած վերավորանքները, վերհիշեց այն ամենը, ինչ որ տարել էր աչք մարդուց, նրա մեծ-մեծ երկաթե ձեռներից, ու ինքն էլ ան-

ցատում չցանկանալով, ներքուստ սարսափելով իր վարձ մունքից, շնչասպառ էր լինում խոցող խոսքերից—«Ոչ, չեմ գա քեզ մոտ: Ո՛չ»:

Մի անգամ էլ հայացքը ուղղեց հեռացող սայլակին: Ստեպանը թափահարելով մտրակը, շքացավ ճանապարհամերձ ցածր օշինդրի յասամանագույն եզրակտորի ետևում...

Մյուս օրը Ակսինյան ստանալով իր հաշիվը, հավաքեց իրերը: Եվ գենիին մնաս բարով ասելիս լաց եղավ.

— Ավել-պակասը ներեք, Եվ գենի Նիկոլանիչ:

— Է-է, ի՞նչ ես ասում, սիրելիս... Շատ շնորհակալ եմ էեզանից:

Եվ գենիի ձայնը, թաքցնելով շփոթությունը, մեղմորեն ուրախ էր հնչում:

Ու Ակսինյան գնաց: Երեկոյան Տատարակի խուտո-րում էր:

Ստեպանը դարպասի մոտ դիմավորեց նրան:

— Եկա՞ր,— ժպտալով հարցրեց նա,— բոլորովի՞ն: Կա-րելի՞ է հույս ունենալ, որ էլ չես գնա:

— Չե՛մ գնա,— որոշակի պատասխանեց Ակսինյան՝ սրտաբեկ դիտելով կիսավեր տունը և բակը, որ խիտ ծած-կրված էր թայլով ու սև քոլախոտով:

VIII

Դուրնովսկայա ստանիցայի մերձակայքում վեշենսկու գունդը առաջին անգամ կովի բռնվեց կարմիրզավարդիական-ների նահանջող զորամասերի հետ:

Գրիգորի Մելիխովի հրամանատարությունից տակ գտնվող հարյուրյակը կեսօրին գրավեց ծառաստանների մեջ ծվարած մի խուլ, փոքրիկ խուտոր: Գրիգորին կազակներին ձիերից իջեցրեց ուռնիների խոնավավուն ստվերում, առվի մոտ, որ հոսում էր խուտորի միջով, ոչ խորունկ զառիթափի տակ: Մոտիկ տեղում, սև, կակուղ հողի տակից գլգլալով հորդում էին աղբյուրները: Զուրը շատ սառն էր, կազակները գըլ-

խարկներով վերցնում, խմում էին այն ու հետո էլ գոհունա-կությամբ տնքալով՝ գլխարկները դնում էին քրտնած գլուխ-ներին: Շոգից նվաղած խուտորի վերևում ուղղաձիգ կանգ-նած էր արևը: Թեժանում էր կեսօրվա մուժով շղարշված հողը: Թունավոր-կիզիչ ճառագայթներով ողողված խոտա-բույսերը և ուռնիների տերևները թույլ կախել էին գլխիկ-ները, իսկ առվի կողքին, ուռնիների ստվերում առատ կու-տակվել էր զովը, շքեղությամբ կանաչին էին տալիս կու-տուկները ու խոնավ հողի սնուցած էլի ինչ-որ փարթամ խո-տաբույսեր. փոքրիկ ջրափոսերում աղջկական ըղձալի ժպի-տի նման շողում էր ջրոսպը. մի տեղ, ուղեղարձից դենը բաղբը ճողփում էին ջուրը ու շփշփացնում թևերը: Զիերը փնչալով ձգտում էին դեպի ջուրը, քայլելիս ճլմփացնում ջրիկ ցեխը, հեծյալների ձեռներից պոկում սանձերը ու հասնում առվի մեջտեղը, պղտորում ջուրը ու շրթունքներով հստակ շիթ փնտրում: Տաք քամին նրանց իջեցրած շրթունք-ներից ալմաստափայլ, խոշոր կաթիլներ էր պոկում: Տարած-վել էր կոխկրտած, տիզմոտ հողի, ցեխի ծծմբահոտը, ուռ-նիների ողողվող ու նեխած արմատների դառն ու քաղցրավուն բույրը...

Կազակները հենց նոր էին պառկել կուտուկների մեջ ու ծխում էին, երբ վերադարձավ պարեկը: «Կարմիրները» բա-ուր մի ակնթարթում գետնից վեր թոցրեց մարդկանց: Սկսե-ցին ձղիլ ձիերի փորքաշները ու էլի մոտենալ առվին, լցնել սրվակները, խմել ու երևի ամեն մեկը մտածում էր՝ «Ո՛վ գիտի, էլ կհաջողվի՞» երեխի արցունքի պես պարզ այսպիսի ջուր խմել թե ոչ...»

Ճանապարհով անցան առուն, կանգ առան:

Խուտորից դենը, տեղ-տեղ գնդածաղիկներով պատած, գորշ-ավազոտ բլրակի վրա, մի վերստ հեռավորությամբ շարժվում էր թշնամու հետախուզախումբը: Ութ ձիավոչ զգուշությամբ գալիս էին դեպի խուտորը:

— Մենք դրանց կբռնենք, թույլ կտա՞ս,— առաջարկեց Միտկա Կորշունովը Գրիգորիին:

Նա կիսադասակով շուրջանակի ճանապարհով անցավ խուտորի մյուս կողմը. բայց հետախուզախումբը, հայտնա-բերելով կազակներին, ետ դարձավ:

Մեկ ժամից հետո, երբ մոտեցան գնդի մյուս երկու հեծյալ հարյուրյակները, շոկատն առաջ շարժվեց: Պարեկները հաղորդում էին, որ կարմիրները, թվով մոտավորապես հազար հոգի, գալիս են նրանց վրա: Վեշեցիներին հարյուրյակները կորցրին կապը աչ կողմից ընթացող 33-րդ Սլանյան-Քուկանովյան գնդի հետ, բայց և այնպես որոշեցին կովի բռնվել: Անցնելով բլրակից, իջան ձիերից: Ձիապահները ձիերը տարան դեպի խուտորն իջնող, ընդարձակ բլրագոգը: Հեռվում, աչ կողմում ընդհարվեցին հետախուզախմբերը: Շեշտակի ճարճատեց ձեռքի մի գնդացի:

Շուտով երևացին կարմիրների նոսր շղթաները: Գրիգորին իր հարյուրյակով դիրք բռնեց բլրագոգի վերևում: Կազակները պառկեցին լանջի կատարին, որ ծածկված էր փրշուտ մանրաթիփերով: Ցածրիկ, վայրի մի խնձորենու տակից Գրիգորին հեռադիտակով դիտում էր հակառակորդի հեռավոր շղթաները: Նա պարզ տեսնում էր, թե ինչպես էին առաջանում առաջին երկու շղթաները, իսկ դրանց ետևում, հրեձած հացի գորշ, չհավաքած լասերի միջև երթալին մի սև շարասյուն շղթա էր կազմում:

Թե՛ նրան և թե՛ կազակներին զարմացրեց այն, որ առաջին շղթայի առջևից բարձր, սպիտակ ձիով գալիս էր մի ձիավոր,— ըստ երևույթին հրամանատարը: Երկրորդ շղթայի առջևից էլ իրարից հեռու գալիս էին երկուսը: Երրորդ շղթային ևս առաջնորդում էր հրամանատարը, իսկ նրա կողքին ծածանվում էր դրոշակը: Դա փոքրիկ, արյունամած կաթիլի նման կարմիրն էր տալիս խոզանի գորշ-դեղնավուն ֆոնի վրա:

— Նրանց կոմիսարները առջևումն են,— բղավեց կազակներից մեկը:

— Օ-օ՛, ա՛յ քեզ հերոսություն,— հիացմունքով քրքջաց Միակա Կորշունովը:

— Տղերք, մտիկ արեք, ա՛յ թե ինչպիսի մարդիկ են նրանք, կարմիրները:

Համարյա ամբողջ հարյուրյակը ձայն ձայնի տալով մի քիչ բարձրացավ տեղից: Բուրրի ձեռներն էլ վահանակների պես արևից պաշտպանում էին աչքերը: Խոսակցությունները դադարեցին: Ու մահվան նախորդող վեհապանձ, քաթ լաու-

թյունը հլու և մեղմիվ, ամպի ստվերի պես իջավ տափաստանի ու բլրագոգի վրա:

Գրիգորին ետ էր նայում: Ուռենիների մոխրագույն-կապտավուն կղզուց դենը, խուտորի կողքին ծածանվող փոշի էր բարձրանում. երկրորդ հարյուրյակը վարգով սլանում էր հակառակորդին թեև անցելու: Ձորակն առայժմ քողարկում էր հարյուրյակի առաջարժումը, բայց մի շորս վերստ դենը ուրապատույտ ելնում էր բլուրի վրա, ու Գրիգորին մտքում որոշեց հեռավորութունը ու ժամանակը, երբ հարյուրյակը կկարողանա հավասարվել թեև:

— Պառկե՛լ,— հրաման տվեց Գրիգորին՝ կտրուկ շուտ գալով ու հեռադիտակը դնելով պատյանի մեջ:

Նա մոտեցավ իր շղթային: Կազակների դեմքերը, որ շոգից ու փոշուց բոսորավուն ու սև գույն էին ստացել, դարձան նրա կողմը: Կազակները իրար նայելով՝ պառկում էին. «Պատրաստվե՛լ կրակելու» հրամանից հետո գիշատչաբար շխշխկացին փակաղակները: Գրիգորին վերևից տեսնում էր միայն չված ոտներ, գլխարկների կարկաճներ ու մեջքեր, որոնց լրա վերնաշապիկները փոշոտվել էին ու երևում էին քրտնակալած փոսիկները և թիակները: Կազակները դես-դեն էին սողում, թաքստոց և ավելի հարմար տեղ փնտրում: Ու մանք փորձեցին թրերով փորել կոշտ հողը:

Այդ ժամանակ քամին իր թեքերով կարմիրների կողմից երգեցողություն անպարզ հնչյուններ բերեց...

Շղթաները գնում էին ծանր գալարվելով, ճոճվելով, անհավասար: Տոթակեզ տարածության մեջ կորչող, նվազ մարդկային ձայններ էին գալիս այնտեղից:

Գրիգորին զգաց, թե ինչպես հանկարծակի, թունդ, անհավասար զարկեց իր սիրտը... Նա առաջ է՛լ էր լսել այդ հեծեծող եղանակը, լսել էր, թե այն ինչպես էին երգում Գլուբոկայայում մոկրոստովյան նավաստիները՝ հուզված փայլեցնելով աչքերը, գլխարկները հանած,— ասես աղոթելիս լինեին: Նրա մեջ հանկարծ երկյուղին համազոր, անորոշ անհանգստություն առաջացավ:

— Ի՞նչ են բռնում նրանք,— անհանգստությամբ պտըտելով գլուխը՝ հարցրեց զառամյալ մի կազակ:

— Ոնց որ թե աղոթելով են երգում,— նրան պատասխանեց աչ կողմից պառկած մի ուրիշը:

— Սատանի աղոթք է նրանց մոտ,— ժպտաց Անդրեյ Կաշուլինը. հանդգնորեն նայելով Գրիգորիին, որ կանգնել էր իր կողքին, հարցրեց.— Գու, Պանտելեյ, եղել ես նրանց մոտ, երևի գիտես, թե հիմի ինչու են երգում: Երևի ինքդ էլ ես նրանց հետ երգել:

«...տիրանալ հողին»,— ցնծության ձայնով հնչեցին հեռավորության պատճառով պարզ չլսվող բառերը, ու նորից լռություն իջավ տափաստանի վրա: Կազակների մեջ շար խնդություն առաջացավ: Շղթայի մեջտեղում մեկը քրքրաց: Միտկա Կորշունովն անհանգիստ շարժումներ արեց.

— Է՛յ, լսո՞ւմ եք, հը՞: Ուզում են տիրանալ հողին...— ու անվայել հայհոյանք թափեց:— Գրիգոր Պանտելե, թող մի դետին գցեմ հրե՛ն այն ձիավորին: Մի հատ խփե՞մ, հը՞:

Առանց համաձայնության սպասելու կրակեց: Գնդակն անհանգստացրեց ձիավորին: Նա իջավ ձիուց, ձին հանձնեց մեկին. քայլեց շղթայի առջևից՝ փայլեցնելով մերկացրած սուրը:

Կազակները սկսեցին կրակել: Կարմիրները պառկեցին: Գրիգորին գնդացրորդներին հրամայեց կրակ բանալ: Գնդացրային մի շարք կրակոցներից հետո առաջին շղթան վեր կացավ ու առաջ վազեց: Տասը սածեն անցնելուց հետո նորից պառկեցին: Գրիգորին հեռադիտակով տեսնում էր, թե ինչպես կարմիրզվարդիականները բահերով խրամատներ են փորում: Նրանց զլխավերևում ճախրել սկսեց գորշ փոշին, շղթայի առաջ, ինչպես արջամկների բնրի կողքին, փոքրիկ հողաթմբեր առաջացան: Այնտեղից դանդաղ համազարկ տվին: Փոխհրաձգությունը սաստկացավ: Կոխվը սպանում էր երկար տեղի: Մի ժամից հետո կազակները կորուստ ունեցան. առաջին դասակից մեկը մահացու խոցվեց գնդակով, երեքն էլ վիրավորվեցին ու սողալով գնացին ձիապահների մոտ, բլրագոգը: Երկրորդ հարյուրյակը երևաց թեից, փոշի բարձրացնելով՝ գրոհի նետվեց: Գրոհը ետ մղվեց զընդացրային կրակով: Երևում էր, թե ինչպես կազակները խուճապահար ետ են փախչում, խմբվում ու ցրվում հովհարած: Նահանջելով, հարյուրյակը հավասարեց շարքերը ու

լուռ, առանց անընդմեջ բղավոցի, կրկին գրոհ տվեց: Ու էլի գնդացրային մրկանման կրակը նրան ետ քշեց, ինչպես քամին քշում է տերևները:

Բայց գրոհները խախտեցին կարմիրզվարդիականների տոկունությունը. առաջին շղթաները իրար խառնվեցին, ետ գնացին:

Գրիգորին առանց կրակը դադարեցնելու ոտքի հանեց հարյուրյակը: Կազակներն առանց պառկելու առաջ գնացին: Որոշ անվճռականությունն ու ծանր տարակուսանքը, որ սկզբում տիրել էին նրանց, կարծես թե չքացան: Նրանց տրամադրությունը բարձրացրեց մի մարտկոց, որը վարգով ժամանեց դիրքերը: Առաջին մարտկոցային դասակը կրակային դիրք բռնելով՝ կրակ բացեց: Գրիգորին հրաման ուղարկեց ձիապահներին՝ մոտ բերել ձիերը: Նա գրոհի էր պատրաստվում: Այն խնձորենու կողքին, որտեղից նա մարտի սկզբում հետամուտ էր լինում կարմիրներին, երրորդ հրանոթն էլ հանվեց առաջից: Նեղ գալիֆե շալվարով, բարձրահասակ մի սպա վազեվազ մոտենալով հրանոթին, մտրակը խփելով սապոգի սրունքին, բարակ ձայնով, կատաղի գոռում էր շշկլված ձիավարների վրա:

— Ետ տարեք, է՛, սատանան հո չի՞ շմեցրել ձեզ...

Դիտորդը և ավագ սպան մարտկոցից կես վերստ հեռավորությամբ իջնելով ձիերից, մի փոքրիկ բլուրից հեռադիտակով դիտում էին հակառակորդի ետ քաշվող շղթաները: Հեռախոսիչները վազեվազ քարշ տվին հաղորդալարը՝ մարտկոցը միացնելով դիտակետին: Տարեց յասավուլի,— մարտկոցի հրամանատարի խոշոր մատները ջղայնորեն պտտում էին հեռադիտակի անվակը (մատներից մեկի վրա երևում էր նշանդրքի ոսկե մատանին): Նա ապարդյուն կերպով դես-դեն էր ընկնում առաջին հրանոթի մոտ, գլուխը ցնցում սվավացող գնդակներից, ու նրա յուրաքանչյուր կտրուկ շարժումից լիկլիկում էր կողքից քարշ արած հնամաշ դաշտային պայուսակը:

Փուխր ու ճայթումնալից թնդյունից հետո Գրիգորին հետամուտ եղավ, թե որտեղ է ընկնում հրաձգության ճըշտման արկը, ու ետ նաչեց. հրետանավորները, ճիգ թափելով, տնքտնքալով, քաշքշում էին մի հրանոթ: Առաջին շրապնելը

պայթեց չհնձած ցորենի արտում, ու կապույտ ֆոնի վրա հրկար ցնդում էր քամուց ծվատվող ծխի սպիտակ, բամբականման քուլան:

Չորս հրանոթները հերթով արկեր էին շարտում դեպի այնտեղ, ցորենի ճմռթված արտից դեմք, բայց, Գրիգորիի սպասածին հակառակ, հրանոթային կրակը նկատելի իրարանցում չառաջացրեց կարմիրների շղթայում. նրանք անշտապ: կազմակերպված էին ետ քաշվում ու արդեն չքանում էին հարյուրյակի տեսադաշտից՝ իջնելով մի ձորակի խորքը: Հասկանալով գրոհի անիմաստությունը, Գրիգորին այնուամենայնիվ որոշեց խոսել մարտկոցի հրամանատարի հետ: Նա երեքաքայլ մոտ գնաց, ու ձախ ձեռքը տանելով բեղի արևախանձ, շիկակարմրավուն, խուճուճիկ ծայրին, բարեկամաբար ժպտաց:

— Ուզում էի գրոհ տալ:

— Ի՞նչ գրոհ կարող է լինել, — յասավուլը կտրուկ թափահարեց գլուխը, ձեռքի արտաքին կողմով ընդունեց հովարի տակից հոսող քրտինքի կաթիլները, — դուք տեսնո՞ւմ եք, թե ինչպես են ետ քաշվում նրանք, շան որդիները: Խուսափու՞ են: Եվ ծիծաղելի էլ կլինեն, եթե այդպես չանեին. չէ՞ որ նրանց այդ զորամասերում ամբողջ հրամանատարական կազմը կադրային սպաներ են: Իմ մի ընկերը՝ զորական ավագ Սերովը, նրանց մոտ է...

— Ո՞րտեղից գիտեք, — Գրիգորին անվստահությամբ կկոցեց աչքերը:

— Փախստակսները... Դադարեցնե՛լ կրակը, — հրաման տվեց յասավուլը, ու կարծես արդարանալով՝ ավելացրեց. — կրակելն անօգուտ է, արկերն էլ քիչ են... Դուք Մելիսովն եք: Լինենք ծանոթներ. Պոլտավցե. — նա իր քրտնաձեռք, խոշոր ձեռքը հրոցով խոթեց Գրիգորիի ձեռքի մեջ ու շրոջնելով, որ Գրիգորին սեղմեր այն, ճարակորեն նույն ձեռքը տարավ բացված գծագրոցի մեջ, հանեց սիգարետները. — ծխեցե՛ք:

Ձիավարները խուլ դղրդոցով բլրագոգից բարձրացրին հրանոթները: Դրանք դրվեցին քարշակների վրա: Գրիգորին իր հարյուրյակը նստեցրեց ձիերին ու տարավ բլուրի մյուս կողմն անցած կարմիրների ետևից:

Նրանք գրավեցին հետևյալ խուտորը, բայց այն հանձնեցին առանց դիմադրության: Վեշենցիների երեք հարյուրյակները և մարտկոցը տեղավորվեցին այդ խուտորում: Վախեցած բնակիչները տներից դուրս չէին գալիս: Կազակները թրևում էին տնետուն, ուտելիք էին փնտրում: Գրիգորին խուտորի ծայրին գտնվող մի տան մոտ իջավ ձիուց, տարավ բակը, կապեց մուտքի սանդուղքի մոտ: Տանտերը, — երկարահասակ, տարեց մի կազակ, — պառկել էր մահճակալի վրա, տնքտնքալով օրորում էր կեղտոտ բարձին դրած, շափազանց փոքր, թռչնային գլուխը:

— Հիվա՞նդ ես, ինչ է, — բարեկեղծ ժպտաց Գրիգորին:

— Հիվա-ա-նդ եմ...

Տանտերը հիվանդ էր ձևանում, ու դատելով նրա աչքերի անհանդիստ թափառումից, գլխի էր ընկնում, որ իրեն չեն հավատում:

— Կկերակրե՞ք կազակներին, — պահանջկոտ հարցրեց Գրիգորին:

— Քանի՞ հոգի եք, — տանտիրուհին անջատվեց վառարանից:

— Հինգ:

— Դեհ, ի՞նչ կա որ, կկերակրենք աստծու տվածով:

Կազակների հետ ճաշելով, Գրիգորին դուրս ելավ փողոց:

Ջրհորի մոտ մարտական լրիվ պատրաստությամբ կանգնել էր մարտկոցը: Հանդերձանքը հանած ձիերը թափահարելով տոպրակները, ուտում էին գարու մնացորդը: Ձիավորներն ու մյուս հրետանավորները արևից պաշտպանվում էին լցարկղերի ստվերում, նստել կամ պառկել էին հրանոթների մոտ: Մի մարտկոցավոր քնել էր երեսնիվայր, ոտը ոտին դրած ու քնի մեջ ուսն էր ցնցում: Նա հավանորեն առաջ պառկած էր եղել ստվերում, բայց արևը տեղաշարժել էր ստվերները և հիմա դադում էր նրա բաց, խուճուճ մազերը, որոնց վրա խոտի փշրանք էր թափված:

Ձիերի լայն, կաշվե լծասարքի տակին պլպլում էր քրտինքից զեղնափրփրուն, թաց բուրդը: Սպաների ու սպասակազմի ձիերը ցանկապատին կապված, տխուր կուչ էին եկել: Փոշոտված, քրտնաթոր կազակները լուռ հանգստանում

էին: Սպաները և մարտկոցի հրամանատարը նստել էին գետնի վրա, մեջքերը դեմ արել ջրհորի փայտվածքին, ծխում էին: Նրանցից ոչ հեռու, ոտները տարածած, կազակները վեցթևանի աստղի ձևով պառկել էին խանձված թայլի վրա: Նրանք հուանդով մածուն էին ուտում դուլլից, երբեմն մեկ-նումեկը բերանով դեն էր գցում այնտեղ ընկած գարու հատիկը:

Արևը դաղում էր մոլեգնաբար: Խուտորը դեպի բլուրն էր տարածել համարյա անմարդ փողոցները: Ամբարների կողքին, մարագների ծածկերի տակ, ցանկապատերի մոտ, կռատուկների դեղին ստվերում քնած էին կազակները: Ցանկապատերի մոտ իրար գլխի հավաքված, թամբերը չհանած ձիերը նեղվում էին շոգից ու քնկոտությունից: Ահա ձիով անցավ մի կազակ՝ մտրակը ծուլորեն բարձրացնելով մինչև ձիու մեջքի մակարդակը: Ու էլի փողոցը ասես տափաստանային մոռացված ճանապարհ լիներ, ու այնտեղ պատահական, ավելորդ էին թվում կանաչ ներկած հրանոթները և երթերից ու արևից հոգնատանջ, քնած մարդիկ:

Ձանձրույթից նեղվելով, Գրիգորին ուզում էր գնալ տուն, սակայն փողոցում երևացին ուրիշ հարյուրյակի երեք ձիավոր կազակ: Նրանք մի փոքրիկ խումբ գերի կարմիրզավարդիականներ էին բերում: Հրետանավորներն իրար անցան, վեր կացան՝ թափ տալով վերնաշապիկների ու շավարների փոշին: Սպաներն էլ վեր կացան: Հարևան բակում մեկը ուրախ բղավեց.

— Տղերք, գերիներ են բերում... Սո՛ւտ եմ ասում: Այն աստվածամայրը վկա:

Քնաթաթախ կազակները շտապելով դուրս էին գալիս բակերից: Դերիները մոտեցան. ութ հոգի երիտասարդ տղերք էին՝ քրտնքի ու փոշու մեջ կորած: Նրանց խիտ շըրջապատեցին:

— Սրանց ո՞րտեղ եք վերցրել, — հարցրեց մարտկոցի հրամանատարը՝ սառն հետաքրքրությամբ նայելով գերիներին:

Ուղեկցորդներից մեկը պարծենկոտ կտրիճությամբ տոնով պատասխանեց.

— Ա՛մա կոփողներ են, հա՛ւա: Մենք սրանց բռնոտե-

ցինք խուտորի մոտ, արևածաղիկների մեջ: Թաքնվել էին ոնց որ լսրը ուրուրից: Մենք ձիերի վրայից տեսանք սրանց ու վրա տվինք: Մեկին էլ սպանեցինք...

Կարմիրզավարդիականները երկչոտությամբ սեղմվում էին միմյանց: Ակներևաբար նրանք վախենում էին դատաստանից: Հուսալքված նայում էին կազակների դեմքերին: Միայն մեկը, որ տեսքով ավելի մեծ էր, արևայրուկից դարչնագույն դարձած երեսով, դուրս ընկած այտոսկրներով, կեղտոտված վերնաշապիկով ու բուլրովին պատառտված ոտափաթաթաններով, մի փոքր շիլ, սև աչքերով արհամարհանքով նայում էր գլուխներից վեր ու պինդ սեղմում արյունվիլի շրթունքները: Նա բարեկամ էր, թիկնեղ, նրա սև, ձիու մազի պես կոշտ գանգուրների վրա կանաչ բիշիի պես, տափակ նստել էր գլխարկանիշի հետքը պահած գըլխարկը, որ հավանորեն մնացել էր դեռ գերմանական պատերազմից: Նա կանգնել էր ազատ, ու սև, հաստ մատներով, որոնց եղունգների վրա շորացել էր արյունը, տնդում էր տակի շապիկ բացված օձիքը ու սև մազերով ծածկված, սուր ադամախնձորը: Տեսքով նա անտարբեր էր թվում, բայց ազատորեն մեկնած մի ոտը, որ մինչև ծունկը այլանդակ կերպով հաստացել էր ոտնափաթաթանից թեթևակի ցնցվում, դողում էր, կարծես նա նեղվում էր ցրտից: Մնացածները գունատ էին և ոչնչով աչքի չէին ընկնում: Միայն նա էր աչքի ընկնում ուսերի հուժկու կազմվածքով ու թաթարական կորովի դեմքով: Թերևս հենց դրա համար էլ մարտկոցի հրամանատարը դիմեց նրան, հարցրեց.

— Դու ո՞վ ես:

Կարմիրզավարդիականի փոքրիկ, անտրացիտի բեկորներին նմանվող աչքերն աշխուժացան, և նա ամբողջովին, աննկատելիորեն, բայց ճարպկությամբ հավաքեց ինքն իրեն.

— Կարմիրբանակային եմ: Ռուս եմ:

— Ո՞րտեղացի ես:

— Պենզացի:

— Կամավո՞ր ես, ի՞ժ:

— Ամենեկին ոչ: Հին բանակի ավագ ենթասպա եմ:

Տասնյոթ թվից ընկել եմ դես-դեն, ու այսպես մինչև հիմի...

Ուղեկցորդներից մեկը միջամտեց խոսակցությանը.

— Նա, այդ սատանան, կրակում էր մեր վրա:

— Կրակո՞ւմ էր,— թթվեց ու մռայլվեց յասավուլը, ու բռնելով իր դեմուդեմ կանգնած Գրիգորիի հայացքը. աչքերով ցույց տվեց գերուն.— մի տե՛ս, է՛... Կրակում էիր, հա՞, Հապա շէի՞ր մտածում, որ քեզ կբռնեն: Իսկ եթե դրա համար քեզ այժմ գնդակահարե՞ն:

— Մտածում էի կրակելով պաշտպանվել:— Պատուված շրթունքները մեղավոր քմծիծաղ տվին:

— Ի՛նչ պտուղ է, հա՛-ա: Բա ինչո՞ւ շպաշտպանվեցիր:

— Փամփուշտներս վերջացան:

— Հը՛մ...— յասավուլը ցասկոտ շեղ աչքերը, բայց շթաքցրած հանուլքով նայեց գինվորին:— Իսկ դո՞ւք որտեղից եք, շան որդենիք,— արդեն բոլորովին ուրիշ տոնով հարցրեց նա՝ աշխուժացած աչքերը սահեցնելով մյուսների վրա:

— Մորիլիզացվածներ ենք մենք, ձերդ բարձր բարեծննդություն: Սարատովցիներ ենք... բալաշովցիներ...— կերկերաց բարձրահասակ, երկարավիզ մի տղա՝ հաճախակի թարթելով աչքերը, տնտղելով թուխ-շիկակարմիր մազերը:

Գրիգորին սիրտը ճմլող հետաքրքրությամբ դիտում էր պաշտպանական տարազ հագած ջահել տղաներին, նրանց պարզ, մուժիկական դեմքերը, հետևակային աննշան տեսքը: Նրա մեջ թշնամանք էր առաջացնում միայն այստակոտ կարմիրզվարդիականը: Նա շարախնդությամբ դիմեց վերջինին.

— Ինչի՞ համար խոստովանեցիր, հը՞: Դու երևի նրանց մոտ վաշտապե՞տ էիր, հրամանատար՞, կոմունի՞ստ, հա՞: Ասում ես փամփուշտներդ վերջացե՞լ էին: Իսկ մենք դրա համար քեզ թրերով կկտրատենք, գիտե՞ս թե չէ:

Կարմիրզվարդիականը շարժելով հրացանի կոթով ճմրված քթի պինչերը, արդեն ավելի համարձակ ասաց.

— Ես նրա համար չխոստովանեցի, որ սրտոտ երևամ: Ինչո՞ւ պիտի թաքցնեմ: Որ կրակել ես, սրբմն խոստովա՞յ

նիր... Դրուստ չե՞մ ասում: Ինչ վերաբերում է... սպանեցեք: Ես ձեզանից...— ու էլի ժպտաց,— լավ բան չեմ սպասում, գուր հենց դրա համար էլ կազակներ եք:

Շուրջը հավանության ժպիտներ երևացին: Գրիգորին գինվորի խելամիտ պատասխանով հաղթահարված՝ դեն քաշվեց: Նա տեսավ, թե ինչպես գերիները մոտեցան ջրհորին՝ ջուր խմելու: Նրբանցքից դասակային շարքերով դուրս էր գալիս պլաստունների հարյուրյակը:

IX

Հետագայում էլ, երբ գունդը թևակոխեց անընդհատ մարտերի շրջանը, երբ ծածկույթների փոխարեն արդեն տարածված էր ծուռումուռ ձգված ուղիղաճակատը, Գրիգորին միշտ էլ, հանդիպելով թշնամուն, գտնվելով նրան անմիջականորեն մոտիկ վայրերում, ապրում էր էլի նույն սուր զգացումը,— հսկայական, անհագ հետաքրքրություն դեպի բոլշևիկները, դեպի այդ ռուս գինվորները, որոնց դեմ պիտի կռվեր հայտնի չէ ինչի համար: Նրա մեջ կարծես առմիշտ մնացել էր այն պարզամտորեն-մանկական զգացումը, որ ծնունդ էր առել քառամյա պատերազմի առաջին օրերին, երբ նա լեռնյուվի մոտ բլրակից առաջին անգամ դիտում էր ավստրահունգարական զորքերի ու գումակների իրարանցումը: «Ի՞նչ մարդիկ են, ինչպիսի՞ն են նրանք»: Կարծես թե նրա կյանքում չէր է՛լ եղել այն շրջանը, երբ նա Գլուբոկայայի մերձակայքում կռվում էր Չերնեցովի ջոկատի դեմ: Բայց այն ժամանակ նա հաստատապես գիտեր իր թշնամիների դեմքը,— դրանք մեծ մասամբ Դոնի սպաներ, կազակներ էին: Իսկ այստեղ նրան վիճակվում էր գործունենալ ռուս գինվորների հետ, ինչ-որ ուրիշ տեսակ մարդկանց, ա՛յն մարդկանց հետ, որոնք իրենց ամբողջ վիթխարի զանգվածով սովետական իշխանության հենարանն էին հանդիսանում ու ձգտում էին,— ինչպես կարծում էր նա,— զավթել կազակական հողերն ու անդակները:

Մի անգամ էլ մարտում համարյա դեմառդեմ նա հանդիպեց կարմիրզվարդիականներին, որոնք անսպասելիորեն

դուրս թափվեցին ձորակի մի ճյուղից: Նա դասակի հետ մեկնեց հետախուզության, ձորակի միջով մոտեցավ ճամփաբաժանին և այստեղ հանկարծ լսեց «ա»-ի փոխարեն «օ»-յով և կոշտ հնչող «գ»-ով արտասանվող ուտներեն բառեր, մայր հայհոյելը, քայլերի սորուն խշշոց: Մի քանի կարմիրգվարդիականներ, որոնցից մեկը շինացի էր, դուրս թռան ձորակի կատարը և կազակների տեսքից շշմած, մի վայրկյան քարացան գլխամանքից:

— Կազակները, — ընկնելով, վախեցած ու կշկշան ձայնով բղավեց մեկը:

Չինացին կրակեց: Ու անմիջապես ընկնողը, սպիտակավուն մի կարմիրգվարդիական, հատու և խեղդվող ձայնով, շուտասելուկով գոռաց.

— Ընկերներ, բերեք մակսիմկան: Հրե՛ն կազակները:

— Բերե՛ք, է՛: Կազակներն են...

Միտկա Կորշունովը նազանով խփեց շինացուն և, ձին կտրուկ շուտ տալով, Գրիգորիի ձիուն նեղելով, առաջինը սլացավ ձորակի խորունկ հատակում. նա թափահարում էր սանձը, ձիու տագնապալից վագբը ուղղում ծուռուծուռ ճանապարհով: Նրա ետևից սլացան մյուսները՝ աշխատելով իրարից առաջ անցնել: Նրանց թիկունքից բարիտոն ձայնով որոտաց գնդացիքը, գնդակները քստքստացնում էին վայրի սալորենու և լանջերի ու հրվանդանների վրա խիտ աճած մլենու տերևները, փորփրում ու գիշատաբար պռճոկում ձորակի քարքարոտ հատակը...

Էլի՛ մի քանի անգամ դեմառդեմ հանդիպեց կարմիրներին, տեսնում էր, թե ինչպես կազակների գնդակները կարմիրգվարդիականների ոտների տակից պոկոտում էին հողը և նրանք ընկնում էին ու իրենց կյանքը թողնում այդ արգավանդ ու իրենց օտար հողի վրա:

...Ու Գրիգորին հետզհետե սկսեց շարունակմբ համակվել դեպի բոլշևիկները: Նրանք իբրև թշնամիներ ներխուժե՛լ էին իր կյանքի մեջ, իրեն կտրե՛լ էին հողից: Նա տեսնում էր, որ նույնպիսի զգացմունք է համակում նաև մյուս կազակներին: Նրանց բոլորին էլ թվում էր, որ այս պատերազմը տեղի է ունենում միայն բոլշևիկների մեղքով, որոնք վրա էին տալիս մարզին: Ու ամեն մեկը նայելով ցորենի,

չհավաքած լասերին, սմբալիներով ճմռթված, շննձած հացին, դատարկ կալերին, հիշում էր իր դեսյատինները, որոնց վրա հեռում, ուժից վեր աշխատանք էին կատարում կանայք, ու շարանում էր, գազանանում: Գրիգորիին մարտում երբեմն թվում էր, թե իր թշնամիներն էլ, — Տամբովի, Ռյազանի, Սարատովի մուժիկները, — դալիս են հողի նկատմամբ նույնպիսի խանդոտ զգացումով մղված: «Կովում ենք հողի համար, ոնց որ սիրածի համար», — մտածում էր Գրիգորին:

Սկսեցին ավելի քիչ գերի վերցնել: Հաճախացան գերիներին կոտորելու դեպքերը: Ռազմաճակատով մեկ լայն ծավալ ստացան կողոպուտները. թալանում էին բոլշևիկների համակրելու մեջ կասկածվողներին, կարմիրգվարդիականների ընտանիքները, գերիների վրա եղած հագուստը...

Վերցնում էին ամեն ինչ, ձիերից ու բրիչկաներից սկսած մինչև բոլորովին ավելորդ, դժվարաշարժ իրերը: Վերցնում էին թե՛ կազակները և թե՛ սպաները: Երկրորդ կարգի գումակներն ուռճանում էին ավարից: Էլ ի՛նչ ասես որ չկար սայլերի վրա. և՛ հագուստ, և՛ ինքնաեռներ, և՛ կարի մեքենաներ, և՛ ձիու լծասարք, — այն ամենը, ինչը մի որևէ արժեք էր ներկայացնում: Լվարը գումակներից ուղարկվում էր տնները: Գալիս էին աղզականները, կամավոր կերպով փամփուշտներ ու պարեն էին բերում զորամասի համար, իսկ այնտեղից սայլերին թալանված իրեր էին բեռնում ու տանում: Հեծյալ գնդերը, — իսկ դրանք մեծամասնությամբ էին կազմում, — իրենց առանձնապես սանձարձակ էին պահում: Հետևակ զինվորը փամփուշտանոցից բացի ուրիշ բան չունի իրեր դնելու, իսկ ձիավորը լիքը լցնում էր թամբի տոպրակները, կապում դրա փոկերով, ու նրա ձին ավելի շուտ բռնատար կենդանու էր նմանվում, քան շարային ձիու: Սանձարձակ էին դարձել աղբեր-տղերքը: Պատերազմում ալան-թալանը միշտ էլ կարևորագույն շարժիչ ուժ է եղել կազակի համար: Գրիգորին այդ գիտեր թե՛ անցյալ պատերազմների վերաբերմամբ ծերունիների պատմածներից և թե՛ սեփական փորձից: Գեռ գերմանական պատերազմի օրերին, երբ գունդը Պրուսիայում շարժվում էր թիկունքում, բրիգադի հրամանատարը, — վաստակավոր մի գնեհրալ, — շարք կանգնեցնելով տասերկու հարյուրյակը և մտրակով ցույց

տալով բլուրների տակ գտնվող մի վոքրիկ քաղաք, ասաց.

— Կգրավեք,— քաղաքը երկու ժամ կլինի ձեր տրամադրութեան տակ: Բայց երկու ժամից հետո կողոպուտի մեջ բռնված առաջին իսկ մարդը կգնդակահարվի:

Բայց Գրիգորի մեջ այդ բանը ինչ-որ չէր արմատանում. նա վերցնում էր միայն ուտելիք և ձիու կեր, ուղղակի վախենում էր ձեռք տալ ռուսի իրերին ու զգվանքով էր վերաբերվում կողոպուտներին: Նրա աչքում առանձնապես զարշելի էր հենց յուրայիններին, կազակներին թալանելը: Հարյուրյակը պինդ էր պահում իր ձեռքում: Նրա կազակները եթե որևէ բան էին վերցնում, ապա այդ անում էին գաղտնաբար և հազվագյուտ դեպքերում: Նա չէր հրամայում ոչնչացնել գերիներին ու հանել նրանց հագուստը: Չափից դուրս մեղմ իր վարմունքով դժգոհություն առաջացրեց կազակներին ու գնդի հրամանատարության մեջ: Բացատրությունների համար նրան կանչեցին դիվիզիայի շտաբը: Պաշտոնյաներից մեկը կոպտաբար բարձրացնելով ձայնը, հարձակվեց նրա վրա.

— Դու ինչո՞ւ ես փչացնում հարյուրյակը, խորունժի: Ինչո՞ւ ես ազատամտություն անում: Մեղմ ես վարվում, որ հետո լավամարդ լինես, հա՞: Առաջվա պես երկերեսանիություն անում ես անում... Ո՞նց թե չգոռալ քեզ վրա... Դեհ, առանց հակաճառելու: Զգիտե՞ս կարգապահությունը: Ի-ի՞նչ, հեռացնե՞լ: Կհեռացնե՞նք: Հրամայում եմ այսօր եթե հանձնել հարյուրյակը: Եվ հետո... մի՛ ֆշշա, հա՛-ա:

Ամսի վերջին գունդը 33-րդ Ելանյան գնդի մի հարյուրյակի հետ, որ գնում էր նրա կողքից, գրավեց Գրեմյաչի լոգ խուտորը:

Ներքևում, խոր ձորակում խիտ խմբված էին ուռնիները, հացենիներն ու բարդիները, լանջի վրա փռված էին երեք տասնյակի շափ սպիտակ խրճիթներ, սրոնք շրջապատված էին անտառ քարից կառուցված ցածրիկ ցանկապատերով: Խուտորի վերևում, փոքրիկ բլրակի վրա կանգնած էր բոլոր քամիներին մատչելի մի հողմաղաց: Բլուրի ետևից բարձրացող սպիտակ ամպի ֆոնի վրա սևին էին տալիս ծոված խաչի ձև անեցող, անշարժ կանգնած նրա թևերը: Օրը անձրևային ու մառախլապատ էր: Չորակող մեկ սրբաշավում էր,

ցրտաշունչ բուքք. տիրեները շրջալով թափվում էին գետնին: Երևում էին փարթամ աճած, արնագույն-կարմիր ուռիները: Կալերում կանգնած էին փայլող ծղնոտի դեզերը: Նախաձմեռային մեղմ ցուրտը գրկել էր անալի բույր արձակող գետինը:

Գրիգորին իր դասակով գրավեց բնակարանորդների կողմից հատկացված մի տուն: Ինչպես պարզվեց, տանտերը գնացել էր կարմիրների հետ: Զառամած, շաղ տանտիրուհին իր անշափահաս դստեր հետ սկսեց քծնաբար սպասարկել դասակին: Գրիգորին խոհանոցից անցավ օթախը, նայեց շուրջը: Երևում էր, որ տանտերերը լավ էին ապրում. ներկված հատակներ, վիեննական աթոռներ, հայելի, պատերի վրա—գինվորականների սովորական լուսանկարներ և աշակերտական մի գովասանաթերթ՝ սև շրջանակով: Թրջված անջրանցիկ վերարկուն կախելով վառարանի մոտ, Գրիգորին ծխախոտ փաթաթեց:

Ներս մտավ Պրոխոր Զիկովը, հրացանը հենեց մահճակալին. անտարբեր հաղորդեց.

— Սայվորներ են եկել: Նրանց հետ է ձեր հայրիկը, Գրիգոր Պանտելևիչ:

— Դե՛հ, մի՛ դուրս տա:

— Դրուստ խոսք: Նրանից բացի էլի մի վեց սայվոր է եկել մեր խուտորցիներից: Գնա տես:

Գրիգորին շինելը գցեց վրան, դուրս ելավ:

Պանտելեյ Պրակոֆևիչը ձեռքի սանձերը քաշելով, նրանց ներս էր բերում դարպասից: Բրիչկայի վրա նստել էր տնային արտադրության կապայով փաթաթված Դարյան: Նա բռնել էր երասանները: Կապայի թաց վեղարի տակից նա խոնավ ժպիտով, ծիծաղկոտ աչքերով նայեց Գրիգորիին:

— Ո՞ր քամին բերեց ձեզ, հայրենակիցներ,— գուցե Գրիգորին՝ ժպտալով հորը:

— Ա-ա՛, տղաս, ողջ-առողջ ես: Հյուր ենք եկել, առանց հարցնելու ներս ենք գալի:

Գրիգորին քայլելիս գրկեց հոր լայն ուսերը, սկսեց շեղաձողերից անջատել քաշանները:

— Ասում ես չէի՞ր սպասում, Գրիգորի:

— Իհարկե:

— Իսկ մենք, հրես, մեկի սայլով... Վերցրել էինք: Ձեզ համար արկեր ենք բերել, միայն թե կովեք:

Արձակելով ձիերը, նրանք կցկտուր ֆրաչներ էին փոխանակում: Դարյան բրիչկայից վերցնում էր ուտելիքները ու ձիերի կերը, հացահատիկը:

— Դո՞ւ ինչու ես եկել, — հարցրեց Գրիգորին:

— Հայրիկի հետ եմ եկել: Նա հիվանդ է, փրկչի տոններից մինչև հիմա չի առողջանում: Մայրիկը վախենում էր, թե չլինի՞ նրան մի բան պատահի. նա մենակ օտար տեղ էր գալի...

Ձիերի առաջ հոտավետ, վառ-կանաչ սիզախոտ գցելով, Պանտելեյ Պրակոֆևիչը մոտեցավ Գրիգորիին, ու անհանդըստությամբ շոկով սև աչքերը, որոնց սպիտակուցներն անառողջ կերպով արյունոտված էին, խռպոտ շշնջոցով հարցրեց.

— էհ, ի՞նչ կա:

— Ոչինչ: Կովում ենք:

— Լսել եմ, որ իբր թե կազակները շեն ուզում սահմանից դենը գնալ... Ճի՞շտ է:

— Խոսակցություններ են, էլի՞... — խուսափուկ պատասխանեց Գրիգորին:

— Այդ ո՞նց կլինի, աղբեր-տղերք, — մի տեսակ օտարոտի ու շփոթված ասավ ծերունին, — ո՞նց թե այդպես: Իսկ մեզ մոտ ծերունիները հուսով են... Ձեզանից բացի էլ ո՞վ կարող է պաշտպանել հայր-Դոնը: Թե որ դուք, — աստված ազատե, — չուզենաք կովել: Բա այդ ո՞նց կլինի: Ձեր սայլ-ճորներն էին փշում... Խառնակչություն են գցում շան որդիքը:

Մտան խրճիթ: Հավաքվեցին կազակները: Խոսակցությունը սկզբում պտտվում էր խուտորի նորությունների շուրջը: Դարյան տանտիրուհու հետ փսփսալով, բացեց ուտելիք-դենի տպարակը, իրիկնահաց գցեց:

— Ասում են դու արդեն հարյուրյակի հրամանատարությունից հեռացված ես, հա՞, — հարցրեց Պանտելեյ Պրակոֆևիչը՝ ոսկրե սանրով սանրելով ձխտված մորուքը:

— Հիմի ես դասակապետ եմ:

Գրիգորիի անտարբեր պատասխանը խոցեց ծերունուն:

Պանտելեյ Պրակոֆևիչը խիստ կնճռոտեց ճակատը, կաղ-կաղ մոտեցավ սեղանին, անհանգիստ աղոթեց, ու շեքմենի փեշով գդալը սրբելով՝ վիրավորված հարցրեց.

— Այդ ինչու՞ ես ընկել նրանց աչքից: Թե՞ չես գոհացրել մեծավորներին:

Գրիգորին չէր ուզում կազակների ներկայությամբ խոսել այդ մասին, սրտնեղությամբ թոթվեց ուսը:

— Նոր հրամանատար են ուղարկել... Կրթություն ունի:

— Այդպես էլ դու ծառայիր նրանց, որդի: Շուտով նրանք գնահատական կտան: Հլա տես, է՛, կրթված մարդ են ուզեցել: Հասկացրու, որ գերմանական կովում քեզ իսկապես կրթել են, կարելի է թե ամեն մի ակնոցավորից էլ ավելի շատ բան գիտես:

Մերունին պարզապես վրդովվում էր, իսկ Գրիգորին կնճռոտում էր դեմքը, շեղակի նայում, թե կազակները հո չե՞ն ժպտում:

Աստիճանի իջեցումը նրան չէր վշտացրել: Նա ուրախությամբ էր հանձնել հարյուրյակը, հասկանալով, որ իրենց խուտորցիների կյանքի համար պատասխանատու չի լինի: Բայց և այնպես, նրա ինքնասիրությունը վիրավորված էր, և հայրը այդ մասին խոսելիս ակամայից անախորժություն էր պատճառում նրան:

Տանտիրուհին գնաց խոհանոց, իսկ Պանտելեյ Պրակոֆևիչը զգալով, որ պաշտպանություն կգտնի ի դեմս Բոզատիրյովի. որը իրենց խուտորից էր ու եկել էր այնտեղ, — սկսեց խոսակցությունը.

— Ուրեմս դրո՞ւստ է, որ միտք ունեք սահմաններից դենը շոկալ:

Պրոխոր Զիկովը հաճախակի թարթելով հորթի իր փաղաքուշ աչքերը, լուռ էր, մեղմ ժպտում: Միտակ Կորշունովը վառարանի մոտ պպզած, մատները վառելով, ծխում էր փաթաթած ծխախոտի մնացորդը: Մնացած երեք կազակները նստել ու պառկել էին նստարանների վրա: Հարցին ինչ-որ ոչ ոք չէր պատասխանում: Բոզատիրյովը վշտացած թափահարեց ձեռքը:

— Նրանք այդ գործերի մասին իսկի էլ դարդ չեն

անում,— խոսեց նա բամբ, դմբդմբան ձայնով,— նրանց համար մեկ է, թեկուզ դաշտում խոտ է՛լ չբուսնի...

— Իսկ ինչո՞ւ սահմաններից դենը գնալ,— ծուլորեն հարցրեց հիվանդոտ ու հանգիստ կազակ Իլլինը,— խիստ ինչո՞ւ գնալ: Հրե՛ն, կնկանս մեռնելուց հետո որք երեխաներս են մնացել, իսկ ես զուր տեղը պետք է կորցնե՞մ կյանքս...

— Կազակական հողից դուրս կքշենք հակառակորդին ու կգնանք մեր տները,— նրան վճռականապես պաշտպանեց մի ուրիշը:

Միտկա Կորշունովը ժպտաց կանաչ աչքերով միայն, ոլորեց բարակ, փափլիկ բեղը:

— Թեկուզ էլի հինգ տարի կովենք, մեկ է ինձ համար: Միրում եմ կովել:

— Դուրս եկե-ե-ք... Թամբեք...— գոռացին դրսից:

— Ա՛յ, տեսնո՞ւմ եք,— հուսահատությամբ բացականչեց Իլլինը,— տեսնո՞ւմ եք, ծերուկներ: Դեռ շորերս էլ չենք չարացրել, իսկ այնտեղ արդեն գոռում են «դուրս եկեք»: Ուրեմն էլի դիրքերն ենք գնում: Իսկ դուք ասում եք՝ սահմանները: Ի՞նչ սահմաններ կարող են լինել: Պետք է տո՛ւմ գնալ: Պետք է հաշտության ձգտել, իսկ դուք ասում եք...

Պարզվեց, որ տագնապը կեղծ էր: Զարացած Գրիգորին ձին բերեց բակը, առանց պատճառի սապոգով խփեց նրա աճուկին ու կատաղաբար կլորացնելով աչքերը, բղավեց.

— Սատանա՛, ուղիղ քայլիր, էլի՛:

Պանտելեյ Պրակոֆևիչը դռան մոտ ծխում էր: Ծանապարհ տալով ներս մտնող կազակներին, հարցրեց.

— Ի՞նչ էին իրար անցել:

— Տագնա՛պ էր... Կովերի նախիրը կարմիրների տեղ էին ընդունել:

Գրիգորին հանեց շինելը, նստեց սեղանի մոտ: Մնացածները տնքտնքալով հանվում էին, թրերը, հրացաններն ու փամփշտանոցները գցում նստարաններին:

Երբ բոլորը պառկեցին քնելու, Պանտելեյ Պրակոֆևիչը Գրիգորիին կանչեց բակ: Նստեցին մուտքի սանդուղքին:

— Ուզում եմ խոսել քեզ հետ.— ծերունին շոշափեց Գրիգորիի ծունկը, շնչաց.— մեկ շաբաթ առաջ գնացել էի Պետրոյի մոտ: Նրանց Քսանութերորդ գունդը հիմի Կալաչից

դենն է... Ես, որդի, այնտեղ մի լավ խերվեցի: Պետրոն պիտանի, շատ պիտանի է տնտեսության համար: Նա ինձ տվեց մի ջվալ շոր, մի ձի, շաքար... ձին կարգին է...

— Կա՛ց,— խստորեն ընդհատեց նրան Գրիգորին՝ հասկանալով բանի էությունը և դրանից դաղվելով,— :ու հոդրա համար չե՞ս եկել այստեղ:

— Ի՞նչ կա որ:

— Ո՞նց թե ինչ:

— Խալխը հո վերցնում է, Գրիշա...

— Խա՛լխը, վերցնո՞ւմ է,— բռնեք շգտնելով՝ կատաղությամբ կրկնեց Գրիգորին:— Ունեցածներդ քի՞չ է, հա՛: Գյաղաներ եք դուք: Այդպիսի բաների համար գերմանական ֆրոնտում գնդակահարում էին մարդկանց...

— Լավ, մի՛ վովոա,— սառնասրտությամբ նրան ընդհատեց հայրը.— ես քեզանից չեմ խնդրում: Ինձ ոչինչ պետք չէ: Ես այսօր ապրում եմ, իսկ էգուց ոտնկրս կփռեմ... Դուք ընտանիք մտածիր: Ա՛մա թե հարուստ մարդ ես եղել: հա՛-ա: Տանը մի բրիչկա է մնացել, իսկ սա... Ախր ինչի՞ չվերցնել նրանցից, որոնք կարմիրների կողմն են բռնել, հը՛... Նրանցից չվերցնելը մեղք է: Իսկ տանը ամեն մի թելն է՛լ պետք կգար:

— Դու դրանից ձեռ քաշի, հա՛-ա, թե չէ ես իսկույն քեզ կհեռացնեմ այստեղից: Ես դրա համար կազակների մուսթն էի ջարդում, իսկ իմ հայրը եկել է բնակիչներին թալանելու,— դողում ու շնչահեղձ էր լինում Գրիգորին:

— Հենց դրա համար էլ քեզ վճռեցին ես հարյուրյակի հրամանատարությունից,— նենգաբար կծեց նրան հայրը:

— Դա ինչի՞ս է պետք: Ես դասակից էլ կհրաժարվեմ...

— Էլ ո՞նց չէ: Խելո՞ք ես, խելոք...

Մի րոպե լուռ էին: Վառելով ծխախոտը, Գրիգորին լուցկու լույսի տակ անցողակի տեսավ հոր շփոթված ու նեղացած դեմքը: Միայն այժմ նրա համար հասկանալի դարձան հոր ժամանելու պատճառները: «Դրա համար էլ բերել է Դարյային, գրողի՞ տարած քոփակ: Բերել է, որ Դարյան պահպանի թալանածը,— մտածում էր Գրիգորին:

— Մտեպան Աստախովն է երևացել: Լսե՛լ ես,— անտարբեր սկսեց Պանտելեյ Պրակոֆևիչը:

— Ո՞նց թե,— Գրիգորին ձեռքից նույնիսկ վար գցեց ժխախտար:

— Հենց այդպես: Բանից դուրս եկավ, որ նա գերի է եղել և ոչ թե սպանվել: Ունեւոր է դարձել: Անհամար շոր և ուրիշ բարիք ունի: Երկու սայլով է բերել:— փշեց ծերունին պարծենալով, կարծես Ստեպանը նրա հարազատն էր:— Ակսինյային տարավ իր մոտ և հիմի ծառայութեան է գնացել: Նրան լավ պաշտոն են տվել, էտապի կամենդանտն է մի տեղ, կարծյոք կազանսկոս:

— Ինչքա՞ն հաց եք կալսել,— Գրիգորին փոխեց խոսակցութիւնը:

— Չորս հարյուր կոտ:

— Թոռներդ ո՞նց են:

— Օ-հո՛, թոռներս հերոսներ են, աղբեր: Նվե՛ր ուղարկեիր, էլի:

— Տրոնտից ի՞նչ նվեր,— թախժոտ շունչ առավ Գրիգորին, իսկ մտքով Ակսինյայի ու Ստեպանի մոտ էր:

— Չե՞մ կարող քեզանից մի հրացան վերցնել: Ավելորդ չկա՞:

— Ինչի՞դ է պետք:

— Տան համար: Գազանից է՛լ, վատ մարդուց էլ պաշտպանվելու համար: Պետք կգա, էլի՛: Փամփուշտ կա, մի ամբողջ արկղ եմ վերցրել: Տանում էին, ես էլ վերցրի:

— Վերցրու գումակից: Այդ բարիքը շատ է:— Գրիգորին նոթոտ ժպտաց:— Դե՛հ գնա քնիր: Ես պետք է ուղեկալ գնամ:

Գնդի մի մասը առավոտյան դուրս եկավ խուտորից: Գրիգորին գնում էր հավատացած լինելով, որ ամաչեցրել էր հորը, և սա կվերադառնա առանց որևէ բան տանելու: Իսկ Պանտելեյ Պրակոֆևիչը, ճանապարհ դնելով կազակներին, տեր ու տնօրենի նման գնաց ամբար, շարդախի տակից վերցրեց անուրներն ու շինքափոկերը, տարավ դեպի իր բրիչկան: Նրա ետևից արտասովալի դեմքով քայլում էր տանտիրուհին, ճղճղում էր՝ կառչելով նրա ուսերից:

— Ապի, սիրելիս, բա դու մեղքից չե՞ս վախենում: Ինչե՞ն ես որբերիս գրկում դրանցից: Տո՛ւր անուրները, տո՛ւր, ի սեր աստծու:

— Դե՛հ, դե՛հ, աստծու անունը չտաս,— կաղ-կաղ քայլելով հոխորտում և կնոջից պաշտպանվում էր Մելեխովը:— Ձեր մարդիկ է՛լ հո կվերցնեն մեզանից: Քո մարդը կարծյոք կոմիսար է, հը՛... Ձե՛ն քաշի: Թե որ «քոնը-իմը» աստծուն է», ուրեմս սսկվիր. մի՛ գանգատվիր:

Հետո, ջարդելով սնդուկների կողպեքները, համակրական լուռթյուն պահպանող գումակայինների ներկայութեամբ ընտրեց նոր շալվարներն ու համազգեստները, լույսի տակ դիտեց դրանք, ճմռթեց սև, կարճ մատներով, հանգույցներ կապեց...

Ճաշից առաջ նա մեկնեց: Լիքը լցված բրիչկայում, կապոցների վրա նստել էր Դարյան, բարակ շրթունքներն իրար սեղմել: Բրիչկայի ետին կողմում, իրեղենի վրա ընկած էր բաղնիքի մի կաթսա: Պանտելեյ Պրակոֆևիչը դա հանել էր բաղնիքի վառարանից, հազիվ հասցրեց մինչև բրիչկան և Դարյայի կշտամբալից դիտողութեանը:

— Ապի, դուք ք...ից էլ ձեռ չեք քաշում,— զայրացկոտ պատասխանեց:

— Ձենդ կտրի, անզգամ: Չէ՛ մի, կաթսան թողնի իրանց համար: Դու էլ մոռնտոփկ Գրիչկայի նման ես, քեզանից ի՞նչ տնտեսուհի դուրս կգա: Այդպես... Դե՛հ, քշիր, է՛, ի՞նչ ես բերանդ բաց արել:

Արցունքներից աչքերն ուռած տանտիրուհուն, որը նրանց ետևից ծածկում էր դարպասը, նա բարեհոգութեամբ ասաց:

— Մնաս բարով, քուրբս: Չբարկանաս: Դուք ձեզ համառ էլի իրեր կճարեք:

X

Օրերի շղթա... Օղակի մեջ ներկուած օղակ: Երթեր, կռիվներ, հանգիստ: Շոգ, Անձրև: Զիու քրտնքի և թամքի տաքացած կաշվի միախառնված հոտ: Երակներումդ մշտական լարումից ոչ թե արյուն է, այլ տաքացրած սնդիկ: Կիսաքուն մնալուց գուլսդ երեք դուլմանոց թնդանոթի արկից էլ ծանր է: Գրիգորին որքա՞ն կուզեր հանգստանալ քնից կշտանալ: Հետո էլ, իրրև գութանավոր. քայլել փափուկ ակոսով,

շվացնել եզնների վրա, լսել կոունկնների կապույտ, շեփորային կանչը, այտերի վրայից փաղաքշանքով հանել քամու բերած արծաթափայլ սարդոստայնը ու անդադար խմել գութանի շուռ տված աշնանային հողի գինեբույրը:

Իսկ դրա փոխարեն — ճանապարհների շեղբերով կտրատված արտեր: Ճանապարհներին — մերկ, փոշուց դիակի պես սևացած գերիների ամբոխներ: Գնում է հարյուրյակը, կոխոտում ճանապարհները, երկաթե պայտերով ճզմում արտերը: Խուտորներում սիրողները խուզարկում են կարմիրենների հետ գնացած կազակների ընտանիքները, մտրակներով ձաղկում ուրացողների կանանց ու մայրերին:

Զգվում էին ձանձրույթով ամլացած օրերը: Դրանք ջրնջվում էին հիշողությունից, և ոչ մի իրադարձություն, նույնիսկ եթե նշանավոր էր, իր ետևից հետք չէր թողնում: Պատերազմի առօրյան էլ ավելի ձանձրալի էր թվում, քան անցած պատերազմում, գուցե այն պատճառով, որ առաջ ամեն ինչ տեսնված էր: Ու հենց պատերազմին էլ արհամարհանքով էին վերաբերվում նախկին պատերազմի բոլոր մասնակիցները. և՛ ծավալը, և՛ ուժերը, և՛ կորուստները — ամեն ինչ խաղալիքային էր գերմանական պատերազմի համեմատությամբ: Միմիայն սև մահը, ինչպես և Պրուսիայի դաշտերում, ծառացած էր իր ամբողջ հասակով մեկ, վախեցնում էր ու ստիպում անասնաբար զգուշանալ իրենից:

— Մի՞թե սա պատերազմ է: Այնպես, էլի, նման է պատերազմին: Գերմանական պատերազմում, մեկ էլ տեսար, գերմանացին թնդանոթներից կրակ թափեց, տակնիգլուխ՝ հնձեց գնդերը: Իսկ հիմի եթե հարյուրյակից երկու մարդ վիրավորվեց, ասում են կորուստ ունեցանք, — դատում էին ճակատայինները:

Սակայն այդ խաղալիքային պատերազմն էլ էր զայրույթ պատճառում: Ուժեղանում էր դժգոհությունը, հոգնածությունը, շարացումը: Հարյուրյակում հետզհետե ավելի վճռականորեն ասում էին.

— Դոնի հողից դուրս կբռնեք կարմիրներին, ու պրծավգնաց: Սահմանից դենը չենք գնա: Թող Ռուսաստանն իր ուզածի պես ապրի, մենք էլ մեր ուզածի պես: Մենք չենք կարող այնտեղ սահմանել մեր կարգերը:

Ֆիլոնովսկու մերձակայքում ամբողջ աշնանը թույլ մարտեր էին տեղի ունենում: Ամենագլխավոր ստրատեգիական կենտրոնը Ցարիցինն էր, թե՛ սպիտակները և թե՛ կարմիրները այնտեղ էին նետում լավագույն ուժերը, իսկ Հյուսիսային ճակատում հակառակորդներից որևէ մեկի կողմում գերակշռություն չկար: Երկու կողմն էլ ուժեր էին կուտակում վճռական գրոհի համար: Կազակներն ավելի շատ հեծելազոր ունեին. օգտագործելով այդ առավելությունը, կոմբինացված գործողություններ էին կատարում, շրջանցում թևերը, անցնում թիկունքը: Գերակշռությունը կազակների կողմն էր միայն այն պատճառով, որ նրանց դեմ կանգնած էին բարոյապես խախուտ զորամասեր՝ գլխավորապես ճակատամերձ գոտում նոր մոբիլիզացված կարմիրբանակայիններից: Սարատովցիները, տամբովցիները հազարներով անձնատուր էին լինում: Բայց հենց որ հրամանատարությունը կռվի էր հանում բանվորական մի զունդ, նավաստիական մի ջոկատ կամ Միրոնովի հեծելազորը, դրությունը հավասարվում էր, ու նորից նախաձեռնությունը ձեռքից ձեռք էր անցնում ու հերթով զուտ տեղական նշանակություն ունեցող հաղթանակներ էին տարվում:

Մասնակցելով պատերազմին, Գրիգորին անտարբերությամբ հետևում էր դրա ընթացքին: Նա հավատացած էր, որ ձմռանը ռազմաճակատում չի լինի. գիտեր, որ կազակները հաշտվողաբար էին տրամադրված ու երկարատև պատերազմի մասին խոսք էլ չէր կարող լինել: Գնդում երբեմն լըրազրեր էին ստացվում: Գրիգորին ատելությամբ վերցնում էր «Վերխնե-Դոնսկոյ կրայ»-ի դեղին, փաթթոցաթղթի վրա տպված համարը, ու հարևանցիորեն նայելով ռազմաճակատների ամփոփագրերը, կրճատացնում էր ատամները: Կազակներն էլ բարեհոգությամբ քրքրում էին, երբ Գրիգորին նրանց համար բարձրաձայն կարդում էր կորովալից, քաղցր-մեղր կայտառությամբ լեցուն տողերը.

«Սեպտեմբերի 27-ին Ֆիլոնովսկու ուղղությամբ մարտեր էին մղվում փոփոխակի հաջողություններով: Լույս 26-ի գիշերը Վեռնսկու քաջակորով գունդը հակառակորդին դուրս քշեց Պոդգոռնի խուտորից և, կը»

ըրնկակոխ հետապնդելով նրան, ներխուժեց լուկյանովսկի խուտորը: Վերցրված են հսկայական թվով գերիններ և ռազմական ավար: Կարմիր զորամասերը անկարգ նահանջում են: Կազակների տրամադրությունը բարձր է: Դոնեցիք նոր հաղթանակների են ձգտում:

— Քանի գերի ենք վերցրել: Հսկայական թվով: Օհո-հո, շահն որդիք, Երեսուներկու մարդ ենք վերցրել, իսկ նրանք... քահ-քահ-քահ-քահ... — ծիծաղից թուլանում էր Միտկա Կորշունովը՝ ամբողջ լայնությամբ բաց անելով սպիտակ ատամներով բերանը, երկար ձեռները դնելով կողերին:

Կազակները չէին հավատում նաև Սիբիրում ու Կուբանում «կադետների» հաջողությունների վերաբերյալ տեղեկություններին: Չափազանց անպատկառ ու լկտի կերպով էր ստում «Վերխնե-Դոնսկոյ կրայ»-ը Օխովատկինը, — մեծ-մեծ ձեռներով, վիթխարահասակ մի կազակ, կարդալով մի հողված շխտսլովակյան խռովության մասին, Գրիգորիի ներկայությամբ հայտարարեց.

— Ա՛յ, կողկեն շխին, հետո էլ այնտեղ եղած ամբողջ բանակը կշարտեն մեր դեմ, ու այն ժամանակ վայն եկել է մեզ տարել... Ռուսաստան են ասում, հա՛-ա: — Ու սպանազին վերջացրեց. — հանա՞ք ես անում, ինչ է:

— Մի՛ վախեցնի, հա՛-ա: Օ՛Ֆ, պորտիս կողքը մրմռում է այս հիմար խոսակցությունից, — ջղայնացավ Պրոխոր Զիկովը:

Իսկ Գրիգորին ծխախոտ փաթաթելով, կամացուկ շարախնդությամբ մտածեց՝ «Տիշտ է»:

Այդ երեկո նա սեղանի մոտ երկար նստեց գլխիկոր, արևից գունաթափ վերնաշապկի օձիքն արձակած, նույնպես գունաթափ պաշտպանական գույնի ուսադիրներով: Մոայլ էր արևահար նրա դեմքը, որի վրա անառողջ շաղությունը կոկիլ էր այտոսկրների փոսերը և սուր անկյունները: Նա պտտում էր սև, մկանոտ պարանոցը, մտազբաղ ոլորում գանգրացած, արևակեզ բեղի ծայրը ու լարվածորեն մի կետի էր նայում վերջին տարիներում խամրած, բարկացկոտ աչքերով: Մտածում էր ծանր անսովոր դժվարությամբ, ու

արդեն պառկելով քնելու, ասես պատասխանելով ընդհանուր հարցին, ասաց.

— Չգիտես ոնց շարժվես:

Ամբողջ գիշերը չքնեց: Հաճախ դուրս էր գալիս ձիուն նայելու ու երկար կանգնում էր մուտքի սանդուղքի վրա՝ ունկնդրելով սև, մետաքսաշրշուն լուսթյան:

Երևում է, որ դեռ մեղմ, դողդոջ լույսով վառվում էր այն փոքրիկ աստղը, որի տակ ծնվել էր Գրիգորին. երևում է, որ դեռ չէր հասել ժամանակը, երբ այն պետք է պոկվեր ու թռչեր՝ ընկնող, սառն բոցով վառելով երկինքը: Աշնան ընթացքում երեք ձի էր սպանվել Գրիգորիի տակին, հինգ տեղից գնդակով ծակվել էր շինելը: Մահը կարծես խաղ էր անում այդ կազակի հետ՝ սև թևը տարածելով նրա վրա: Մի անգամ գնդակը ամբողջովին ծակեց թրի պղնձե գլխիկը, թրափունջը ընկավ ձիու ոտների տակ, ասես կծոտված լիներ:

— Մեկը թունդ աղոթում է քեզ համար, Գրիգորի, — ասաց նրան Միտկա Կորշունովը և զարմացավ Գրիգորիի անուրախ ժպտից:

Ճակատը անցել էր երկաթուղագծից դեմը: Ամեն օր գումակները փշալարերի փաթաթներ էին բերում: Ամեն օր հեռագիրը ճակատով մեկ ծորացնում էր հետևյալ բառերը.

«Օրերս կժամանեն դաշնակիցների զորքերը: Անհրաժեշտ է ամրանալ մարզի սահմաններում մինչև օժանդակ ուժերի գալը, ամեն գնով կասեցնել կարմիրների գրոհը»:

Մոբիլիզացված բնակչությունը ծանր նիգերով քանդում էր սառած հողը, խրամատներ էր փորում, դրանք ցանցում փշալարով: Իսկ գիշերները, երբ կազակները թողնում էին խրամատները ու գնում բնակարաններում տաքանալու, կարմիրբանակային հետախույզները մոտենում էին խրամատներին, տապալում էին ցցերը և կազակներին ուղղված կոչեր էին կայցնում մետաղալարի ժանգոտ սեպերին: Կազակները դրանք կարողում էին ագահությամբ՝ ինչպես հաքազատներից ստացած նամակներ: Պարզ էր, որ այդպիսի պայմաններում անհնարին է շարունակել պատերազմը: Շողջողում էին սառնամանիքները, դրանց հաջորդում էր տա-

քուժյունը և ձյան առատ տեղումը: Ձյունը ծածկում էր խը-
րամատները: Դժվար էր թեկուզ մի ժամ պառկել խը-
րամատներում: Կազակները մրսում էին, նրանց ոտներն ու
ձեռները ցրտահար էին լինում: Հետևակ և պլաստունական
զորամասերում շատերը սապոգներ չունեին: Ոմանք ուզե-
մաճակատ էին գնացել միայն քոշերով ու բարակ շալվա-
րով,— կարծես գնացել էին գոմ՝ աղբը հավաքելու: Դաշ-
նակիցներին չէին հավատում: «Նրանք գալիս են բզեզնե-
րին նստած»,— մի անգամ տրտմությամբ ասավ Անդրյուշ-
կա Կաշուկինը: Իսկ կարմիրների պարեկներին հանդիպելով,
կազակները ականջ էին դնում, թե ինչպես նրանք բղավում
էին՝ «է-հե՛յ, քրիստոսիկներ, դուք մեր դեմ գալիս եք տան-
կերով, իսկ մենք ձեր դեմ՝ սահնակներով: Կրտսկներդ
ճարպ քսեցեք, հա՛-ա, շուտով հյուր կգանք»:

Նոյեմբերի կեսից կարմիրները հարձակման անցան,
նրանք համառությամբ ետ էին մղում կազակական զորա-
մասերը դեպի երկաթուղագիծը, սակայն գործողութուննե-
րի մեջ բեկումն ավելի ուշ առաջացավ: Դեկտեմբերի 16-ին
Միրոնովի հեծելազորը երկարատև կռվից հետո ետ շարտեց
33-րդ գունդը, բայց Վեշենսկու գնդի ճակատամասում, որ
ծավալված էր Կոլոդեզյանսկի խուտորի կողքին, հանդուգն
դիմադրության հանդիպեց: Կայերի ցանկապատերի ձյունա-
պատ եզրից գնդացրորդ վեշենցիները մրբկային կրակով
դիմավորեցին հակառակորդին, որը հարձակվում էր հետևակ
շարքով: Աջ թևի գնդացիքը, որ գտնվում էր կարգինցի կա-
զակ Անտիպովի միանգամայն փորձված ձեռքում, խփում
էր՝ գնդակները շաղ տալով հակառակորդի դասավորության
խորքը, հնձում վազեվազք կատարող շղթաները: Հարյու-
րյակը ծածկվում էր կրակոցների ծխով: Իսկ ձախ թևից երկու
հարյուրյակ արգեն շրջանցում էին կատարում:

Թույլ հարձակվող կարմիրբանակային զորամասերին
երկկույան դեմ փոխարինեց հենց նոր ուղղամաճակատ ժա-
մանած նավաստիների ջոկատը: Նրանք առանց պառկելու,
առանց աղաղակելու, ճակատից գրոհ տվին գնդացիներին
վրա:

Գրիգորին անընդհատ կրակում էր: Տաքացել էր փողա-
կալը: Փողը շիկացել էր ու վառում էր նրա մատները: Սաչ

ռեցնելով հրացանը, Գրիգորին նորից պահունակ էր խո-
թում, կկոցած աչքերով նշան բռնում հեռավոր, սև ու փոք-
րիկ կերպարանքների վրա:

Նավաստիները ետ քշեցին նրանց: Վերցնելով ձիերը,
հարյուրյակները սրարշավ անցան խուտորը, դուրս թան
բլուրի վրա: Գրիգորին ետ նայեց ու բնագործին գցեց սան-
ձը: Բլուրի վրայից հեռվում երևում էր տխրամած, ձյունա-
պատ դաշտը՝ ձյան մեջ թաղված քոշերի հրվանդաններով
ու ձորակների լանջերից ընկած իրիկնադեմի կարմրակա-
պույտ ստվերներով: Դաշտում մի վերստ տարածությամբ
սև բծերի նման ընկած էին գնդացրային կրակով կոտորված
նավաստիների դիակները: Բուշլատներ և կաշվե-կուրտ-
կաններ հազած, նրանք սևին էին տալիս ձյան վրա, ինչպես
չվող, գետին իջած սերմնաքաղնների երամ...

Հարձակումից անդամահատված հարյուրյակները, կորց-
նելով կապը Սլանսկի գնդի և Ուստ-Մեդվեդիցկու օկրուգի
համարագրված գնդերից մեկի հետ, որը գտնվում էր նրանց
աջ կողմում, իրիկնադեմին կանգ առան գիշերելու երկու
խուտորում, որոնք գտնվում էին մի փոքրիկ գետակի, Բու-
զուլուկի վտակի ափին:

Արդեն մթնշաղին Գրիգորին վերադառնալով այն վայ-
րից, որտեղ նա հարյուրյակի հրամանատարի հրամանով
ուղեկալներ էր կարգել, նրբանցքում հանդիպեց գնդի հրա-
մանատարին և նրա համհարզին:

— Ո՞րտեղ է երրորդ հարյուրյակը,— ձիու սանձը քաշե-
լով՝ հարցրեց հրամանատարը:

Գրիգորին պատասխանեց: Ձիավորները քշեցին ձիերը:
— Հարյուրյակի կորուստները շա՛տ են,— հեռանալիս
հարցրեց համհարզը. պատասխանը նա չլսեց, նորից հարց
տվեց.— ի՞նչ:

Բայց Գրիգորին գնաց առանց պատասխանելու:

Ամբողջ գիշերը խուտորի միջով ինչ-որ գումակներ էին
անցնում: Այն տան մոտ, որտեղ կազակների հետ գիշերել
էր Գրիգորին, երկար կանգնած էր մի մարտկոց: Միափեղկ,
փոքրիկ պատուհանից լսվում էր մայր հայհոյելը, ձիավար-
ների աղմուկը, իրարանցումը: Տաքանալու համար խրճիթ
էին մտնում հրետանավորները, գնդի շտաբի հանձնատար-

ները, որոնք հայտնի չէ ինչու էին ընկել այդ խուտորը: Կեօղիշերին մարտկոցի հրետանավորներից երևք հոգի, արթնացնելով տնեցիներին ու կազակներին, ներս խցկվեցին: Մոտիկ տեղում նրանք հրանոթը գցել էին գետակի մեջ ու որոշել էին անցկացնել զիշերը, որպեսզի առավոտը գետակից եզներով դուրս քաշեն այն: Գրիգորին արթնացավ, երկար նայում էր, թե ինչպես մարտկոցավորները տնքայով, մաքրելով սապոգների կայուն, սառած ցեխը, հանում են ոտների թաց փաթաթանները ու կախոտում վառարանի ծխնելույզի վրա: Հետո ներս մտավ մինչև ակունքները ցեխոտված մի հրետանավոր սպա: Նա խնդրեց գիշերելու տեղ տալ, հանեց շինելը ու ֆրենչի ցեխոտ թևքով անտարբեր տեսքով երկար տրորում էր դեմքը:

— Մենք կորցրինք մի հրանոթ,— ասաց նա՝ հոգնած ձիու աչքերի պես խոնարհ աչքերով նայելով Գրիգորիին:— Այսօր այնպիսի կռիվ եղավ, ինչպես Մաչեխայի մերձակայքում: Երկու կրակոցից հետո հայտաբերեցին մեր տեղը... Հենց որ շրմփացրին, վայրկենապես ջարդեց մարտական սունակը: Թնդանոթը տեղավորված էր կալում: Այնքան էլ լավ էր քողարկված...— Նա ըստ սովորության ու հավանորեն անգիտակցաբար յուրաքանչյուր ֆրագին անպատկառ հայհոյանք էր ավելացնում:— Դուք վեշենսկու գնդի՞ց եք: Թե՛յ խմելո՞ւ եք: Տանտիրուհի, դուք մեկ համար ինքնաևո չէի՞ք գցի, հը՞:

Բանից դուրս եկավ, որ նա շաղակրատ, ձանձրալի զրուցակից է: Անդադար թե՛յ էր կլանում: Ու կես ժամից հետո Գրիգորին արդեն գիտեր, որ նա Պլատովսկայա ստանիցայից է, ավարտել է ուսուցանող դպրոցը, եղել է գերմանական պատերազմում ու երկու անգամ անհաջող ամուսնացել:

— Այժմ վե՛րջ Դոնի բանակին,— ասաց նա՝ սուր և կարմիր լեզվով քրտինքը լիզելով սափրած շրթունքից:— Պատերազմը վերջանալու մոտ է: Ֆրոնտը էգուց ցրիվ կգա, իսկ երկու շաքաթից հետո մենք արդեն կլինենք նովոշերկասկում: Ուզում էին ոտաբորիկ կազակներով գրոհել Ռուսաստանը: Բա ապուշներ չե՞ն, հը՞: Կադրային սպաները բոլորն էլ անպիտաններ են, աստված վկա: Դուք հո կազակ եք, չէ՞: Ա՛յ, նրանք էլ հենց ուզում են ձեր ձեռներով կրա-

կից շագանակ հանել: Իսկ իրենք համարակույթուններում դափնու տերև ու ձավար են կշռում:

Նա հաճախակի թարթում էր դատարկ աչքերը, շարժում՝ իր ամբողջ խոշոր ու ամրակազմ մարմինը հենելով սեղանին, իսկ մեծ, լայն բերանի անկյունները մռայլ ու անկամք կերպով կախ էին ընկել, ու դեմքի վրա անխախտ պահպանվել էր հլու, մարզված ձիու նախկին արտահայտությունը:

— Առաջ, թեկուզ հենց նապոլեոնի էպոխայում պատերազմելը հիանալի էր: Հանդիպեցին երկու բանակները, զարկվեցին, բաժանվեցին: Ոչ ֆրոնտներ կային, ու էլ հարկավոր էր նստել խրամատներում: Իսկ հիմի փորձիր զուլֆա հանել գործողություններից. սատանան ինքն էլ կշմմի: Եթե առաջ պատմագիրները փշում էին, ապա այս պատերազմի նկարագրության մեջ այնպիսի՝ պոչով ստեր են լինում... Ուղղակի ձանձրույթ է և ոչ թե պատերազմ: Գուշներ չկան, Կեղտ է: Եվ առհասարակ անմտություն է: Ես այդ գերագույններին երես երեսի կբերեի ու կասեի՝ «Ահա ձեզ, պարոն Լենին, վախճախորդ. սովորեցեք նրանից տիրապետել գեներին: Իսկ ձեզ համար, պարոն Կրասնով, ամոթ է չգիտենալը»: Եվ թող զարկվեին ոնց որ Դավիթն ու Գողիաթը՝ ով հաղթեց, նա էլ թող իշխեր: Ժողովրդի համար միևնույն է, թե նրան ով է կառավարում: Դուք ինչ եք կարծում, պարոն խորունժի:

Գրիգորին առանց պատասխանելու քնեած հետևում է նրա մտտ ուսերի ու ձեռների ծանր շարժումներին, բերանի խոռոչում անհաճելիորեն-հաճախ երևացող կարմիր լեզվին: Ուզում էր քնել, անբեռ, ցանցառ հրետանավորը շարացնում էր նրան, սիրտը խառնում էր հրետանավորի քրտնած ոտների շնահոտից...

Գրիգորին առավոտյան արթնացավ ինչ-որ չլուծված բանի տաղտուկ զգացումով: Այն վախճանը, որ նա նախատեսել էր դեռ աշնանից, այնուամենայնիվ ապշեցրեց նրան իր

1 Դավիթ և Գողիաթ — ըստ բիբլիական ավանդության, փղշտացիների ու հրեաների միջև տեղի ունեցած ճակատամարտերից մեկը վերջացել էր լքատանի Դավթի ու փղշտացի հսկա Գողիաթի մենամարտով հուստաբանի:

հանկարծակիութիւնը: Գրիգորին աչքաթող էր արել այն, որ պատերազմի դեմ ուղղված դժգոհութիւնը սկզբում մանրագույն անվակների պես բըջալով հարյուրյակներում ու գրնդերում, անտեսանելիորեն միախառնվել ու հզոր հեղեղ էր առաջացրել: Ու հիմա տեսնում էր լոկ այդ հեղեղը, որ շեշտակիորեն և ազահաբար քշում-տանում էր ֆրոնտը:

Այդպես գարնանամտին տափաստանով գնում է մարդը: Շողում է արևը: Շուրջը—համատարած բացկապտավուն ձյուն: Իսկ նրա ոտների տակ տեղի է ունենում աչքի համար աննշմարելի, հավերժական սքանչելի աշխատանքը,— հողի ազատագրումը: Արևն ուտում է ձյունը, մաշում այն, տակից խոնավութիւն լցնում: Տաք, մշուշոտ գիշեր, ու անավտոյան արգեն շրջունով ու զղրդունով նստում է վերնաշերտը, ճանապարհներին ու աղտոներում պղպջակվում է կանաչ, բարձրադիր վայրերում հոսող ջուրը, սմբակների տակից ձյունը հալչող փաթիլներով թռչում է բուրբ կողմերը: Տաք է: Բացվում ու մերկանում են ավազոտ բլրակները, զգացվում է կավոտ գետնի, փտած խոտաբույսերի նախնադարյան բույրը: Կեսգիշերին ուժգնաթափ վշտում են ձորակները, շաշում ձյան նստվածքներով լցվող հեղեղատները, բուրավետ ծխախոտի ձխի պես գոլորշի է արձակում թավիշի, սև, մերկացած ցրտահերկը: Իրիկնադեմին, տնքտնքալով, տափաստանային գետակը ջարդում է սառույցը, քշում այն՝ ինքը ջրառատ, պիրկ լցված, ինչպես ծծմոր ստինքը, ու ձմռան անսպասելի վախճանից ապշած, կանգնած է մարդը ավազե եզերքին, աչքերով ծանծաղ տեղ է փնտրում, քրտնած, ականջները թափահարող ձիուն շրմփացնում մրտաբակով: Իսկ շուրջը դավաճանորեն ու անմեղ տեսքով կապույտին է տալիս ձյունը, փուլած է նիրհուն ու սպիտակ ձմեռը...

Գունդը ամբողջ օրը նահանջում էր: Ճանապարհներով սլանում էին գումակները: Հեռու-հեռվում, հորիզոնը սքողած գորշ ամպից դեմը փխրուն փլվածքների նման որոտում էին թնդանոթային համազարկերը: Զյունից մերկացած, զոմազորոտած ճանապարհով, ցեխը՝ ճլմփացնելով, գնում էին հարյուրյակները, ցեխառված կռճիկներով ձիերը հունցում էին թաց ձյունը: Ճանապարհների կողքերից ձիերով

սլանում էին հանձնատարները: Փայլուն, կապտավուն փետուրներով, լուակյաց, կարճապոչ և հետիտես հեծելակների պես անճարպիկ սերմնաքաղնեքը ծանր ու մեծ, օրորվելով քայլում էին ճանապարհի կողքից, ու ասես զորատեսի պահին, նրանց կողքից անցնում էին կազակական նահանջող հարյուրյակները, ցնցոտիապատ պլաստունների շարասյունները, գումակների զանգվածները:

Գրիգորին հասկացավ, որ այլևս ոչինչ չի կարող կանգնեցնել շեշտակիորեն ծավալվող նահանջի զսպանակը: Ու ցնծագին վճռականութեամբ լեցուն, նա գիշերով ինքնակամ հեռացավ գնդից:

— Բ՛ւր ես գնում, Գրիգոր Պանտելե,— հարցրեց Միտկա Կորշունովը, ծաղրականորեն դիտելով, թե ինչպես Գրիգորին շինելի վրայից հագնում է անջրանցիկ թիկնոցը, կապում թուրն ու նագանը:

— Քե՛զ ինչ:

— Հետաքրքիր է:

Գրիգորին խաղացրեց այտոսկրների կարմրատակած ուռուցքները, բայց ուրախ, աչքով անելով պատասխանեց.

— Խնամոնց տունը: Հասկացա՞ր:

Ու դուրս գնաց:

Ծրա ձին թամբած, պատրաստ էր:

Մինչև լուսաբաց նա սլանում էր գիշերային ցրտից մշուշված ճանապարհներով: «Կապրեմ տանը, հետ» էլ չլուխեմ, թե նրանք ոնց են գնալու մեր կողքից, ու կմիանամ գնդին»,— օտարոտի մտածում էր նա այն մարդկանց մասին, որոնց հետ երեկ կովում էր կողք-կողքի:

Մյուս օրվա երեկոյան նա արգեն երկու հարյուր վերստ սլացած, երկու օրում նիհարած, հոգնածութեանից օրորվող ձիով մտավ հայրական տան բակը:

XI

Նոյեմբերի 24-ին Նովոչերկասկում լուր ստացվեց, որ ժամանելու է Համաձայնութեան տերութիւնների ռազմական միտիան: Քաղաքում համառ լուրեր տարածվեցին, թե անգ-

լիական մի հզոր նավախումբ արդին կանգնած է նույրո- սիսյակի նավահանգստի խարսխակայանում, թե իբր դաշնա- կիցների զորքերի հսկայական ղեկավարները Սալոնիկից փո- խադրված լինելով, արդեն ափ են դուրս գալիս, թե՛ Ֆրան- սիական սևամորթ հրաձիգների մի կորպուս արդին, ափ է դուրս եկել և ամենամոտիկ ապագայում Կամավորական բանակի հետ համատեղ հարձակում կսկսի: Քաղաքով մեկ ձնագնդի պես գլորվում էին լուրերը...

25-ի առավոտյան Կրասնովը հրամայեց լեյբ-զվարդիա- յի Ատամանյան զնդի կազակներից պատվո պահակ ուղար- կել: Երիտասարդ ատամանցիների երկու հարյուրյակ շտապ կերպով զուգեցին բարձրաճիտ սապոգներով ու սպիտակ փոկե հանդերձանքով և փողհարների հարյուրյակի հետ մեկ- տեղ ուղարկեցին Տագանրոգ:

Ռուսաստանի հարավում անգլիական ու ֆրանսիական ռազմական միսիանների ներկայացուցիչները յուրատեսակ քաղաքական հետախուզության նպատակով որոշել էին մի քանի սպա ուղարկել նովոչերկասկ: Նրանց խնդիրն էր ծա- նոթանալ Դոնի գրուսթյան և բոլշևիկների դեմ հետագա պայ- քարի հեռանկարների հետ: Անգլիան ներկայացնում էին կապիտան Բոնդը և լեյտենանտներ Բլումֆելդը և Մոնրոն, Ֆրանսիան՝ կապիտան Օշենը և լեյտենանտներ Դյուպրեն ու Ֆորը: Դաշնակիցների ռազմական միսիանների հենց այս ոչ բարձր պաշտոնյաների գալուստը, — որոնք դիպվածի քմա- հաճույքով «գեոպոլիտիկ» դարձան, — այնքա՛ն իրարանցում առաջացրեց ատամանի պալատում:

«Դեոպոլիտիկներին» մեծ պատվով տարան նովոչերկասկ: Չափից անց քծնությամբ ու ստորաբարշտությամբ պատեցրին համեստ սպանների զուլխները, ու սրանք զգալով իրենց «խս- կական» մեծությունը, արդեն սկսեցին հովանավորի աչքով ու բարձրից նայել կազակական անվանի գեներալների ու Դոնի բուտաֆորական ռեսպուբլիկայի շքաստիճանավորների վրա:

Կազակական գեներալների հետ եղած խոսակցություն- ների ժամանակ ֆրանսիական երիտասարդ լեյտենանտների քաղաքավարության ու ֆրանսիական քաղցր-մեղցր սիրա- չիրության արտաքին փայլի տակից արդեն սկսվել էին նըշ-

մարվել ներողամտության ու ամբարտավանության սառն արտահայտությունները:

Պալատում երեկոյան հարյուր հոգու ճաշ տրվեց: Զորա- կան երգեցիկ խումբը դահլիճով մեկ փոքում էր կազակական երգերի մետաքսե պաստառները, որոնք ճոխ պճնազարդ- ված էին ձայնակիցների տենորներով, փողային նվագա- խումբը թնդում էր հուժկու և դաշնակցային հիմներ էր զրնգացնում: «Դեոպոլիտիկները» ուտում էին համեստորեն ու մեծ արժանապատվությամբ, ինչպես և պատշաճում է այդ- պիսի դեպքերում: Զգալով մոմենտի պատմական նշանա- կությունը, ատամանի հյուրերը աչքի տակով զննում էին նրանց:

Կրասնովը սկսեց ճառը.

— Դուք գտնվում եք, պարոններ, այն պատմական դահլիճում, որի պատերից ձեզ են նայում մի այլ ժողովրդ- դական պատերազմի, հազար ութ հարյուր տասներկու թվա- կանի պատերազմի հերոսների համր աչքերը: Պալատովը, Իլովայսկին, Դենիսովը մեզ հիշեցնում են այն սրբազան օրերը, երբ Փարիզի բնակչությունը ողջունում է իր ազատա- բարենրին, — Դոնի կազակներին, երբ Ալեքսանդր Առաջին կայսրը փլատակներից ու ավերակներից վերականգնում էր գեղեցիկ Ֆրանսիան...

«Գեղեցիկ Ֆրանսիայի» դելեգատների աչքերը արդեն փայլփլում ու թափառում էին բավականաչափ կոնծած ցիմ- քանական գինուց, բայց նրանք մինչև վերջ ուշադրությամբ լսեցին Կրասնովի ճառը: Երկար ու բարակ նկարագրելով այն կատաստրոֆիկ դժբախտությունները, որ կրում էր «վաչ- բենի բոլշևիկների կողմից ճնշվող ռուս ժողովուրդը», Կրաս- նովը իր ճառը վերջացրեց այսպիսի խանդալից խոսքերով.

— ...Ռուս ժողովրդի լավագույն ներկայացուցիչները կորչում են բոլշևիկյան զնդաններում: Նրանց հայացքները ուղղված են ձեզ, նրանք սպասում են ձեր օգնության, և դուք պետք է օգնեք նրանց ու միայն նրանց, և ոչ Դոնին: Մենք կարող ենք հպարտությամբ ասել՝ մենք ազատ ենք: Բայց մեր բոլոր մտքերը, մեր պայքարի նպատակը ուղղված են մեծ Ռուսաստանին, որը հավատարիմ է իր դաշնակից- ներին, պաշտպանել է նրանց շահերը, նրանց համար զոհա-

բերել իրեն և այժմ այնքան ահավոր կերպով ծաղավի է նրանց օգնութեան: Հարյուր շորս տարի առաջ, մարտ ամսին Ֆրանսիական ժողովուրդը ողջունեց Ալեքսանդր Առաջին կայսրին և ռուսաստանյան գվարդիան: Եվ այն օրվանից Ֆրանսիայի կյանքում սկսվեց մի նոր ժամանակաշրջան, որը նրան հասցրեց առաջին տեղը: Հարյուր շորս տարի առաջ մեր ատամանը, կոմս Պլատովը հյուր էր ինդոնուս: Մենք ձեռք սպասում ենք Մոսկվայում: Մենք սպասում ենք ձեռք, որպեսզի հանդիսավոր մարշերի ու մեր հիմնի հնչյունների ներքո միասին մտնենք Կրեմլ, որպեսզի միասին վայելենք խաղաղութեան և ազատութեան ամբողջ քաղցրությունը: Մեծ Ռուսաստան,— այս բառերի մեջ են մեր բոլոր երազանքները և հույսերը:

Կրասնովի եզրափակիչ խոսքերից հետո վեր կացավ կապիտան Բոնդը: Անգլերեն լեզվի հնչյուններին հետևեց բանկետին ներկա գտնվողների քար լռությունը: Քարգամանիչը ռեկորդով սկսեց թարգմանել:

— Կապիտան Բոնդը իր անունից և կապիտան Օշենի անունից լիազորված է հայտարարելու Դոնի ատամանին, որ իրենք պաշտոնապես ուղարկված են Համաձայնության տեղությունների կողմից, որպեսզի իմանան, թե Դոնում ինչ է կատարվում: Կապիտան Բոնդը հավաստիացնում է, որ Համաձայնության տեղությունները բոլոր ուժերով ու միջոցներով, չբացառելով նաև զորքերը, կօգնեն Դոնին ու Կամավորական բանակին՝ բոլշևիկների դեմ ուղղված նրանց անվհե՛հ սպառնալով:

Քարգամանիչը դեռ չէր վերջացրել վերջին ֆրազը, երբ դահլիճի պատերը դողացին երեք անգամ կրկնված ուժգնաթափ «ուռայից»: Նվագախմբի որոտընդոտ նվագի ներքո հնչեցին բաժակաճառերը: Խմում էին «գեղեցիկ Ֆրանսիայի» և «հզոր Անգլիայի» ծաղկման համար, խմում էին «բոլշևիկների դեմ հաղթանակի պարզեման» համար... Բաժակների մեջ փրփրում էր Դոնի Ֆլշան գինին, կայծկլտում էր երկար պահված փրփրուն գինին, քաղցր բուրբում էր հինավուրց «կանթեղի» գինին...

Խոսք էին սպասում դաշնակցային միսիանների ներկայացուցիչներից, և կապիտան Բոնդը շտապեց սպասել իրեն.

— Ես առաջարկում եմ խմել մեծ Ռուսաստանի կենացը և կուզենայի այստեղ լսել ձեր հին, սքանչելի հիմներ: Մենք նշանակություն չենք տա դրա խոսքերին, բայց ես կուզեի լսել միայն դրա երաժշտությունը...

Քարգամանիչը թարգմանեց, ու Կրասնովը հուզումից սփրթնած դեմքը դարձնելով հյուրերին, կերկրածայն գոչեց.

— Մեծ, միասնական և անբաժան Ռուսաստանի կենացը, ուռա՛:

Նվագախումբը ուժգնաթափ ու սահուն սկսեց «Աստված, պահիր ցարին» հին հիմներ: Բոլորը ոտքի ելան, դատարկեցին բաժակները: Ալեհեր արքեպիսկոպոս Գերմագինի դեմքից առատ արցունքներ էին հոսում: «Որքա՛ն գեղեցիկ է դա...» — սքանչանում էր գինովցած կապիտան Բոնդը: Բարձրաստիճան հյուրերից մեկը, խորապես զղացված, պարզապես հեկեկում էր մորուքը անձեռոցիկի մեջ դրած, որը աղտեղվել էր ճզմված հատիկավոր խավյարով...

.
.

Այդ գիշեր քաղաքի վրա մոնչում ու ոռնում էր մերձազուգյան կատաղի քամին: Մեռած փայլ էր արձակում տաճարի գմբեթը, որին ծեծկում էր առաջին ձյունահողմը...

Այդ գիշեր քաղաքից դուրս, աղբանոցում, կավոտ հեղեղատներում ռազմա-դաշտային դատարանի վճռով գնդակահարում էին Շախտի բոլշևիկ-երկաթուղայիններին: Մեքեներին կապած թևերով նրանց երկու-երկու մոտեցնում էին զառիթափին, դեմառդեմ գնդակահարում նազաններով ու հրացաններով, ու սառնաշունչ քամին մարում էր կրակոցների ձայները: Ինչպես ծխախոտի կայծերը...

Իսկ ատամանի պալատի դռան առաջ, ցրտում, նոյեմբերի վառող քամու տակ կծկվում-սառչում էր լեյք-գվարդիայի Ատամանյան գնդի կազակներից բաղկացած պատվո պահակը: Կծմում, սևանում էին մերկացրած թրերի կոթերը սեղմող կազակների ձեռները, ցրտից արցունքվում էին աչքերը, փայտանում ոտները... Մինչև լուսաբաց պալատից լսվում էին հարբածների աղաղակները, նվագախմբի

պղնձե կարկաշները ու զորական երգեցիկ խմբի տենորները հեծեծող գեղզեղանքները...

Իսկ մի շարաթ անց սկսվեց ամենասարսափելին— ազմաճակատի քայքայումը: Գրաված ճակատամասից առաջինը հեռացավ Կալաշի ուղղութիւնով գտնվող 28-րդ գունդը, որտեղ ծառայում էր Պետրո Մելիսովը:

15-րդ ինգենյան դիվիզիայի հրամանատարութեան հետ գաղտնի բանակցութիւններ վարելուց հետո կազակները որոշեցին թողնել ճակատը ու Վերին-Գոնյան օկրուգի տերիտորիայի միջով անարգել ճանապարհ տալ կարմիր զորքերին: Յակով Ֆոմինը, որ կարճամիտ, մտավորապես սահմանափակ մի կազակ էր, անցավ խռովարար գնդի գլուխը, բայց ըստ էութեան նա միայն ցուցանակ էր, իսկ զործերը վարում ու Ֆոմինին ղեկավարում էին մի խումբ կազակներ, որոնք բոլշևիկներն էին տրամադրված:

Աղմկալի միտինգից հետո, որտեղ սպաները, վախենալով, որ ետեից գնդակ կուտեն, դժկամորեն էին ապացուցում կովելու անհրաժեշտութիւնը, իսկ կազակները միահամուռ, համառ ու անհեթեթ կերպով էին բղավում բոլորին ձանձրացրած էլի նույն խոսքերը պատերազմի ավելորդութեան, բոլշևիկների հետ հաշտվելու մասին,— գունդը ճանապարհ ընկավ: Առաջին իսկ օրավերթից հետո Սոլունկի ավանի մոտ գնդի հրամանատարը, զորական ավագ Ֆիլիպովը սպայական կազմի մեծամասնութեան հետ գիշերով հեռացավ գնդից և լուսաբացին միացավ կոմս Մոլլերի նահանջող, մարտերում զգզված բրիգադին:

28-րդ գնդից հետո դիրքերը թողեց 36-րդ գունդը: Նա լրիվ կազմով, բոլոր սպաներով ժամանեց Կազանսկայա: Կազակների հանդեպ ստրկականորեն քծնող, կարճահասակ, գողաբարո աչքերով հրամանատարը հեծյալներով շրջապատված, ձիով մոտեցավ այն տանը, որտեղ գտնվում էր էտապային պարետը: Կտրիճի տեսքով, մտրակը խաղացնելով ներս մտավ:

— Ո՞վ է պարետը:

— Ես պարետի օգնականն եմ,— տեղից քիչ բարձրա-

նալով՝ արժանապատվութեամբ պատասխանեց Ստեպան Աստախովը:— Դուրը ծածկեցեք, պարոն սպա:

— Ես երեսունվեցերորդ գնդի հրամանատարն եմ, զորական ավագ նաումովը: Ը-ը... պատիվ ունեմ... Իմ գնդին անհրաժեշտ է հագուստ ու կոշիկ: Մարդիկ մերկ ու ոտաբոբիկ են: Դուք լսո՞ւմ եք:

— Պարետը այստեղ չէ, իսկ առանց նրան ես ձեզ մի գույց թաղյակ է՛լ չեմ կարող տալ:

— Ինչպե՞ս:

— Հենց այդպես:

— Դո՞ւ... Դու ո՞ւմ հետ ես խոսում, հը՞: Կձերբակալեմ, սատանան քեզ տանի: Տղերք, սրան զցեք գետնահարկ: Ո՞րտեղ են պահեստի բանալիները, թիկունքի՞ խլուրդ... Ի-ի-ի՞նչ.— նաումովը մտրակով շրմփացրեց սեղանին ու կատաղութիւնից գունատվելով, մանջուրական փրշոտ փափախը քշեց ծոծրակին.— տուր բանալիները ու շատ մի խոսի:

Կես ժամից հետո պահեստի դռնից, նարնջավուն փոշի բարձրացնելով, դաբաղած մորթու կիսամուշտակների կապոցները, թաղյակների, սապոգների դաստանները թռչում էին ձյան վրա, ընկնում ամբոխված կազակների ձեռքը, շաքարով լեցուն պարկերը ձեռքից ձեռք էին անցնում: Աղմկալից և ուրախ խոսակցութիւնը երկար ժամանակ բռնել էր հրապարակը...

Իսկ այդ ժամանակ 28-րդ գունդը իր նոր հրամանատարի, վախմիստր Ֆոմինի հետ մտնում էր Վեշենսկայա: Նրա ետեից, երեսուն վերստ նրանից հեռու ընթանում էին Թեզնյան դիվիզիայի զորամասերը: Կարմիր հետախուզութիւնըն այդ օրը արդեն եղել էր Դուբրովկա խուտորում:

Հյուսիսային ճակատի հրամանատար գնեբրալ-մայոր Իվանովը դրանից չորս օր առաջ շտաբի պետ գնեբրալ Զամբրոժիցկու հետ շտապ տեղափոխվում էին Կարգինսկայա ստանիցան: Նրանց ավտոմոբիլը տեղապտույտ էր անում ձյան վրա, Զամբրոժիցկու կինը արյունոտելու շափ կծոտում էր շրթունքները, երեխաները լալիս էին...

Վեշենսկում մի քանի օր անիշխանութիւն էր տիրում: Ըստ լուրերի, Կարգինսկում ուժեր էին կուտակվում 28-րդ

գնդի վրա նետելու համար: Բայց 22-ին Իվանովի աղյուստանտը Կարգինսկուց ժամանեց Վեշենսկայա, ու ծիծաղելով, հրամանատարի բնակարանից վերցրեց նրա մոռացած իրերը,— ամառային գլխարկը՝ բոլորովին նոր գդակահիշով, գլխի խոզանակը, սպիտակեղենն ու էլի ինչ-որ մանր իրեր...

8-րդ Կարմիր բանակի զորամասերը ներխուժեցին Հյուսիսային ճակատում առաջացած հարյուր վերստանոց ճեղքվածքը: Գեներալ Սավատենը առանց կովի ետ էր քաշվում դեպի Դոնը: Տալիի և Բոգուլարի ուղղութեամբ շտապ նահանջում էին գեներալ Ֆիցխելաուրովի գնդերը: Հյուսիսում մի շաքաթ արտասովոր հանդարտութուն տիրեց: Չէր լսվում թնդանոթային որոտմունքը, լուռ էին գնդացիները: Վերին Դոնի գնդերի դավաճանութունից վհատված, առանց կովի նահանջում էին Ստորին Դոնի կազակները, որոնք կովել էին Հյուսիսային ճակատում: Կարմիրները առաջ էին շարժվում զգուշութեամբ, դանդաղ, հետախուզախմբերով մանրակրկիտորեն զննում առջևում գտնվող խուտորները:

Հյուսիսային ճակատում Դոնի կառավարության համար խոշորագույն անհաջողությանը փոխարինեց ուրախութունը: Դեկտեմբերի 28-ին Նովոչերկասկ ժամանեց դաշնակիցների միսիան,— Կովկասում բրիտանական ռազմական միսիայի հրամանատար գեներալ Պուլը՝ շտաբի պետ գնդապետ Կիսսի հետ, ու Ֆրանսիայի ներկայացուցիչները—գեներալ Ֆրանշե-դե-Էսպերեն և կապիտան Ֆուկեն:

Կրասնովը դաշնակիցներին տարավ ճակատ: Դեկտեմբերյան մի ցուրտ առավոտ Չիր կայարանում, կառամատույցում շաք կանգնեց պատվո պահակը: Կախ ընկած բեղեր, գինեմոլի տեսք ունեցող գեներալ Մամոնտովը, որ սովորաբար փնթի էր, բայց այս անգամ քայցած, նոր սափըրված, կապտափայլ այտերով,— սպանների ուղեկցությամբ քայլում էր կառամատույցում: Սպասում էին գնացքին: Ռազմական նվազախմբի երաժիշտները կայարանի շենքի մոտ թրևում էին ու փչելով տաքացնում կապուտկած մատները: Պահակում ներդաշնակ շաքերով կանգնել էին ստորին ստանիցանների տարբեր արտաքին ու տարբեր հասակ ունեցող կազակները: Սպիտակամարտք պապերի կող-

քին կանգնած էին անբեղ երիտասարդները, մեջմեջ՝ քյաքուլավոր ճակատայինները: Պապերի շինելների վրա ոսկեփայլում ու արծաթափայլում էին կովչայի ու Պլենայի համար ստացած խաչերը և մեդալները, ավելի ջահել կազակների կրծքերից խիտ կախտոված էին այն խաչերը, որ նրանք ստացել էին Գյոք-Թափայի, Լիդիանտունի մերձակայքում եղած խիզախ գրոհների համար ու գերմանական պատերազմում—Պերեմիշլի, Վարշավայի, Լվովի համար: Երիտասարդները ոչնչով չէին փայլում, բայց լարի պես ձգվում էին և աշխատում ամեն ինչով նմանվել մեծերին:

Կաթնագույն գոլորշիով պարուրված, դղրդալով մոտեցավ գնացքը: Պուլմանյան վագոնի դռները դեռ չէին բացվել, երբ կապելմեյստերը եռանդով թափահարեց թևերը և նվազախումբը նվազեց անգլիական ազգային հիմնը: Մամոնտովը ձեռքով թուրը պահած, շտապեց դեպի վագոնը: Կրասնովը սրտաբաց տանտիրոջ պես կազակների քարացած ցանկաշարի առջևից հյուրերին տարավ կայարանի շենքը:

— Ամբողջ կազակութունը ոտքի է ելել հայրենիքը պաշտպանելու կարմիրգվարդիական վայրենի բանդաներից: Դուք տեսնում եք երեք սերնդի ներկայացուցիչներին: Այդ մարդիկ կովում էին Բալկաններում, Ճապոնիայում, Ավստրո-Հունգարիայում ու Պրուսիայում, իսկ հիմա կովում են հայրենիքի ազատության համար,— ասաց նա հիանալի ֆրանսերենով, նրբագեղ ժպտալով, գլխի արքայավայել շարժամբ ցույց տալով պապերին, որոնք չուել էին աչքերը, շունչները պահել ու քարացել:

Իզուր չէր, որ Մամոնտովը, ըստ վերևի կարգադրության, պատվա պահակն ընտրելիս ջանք չէր խնայել: Ապրանքը ցույց էր տրված շիտակ կողմից:

Դաշնակիցները եղան ռազմաճակատում, բավարարված վերադարձան Նովոչերկասկ:

— Ես շատ գոհ եմ ձեր զորքերի փայլուն տեսքից, կարգապահությունից և մարտական ոգուց,— մեկնելուց առաջ գեներալ Պուլը ասաց Կրասնովին:— Ես անհապաղ կարգադրություն կանեմ, որ Սալոնիկից այստեղ ուղարկեն մեր զինվորների առաջին ջոկատը: Ձեզ, գեներալ, ես խնդրում եմ պատրաստել երեք հազար մուշտակ և տաք կոշիկ: Հու-

սով եմ, որ մեր օգնութեամբ դուք կկարողանաք վերջնականապես արմատախիլ անել բուլշևիզմը:

...Շտապ կերպով դաբաղած կաշվե կիսամուշտակներ էին կարվում, թաղիքե տունամաններ պատրաստվում: Բայց դաշնակիցների դեսանտը ինչ-որ շէր ժամանում Նովորոսիյսկ: Լոնդոն մեկնած Պուլին փոխարինեց պաղարյուն, գոռոզ Բրիգգսը: Նա Լոնդոնից նոր հրահանգներ բերեց ու վճռականորեն, գեներալական անդրդվելիութեամբ հայտարարեց:

— Նորին մեծութեան կառավարութիւնը Դոնում Կամավորական բանակին նյութական լայն օգնութիւն ցույց կտա, բայց ոչ մի զինվոր չի տա:

Այդ հայտարարութեան կոմենտարիաներ չէին պահանջվում...

XII

Այն թշնամանքը, որ դեռ իմպերիալիստական պատերազմի օրերին աննշմարելի ակոսով բաժանում էր սպաներին ու կազակներին, 1918 թվականի աշնանը չլսված շափեր ընդունեց: 1917 թվականի վերջին, երբ կազակական զորամասերը դանդաղ հոսում էին դեպի Դոն, սպաների սպանութիւնները ու մատնումները հազվադեպ էին, իսկ մի տարուց հետո դրանք գրեթե սովորական երևույթ դարձան: Հարձակման ժամանակ սպաներին ստիպում էին, կարմիր հրամանատարների օրինակով, գնալ շղթաների առջևից, ու անաղմուկ, կամացուկ կրակում էին նրանց մեջքերի վրա: Սերտ կապը ուժեղ էր միայն այնպիսի զորամասերում, ինչպես Գունդորովյան գեորգեյան գունդը, բայց Դոնի բանակում դրանք քիչ էին:

Խորամանկ, հնարամիտ ու ծանրախոհ Պետրո Մելիխովը վաղուց էր հասկացել, որ կազակի հետ գծովելը մահաբեր է, ու առաջին իսկ օրերից հոգատարութեամբ աշխատում էր ունչացնել այն սահմանը, որը իրեն՝ սպային, բաժանում էր շարքայինից: Նա, ինչպես և շարքայինները, հարմար պարագաներում խոսում էր պատերազմի ավելորդութեան մասին:

Նա այդ ասում էր կեղծավորութեամբ, մեծ լարումով, բայց այդ կեղծավորութիւնը չէին նկատում. բոլշևիկ էր ձևանում ու Ֆոմինի առաջ անշափ քծնել սկսեց այն օրերից, երբ տեսավ, որ գունդը նրան առաջ է քաշում: Ինչպես և մյուսները, Պետրոն պատրաստ էր թալանել, հայհոյել պետերին, խղճալ գերուն, մինչդեռ նրա հոգու մեջ մոլեգին տրոփում էր ատելիութիւնը, ու ձեռները ջղաձգվում, քոր էին գալիս խփելու, սպանելու բորբոք ցանկութիւնից... Մառայութեան մեջ նա մեղմ էր, պարզ, — մոմ էր և ոչ թե խորունժի: Եվ Պետրոն կարողացավ ձեռք բերել կազակների վստահութիւնը, նրանց աչքի առաջ փոխել դիմակը:

Երբ Սոլոնկա ավանի մերձակայքում Նաուսովը հեռացավ սպաների հետ, Պետրոն մնաց: Լինելով խոնարհ ու մեղմ, շարունակ գտնվելով սովերի մեջ, ամեն բանում լինելով շափավոր, նա գնդի հետ միասին ժամանեց Վեշենսկայա: Իսկ Վեշենսկում երկու օր մնալով, չդիմացավ, թուլացավ, ու շփալով ոչ շտաբ, ոչ էլ Ֆոմինի մոտ, ծլկեց տուն:

Այդ օրը առավոտից Վեշենսկում, հրապարակում, հին եկեղեցու մոտ միտինգ էր: Գունդը սպասում էր Ինգենյան դիվիզիայի ղեկգատների ժամանելուն: Հրապարակում խումբ-խումբ քայլում էին շինելներ, առանց երեսի ու շինելների կարած կիսամուշտակներ, կուրտիկներ, բամբակած չեքմեններ հագած կազակները: Չէր կարելի հավատալ, որ խայտաբղետ հագնված այդ հսկայական բազմութիւնը շարային զորամաս է, 28-րդ կազակական գունդն է: Պետրոն տխուր անցնում էր մի խմբից մյուսին, նոր, մտայնութեամբ էր նայում կազակներին: Առաջ, ճակատում նրանց հագուստը աչքի չէր ընկնում, և առիթ էլ չէր լինում տեսնելու գունդը իբրև մի ամբողջ, կոմպակտ մասսա: Հիմա Պետրոն ատելիութիւնից կծոտելով երկարած, սպիտակ բեղը, դիտում էր եղյամնակալած դեմքերը, գլուխները, որոնք ծածկված էին գուլնզգուլն, ականջավոր, կուբանյան փափախներով, հովարավոր գլխարկներով, իջեցնում էր հայացքը ու տեսնում նույնպիսի հարուստ բազմազանութիւն, — երկար հագնված թաղյակներ, սապոգներ, կարմիրբանակայինից հանած կոշիկների վերևից սրունքների փաթաթաններ:

— Անփոխաններ, անիծված մուսիկներ, բճե՛ր,— անզոր շարութեամբ ինքն իրեն շնչում էր Պետրոն:

Յանկապատերի վրա սպիտակին էին տալիս Ֆոմինի հրամանները: Փողոցներում բնակիչներ չէին երևում: Ստանիցան թաքնվել էր սպասողական վիճակում: Նրբանցքների լուսածերպերից երևում էր ձյունով ծածկված Դոնի սպիտակ կուրծքը: Դոնի մյուս կողմում սևին էր տալիս անտառը՝ ասես տուշով նկարված: Հին եկեղեցու գորշ, վիթխարի քարե շենքի կողքին ոչխարի հոտի նման իրար գլխի էին հավաքվել խուտորներից իրենց ամուսինների մոտ եկած կանայք:

Պետրոն, որ մորթե բոլորքով, կրծքի վրա ահագին գլուպանով կիսամուշտակ էր հագել ու գլխին դրել այդ անիծված կարակուլե սպայական փափախը, որով առաջ այնքան հպարտանում էր,— ամեն թույլ իր վրա գգում էր ծուռ, սառն հայացքները: Դրանք թափանցում էին իր հոգու խորքը, էլ ավելի վատթարացնում առանց այն էլ տագնալույթից ու անհանգիստ իր վիճակը: Հետո նա աղոտ կերպով հիշում էր, թե ինչպես հրապարակի մեջտեղում շուռ տված տակառի հատակի վրա կանգնեց կարճահասակ մի կարմիրբանակային, լավորակ շինելով և բոլորովին նոր գառնենու փափախով, որի ականջակալների կապիչները արձակված էին: Բրդոտ ձեռնոց հագած ձեռքով նա շտկեց վզին փաթաթած գորշ-ծխագույն, ճագարի մորթուց կարված, կազակական ծուպազարդ շարֆը, նայեց շուրջը:

— Ընկեր կազակներ,— ցածր, մրսած ձայնը խոցեց Պետրոյի ականջները:

Նայելով իր շուրջը, Պետրոն տեսավ, թե ինչպես կազակները իրենց առօրյա կենցաղում արտասովոր բառից ապշած, հայացքներ են փոխանակում, խոստումնալից և հուզված կերպով միմյանց աչքով անում: Կարմիրբանակայինը երկար խոսում էր սովետական իշխանության մասին, Կարմիր բանակի և կազակության հետ եղած փոխհարաբերությունների մասին: Պետրոյի հիշողության մեջ առանձնապես տպավորվեց այն, որ հեռտորին շարունակ ընդհատում էին հետևյալ աղաղակներով.

— Ընկեր, ի՞նչ բան է կոմունան:

— Մեզ չե՛ն գրի դրա մեջ:

— Բա ի՞նչ բան է կոմունիական պարտիան:

Հեռտորը ձեռները սեղմում էր կրծքին, շուռ էր գալիս բոլոր կողմերը, հաճախապես շարժված բացատրում.

— Ընկե՛ր, Կոմունիստական պարտիան,— դա կամավոր բան է: Պարտիայի մեջ սեփական ցանկությամբ մտնում են նրանք, ովքեր ուզում են պայքարել բանվորներին ու գյուղացիներին կապիտալիստների և կալվածատերերի ճնշումից ազատագրելու մեծ գործի համար:

Մի թուպից հետո մի այլ կողմից բղավում էին.

— Խնդրում ենք բացատրել կոմունիստների ու կոմիսարների մասին:

Պատասխանից հետո մի քանի թուպե էլ շէր անցնում, երբ նորից թնդում էր որևէ մեկի ցատկոտ, բամբ ձայնը.

— Կոմունայի մասին անհասկանալի ես խոսում: Խոնարհաբար խնդրում ենք մի լավ բացատրել: Մենք անգետ մարդիկ ենք, դու պարզ խոսքերով ասա:

Հետո տաղտկալի ու երկար խոսում էր Ֆոմինը ու հաճախ, տեղի ու անտեղի մեջտեղ բերում «էվակացներ» բառը: Ֆոմինի մտա ֆոնիկի պես ֆոռում էր ինչ-որ մի երիտասարդ՝ ուսանողական գլխարկով ու շքեղ վերարկուով: Լսելով Ֆոմինի անկապ ճառը, Պետրոն վերհիշեց, որ 1917 թվականի փետրվարին, այն օրը, երբ Դարյան եկավ իր մտա, առաջին անգամ ինքը տեսել էր Ֆոմինին Պետրոզրադի ճանապարհին, մի կայարանում: Պետրոյի աչքերի առաջ պատկերացավ դասալիք ատամանցին լայնադիր աչքերի խիտ, խոնավ փայլող հայացքով, շինել հագած, որի ուսուցիչների վրա երևում էր «52» մաշված համարը. Պետրոն վերհիշեց նրա անճոռնի քայլվածքը: «էլ համբերություն չկա, աղբերս»,— վերհիշեց Պետրոն նրա տարտամ խոսքերը: «Դասալիք էր, Խրիստոնյայի պես հիմարի մեկն է ու հիմի գնդի հրամանատար է, իսկ ես սովերի մեջ եմ»,— մտածեց Պետրոն՝ բարեք փայլեցնելով աչքերը:

Ֆոմինին փոխարինեց մի կազակ, որը կրծքին ու մեջքին գնդացրային ժապավեններ էր կապել:

— Աղբեր տղերք, ես ինքս եղել եմ Պոպուլիզովի շոկա-

տումը, ու հիմի էլ կարելի է թե աստված տա, էլի մերոնց հետ գնամ կաղեւտների վրա,— խոպոտ ասում էր նա, ճոճ-վում ու հարբածի պես դես-դեն նետում ձեռները:

Պետրոն արագ քայլից դեպի իր բնակարանը: Քամբեց ձին ու լսեց, թե ինչպես կրակում էին կազակները՝ մեկնելով ստանիցայից, հին սովորությամբ այդ կերպ ծանուցելով խուտորներին ռազմիկների վերադառնալու մասին:

XIII

Լուսթյամբ վախեցնող կարճ օրերը իրիկնադեմին երկար էին թվում ինչպես հունձ ու կալսի եռուզեռի ժամանակ: Նընջում էին խուտորները ինչպես խուլ ու խոպան տափաստանը: Ասես մեռել էր Դոնի ամբողջ շրջակայքը, ասես ժանտախտն ավերել էր ստանիցաների հողերը: Ու այնպես էր դրությունը, որ կարծես մի ամպ իր խիտ, անթափանց-սև թևով ծածկել էր Դոնի շրջակայքը, փովել անձայն ու սաղ-սափելի, և ահա մրրկով գետնի վրա կծոի կաղամախիները, կարձակի որոտի շոր, ճքճքան ճայթյունը ու կգնա խորտակելու և ծամռելու Դոնի մյուս կողմի սպիտակ անտառը, կթափի կավճոտ բլրալանջերի ապառաժ քարերը, կ'ոռնա փոթորկի ահասարսուռ ձայներով...

Տատարսկում մշուշը առավոտից պարուրում էր գետինքը: Սարը շաշում էր սառնամանիքից: Կեսօրին արևը կեղեվատվում էր ցուրտ մառախուղից, բայց դրանով չէր պայծառանում: Իսկ մշուշը կորած թափառում էր Դոնի շրջակա լեռնաբարձունքների վրա, լցվում էր ձորակները, բլուրների արանքները ու ցնդում այնտեղ՝ թաց փոշու նման նստելով կավճի մամոտ սալերին, բլուրների լերկ, ձյունած կատարներին:

Երեկոներին մերկ անտառի կատարներից գիշերը բարձրացնում էր լուսնի հրաշեկ-կարմիր, հսկայական վահանը: Սա մշուշոտ փայլում էր հանդարտած խուտորների վերևում, պատերազմի ու հրդեհների արյունամած ցուլքերով: Եվ նրա անողոք, չմարող լուսից տաղտկալի անհանգստություն էր առաջանում մարդկանց մեջ, ձանձրանում էին անասուննե-

րը: Չիերն ու եզները քնից զրկվելով, մինչև լուսաբաց թրվում էին բակերում: Ահավոր ոռնում էին շները, ու կեսգիշերից շատ առաջ աքաղաղները սկսում էին կանչել տարբեր ձայներով: Լուսադեմին ցուրտը սառցապատում էր ծառերի թաց ճյուղերը: Քամին հրմշտում էր ճյուղերը, և դրանք զրնգում էին ինչպես պողպատե ասպանդակներ: Ասես հեծյալ, անտեսանելի մի բանակ էր գնում Դոնի ձախ ափով. մթին անտառով, կապտավուն խավարի մեջ, ու զրնգացնում զենքերն ու ասպանդակները:

Տատարսկի համարյա այն բոլոր կազակները, որոնք եղել էին Հյուսիսային ճակատում, վերադարձան խուտոր. ինքնակամ թողնելով զորամասերը, որոնք դանդաղ ետ էին քաշվում դեպի Դոնը: Ամեն օր գալիս էր ուշացածներից որևէ մեկը: Մեկը գալիս էր, որպեսզի երկար ժամանակով հաներ շարային ձիու թամբը ու սպասեր կարմիրների գալուն՝ մարտական հանդերձանքը թաքցնելով ծղնոտի դեզի մեջ կամ մարադի կտուրի տակ, իսկ մյուսը բանալով ձյունապատ բակի դուռը, ձին տանում էր ախոռը ու, լրացնելով պաքսիմատի պաշարը, կնոջ հետ անցկացնելով գիշերը, առավոտյան ճանապարհ էր ընկնում, բլուրից մի անգամ էլ նայում Դոնի սպիտակ, մեռած ընդարձակության, հարազատ վայրերին, որոնք գուցե էլ չէր տեսնելու:

Ո՞վ կկանխի մահը: Ո՞վ կկուսի մարդու ճամփի վերջը... Չիերը դժվարությամբ էին հեռանում խուտորից: Կազակները ճմլված սրտերից դժվարությամբ էին պոկում կարեկցությունը իրենց մոտիկների նկատմամբ: Ու այդ ճանապարհին, որ թիփին ծածկել էր ձյունով, շատերը մտքով վերադառնում էին տուն: Քանի՜-քանի ծանր մտքեր էին լինում այդ ճանապարհին... Գուցեև արյան պես աղի արցունքը, գլորվելով թամբի թևից, ընկնում էր պաղ ասպանդակի վրա, պայտամեխերի կծոտած ճանապարհի վրա: Չէ՞ որ զարնանը այդտեղ չի բուսնելու անջատման դեղին, վայրի ծաղիկը:

Երբ Պետրոն վեշենսկուց արդեն տուն էր եկել, Մելեխովների տանը գիշերով ընտանեկան խորհրդակցություն սկսվեց:

— Հը, ի՞նչ կա,— հարցրեց Պանտելեյ Պրակոֆևիչը,

հենց որ Պետրոն շեմքից ներս մտավ,— կովեցիր-պրծա՞ր, առանց ուսադիրների՞ ես եկել: Դեհ, արի, արի. փաթաթվիր, աղբորդ, մորդ, ուրախացրու, հրե՛ն կնիկդ կարոտել է քեզ... Բարև, բարև, Պետյաշա... Գրիգորի, Գրիգորի Պանտելիչ, ի՞նչ ես արջամկան պես կուշ եկել վառարանի վրա իջիր:

Գրիգորին կախեց բորիկ ոտները պաշտպանական գույնի շավվարի պիրկ ձգված ներբանականթերով, ժպտաց, քորեց խիտ մազակալած սև կուրծքը. նայեց, թե ինչպես Պետրոն ծովելով, հանում է սուսերակալը, սառնամանիքից փայտացած մատներով արծակում բաշլուղի հանգուցը: Դարյան անխոս ու ժպտալից նայելով ամուսնու աչքերին, արծակում էր նրա կիսամուշտակի մերակները. վախվխելով անցնում նրա աջ կողմից, որտեղ նագանի պատյանի կողքին պլպլում էր գոտուն կապած գորշ-կապտավուն ձեռնասնակը:

Վեր կենալով ու թուշը մոտեցնելով եղբոր եղջամնակալած բեղերին, Դունյաշկան դուրս վազեց ձին տեղավորելու Իլլինիչնան գոգնոցով սրբեց պոռշները՝ պատրաստվելով համբուրելու «մեծ տղին»: Վառարանի մոտ ուտելիքի պատրաստութուն էր տեսնում Նատալյան, Երեսխաները բանել էին նրա շրջազգեստի փեշից ու կուշ եկել: Բուլորն էլ Պետրոյից խոսք էին սպասում, իսկ նա շեմքից խոպտաձայն «բարով տեսանք» ասելով, լուռ հանվում էր, կորեկածղնոտի ավելով երկար սրբում սապոգները ու, շտկելով կռացած մեջքը, հանկարծ ողորմելիորեն դողացրեց շրթունքները. մի տեսակ շփոթված հենվեց մահճակալի մեջքին, ու բուլորն էլ անսպասելի կերպով արցունքներ տեսան նրա ցրտահար, սևացած այտերի վրա:

— Հը՛, զինվոր տղա, ի՞նչ է պատահել,— կատակի տակ թաքցնելով անհանգստութունը և կոկորդի դողը. հարցրեց ծերունին:

— Կորա՛նք մենք, ապի:

Պետրոն երկար ծոմոնեց բերանը, շարժեց սպիտակավուն հոնքերը, ու թաքցնելով աչքերը՝ խնչեց ծխախոտի հոտ արձակող, կեղտոտ թաշկինակի մեջ:

Գրիգորին դեն գցեց իրեն քամավող կատվին, տնքալով վար թռավ վառարանից: Մայրը լացեց՝ համբուրելով Պետ-

րոյի ոչլուտած գլուխը, բայց իսկույն կտրվեց նրանից: — Զավախս, մեռնեմ անունիդ, մածուն լցնե՛մ, հա՛: Դե, գնա նստիր, շլին կսառի: Սոված ես, չէ՞:

Սեղանի մոտ, կերակրելով ծնկներին նստեցրած եղբորորդուն, Պետրոն աշխուժացավ. զսպելով հուզումը, պատմեց ֆրոնտից 28-րդ գնդի հեռանալու, հրամանատարական կազմի փախուստի, Ֆոմինի և Վեշենսկում եղած վերջին միտինգի մասին:

— Բա դու ի՞նչ ես մտածում,— սև շլուտ ձեռքը դստեր գլխին պահած՝ հարցրեց Գրիգորին:

— Մտածելու բան չկա: Էգուց ցերեկը կմնամ, իսկ իրիկունը կմեկնեմ: Մայրիկ, ինձ համար ճամփապաշար պատրաստեցեք, շուռ եկավ նա մոր կողմը:

— Ուրեմն պետք է նահանջե՞լ, հա՛:

Պանտելիչ Պրակոֆևիչը մատները խոթեց թութունի տոպրակի մեջ ու այդպես էլ մնաց պտղուցից թափվող թութունով,— պատասխան էր սպասում:

Պետրոն վեր կացավ, խաշակնքեց գորշ, սևացած սրբապատկերների կողմը, մռայլ ու վշտոտ նայեց մյուսներին:

— Գոհութուն քրիստոսի, կշտացա... Ասում ես նահանջե՞նք, Բա ո՞նց: Մնամ ի՞նչ անեմ: Որ կարմրամութները գլո՛խս թոցնեն: Կարելի է դուք մտածում եք մնալ, իսկ ես... չէ՛, ես կգնամ: Նրանք սպաներին չեն խնայում:

— Բա տունը ո՞նց կլինի: Ուրեմն թողնե՞նք:

Մերունու հարցի վրա Պետրոն միայն թոթվեց ուսերը: Բայց իսկույն մեջ մտավ Դարյան:

— Դուք կմեկնեք, իսկ մենք պիտի մնա՞նք, հա՛: Կա՛վ եք, էլի՛, ի՞նչ ասել կուզի: Զեր գո՛ւլը պիտի պահպանենք... Դրա պատճառով կարելի է կյանքիցդ է՛լ զրկվես: Թեկուզ դա վառվի ու կորչի, ես մնացողը չեմ:

Նույնիսկ Նատալյան էլ խառնվեց խոսակցության: Խլացնելով Դարյայի զրնգուն կլիզոցը, գոչեց.

— Թե որ ամբողջ խուտորը շարժվի, մենք էլ չենք մնա: Ոտով կգնանք:

— Հիմարներ, քածեր,— մոլեգին գոռաց Պանտելիչ Պրակոֆևիչը՝ արագ թարթելով աչքերը, ակամա որոնելով հենակը,— անզգամե՛նք, ձեր հոր հերն անիծվի, սակեցեք,

էլի՛, դարձվորներ: Տղամարդու գործին ինչի՞ հք խառնվում, հը՛... է՛հ, եկեք ամեն բան թողնենք ու գնանք ուր որ պատահէի, Բա անասուններն ի՞նչ անենք, ծոցնե՛րս դնենք, հը՛: Բա տո՛ւնը...

— Դուք, ա՛ կնանիք, խելքներդ թոցրել եք,— նեղացած աշտպանեց ծերունուն Իլլինիչնան:— Այդ գույքը դուք չեք վաստակել, ձեզ համար հեշտ է դա թողնել ու հեռանալ: Իսկ ես ու իմ ալևորը գիշեր ու ցերեկ մեջք ենք ծռել ու հիմի թողնենք ու գնանք, հա՛: Չէ՛ ու չէ:— Իլլինիչնան սեղմեց շորթունքները, հոգոց հանեց:— Գնում եք գնացեք, իսկ ես տեղիցս չեմ շարժվի: Ավելի լավ է թող ինձ սպանեն շեմքիս վրա, քանց սատկեմ ուրիշի պատի տակ:

Պանտելեյ Պրակոֆևիչը, ֆսսալով ու հոգոց հանելով, պտտեց-բարձրացրեց լամպի պատրույգը: Մի բոպե բոլորն էլ լոնցին: Դունյաշկան, որ գործում էր գուլպայի սրունքը, մլերից բարձրացրեց գլուխը, շնչալով ասաց.

— Անասուններին կտանենք մեզ հետ... Անասունների համար հո չպիտի՛ մնանք:

Ու էլի ծերունին բռնկվեց կատաղությամբ: Նա, ինչպես տեղում երկար կանգնած որձ ձի, թփթփացրեց ոտները, քիչ մնաց ընկներ՝ դիպչելով վառարանի մոտ պառկած ուլին: Կանգ առնելով Դունյաշկայի դիմաց, բղավեց.

— Կտանե՛նք, հա՛: Բա որ քավթառ կովը ծանրած է՞, ո՞նց կլինի: Դու նրան մինչև ո՞րտեղ կտանես, հը՛: Ի-ի-հ, շոռն ու ցավը մտնի պինդ, հա՛: Անտեր-անտուն, մունտոհ՛կ, անի՛ծ: Արուն-քրտինք եմ թափել, տուն ու տեղս լքցրել, և ահա թե ինչեր եմ լսում... Բա ոչխարնե՞րը: Գառններն ո՞ւր կտանես, հը՛... Օ-օֆ-օֆ, շան աղջիկ, Սսկեիր, էլի՛:

Գրիգորին շեղակի նայեց Պետրոյին, ու ինչպես վաղուց անցած ժամանակներում, շագանակագույն, հարազատ նրա աչքերում տեսավ շարաճճի, հեգնող ու միևնույն ժամանակ հեզ ու հարգալից ժպիտը, ցորնագույն բեղբրի ծանոթ դողը: Պետրոն կայծակնաթափ աչքով արավ, ամբողջովին ցրնցվեց քրքիջը պահելուց: Գրիգորին իր մեջ էլ զգաց ծիծաղի այդ հակումը, որ վերջին տարիներում հատուկ շէր նրան, ու շթաքցնելով այդ, խուլ ու որոտալից ծիծաղեց:

— Ըհը՛... Փառք ասածո... Խոսեցինք-պրծանք:— Մերու-

նին բարկությամբ հայացքը մեխեց. նրա վրա ու նստեց՝ շուռ գալով դեպի պատուհանը, որ գեղազարդված էր եղյամի սպիտակ նախշերով:

Միայն կեսգիշերին հանգեցին մի ընդհանուր որոշման. կազակները կհեռանան, իսկ կնանիքը կմնան տունն ու տընտեսությունը պահպանելու:

Լուսարացից շատ առաջ Իլլինիչնան վառեց վառարանը ու մինչև առավոտ հաց թխեց, երկու տոպրակ պաքսիմատ պատրաստեց: Մերունին լամպի լույսով նախաճաշելով, լուսաբացին գնաց անասունների աղբը հավաքելու, ճանապարհի համար սահնակը պատրաստելու: Նա երկար կանգնեց ամբարում, ձեռքը խոթելով գարնովկա ցորենով լեցուն արկղի մեջ, մատներին միջից մաղելով տոռուզ հատիկները: Դուրս ելավ կարծես ննջեցյալի մոտից,— փափախը հանած, կամացուկ ծածկելով դեղին դուռը...

Նա դեռ զբաղված էր շարդախի տակ,— փոխում էր սահնակի քթոցը. երբ նրբանցքում երևաց Անիկուշկան, որը իր կովը ջրելու էր տանում: Բարևեցին միմյանց:

— Պատրաստվե՞լ ես հեռանալու, Անիկեյ:

— Իմ պատրաստվելն ի՞նչ է,— ոնց որ տկլորը գոտի կապի: Իմը— իմ մեջն է, իսկ ուրիշինը ինձ հետ կլինի:

— Ի՞նչ նոր բան ես լսել:

— Նորություններ շատ կան, Պրակոֆիչ:

— Ի՞նչ կա որ,— անհանգստացավ Պանտելեյ Պրակոֆևիչը՝ կացինը խրելով սահնակի կողի մեջ:

— Կարմիրները շուտով կգան: Մոտենում են վեշկիին: Մեծ Գրոմոկից մի մարդ էր տեսել, պատմում էր, թե վատ բաներ են անում: Կոտորում են մարդկանց... Նրանց մոտ ջհուղներ ու չինացիներ են, հողս դրանց գլխին: Քիչ ենք մենք կոտորել դրանց, այդ շղթիկ սատանաներին:

— Կոտորո՞ւմ են:

— Բա հոտ են քաշո՞ւմ: Այստեղ էլ անիծված կռոնբոր...— Անիկուշկան մայր հայհոյեց ու գնաց ցանկապատի կողքից՝ քայլելիս վերջացնելով խոսքը.— Դոնի մյուս կողմի կնանիքը արադ են պատրաստել, խմացնում են նրանց, որ իրենց գլխին փորձանք չբերեն, իսկ նրանք կհարբեն, ուրիշ խուտոր կգրավեն ու դալմադալ կզցեն:

Աերունին տեղավորեց թիցը, անցավ բոլոր մարագները՝ դիտելով իր ձեռքով դրած բոլոր բարդերն ու ցանկերը: Հետո էլ վերցրեց եղանը, կաղալով գնաց կալը՝ ճանապարհի համար խոտ վերցնելու: Նա դեզից հանեց երկաթե կեռը, ու գեռու չգալով մեկնելու անհրաժեշտությունը, սկսեց հանել խոտի վատ տեսակը (լավը նա միշտ պահում էր գարնան վարի համար), բայց փոխեց միտքը ու ինքն իր վրա ջղայնանալով, մոտեցավ մի ուրիշ դեզի: Նրա գիտակցությունը կարծես թե չէր հասել այն, որ ահա մի քանի ժամից հետո թողնելու է տունը և խուտորը ու գնալու է ով գիտե ուր, դեպի հարավ ու գուցե նույնիսկ չվերադառնա: Նա դեզից խոտ հանեց ու նորից, առաջվա պես, ձեռքը տարավ փոցխին, որ փոցխի, բայց ձեռքը ետ քաշելով, — ասես կրակի էր դիպցրել, — սրբեց ականջավոր ու ծոծրակալով փափախի տակ քրտնած ճակատը, լսելի ձայնով ասաց.

— Հիմի էլ ինչո՞ւ պահեմ լավ խոտը: Մեկ է, պիտի գցեն ձիերի ոտների տակ, զուր տեղը փշացնեն կամ վառեն:

Փոցխը դեմ անելով ծնկին ու կոտրելով, նա կրճտացրեց ատամները, եղանով տարավ խոտը՝ ծերունաբար քստքստաքցնելով ոտները, ճկելով ու կոացնելով մեջքը:

Նա տուն շատավ, այլ դուռը մի քիչ բաց անելով, ասաց.

— Պատրաստվեցեք, հիմի լծելու եմ: Զլինի թե ուշանանք:

Արդեն շնքափոկերը գցեց ձիերի վրա, սահնակի հետին կողմում մի ջվալ վարսակ տեղավորեց, ու զարմանալով, որ որդիները այդքան երկար ժամանակ դուրս չեն գալիս ձիերը թամբելու, նորից գնաց տուն:

Տանը տարօրինակ բան էր կատարվում. Պետրոն զայրացած բաց էր անում մեկնելու համար պատրաստված կապոցները, հենց հատակի վրա շարտում շալվարները, համազգեստները, կանացի տոնական հագուստը:

— Սա՞ ինչ բան է, — միանգամայն զարմացած հարցրեց Պանտելի Պրակոֆևիչը և նույնիսկ հանեց ականջավոր փափախը:

— Ա՛յ թե ինչ. — Պետրոն ուսի վրայից մեծ մատով ցույց տվեց կանանց, շարունակեց. — լաց ու կոծ են անում: Մենք ոչ մի տեղ էլ չենք գնա: Թե գնալու ենք, բոլորս էլ գնանք:

Թե չէ, թող ոչ ոք չգնա: Կարելի է այստեղ կարմիրները անպատվեն սրանց, իսկ մենք գնանք մեզ փրկելու՞, հա՞: Իսկ թե սպանելու լինեն, սրանց աչքի առաջ կմեռնենք:

— Հանվիր, հայրիկ: — Գրիգորին ժպտալով հանեց իր շինելն ու թուրը, իսկ հսկից լացող Նատալյան վերցնում ու համբուրում էր նրա ձեռքը ու ցնծագին ծափ էր տալիս կապալի պես կարմիր Դունյաշկան:

Մերունին փափախը դրեց գլխին, բայց իսկույն նորից հանեց այն ու, մոտենալով առջևի անկյան, թափով, լայն խաշակնքեց: Նա երեք անգամ ծունր դրեց, շոքած տեղից վեր կացավ, նայեց բոլորին:

— է՛հ, որ այդպես է, մնացինք: Թող մեզ պահի ու պաշտպանի երկնային թագավորը: Գնամ արձակեմ ձիերը: Ներս վազեց Անիկուշկան: Մելիտոնների տանը նրան ապշեցրին ծիծաղկոտ, ուրախ դեմքերը:

— Ի՞նչ է պատահել:

— Մեր կազակները չեն գնա, — բոլորի փոխաբան պատասխանեց Դարյան:

— Ա՛յ քեզ բա-ա՛ն: Միտներդ փոխեցի՞ք:

— Փոխեցինք: — Գրիգորին դժվամորեն ժպտաց՝ ցուք տալով շաքարագույն-կապտավուն, պայտածև ատամնաշարքը, ու աչքով արավ: — Մահը մահ է, էլի՛, ինչո՞ւ նրա փնտրել, նա այստեղ էլ կբռնի:

— Սպաները չեն գնում, ուրեմն մեզ աստված ջլ է պատվիրում մնալ: — Ու Անիկուշկան, ասես ոտների փոխարեն սմբակներ ունենալով, դմբդմբալի իջավ մուտքի սանդուղքից ու վազ տվեց պատուհանների կողքից:

XIV

Վեշենսկում, ցանկապատ շրի վրա փակցված էին Ֆոմինի հրամանները: Ժամառվա՞ սպասում էին կարմիր զորքերի գալուն: Իսկ Կարգինսկում, Վեշենսկուց երեսունհինգ վերստ հեռավորությամբ գտնվում էր Հյուսիսային ճակատի շտաբը: Հունվարի լույս 4-ի գիշերը եկավ շեշենների մի ջոկատ, և Ուստ-Քելոկայի մեծ ստանիցայից շտապ կերպով,

երթական կարգով Ֆոմինի խոռվարար գնդի դեմ գնաց զուրկան ավագ Ռոման կազարկի պատժիչ ջոկատը:

Ամսի 5-ին շեշենները պետք է գնային Վեշենսկու վրա հարձակվելու: Նրանց հետախուզախումբն արդեն եղել էր Քելոգորկայում: Բայց հարձակումը վիժեց. Ֆոմինի կազակներից մի փախստակ հաղորդեց, որ Կարմիր բանակի խուշոր ուժերը գիշերում են Գորոխովկայում և 5-ին պետք է լինեն Վեշենսկում:

Կրասնովը, որ զբաղված էր Նովոչերկասկ ժամանած դաշնակիցներով, փորձում էր ազդել Ֆոմինի վրա: Նա Ֆոմինին կանչեց Նովոչերկասկ-Վեշենսկայա ուղիղ հեռագրալարի մոտ: Հեռագիրը, որ մինչ այդ համառորեն տկտկացնում էր՝ «Վեշենսկայա—Ֆոմինի»», կապից հետևյալ կարճ խոսակցությունը.

«Վեշենսկայա—Ֆոմինին: Ուրյադնիկ Ֆոմին, հրամայում եմ խելքի գալ և գնդի հետ գնալ դիրքերը վերջակետ: Ուղարկված է պատժիչ ջոկատ վերջակետ: Չհնազանդվելու դեպքում մահվան պատիժ վերջակետ: Կրասնով»:

Ֆոմինը կիսամուշտակի կոճակները արձակած, նավթի լամպի լույսով նայում էր, թե ինչպես հեռագրիչի մատներին տակից սողում, օձանում է կինամոնագույն գծիկներով բծավորված թղթի բարակ տաշեղը ու հեռագրիչի ծոծրակին ցուրտ և արաղի հոտ շնչելով՝ ասաց.

— Հը՛, ի՞նչ է դուրս տալի: Խելքի գա՛լ: Վերջացրե՛ց նա... Գրի՛ր նրան... Ի-ի-ի՞նչ: Ո՞նց թե չի կարելի: Հրամայում եմ, թե չէ հիմի փոր ու փսորդ կթափեմ:

Ու հեռագիրը տկտկաց.

«Նովոչերկասկ ատաման Կրասնովին վերջակետ... Ռաշեդի ես քո մերը վերջակետ: Ֆոմին»:

Հյուսիսային ճակատում դրությունը հղի էր այնպիսի բարդություններով, որ Կրասնովը որոշեց անձամբ մեկնել Կարգինսկայա, որպեսզի այնտեղից «պատժող ձեռքը» անմիջականորեն ուղղի Ֆոմինի դեմ, և որ գլխավորն է, բարձրացնի բարոյալքված կազակների տրամագրությունը: Հենց այս նպատակով էլ նա դաշնակիցներին հրավիրեց իր հետ շրջազայել սազմաճակատում:

Բուտուրլինովկա ավանում կազմակերպվեց Գունդարով-

լան գեորգևյան գնդի զորատես. գունդը կովից հենց նոր է, դուրս եկել: Զորատեսից հետո Կրասնովը կանգնեց գնդի գրոշակի մոտ: Դառնալով աջ կողմը, բարձրաձայն գոչեց.

— Ով իմ հրամանատարության տակ ծառայել է տասներորդ գնդում, մի քայլ առա՛ջ:

Գունդարովցիների համարյա կեսը դուրս եկավ շարքի առաջ: Կրասնովը հանեց փափախը, խաշածև համբուրեց մոտիկ կանգնած մի վախմիստրի, որը շահել չէր, բայց կտրիճի տեսք ուներ: Վախմիստրը շինելի թևքով սրբեց ծայրատած բեղերը, քարացավ, շփոթված շուրջ աչքերը: Կրասնովը համբուրվեց նույն գնդում ծառայած բոլոր կազակների հետ: Դաշնակիցներն ապշած էին, տարակուսանքով փսփսում էին իրար մեջ: Բայց զարմանքին փոխարինեցին ժպիտները և զուսպ հավանությունը, երբ Կրասնովը մոտեցավ նրանց ու բացատրեց.

— Սրանք այն հերոսներն են, որոնց հետ ես գերմանացիներին ջարդում էի նեղլիսկայի մերձակայքում, ավստրիացիներին՝ Բելժեցի ու Կոմարովի մոտ, և օժանդակում էի թշնամու դեմ մեր ընդհանուր հաղթանակին:

... Արևի կողքից, որպես ժամապահներ դրամարկդի մոտ, անշարժ կանգնել էին ծիածանային, սպիտակ պարուրված սյուները: Հյուսիս-արևելյան ցուրտ քամին փողհարի նման շեփորում էր անտառներում, սրարշավում տափաստանով մեկ, ծավալվում ուժգնաթափ, ծառս լինում ու խորտակում քոլերի ցցված քառանկյունակը՝: Հունվարի 6-ի երեկոյան (Զիրի վրա արդեն վարագույրի պես իջել էր մթնշաղը) Կրասնովը անգլիական թագավորական ծառայության սպաների՝ էդվարդսի և Օյլկոտտի ու ֆրանսիացիների՝ կապիտան Բարտելլոյի ու լեյտենանտ Էլլիսի ուղեկցությամբ ժամանեց Կարգինսկայա: Դաշնակիցները, որ մուշտակներ էին հագել և նապաստակի մորթու փոփախներ դրել, ծիծաղելով, կծկվելով ու ոտները թփթփացնելով, դուրս ելան ավտոմորիլներից, նրանցից սիգարների և օղեկոլոնի հոտ էր

Քառանկյունակ — այստեղ — հետևագործի շարումը քառանկյան ձևով (հեծկազորի գրոհի ետ մղելու համար), շուրջը երկայնած շարքերով:

գալիս: Հարուստ վաճառական և ետնադիր տանը տաքանալով, թեյ խմելով, սպաները Կրասնովի և Հյուսիսային ճակատի հրամանատար գեներալ-մայոր Իվանովի հետ գնացին դըպրոց, ուր պետք է ժողով լիներ:

Կրասնովը երկար խոսում էր ականջները սրած կազակների ամբոխի առաջ: Նրան ուշադրութեամբ, լավ էին լսում: Բայց երբ նա սկսեց իր ճառում գեղարվեստականորեն պատկերել «բոլշևիկների գազանութունները», որ կատարվում էին նրանց գրաված ստանիցաներում, հետին շարքերից, ծխախոտի կապտավուն ծխի միջից մեկը զայրացած բղավեց.

— Ճիշտ չէ, — ու վիժեցրեց տպավորությունը:

Առավոտյան Կրասնովը դաշնակիցների հետ շտապ մեկնեց Միլևերովո:

Նույնքան շտապ էվակուացվեց Հյուսիսային ճակատի շտաբը: Ստանիցայում մինչև երեկո թրևում էին շեշենները, որոնք այն կազակներին, որոնք չէին ցանկանում նահանջել: Գիշերը հրկիզվեց ռազմամթերքի պահեստը: Մինչև կեսգիշեր, ինչպես վառվող ցախի հսկայական մի շեղջ, ճարձատում էին հրացանների փամփուռները. փլվածքների պես որսում էին պայթուղ արկերը: Հետևյալ օրը, երբ հրապարակում նահանջելուց առաջ մաղթանք էր կատարվում, Կարգինսկու բլուրից ճարձատեց մի գնդացի: Գնդակները գարնանային կարկտի նման խփում էին եկեղեցու կտուրին, ու բոլորն էլ խառնիճաղանջ փախան տափաստան: Լազարեն իր ջոկատով և կազակական փոքրամթիվ զորամասերը փորձում էին պաշտպանել նահանջողներին. հետևազորը շղթա կազմեց ու պառկեց հողմաղացի ետևում, ՅՅ-րդ Կարգինյան մարտկոցը կարգինցի յասավուլ Ֆյոդոր Պոպովի հրամանատարութեամբ շտապ կրակով հրակոծեց հարձակվող կարմիրներին, բայց շուտով նահանջի դիմեց: Իսկ հետևազորին կարմիր հեծելազորը շրջանցեց կատիչև խուտորից ու ձորակներում շրջապատելով, սրախողխող արեց կարգին-

ցի քսան հոգի ծեր մարդկանց, որոնց ինչ-որ մեկը ծաղրականորեն «հայդամակներ»¹ հորջորջեց:

XV

Չնահանջելու որոշումը Պանտելեյ Պրակոֆևիչի աչքում նորից վերադարձրեց իրերի ուժն ու նշանակությունը:

Սրեկոյան նա դուրս եկավ անասուններին կեր տալու և էլ շտատանվելով, խոտ հանեց ամենավատ դեզից: Մութ գոմում երկար պտտվում էր կովի շուրջը, գոհունակութեամբ մտածում. «Մանրած է, շատ հաստ է: Հո աստված ջուխտակ հորթեր չի՞ տալու»: Նրա համար ամեն ինչ էլի դարձավ հարազատ, մոտիկ. այն ամենը, ինչից նա մտքում արդեն հրաժարվել էր, ստացավ առաջվա կարևորությունը և կշիռը: Նա ժամանակ էր գտել իրիկնաղեմին Դունյաշկային էլ նախատելու այն պատճառով, որ վերջինը մղև էր թափել ուխտարանոցի մոտ ու տաշտի միջից շեր քերել սառույցը, նա ծածկել էր նաև ցանկապատի մեջ Ստեպան Աստախովի խոզի բացած անցքը: Ակսինյային, որը դուրս եկավ պատուհանների փեղկերը ծածկելու, նա հարցրեց, թե Ստեպանը արդյոք մտադիր չէ՞ մեկնելու: Ակսինյան ծածկվեց շալով, քաղցրաձայն ասաց.

— Չէ՛, չէ, ո՞նց կարող է գնալ: Հիմի պառկել է վառարանի վրա, ոնց որ թե դողացնում է... Ճակատը տաք է, ներսից էլ գանգատվում է: Հիվանդացել է Ստյոպան: Չի գնա...

— Մերոնք էլ: Այսինքս մենք էլ չենք գնա: Դե, ո՞վ գիտի, թե որ գնանք լավ կլինի՞ որ...

Մթնշաղվում էր: Դոնի մյուս կողմում, անտառի գորշ գանգվածից դենը, կանաչավուն անհունում վառ շողում էր Բևեռային աստղը: Արևելքում երկնքի ծայրամասը ծիրանի

¹ Հայդամակներ — XVIII դարում ուկրաինական ապստամբներ, որոնք պայքարում էին լեհական կալվածատերերի դեմ: Բաղաբացիական պատերազմի ժամանակ իրենց հայդամակներ էին անվանում Պետլյուրայի զորքերի մի մասը. որոնք կոչվում էին Կարմիր բանակի գեմ:

էր հագնում: Ելնում էր կարմրացուքը: Սև կաղամախու լայնատարած եղջյուրների վերևից բարձրանում էր կիսալուսինը: Չյան վրա խտանում էին մթին ստվերները: Մթնում էին ձյան կուտակները: Այնպիսի անդորրություն էր, որ Պանտելիյ Պրակոֆևիչը լսում էր, թե ինչպես Դոնի վրա, սառցածակի մոտ ինչ-որ մեկը, երևի Անիկուշկան, լինգով սառույց էր ջարդում: Սառցաբեկորները թռչում ու ջարդվում, զրնգում էին ապակու պես, գոմում եզները համաշափ ծամում էին խոտը:

Խոհանոցում լույս վառեցին, լուսավորված պատուհանի ներսից սահեց նատալյան, Պանտելիյ Պրակոֆևիչը ներս մտավ տաքանալու: Նա բոլոր տեսիլներին գտավ իրան գլխի հավաքված: Դուռնաշկան հենց նոր էր եկել հրիստոնյայի կնոջ մոտից: Դատարկում էր թթվի թասը, ու վախենալով, որ իրեն կընդհատեն, հապճեպորեն նորություններ էր պատմում:

Օթախում Գրիգորին յուղեց հրացանը, նագանը, թուրը, հեռադիտակը փաթաթեց երեսսրբիչով, կանչեց Պետրոյին:

— Դու քո զենքերը կարգի բերե՞լ ես: Բեր: Պետք է թաքցնել:

— Իսկ եթե հարկավոր լինի պաշտպանվե՞լ:

— Բա՛ն ես ասում, էլի,— քմծիծաղ տվեց Գրիգորին,— տե՛ս, կգտնեն, շալվարիդ ձագից կախ կտան դարպասի վրա: Նրանք դուրս ելան բակը: Հայտնի չէ ինչու ամեն մեկն առանձին թաքցրեց իր զենքերը: Բայց Գրիգորին իր բոլորովին նոր, սև նագանը օթախում դրեց բարձի տակ:

Հենց նոր էին ընթրել և ալարկոտ խոսակցություններով պատրաստվում էին քնելու, երբ բակում խուպոտ հաչեց կապած շունը՝ նետվելով դեռ ու դեն, խոխոացնելով իրեն խեղդող վզնոցից: Ծերունին դուրս ելավ նայելու, վերադարձավ մի մարդու հետ, որը մինչև հոնքերը փաթաթված էր բաշլուղով: Մարտական լրիվ հանդերձանքով, սպիտակ գոտին պիրկ կապած այդ մարդը ներս մտնելով՝ խաշակնքեց. շուրջը եղյամնակալած, «օ» սպիտակ տառին նմանվող նրա բերանից գոլորշի էր դուրս գալիս:

Երևի չե՞ք ճանաչում ինձ:

— Օ-հո՛, ախր սա խնամի Մակարն է,— գոչեց Դարյան:

Եվ միայն այստեղ Պետրոն ու մնացած բոլորը ճանաչեցին իրենց հեռավոր ազգականին, Մակար Նոգայցեին, Սինյագին խուտորի կազակին, ամբողջ օկրուգում հայտնի հազվագյուտ երգասացին ու հարբեցողին:

— Այդ ո՞ր փորձանքը քեզ բերեց,— ժպտաց Պետրոն, բայց տեղից վեր չկացավ:

Բեղերից պոկելով սառցի լուլաները, Նոգայցեը դրանք գցում էր շեմքին, թփթփացնում էր ոտները՝ տակից կաշի կարած, ահագին թաղյակներով, ու առանց շտապելու հանվում էր:

— Մենակ մեկնելը երևի ձանձրալի կլինի, մտածեցի՛ արի գնամ խնամիներխս մոտ, նրանց հետ մեկնեմ: Լսել էի, որ դուք երկուսդ էլ տանն եք: Կնկանս ասացի՛՝ գնամ Մելիխովների ետևից, որ միասին ճամփա ընկնենք, ավելի ուրախ կլինի:

Նա հրացանը տարավ ու դրեց վառարանի մոտ, մեծ ունելիքների կողքին՝ ժպիտներ ու ծիծաղ առաջացնելով կանանց դեմքերին: Փամփշտանոցը խոթեց վառարանի տակ, իսկ թուրն ու մտրակը պատկառանքով դրեց մահճակալի վրա: Այս անգամ ևս Մակարից արագի թունդ հոտ էր գալիս, մեծ, ուռուցիկ աչքերը մշուշվել էին հարբածությունից, մորուքի թաց փնջի մեջ սպիտակին էր տալիս Դոնի խեցիների պես կապտավուն, համաշափ ատամնաշարը:

— Բա Սինյագինից կազակներ չե՞ն գնում,— հարցրեց Գրիգորին՝ մեկնելով ծխախոտի ուլունքազարդ տոպրակը:

Հյուրը ձեռքով ետ տվեց պարկը:

— Թուլութունով չեմ զբաղվում... Հա՛, կազակները. ոմանք մեկնել են, ոմանք էլ մկան բույն են փնտրում թաքնվելու համար: Դուք հո գնալո՞ւ եք:

— Մեր կազակները չեն գնա: Դու նրանց չհամոզես,— վախեցավ Իլլիինիչան:

— Մի՞թե մնում եք: Ուղղակի չեմ հավատում: Խնամի Գրիգորի, ճի՛շտ է: Գլխներիցդ հո ձեռք չե՞ք վերցրել, աղբեր-տղերք:

— Ինչ ուզում է լինի...— Հոգոց հանեց Պետրոն ու հանկարծակի թունդ կարմրելով՝ հարցրեց.— Գրիգորի, դու ի՞նչ ես ասում, չե՞ս փոշմանել: Գուցե գնա՞նք:

— Զէ, աղբեր:

Մխախտտի ծուխը մշուշապատեց Գրիգորիին ու երկար ծածանվում էր խուճուճ, կարագույն քյաքուլի վերևում:

— Հայրիկը տեղավորում է քո ձին,— անտեգի հարցրեց Պետրոն:

Երկար լուռություն տիրեց: Միայն ճախարակն էր Դունյաշ-կայի ոտի տակ իշամեղվի պես բզզում, նինջ բերում:

Նոգայցեք նստեց մինչև լուսաբաց՝ շարունակ համոզելով եղբայրներին, որ գնան Դոնեցի մյուս կողմը: Գիշերվա ընթացքում Պետրոն երկու անգամ առանց գլխարկի դուրս վազեց ձին թամբելու և երկու անգամն էլ հանեց թամբը՝ Գարյայի սպառնալից հայացքներով խոցված:

Լույսը բացվեց, և հյուրը պատրաստվեց գնալու: Արդեն հագնված, դռան ունկը բռնած, նա նշանակալից հազաց, թաքուն սպառնալիքով ասավ.

— Կարելի է վերջը լավ լինի, միայն թե դուք հետո կփոշմանեք: Թե որ մեզ հաջողվի այնտեղից վերադառնալ, մենք կհիշենք, թե ովքեր էին կարմիրների առաջ դուռ բաց անում դեպի Դոնը, մնում էին նրանց ծառայելու...

Առավոտից առատ ձյուն տեղաց: Դուրս գալով բակը, Գրիգորին տեսավ, թե ինչպես սևին սովող մարդկանց մի խումբ Դոնի մյուս կողմից նետվեց դեպի գետանցը: Ութ ձի ինչ-որ բան էին քարշ տալիս: Մարդիկ խոսում էին, հապճեպում, մայր հայհոյում: Բուքի միջից, ինչպես մշուշում, երևում էին մարդկանց ու ձիերի սպիտակագորշ ուրվագծերը: Գրիգորին չորսական ձի լծված լինելուց կռահեց՝ «Մարտկոց է... Մի՞թե կարմիրներն են»: Այս մտքից նրա սիրտը ձմլվեց, բայց նա, կշռադատելով դեպքը, ինքն իրեն հանգստացրեց:

Նառնիճաղանջ ամբոխը մոտենում էր խուտորին՝ շքրջանցելով սև, իրեն նայող սառցածակի երախը: Բայց գետափի մոտ, որտեղ սառույցը ողողված էր, առջևի հրանոթի մի անիվը թաղվեց գետի մեջ: Քամին բերեց ձիավարների աղաղակը, փշրվող սառույցի շրխկոցը և ձիերի սմբակների հապճեպ, սլող դոփյունը: Գրիգորին գնաց անասունների բակը, զգուշությամբ դուրս նայեց: Զիավորների շինելները

վրա տեսավ ձյունով ծածկված ուսադիրներ, կերպարանքներ-գից ճանաչեց, որ նրանք կազակներ էին:

Հինգ բուպից հետո բարձրամարմին, լայնագավակ ձիով դարպասից ներս մտավ տարիքավոր մի վախժիստը: Սա մուտքի սանդուղքի մոտ իջավ ձիուց, երկար սանձը կապեց բազրիքին, մտավ տուն:

— Այստեղ ո՞վ է տանտերը,— բարևելով հարցրեց նա:

— Ես եմ,— պատասխանեց Պանտելեյ Պրակոֆևիչը, վախեցած սպասելով հետևյալ հարցին՝ «Իսկ ինչո՞ւ ձեր կազակները տանն են»:

Բայց վախժիստը բռունցքով կոկեց ձյունից սպիտակած, ոլորուն և ակսելբանտների պես երկար բեղերը, խընդրեց հետևյալը.

— Կազակներ, ի սեր Քրիստոսի օգնեցեք թնդանոթը փրկելու: Ափի մոտ խրվել է մինչև սունին... Գուցե պարաննե՞ր ունեք: Մա ո՞ր խուտորն է: Մենք մոլորվել ենք: Պետք է գնանք Ելանսկայա ստանիցան, բայց այնքան ձյուն է եկել, որ ոչինչ չես տեսնում: Մալշրուտը կորցրել ենք, իսկ կարմիրները հրե՛ս կձգմեն պոչներս:

— Զգիտեմ, աստված վկա...— շշլվեց ծերունին:

— Այստեղ գիտենալս ո՞րն է, ա՛յ, ինչպիսի կազակներ կան ձեզ մոտ... Մեզ մարդիկ էլ են հարկավոր, պետք է օգնել:

— Ես հիվանդ եմ,— ստեց Պանտելեյ Պրակոֆևիչը:

— Բա ո՞նց կլինի, եղբայրներ,— վախժիստը գայլի պես առանց վիզը պտտելու նայեց բոլորին: Նրա ձայնը կարծես ջահելի ձայն դարձավ, շտկվեց:— Բա դուք կազակներ չե՞ք: Ուրեմն կազակական գույքը կորչի՞, հա՛: Մարտկոցի հրամանատարի տեղ ես եմ մնացել, սպաները փախել են, մի շաբաթ է, որ ձիուց չեմ իջնում, ցրտատար եմ եղել, ոտիս մատները թափել են, բայց ես կյանքս կտամ, իսկ մարտկոցը չեմ թողնի: Իսկ դուք... Այստեղ «չէ» չի կարող լինել: Կամովին չեք ուզում, ես հիմի կկանչեմ կազակներին, և մենք ձեզ...— վախժիստը արտասովորով ու զայրանալով բղավեց.— կստիպենք գնալ, շա՛ն որդիք, բոլշևիկներ, ձեր հերն անիծվի: Մենք հենց քեզ էլ կլծենք, ա՛յ

պապի, գիտե՞ս թե չէ: Գնա մարդիկ կանչի, իսկ եթե չգան,
աստված վկա, կվիրադառնամ այս կողմը և ձեր խուտորը
հող ու մոխիր կղարձնեմ...

Նա խոսում էր որպես մի մարդ, որն այնքան էլ վստահ
չէ իր ուժի վրա: Գրիգորին խղճաց նրան: Վերցրեց փափա-
խը, ու առանց նայելու ցասկոտող վախճիստրին, խիստ
առնով ասաց.

— Դու մի՛ շարանա, հա՛-ա: Այստեղ գոռալու տեղը չէ:
Բնդանոթը փրկելուն կօգնենք, իսկ հետո աստված քեզ հետ,
կգնաս:

Ուրից գործած ցանկեր դնելով, մարտկոցն անցկացրին
գետից: Քիչ մարդ չէր հավաքվել: Անիկուշկան, Խրիստո-
ֆյան, Իվան Տամիլինը, Մելիխովները և մի տասը հոգի
կանայք մարտկոցավորների օգնութեամբ ափ հանեցին հրա-
նոթները և լցարկղերը, օգնեցին ձիերին՝ հրանոթները
բարձրացնելու: Սառցակալած անիվները չէին պտտվում,
քարը էին գալիս ձյան վրա: Հյուսիս ձիերը դժվարութեամբ
էլն հաղթահարում նույնիսկ ամենաչնչին վերելքը: Հրետա-
նավորները, որոնց կեսը փախել էր, ոտով էին գնում: Վախ-
մաստը հանեց փափախը, գլուխ տվեց, օգնողներին շնոր-
հակալութուն հայտնեց ու ձիու վրա շուռ գալով, ցածրա-
ձայն հրամայեց.

— Մարտկո՛ց, իմ ետեկի՛ց:

Գրիգորին նրան նայում էր հարգանքով, անվստահ
հիացմունքով: Պետրոն մոտեցավ, ծամծամեց բեղը, ու կար-
ծես պատասխանելով Գրիգորիի մտքին, ասաց.

— Թե որ բռնորն էլ այդպես լինեի՞ն: Ա՛յ թե ոնց պիտի
պաշտպանել Խաղաղ Դոնը:

— Դու այն բեղավորի, վախճիստրի մասի՞ն ես խո-
սում,— մոտենալով հարցրեց մինչև ականջները կեղտոտ-
ված Խրիստոնյան.— տես, է՛, իր թնդանոթները, ուրեմս,
տեղ կհասցնի: Նա, այն անիծվածը, մտրակը ո՞նց թափ
տվեց վրաս: Ու կիսիեր, ուրեմս, գլխից անցած մարդ էր,
էլի՛: Սա չէի ուզում գնալ, ամա հետո էլ, դրուստն ասեմ,
վախեցա: Վալենկաներ էլ չկային, ամա գնացի: Ասա՛ խընդ-
րեմ, նրա, հիմարի ինչի՞ն են պետք այդ թնդանոթները: Ոնց

որ կովարար մի խոզ՝ ոտները կալանդների մեջ. համ դըժ-
վարանում է, համ լավ բան չի սպասում, ամա դրանք բարձ
է տալի...

Կազակները, լուռ ժպտալով, ցրվեցին:

XVI

Հեռո՛ւ-հեռվում, Դոնի մյուս կողմում,— ժամանակն ար-
դեն ճաշից անց էր,— մի գնդացիը կրակեց երկու հերթով
ու լռեց:

Կես ժամից հետո Գրիգորին, որ չէր հեռանում օթախի
պատուհանից, ետ-ետ գնաց՝ մինչև այտոսկրները պատելով
մոխրագույն կապտութեամբ:

— Ահա նրանք:

Իլլինիչնան հառաչեց, նետվեց դեպի պատուհանը: Փռ-
ղոցով ցրիվ սլանում էր ութ ձիավոր: Նրանք վարգելով հա-
սան Մելիխովների բակը, ու մի փոքր կանգ առնելով, դի-
տեցին Դոնի գետանցը, Դոնի ու լեռան միջև ձգված հետքի
սև արահետը, ու ետ դարձան: Նրանց պարարտ ձիերը թա-
փահարելով կարճ կտրած պոչերը, ոտներով ձյան փաթիլ-
ներ էին շարտում: Խուտորը հետախուզող ձիավոր հետա-
խուզախումբը չբացավ: Մեկ ժամից հետո Տատարսկին լըց-
վեց քայլերի ճոճոցով, օտար, «ա»-ի փոխարեն «օ»-ով
հնչող խոսվածքով, շների հաչոցով: Հետևազորի մի գունդ
սահանակներին դրած գնդացիներով, գումակով ու խոհա-
նոցներով անցավ Դոնը ու լցվեց խուտորը:

Որքան էլ սարսափելի էր թշնամական զորքի ժամանե-
լու այդ առաջին պահը, այնուամենայնիվ ծիծաղկոտ Դու-
նյաշկան այստեղ էլ չհամբերեց. երբ հետախուզախումբը ետ
դարձավ, նա փռթկաց գոգնոցի մեջ, վազեց խոհանոց: Նա-
տալյան նրան դիմավորեց վախեցած հայացքով:

— Ի՞նչ է պատահել:

— Ա՛խ, նատաշենկա, ջանիկս... Ո՛նց են նրանք ձի
նստում. թամբի վրա ընկնում են ետ ու առաջ, ետ ու
առաջ... Արմունկներն էլ ճոճվում են հա՛ ճոճվում: Իրենք էլ
ոնց որ թե կտորտանքից կարված լինեն, նրանց վրա ամեն
բան դողում է:

Դունյաշկան այնպես վարպետորեն արեց ձիերի վրա ճոճվող կարմիրբանակայինների տնազը, որ Նատալյան, ծիծաղից թուլանալով, վազեց դեպի մահճակալը, ընկավ բարձերի մեջ, որպեսզի չգրավի կեսրարի զայրացկոտ ուշադրությունը:

Պանտելեյ Պրակոֆևիչը թեթև, սարսուռի դողալով նըստարանի վրա, կողքի սենյակում աննպատակ տնտղում էր ձյութալաբբը, բզբրը, կեչու սեպիկներով լեցուն տուփը, ու կկոցված, երկյուղալի հայացքով ստեպ-ստեպ նայում պատուհանին:

Իսկ խոհանոցում կնանիքը քահ-քահ ծիծաղում էին, ասես լավ բան էին սպասում. կարմրատակած Դունյաշկան արցունքներից թրջված աչքերով,— որոնք փայլում էին ինչպես ցողապատ մորմի հատիկները,— Դարյային ցույց էր տալիս կարմիրբանակայինների նստվածքը թամբերի վրա և շափածո շարժումների մեջ անգիտակցական ցինիզմով անպարկեշտ ակնարկ էր մտցնում: Ներվային ծիծաղից կոտրատվում էին Դարյայի ներկած հոնքերի պայտաձև աղեղները. նա քրքրում էր, խռպոտ ու խեղդվող ձայնով ասում.

— Երևի շալվարները կմաշեն մինչև ծակծկվելը... Ամա՛ ձիավորներ են, հա՛-ա... կծոմոեն թամբերի դաշերը...

Նրանց ծիծաղը մի րոպե զվարճացրեց նույնիսկ Պետրոյին, որը մեռելի տեսքով դուրս եկավ օթախից:

— Միծաղելի է տեսնել նրանց ձի նստելը, հա՛,— հարցրեց նա:— Նրանց շատ պետքն է: Կշարդեն ձիու մեջքը,— ուրիշ ձի կվերցնեն: Մուծիկներ:— Ու անսահման արհամարհանքով թափահարեց ձեռքը:— Նա հենց ձին էլ գուցե առաջին անգամն է տեսնում. «Իչ-բիչ կերթանք, մեկ էլ տեսար—հասանք»: Նրանց հայրերը անիվի ճոճոցից էին վախենում, իսկ իրենք շիրիղ են խաղում... է-է,— Պետրոն ճքացրեց մատները, օթախի դռնից ներս խցկվեց:

Կարմիրբանակայինները բազմությամբ գալիս էին փոշոցով, խմբերի էին բաժանվում, մտնում բակերը: Երեքը ներս մտան Անիկուշկայի գարպասից, հինգ հոգի, որոնցից մեկը ձիավոր էր, մնացին Աստախովի տան մոտ, իսկ մնացած հինգը ցանկապատի կողքից եկան Մելիխովների մոտ: Առջևից քայլում էր ցածրահասակ, տարեց, սափրված մի

կարմիրբանակային, տափակ, լայնաոունգ քթով, ճարպիկ շաթումներով, վայելչակազմ, իսկույն երևում էր, որ հին ճակատային է: Նա առաջինը մտավ Մելիխովների բակը, ու, կանգ առնելով մուտքի սանդուղքի մոտ, գլուխը թեքելով, մի րոպե նայում էր, թե ինչպես է կապը զոնգացնում դեղին, որձ շունը, խեղդվում, շնչասպառ լինում հաշոցից. հետո ուսից հանեց հրացանը: Կրակոցը կտուրից եղյամի սպիտակ փոշի թափեց: Գրիգորին շտկելով իրեն նեղող շապկի օձիքը, պատուհանից տեսավ, թե ինչպես ձյան մեջ, արյունոտելով աչք, գալարվում է շունը, հոգեվարքի տանջանքում կատաղի կրծում գնդակով խոցված կողը, ու երկաթե շղթան: Ետ նայելով, Գրիգորին տեսավ կանանց գունաթափ դեմքերը, մարմարած աչքերը: Նա առանց փափախի քայլեց դեպի հաշտը:

— Թո՛ղ,— ետևից օտարոտի ձայնով գոչեց հայրը:

Գրիգորին բացեց դուռը: Դատարկ պարկուճը զրնգալով ընկավ շեմքին: Բակի դռնից ներս էին մտնում ետ մնացած կարմիրբանակայինները:

— Ինչի՞ համար սպանեցիք շանը, խանգարե՞ց,— հարցրեց Գրիգորին՝ կանգնելով շեմքի վրա:

Կարմիրբանակայինի լայն քթածակերը օդ կլանեցին, բարակ, կապուտակելու շափ մաքուր սափրված շրթունքների անկյունները ներքև սողացին: Նա նայեց շուրջը՝ հրացանը գցելով թևին:

— Քե՛զ ինչ, ափսոսո՞ւմ ես, հը՞: Իսկ ես չեմ ափսոսի, եթե մի փամփուշտ էլ քեզ վրա ծախսեմ: Ուզո՞ւմ ես: Կանգնի՛ր:

— Դե՛հ, թող, Ալեքսանդր,— մոտենալով ու ծիծաղելով, ասաց բարձրահասակ, շեկ հոնքերով մի կարմիրբանակային:— Բարև ձեզ, տանտեր: Կարմիրներին տեսե՞լ եք: Ընդունեցիք ձեր տանը: Սա՞ սպանեց ձեր շանը. իզո՞ւր... Ընկե՞նե՛ր, ներս անցեք:

Վերջինը ներս մտավ Գրիգորին: Կարմիրբանակայինները ուրախ բարեկցին, հանեցին փամփշտանոցները, ճապոնական կաշվե փամփշտակալները, մահճակալի վրա կիտեցին շինելները, բաւրակած, տաք կուրտկաները, փափախները: Ու ամբողջ տունը միանգամից լցվեց զինվորայնության սպիր-

տային թունարույր հոտով, մարգկային քրտինքի, ծխախոտի, էծան օճառի, հրացանի քուրքի միախառնված հոտով, — հեռավոր ճանապարհների հոտով:

Նա, որի անունը Ալեքսանդր էր, նստեց սեղանի մոտ, վառեց ծխախոտը, ու որպես թե շարունակելով Գրիգորիի հետ սկսված խոսակցությունը, հարցրեց.

— Դու սպիտակների մեջ եղե՞լ ես:

— Այո...

— Հը՛մ... Ես միանգամից բվեճին ճանաչում եմ թո՛ղքից, իսկ քեզ քթիցդ ճանաչեցի: Սպիտակ ես: Սպա ես, հը՞: Ոսկե ուսադիրնե՞ր:

Նա քթածակերից քուլա-քուլա ծոխ էր արձակում, դրանդու մոտ կանգնած Գրիգորիին խոցում սառն, անժպիտ աչքերով ու ծխախոտից դեղնած, ուռուցիկ եղունգով ներքևից տփտփացնում ծխախոտը:

— Սպա ես, չէ՞: Խոստովանիր: Ես այդ բանը կեցվածքիցդ եմ տեսնում. երևի գերմանական կովումն ես եղել:

— Սպա եղել եմ:

Գրիգորին բռնազբոսիկ ժպտաց ու կողքից իր վրա բռնակելով նատալյայի վախեցած, աղերսող հայացքը, մառլվից: ցնցեց հոնքը: Նա սրտնեղեց իր ժպիտից:

— Ափսոս: Դուրս է գալիս, որ պետք էր կրակել ոչ թե շան, այլ...

Կարմիրբանակայինը ծխախոտի մնացորդը շարտեց Գրիգորիի ոտների տակ, աչքով արավ մյուսներին:

Ու Գրիգորին նորից զգաց, թե ինչպես, իր կամքին հակառակ, մեղավոր ու աղերսական ժպիտը ծմբոտում է իր շուրթերը, և նա ամոթից կարմրեց իր ակամա, բանականությանը չհնթարկվող թուլության արտահայտման համար: «Ոնց որ վատ բան արած շունը տիրոջ առաջ», — ամոթով վառեց նրան այս միտքը, ու մի ակնթարթ նրա աչքերի առաջ պատկերացավ հետևյալը. նույնպիսի ժպիտով էր շուրթում սև, ատլաս շրթունքները սպանված սպիտակակուրծք շունը, երբ ինքը, Գրիգորին, տերը, որ ազատ էր նրա կյանքն ու մահը տնօրինելու մեջ, մոտենում էր նրան, և շունը ընկնելով մեջքի վրա, բաց էր անում մատաղ կտրիչները, թափահարում բրդոտ, շիկակարմիր պոչը...

Պանտելեյ Պրակոֆևիչը Գրիգորիին անծանոթ էլի նույն ձայնով հարցրեց՝ կարելի է հյուրերը ուզում են ընթրե՞լ այդ դեպքում ինքը կհրամայի տանտիրուհուն...

Իլլինիչնան առանց համաձայնության սպասելու նետվեց դեպի վառարանը: Մեծ ունելիքը դողում էր նրա ձեռքերում, և նա ոչ մի կերպ չէր կարողանում բարձրացնել շշիով լեցուն շուգունը: Աչքերը խոնարհելով, Դարյան սեղան գցեց, Կարմիրբանակայինները սեղան նստեցին առանց խաչակրներու: Մերուսին վախով և թաքցրած զզվանքով հետամուտ էր լինում նրանց: Վերջապես, չդիմացավ, հարցրեց.

— Աստծուն, ուրեմն, չե՞ք աղոթում:

Միայն այստեղ ժպիտի պես մի բան սահեց Ալեքսանդրի շրթունքներով: Մնացածների միահամուռ քրքիջի տակ նա պատասխանեց.

— Քեզ էլ, հայրիկ, խորհուրդ չէի տա աղոթել: Մենք մեր աստվածներին վաղուց ենք գրողի ծոցը... — կանգ առավ, խոժոռեց հոնքերը. — աստված չկա, իսկ հիմարները հավատում են, աղոթում հրե՛ն այն փայտի կտորներին:

— Այդպես, այդպես... Ուսումնական մարդիկ, նրանք իհարկե իմացել են այդ բանը, — վախեցած համաձայնեց Պանտելեյ Պրակոֆևիչը:

Դարյան ամեն մեկի առաջ մի գդալ դրեց, բայց Ալեքսանդրը դեն հրելով իր գդալը, ասաց.

— Գուցե ո՛չ փայտե գդալ կա: Այդ էր պակաս, որ վարակվենք: Մի՞թե սա գդալ է: Դեն գցելու բան է:

Դարյան վառողի պես փշշաց.

— Թե որ ուրիշի գդալներից զզվում եք, պետք է ձեր գդալն ունենաք:

— Դեհ, ձեռք կտրի, սիրունիկ: Գդալ չկա՞: Մաքուր սըրբիլ տուր, սա սրբեմ:

Իլլինիչնան մեծ, խորունկ ամանով շշի դրեց, Ալեքսանդրը դիմեց նրան.

— Սկզբից դու կեր, մայրիկ:

— Ես ինչի՞ ուտեմ: Հո աղի չէ՞, — վախեցավ պառավը:

— Դու կեր, կեր: Գուցե մի որևէ փոշի ես խառնել կեարակրին...

— Փորձիր, է՛, — խստորեն հրամայեց Պանտելեյ Պրա-

կոֆևիչը ու սեղմեց շրթունքները: Գրանից հետո նա կողքի սենյակից բերեց կոշիկարական գործիքները, իր համար որպես աթոռ ծառայող լաստենու կոճղակտորը մոտեցրեց պատուհանին, սրվակի մեջ շրեշ պատրաստեց ու նստեց՝ մի հին սապոգ գոգը դրած: Էլ չմասնակցեց խոսակցութեան:

Պետրոն օթախից դուրս չէր գալիս: Այնտեղ երեխաների հետ նստած էր և նատալյան: Դուռնայական վառարանին սեղմվելով՝ գուլպա էր գործում, բայց երբ կարմիրբանակալիներից մեկը նրան «օրիորդ» անվանեց ու հրավիրեց ընթրելու, նա դուրս եկավ: Խոսակցությունը դադարեց: Ընթրելուց հետո կարմիրբանակալիները ծխեցին:

— Ձեզ մոտ կարելի՞ է ծխել, — հարցրեց շեկ հոնքերովը:

— Մեր ծխողներն էլ հերիք են, — գծկամ ասաց Իլյինիչնան:

Գրիգորին հրաժարվեց իրեն առաջարկած ծխախոտից: Նրա ամբողջ ներքինը դողում էր, սիրտը արյունով լցվում ու ճմլվում, երբ նայում էր այն կարմիրբանակալիներին, որը գնդակահարել էր շանը և նրա նկատմամբ իրեն զայրացուցիչ ու լկտի կերպով էր պահում: Նա, ըստ երևույթին, ընդհարվել էր ուզում և շարունակ առիթ էր փնտրում Գրիգորիին խայթելու, նրան խոսակցության դրդելու:

— Ո՞ր գնդում էիք ծառայում, ձերդ բարեծննդություն:

— Ձանազան գնդերում:

— Մերոնցից քանիսի՞ն եք սպանել:

— Կովի մեջ դա չեն հաշվում: Դու, ընկեր, չկարծես, թե ես սպա եմ ծվել: Ես գերմանական պատերազմից եմ սպա եկել: Մարտական ծառայություններիս համար եմ տվել այս նշանները...

— Ես սպաներին ընկեր չեմ: Ձեր նմաններին մենք զընդակահարում ենք: Ես, մեղավորս, նույնպես խփել եմ մի քանիսին:

— Ես քեզ ա՛յ թե ինչ կասեմ, ընկեր... Դու քեզ լավ չես պահում. կարծես թե դուք կովով եք վերցրել խուտորը: Չէ՞ որ մենք ենք թողել Ֆրոնտը, ձեզ ճանապարհ տվել, իսկ դու ոնց որ թե նվաճած երկիր ես եկել... Ծներին գնդակահարել — դա ամեն մեկն էլ կարող է, անգն մարդուն սպանել ու նեղելն էլ դժվար բան չի...

— Դու ինձ խրատներ մի՛ տա: Մենք գիտենք ձեզ: «Ֆրոնտը թողե՛լ ենք»: Եթե ձեր քիթ ու մուկը չշարդեն, չէիք թողնի: Քեզ հետ էլ ես կխոսեմ ուզածիս պես:

— Թո՛ղ, Ալեքսանդր, ձանձրացնում ես, — խնդրեց շեկ հոնքերովը:

Բայց Ալեքսանդրը արդեն մոտեցավ Գրիգորիին՝ ուռցնելով պինշերը. շնչելիս նա ֆսսում էր ու շվացնում:

— Դու լավ կանես ինձ չկաչես, սպա, թե չէ բանը վատ կլինի:

— Ես ձեզ չեմ կաչում:

— Ո՛չ, կաչում ես:

Դուռը մի քիչ բանալով, նատալյան կերկերաձայն կանչեց Գրիգորիին: Վերջինս շրջանցեց իր դեմ կանգնած կարմիրբանակալիներին, գնաց ու դռան շեմքին օրորվեց հարթածի նման: Պետրոն նրան դիմավորեց բարկացկուտ, հեծությամբ լեցուն շնչոցով.

— Ի՞նչ ես անում. է՞... Նա քո ինչի՞ն է պետք: Ինչո՞ւ ես գլուխ դնում նրա հետ: Ախր քեզ էլ, մեզ էլ կկորցնես: Նստի՛ր... — Նա Գրիգորիին ուժով հրեց ու նստեցրեց սընդուկի վրա, գնաց խոհանոց:

Գրիգորին բաց բերանով ազահությամբ կլանում էր օդը, նրա թուխ թշերից անցնում էր սև կարմրությունը ու դալկացած աչքերը թույլ փայլ էին առնում:

— Գրի՛շա, Գրիշենկա, նրանց հետ գործ մի ունենա, — խնդրում էր նատալյան դողալով, փակելով լաց լինելու պատրաստ երեխաների բերանները:

— Ինչո՞ւ չմեկնեցի, է՛, — հարցրեց Գրիգորին ու թախծոտ նայեց նատալյային: — Լավ, էլ չեմ անի, սուս կաց: Սիրտս ուժ չունի համբերելու:

Ավելի ուշ երեք կարմիրբանակալիներ է՛լ եկան: Մեկը, որ բարձր, սև փափախ էր ծածկել և ըստ երևույթին պետ էր, հարցրեց.

— Քանի՞ մարդ է տեղավորված այս բնակարանում:

— Ցոթ մարդ, — բոլորի փոխարեն պատասխանեց շեկ հոնքերովը, որ տնտղում էր հարմոնի հնչուն մատնատեղերը:

— Գնդացրային ուղեկալն այստեղ է լինելու: Տեղ տվեք:

Գնացին: Ու իսկույն ճոնչաց դարպասը: Երկու սալլ մտան բակ: Գնդացիրներից մեկը ներս բերեցին հաշտը: Մթուժյան մեջ մեկը լուցկի վառեց ու զայրանալով՝ մայր հայհոյեց: Չարդախի տակ ծխում էին, կալում, դեզերից խոտ վերցնելով, կրակ էին վառում, բայց տանտերերից ոչ ոք դուրս չեկավ:

— Գնայիր ձիերին մտիկ տալու,— շնչաց Իլլինիչնան՝ անցնելով ծերունու կողքից:

Վերջինը միայն ուսերը թոթվեց, բայց չգնաց: Ամբողջ գիշերը շրխկում էին դռները: Սպիտակ գուլորշին կախվել էր առաստաղի տակ ու ցողի պես նստում էր պատերին: Կարմիրբանակայինները օթախում իրենց համար քնելու տեղ գցեցին: Գրիգորին նրանց համար կարպետ բերեց ու փռեց, իր կիսամուշտակը դրեց նրանց գլուխների տակ:

— Ինքս էլ եմ ծառայել, գիտեմ,— հաշտվողաբար ժրպտաց նա այն կարմիրբանակայինին, որը նրան թշնամի էր ճանաչում:

Բայց կարմիրբանակայինի լայն պինչերը շարժվեցին, հայացքը անհաշտ սահեց Գրիգորիի վրայով...

Գրիգորին ու Նատալյան պառկեցին նույն սենյակում, մահճակալի վրա: Կարմիրբանակայինները հրացանները դնելով գլուխների տակ, իրար գլխի թափված, տեղավորվեցին կարպետի վրա: Նատալյան ուզեց հանգցնել լամպը, նրան խիստ տոնով հարցրին.

— Քեզ ո՞վ խնդրեց լույսը հանգցնել: Չհամարձակվե՞ս: Պատրույգը մի քիչ իջեցրու, բայց լույսը պետք է վառվի ամբողջ գիշերը:

Նատալյան երեխաներին պառկեցրեց ոտների կողմը, ինքն էլ առանց հանվելու պառկեց պատի կողմը: Գրիգորին լուռ պառկել էր ձեռները գլխի տակ դրած:

«Եթե հեռանայինք,— ատամները իրար սեղմելով, սըրտի կողմով բարձի անկյունին կռթնած, մտածում էր Գրիգորին:— Եթե հեռանայինք, հիմի Նատալյային կխաչեին այս մահճակալի վրա ու նրանով կզվարճանային, ինչպես

մի ժամանակ Լեհաստանում զվարճանում էին Ֆրանյալով...»

Կարմիրբանակայիններից մեկը սկսեց ինչ-որ բան պատմել, բայց ծանոթ ձայնը ընդհատեց նրան, պղտոր կիսախավարում հնչեց սպասողական պառուզաներով.

— Է՛խ, առանց կնկա ձանձրալի է: Ո՛նց կխաչտեի, հա՛ա... Բայց տանտերը—նա սպա է... Հասարակ մարդկանց, խլնքոտներին նրանք շեն զիջում իրենց կանանց... Լսո՞ւմ ես, տանտեր:

Կարմիրբանակայիններից ոմանք արդեն խոմփացնում էին, ոմանք էլ քնեած ծիծաղեցին: Սպառնալից հնչեց շեկ հոնքերով կարմիրբանակայինի ձայնը:

— Է՛հ, Ալեքսանդր, ես ձանձրացա քեզ խրատելուց, Ամեն մի բնակարանում դու սկանդալ ես սարքում, խուլիգանություն անում, խայտառակում կարմիրբանակայինի կոչումը: Դա անտանելի է: Ա՛յ, հիմա գնում եմ կոմիսարի կամ վաշտապետի մոտ: Լսո՞ւմ ես: Մենք քեզ հետ կխոսենք:

Լուսթյուն տիրեց: Լսվում էր միայն, թե ինչպես շեկ հոնքերովը բարկություն մար ֆսֆսալով, հագնում է սապոզները: Մի րոպեից հետո, դուռը զրխկացնելով, նա դուրս գնաց:

Նատալյան չկարողանալով իրեն զսպել, բարձր հեկեկաց: Գրիգորին դողդոջ ձեռքով շոյում էր նրա գլուխը, քրտնած ճակատը ու թաց դեմքը: Աջ ձեռքով հանգիստ տնտղում էր իր կուրծքը, իսկ մատները մեխանիկորեն կոճկում ու արձակում էին տակի շապկի կոճակները:

— Լոիր, լոիր,— հազիվ լսելի նա շնջում էր Նատալյային: Եվ այդ ակնթարթում հաստատապես գիտեր, որ իր ամբողջ էությունը պատրաստ է տանել ամեն մի փորձություն ու ստորացում, միայն թե պահպանի իր և հարազատների կյանքը:

Լուցկին լուսավորեց տեղից բարձրացած Ալեքսանդրի դեմքը, քթի լայն շրջանակը, բերանը, որ կպել էր ծխախոտին: Լսվում էր, թե ինչպես նա ցածրաձայն մոթմոթաց ու բազմաձայն խոմփոցի մեջ հոգոց հանելով, սկսեց հագնելվել:

Գրիգորին, որ անհամբերությամբ ականջ էր դնում, հուզու խորքում անսահմանորեն շնորհակալ լինելով շեկ հոն-

քերով կարմիրբանակայինից, բերկրալի ցնցվեց՝ լսելով
բայլեր պատուհանի տակից և վերջինի զայրացկոտ ձայնը.

— Եվ ահա նա շարունակ կպչում է... անկարգութիւն...
անում... փորձանք է... ընկեր կոմիսար...

Քայլերը լսվեցին հաշտից, ճանշալով բացվեց դուռը:
Մեկը երիտասարդական, տիրական ձայնով հրամայեց.

— Ալեքսանդր Տյուրնիկով, հազնվիր և իսկույն հեռա-
ցիր այստեղից: Կգիշերես իմ բնակարանում, իսկ վաղը մենք
քեզ կդատենք կարմիրբանակայինին անվայել վարքիդ հա-
մար:

Գրիգորիի հայացքը հանգիպեց դռան մատ, շեկ հոնքերու
վի կողքին կանգնած, կաշվե սև կուրտկա հագած մի մար-
դու բարյացակամ, սուր հայացքին:

Վերջինը տեսքով երիտասարդ էր ու երիտասարդաբար
խտազեմ. չափից դուրս շեշտված հաստատակամութիւնով
էին սեղմվել նրա շրթունքները, որոնք պարուրված էին երի-
տասարդական աղվամազով:

— Անհանգիստ հյո՞ւր էր ընկել ձեզ մոտ, ընկեր,— հա-
զիվ նկատելի ժպիտով դիմեց նա Գրիգորիին:— Դեհ, հիմա
քնեցեք, մենք վաղը նրան կհանդարտեցնենք: Բարի գիշեր:
Գնա՛նք, Տյուրնիկով:

Գնացին, ու Գրիգորին թեթևացած շունչ առավ: Իսկ
առավոտյան շեկ հոնքերովը, վճարելով բնակարանի և
ուտելիքի համար, դիտմամբ հապաղեց ու ասաց.

— Վերցրեք, տանտերեր, մեզանից մի՛ նեղանաք: Մեր
այդ Ալեքսանդրը մի քիչ ցնդած է: Անցյալ տարի Լուգանս-
կում,— նա Լուգանսկից է,— նրա աչքերի առաջ սպաները
գնդակահարեցին մորն ու քրոջը: Դրանից էլ նա այդպես է...
Դեհ, շնորհակալութիւն, մնաք բարով: Հա, քիչ մնաց մո-
ռանայի երեխաներին.— ու վերջիններիս անասելի ուրախու-
թիւն պատճառելով՝ իրերի պարկից հանեց կեղտից գոր-
շացած մի-մի կտոր շաքար ու տվեց նրանց:

Պանտելեյ Պրակոֆիկը հուզված նայում էր թոռներին:

— Օ-հո՛, նվեր էլ ստացան: Տարիուկնս կլինի, որ մենք
շաքար չենք տեսնում... Քրիստոս փրկե, ընկե՛ր... Դեհ,
գնաս բարով ասեք հորեղբորը: Պոլյուշկա, շնորհակալու-
թիւն ասա... Զազուկս, ի՞նչ ես շշկվել ու կանգնել:

Կարմիրբանակայինը դուրս գնաց, և ծերունին բարկու-
թյամբ դիմեց Նատալյային.

— Ահա ձեք անուսումնութիւնը: Գոնե մի բլիթ տայիք
նրան ճանապարհի համար: Նվերի փոխարեն նվեր հո պե՞տք
է տալ բարի մարդուն: Թյո՛ւ:

— Վազիր,— հրամայեց Գրիգորին:

Նատալյան, շալը գլխին գցելով, բակի դռնից դենը հա-
սավ շեկ հոնքերով կարմիրբանակայինին: Շփոթմունքից
կարմրելով, մի բլիթ դրեց նրա շինելի գրպանը, որ խորունկ
էր ինչպես տափաստանի ջրհորը:

XVII

Կեսօրին խուտորի միջով շտապ երթով անցավ 6-րդ
Մցենյան կարմրադրոշ գունդը՝ իր հետ վերցնելով կազակ-
ներից ոմանց շաքային ձիերը: Բլուրից դենը, հեռվում որո-
տում էին հրանոթային կրակոցները:

— Զիրի վրա կռիվ է,— որոշեց Պանտելեյ Պրակոֆիկը:

Երեկոյան վերջալուստին թե՛ Պետրոն և թե՛ Գրիգորին մի
քանի տեղամ դուրս եկան բակ: Դռնի վրայից լսվում էր, թե
ինչպես հեռվում, Ուստ-Նոպրսկից էլ դենը խուլ որոտում
էին հրանոթները ու բոլորովին կամաց (լսելու համար հար-
կավոր էր ականջը դնել սառած գետնին) տկտկում գնա-
ցիրները:

— Այնտեղ վատ շին դիմադրում: Գեներալ Գուսելշիկո-
վը գունդարովցիների հետ այնտեղ է,— ասաց Պետրոն՝ սըր-
բելով ծնկների ու փափախի ձյունը և արդեն բոլորովին փո-
խելով խոսակցութիւնը, ավելացրեց.— մեր ձիերը կտանեն:
Քո ձին, Գրիգորի, լավ տեսքով է, աստված վկա կվերցնեն:

Բայց ծերունին նրանցից առաջ էր գլխի ընկել: Գրիգո-
րին գիշերամտին երկու շաքային ձիերը տարավ ջրելու,
դռնից դուրս բերելիս տեսավ, որ դրանք կազում են առջևի
ոտներից: Անցկացրեց իր ձին, որը բոլորովին կազում էր,
Պետրոյի ձին՝ նույնպես: Կանչեց եղբորը:

— Զիեքը ստից ընկել են, ա՛յ քեզ բա՛ն: Քոնը՝ աչ

տախց, իսկ իմը՝ ձախից: Ոտնահարք չի եղել... Մի՞թե խոշ
նավախտ է:

Գորշ-կապտավուն ձյան վրա, իրիկնային անպայծառ
աստղերի տակ տխուր կանգնել էին ձիերը, չէին խաղում
երկար անշարժությունից հետո, չէին քաջցում: Պետրոն վա-
ռեց լապտերը, բայց կալից եկած հայրը կանգնեցրեց նրան:

— Ինչի՞ վառեցիր լապտերը:

— Ձիերը կաղում են, ապի: Երևի ոտները հիվանդ են:

— Իսկ եթե հիվանդ են, դա վա՞տ է: Ուզում ես, որ մի
որևէ մուժիկ թամբը դնի ու տանի, հա՞:

— Դե, վատ չէ, ամա...

— Գրիշկային ասա, որ ես եմ դրանց հիվանդացրել:
Վերցրի մուրճը, ոտներին մի-մի մեխ խփեցի կռճիկից ցած,
հիմի կկաղան, մինչև որ ֆրոնտը հեռանա:

Պետրոն պտտեց զուլսը, ծամծանց բեղը ու գնաց Գրիգո-
րի մոտ:

— Դրանց տար ախոռ: Ապին դիտմամբ է կաղ դարձրել:
Մերոնու հնարքը փրկեց: Գիշերը նորից խուտորը թըն-
դաց աղմուկից: Փողոցներով ձիավորներ էին սլանում: Փո-
սերից ու թեք տեղերից զրնգալով, անցավ մի մարտկոց ու
կուտակվեց հրապարակում: 13-րդ հեծգունդը խուտորում
կանգ առավ գիշերելու: Խրիստոնյան այդ ժամանակ եկավ
Մելիտովների մոտ, պազեց, վառեց ծխախոտը:

— Սատանաներ չկա՞ն, չե՞ն գիշերում ձեզ մոտ:

— Հլա դեռ աստված գու՞թ է անում: Ովքեր որ եկան,
ամբողջ տունը լցրին իրենց մուժիկական փիս հոտով,—
դժգոհ մոթմոթաց Իլլինիչնան:

— Ինձ մոտ եղան,— Խրիստոնյայի ձայնը շուրջ փոխ-
վեց, ահադին ձեռքը սրբեց արցունքի կաթիլով թրջված ակ-
նախոռոչը: Բայց, թափահարելով մեծ, դաշտ տարվող կաթ-
սայի շափ զուլսը, Խրիստոնյան թեթև տնքաց ու կարծես թե
ամաչեց իր արցունքներից:

— Ի՞նչ եղավ քեզ, Խրիստոնյա,— ծիծաղելով հարցրեց
Պետրոն, որը առաջին անգամն էր տեսնում Խրիստոնյայի
արցունքները: Հենց դրանք էլ Պետրոյի մեջ ուրախ տրամա-
դրություն առաջացրին:

— Տարա՛ն սևուկիս... Գերմանական կովումը ի՞մ ձեռ-

քին էր... Իրարից, ուրեմս, չէինք բաժանվում... Ոնց որ
մարդ լիներ, ուրեմս, այնքա՛ն խելացի էր... Հենց ինքս
թամբեցի: «Թամբիր,— ասում է,— թե չէ նա ինձ չի հնա-
զանդվում»:— «է՛,— ասում եմ,— քեզ համար դրան ամբողջ
կյանքո՞ւմս պիտի թամբեմ, ինչ է: Վերցրիր,— ասում եմ,—
ուրեմս ինքդ էլ ղեկավարի»: Թամբեցի, իսկ նա գոնե մար-
դու նման լինե՞ր... Կարճիկ էր, ուրեմս, բոլը մինչև գոտիս,
ոտը չէր հասնում ասպանդակին... Սևուկիս մոտեցրեց սան-
դուղքին, ելավ դրա վրա ու նստեց... Ես երեխի պես մղկը-
տացի: «է՛հ,— ասում եմ կնկանս,— զուր տեղը պահեցի,
կերցրի ու խմացրի...»— Խրիստոնյան էլի անցավ սվավուն,
արագ շշնջոցին ու վեր կացավ:— Վախում եմ ախոռը մըտ-
նել: Տուն ու տեղս բրիշակ եղավ...

— Իմ գործը լավ է: Տակիս երեք ձի էր սպանվել, սա
չորրորդն է. սրան վերցնելը այնքան էլ հեշտ չէ...

Գրիգորին ականջ դրեց: Դրսում—ձյան ղուղոց, թրեյի
շրխկոց, խուլ «թփռու-ու-ու»:

— Մեզ մոտ էլ են գալի: Ոնց որ հոտ առած ձուկ լինեն,
անիծվածնե՛ր: Կամ գուցե մեկն ու մեկը ասել է...

Պանտելեյ Պրակոֆևիչը անհանգստացավ, ձեռները դար-
ձան ավելորդ, չգիտեր դրանք ինչ անի:

— Տանտե՛ր, ապա դուրս արի:

Պետրոն կապան զցեց ուսերին, դուրս ելավ:

— Ո՞րտեղ են ձիերդ, դուրս բեր:

— Ես հակառակ չեմ, բայց նրանք, ընկերներ, ոտների
ցավ ունեն:

— Ի՞նչ ցավ: Դուրս բեր: Մենք չենք վերցնում հենց
այնպես, դու մի վախենա: Մեր ձիերը կթողնենք:

Պետրոն երկու ձի մեկ-մեկ դուրս բերեց ախոռից:

— Այնտեղ երրորդն էլ կա: Ինչո՞ւ չես բերում,— լապ-
տերով շուրջը լուսավորելով՝ հարցրեց կարմիրբանակային-
ներից մեկը:

— Դա մատակ ձի է, ծնած է: Շատ է քավթառ, արդեն
հարյուր տարեկան է...

— Է՛յ, բեր թամբերը... Կաց, իսկապես որ կաղում են...
Ես քու աստծուդ, խաչիդ... Ո՞ւր տանես դրանց, կաղերին:
Ետ վերցրու...— կատաղի գոռաց լապտերը բռնողը:

Պետրոն քաշեց սանձերը ու լապտերից շուռ տվեց ծրու-
մբուղով շրթունքներով դեմքը:

— Թամբերը ո՞րտեղ են:

— Այսօր առավոտյան ընկերները վերցրին:

— Ստում ես, կազակ: Ո՞վ վերցրեց:

— Աստված վկա... Թող նա պատժի՝ թե սուտ եմ ասում,
վերցրին: Մցենյան գունդը անցավ ու տարավ: Համ թամբե-
րը տարան, համ էլ մինչև իսկ երկու անուր:

Երեք հեծյալները մայր հայհոյելով հեռացան: Պետրոն
ներս մտավ՝ իր հետ տանելով ձիու քրտինքի ու մեզի հոտը:
Նրա պինդ շրթունքները սեղմվել էին և նա ոչ առանց պար-
ծենկոտություն թփթփացրեց Խրիստոնյայի ուսին և ասաց.

— Ա՛յ թե ոնց պիտի վարվել: Զիերը կաղում են, թամ-
բերն էլ միթամ վերցրել էին... Հը՛մ, իսկ դու...

Իլլիինիչնան հանգցրեց լամպը, խարխափելով գնաց
օթախը՝ անկողին գցելու:

— Թող մութ լինի, թե չէ մեկ էլ տեսար գիշերողներ
եկան:

Այդ գիշեր Անիկուշկայի մոտ քեֆ էին անում: Կարմիր-
բանակայինները խնդրեցին հրավիրել հարևան կազակներին:
Անիկուշկան եկավ Մելխոմներին կանչելու:

— Կարմիրները: Նրանք մեզ ի՞նչ կանեն որ: Մկրտված-
ներ չե՛ն, ինչ է: Մեզ պես ուսներ են, էլի: Աստված վկա
Կուզեք հավատացեք, կուզեք՝ ոչ... Ես նրանց խղճում եմ...
Ի՛նձ ինչ: Նրանց հետ մի ջհուղ կա, դե, նա էլ մարդ է, էլի՛:
Ջհուղներին մենք կոտորեցինք լեհաստանում... Հը՛մ, Բայց
սա ինձ մի բաժակ արաղ քշեցրեց: Սիրում եմ ջհուղներին...
Գնանք, Գրիգոր, Պետյա, դու ինձնից մի փախի...

Գրիգորին հրաժարվեց գնալուց, բայց Պանտելեյ Պրակո-
ֆևիչը խորհուրդ տվեց.

— Գնա, թե չէ կասեն, որ ենդուր չես անում: Դու գնա
առանց ոխ պահելու:

Դուրս ելան բակը: Տաք գիշերը լավ եղանակ էր խոս-
տանում: Մոխրի և տարթի ծխի հոտ էր գալիս: Կազակները

լուռ կանգնած էին, հետո գնացին: Բակի դռան մոտ Դար-
յան հասավ նրանց:

Մարիով ներկած նրա հոնքերը, դեմքի վրա թևավոր-
ված, ամպերի միջից թափանցող լուսնի դալուկ լույսի տակ
փայլում էին թավշե սևությամբ:

— Իմ կնկանը խմացնում են... Միայն թե նրանց մտա-
ծածը չի անցնի: Ես աչք ունեմ, աղբերս... — մոթմոթում էր
Անիկուշկան, իսկ արաղը նրան գցում էր ցանկապատին,
ճանապարհից նետում ձյան կուտակների վրա:

Ռոնների տակ շաքարի պես փշրվում էր հատիկավոր-
կապտավուն, սորուն ձյունը: Երկնքի գորշ ծածկոցից ձյու-
նահողմ էր փչում:

Քամին ծխախոտներից կայծեր էր տանում, էրնում ձյան
փոշին: Աստղերի տակ նա գիշատչաբար հարձակվում էր
սպիտակափետուր մի ամպի վրա (այդպես բազեն հասնելով
կարապին, խփում է նրան խիստ ուռուցիկ իր կրծքով), ու
ալեձև օրորվելով՝ սպիտակ բմբուլ-փաթիլները թափվում
էին հանդարտած երկրի վրա, ծածկում խուտորը, խաշաձե-
ված ճանապարհները, տափաստանը, մարդկանց և գազան-
ների հետքերը...

Անիկուշկայի խրճիթում շնչել չի լինում: Լամպից մրուրի
սև, սուր լեզուններ են դուրս գալիս, իսկ ծխախոտի ծխի մի-
ջից ոչինչ չի երևում: Կարմիրբանակային հարմոնիստը
եռանդով հնչեցնում է «սարատովյան եղանակը»՝ ծայր աս-
տիճան քաշքշելով փուքսը, տարածելով երկար ոտները:
Նստարանների վրա նստոտել են կարմիրբանակայինները,
հարևան կնանիքը: Անիկուշկայի կնոջը գուրգուրում է հաղ-
թանդամ մի քեռի՝ պաշտպանական գույնի, բամբակուն շալ-
վարով ու կտրճ սապոգներով, որոնք ծանրաբեռնված են
ահազին, ասես թանգարանից վերցրած շպորներով: Սպի-
տակ, նուրբ գառնենու փափախը քշել է խուճուճ մազերով
պատած ծոծրակին, թուխ դեմքը քրտնած է: Թաց ձեռքը
դաղում է Անիկուշկայի կնկա մեջքը:

Իսկ այդ կնիկն արդեն նվազել է. լորձնոտել, կարմրել
է նրա բերանը. նա կուզենար դեն քաշվել, բայց հալ չկա.
Նա ամուսնուն էլ է տեսնում, կնանոց ժպտուն հայացք-
ներն էլ, բայց արի ու տես, որ ուժ չունի մեջքից դեն հրելու

զորեղ ձեռքը. ամոթը կարծես չի էլ եղել, ու նա ծիծաղում է գինովցած ու թուլացած:

Սեղանի վրա սափորների բերանները բացված են, սպիրտի հոտը բռնել է ամբողջ խրճիթը: Սփռոցը կարծես ճահիճ լինի, իսկ խրճիթի մեջտեղում պտտվում և ոտները հատակին թրմփացնելով պարում է 13-րդ հեծելազորային գնդի մի դասակապետ: Նրա սապոգները խրոմից են, բարակ են, գալիֆե շալվա: Երբ սպայական մահուկից է: Գրիգորին շեմքից նայում է նրա սապոգներին ու գալիֆեին և մըտածում է՝ «Սպայից են վերցված...» Հետո դիտում է նրա դեմքը. դա թուխ-սևավուն է, պլպլում է քրտնքից ինչպես սևաթույր ձիու գավակը. կլոր ականջախեցիները դուրս են ցցված, շրթունքները հաստ են ու կախ ընկած: «Ջհուզ է, բայց ճարպիկ է», — ինքն իր մեջ որոշում է Գրիգորին: Նրա և Պետրոյի համար արաղ լցրին: Գրիգորին զգուշությամբ էր խմում, իսկ Պետրոն շուտով հարբեց: Ու մի ժամից հետո հողե հատակի վրա արդեն «կազաչոկ» էր պարում, կրունկներով փոշի պոկում, խռպոտաձայն խնդրում հարմոնիստին՝ «Արա՛գ, արա՛գ»: Գրիգորին նստել էր սեղանի կողքին, դղումի սերմեր էր չրթում: Նրա մոտ նստել էր բարձրահասակ մի սիշիբոցի, գնդացրորդ: Սա կնճռոտում էր մանկականորեն կլորավուն դեմքը, խոսում էր մեղմորեն՝ կոկելով շշական հնչյունները, «ց»-ի փոխարեն արտասանելով «ս», — «գնդասիր», «սանկապատ», — այսպես էին հնչում նրա արտասանած բառերը:

— Մենք չարդեսինք կողակին: Ձեր կրասնովին կազկենք ոնս որ պետքն է, ու պրծավ-գնաս: Բա-ա՛ս: Իսկ հետո գնա ու արա քո վար ու սանկը, հող—ինչքան ուզես, վերսրու դա, ստիպիր լավ բերք տալ: Հողն ու կնիկը մեկ է, ինքը չի հանձնվի, նրան խլել է պետք: Իսկ ով թույլ չտա, — սպանել է պետք: Ձեր ունեհածը մեկ պետք չի: Միայն թե բոլորն էլ հավասար բաժին ստանան...

Գրիգորին համաձայնվում էր, ու շարունակ աչքի տակով նայում կարմիրբանակայիններին: Երկյուղի համար կարծես թե հիմքեր չկային: Բոլորն էլ հավանության ժպիտներով նայում էին Պետրոյին, նրա կլորավուն և վարժ շարժումներին: Մեկի զգաստ ձայնը հիացումով բացականչում էր՝ «Ա՛լ

ինչ եմ ասո՞ւմ, հիանալի է»: Բայց Գրիգորին իր վրա պատահմամբ բռնեց մի կարմիրբանակայինի, ավագի կկոցված աչքերի ուշադիր հայացքը, ու զգուշացավ, խմելը դադարեցրեց:

Հարմոնիստը պոլկա նվագեց: Կանայք վեր կացան կարմիրբանակայինների հետ պարելու: Կարմիրբանակայիններից մեկը, որի մեջքը պատին քսվելուց սպիտակել էր, օրորվելով, հրավիրեց մի ջահել կնոջ, — Խրիստոնյայի հարևանուհուն. բայց վերջինս հրաժարվեց, ու հավաքելով ծավալոր փեշը, վազ տվեց Գրիգորիի մոտ:

— Եկ պարենք:

— Չեմ ուզում:

— Ե՛կ. Գրիշա, ավան ծաղիկս:

— Թո՛ղ հիմարութունը, չեմ գա:

Կինը քաշում էր Գրիգորիի թևքից, բռնազբոսիկ կերպով ծիծաղում: Գրիգորին կիտում էր հոնքերը, դիմադրում, բայց նկատելով, որ կինը աչքով արեց, վեր կացավ: Երկու շերջան կատարեցին, հարմոնիստը մատները տարավ թավ ստեղներին, ու կինը հարմար վայրկյան գտնելով՝ գլուխը դրեց Գրիգորիի ուսին, հազիվ լսելի շշնջաց.

— Պայմանավորվում են սպանել քեզ... Մեկը ապացուցել է, որ սպա ես... Փախիր...

Ու բարձրաձայն՝

— Օ՛ֆ, գլուխս պտույտ է գալի:

Գրիգորին զվարթացավ: Մոտեցավ սեղանին, մի բաժակ օղի խմեց, Դարյային հարցրեց.

— Պետրոն հարբե՞լ է:

— Համարյա մեռածի պես է: Բանը բանից անցել է:

— Տար տուն:

Դարյան տարավ Պետրոյին՝ տղամարդու ուժով նրան պահպանելով վայր ընկնելուց: Նրանց ետևից դուրս ելավ Գրիգորին:

— Ո՛ւր, ո՛ւր: Դո՛ւ ուր ես գնում: Ու՛ր: Ձե՛րք կհամբուրեմ, մի գնա:

Թունդ հարբած Անիկուշկան կպավ Գրիգորիին, բայց սա այնպիսի աչքերով նայեց, որ Անիկուշկան տարածեց ձեռները ու ետ-ետ գնաց:

— Ազնիվ մարդկանց հաջողութիւն,— Գրիգորին շեմ-
քից թափահարեց փափախը:

Գանգրահերը, թոթվելով ուսերը, շտկեց գոտին, գնաց
նրա ետևից: Մուտքի սանդուղքի վրա, շնչելով Գրիգորիի
դեմքին, փայլեցնելով աշխույժ, պայծառ աչքերը, շշնջալով
հարցրեց.

— Ո՛ւր ես գնում:— Ու պինդ բռնեց Գրիգորիի շինեկ,
թևքից:

— Տուն,— պատասխանեց Գրիգորին առանց կանգ առ-
նելու, նրան տանելով իր ետևից: Հուզված ու ցնծագին
որոշեց՝ «Ո՛չ, քանի կենդանի եմ, դուք ինձ չեք բռնի»:

Գանգրահերը ձախ ձեռքով բռնել էր Գրիգորիի արմուն-
կը. ծանր շնչելով՝ քայլում էր նրա կողքից: Բակի դռան մոտ
նրանք կանգ առան: Գրիգորին լսեց, թե ինչպես ճոնչաց
ոտուրը, ու կարմիրբանակայինի աջ ձեռքը իսկույն ընկավ
ազդրին, եղունգները շանգոտեցին ատրճանակի պատյանի
կափարիչը: Գրիգորին մի վայրկյան դեմուդեմ տեսավ ուրի-
շի նայվածքի կապույտ սայրը, ու շուռ գալով՝ բռնեց պատ-
յանի օղլակը արձակող ձեռքը: Տնքալով, նա սեղմեց դրա
ենթադաստակը, սարսափելի ուժով գցեց իր ուսին, կռացավ,
ու ծանր մարմինը վազուց ծանոթ ձևով շարտելով իր
վրայից, ձեռքը քաշեց ներքև՝ խշշացող ձայնից զգալով, թե
ինչպես են ջարդվում արմունկի հողակապերը: Շեկլիկ. գա-
ռան գլխի պես խոպոպավոր գլուխը ճգմելով ձյունը, թաղ-
վեց ձնակույտի մեջ:

Նրբանցքով, ցանկապատի տակ կուզեկուզ վազ տալով,
Գրիգորին նետվեց դեպի Դոնը: Ոտները զսպանաձև շարժ-
վելով, նրան դեպի վայրէջքն էին տանում... «Միայն թե
ուղեկալ շինի, հետո արդեն...» Մի վայրկյան կանգ առավ.
ետևից երևում էր Անիկուշկայի ամբողջ բակը: Կրակոց: Գի-
շատիչ կերպով սուլեց գնդակը: Նորից կրակոց: Իջավ, մթին
գետանցով վազ տվեց Դոնի մյուս կողմը: Արդեն Դոնի մեջ-
տեղում Գրիգորիի կողքին գնդակը վզզալով խփեց անհարթ,
ջինջ սառցաշերտին. սառույցի կտորները թռան, զարկվեցին
Գրիգորիի վզին: Վազեվազ անցնելով Դոնը, նա ետ նայեց:
Կրակոցները դեռ շրխկում էին հովվի մտրակի նման: Փըրկ-
վելու ուրախութիւնը շքերմագոնեց Գրիգորիին, բայց իր

ապրածի հանդիպ անտարբերութեան զգացումը շփոթեցրեց
նրան: «Ոնց որ թե գազանի ետևից էին կրակում,— մեխա-
նիկորեն մտածում էր նա, նորից կանգ առնում:— Չեն
փնտրի, կվախենան անտառ գնալուց... Նրա թևը լավ բու-
ժեցի, հա՛-ա: Ախ, սրիկա, ուզում էր կազակին առանց զեն-
քի բռնել»:

Քայլեց դեպի ձմեռային դեզերը, բայց, երկյուղ կրելով,
անցավ դրանցից, երկար ժամանակ, ինչպես թռչկոտող նա-
պաստակ, հետքերի օղակներ էր հյուսում: Որոշեց գիշերել
չոր ճլի լքած դեզի մեջ: Դրա կատարին փոս արեց: Ոտների
տակից սահեց մի ջրաքիս: Գրիգորին ամբողջովին թաղվեց
նեխահոտ արձակող խոտի մեջ, դողաց: Մտքեր շկային: Հա-
րևանցիորեն, դժկամ մտածեց՝ «Վաղը թամբել ձին ու ֆրոն-
տի վրայով սլանալ մերոնց մոտ»։ Բայց դրան պատասխան
չգտավ, հանդարտվեց:

Առավոտյան դեմ ցուրտը նեղեց նրան: Դուրս նայեց:
Նրա վերևում ուրախ ու դողող փայլում էր առավոտյան
շամանդաղը, և մթնակապույտ երկնքի խորագույն անուրն-
դում, ինչպես Դոնի ծանծաղուտում, կարծես երևաց հատա-
կը,— վաղորդյան մուգկապույտ լազուրը զենիթում, դրա
եզրերին մարող աստղացրոնքը:

XVIII

Ռազմաճակատը անցավ, Լոնց մարտական օրերի որոտ-
մունքը: Վերջին օրը 13-րդ հեծանդի գնդացրորդները հեռա-
նալուց առաջ Մոխովի գրամաֆոնը դրին ուկրաինական լայն
սահնակի վրա, ձիերը երկար ու արագ քշեցին խուտորի
հողոցներով: Գրամաֆոնը խոփոտում ու կոնչում էր (ձիերի
սմբակներից թռչող ձյան փաթիլները ընկնում էին խողո-
վակի լայն բկի մեջ): սիբիրյան ականջավոր փափախով մի
գնդացրորդ անփութ մաքրում էր խողովակը և գրամաֆոնի
քանդակավոր բռնակը բանեցնում նույնպիսի վստահութամբ,
ինչպես և գնդացրի ծոծրակալի բռնակները: Իսկ ետևից
ճնճուկների գորշ երամի պես վազ էին տալիս երեխաները.
կառչելով սահնակից, բռնում էին՝ «Քեռի, աժա այդ խոխոող

զատը, ածա, քեռի ջան»։ Երկու ամենաերջանիկները նստել էին գնդացրորդի ծնկներին, և սա ընդմիջումների ժամանակ, երբ չէր պտտում բռնակները, թաթմանով հոգատարությամբ ու հերսոտ սրբում էր փոքր տղայի շանգոտված, սառնամանիքից ու մեծ երջանկութունից թրջված քիթը։

Հետո լսվում էր. թե ինչպես Ուստ-Մեչետկայի մերձակայքում կոհվներ էին տեղի ունենում։ Տատարսկու միջով նոսր զանգվածներով ձգվում էին գումակները, որոնք պարեն և ռազմամթերք էին հայթայթում Հարավային ճակատի 8-րդ և 9-րդ Կարմիր բանակներին։

Երրորդ օրը բանբերները գնացին տնետուն, կազակներին ծանուցեցին, որ սրանք ժողովի գնան։

— Կրասնովին, ատամանին ենք ընտրելու,— ասաց Անտիպ Փչանովը՝ դուրս գալով Մելիսովների բակից։

— Ընտրելո՞ւ ենք, թե՞ նրան վերևից են նշանակելու,— հետաքրքրվեց Պանտելիյ Պրակոֆևիչը։

— Այնտեղ կտեսնենք, էլի՛...

Գրիգորին ու Պետրոն գնացին ժողով։ Հավաքվել էին բոլոր երիտասարդ կազակները։ Մերոնիներ չկային։ Միայն Փչան Ավդեիչը մի խումբ մասխարա մարդկանց իր գլխին հավաքած, փշում էր հա փշում, թե ինչպես մի կարմիր կոմիսար իջանել էր իր տանը և ինչպես իրեն, Ավդեիչին հրավիրում էր հրամանատարական պաշտոն ստանձնել։

— «Ծս,— ասում է,— չգիտեի, որ դուք հին ծառայության վախճար եք, թե չէ հաճույքով կհրավիրեի. դե՞հ, հայբիկ, անցիր պաշտոնի...»

— Ի՞նչ պաշտոնի. իբրև ավագ, ո՞ւր կուղարկեն,— ատամները ցույց տվեց Միշկա Կոշևոյը։

Նրան սիրով արձագանքեցին.

— Կոմիսարի ձեռն պետ։ Դրա պոչի տակը լվալու համար։

— Քիչ վերև վերցրու։

— Հա՛-հա՛-հա՛...

— Ավդեիչ, լսիր, նա քեզ երրորդ կարգի գումակ է ղըր՝ կելու, որ թթվի վարիչ լինես։

— Դուք չգիտեք բոլոր գործերը... Կոմիսարը սրա հետ

խոսում էր, իսկ կոմիսարի բանբերն այդ ժամանակ կպել էր սրա պառավին։ Տրորում էր։ Ավդեիչն էլ բերանը ջուր դանած, քթից ծլուլը կախած՝ լսում է...

Ավդեիչը անթարթ աչքերով նայում էր բոլորին, թուքը կուլ էր տալիս, հարցնում.

— Ո՞վ դուրս տվեց վերջին խոսքերը։

— Ծս,— քաջացավ ետևում կանգնածներից մեկը։

— Ա՛յ քեզ շան որդի,— Ավդեիչը շուռ էր գալիս, համակրանք փնտրում, և այն թափվում էր առատորեն.

— Նա օձի մեկն է, ես վաղուց եմ ասում։

— Նրանք տնով-տեղով այդպես են։

— Թող ես մի քիչ ջահել լինեի...— Ավդեիչի թշերը կարմրեցին ինչպես փռնչենու փնջերը.— թող մի քիչ ջահել լինեի, ես քեզ ցույց կտայի բանի վերջը։ Հենց խախտի շենք ու շնորհք ունես, Տագանրոգի՛ կարի կարաս, խախտի՛ մոտթ...

— Ինչի՞ շես քոթակում սրան, Ավդեիչ։ Քո դեմ նա դամիշ է։

— Ավդեիչը վախից դողում է...

— Վախում է, որ զոռ տալուց պորտը կընկնի...

Բղավոցը ուղեկցում էր ծանր ու մեծ հեռացող Ավդեիչին։ Հրապարակում խումբ-խումբ կանգնել էին կազակները։ Գրիգորին, որ վաղուց ի վեր չէր տեսել Միշկա Կոշևոյին, մոտեցավ նրան։

— Բարև, աղբեր-տղա։

— Աստծու բարին։

— Ո՞րտեղ էիր, հը՞։ Ի՞նչ դրոշակի տակ էիր կատարում ծառայությունդ։— Գրիգորին ժպտաց՝ սեղմելով Միշկայի ձեռքը, նայելով նրա կապույտ աչքերին։

— Օ-օ՛, աղբերս, ես արոտավայրում է՛լ եմ եղել, Կալաչի ֆրոնտում. պատժական հարյուրյակում է՛լ։ Ո՞րտեղ ասես, որ չեմ եղել։ Մի կերպ տուն եկա։ Ֆրոնտում ուզում էի փախչել կարմիրների մոտ, ամա ինձ ավելի խիստ էին հետևում, քանց մայրը իր չփորձած աղջկան։ Անցած օրը Իվան Ալեքսեևիչը գալիս է ինձ մոտ, վրեն՝ յափնջի, երթական հանդերձանք։ «Է՛հ,— ասում է,— հրացանդ վերցրու և հա՛յդա»։ Ծս հենց նոր էի եկել, հարցնում եմ՝ «Մի՞թե նա-

հանցելու ես»։ Նա ուսերից դողում է, ասում՝ «Հրամայում են, էլի։ Ատամանն է ուղարկել։ Ախր ես աղացում էի ծառայում, նրանց մոտ հաշվի եմ առնված»։ Մնաս բարով ասավ ու գնաց։ Ես կարծում էի, թե նա իսկապես հեռացել է։ Մյուս օրը արդեն անցավ Մցենյան գունդը, մեկ էլ տեսնեմ երևաց... Հրե՛ն նա գալիս է. Իվա՛ն Ալեքսեևիչ։

Իվան Ալեքսեևիչի հետ մոտեցավ նաև գլանիչ Դավիդկան։ Դավիդկայի բերանը լիքն է սպիտակ ատամներով, Դավիդկան ծիծաղում է, ասես մի զվարճալի բան է գտել... Իվան Ալեքսեևիչը Գրիգորիի ձեռքը սեղմեց իր կոշտ մատներով, որոնցից մեքենայի քսուքի հոտ էր գալիս, ու ծընտացրեց լեզուն։

— Բա դու ո՞նց ես մնացել, Գրիշա։

— Իսկ դո՞ւ։

— Դե ես... Իմ բանը ուրիշ է։

— Ուզում ես ասել, որ ես սպա եմ, հա՞։ էհ, ոխակ արի, մնացի... Քիչ մնաց սպանեին... Երբ ետևիցս ընկան ու սկսեցին կրակել, ցավում էի, որ չեմ հեռացել, իսկ հիմի էլ չեմ ցավում։

— Ինչի՞ համար կպան։ Տասներեքերորդ գնդի՞ց էին։

— Նրանք էին։ Անիկուշկայի մոտ քեֆ էին անում։ Մեկը ապացուցել էր, որ ես սպա եմ։ Պետրոյին ձեռք շտվին, իսկ ինձ... Ուսադիրներին համար զործ բացվեց։ Հեռացա Գոնի մյուս կողմը, մի քիչ վնասել էի մեկի ձեռքը, փրշտ գլխով էր... Դրա համար նրանք եկել էին մեր տունը, վերցրել բոլորը, ինչ որ ես ունեի։ Շալվարներս է՛լ, կապաներս է՛լ։ Ինչ որ ինձ վրա կա, այն է մնացել։

— Մենք պետք է այն ժամանակ, Պադտյուկովի օրով անցնեինք կարմիրների կողմը։ Հիմի էլ դես-դեն չէինք ընկնի.— Իվան Ալեքսեևիչը թթու ժպտաց, սկսեց ծխել։

Մարդիկ շարունակ մոտ էին գալիս։ Ժողովը բացեց վեշենսկուց ժամանած փոխ-խորունժի կապենկովը, Ֆոմինի սխրակիցը։

— Ընկեր կազակներ, սովետական իշխանությունը արժատացել է մեր օկրուգում։ Պետք է վարչություն սահմանել։ ընտրել գործկոմ, նախագահ և նրա տեղակալ։ Սա—մի

հարց։ Հետո, ես օկրուգային սովետից հրաման եմ բերել, որը կարճ է,— պետք է հանձնել ամբողջ հրազենը ու սարն զենքը։

— Հիանալի՞ է,— թունավոր հեգնանքով ետևից ասաց մեկը։ Հետո երկար ժամանակ ամբողջ հասակով մեկ կանգնած էր լուռթյունը։

— Այստեղ, ընկերներ, կարիք չկա այդպիսի բացահանչություններ անելու.— կապենկոն ձգվեց, փափախը դրեց սեղանին.— հասկանալի է, որ զենքերը պետք է հանձնել, տնային կյանքում դրանք հարկավոր չեն։ Ով ուզում է գնալ Սովետները պաշտպանելու, նրան զենք կտան։ Երեք օրվա ժամանակամիջոցում բերեք հրացանները։ Իսկ հիմի սկսում ենք ընտրությունները։ Ծախագահին կպարտավորեցնեմ հրամանը հասցնել ամեն մեկին, ու նա պետք է ատամներից վերցնի կնիքը և խուտորի բոլոր գումարները։

— Բա նրանք մեզ զենք են տվե՛լ, որ դրա վրա իբենց թաթն են դնում...

Հարցնողը դեռ չէր վերջացրել նախադասությունը, երբ բոլորն էլ մեկտեղ շուռ եկան նրա կողմը։ Զախար Կարալյովըն էր խոսում։

— Իսկ զենքը քո ինչի՞ն է պետք,— պարզապես հարցրեց Խրիստոնյան։

— Դա ինձ պետք չի։ Բայց երբ մենք կարմիր բանակը բաց թողինք մեր օկրուգի միջով, մեզ զինաթափելու մասին խոսք չկար։

— Ե՛ի՛շտ է։

— Միտինգում Ֆոմինն է ասել։

— Թրե՛րը մեր կողակներով ենք ճարել։

— Ես իմ հրացանով գերմանու կովից եմ եկել, իսկ այստեղ տա՛մ։

— Ասա, որ զենքերը չենք տա։

— Ուզում են պլոկե՛լ կազակներին։ Առանց զենքի ես ի՞նչ եմ, ի՞նչ սահնակով պիտի ճամփա գնամ։ Առանց զենքի ես ոնց որ փեշը բարձրացրած կնիկ,— մերկ եմ։

— Զենքը կմնա մեզ մո՛տ։

Միշկա Կոշևոյը վայելչաբար խոսք խնդրեց.

— Թույլ տվե՛ք, ընկերներ։ Ինձ համար մինչև իսկ քա-

վական զարմանալի է այսպիսի խոսակցութիւններ լսել: Մեզ մտո ռազմական գրութիւնն է թե ոչ:

— էհ, թեկուզև ռազմական, հետո ի՞նչ:

— Իսկ քանի որ ռազմական գրութիւնն է, երկար խոսելն ավելորդ է: Դուրս բեր ու հանձնիր: Բա մենք այդպես չէի՞նք անում, երբ գրավում էինք խախտների գլուղերը:

Լապչենկոն տնտղեց իր փափախը ու վճռականորեն ասաց.

— Ով այս երեք օրում զենքերը չհանձնի, կտրվի ուղտուցի տն դատի և կգնդակահարվի իրրև կոնտր:

Մի ըոպի լուսթիւնից հետո Տամիլինը հազալով, խըռպոտ ասաց.

— Խնդրում ենք իշխանութիւն ընտրել:

Թեկնածութիւններ առաջադրեցին: Մի տասնյակի շափազանուններ ասացին: Զահեղներից մեկը բղավեց:

— Ավդեիչի՛ն:

Սակայն կատակը հաջողութիւն չունեցավ: Առաջինը քվեարկեցին Իվան Ալեքսեևիչին: Անցավ միաձայն:

— Քվեարկութիւնը կարիք չկա շարունակելու, — առաջարկեց Պետրո Մելիխովը:

Ժողովը սիրով համաձայնվեց, ու առանց քվեարկութիւն նախագահի օգնական ընտրվեց Միշկա Կոշևոյը:

Մելիխովներն ու իրիստոնեան ղեռ տուն չէին հասել, երբ Անիկուշկան կես ճանապարհին հանդիպեց նրանց: Թեկ տակ բերում էր հրացանը ու կնոջ գոգնոցով փաթաթած փամփուշտները: Տեսավ կազակներին, ամաչեց, ծլկեց կողքի նրբանցքը: Պետրոն նայեց Գրիգորիին, Գրիգորին՝ իրիստոնեային: Բոլորն էլ, ասես պայմանավորված լինելով, ժպտացին:

XIX

Հայրենի տափաստանով մեկ կազակի նման սրարշավում է արևելյան քամին: Բլրագոգերը լցված են ձյունով: Հեղեղատներն ու յառերը հավասարվել են: Ոչ ճանապարհներ կան, ոչ էլ արահետներ: Շուրջը ամենուրեք քամիների լիզած, սպիտակ ու մերկ հարթավայր: Կարծես մեռած է

տափաստանը: Երբեմնակի բարձունքում թռչում-անցնում է մի ագռավ, հնադարյան, ինչպես այս տափաստանը, ինչպես ամառային ճանապարհին կողքին բարձրացող կուրգանը սպիտակափառ իշխանական գդակով՝ բոլորքը գնդածաղիկներով, ասես կուղբի մորթիով պճնած: Թռչում-անցնում է ագռավը, թեկերով սվսվացնում, ճեղքում օդը, կոկորդային հեծեծող կոնյուն արձակում: Քամին նրա կոնյունը տանում է հեռու-հեռու, և երկար ու տխուր է այն հնչելու տափաստանի վրա՝ ինչպես գիշերային անդորրում պատահաբար շոշափված թավ լարը:

Բայց ձյան տակին այնուամենայնիվ ապրում է տափաստանը: Այնտեղ, ուր սառած ալիքների նման թմբանում է ձյունից արծաթաշող դարձած հերկը, ուր մեռյալ ալիծածանութիւն պես փոված է աշնանից սերմանված հողը, — այնտեղ իր ագահ, կենսալից արմատներով գետնի մեջ մխըրծված, փովել է սառնամանիքից կուշ եկած աշնանացան հացահատիկը: Մետաքսանման-կանաչ, ամբողջովին ծածկված լինելով սառած ցողի արցունքի կալյակներով, նա ցրտատանջ սեղմվում է փուխր սևահողին, սնվում դրա կենարար, սև արյունով ու սպասում գարնան, արևին, որպեսզի ելնի՝ պատռելով կանգնած, ոստայնանման-բարակ, արմատե սառնաձյունը, որպեսզի փարթամորեն դալարի մայիսին: Եվ նա կելնի իր ժամանակին: Նրա մեջ կթփրտան լորերը, նրա վերևում կգեղգեղա ապրիլյան արտույտը: Ու վերստին նրան լույս կտա արևը, ու քամին կօրորի նրան: Եվ դա այնքան ժամանակ, մինչև որ հասունացած, հատիկալից հասկը, հորդ անձրևներից ու վայրագ քամիներից ճմլված, կկախի քիստառատ գլուխը, կընկնի տնտեսատիրոջ գերանդուց, կալում հնազանդորեն կթափի ուռուցիկ, ծանրաքաշ հատիկը:

Դոնի ամբողջ շրջակայքն ապրում էր թաքուն, ճնշված կյանքով: Մոտենում էին հասավոր օրերը: Վրա էին հասնում իրադարձութիւնները: Սև շշուկը Դոնի վերին ավազանից սողաց Զիրի, Ցուցկանի, Խոպերի, Ելանկայի վրայով, մեծ ու փոքր գետերի վրայով, որոնց ափերին փոված էին կազակական խուտորները: Ասում էին, թե սարսափելին ոչ թե ֆրոնտն է, որը անցել էր ալիքի նման ու տարածվել Դոնեցի ափերին, այլ արտակարգ հանձնաժողովներն ու տրիբու-

Նալններն են: Ասում էին, թե օրեցօր նրանց սպասում են ասանիցաներում, թե Միգուլինսկում ու Կազանսկում որպես թե արդեն երեացել են նրանք և կարճ ու անարդար դատ են անում սպիտակների մոտ ծառայած կազակների դեմ: Որպես թե այն հանգամանքը, որ վերին գոնեցիները թողել էին ֆրոնտը, չի ծառայում իբրև արգարացում, իսկ դատը բոլորովին կարճ ու կտրուկ է,— մեղադրանք, մի երկու հարց, դատավճիռ ու գնդացրով գնդակահարություն: Ասում էին, թե Կազանսկում և Շումիլինսկում որպես թե կազակների շատ ու շատ գլուխներ անխնամ ընկած են ցեխերի մեջ... Ճակատայինները ծիծաղում էին միայն. «Սուտ է, դրանք սպաների հեքիաթներ են: Կաղետները վաղուց մեզ Կարմիր բանակով են վախեցնում»:

Լուրերին և՛ հավատում էին, և՛ չէին հավատում: Մինչ այդ էլ խուտորներով մեկ քիչ ստեր չէին պտտվում: Ասեկոսները թուլամորթներին դեպի փախուստ մղեցին: Բայց երբ ֆրոնտն անցավ, քիչ չէին նաև այնպիսիները, ովքեր գիշերները չէին քնում, այնպիսիները, որոնց համար բարձր տաղտուկ էր, անկողինը՝ կոշտ ու հարազատ կինը՝ անհաճելի:

Ոմանք արդեն ցավում էին, որ չէին փախել Գոնի մյուս կողմը, բայց անցածը չես վերադարձնի, ընկած արցունքը չես բարձրացնի...

Տատարսկում կազակները երեկոները հավաքվում էին նրբանցքներում, խոսում նորություններից, հետո էլ գնում էին տնետուն՝ արաղ խմելու: Հանդարտ ու դառն էր ապրում խուտորը: Սսի ուտիքի սկզբին միայն մի հարսանիքի բոժոժները զնգզնգացին. Միշկա Կոշևոյը քրոջը մարդու տվեց: Ու դրա մասին էլ կծու ծաղրանքով էին խոսում:

— Միթամ ժամանակ գտան ամուսնանալու: Երևի զոռեւ էր:

Իշխանության ընտրություններից հետո մյուս օրը խուտորը զինաթափվեց մինչև վերջին տունը: Մոխովի տանը, որ զբաղեցրել էր ռեկոմը, տաք հաշտը և միջանցքը լցրին զենքերով: Պետրո Մելեխովը նույնպես տարավ իր և Գրիգորիի հրացանները, երկու նագան և մի թուր: Եղբայրները իրենց մոտ թողին սպայական երկու նագան, հանձնեցին

միտյն այն, ինչ որ մնացել էր դեռ գերմանական պատերազմից:

Թեթևացած Պետրոն տուն եկավ: Օթախում Գրիգորին թևքերը մինչև արմունկները քշած, քանդում ու նավթով թրջում էր հրացանային երկու փակադակները ժանգոտած մասերը: Հրացանները դրված էին վառարանի պատկեպատեղի մոտ:

— Սրանք արտեղից են.— գարմանքից նույնիսկ կախ ընկան Պետրոյի բեռերը:

— Հերս էր բերել, երբ եկել էր Ֆիլոնովո, ինձ մոտ:

Գրիգորիի նեղացած ականախոտոններում խաղացին լուսատուիկները: Նա քրքջաց՝ նավթոտ ձեռները դնելով կողերին: Ու նույնպես անսպասելի կերպով կտրեց ծիծաղը, գայլի պես կրճեղճացրեց ատամները:

— Հրացաններն ի՞նչ են որ... Գրտե՞ս,— շշնջաց նա, թեպետ տանը ոչ մի կողմնակի մարդ չկար,— հերս այսօր ինձ խոստովանեց.— Գրիգորին դարձյալ զսպեց ծպիտը,— նրա մոտ գնդացիր կա:

— Փշում ես, հա՛-ա: Ո՞րտեղից, ինչի՞ համար:

— Ասում է, որ գումակավոր կազակներն են տվել մի տոպրակ մածոնով, իսկ իմ կարծիքով ստում է քոփաղը: Երևի գողացել է: Նա ոնց որ թե աղբը քվորոդ բզեզ լինի,— քաշում-տանում է ամեն բան, ինչ որ չի է՛լ կարողանում տեղից բարձրացնել: Ականջիս ասում է՝ «Գնդացիր ունեժ, թաղված է կալում: Մեջը զսպանակ կա, պետք կգա քյարթավոր կեռերի համար, բայց ես դրան ձեռք չեմ տվել».— «Դա քո ինչի՞ն է պետք»,— հարցնում եմ նրան»: «Մէքս կպավ այդ թանկ զսպանակին, կարելի է պետք գա էլի մի ուրիշ բանի համար: Արժեքավոր բան է, երկաթից է...»

Պետրոն շարացավ, ուզում էր գնալ խոհանոց, հոր մոտ, բայց Գրիգորին խորհուրդ չտվեց.

— Թող Օգնիր սրանք մաքրենք ու հավաքենք: Ի՞նչ պիտի իմանաս նրանից:

Հրացանների փողերը սրբելիս Պետրոն երկար ֆսֆսում էր, հետո էլ մտազբաղ ասաց.

— Գուցեն դա ճիշտ է... պետք կգա: Թող մնա:

Այդ օրը Իվան Տամիլինը լուր բերեց, թե Կազանսկում

գնդակահարութիւններ են տեղի ունենում: Վառարանի մոտ ծխեցին, խոսեցին: Խոսակցութեան ժամանակ Պետրոն համառորեն մտածում էր ինչ-որ բանի մասին: Նա, ինչպես միշտ, դժվարութեամբ էր մտածում, ճակատին քրտնքի ուլունք էր դուրս գալիս: Տամիլիների գնալուց հետո նա հայտարարեց.

— Հիմի կերթամ Ռուբեթին, Յաշկա Յոմինի մոտ: Լսել եմ, որ այսօր իր տնեցիների մոտ է: Ասում են, որ օկրուգային ուսուցիչը նրա ձեռքին է, ինչքան չլինի, դատարկ շոտում մի քոթուկ է: Կխնդրեմ, որ եթե մի բան պատահի, պաշտպանի մեզ:

Պանտելեյ Պրակոֆևիչը զամբիկը լծեց լայն ու քաց սահակին: Դարյան հագավ նոր մուշտակը ու ինչ-որ երկար փսփսաց Իլլինիչնայի հետ: Նրանք միասին աճապարեցին դեպի ամբարը, այնտեղից դուրս եկան մի կապոցով:

— Այդ ի՞նչ է, — հարցրեց ծերունին:

Պետրոն լուռ էր, իսկ Իլլինիչնան կամացուկ, արագ արագ վրա տվեց.

— Ես այստեղ յուզ եմ դրել, պահել էի, հարկավոր կլինեք: Իսկ հիմի յուզն ի՞նչ ենք անում, տվի Դարյային, թող նվեր տանի Յոմինի կնկան, կարելի է Յոմինը պետք կգա Պետյուշկային, — ու լացեց. — ծառայեցին, ծառայեցին, կյանք չխնայեցին, իսկ հիմի նրանց ուսադիրների համար մեկ էլ տեսար...

— Սո՛ւս, կշկշան, — Պանտելեյ Պրակոֆևիչը մտրակը բարկութեամբ շարտեց խոտի մեջ, մոտեցավ Պետրոյին, — Դու նրան ցորեն-մորեն խոստացիր:

— Ցորենը նրա ինչի՞ն է պետք, — ջղայնացավ Պետրոն, — դուք, ապի, ավելի լավ է գնայիք Անիկուշկայի մոտ, արաղ առնելք, թե չէ — ցորեն:

Պանտելեյ Պրակոֆևիչը փեշի տակ դուլլանոց սափորով արաղ բերեց, գովեց այն.

— Անտեր մնա, լավ արաղ է, հա՛ւա: Ոնց որ Նիկոլի արաղ լինի:

— Դու արդեն համը տեսա՞ր, ա՛յ քավթառ բողար, — նրա վրա բղավեց Իլլինիչնան. բայց ծերունին որպես թե չլսեց, ջահելավարի, կաղ-կաղ մտավ տուն՝ կատվի պես

կկոցելով աչքերը, տնքալով ու թեքով սրբելով արաղից վառված շրթունքները:

Պետրոն սահնակը քշեց բակից և հյուրի պես բաց թողեց դարպասը:

Նա իր կողմից է՛լ էր նվեր տանում հիմա մեծահզոր, իրեն ծառայակից մարդուն, — բացի արաղից, մի կոստյումացու մինչպատերազմյան շեփոտ, սապոգներ ու մի ֆունտ բարձր տեսակի թանկ թեյ: Այդ բոլորը նա ձեռք էր բերել կիսկիում, երբ 28-րդ գունդը կովով գրավեց կայարանը ու ցրվեց վագոններն ու պահեստները թալանելու... Այդ նույն ժամանակ գրավված գնացքում նա վերցրել էր կանացի սպիտակեղենով լցված մի զամբյուղ: Դա ուղարկել էր ռազմատակեղենով լցված մի զամբյուղ: Դա ուղարկել էր ռազմաճակատ ժամանած հոր հետ: Ու Դարյան, մեծ նախանձ առաջացնելով Նատալյայի և Դունյաշկայի մեջ, պճնվում էր մինչ այդ շտեմնված սպիտակեղենով: Արտասահմանյան ամենանուրբ կտավը ձյունից էլ սպիտակ էր, յուրաքանչյուր կտորի վրա մետաքսով հյուսված էին ինչ-որ գերբ և անունազգանունների սկզբնատառեր: Կանացի վարտիքների ժանյակները Դոնի փրփուրից էլ ավելի փարթամ էին: Դարյան ամուսնու ժամանելուց հետո առաջին գիշերը պառկեց այդպիսի վարտիքով:

Լույսը հանգցնելուց առաջ Պետրոն ներողամտութեամբ ժպտաց.

— Տղամարդու ոտաշո՞ր ես վերցրել ու հագել:

— Սա ավելի տաք ու սիրուն է, — երազկոտ պատասխանեց Դարյան. — ամա ես բան չեմ հասկանում, թե որ սա տղամարդու ոտաշոր լինեք, ավելի երկար կլինեք: Բա հաշիան... սա տղամարդու ինչի՞ն է պետք:

— Երեկ ազնվական տղամարդիկ հաշիայով փոխան են հագնում: Է՛հ, ի՛նձ ինչ, հագիր, — քնաթաթախ քորելով մարմինը, պատասխանեց Պետրոն:

Այդ հարցը նրան առանձնապես չէր հետաքրքրում: Բայց հետագա օրերին, պառկելով կնոջ կողքին, արդեն զգուշաբար մի կողմ էր քաշվում, ակամա հարգանքով ու անհանգրստութեամբ նայում ժանյակներին, վախենում էր դրանց թեկուզ մի քիչ դիպչելուց ու Դարյայի նկատմամբ իրեն թի խորթացած էր զգում: Նա այնպես էլ չընտելացավ այդ

սպիտակեղենին: Երրորդ գիշերը, շարանալով, վճռականորեն
ասաց.

— Դեն գցիր քո այդ ոտաշորը, է՛: Դա կնկան չի սազում
և իսկի էլ կնկա ոտաշոր չի: Պառկել ես ոնց որ խանում-
խաթուն. դրանով դու ոնց որ թե օտար լինես:

Առավոտյան նա Դարյայից շուտ վեր կացավ: Հազալով
ու նոթերը կիտելով, փորձեց հագնել կանացի վարտիքը:
Երկար ու աշալուրջ նայեց կապերին, ժանյակներին ու ծընկ-
ներից ներքև իր մերկ, մազոտ ոտներին: Շուտ եկավ, ու
հայելու մեջ անսպասելիորեն տեսնելով իր կերպարանքը ու
ետևի փարթամ ծաւերը, թրեց, մոթմոթաց՝ «գրո՛ղը տանի»,
արջի շարժումներով ցած գցեց լայն-լայն վարտիքը: Մի ոտի
մեծ մատը խճճվեց ժանյակների մեջ, քիչ մնաց նա ընկներ
սնդուկի վրա, ու արդեն լուրջ կերսյով զայրացած, պատ-
ռեց կապերը, ազատվեց վարտիքից: Դարյան քնաթաթախ
հարցրեց.

— Ի՞նչ ես անում:

Պետրոն նեղացած ու լուռ էր, ֆսֆսում էր ու հաճախ-
կի թքում: Իսկ վարտիքը, որ հայտնի չէր ինչ սեռի համար
էր կարված, Դարյան հենց նույն օրը, հոգոջ հանելով, ծա-
լեց ու դրեց սնդուկի մեջ (այնտեղ կային ուրիշ շատ իրեր,
կանանցից ոչ ոք չգիտեր, թե դրանք ինչպես պետք էր
օգտագործել): Այդ բարդ իրերից հետագայում պետք է կըրծ-
կալներ կարվեին: Իսկ յուրկաները Դարյան օգտագործեց.
Հայտնի չէ ինչի համար դրանք կարճ էին, բայց դրանց խո-
րամանկ տիրուհին վերևից այնպես սարքեց, որ տակի յուր-
կան վրայի երկար յուրկայից ավելի երկար լինի, որ կես
բառորդաչափ երևան ժանյակները: Ու Դարյան սկսեց շախ-
անել, հոլանդական ժանյակով ավելի հողե հատակը:

Ու հիմա էլ, ամուսնու հետ հյուր գնալով, նա փարթամ
ու շքեղ էր հագնվել: Զրասամուլրի մորթիով եզրազարդված,
Դոնի մուշտակի տակից յուրկայի ժանյակներն էլ էին երև-
վում, վրայի բրդե յուրկան է՛լ լավորակ ու նոր էր, որպես-
զի Յոմինի կնիկը, որ երեկ-մեկէլ օրը խանում-խաթուն էր
դարձել: Հասկանար, որ Դարյան հասարակ կազակուհի չէ:
այլ ինչքան չիինի, աֆիցերի կնիկ է, հա՛-ա:

Պետրոն թափահարում էր մտրակը, ճպճպացնում շըր-

թունքները: Հաստափոր, մազաթափ կոնակով զամբիկը
շորորալով վազում էր տրորված ճանապարհով, Դոնի վը-
րայով: Ճաշին ժամանեցին Ռուբեժին: Յոմինը խսկապես որ
տանն էր: Նա լավ ընդունեց Պետրոյին, նստեցրեց սեղանի
մոտ, ժպտաց շիկավուն բեղերի տակին՝ երբ նրա հայրը
Պետրոյի սահնակից, որ եղյամով էր պատած, բերեց խոտի
կտորտանքով ծածկված սափորը:

— Հը՛, մե՛ր տղա, այդ ո՞նց է որ աչքդ չես դարձնում
մեր կողմը,— ծոր տալով, հաճելի ու թավ ձայնով ասաց
Յոմինը՝ կնամուղի իր լայնադիր կապույտ աչքերը հառելով
Դարյայի վրա, ու փքվելով՝ ոլորեց բեղը:

— Ինքդ գիտես, Յակով Եֆիմիչ, զորամասեր էին գա-
լիս ու գնում, լուրջ ժամանակ է...

— Այդպես է, հա: Ա՛ կնիկ, դու մեզ բերելի վարունգ,
քյալամ, Դոնի շորացրած ձուկ:

Նեղիկ խրճիթում խիստ տաք էր: Վառարանի վրա պառ-
կած էին երեխաները—հոր նման, նույնպիսի կապույտ,
լայնադիր աչքերով մի տղա ու մի աղջիկ: Խմելուց հետո
Պետրոն անցավ գործին:

— Խոտորներում ասում են, թե եկել են շեկաները,
ձեռք են գցում կազակներին:

— Տասնհինգերորդ ինգենյան դիվիզիայի տրիբունալը
եկել է Վեշենսկայա: է՛հ, ի՞նչ կա որ: Քեզ ի՞նչ վնաս:

— Բա ո՞նց, Յակով Եֆիմիչ, դուք էլ գիտեք,— սպա եմ
համարվում: Ախր ես ի՞նչ սպա եմ որ:

— Լավ, ուրեմն ի՞նչ:

Յոմինը իրեն գրույթյան տեր էր զգում: Հարբածույթունը
նրան ինքնավստահ ու պարծենկոտ էր դարձրել: Նա շարու-
նակ ծանր ու մեծ տեսք էր ընդունում, թիմարում բեղերը,
նայում աչքի տակով, տիրաբար:

Փորձելով նրան, Պետրոն որք էր ձևանում, ստորացած
ու քծնաբար ժպտում, բայց «դուք»-ից աննկատելիորեն ան-
ցավ «դու»-ին:

— Ես ու դու միասին ենք ծառայել: Դու չես կարող ի՛մ
մասին վատ բան ասել: Ես իսկի հակառակ եղե՞լ եմ: Ո՛չ մի
ժամանակ: Թող աստված պատժի, եթե ես միշտ էլ կա-
զակների կողմը չեմ եղել:

— Մենք գիտենք: Դու, Պետրո Պանտելեկիչ, կասկած մի տանի: Մենք բոլորի անուններն էլ իմացել ենք: Քեզ ձեռք չին տա: Բայց մենք ոմանց ձեռք կզցենք: Կբռնենք ոմանց բկից: Այստեղ շատ իժեր են նստած: Մնացել են, ամա մտքերը ծուռն են: Թաքցնում են զենքերը... Դու քո զենքերը հո հանձնե՞լ ես, հը՞:

Յոմինը դանդաղկոտ ճառից այնքան արագ անցավ գրոհին, որ Պետրոն մի բոպե շփոթվեց, արյունը նկատելիորեն խփեց դեմքին:

— Դու հո հանձնե՞լ ես, ասա, է՛,— վրա էր տալիս Յոմինը՝ թեքվելով սեղանի վրա:

— Հանձնել եմ, իհարկե, Յակով Եֆիմիչ, դու չկարծես թե... Ես սրտաբաց եմ:

— Սրտաբա՞ց: Մենք գիտենք ձեզ... Ինքս այստեղացի եմ,— նա հարբածորեն աչքով արավ, բացեց տափակ ատամներով լայն բերանը,— հարուստ կազակին մի ձեռքով բարև տուր, մյուս ձեռքումդ դանակ պահիր, թե չէ կխփի... Շնե՛ր: Դուզ մարդիկ չկան: Ես շատ մարդ եմ տեսել: Դավաճաններ: Բայց դու մի վախենա, քեզ ձեռք չեն տա: Խոսքս խոսք է:

Դարյան սառնախաչ էր անուշ անում, քաղաքավարությունից համարյա հաց չէր ուտում: Տանտիրուհին ջանադրությամբ հյուրասիրում էր նրան:

Արդեն իրիկնադեմին Պետրոն մեկնեց հուսադրված և ուրխ:

Պետրոյին ճանապարհ գնելով, Պանտելեյ Պրակոֆևիչը գնաց այցելելու խնամի Կորշունովին: Նա կարմիրների գալուց առաջ եղել էր վերջինի մոտ: Լուկինիչնան այն ժամանակ Միտկային ճանապարհ էր գցում, տանը իրարանցում ու խառնափնթորություն էր: Պանտելեյ Պրակոֆևիչը իրեն ավելորդ զգալով՝ գնացել էր: Իսկ այս անգամ որոշել էր գնալ և իմանալ, թե արդյո՞ք ամեն ինչ բարեհաջող է, և, ի դեպ, Կորշունովի հետ դարդ դարդի տալով, խոսել վրա հասած ժամանակների մասին:

Նա շուտ չհասավ խուտորի մյուս ծայրը: Մերացած և

արդեն մի քանի ատամ կորցրած Գրիշակա պապին նրան դիմավորեց բակում: Կիրակի էր, ու պապին գնալու էր եկեղեցի՝ երեկոյան ժամասացության: Պանտելեյ Պրակոֆևիչի ոտները թուլացան, երբ նա նայեց խնամուն. վերջինիս չկոճկած մուշտակի տակից երևում էին թուրքական պատերազմի համար ստացած բոլոր խաչերն ու ռեզալիաները (զահանշանները), հնամյա համզգեստի կանգնած օձիքի վրա հանդգնաբար փայլում էին կարմիր մերակները, ծերունու վրա լավ շնստած, լամպասավոր շալվարի ծայրերը կանոնավոր կերպով դրված էին սպիտակ գուլպաների մեջ, իսկ գլխին, հենց մինչև մոմագույն, խոշոր ականջները դրված էր գդականիշով կարտուզը:

— Այդ ի՞նչ է, պապի, հո խելքդ չե՞ս կորցրել, խնամի ջան: Ախր հիմի ո՞վ է խաչ ու գդականիշ կրում:

— Հը՞,— Գրիշակա պապին ձեռքը դրեց ականջին:

— Գդականիշդ, ասում եմ, հանիր: Խաչերդ էլ հանիր: Դրանց համար քեզ կձերբակալին: Սովետական իշխանության օրով չի կարելի դրանք կրել, օրենքը արգելում է:

— Ես, աղբեր, հավատով ու ճշմարտությամբ ծառայել եմ իմ սպիտակ թագավորին: Իսկ այս իշխանությունը աստծուց չէ: Ես դա իշխանություն չեմ ճանաչում: Ես Ալեքսանդր թագավորին եմ երդում տվել, իսկ մուժիկներին երդում չեմ տվել. այդպես:— Գրիշակա պապին ծամծամեց խամրած շըրթունքները, սրբեց կանաչ երանգավորված բեղերը ու հենակը պարզեց տան կողմը:— Դու Միրոնի մո՞տ ես եկել, հը՞: Նա տանն է: Իսկ Միտյուշկային մենք ճանապարհ ենք դրել, նա հեռացել է: Թող նրան պահպանի երկնային թագավորը... Քո տղաները մնացե՞լ են, հը՞: Բա ո՞նց է... Ա՛յ թե ինչ տեսակ կազակներ դուրս եկան: Բա որ երդում են տվել զորայն ատամանի՞ն: Զորքը մարդկանց կարիք ունի, իսկ նրանք մնացել են կնանոց մոտ... Նատալյուշկան ողջ-առո՞ղջ է:

— Ողջ է... Ետ դառ խաչերդ հանիր, խնամի: Հիմի դրանք թուլատրելի չեն: Տե՛ր աստված, հո չե՞ս գժվել, խեղճամի:

— Դեհ, տեր ընդ քեզ: Ինձ սովորեցնելու համար հլաքահել ես: Գնա:

Գրիշակա պապին քայլեց հենց դեպի խնամին, ու վեր-

ջինս նրան ճանապարհ տվեց՝ շավիղից անցնելով ձյան մեջ. հտ նայեց, անհուսալի օրորեց գլուխը:

— Մեր զինվորին տեսա՞ր: Ա՛մա պատիժ է, հա՛ւա: Աստված առել է նրա խելքը:— Միրոն Գրիգորեկիչը, որ նկատելիորեն նիհարել էր այդ օրերին, վեր կացավ խնամուն դիմավորելու:— Կախ տվեց իր զանգուլակները, ծածկեց գդականիշով գլխարկը ու գնաց: Չոռով էլ չես հանի դրանք: Բոլորովին երեխա է դարձել, ոչինչ չի հասկանում:

— Թող ուրախանա, շատ հո չի ապրելու... էհ, ո՞նց են մերոնք: Մենք լսեցինք, որ իբր թե անարխիստները նեղություն են տվել Գրիշային, հա՛ւ:— Լուկինիչնան նստեց կազակների մոտ, կզակը տխրությամբ դրեց ձեռքին:— Միզ մոտ. խնամի, տես թե ինչ փորձանք պատահեց... Չորս ձի տարան, թողին մատակ ձին ու բաշը խուզած քուռակը: Տնաքա՛նդ արեցին:

Միրոն Գրիգորեկիչը կկոցեց մի աչքը, կարծես նշան էր բռնում ու, հուզվելով, կուտակված կատաղությամբ ասաց.

— Իսկ ինչո՞ւ կյանքը փուլ եկավ: Ո՞վ է պատճառը: Ահա այս սատանի իշխանությունը: Նա է մեզավզբ ամեն բանի համար, խնամի: Բոլորին հավասարեցնե՛լ, բա գա լինելու՞ բան է: Հոգիս էլ հանես չեմ համաձայնվի: Ես ամբողջ կյանքումս աշխատել եմ, մեք ծռել, քրտնքի մեջ լողացել, ու հիմի պիտի հավասա՞ր ապրեմ նրա հետ, ով մատն էլ չի շարժվել կարիքից ազատվելու համար: Չէ, աղբեր, հլա մի քիչ կսպասենք: Այս իշխանությունը տնտես մարդու դամարներն է կտրում: Դրա պատճառով էլ ձեռներս թուլանում են. հիմի էլ ինչո՞ւ դատել, ո՞ւմ համար աշխատել: Այսօր կդատես, էգուց կգան ու քո դատածը կխլեն... Հա, խնամի, մի բան է՛լ. անցած օրը Մրիխին խուտորից ինձ մոտ եկավ ինձ հետ ծառայած մի մարդ, խոսակցություն ունեցանք... Ֆրոնտը հո հեռու չի, Դոնեցի մոտն է: Մի՞թե կզիմանա: Ես, գրուստն ասած, հուսալի մարդկանց բացատրում եմ, որ մենք պետք է օգնենք մերոնց, որոնք Դոնեցի մյուս կողմն են...

— Ո՞նց օգնել. — անհանգստությամբ, հայտնի չէ ինչու, շնչալով հարցրեց Պանտելեյ Պրակոֆեկիչը:

— Ոնց օգնե՛լ: Կոխացնել այս իշխանությանը: Ու ալն-

պես կոխացնել, որ նա էլի ընկնի հենց Տամբովի նահանգը: Թող այնտեղ մուժիկների հետ հավասարություն անի: Ես ամբողջ գուշքս կտամ մինչև վերջին թելը, միայն թե ոչնչացվեն այդ թշնամիները: Պետք է, խնամի, պետք է մարդկանց խելքի բերել: Ժամանակն է: Թե չէ ուշ կլինի... Սառայակիցս ասում էր, որ նրանց մոտ էլ են կազակները հուզվում: Միայն թե միաբանությամբ սկսենք գործը. — ու անցավ արագ, խեղդվող շնչոցին. — զորամասերն անցել-գնացել են, իսկ ինչքա՞ն են մնացել նրանցից: Մի քանի մարդ, էլի՛: Խուտորներում հենց միայն նախագահներն են... նրանց գլուխները թոցնելը գատարկ բան է: Իսկ վեշկիում ի՞նչ կա որ... Բոլորս էլ որ վրա տանք, կտոր-կտոր կանենք: Մերոնք չեն թողնի, որ կարչենք, կմիանանք... Հաստատ գործ է, խնամի:

Պանտելեյ Պրակոֆեկիչը վեր կացավ: Կշռադատելով խնամու ասածները, զգուշությամբ խորհուրդ տվեց.

— Տես, կսկաս, փորձանք կբերես: Կազակները թեկուզ և տատանվում են, ամա սատանան գիտի, թե ոնց կվարվեն: Այդ գործերի մասին հիմի չի կարելի ամեն մարդու հետ խոսել... Ձահեղներին իսկի չի կարելի հասկանալ, ոնց որ թե աչքակապուկ են խաղում: Մեկը հեռացել է, մյուսը մնացել: Դժվարացել է կյանքը: Հո կյանք չի, տանջանք է:

— Մի՛ կասկածիր, խնամի, — ներողամտությամբ ժրպտաց Միրոն Գրիգորեկիչը, — ես կողմնակի մարդուն չեմ ասի: Մարդիկ ու ոչխարները մեկ են. դուք ուր որ գնա, ամբողջ հոտը կհետևի նրան: Ուրեմն հարկավոր է նրանց ճանապարհ ցույց տալ: Պետք է նրանց աչքերը բաց անել այս իշխանության հանդեպ: Թե որ ամպ չլինի, կայծակն էլ չի խփի: Ես կազակներին ուղղակի ասում եմ՝ պետք է ապստամբել: Լուր կա, որ նրանք հրաման են տվել՝ բոլոր կազակներին տեղափոխել: Դա ինչպե՞ս պիտի հասկանալ:

Միրոն Գրիգորեկիչի պեպնոտ դեմքը կարմրեց:

— Տարա՛ն: Հիմի ո՞նց կլինի, Պրակոֆեկիչ: Ասում են, որ գնդակահարություններ են սկսվել... Սա ի՞նչ կյանք է: Տես, թե ոնց ամեն բան կործանվեց այս տարիներին: Նավթ չկա, լուցկի չկա, վերջին օրերումը Մոխովը միայն կոնֆես էր ծախում... Բա ցանքե՞րը: Առաջվա դիմաց ինչքա՞ն են

ցանում: Ձիերը հավաքեցին: Տարան ինձանից, մյուսից... Տանել գիտեն, հա, իսկ ո՞վ պիտի բուծի: Առաջ մենք, ես դեռ տղա էի, ութսունվեց ձի ունեհինք: Երևի միտդ է, չէ՞: Այնպիսի ձիեր ունեհինք, որ նստեիր, կալմիկի ետևից էլ կհասնեիր: Այն ժամանակ շալդիկ ճակատով մի շեկո ձի ունեհինք: Ես նրանով նապաստակներ էի ոտնատակ տալի: Թամքը դնում, նստում ու գնում եմ տափաստան, քոլերի միջից փախցնում եմ նապաստակին ու հարյուր սաժեն էլ դենը չեմ թողնում,— ձիուս ոտների տակ եմ գցում: Երեկվա պես հիշում եմ.— Միրոն Գրիգորեկի ղեմքով սահեց ջերմ ժպիտը.— Մի անգամ այդպես զնացի քամու աղացնե-րի կողմը, մտիկ եմ անում,— նապաստակը վազ է տալի հենց իմ կողմը: Սլացա նրա վրա, իսկ նա պտույտ արավ, փախավ ներքև ու անցավ Դոնը: Դա բարեկենդանին էր: Քամին ձյունը քշել-հավաքել էր Դոնի վրա, սառույցն էլ սըլկուն էր: Ես ընկա նապաստակի ետևից, ձին սլկաց, ամբողջ թափով ընկավ ու զարկվեց սառույցին ու շարձբացրեց գլուխը: Ես դողում էի: Հանեցի թամքը, վազ տվի տուն: «Ապի, ձին տակիցս ընկավ ու սպանվեց: Նապաստակի ետևից էի ընկել»:— «Հասա՞ր»:— «Ձէ»:— «Թամքիր սևուկին, հասիր նրա ետևից, շան որդի»: Ա՛յ թե ինչ ժամանակներ էին: Ո՞նց էին ապրում կազակ կնանիքը,— քեֆ էին քաշում: Ձին սպանվեց, դա հե՛շ, հարկավոր է նապաստակի ետևից հասնել: Ձիու գինը հարյուր մանեթ էր, նապաստակինը՝ երկու շահի... է՛հ, ո՞ր մեկն ասեմ:

Պանտելեյ Պրակոֆեկիչը խնամու տնից դուրս եկավ է՛լ ավելի շփոթված, անհանգստությունում ու դարդով ամբողջովին թունավորված: Հիմա նա արդեն լիակատար շափով զգում էր, որ իրեն թշնամի ինչ-որ ուրիշ ուժեր են ձեռնամուխ եղել կյանքի կառավարման: Եվ եթե առաջ նա իր տնտեսությունն ու կյանքը վարում էր ինչպես ձիարշավի ժամանակ լավ մարզված ձիուն, արգելքների վրայից թռչելիս, ապա այժմ կյանքը նրան տանում էր ինչպես կատաղած-փրփրած մի ձի, ու ինքը արդեն չէր վարում նրան, այլ ակամա ուտոտում էր նրա ցնցվող կոնակի վրա ու ողորմելի շանքեր թափում, որ չընկնի:

Գալիքը մշուշով էր պատած: Վաղո՞ւց էր արդյոք, որ Միրոն Գրիգորեկիչը շրջակայքում ամենահարուստ տնտեսատերն էր: Բայց վերջին երեք տարիները քայքայեցին նրա հզորությունը: Մշակները թողին-հեռացան, ինք անգամ պակասեց ցանքը, հարբածի նման երերվեց, արժեքազրկված փողով գոմ ու ախոռից գնացին եզներն ու ձիերը: Ամեն ինչ կարծես երազում լիներ: Ու անցավ ինչպես հոսուն մշուշը Դոնի վրա: Իբրև հիշատակ, մնացել էր միայն տունը՝ գեղազարդ պատշգամբով ու խունացած, քանդակավոր քիվերով: Սպիտակությունը ժամանակից առաջ գունափոխեց կորշունովի մորուքի աղվեսային շիկակարմրությունը, անցավ քունքերին ու ապաստանեց այնտեղ,— սկզբում փունջփունջ՝ ինչպես ոլոռնաթուփը ավազահողում, հետո էլ հազթահարեց շիկակարմիր գույնը, ու աղի սպիտակությունը քունքերի վրա տեր ու տիրական դարձավ. ու արդեն նեղելով շիկակարմրությունը, մազերը մեկ-մեկ հափշտակելով, իր տիրությունը տարածեց ճակատից վերև: Հենց իրեն, Միրոն Գրիգորեկիչի մեջ էլ կատաղաբար պայքարում էին այդ երկու հիմունքները... Ընդվզում էր շիկակարմիր արյունը, քշում աշխատանքի, ստիպում ցանք անել, մարագներ կառուցել, նորոգել ինվենտարը, հարստանալ. բայց թախիծը ավելի ու ավելի հաճախ էր այցելում.— «Ինչի՞ համար հարստություն դիզել: Կկորչի».— ու ամեն ինչ գունավորում էր անտարբերության սպիտակ, մեռելային գույնով: Ձեռների դաստակները, որ սարսափելի էին իրենց այլանդակությամբ, առաջվա պես չէին վերցնում մուրճը կամ ձեռքի սղոցը, այլ պարապ ընկնում էին ծնկներին՝ շարժելով աշխատանքից այլանդակված, կեղտոտ մատները: Ձախորդ ժամանակը ծերություն բերեց: Ու հողը խորթացավ: Գորնանը դեպի հողն էր գնում ինչպես շտրված կնոջ մոտ,— իբրև սովորություն, պարտականություն: Ու դատում էր առանց ուրախության ու դատածից զրկվում առանց նախկին տիրության... Կարմիրները տարան ձիերը, իսկ նա ցույց էլ չտվեց, թե ցավում է: Իսկ երկու տարի առաջ քիչ մնաց եղանով խոցեր կնոջը մի դատարկ բանի համար,— եզները կոխկրտել, փշացրել էին դեզը: «Կորշունովը զխտվում էր ու

կշտանում, հիմի կերածը ետ է տալի», — նրա մասին ասում էին հարևանները:

Պանտելեյ Պրակոֆեիչը կաղ-կաղ հասավ տուն, պառկեց մահճակալի վրա: Սրտի գդալը ցավում էր, սուր սրտախառնուքը բռնում կոկորդը: Իրիկնահաց ուտելով, նա պառավին խնդրեց աղած ձմերուկ բերել: Կերավ մի պատառ, սկսեց դողալ, հազիվ հասավ մինչև վառարանը: Առավոտյան դեմ նա արդեն ընկած էր ուշաթափ, տիֆի տաքությամբ բռնըված, անզգայացած: Նրա արյունոտված շրթունքները ճաք-ճքում էին, երեսը դեղնել էր, աչքերի սպիտակուցները պատել էին կապույտ էմալով: Գրոզդիխա տատիկը նրանից արյուն առավ, — ձեռքի երակից երկու ափսե, կպրի պես սև արյուն քամեց: Բայց ծերուկի գիտակցությունը չվերագարձավ, միայն դեմքը կապտավուն գունատություն առավ ու ավելի լայն բացվեց սև ատամներով բերանը, որը բխկոցով կլանում էր օդը:

XX

Հունվարի 24-ին Իվան Ալեքսեևիչը օկրուգային ուկոմի հրավերով մեկնեց Վեշենսկայա: Երեկոյան նա պետք է վերադառնար: Նրան սպասում էին: Միշկա Կոշևոյը նստել էր Մոխովի ամալի տանը, տանտիրոջ նախկին առանձնասենյակում, երկտեղ մահճակալի պես լայն սեղանի մոտ: Պատուհանի գոգի վրա (սենյակում միայն մի աթոռ կար) կիսապառկել էր Վեշենսկուց ուղարկված միլիցիոներ Օլշանովը: Նա լուռ ծխում էր, հեռու թքում ու ամեն անգամ թուքը ճարտարությամբ գցում բուխարիկի որևէ հախճասալին: Պատուհաններից երևում էր աստղաշող գիշերվա ցոլքը: Սառնամանիքային խուլ անգորրություն էր: Միշկան ստորագրում էր Ստեփան Առտախովի մոտ կատարված խուզարկության արձանագրությունը՝ երբեմնակի նայելով պատուհանից դուրս, թխկինների ճյուղերին, որոնք ծածկվել էին շաքարի պես սպիտակ եղյամով:

Մեկը մուտքի սանդուղքով ներս անցավ՝ մեղմակի ճրագ-ճրագնեղով թաղյակները:

— Եկավ:

Միշկան վեր կացավ: Բայց միջանցքից ուրիշի հազ, ուրիշի քայլեր լսվեցին: Ներս մտավ Գրիգորի Մելեխովը քիպ կոճկած շինելով, սառնամանիքից սիրթնած, հոնքերն ու բեղերը եղյամնակալած:

— Լույսը տեսա, եկա: Բարի աջողում:

— Եկ, գանգատվիր:

— Գանգատվելու բան չկա: Եկա մի քիչ գրուցելու և ասելու, որ մեզանից սալ չուզեն, մեր ձիերը ոտներից հիվանդ են:

— Իսկ եզները.— Միշկան նայեց զուսպ ու շեղակի:

— Եզներով ո՞նց կզնաս: Ծամփեքը սլկուն են:

Մեկը խոշոր քայլերով բարձրացավ մուտքի սանդուղքից՝ ճքճքացնելով դրա սառած տախտակները: Իվան Ալեքսեևիչը յափնջիով ու բաշլուղը կնկա պես գլխին փաթաթած, ներս ընկավ սենյակ: Նրանից հորդեց թարմ, ցուրտ օդը, խոտի ու ծխախոտի մշահոտը:

— Մրսել եմ, մրսել, տղերք... Գրիգորի, բարև: Ի՞նչ ես գիշերով թրև գալի... Սատանան է հնարել այս յափնջին. միջից քամի է փչում, ոնց որ մաղ լինի:

Հանվեց ու դեռ յափնջին շկախած՝ սկսեց խոսքը.

— էհ, ես տեսա նախագահին:— Իվան Ալեքսեևիչը փայլող աչքերով, ուրախ մոտեցավ սեղանին: Նա անհամբերությամբ ուզում էր պատմել:— Մտա նրա կարիները: Նա ինձ ձեռք տվեց ու ասում է՝ «նստեցեք, ընկեր»: Օկրուգի նախագահն է այդ ասում, հա՛-ա: Իսկ առաջ ո՞նց էր: Մի գենեթալ-մայո՞ր: Նրա առաջ ո՞նց պետք էր կանգնել: Ահա նա, մեր սիրելի իշխանությունը: Բոլորն էլ հավասար են:

Նրա աշխուժացած, երջանիկ դեմքը, սեղանի մոտ անհանգիստ նստելը և այդ ցնծալից խոսքերը Գրիգորիի համար անհասկանալի էին: Գրիգորին հարցրեց.

— Ի՞նչն է քեզ ուրախացրել, Ալեքսեև:

— Ո՞նց թե ինչը.— Իվան Ալեքսեևիչի կզակի փոս քնկած տեղը ցնցվեց.— Ինձ մարդու տեղ գրին, բա ես ո՞նց չուրախանամ: Ձեռք տվեց ինձ իբրև հավասարի, նստեցրեց...

— Գեներալները նույնպես վերջին ժամանակներս ըսկըսել են պարկերից կարված շապիկներով ման գալ.— Գրիգորին ձեռքի կողով շտկեց բեղը, կկոցեց աչքերը.— Մեկի վրա ես թանաքե մատիտով գծված ուսադիրներ եմ տեսել: Նրանք է՛լ էին կազակներին ձեռք տալիս...

— Գեներալները ստիպված էին այդպես անել, իսկ սըրբանք բնությունից են այդպես անում: Տարբերություն կա՞:

— Տարբերություն չկա՛.— Գրիգորին օրորեց գլուխը:

— Քո կարծիքով ուրեմն իշխանությունն է՛լ նույնն է: Ապա ինչի՞ համար էինք կովում: Հենց դու, ինչի՞ համար էիր կովում: Գեներալների համար: Բա ասում ես՝ «նույնն է»:

— Ես ինձ համար էի կովում և ոչ թե գեներալների համար: Եթե ճիշտն ասենք, նրանք էլ, սրանք էլ իմ խղճին հակառակ են:

— Բա ովքե՞ր:

— Ոչ ոք:

Օլշանովը թքեց ամբողջ սենյակի միջով, համակրանքով ծիծաղեց: Երևի նրա խղճին էլ ոչ ոք չէր բավարարել:

— Դու առաջ կարծես թե այդպես չէիր մտածում:

Միշկան այդ ասաց Գրիգորիին խայթելու նպատակով, բայց վերջինս բոլորովին էլ ցույց չտվեց, որ այդ դիտողությունը շոշափել է իրեն:

— Ես էլ, դու էլ, մենք բոլորս էլ տարբեր կերպով էինք մտածում...

Իվան Ալեքսեևիչը ուզում էր Գրիգորիին դուրս անելուց հետո Միշկային ավելի մանրամասն հաղորդել իր ճանապարհորդության և նախագահի հետ ունեցած զրույցի մասին, բայց խոսակցությունը սկսեց հուզել նրան: Առանց երկար մտածելու, օկրուզում իր տեսածի ու լսածի թարմ տպավորության տակ նա վեճի բռնվեց:

— Դու եկել ես մեր գլուխը տանելու՞, Գրիգորի: Դու ինքդ էլ չգիտես, թե ինչ ես ուզում:

— Չգիտեմ,— սիրով համաձայնեց Գրիգորին:

— Ինչո՞վ պիտի նախատես այս իշխանությունը:

— Իսկ դու ինչո՞ւ ես նրան պաշտպանում: Այդ ո՞ր ժամանակներից է, որ դու այդպես կարմրել ես:

— Այդ մասին չխոսենք: Հիմի ինչպես որ կամ, այն եմ: Հասկացա՞ր: Իշխանությունն էլ շատ մի շոշափիր, որովհետև ես նախագահ եմ ու այստեղ ինձ վայել չի քեզ հետ վիճել:

— Եկ թողնենք վեճը: Ես արդեն պետք է գնամ: Եկել էի, որ խոսեմ մեզանից սայլ վերցնելու մասին: Իսկ քո իշխանությունը,— ինչ ուզում ես ասա,— գարշելի իշխանություն է: Դու ինձ ուղղակի ասա, ու մենք կվերջացնենք խոսակցությունը,— նա ի՞նչ է տալիս մեզ, կազակներին:

— Ո՞ր կազակներին: Կազակները նույնպես տարբեր են:

— Բոլորին, ովքեր որ կան:

— Ազատություն, իրավունքներ... Բայց դու կաց... Սպասիր, դու ինչ-որ...

— Այդպես էին ասում տասնյոթ թվին, հիմա հարկավոր է նոր բան մտածել,— ընդհատեց Գրիգորին,— տալիս է հո՞ղ, ազատություն, հավասարեցնո՞ւմ է... Մենք այնքան հո՞ղ ունենք որ: Ավելի շատ ազատություն պետք չի, թե չէ մարդիկ փողոցում իրար կկոտորեն: Ատամաններին մենք էինք ընտրում, իսկ հիմի նշանակում են: Ո՞վ է ընտրել նըրան, որը քեզ ուրախացրել է ձեռք տալով: Այս իշխանությունը կազակներին ոչինչ չի տա բացի տնաքանդությունից: Մուժիկական իշխանություն է, հենց մուժիկներին էլ հարկավոր է նա: Բայց մեզ գեներալներն էլ հարկավոր չեն: Կոմունիստներն է՛լ, գեներալներն է՛լ միևնույն լուծն են:

— Հարուստ կազակներին հարկավոր չի, բա մյուսաներին: Սարսաղի մե՛կը: Խուտորում հարուստները երեքն են, իսկ չքավորները: Բա բանվորներին ինչ կանես: Չէ, ես ու դու չենք կարող այդպես դատել: Թող հարուստ կազակները իրենց կուշտ բերանից մի պատառ կտրեն ու տան սովածին: Իսկ եթե չտան, միսն էլ հետը կպոկենք: Հերի՛ք է պանություն անել: Թալանել են հողը...

— Ոչ թե թալանել են, այլ նվաճել են: Մեր պապերը արյունով են ողողել այն, գուցեև դրանից է, որ մեր սևահողը պտղաբեր է:

— Միևնույն է, չքավորին պետք է բաժին հանել: Հավասարեցնել ոնց որ պետք է: Իսկ դու դատարկ բաներ ես ասում: Քամին որ կողմը փչե. այն կողմն ես դառնում անց

ար կատարի հողմացույցը: Այնպիսի մարդիկ, ինչպիսի դու, պղտորում են կյանքը:

— Կայ, մի՛ հայհոյիր: Ես հին բարեկամութեան հիման վրա եկել էի խոսելու, ասելու այն, ինչ որ ետում է կրծքիս տակ: Դու ասում ես՝ հավասարեցնել... Բողոքներն էլ հենց դրանով են գրավել տգետ մարդկանց: Լավ խոսքեր թափեցին, ու մարդը գնաց ոնց որ ձուկը դեպի խայծը: Բա ո՞ւր մնաց այդ հավասարությունը: Վերցրու Կարմիր բանակը. ա՛յ, գնում էին մեր խուտորի միջով: Դասակապետը խրոմե սապոգներով է, իսկ բանակայինը փաթաթաններով: Մի կոմիսար տեսա, ամբողջովին կաշի էր հագել, շալվարն էլ, տուժուրկան էլ կաշվից էին, իսկ մեկ ուրիշի կոշիկները համար էլ կաշին չի հերիքում: Հլա դեռ նրանց իշխանության մի տարին է անցել, իսկ երբ նրանք արմատավորվեն, էլ ո՞ւր կմնա հավասարությունը... Յրոնտում ասում էին՝ «Բոլորս էլ հավասար կլինենք: Հրամանատարներն ու զինվորները միևնույն ուժիկը կստանան»... Չէ՛: Խայծ է միայն: Եթե պանը վատ է, գյաղայից պան դարձածը հարցուր անգամ ավելի վատ է: Որքան էլ մուռտառ էին սզաները, բայց հենց որ մի որևէ խուժան սպա է դառնում, — պառկիր ու մեռիր, նրանից վատը չկա: Նա նույնպիսի կրթություն ունի, ինչպես և կազակը, — սովորել է եզների պոչը պտտել, ամա արի ու տես, որ մարդ է դառել, իշխանությունից հարբել ու պատրաստ է ուրիշի կաշին քերթել, միայն թե պինդ նստած մնա իր տեղում:

— Քո խոսքերը կոնտր են, — սառն ասաց Իվան Ալեքսեևիչը, բայց չնայեց Գրիգորիին, — դու չես կարող ինձ քո հավատին բերել, իսկ ես չեմ էլ ուզում քեզ վերափոխել: Ես քեզ վաղուց շեմ տեսել ու չեմ սխալվում, — դու օտարացել ես: Դու սովետական իշխանության թշնամին ես:

— Քեզանից այդ չէի սպասում... Թե որ ես մտածում եմ իշխանության համար, ուրեմն կո՞նտր եմ, կաղե՞տ եմ:

Իվան Ալեքսեևիչը Օլշանովից վերցրեց ծխախոտի տոպրակը, արդեն ավելի մեղմ ասաց.

— Ես ո՞նց կարող եմ քեզ համոզել: Մարդիկ իրենց խելքով են դրան հասնում: Սրտով են հասնում: Ես իմ ազիտությունն ու քիչ գրագիտության պատճառով չեմ կարող բա-

նը կարգին բացատրել: Ու շատ բաների շոշափելով եմ հասնում...

— Վերջացրե՛ք, — ցասկոտ գոչեց Միշկան:

Գործկոմից միասին դուրս եկան: Գրիգորին լուռ էր: Լուսնից ճնշվելով, շարդարացնելով ուրիշի դեգերումները, — որովհետև դրանցից հետո էր և ուրիշ կուրգանից էր նայում կյանքի վրա, — Իվան Ալեքսեևիչը հրածեղտ տալու ժամանակ ասաց.

— Դու այգպիսի մտքերը քո մեջ պահիր: Թե չէ, թեկուզ և դու ծանոթ ես ինձ և ձեր Պետրոն ինձ քավոր է գալի, բայց ես քո դեմ միջոցներ կգտնեմ: Չպետք է կազակներին տատանել, նրանք առանց այդ էլ տատանվում են: Իսկ դու մի փակիր մեր ճամփան: Ոտի տա՛կ կտանք... Մնաս բարով:

Գրիգորին քայլում էր այնպիսի մի զգացումով, որ կարծես թե մի որևէ օրհնք էր խախտել, և այն, ինչ որ անորոշ էր թվում, անսպասելիորեն պատկերվեց առավելագույն պայծառությամբ: Էսպես ասած՝ նա տաքացած վիճակում միայն արտահայտել էր այն, ինչի մասին մտածում էր այդ օրերին, ինչ որ կուտակվել էր իր մեջ ու ելք էր փնտրում: Եվ որովհետև նա կանգ էր առել երկու սկզբունքների պայքարի սահմանում, երկուսն էլ ժխտելով, նրա մեջ ծնունդ առավ խուլ, անզսպելի ջղայնությունը:

Միշկան ու Իվան Ալեքսեևիչը միասին էին գնում: Իվան Ալեքսեևիչը նորից պատմեց օկրուգի նախագահի հետ հանդիպելու մասին, բայց երբ սկսեց խոսել, թվաց, որ գույներն առաջվա տրամադրությունը ու չկարողացավ. զգում էր ինչ-որ մի արգելք, որը խանգարում էր ուրախ ապրելուն, ցուրտ, թարմ օդը թոքերով կլանելուն: Արգելքը Գրիգորին էր, նրա հետ եղած խոսակցությունը: Վերհիշեց, ատելությամբ ասաց.

— Այնպիսիները, ինչպես Գրիշկան է, տուրուղմբոցի ժամանակ սոսների տակ թպրտում են միայն: Չի հասնում ավի ու լող է տալի ոնց որ կովի թրիքը սառցածակի մեջ: Թե որ էլի եկավ, կվռնդեմ վզակոթին տալով: Իսկ թե սքի ազիտացիա անել, մենք կնստեցնենք նրան: Հա, իսկ դու, Միշատկա, ի՞նչ կասես: Ո՞նց են գործերը:

Միշկան ինչ-որ մտքերով տարված, ի պատասխան մի-
այն հայհոյանք թափեց:

Անցան մի թաղ, ու Կոշեղը դարձավ դեպի Իվան Ալեք-
սևիչը, նրա գիրգ, աղջկական շրթունքների վրա դեգերում
էր շփոթված ժպիտը:

— Ա՛յ թե ինչ բան է քաղաքականությունը, Ալեքսեև-
վիչ,— չար է, գրողը տանի: Ինչի մասին էլ որ խոսես, այս-
պես արյուն չես պղտորի: Բայց ահա Գրիշկայի հետ խոսակ-
ցություն սկսվեց... Ախր ես ու նա ընկերներ ենք, դպրոցում
միասին ենք սովորել, աղջիկների ետևից ընկել, նա ինձ
համար աղբոր տեղ է... Բայց ահա սկսեց գլխից դուրս խոսել,
ու ես այնքան չարացա, ուղղակի սիրտս ուռավ, ոնց որ թե
կրծքիս տակ ձմերուկ դարձավ: Գողն ընկել է ջանս: Ասես
նա ինձնից մի բան է խլում, ամենասիրելի բանը: Ասես
նա ինձ թալանում է: Այսպես, նման խոսակցության ազդե-
ցությամբ մարդ էլ կմորթես: Այս պատերազմի մեջ խնամի ու
աղբեր չկա: Ճամփեղ գտել ես, գնա:— Միշկայի ձայնը դո-
ղաց անհանդուրժելի վիրավորանքից:— Ես նրա վրա ձեռքս
խլած ոչ մի աղջկա համար այնպես չեմ բարկացել, ինչպես
այդ խոսքերի համար: Ա՛յ թե բանը որտեղ հասավ:

XXI

Ձյունն իջնում էր և տեղնուտեղը հալչում: Կեսօրին զա-
ռիթափերից խուլ աղմուկով թափվում էին ձյան նստվածք-
ները: Դոնի մյուս կողմում աղմուկ էր անտառը: Կաղնիներ-
րի բները հալչում էին, սևանում: Ճյուղերից պոկվում էին
կաթիլները, ձյունը ծակում մինչև գետինը, որը տաքացել էր
թափված տերևների փտող ծածկոցի տակ: Արդեն զգաց-
վում էր գարնան, ձյունահալքի արբեցուցիչ բույրը, այդի-
ներում բուրոս էին բալենիները: Դոնի վրա սառցածակեր
բացվեցին: Ափերի մոտ սառույցը տեղի տվեց, ու կանաչ,
ջինջ ջրաշերտերը լցրին ու ծածկեցին սառցածակերը:

Մի գումակ, որ պարկերի պաշար էր տանում դեպի Դոն,
Տատարսկում պետք է փոխեր սայլերը: Ուղեկցող կարմիր-
բանակայինները ճարպիկ տղաներ էին: Ավագը մնաց Իվան
Ալեքսևիչին հսկելու. այդպես էլ հայտարարեց նրան.
«Կնստեմ քեզ հետ, դու, ո՞վ գիտես, կարելի է փախչես»:

Իսկ մնացածներին ուղարկեց սայլեր գտնելու: Հարկավոր
էր ճարել քառասունյոթ երկձի սայլ: Եմելյանը Մեկեխովնե-
րին էլ հասավ:

— Լծեցեք, պետք է արկեր տանել Բոկովսկայա:

Պետրոն բեղն էլ շարժեց, փնթփնթաց.

— Ձիերը ոտներից հիվանդ են, իսկ զամբիկով ես երեկ
վիրավորներ տարա Վեշենսկայա:

Եմելյանը առանց մի խոսք ասելու գնաց ախոռ: Պետրոն
գլխաբաց դուրս թռավ ու վազեց նրա ետևից, բղավեց.

— Լսո՞ւմ ես, կա՛ց, է՛... Գուցե ձե՞ռք քաշես:

— Գուցե թողնե՞ս սարսաղությունը.— Եմելյանը շատ
լուրջ նայեց Պետրոյին, ավելացրեց.— Ուզում եմ մտիկ անել
ձեր ձիերին, այդ ի՞նչ հիվանդություն ունեն: Հո մորճով
պատահամա՞ր կամ դիտամա՞ր չե՞ք ջարդել խաղերը: Դու ի՞մ
աչքին թող մի փշի: Ես այնքան ձի եմ տեսել, որքան դու՝ ձիու
թրիք: Լծի՛ր: Ձիերը կամ եզները— միևնույն է:

Գրիգորին գնաց սայլի հետ: Մեկնելուց առաջ մտավ խո-
հանոց. համբուրելով երեխաներին, հապճեպ վրա տվեց.

— Ընծաներ կբերեմ, իսկ դուք այստեղ խելոք կացեք, լսե-
ցեք մայրիկին:— Ու դիմեց Պետրոյին.— Դուք իմ մասին
չմտածեք: Ես հեռու չեմ գնա: Թե որ Բոկովսկուց ավելի հե-
ռու քշեն, կթողնեմ եզները ու ետ կգամ: Միայն թե խուտոր
չեմ մտնի: Ժամանակ կանցկացնեմ Սինգինում, մորաքրոջս
մոտ... Իսկ դու, Պետրո, մեկ-մեկ այցելիր... Մի քիչ վախե-
նում եմ այստեղ սպասելուց,— ու քմծիծաղ տվեց:— Դեհ,
ողջ-առողջ լինեք: Նատաշկա, մի՛ տխրի:

Մոխովի խանութի մոտ, որ պարենի պահեստ էր դար-
ձել, բարձեցին արկերով լեցուն արկղերը, ճանապարհվեցին:

«Նրանք կովում են, որ ավելի լավ ապրեն, իսկ մենք
կովում էինք մեր լավ կյանքի համար,— շարունակ այդ
մասին էր մտածում Գրիգորին եզների հավասարաչափ, օրո-
րուն քայլերին ունկնդրելով, սահնակի վրա կիսապառկած,
կապան գլխին քաշած:— Միայն թե արդարություն չկա
կյանքում: Երևում է, որ ով ում հաղթի, նրան էլ կուլ
կտա... Իսկ ես հիմար արդարությունն էի փնտրում: Հոգիս
ցավում էր, դես-դեն էի ընկնում... Հնում, գիտենք, թաթար-
ները նեղում էին Դոնը, գալիս էին հողը խլելու, մարդկանց

գերելու: Հիմի էլ Ռուսիան: Չէ, ես չեմ հաշտվի: Նրանք օտար են ինձ ու բոլոր կազակներին: Կազակները հիմի ուշքի կգան: Թողին ֆրոնտը, իսկ հիմի ամեն մեկը ինձ պես ախ է անում, ամա ուշ է»:

Մոտակայքում ճանապարհամերձ քոլերը, ալեձև: բլրաշատ տարածությունը, թփոտ ձորակները սողում էին դեմուդեմ, իսկ հեռվում ձյունապատ դաշտերը պտտվելով, սահնակի հետ համընթաց դեպի հարավ էին գնում: Ճանապարհը ձգվում էր անվերջ, ճնշում ձանձրույթով, քուն էր բերում:

Գրիգորին ծուլորեն բղավում էր եզների վրա, ննջում, շուտով էր գալիս կապված արկղերի կողքին: Մխելով, երեսը դրեց խոտին, որից շոր իշառվույտի և հունիսյան օրերի քաղցր բույրն էր զգացվում, ու աննկատելիորեն քնեց: Երազում Ակսինյայի հետ քայլում էր բարձր կանգնած, շքուշուն արտերում: Ակսինյան գրկի մեջ գուրպուրանքով տանում էր երեխային, կողքից նայում Գրիգորին հսկող, առկայծուն հայացքով: Իսկ Գրիգորին լսում էր իր սրտի բաբախումը, հասկերի մեղմօրոր շրջունը, տեսնում էր խոտաբույսերի հեքիաթային պճնանքը արտերի սահմանում, երկնակամարի շինջ կապտությունը: Նրա մեջ ծաղկում, եռում էր սիրո զգացմունքը, նա Ակսինյային սիրում էր առաջվա մաշող սիրով, նա այդ զգում էր ամբողջ մարմնով, սրտի յուրաքանչյուր զարկով ու միկնույն ժամանակ գիտակցում, որ դա արթմնի վիճակում չէ, որ իր աչքերի առաջ մեռյալ անդունդ է, որ դա երազ է: Եվ ուրախանում էր երազով, այն ընդունում իբրև կյանք: Ակսինյան նույնն էր, ինչ որ հինգ տարի առաջ, բայց ներթափանցված էր զսպվածությամբ, մի փոքր սառն էր: Գրիգորին այնպիսի կուրացուցիչ պայծառությամբ, որպիսին երբեք չէր եղել իրականության մեջ, տեսնում էր նրա մազերի ճոխ օղակները պարանոցի վրա (քամին օրորում էր դրանք), սպիտակ գլխաշորի ծայրերը... Նա արթնացավ ցնցումից, զգաստացավ ձայներից:

Դեմուդեմ, նրանց կողքից անցնելով, բազմաթիվ սահնակներ էին գնում:

— Ի՞նչ եք տանում, հայրենակիցներ, — խուպոտ բղավեց Գրիգորիի առջևից գնացող Բողոմիկովը:

Ճոճուճ էին սահնակների կողերը, եզների ունելիքանման կճղակները կրճկրճոցով ճգմում էին ձյունը: Հանդիպակաց սահնակների վրա մարդիկ երկար լուռ էին: Վերջապես, մեկը պատասխանեց.

— Մեռելներ, տիֆից մեռածներ...

Գրիգորին բարձրացրեց գլուխը: Անցնող սահնակների վրա գորշ շինելներով դիակներ էին կուտակված, բրեզենտով ծածկված: Գրիգորիի սահնակի կողերը փոսից անցնելիս խփեցին անցնող մի սահնակից ցցված ձեռքին, և դա խուլ, թուշի ձայն արձակեց... Գրիգորին անտարբերությամբ դեմքը շուռ տվեց:

Իշառվույտի քաղցրամեղցր, գրավող բույրը քուն բերեց, Գրիգորիի երեսը դարձրեց դեպի կիսամոռացված անցյալը, ստիպեց մի անգամ էլ սրտով հավել անցած զգացմունքի սուր սայրին: Խոցող ու միկնույն ժամանակ քաղցր ցավ զգաց Գրիգորին՝ դարձյալ ընկնելով սահնակին, թուշը հպելով իշառվույտի դեղին ոստին: Հուշերից հուզված սիրտը արյունով էր լցվում, զարկում անհամաչափ ու երկար վանում քունը:

XXII

Խուտորի ուկրոմի շուրջ խմբվեցին մի քանի հոգի, — գլանիչ Դավիդկան, Տիմաֆեյը, Մոխովի նախկին կառապան Ծմեկյանը ու շեշոտ կոշկակար Ֆիլկան: Հենց դրանց վրա էլ հենվում էր Իվան Ալեքսեևիչը իր առօրյա աշխատանքում, օրեցօր ավելի շատ զգալով խուտորից իրեն բաժանող անտեսանելի պարիսպը: Կազակները այլևս չէին գնում ժողովներին, իսկ եթե գնում էին, ապա լուկ այն դեպքում, երբ Դավիդկան ու մնացածները վազ էին տալիս խուտորով մեկ, տեսնուն: Գալիս էին, լուռ, ամեն ինչի հետ համաձայնվում: Զգալիորեն գերակշռում էին երիտասարդները: Բայց սրանց մեջ էլ համակրողներ չէին լինում: Իվան Ալեքսեևիչը հրապարակում ժողովն անցկացնելիս տեսնում էր քարե դեմքեր, խորթ, թերահավատ աչքեր, ծուռ հայացքներ: Դրանից սառնություն էր առաջանում նրա սրտում, թախ-

ծում էին աչքերը, ձայնը դառնում էր թույլ ու անվստահ: Չեշտ Ֆիլիան մի անգամ լրջորեն ասաց.

— Խուտորից մենք բաժանված ենք, ընկեր Կոտլյարով: Ժողովուրդը թարսացել է, դիվոտել: Երեկ գնացի, որ սահնակներ վերցնեմ վերավոր կարմիրբանակայիններին Վեշկի տանելու համար, ոչ մեկը չի գնում: Բաժանվածների համար մի տան մեջ ապրելը ծանր է ...

— Բայց խմում են սարսաղավարի,— վրա բերեց Եմելյանը՝ թքոտելով փաթաթած թութունի թուղթը,— ամեն մի տանը արաղ են քաշում:

Միշկա Կոշևոյը թթվում էր, իր մտքերը թաքցնում մյուսներից, բայց նա էլ չհամբերեց: Երեկոյան տուն գնալիս դիմեց Իվան Ալեքսեևիչին.

— Ինձ հրացան տուր:

— Ինչի՞ համար:

— Ա՛յ քեզ բան: Վախենում եմ դատարկ ձեռքերով գնալ: Թե՞ ոչինչ չես տեսնում: Ես կարծում եմ, որ պետք է մի քանիսին... Պետք է ձերբակալել Գրիգորի Մելիխովին, ձերուկ Բուդիրևին, Մատվեյ Կաշուլինին, Միրոն Կորշունովին: Նրանք, այդ ի՞ժերը, ինչ-որ փսփսում են կազակների ականջներին... Սպասում են, որ Դոնեցի մյուս կողմից գան յուրայինները:

Իվան Ալեքսեևիչը թոթվեց ուսերը, անուրախ շարժեց ձեռքը:

— Է՛-է, եթե այստեղ քարշ տալը սկսենք, շատ փսփսացողներ պիտի քարշ տանք: Մարդիկ թրե են գալի... Ոմանք էլ համակրում են մեզ, միայն թե Միրոն Կորշունովի կողմն են նայում: Վախենում են, որ նրա Միտկան կգա Դոնի մյուս կողմից ու կգզի իրենց բուրդը:

Կյանքը կտրուկ շրջադարձ կատարեց: Մյուս օրը մի հեծյալ սուրհանդակ Վեշենսկուց հրամանագիր բերեց՝ ռազմատուգանք դնել ամենահարուստ տների վրա: Խուտորին կոնտրոլ թիվ էին տվել,— քառասուն հազար ռուբլի: Բաժանեցին: Անցավ մի օր: Հավաքվեց երկու պարկ փող,— տասնութ հազար ռուբլուց մի քիչ ավելի՝ ռազմատուգանք: Իվան Ալեքսեևիչը հարցում արավ օկրուգին: Այնտեղից ուղարկեցին երեք միլիցիոներ և հրամանագիր՝ ռուսականացանք

չվճարողներին ձերբակալել և հսկողության տակ ուղարկել Վեշենսկայա: Չորս բիձայի ժամանակավորապես նստեցրին Մոխովի տան գետնահարկը, ուր առաջ խնձորներն էին ձմեռում:

Խուտորը անհանգստացած մեղվանոցի էր նմանվում: Կորշունովը կտրականապես հրաժարվեց վճարելուց՝ պինդ պահելով էժանացած փողը: Սակայն նրա համառ էլ եկավ լավ կյանքին մնաս բարով ասելու ժամանակը: Օկրուգից ժամանեցին երկու մարդ,— տեղական գործերի քըննիչը,— Վեշենսկու մի երիտասարդ կազակ, որը ծառայել էր 28-րդ գնդում, և մի ուրիշը, որը կաշվե կուրտկայի վրայից քուրք էր հագել: Նրանք ներկայացրին ռևորիբունալի մանդատները, Իվան Ալեքսեևիչի հետ փակվեցին կաբինետում: Քննիչի ուղեկիցը, տարեց ու գլուխը սափրած մի մարդ, գործիմացույթյաժք ասաց.

— Օկրուգում հուզումներ են նկատվում: Մնացած սպիտակ գվարդիականությունը գլուխ է բարձրացնում ու սկսում շփոթեցնել աշխատավոր կազակությանը: Անհրաժեշտ է հեռացնել այն ամենը, ինչ որ առավելապես թշնամի է մեզ: Եկեք ցուցակագրենք սպաներին, տերտերներին, ատամաններին, ժանդարմներին, հարուստներին, բոլոր նրանց, ովքեր ակտիվորեն պայքարել են մեր դեմ: Օգնիր քննիչին: Նա ոմանց ճանաչում է:

Իվան Ալեքսեևիչը նայում էր մաքուր սափրված, կնոջական գեմքին. թվիլով ազգանունները, հիշատակեց Պետրո Մելիխովին, բայց քննիչը բացասաբար օրորեց գլուխը.

— Նա մեր մարդն է, Ֆոմինը խնդրել է նրան ձեռք չըտալ: Բուլշևիկորեն է տրամադրված: Մենք նրա հետ ծառայել ենք քսանութերորդ գնդում:

Սեղանի վրա էր Կոշևոյի ձեռքով գրված, սողած թղթի մի թերթ, որը պոկված էր աշակերտական տետրակից:

Իսկ մի քանի ժամից հետո Մոխովի ընդարձակ բակում, կաղնու գերանների վրա, միլիցիոներների հսկողության տակ արդեն նստել էին ձերբակալված կազակները: Սպասում էին տներից ստելիք բերելուն և իրերը տանելու սահնակին: Միրոն Գրիգորևիչը նոր հագուստը խնամքով հագած, դարազած կաշվե կիսաբոլորակով, քոշերով ու մաքուր, սպիտակ գուլ-

պաներով, շավարի ծայրերը դրանց մեջ դրած, նստել էր ծայրից, Բոգատիրյով պապի ու Մատվեյ Կաշուլինի կողքին: Փշան Ավդեիչը անհանգիստ քայլում էր բակում, մերթ աննպատակ նայում ջրհորի մեջ, մերթ բարձրացնում մի որևէ տաշեղ ու էլի քայլում մուտքի սանդուղքից դեպի բակի դուռը, թևքով սրբում խնձորի պես կարմիր, քրտնակալած դեմքը:

Մնացածները լուռ նստած էին: Գլուխները կախած, հենակներով խազում էին ձյունը: Կնանիքը հեկուկ, վազեվազ մտնում էին բակը, կապոցներ, տոպրակներ էին տալիս ձերբակալվածներին, փսփսում էին: Լացակումած Լուկինիչնան կոճկում էր իր ծերուկի կիսամուշտակը, նրա օձիքը կապում կնկա սպիտակ լաշակով, ու նայելով նրա մարած, ասես մոխրով պատած աչքերին, ասում էր.

— Դարդ մի՛ արա, Գրիգորիչ: Կարելի է բանը լավ կլվերջանա: Ի՞նչ ես այդպես խեղճացել: Տե՛ր աստված... — Հեկեկանքի ծամածոռությունը երկարացնում, տափակ ձգում էր Լուկինիչնայի բերանը, բայց նա ձիգ անելով սեղմում էր շրթունքները, շշնջում. — Կգամ տեսնելու... Կքերեմ Գրիպկային, դու հո նրան շատ ես խղճում...

Դարպասից բղավեց միլիցիոները.

— Սահնակը եկավ: Տեղավորել տոպրակները ու շարվե՛լ: Կնանիք, դեն քաշվեցեք, կարիք չկա այստեղ թացություն առաջացնել:

Լուկինիչնան իր կյանքում առաջին անգամ համբուր՛ց Միրոն Գրիգորևիչի շիկամազ ձեռքը, կտրվեց նրանից:

Եզան սահնակը հրապարակի միջով դանդաղ սողաց դեպի Դոն:

Յոթ հոգի կալանավորները ու երկու միլիցիոներ քայլում էին սահնակի ետևից: Կապելով քոշը, Ավդեիչը ետ մնաց և ապա ջահելի պես վազ տվեց սահնակին հասնելու: Մատվեյ Կաշուլինը քայլում էր որդու կողքից: Մայրանիկովը և Կարալյովը քայլելիս ծխում էին: Միրոն Գրիգորևիչը բռնել էր սահնակի թթոցից: Բոլորի ետևից ծանր ու մեծ քայլածքով գնում էր ծերունի Բոգատիրյովը: Հանդիպական քամին ծածանում, ետ էր գցում սպիտակ, նահապետական մորուքի:

Ճայրերը, ու ասես հրածեշտ տալով՝ թափահարում էր ուսերին գցած շարֆի ծոպերը:

Փետրվարյան այդ նույն ամպամած օրը արտասովոր մի բան պատահեց:

Վերջին ժամանակներում խուտորում սովորական էր դարձել օկրուզից զինվոր մարդկանց ժամանելը: Ոչ ոքի չհետաքրքրեց այն, որ հրապարակում երևաց երկձի մի սահնակ՝ կառապանի կողքին ցրտից կուչ եկած մի ճամփորդով: Սահնակը կանգ առավ Մոխովի տան մոտ: Ճամփորդը իջավ, նա անշտապ շարժումներով, տարեց մի մարդ էր: Շտկեց հեծելագորային երկար շինելի վրայից կապած զինվորական գոտին, ականջներից բարձրացրեց կազակական կարմիր, մորթե գլխարկի ականջակալները, ու մաուզերի փայտե տուփը բռնած, առանց շտապելու բարձրացավ մուտքի սանդուղքով:

Ռեկոմնոմ գտնվում էին Իվան Ալեքսեևիչը ու երկու միլիցիոներ: Եկվորը ներս մտավ առանց դուռը ծեծելու, շեմքի մոտ շփեց ալեխառն, կարճ ու լայնատարած մորուքը. թավ ձայնով ասաց.

— Նախագահին եմ ուզում տեսնել:

Իվան Ալեքսեևիչը կտրացած, թունային հայացքով նայում էր եկվորին, ուզում էր վեր կենալ, բայց չկարողացավ: Նա ձկան պես միայն բաց էր անում բերանը, հորանջում ու մատներով տնտղում բազկաթոռի քերքրված կողերը: Մերացած Շտոկմանը կազակական ականջավոր գդակի կարմիր, անհեթեթ բոլորքի տակից նայում էր նրան. Շտոկմանի նեղդիր աչքերը, շճանաչելով, նայում էին Իվան Ալեքսեևիչին, ու հանկարծ դողալով, կկոցվեցին, պայծառացան, անկյուններից կնճիռների ոտտայններ սահեցին դեպի ալեզարդ քունքերը: Նա մոտեցավ Իվան Ալեքսեևիչին, որ դեռ չէր կարողացել վեր կենալ, վստահորեն գրկեց նրան, ու համբուրեով, թաց մորուքը հպելով նրա դեմքին, ասաց.

— Գիտեի: Մտածում էի՝ եթե կենդանի է մնացել, Տատարսկում նախագահ կլինի:

— Օսիպ Դավիդիչ, զարկ... Զարկ ինձ, շան որդու: Զեմ հավատում աչքերիս, — լացակումած ասում էր Իվան Ալեքսեևիչը:

Արցունքներն այնքա՛ն շէին սազում նրա աննական թուփ դեմքին, որ նույնիսկ միլիցիոները շուտ տվեց դեմքը:

— Իսկ դու հավատա,— ժպտալով ու իր ձեռները մեղձ մակի ազատելով Իվան Ալեքսեևիչի ձեռներից, ասաց Շտոկմանը:— Այս Ի՞նչ է, քեզ մոտ աթոռ է՞լ չկա նստելու:

— Նստիր այն բազկաթոռին... Բա դու ո՞րտեղից բուսար, ասա, է՛:

— Եկա բանակի քաղբաժնի հետ... Տեսնում եմ, որ դու ոչ մի կերպ չես ուզում հավատալ, որ ես—ես եմ: Ա՛յ քեզ զարմանալի մարդ:

Ժպտալով, ձեռքը թփթփացնելով Իվան Ալեքսեևիչի ծընկին, Շտոկմանը արագ-արագ վրա տվեց.

— Ամեն ինչ էլ շատ պարզ է, աղբերս: Այստեղից ինձ տարան, դատապարտեցին, աքսորավայրում դիմավորեցի ռևոլյուցիան: Մի ընկերոջ հետ կարմիր գվարդիա կազմակերպեցինք, կովեցի Գուտովի ու Կոլշակի դեմ: Է-է՛, բարեկամս, այնտեղ ուրախալի գործեր եղան: Հիմա, գիտե՞ս, մենք նրան քշել ենք Ուրալից դեմը: Եվ ահա ես ձեր ֆրոնտումն եմ: Ութերորդ բանակի քաջբաժինը ինձ ուղարկեց ձեր օկրուզը՝ աշխատանքի համար, որպես մի մարդու, որը մի ժամանակ ապրել է այստեղ, այսպես ասած՝ ծանոթ է պայմաններին: Եկա Վեշենսկայա, ռեկոմում խոսեցի մարդկանց հետ և առաջին հերթին որոշեցի մեկնել Տատարսկիե Արի,— մտածում եմ,— ապրեմ նրանց մոտ, աշխատեմ, օգնեմ գործը կազմակերպելուն, իսկ հետո կգնամ: Տեսնո՞ւմ ես, հին բարեկամությունը չի մոռացվում: Լավ, մենք դրան ղեկ կանդրադառնանք, իսկ այժմ եկ խոսենք քո մասին, դրություն մասին, ինձ կծանոթացնես մարդկանց ու իրադրությունյան հետ: Խուտորում բջիջ կա՞: Ովքե՞ր են քեզ մոտ: Ովքե՞ր են կենդանի մնացել: Դեհ, Ի՞նչ արած, ընկերներ... ինձ ու նախագահին մի ժամով թողեք միասին: Փո՛ւ, գրողը տանի, խուտոր մտա թե չէ, հնի հոտն առա... Այո, ինչպիսի՞ ժամանակ էր առաջ և ինչպիսի՞ն է հիմա... Դեհ, պատմիր:

Երեք ժամից հետո Միշկա Կոշևոյը և Իվան Ալեքսեևիչը Շտոկմանին տարան նրա հին բնակարանը,— շլդիկ Լուկեշկայի տունը: Քայլում էին ճանապարհի դարչնագույն մակե-

րեսով: Միշկան հաճախ բռնում էր Շտոկմանի շինելի թևքից, կարծես վախենալով, որ ահա Շտոկմանը կանջատվի ու կըջանա կամ կանհետանա ուրվականի նման:

Լուկեշկան իր հին կենվորին կերակրեց շլիով, նույնիսկ հնությունից ծակծկված մի կտոր շաքար հանեց սնդուկի մի գաղտնի անկյունից:

Բալինու տերևներով պատրաստված թեյից հետո Շտոկմանը պառկեց վառարանի պառկելատեղում: Նա լսում էր երկուսի խճողված պատմությունները, հարցեր էր տալիս, կրճտում մուշտուկը և արդեն լուսադեմին աննկատելիորեն քնեց՝ ծխախոտը պցելով ֆլանելի կեղտոտ շապկի վրա: Իվան Ալեքսեևիչը դեռ տասը ըրպե շարունակեց խոսել, ուշքի եկավ՝ երբ իր հարցին Շտոկմանը խոմփոցով պատասխանեց, ու դուրս եկավ՝ քայլելով ոտների մատների վրա, արտասովելու շափ կարմրելով կոկորդից ժայթքող հազը զսպելու փորձերից:

— Հանգստացա՞ր,— կամացուկ, ասես խոուտից ծիծաղելով, հարցրեց Միշկան, հենց որ իջավ մուտքի սանդուղքից:

Օլշանովը, որ ձերբակալվածներին տարել էր Վեշենսկայա, կեսգիշերին վերադարձավ ուղեկից սահնակով: Նա երկար ծեծեց այն սենյակի պատուհանը, որտեղ քնած էր Իվան Ալեքսեևիչը: Արթնացրեց:

— Ի՞նչ կա,— դուրս գալով հարցրեց քնից դեմքը ուռած Իվան Ալեքսեևիչը,— ինչի՞ ես եկել, ծրա՞ր կա:

Օլշանովը խաղացրեց մտրակը:

— Կազակներին գնդակահարեցին:

— Փշում ես, Ի՞ժ:

— Մենք նրանց տեղ հասցրինք, միանգամից հարցաքննեցին ու դեռ օրը չմթնած, տարան սոճուտը... Ինքս տեսա:

Չկարողանալով ոտները հեշտություն մտնելու թաղակների մեջ, Իվան Ալեքսեևիչը հագնվեց, վազեց Շտոկմանի մոտ:

— Այսօրվա մեր ուղարկածներին գնդակահարել են Վեշ-

կիւմ: Ես կարծում էի, թե նրանց բանտարկութիւնն կտան, իսկ այդպես ո՞նց կլինի... Այդպիսով մենք այստեղ ոչինչ չենք անի: Ժողովուրդը կհեռանա մեզանից. Օսի՛ պ Դավիթո-վիչ... Այստեղ բանն այնպես չէ, ինչպես որ պետք է: Ի՞նչ կարիք կար ոչնչացնել մարդկանց: Հիմի ի՞նչ կլինի:

Նա սպասում էր, որ իրեն պես Շտոկմանն էլ կվրդովվի պատահած դեպքից, կվախենա հետեանքներից, բայց Շտոկմանը դանդաղ հագնելով շապիկը, դրա միջից գլուխը հանելով, ասաց.

— Դու մի գոռա: Կզարթեցնես տանտիրուհուն...

Հագնվեց, ծխեց, խնդրեց մի անգամ էլ պատմել, թե ինչ պատճառներով էին ձերբակալվել յոթ հոգին, հետո մի փոքր սառն տոնով ասաց.

— Դու պետք է ըմբռնես ա՛յ թե ինչ, և պետք է լավ ըմբռնես: Փրոնտը գտնվում է մեզանից հարյուր հիսուն վերստ հեռու: Կազակութեան հիմնական մասսան դեպի մեզ թշնամաբար է տրամադրված: Եվ դա այն պատճառով է, որ ձեր կուլակները, կազակ կուլակները, այսինքն ատամանները և այլ վերնախավը աշխատավոր կազակութեան աշքում ահագին հեղինակութիւն ունեն, այսպես ասած՝ կշիռ ունեն: Ինչո՞ւ: Դեհ, պետք է որ սա քեզ համար հասկանալի լինի: Կազակները մի առանձին դաս են, գինվորականութեան են: Սերը դեպի աստիճանները, դեպի «հրամանատար հայրերը» պատվաստվել է ցարիզմի կողմից... Ինչպե՞ս է առաված մի գինվորական երգի մեջ. «Եվ ինչ որ մեզ հրամայեն հայր հրամանատարները, մենք գնում ենք, թրատում, խոցում, խփում»: Այդպե՞ս է թե ինչ: Ա՛յ, տեսնո՞ւմ ես: Իսկ այդ հայր-հրամանատարները հրամայում էին ցբել գործադուր-վոր բանվորներին... Երեք հարյուր տարի շրջանում են կազակների գլուխները: Քիչ չէ: Այո: Իսկ տարբերութեանը, ասենք, Ռյազանի նահանգի կուլակի և Դոնի, կազակ կուլակի միջև շատ մեծ է: Ռյազանի կուլակը, — նրան սեղմել են, — Ֆշում է սովետական իշխանութեան դեմ, անզոր է, վտանգավոր է միայն մութ անկյունից: Իսկ Դոնի կուլակը: Դա գինված կուլակ է: Դա վտանգավոր ու թունավոր իժ է: Ուժեղ է: Նա ոչ միայն կֆշա, մեզ արատավորող լուրեր կտարածի, կբազարտի մեզ, ինչպես ջո ասելով այդ անում

էին Կորշունովը և ուրիշները, այլև կփորձի բացահայտ կերպով գուրս գալ մեր դեմ: Դե իհարկե, նա կվերցնի հրացանը ու կխփի մեզ: Քե՛զ կխփի: Կաշխատի իր ետևից ասենել նաև մնացած կազակներին, այսպես ասած՝ միջակ գույքատեր կազակին և նույնիսկ շքավորին: Նա ձգտում է դրանց ձեռներով խփել մեզ: Ուրեմն ի՞նչ: Բռնվա՞ծ է մեր դեմ գործելիս: Վերջացավ-գնաց: Երկար խոսելու հարկ չկա, — գնդակահարե՛լ: Եվ այստեղ չպետք է մեջտեղ բերել ափսոսանքը, — որպես թե լավ մարդ էր. էլի՛...

— Ես հո չեմ ափսոսում, ի՞նչ ես ասում, — Իվան Ալեքսեևիչը թափահարեց ձեռները, — ես վախենում եմ, որ մնացածները կխրտենն մեզանից:

Շտոկմանը, որ մինչ այդ առերևույթ հանգստութեամբ շփում էր սպիտակավուն մազերով ծածկված կուրծքը, ասացավ, ուժով բռնեց Իվան Ալեքսեևիչի վերնաշապկի օձիքից ու նրան դեպի իրեն քաշելով, արդեն ոչ թե խոսում էր, այլ խոխոացնում՝ խեղդելով հազը.

— Չեն խրտնի, եթե նրանց ներշնչենք մեր դասակարգային ճշմարտութիւնը: Աշխատավոր կազակները միայն մեզ հետ կարող են ընթանալ և ոչ թե կուլակութեան հետ: Ա՛խ, դո՞ւ... Չէ՞ որ կուլակները նրանց աշխատանքով, նրանց աշխատանքով են ապրում, ճարպակալում... Ա՛խ, դու, թուլամո՞րթ: Ետ ես մանել, նեխվել... Ես պետք է ըզբաղվեմ քեզնով: Այսպես էլ դդում մա՞րդ: Բանվոր տղա ես, բայց ինտելիգենտական բացբերանութիւնն ես թույլ աւիւ... ոնց որ մի որևէ քոսոտ էսէս: Տե՛ս, Իվան, զգույշ, հա՛ւա:

Բաց թողեց վերնաշապկի օձիքը, մի քիչ ժպտաց, օրորեց գլուխը, ու վառելով ծխախոտը, կուլ ավեց ծուխը, արդեն ավելի հանգիստ վերջացրեց խոսքը:

— Եթե օկրուգում շրոնոտենք ամենակտիվ թշնամիներին, ապստամբութիւն կլինի: Եթե իր ժամանակին, այժմ մեկուսացնենք նրանց, ապստամբութիւն կարող է չլինել: Դրա համար պարտադիր չէ բոլորին գնդակահարել: Պե՞տք է ոչնչացնել միայն ջոջերին, իսկ մնացածներին, ասենք, գոնե ուղարկել Ռուսաստանի խորքը: Բայց առհասարակ չպետք է բաշվել թշնամիներին ոչնչացնելուց: «Ռեուլուցիան ձեռնոց-

ներով չեն անում», — ասել է Լենինը: Արդյոք անհրաժեշտութիւն կ'ը տվալ դեպքում գնդակահարել այդ մարդկանց: Ես կարծում եմ՝ այո: Գուցե ոչ բոլորին, բայց, օրինակ, Կորչոնովին ուղղելու կարիք չկար: Դա պարզ է: Բայց ահա Մելիխովը, թեև ժամանակավորապես, այնուամենայնիվ ծլել է: Հարկավոր էր հենց նրան վերացնել մեջտեղից: Նա ալիւի վտանգավոր է, քան մնացածները միասին վերցրած: Դու այդ հաշվի առ: Այն խոսակցութիւնը, որ քեզ հետ նա ունեցել է գործկոմում, — վաղվա թշնամու խոսակցութիւնն է: Իսկ առհասարակ այստեղ մտատանջվելու կարիք չկա: Տրոնտներում մեռնում են բանվոր դասակարգի լավագույն զավակները: Հազարներով են մեռնում: Մենք նրանց համար ենք տիրում, և ոչ թե այնպիսիների համար, ովքեր սպանում են նրանց կամ առիթի են սպասում, որպեսզի հարվածեն թիկունքից: Կամ նրանք կոշնչացնեն մեզ, կամ մենք՝ նրանց: Երրորդ ճանապարհ չկա: Այդպես, աչքիս լույս Ալեքսեևիչ:

XXIII

Պետրոն հենց նոր էր կեր տվել անասուններին ու տուն մտել՝ թաթմանները մաքրելով խոտի քիստերից: Հենց այդ պահին ճոնչաց հաշտի դուռն փականքը:

Ահ, գորգանման շալով փաթաթված Լուկինիչնան ոտը շեմքից ներս դրեց: Առանց բարև տալու, մանր քայլերով մոտեցավ խոհանոցի նստարանի մոտ կանգնած Նատալյային ու նրա առաջ ծունկ չոքեց:

— Մե՛րս, սիրելիս, ի՞նչ է պատահել... — օտարոտի ձայնով ճչաց Նատալյան՝ փորձելով բարձրացնել մոր ծանրացած մարմինը:

Պատասխանի փոխարեն Լուկինիչնան գլուխը խփեց հողե հատակին, խուլ, աղիողորմ ձայնով լացեց մեռելի վրա:

— Ա-ա՛խ, ա-ազի-իզ ջան, իմ ազի-ի-իզ, ո՞ւմ հույսով թողիր մե-եզ...

Կնանիքը այնպե՛ս միահամուռ կերպով լաց եղան, երե-

խաները այնպիսի վժվժոց բարձրացրին, որ Պետրոն վառարանի վրայից վերցնելով ծխախոտի պարկը, շեշտակի դուրս թռավ հաշտը: Նա արդեն գլխի ընկավ, թե ինչ էր եղել: Մի քիչ կանգնեց մուտքի սանդուղքի հարթակում, ծխեց: Տանը լուսին լացողները, ու Պետրոն մեջքի վրա անհասկելի սարսուռ զգալով, մտավ խոհանոց: Լուկինիչնան դեմքից չվերցնելով բոլորովին թրջված թաշկինակը, մղկտում էր:

— Գնդակահարեցին մեր Միրոն Գրիգորիչին... էլ կենդանի չէ թառլանս... Մենք որք մնացինք... Հիմի մեզ հավերն է՛լ կուտեն... — Ու նորից անցավ գայլի ձայնին. — Փակվեցին նրա աչիկները... էլ չեն տեսնի լույս-աշխարհըր՛ը... —

Դարյան ջուր էր տալիս նվաղած Նատալյային, Իլլինիչնան գոգնոցով շորացնում էր թշերը: Օթախից, ուր պառկած էր հիվանդ Պանտելեյ Պրակոֆևիչը, կրճտալի տնքոց ու հազ էր լսվում:

— Խնամի ջան, ի սեր Քրիստոս-աստծո, ի սեր ստեղծողի, ազիզ ջան, գնա վեշկի, բեր նրան թեկուզ մեռած: — Լուկինիչնան վերցնում էր Պետրոյի ձեռները, դրանք խելակորույս սեղմում իր կրծքին: — Բեր նրան... Ախ, ողորմած տիրամեր, ախ, չեմ ուզում, որ նա այնտեղ փտի առանց թաղվելու:

— Ի՞նչ ես ասում, ի՞նչ, խնամի, — Պետրոն նրանից ետ էր քաշվում ինչպես ժանդարտով բռնվածից, — ախր ո՞նց գտնեմ նրան: Կյանքս ինձ համար ավելի թանկ է: Ո՞րտեղ գտնեմ նրան:

— Մի մերժիր, Պետյուշկա, ի սեր Քրիստոսի, ի սեր Քրիստոսի...

Պետրոն ծամծմեց բեղերը և ի վերջո՝ համաձայնվեց: Որոշեց վեշենսկում անցնել մի ժանոթ կազակի մոտ և նրա օգնութեամբ փորձել փրկելու Միրոն Գրիգորևիչի դիակը: Երեկոյան ճանապարհ ընկավ: Խուտորում վառվում էին լույսերը, ու յուրաքանչյուր խրճիթում արդեն փսփսում էին նորութիւնը: «Կազակներին գնդակահարել են»:

Պետրոն կանգ առավ նոր եկեղեցու մոտ, հոր հետ մի գնդում ծառայած մի կազակի տանը, նրան խնդրեց օգնել՝

հողի տակից հանելու իր խնամու դիակը: Կազակը հաճույքով համաձայնվեց:

— Գնանք: Ես գիտեմ այդ տեղը: Խորունկ շեն թաղում: Միայն թե ո՞նց գտնես նրան: Այնտեղ հո մենակ նա չի: Եթե կգրակահարեցին տասներկու դահիճ, որոնք կաղետական իշխանության օրով մահապատիժ էին տալի մերոնց: Միայն մի պայման, — հետո դու պետք է մի քառորդ արաղ առնես, լա՞վ:

Կեսգիշերին վերցնելով բահերը և տարթ կրելու ձեռքի խարակը, նրանք ստանիցայի եզրով, գերեզմանոցի միջով գնացին դեպի սոճիները, որոնց մոտ ի կատար էին ածվում դատավճիռները: Ձյուն էր տեղում: Եղյամնակալած կարմիր ուռ ճքճքում էր նրանց ոտների տակ: Պետրոն ականջ էր դնում յուրաքանչյուր ձայնին ու մտքում անիծում էր իր ճանապարհորդությունը, Լուկինիչնային և նույնիսկ հանգուցյալ խնամուն: Մատղաշ սոճիների առաջին խմբի մոտ, բարձր ավազաթմբից դենը կազակը կանգ առավ:

— Պետք է որ այստեղ, մոտիկում լինի...

Անցան էլի մի հարյուր քայլ: Ստանիցայի շենքի մի ոգմակ ոռնոցով ու հաշոցով հեռացավ նրանցից: Պետրոն դեն գցեց խարակը, խուպոտ շնչաց:

— Գնանք ետ: Զհաննամը, ես դրա... Մեկ չի՞, թե որտեղ պիտի փտի: Թյո՛ւ, ախր ի՞նչ գործ ունեի... Գրողի տարածը ստիպեց, էլի՛:

— Ինչի՞ վախեցար: Գնանք, — քմծիծաղ տվեց կազակը: Հասան: Կարմիր ուռի փուված, թառամած մի թփի կողքին ձյունը պինդ ճմռթված էր, ավազի հետ խառնված: Նրանից ճառագայթաձև հեռանում էին մարդկային հետքերը ու շենքի շարվեշաբան, ցանցակար հետքերը...

...Պետրոն շիկակարմրավուն մորուքից ճանաչեց Միրոն Գրիգորեիին: Նա, խնամու լաթագոտուց բռնած, դուրս քաշեց նրան, իրանը գցեց խարակի վրա: Կազակը հազալով ծածկում էր փոսը. վերցնելով խարակի բռնակներից, դժգոհ մոթմոթաց:

— Հարկավոր էր սահնակով գալ մինչև սոճիները: Հիմարներ ենք մենք: Այս խոզը հենց հինգ փութ կլինի: Գե հի՛ մի արի ու սկալով գնա ձյան վրա:

Պետրոն տարածեց մեռելի փայտացած ոտները, վերցրեց խարակի բռնակները:

Մինչև լուսարաց նա խմում էր կազակի խրճիթում: Միրոն Գրիգորեիչը ծածկոցով փաթաթված, սպասում էր սահնակում: Պետրոն հարբած վիճակում ձին կապել էր այդ նույն սահնակին, և ձին ամբողջ ժամանակ կանգնել էր սանձած գլուխը ծայրահեղ շափով երկարած, փնշալով, թափահարելով ականջները: Զգալով մեռելի ներկայությունը, այնպես էլ շկերավ խոտը:

Արևելքը մի փոքր պարզվեց: Պետրոն արդեն խուտորումն էր: Նա գնում էր մարգագետնով, շտապ քշում սահնակը: Ետևում Միրոն Գրիգորեիչի գլուխը թխկթխկում էր՝ դիպչելով սահնակի տախտակին: Պետրոն մի-երկու անգամ կանգ առավ, մարգագետնի ճիլ խոտ դրեց նրա գլխի տակ: Նա խնամուն ուղղակի տուն բերեց: Մեռած տանտիրոջ առաջ դարպասը բացեց նրա սիրած դուստրը: Գրկույաշկան, ու նետվեց սահնակից դենը, ձնակույտի մեջ: Պետրոն շալակից խնամուն ինչպես այլուրով լիքը ջվալ ու տարավ ընդարձակ խոհանոցը, զգուշութամբ իջեցրեց սեղանի վրա, որ վաղօրոք ծածկված էր քաթանով: Լուկինիչնան, որ արդեն թափել էր բոլոր արցունքները, թափթփված, հերարձակ գալարվում էր ամուսնու ոտների վրա, որոնք մահվան սպիտակ գուլպաներ էին հագած:

— Կարծում էի, որ դու քելելով կմտնես տուն, ա՛յ իմ տեր, ամա քեզ շալակով բերին, — հազիվ լսվում էր նրա շըշընջյունը ու հեկեկանքը, որ օտարոտի կերպով ծիծաղի էր նման:

Պետրոն, Գրիշակա պապի թևը բռնած, նրան դուրս բերեց օթախից: Մերունին ամբողջովին դողում, ցնցվում էր, կարծես նրա ոտների տակ մորուտի պես երերվում էր հատակը: Բայց սեղանին մոտեցավ կտրիճաբար, կանգնեց մեռելի գլխավերևում:

— Հը՛, բարև, Միրոն: Ա՛յ թե ոնց հանդիպեցինք, որդյակս... — Խաչակնքից, համբուրեց դեղին կավով կեղտոտված, սառն ճակատը: — Միրոնուշկա, շուտով՛ես է՛լ... — նրա ձայնը բարձրացավ մինչև աղիողորմ ճիշը: Կարծես վախենալով բերանից մի բան թոցնելուց, Գրիշակա պապին ճար-

պիկ, ոչ-ծերունական շարժմամբ ձեռքը տարավ բերանին, ընկավ սեղանին:

Փղձկոցը գայլի ճարպկությամբ բռնեց Պետրոյի կոկորդը: Նա կամացուկ դուրս ելավ բակը ու մոտեցավ մուտքի սանդուղքի մոտ կանգնեցրած ձիուն:

XXIV

Դոնը խորունկ, հանդարտ դետափոսերից ելնում, ցրիվ հոսանք է ընդունում: Հոսանքը այնտեղ գանգրանում է, գալարվում: Դոնը ընթանում է ճոճվելով, շափածո, մարմանդ հոսանքով: Ավազոտ, պինդ հատակի վրա վտաններով արածում են սևափորիկները. ստերլետը գիշերով դուրս է գալիս ծանծաղուտները՝ խայտալու համար, տիղմի առափնյա կանաչ վերնախցերում թպրտում է գետածածանը: Թառափը և շիղաձուկը հետամտում են սպիտակ ձկան, լոբոն փորփրում է խեցիները. մեկ էլ տեսար շուռ տվեց ջրի կանաչ մի քուլա, երևաց լուսնի համատարած լույսի տակ, շարժեց ոսկեհնուր, փայլուն պոչը ու էլի գնաց լայնաճակատ, բեղավոր գլխով քլփոբելու խեցիների կուտակները, որպեսզի առավոտյան դեմ կիսաքուն վիճակում սլառկի որևէ սև, ջրբասուլզ ծառի տակին:

Բայց այնտեղ, ուր նեղ է հունը, գերված Դոնը քերքրում է հատակը, խորունկ ճեղք բաց անում, խուլ մոնչոցով շեշտակի քշում փրփուր հագած, սպիտակաբաշ ալիքները: Բարձրաբերձ հրվանդանների տակին, խորխորատներում հոսանքը ջրապտույտ է առաջացնում: Զուրը այնտեղ կախարդոգ, սարսափելի պտույտ է անում. նայում ես ու շես կշտանում նայելուց:

Կյանքը հանգիստ օրերի շարանից թափվեց խորխորատի մեջ: Ծոաց Վերին-Դոնի օկրուգը: Բախվեցին երկու հոսանքները, տարբեր ճանապարհներ բռնեցին կազակները, ու հորդեց, պտտվեց հորձանուտը: Երիտասարդներն ու չքավորները վարանում էին, լոռում, էլի դեռ խաղաղություն էին սպասում սովետական իշխանութունից, իսկ ծերերը հարձակման էին դիմում, արդեն բացահայտ խոսում այն մասին,

թե կարմիրներն ուզում են գլխովին ոչնչացնել կազակությունը:

Փետրվարի 19-ին Իվան Ալեքսեևիչը Տատարսկում ժողով հավաքեց: Հակառակ սպասածի, շատ մարդ եկավ: Գուցե դա այն պատճառով էր, որ Շտոկմանը ռեկոմին առաջարկել էր ընդհանուր ժողովում ամենաչքավոր տնտեսությունների վրա բաժանել այն գույքը, որ մնացել էր սպիտակների հետ փախած վաճառականներից: Ժողովին նսխորդեց աղմկալից մի բացատրություն օկրուգային աշխատողներից մեկի հետ: Նա եկել էր վեշենսկուց, գրավված հալոստը վերցնելու լիազորություններով: Շտոկմանը նրան բացատրեց, որ հիմա ռեկոմը չի կարող հանձնել հագուստը, որովհետև հենց նախորդ օրը երեսունից ավելի տաք հագուստ էր տրվել վիրավոր ու հիվանդ կարմիրբանակայինների տրանսպորտին: Եկվոր երիտասարդ տղան խիստ բարձրացնելով ձայնը, հարձակվեց Շտոկմանի վրա.

— Ո՞վ քեզ թույլ տվեց բաժանել գրավված հագուստը:

— Մենք ոչ ոքից թույլտվություն չենք հարցրել:

— Բայց դու ի՞նչ իրավունք ունեիր հափշտակելու ժողովրդական սեփականությունը:

— Դու մի գոռա, ընկեր, և հիմարություններ մի՛ ասա: Ոչ ոք ոչինչ չի հափշտակել: Մենք մուշտակները տվել ենք սահնակավարներին ու ստորագրություններ վերցրել, որպեսզի նրանք կարմիրբանակայիններին հասցնելով հետեվյալ էտապային կայանը, տրված հագուստը ետ բերեն: Կարմիրբանակայինները կիսամերկ էին, և նրանց ուղարկել միայն շինելներով կնշանակեր ուղարկել մեռնելու: Ես ինչպե՞ս կարող էի շտալ, մանավանդ որ հագուստը առանց գործածության թափված էր մառանում:

Նա խոսում էր հուզմունքը զսպելով, և գուցե խոսակցությունը հաշտությամբ վերջանար, բայց երիտասարդը սառնեցնելով ձայնը, վճռականապես հայտարարեց.

— Դու ո՞վ ես. ռեկոմի նախագահն ես: Ես քեզ ձերբակալում եմ: Գործերը հանձնիր տեղակալին: Հենց հիմա քեզ կուղարկեմ վեշենսկայա: Դու այստեղ գույքի կեսը գուցե գողացել ես, իսկ ես...

— Դու կոմունիստ ես,— ծուռ նայելով, մեռելի պես գրունատված, հարցրեց Շտոկմանը:

— Քո գործը չի: Միլիցիոններ, վերցրու գրան և իսկույն տար վեշենսկայա: Ստորագրութեամբ կհանձնես օկրուգային միլիցիային:

Երիտասարդը հայացքով շափեց Շտոկմանին:

— Իսկ այնտեղ մենք կխոսենք քեզ հետ: Դու պատասխան կտաս, ինքնագլուխ մարդ:

— Ա՛յ ընկեր, ցնդվե՛լ ես, ինչ է: Գիտե՞ս թե ինչ...

— Ո՛չ մի խոսք: Լռե՛լ:

Իվան Ալեքսեևիչը, որ շէր կարողացել վեճի ընթացքում գեթ մի խոսք ասել, տեսավ, թե ինչպես Շտոկմանը դանդաղ, սարսափելի շարժմամբ ձեռքը տարավ պատից կախված մաուզերին: Սարսափը առկայծեց երիտասարդի աչքերում: Զարմանալի արագութեամբ նա քամակով բացեց դուռը, ընկնելով՝ մեջքի վրա ներքև գլորվեց մուտքի սանդուղքի բոլոր աստիճաններից ու փռվելով սահնակի վրա, երկառ ժամանակ, մինչև որ կանցներ հրապարակը, հրում էր սահնակավարի մեջքը ու շարունակ ետ նայում՝ ըստ երևույթին վախենալով հետապնդումից:

Ռեկոմունդ քրքիչը զրնգալով խփեց պատուհաններին: Միծաղկոտ Դավիդիկան ջղաձգաբար թավալվում էր սեղանի վրա: Բայց Շտոկմանի կույր դեռ երկար ցնցվում էր ջղերի լարումից, աչքերը շլում էին:

— Ա՛յ քեզ սրիկա: Թ՛յո՛ւ, ստոր մարդ,— կրկնում էր նա՝ դողդոջուն մատներով փաթաթելով ծխախոտը:

Նա Կոշևոյի և Իվան Ալեքսեևիչի հետ գնաց ժողովի: Հրապարակը լեփ-լեցուն էր: Իվան Ալեքսեևիչը նույնիսկ սրտի վատ դող զգաց. «Մի բան կա, որ նրանք այդպես հավաքվել են... Ամբողջ խուտորը հրապարակումն է»: Բայց նրա երկյուղն անցավ, երբ, գլխարկը հանելով, մտավ բոլորակի մեջ: Կազակները սիրով ճանապարհ տվին: Դեմքերը զուսպ էին, ումանց աչքերը նույնիսկ ժպտում էին: Շտոկմանը նայեց կազակներին: Նա ուզում էր խաղաղացնել մթնոլորտը, ամբոխի հետ խոսակցության բռնվել: Իվան Ալեքսեևիչի պես նա էլ հանեց իր կարմիր գդակը, բարձրաձայն ասաց.

— Ընկեր կազակներ, անցել է մեկ ու կես ամիս, երբ ձեզ մոտ սովետական իշխանություն հաստատվեց: Բայց մինչ այժմ մենք, ուկույր ձեր կողմից նկատում ենք ինչ-որ անվստահություն դեպի մեզ, նույնիսկ ինչ-որ թշնամություն: Դուք չեք հաճախում ժողովներին, ձեր մեջ պտտվում են ամեն տեսակ լուրեր, անհեթեթ լուրեր գլխովին գնդակահարությունների մասին, ճնշումների մասին, որ իբր թե ձեր դեմ գործադրում է սովետական իշխանությունը: Ժամանակն է, որ մենք, ինչպես ասում են, սրտանց խոսենք, ժամանակըն է, որ ավելի մոտենանք միմյանց: Դուք ինքներդ եք ընտրել ձեր ուկույրը: Կոտլյարովը և Կոշևոյը ձեր խուտորի կազակներն են և ձեր մեջ չի կարող անհամաձայնություն լինել: Ամենից առաջ ես վճռականապես հայտարարում եմ, որ կազակների մասսայական գնդակահարությունների մասին մեր թշնամիների տարածած լուրերը ոչ այլ ինչ են, եթե ոչ զրպարտություն: Այդ զրպարտությունը տարածողների նպատակը պարզ է,— կազակներին կովեցնել սովետական իշխանության հետ, ձեզ նորից մղել դեպի սպիտակները:

— Կասես գնդակահարություններ չկա՞ն: Բա յոթ հոգուն ի՞նչ արեցիք,— բղավեցին ետին շարքերից:

— Ընկերներ, ես չեմ ասի, որ գնդակահարություններ չկան: Մենք գնդակահարել ենք և պետք է գնդակահարենք սովետական իշխանության թշնամիներին, բոլոր նրանց, ում խելքին կփչի մեր վզին փաթաթել կալվածատիրական իշխանությունը: Դրա համար շէր, որ մենք տապալեցինք ցարին, վերջացրինք պատերազմը Գերմանիայի հետ, ազատագրեցինք ժողովրդին: Ի՞նչ տվեց ձեզ պատերազմը Գերմանիայի հետ: Հազարավոր սպանված կազակներ, որբեր, այրիներ, ավերածություն...

— Ճիշտ է:

— Դու այդ դրուստ ես ասում:

— ...Մենք կողմնակից ենք, որ պատերազմ չլինի, — շարունակեց Շտոկմանը: — Մենք ժողովուրդների եղբայրության կողմնակից ենք: Իսկ ցարական իշխանության օրով կալվածատերերի ու կապիտալիստների համար ձեր ձեռքերով հողեր էին նվաճվում, որպեսզի դրանով հարստանային նույն կալվածատերերն ու գործարանատերերը: Ահա ձեր

կողքին կար կալվածատեր կիստնիցկին: Նրա պապը ութ հարյուր տասներկու թվականի պատերազմին մասնակցելու համար չորս հազար դեսյատին հող էր ստացել: Իսկ ձեր պապերը ի՞նչ ստացան: Նրանք իրենց կյանքն էին կորցնում գերմանական հողում: Նրանք արյունով ողողեցին այդ հողը: Հրապարակը դժժաց: Աղմուկը կամաց-կամաց հանդարտվեց, հետո էլ միանգամից որոտաց.

— Ճիշտ է...

Շտոկմանը գրակով սրբեց ճաղատացող գլխի քրտինքը ու, լարելով ձայնը, գոչեց.

— Բոլոր նրանց, ովքեր զինված ձեռք կբարձրացնեն բանվորա-գյուղացիական իշխանության դեմ, մենք կոչնչացնենք: Ձեր խուտորի այն կազակները, որոնք գնդակահարվել են ռևորիբունալի դատավճռով, մեր թշնամիներն էին: Դուք բոլորդ այդ գիտեք: Բայց ձեզ, աշխատավորներիդ հետ, այն մարդկանց հետ, ովքեր համակրում են մեզ, մենք կգնանք միասին ինչպես վար անող եզները, կգնանք ձեռք-ձեռքի աված: Միահամուռ կերպով կվարենք ու կտափանենք հողը նոր կյանքի համար, որպեսզի բոլոր հին մոլխոտերը, մեր թշնամիներին, դուրս շարտենք արտավարից, որպեսզի նրանք նորից արմատներ չարձակեն, որպեսզի չխեղդեն նոր կյանքի անը:

Շտոկմանը զուսպ աղմուկից, աշխուժացած դեմքերից հասկացավ, որ իր ճառով հուզել էր կազակների սրտերը: Նա չսխալվեց, սրտանց խոսակցություն սկսվեց:

— Օսիպ Դավիդովիչ, մենք քեզ լավ գիտենք, քանի որ դու մի ժամանակ ապրել ես մեզ մոտ, դու ոնց որ թե մերոնցից լինես: Առանց մեզանից վախենալու ճիշտ բացատրի, թե նա, այդ իշխանությունը, մեզանից ինչ է ուզում: Մենք, իհարկե, նրա կողմն ենք, մեր տղերքը թողին ֆրոնտները, բայց մենք անգետ մարդիկ ենք, ամենևին գլուխ չենք հանում նրանից...

Երկար ու անհասկանալի խոսում էր ծերուկ Գրյազնովը, դեռ ու դեռ էր ընկնում, աղվեսի ճարպկություն բանեցնում իր խոսքերի մեջ, ըստ երևույթին վախենալով, որ բերանից մի բան կթոցնի: Կոնատ Ալյոշկա Շամիրը էլ չհամբերեց.

— Կարելի՞ է մի խոսք ասել:

— Ասա,— թույլ տվեց խոսակցությունից հուզված Իվան Ալեքսեևիչը:

— Ընկեր Շտոկման, դու ինձ առաջուց ասա՝ կարո՞ղ է՞մ խոսել այնպես, ինչպես ուզում եմ:

— Խոսիր:

— Ինձ չե՞ք բռնի, հը՞:

Շտոկմանը ժպտաց, լուռ թափահարեց ձեռքը:

— Մենակ թե չհերսոտեք, հա՛-ա: Ծա իմ կարճ խելքով, ոնց որ կարող եմ, այնպես էլ կխոսեմ:

Նրա եղբայր Մարտինը ետևից քաշում էր նրա շեքմենի դատարկ թևը, վախեցած շշնջում.

— Սուս արա, սարսաղ: Մի խոսա, էլի. թե չէ նրանք քո հախիցը կգան: Ցուցակի մեջ կընկնես, Ալյոշկա:

Բայց կոնատը ուշադրություն չդարձրեց նրա վրա. ցրեցելով այլանդակված թուշը, թարթելով աչքերը, երեսով դարձավ դեպի հրապարակը:

— Պարոն կազակներ, ես կասեմ, իսկ դուք դատ ար՛ք մեզ, դրուստ խո՞սք եմ ասում, թե գուցե մոլորվում եմ.— նա զինվորական ձեռքով շուռ եկավ կրունկների վրա, դարձավ դեպի Շտոկմանը, խորամանկորեն թարթեց կկոցած աչքը.— Ծա այսպես եմ հասկանում. թե որ խոսում ես, դուք խոսի: Թե որ խփում ես, թարս խփի: Ու ես հիմի կասեմ, թե մենք բոլորս, կազակներս, ինչ ենք մտածում և ինչի համար ենք նեղանում կոմունիստներից... Այ, դու, ընկեր, ասացիր, թե դուք հողագործ կազակների դեմ չեք գնում, ովքեր որ ձեզ թշնամիներ չեն: Դուք ոնց որ թե հարուստների դեմ եք, չբավորների կողմը: Հապա, ասա, ճի՞շտ էր, որ գնդակահարեցին մեր խուտորցիներին: Կորչունովի համար չեմ խոսա,— նա ատաման էր, ամբողջ կյանքումը ուրիշի կոնակին նրստած՝ ման էր գալի, իսկ Փշան Ավդեիչին ինչո՞ւ գնդակահարեցին: Բա Մատվեյ Կաշուկին՞ն, Բաղատիրյովին՞, Մայդաննիկովին՞: Բա Կարալյովին՞: Նրանք էլ մեզ պես էին, անգետ, հասարակ, անշառ: Նրանց սովորեցրել էին մահ բռնել և ոչ թե գիր կարդալ: Նրանցից ոմանք գրի սև ու սպիտակն էլ էին ջոկում: Այբ, բեն,— ահա և նրանց ամբողջ ուսումը: Ու եթե այդ մարդիկ բերաններից մի վատ բան էին թոցրել, մի՞թե նրանց պետք էր գնդակահարել.— Ալյոշկան

շունչ առավ, ընկավ դեպի առաջ: Չեքմենի դատարկ թևքը ընկավ կրծքին, բերանը մի կողմ ծովեց.— Դուք տարաք նրանց, ովքեր սարսաղավարի դուրս էին տվել, մահով պատժեցիք, իսկ վաճառականներին ձեռ չեք տալի: Վաճառականները ձեզ մոտ փողով փրկել են իրենց կյանքը: Իսկ մենք փրկվելու փող չունենք, մենք մեր ամբողջ կյանքումը հողն ենք փորփրում, ու մեր գրպանները գատարկ են մնում: Նրանք, որոնց գնդակահարեցին, կարելի է վերջին հզն էլ գոմից դուրս բերեին ու տուրը տային, միայն թե կենդանի մնալին, բայց նրանցից ուղիմատուզանք չպահանջեցին: Նրանց տարան ու ջնջխեցին գլուխները: Մենք հո բոլորս էլ գիտենք, թե Վեշկիում ինչ է կատարվում: Այնտեղ վաճառականները, տերտերները—բոլորն էլ ողջ-առողջ են: Կարգինում էլ է այդպես: Մենք լսում ենք, թե շորս բոլորը ինչ է կատարվում: Բարի անունը կորչում է մթնում, իսկ շաբ անունը՝ աշխարհքով մեկ թնդում:

— Ճիշտ է,— ետևից բղավեց մեկը:

Աղմուկը սաստկացավ, կուլ տվեց Ալյոշկայի խոսքերը, բայց վերջինս մի փոքր սպասեց և ուշադրությամբ շարժվեց լով Շտոկմանի բարձրացած ձեռքի վրա, շարունակեց աղաղակել:

— Ու մենք հասկացանք, որ սովետական իշխանությունը գուցե լավ է, ամա կոմունիստները, որոնք պաշտոններ են վարում, ուզում են մեզ խեղդել մի գդալ ջրի մեջ: Նրանք մեզ վնասում են ինը հարյուր հինգ թվականի համար, մենք այս խոսքերը լսել ենք կարմիր զինվորներից: Ու մենք մեր մեջ այսպես ենք դատում. կոմունիստները, ուզում են մեզ ոչնչացնել, բոլորովին ջնջխել: Այնպես, որ Դոնումը կազակի իզն ու թոզն էլ չմնա: Ահա քեզ իմ խոսքը: Հիմի ես ոնց որ թե հարբած լինեմ. ինչ որ մտածում եմ, ասում եմ: Իսկ մենք բոլորս էլ հարբած ենք լավ կյանքից, ձեզանից, կոմունիստներից ստացած վիրավորանքից:

Ալյոշկան սուզվեց կիսամուշտակների ծովի մեջ, ու հրապարակում երկար ժամանակ փովեց շփոթված լուծությունը: Շտոկմանը սկսեց խոսել, բայց ետին շարքերից բղավողները ընդհատեցին նրան.

— Ճիշտ է: Կազակները նեղանում են: Դուք լսեցեք, թե

խոտորներում հիմի ինչ երգեր են մոգոնել: Ամեն մարդ փրտ չի անի խոսքերով ասել իր միտքը, իսկ երգերը երգվում են, երգը հո չհաս պատժի: Մոգոնել են այս տեսակ մի «խնձորիկ».

Սամալարն է ետում, ձուկը տապակվում,
Կաղետները երբ որ գան, պիտի գանգատվենք:

— Ուրեմն գանգատվելու բան կա:

Մեկը անտեղի ծիծաղեց: Ամբոխը ծածանվեց: Փսփսոց, խոսակցություններ...

Շտոկմանը զայրանալով, գդակը քաշեց աչքերին ու գրպանից հանելով մի ժամանակ Կոշևոյի գրած ցուցակը, գոչեց.

— Ո՛չ, ճիշտ չէ: Վիրավորվելու հիմք չունեն այն մարդիկ, ովքեր ռեկլուցիայի կողմն են: Ահա թե ինչի համար են գնդակահարել ձեր խոտորցիներին, սովետական իշխանության թշնամիներին: Լսեցեք,— և նա սկսեց կարդալ ընդմիջումներով, պարզ ու հասկանալի.

Յ Ո Ւ Ց Ա Կ

Սովետական իշխանության ձեռքառված թշնամիների, որոնք ուղարկվում են 15-րդ Ինգենյան դիվիզիայի ռեպրեսուլաի կից հետաքննական հանձնաժողովի տնօրինության.

№ № ը/կ	Ազգանուն, անուն, հայրանուն	Թելի համար է ձեռքա- կալված	Ծանոթու- թյուն
1	Կոշևոյի Միքոն Գրիգորիել	Նախկ. տտաման, հա- րուստ, ուրիշի աշխատան- քով հարստացած:	
2	Միեկին Իվան Ավտեկի	Պրոպագանդ էր անում, որ տապալեն սովետական իշխանությունը:	
3	Կաշուլին Մատվեյ Իվանովի	Նույնպես:	
4	Մայլաքենիկով Սեմ- յոն Գավրիլով	Ուսողիներ էր կպցնում ուսերին, փողոցում բզա- վում էր իշխանության դեմ:	

№ Ն ը/կ	Ազգանուն, անուն, հայրանուն	Ինչի համար է ձերբա- կալված	Օանոթու- թյուն
5	Մելիխով Պանտելի Պրակոֆևիչ	Ներկայացուցիչների ժո- ղովի անդամ:	
6	Մելիխով Գրիգորի Պանտելևիչ	Փոխ-յասավուլ, դեմ է տրամադրված: Վտանգա- վոր է:	
7	Կաշուլին Անդրեյ Մատվեև	Մասնակցել է Պաղտուլ- կովի կարմիր կազակների գնդակահարության:	
8	Բոդովսկով Տեդոտ Նիկիֆորով	Նույնպես:	
9	Բոգատիրյով Ար- խիպ Մատվեև	Եկեղեցու երեցփոխ: Պա- հակատնակում հանդես է եկել իշխանության դեմ: Ժողովրդին զրգող և կոնտրակոլյուցիոններ:	
10	Կարալյով Զախար Լեոնտև	Հրաժարվեց զենք հանձ- նելուց: Անհուսալի է:	

Երկու Մելիխովների և Բոդովսկովի անունների դիմաց
ժանոթության մեջ, որը չկարողաց Շտոկմանը, պարզ նըշ-
ված էր.

«Սովետական իշխանության տվյալ թշնամիները չեն
ուղարկվում, որովհետև նրանցից երկուսը բացակայում են,
մոռիլիզացված են բնակչական սալլերը տանելու համար,
փամփուշտներ են տարել Բոդովսկայա կայանը: Իսկ Մելի-
խով Պանտելիյը տիֆով հիվանդ պառկած է: Ժամանելուց
հետո երկուսն անմիջապես կձերբակալվեն ու կուղարկվեն
օկրուգ: Երրորդն էլ—հենց որ ոտքի ելնի»:

Ժողովը մի քանի ականթարթ լռեց, իսկ հետո տեղացին
բղավոցները.

— Ճիշտ չէ:

— Սուտ ես ասում, նրանք խոսել են իշխանության դեմ:

— Այդպիսի բաների համար տեղն է:

— Բա չփակեի՞ն նրանց բերանները:

— Բամբասանքներ են նրանց դեմ:

Ու Շտոկմանը նորից խոսեց: Նրան կարծես թե ուշադր-
բությամբ էին լսում և նույնիսկ հավանության բացակա-
նություններ անում, բայց երբ վերջում նա հարց դրեց սպի-
տակների հետ փախածների գույքը բաժանելու մասին,—
լուսթյամբ պատասխանեցին:

— Էլ ի՞նչ եք բերաններդ ջուր առել,— սրտնեղությամբ
հարցրեց Իվան Ալեքսեևիչը:

Ամբոխը ցրիվ եկող կոտորուքի նման աճապարեց դեպի
եկը: Զբավորներից մեկը, Սյոմկան, Զուգուն մականունով,—
տատանվելով ուզեց առաջ գալ, բայց հետո միտքը փոխեց
ու թափահարեց թաթմանը.

— Տերերը կգան, դե արի ու պատասխան տուր...

Շտոկմանը փորձում էր համոզել, որ չցրվեն, իսկ Կաշն-
վոյը թունդ սփրթնելով, շշնջաց Իվան Ալեքսեևիչի ականջին.

— Ես որ ասում էի, որ չեն վերցնի: Հիմա ավելի լավ է
վառել այդ գույքը, քան թե նրանց տալ...

XXV

Կոշևոյը մտաբեր մտազբաղ շմփացնելով սապոգի ճիտ-
քին, գլուխը կախած, դանդաղ բարձրանում էր Մոխովի
տան սանդուղքով: Դռան մոտ, միջանցքում, հենց հատակի
վրա թամբեր էին կուտակված: Երևում էր, որ քիչ առաջ
մարդիկ էին եկել. ասպանդակներից մեկի վրա դեռ չէր
հալվել ձիավորի ներբանով մամլված, գոմաղբից դեղնած
ձյան կտորը. դրա տակ պլպլում էր ջրի լճակը: Կոշևոյն այս
բոլորը տեսավ՝ քայլելով պատշգամբի մաշված հատակի
վրա: Նրա հայացքը սահեց կտրտած կողեր ունեցող, կա-
պույտ, քանդակավոր վանդակի, եղյամի խավոտ շերտի
վրայով, որ յասամանագույն եզրակով փոված էր պատի
մոտ. նա հարեանցիորեն պատուհաններին էլ նայեց, որոնք
քրտնել էին ներսից, մուգ էին ինչպես եզան փուռիկը: Բայց
այն ամենը, ինչ որ նա տեսնում էր, դիտակցության մեջ չէր
տպավորվում, սահում էր անորոշ, ճապաղորեն, ինչպես

երազում: Գրիգորի Մելիսոսի նկատմամբ կարեկցությունն ու ատելությունը ցանցել էին Միշկայի պարզ սիրտը...

Ռեկոմի նախասենյակում, ծխախոտի, ձիասարքի, հալված ձյան թունդ հոտ էր գալիս: Աղախինը, որ սպասավորներից միակն էր տանը մնացել, երբ Մոխոսկները փախել էին Դոնեցի մյուս կողմը,— վառում էր հոլանդական վառարանը: Հարեան սենյակում բարձր ծիծաղում էին միլիցիոնները: «Միծաղելի է նրանց համար, ուրախության ժամանակ են գտել...» — վիրավորված մտածեց Կոշևոյը քայլելով սենյակի կողքից, և արդեն սրտնեղությամբ վերջին անգամ մտրակով շրմփացրեց սապոգի ճիտքին, առանց թխկացնելու մտավ տան անկյունի սենյակը:

Իվան Ալեքսեևիչը կոճակներն արձակած, բամբակաբաճկոնով նստել էր գրասեղանի առաջ: Սև փափախը կտրիճաբար թեքել էր կողքի, իսկ դեմքը քրտնած էր, հոգնած ու մտահոգ: Նրա կողքին, պատուհանի գոգի վրա, էլի նույն երկար, հեծելազորային շինելով նստած էր Շտոկմանը: Նա Կոշևոյին ժպիտով դիմավորեց, ձեռքի շարժմամբ հրավիրեց նստել իր մոտ:

— Հը՛, ի՞նչ կա, Միխայիլ: Նստիր:

Կոշևոյը նստեց, տարածեց ոտները: Շտոկմանի հետաքրքրվող-հանգիստ ձայնը զգաստացուցիչ ազդեցություն թողեց նրա վրա:

— Մի հավատարիմ մարդուց լսեցի... Երեկ երեկոյան Գրիգորի Մելիսոսովը տուն է եկել: Բայց ես չգնացի նրանց մոտ:

— Դու այդ առթիվ ի՞նչ ես մտածում:

Շտոկմանը պապիրոս էր փաթաթում ու երբեմն շեղակի նայում Իվան Ալեքսեևիչին՝ սպասելով պատասխանի:

— Նստեցնե՞նք նրան թե ոնց,— աչքերը արագ թարթելով, անվճռականորեն հարցրեց Իվան Ալեքսեևիչը:

— Դու մեզ մոտ ուկրոմի նախագահն ես... տես, էլի՛:

Շտոկմանը ժպտաց, խուսափուկ թոթվեց ուսերը: Նա գիտեր այնպիսի հեզանքով ժպտալ, որ ժպտը մտրակի հարվածից քիչ չէր դաղում: Իվան Ալեքսեևիչի կզակը թրտնեց:

Ատամներն իրար սեղմելով, նա կտրուկ ասաց.

— Ես նախագահ եմ, ուրեմն նրանց երկուսին, Գրիշկային էլ, եղբորն էլ կձեռքակալեմ ու կուղարկեմ Վեշկի:

— Գրիգորի Մելիսոսի եղբորը հազիվ թե միտք ունի ձեռքակալել: Նրա թիկունքին սարի պես կանգնած է Ֆոմինը: Իսկ քեզ հայտնի է, թե սա ինչ հիանալի կարծիք ունի նրա մասին... Իսկ Գրիգորիին պետք է բռնել այսօր, հենց այժմ: Վաղը մենք նրան կուղարկենք Վեշենսկայա, իսկ նրան վերաբերող նյութերը հենց այսօր ձեռքով միլիցիայով ուղարկիր ուստրիբունալի նախագահին:

— Գուցե երեկոյան բռնենք Գրիգորիին, հը՛, Օսիպ Դավիդովիչ:

Շտոկմանը հազաց և միայն հազի մոլուցքից հետո, սրբելով մորուքը, հարցրեց.

— Ինչո՞ւ երեկոյան:

— Ավելի քիչ խոսակցություններ կլինեն...

— է՛հ, գիտես, դա... դատարկ բան է:

— Միխայիլ, վերցրու երկու մարդ ու հենց հիմա գնա ձեռքակալիր Գրիշկային: Նրան առանձին կնստեցնես: Հասկացա՞ր:

Կոշևոյը իշավ պատուհանի գոգից, գնաց միլիցիոններների մոտ: Շտոկմանը քայլեց սենյակում՝ քստքստացնելով մաշված, սպիտակագորշ թաղյակները. սեղանի դիմաց կանդ առնելով, հարցրեց.

— Հավաքած գենքի վերջին մասնակը ուղարկեցի՞ր:

— Ոչ:

— Ինչո՞ւ,

— Երեկ չհասցրի:

— Ինչո՞ւ:

— Այսօր կուղարկենք:

Շտոկմանը նոթոսովեց, բայց իսկույն բարձրացրեց հոնքերը, արագ հարցրեց.

— Մելիսոսները ի՞նչ են հանձնել:

Իվան Ալեքսեևիչը լարելով հիշողությունը, կկոցեց աչքերը, ժպտաց:

— Նրանք հանձնել են երկու հրացան և երկու նագան: Դու կարծում ես դա բոլորն է:

— Ո՛չ:

— ՕՏՈ՛. քեզնից ավելի անխելք մարդ գտար, էլի՛:

— Ես էլ եմ այդպես կարծում.— Շտոկմանը թեթևակի սեղմեց շրթունքները.— եթե ես բո տեղը լինեի, ձերբակալու թշուրհից հետո նրա մոտ մանրակրկիտ խուզարկություն կկատարեի: Դու ի միջի այլոց ասա պարետին: Դու մտածելը մտածում ես, բայց նաև կատարել է հարկավոր:

Կոշեույր վերադարձավ կես ժամից հետո: Նա արագ վազեց պատշգամբով, վայրագորեն շրխկացրեց դռները ու, կանգնելով շեմքին, շունչ առնելով, բղավեց.

— Ո՛նց չէ, գրողը տանի:

— Ինչպե՛ս-ե-ես,— արագ գնալով նրա կողմը, սարսափելի շոտով աչքերը, հարցրեց Շտոկմանը: Նրա երկար շինելը գալարվում էր ոտների միջև, փեշերը խփվում էին թաղյակներին:

Կոշեույր նրա մեղմ ձայնից թե էլի ինչ-որ մի բանից կատաղեց, գոռգոռաց.

— Դու աչքերդ մի պլշի...— Ու մայր հայհոյեց.— ասում են Գրիշկան գնացել է Սինգին, մորթուրի մոտ, ես այստեղ ի՞նչ մեղք ունեմ: Բա դուք ո՞րտեղ էիք, մեխե՞ր էիք դուք բաշում: Հը՛մ: Գրիշկային ձեռքից բաց թողիք, իսկ ինձ վրա գոռալու կարիք չկա: Իմ գործը հորթի գործ է, կեր ու պառկիր: Բա դուք ի՞նչ էիք մտածում.— ընկրկելով իրեն հուպ մոտեցող Շտոկմանի առաջ, նա մեջքը դեմ արեց վառարանի հախճասալի կողին ու ծիծաղեց.— Մի՛ վրա տա, Օսիպ Դավիդովիչ, մի՛ վրա տա, թե չէ աստված վկա կգարկեմ:

Շտոկմանը մի փոքր կանգնեց նրա կողքին, ճբացրեց մատները. նայելով Միշկայի սպիտակ ատամներին, ժպիտով ու նվիրվածությամբ նայող նրա աչքերին, քրթմնջաց.

— Սինգինի ճանապարհը գիտե՞ս:

— Գիտեմ:

— Էլ ինչո՞ւ վերադարձար, և դեռ ասում ես, թե գերմանացու դեմ ես կովել... Փնթի՛.— և շինծու արհամարհանքով կկոցեց աչքերը:

Փովել էր տափաստանը, ծածկվել կայտավուն ծխանքման մուժով: Դոնի մերձակա մի բլուրի ետևից բարձրանում

էր ծիրանավառ լուսինը: Նա ժլատ լույս էր սփռում՝ շխավաբեցնելով աստղերի ֆոսֆորային լույսը:

Սինգին տանող ճանապարհով վեց ձիավորներ էին գնում: Ձիերը վազում էին թեթև վարգով: Կոշեույի կողքին, դրագունական թամբի վրա ոստոստում էր Շտոկմանը: Դոնի բարձր, շիկակարմիր նժույգը, որ նստել էր նա, շարունակ խաղում էր, փորձում էր կծել ձիավորի ծունկը: Շտոկմանը անխուժ տեսքով ինչ-որ ծիծաղելի բան էր պատմում, իսկ Միշկան, կռթնելով թամբի դաշին, ծիծաղում էր մանկական զրնգուն ծիծաղով, շնչասպառ լինում ու զկատում, շարունակ փորձում նայել Շտոկմանի բաշուղի տակ, նրա մոռյլ, ուշադիր աչքերին:

Սինգինում մանրակրկիտ խուզարկությունը ոչ մի արդյունք չտվեց:

XXVI

Գրիգորիին ստիպեցին Բոկովսկուց գնալ Չեռնիշևսկայա: Նա վերադարձավ մեկուկես շաբաթից հետո: Իսկ նրա ժամանելուց երկու օր առաջ ձերբակալել էին հորը: Պանտելեյ Պրակոֆևիչը տիֆից հետո նոր էր սկսել քայլել: Վեր էր կացել է՛լ ավելի ճերմակած, ոսկրոտ, ինչպես ձիու կմախքը: Մազերի արծաթավուն կարակուլը թափվում էր, ասես ցեցն էր կերել այն, մորուքը խճճվել էր ու եզրերից ամբողջովին ծածկվել սպիտակությամբ:

Պատրաստվելու համար տասը բոպե ժամանակ տալով, միլիցիոները տարավ նրան: Նախքան Վեշենսկայա ուղարկելը Պրակոֆևիչին բանտարկեցին Մոխովի տան գետնահարկում: Բացի նրանից, գետնահարկում, ուր տարածված էր անխոնի խնձորների թունդ հոտը, նստած էին էլի ինը ծերունի և մի պատվավոր դատավոր:

Պետրոն այդ նորությունը հաղորդեց Գրիգորիին, և վերջինս իր սահնակով դեռ չէր մտել բակը, երբ լսեց նրա խորհուրդը.

— Դու, աղբերս, ետ դարձրու քաշանները... Քո մասին հարցուփորձ էին անում, թե երբ ես գալու: Գնա տաքացիր,

տես երեխաներիդ, իսկ հետո ես քեզ կտանեմ Ռիբնի խու՛տորը, այնտեղ կթաքնվես ու կսպասես միառժամանակ: Որ հարցնեն, կասեմ՝ գնացել է Սինգին, մորքուրի մոտ: Այստեղից յոթ հոգու գնդակահարեցին, լսե՛լ ես: Չլինի՞ թե հորջա հետ էլ այդպիսի բան պատահի... Իսկ քո մասին խոսելն էլ ավելորդ է:

Գրիգորին կես ժամ նստեց խոհանոցում, հետո էլ, թամբելով իր ձին, գիշերամտին սլացավ Ռիբնի: Մելիստովների հեռավոր մի ազգականը, սրտաբաց մի կազակ, Գրիգորիին թաքցրեց տարթերի դեզի մեջ: Այնտեղ Գրիգորին ապրեց երկու օր՝ իր որջից դուրս գալով միայն գիշերները:

XXVII

Փետրվարի 25-ին, Սինգինից ժամանելու երկրորդ օրը, Կոշևոյը մեկնեց Վեշենսկայա, որ իմանար, թե երբ է լինելու կոմբեջի ժողովը: Նա, Իվան Ալեքսեևիչը, Յմելյանը, Գավիդկան ու Ֆիլկան որոշել էին ձևակերպել իրենց կուսակցական պատկանելությունը:

Միշկան իր հետ տանում էր կազակների հանձնած զենքի վերջին մասնակը, դպրոցի բակում գտնված մի գնդացիի և Շտոկմանի նամակը օկրուզային ուղարկելու նախագահին: Վեշենսկու ճանապարհին, գետառում նապաստակներ երևացին: Պատերազմի տարիներին դրանք այնքան էին բազմացել, և այնքան շատ նապաստակներ էին քոշել այդ կողմերը, որ հանդիպում էին ամեն մի քայլափոխում: Ոնց որ բռնելի դեղին փունջը, այնպես էլ նապաստակի կոնակը: Մեկ էլ տեսար սահնակի ճռճոցից վեր թռավ գորշ, սպիտակափորիկ նապաստակը, ու թարթելով սև խավով բոլորազարդված պոչը, թփթփալով վազեց խոպանում: Զիբրը քշող Յմելյանը թողնում էր երասանները, վայրագորեն գոռում.

— Զարկ, դեհ, խփիր դրան:

Միշկան թռչում էր սահնակից, ծնկում, մի պահունակ փամփուշտ էր արձակում գորշ, գլորվող գնդիկի վրա, հիասթափված նայում, թե ինչպես գնդակները նրա շուրջ ձյան սպիտակ փոշի էին բարձրացնում, իսկ գնդիկը արագացնում

էր վազքը, թռչում ու թափում քուրբի ձնածածկոցը ու չքանում էր թավուտում:

...Ռեկոմում անհեթեթ խառնաշփոթություն էր: Մարդիկ անհանգիստ վազվզում էին, ձիավոր սուրհանդակներ էին գալիս, փողոցներն ապշեցնում էին սակավամարդությամբ: Միշկան զարմանում էր՝ չհասկանալով անհանգիստ իրարանցման պատճառը: Նախագահի տեղակալը Շտոկմանի նամակը անփույթ կերպով խոթեց գրպանը, և այն հարցի վրա, թե պատասխան կլինի՞, բարկություն մոթմոթաց.

— Ձե՛ռ քաշիր, է՛, գրողը տանի: Ձեզ հետ գլուխ չունեմ: Հրապարակում վխտում էին պահակային վաշտի կարմիրբանակայինները: Մուխ արձակելով, անցավ մի դաշտային խոհանոց: Հրապարակում տարածվեց տավարի մսի և դափնու տերևի հոտը:

Կոշևոյը մտավ ուսուցիչներին, ծանոթ տղաների մոտ ծխելու, հարցրեց.

— Այս ի՞նչ խառնափնթորություն է ձեզ մոտ:

Տեղական գործերի քննիչներից մեկը՝ Գրոմովը, դժկամ պատասխանեց նրան.

— Կազանսկում ինչ-որ անհանգստություն է տիրում: Զգիտես, սպիտակե՞րն են ճեղքել Ֆրոնտը, թե՛ կազակներն են ապստամբել: Լուր կա, որ երեկ այնտեղ կոխվ է եղել: Հեռախոսային կապը կտրված է:

— Զիավոր ուղարկե՞իք այնտեղ:

— Ուղարկեցինք: Չվերադարձավ: Այսօր էլ մի վաշտ գնաց Յլանսկայա: Այնտեղ նույնպես դրությունը լավ չէ:

Նրանք նստել էին պատուհանի մոտ, ծխում էին: Դրսում (նրանք գտնվում էին տրիբունալի զբաղեցրած վաճառակահական մի շքեղաշուք տան մեջ) ձյուն էր տեղում:

Խուլ կրակոցներ ճայթեցին կայարանից դեմը, սոճիների մոտ, Զոունայայի ուղղությամբ: Միշկան սփրթնեց, վայր զցեց ծխախոտը: Տանը գտնվողները բոլորն էլ դուրս նետվեցին: Կրակոցներն արդեն լիահնչուն ու ծանրակշիռ էին ճայթում: Համազարկը խլացրեց սաստկացող հատ-հատ կրակոցները, սվավացին գնդակները, շրխալով զարկվեցին մարագների պատերին, դարպասին: Բակում վիրավորվեց մի կարմիրբանակային: Գրոմովը վազեց հրապարակ՝

ճմռթելով թղթերը ու դնելով գրպանները: Ռեկոմի մոտ շարք էին կանգնում պահակային վաշտի մնացորդները: Կարճ, դարբադած կաշվե կիսամուշտակով հրամանատարը մակույկի նման թրևում էր կարմիրբանակայինների մեջ: Նա վաշտը շարասյունով, վազեվազ տարավ դեպի Գոն, վաշտէջքը: Կործանարար խուճապ սկսվեց: Հրապարակում մարդիկ էին վազվզում: Գլուխը տնկած, քառատրոփով, առանց ձիավորի սլացավ թամբած մի ձի:

Շվարած Կոշեոյը ինքն էլ չէր հիշում, թե ինչպես ընկավ հրապարակ: Նա տեսավ, թե ինչպես Ֆոմինը սև յափնջիով, հողմի արագությամբ դուրս թռավ եկեղեցու ետևից: Նրա բարձրամարմին ձիու պոչից մի գնդացի էր կապված: Անվակները չէին պտտվում, գնդացիքը քարշ էր գալիս կողքի ընկած, սրարշավ ընթացող ձին դես ու դեն էր գցում այն: Ֆոմինը թամբի դաշին կոթնած, չբացավ սարի տակ՝ իր ետևից թողնելով ձյան փոշու արծաթե մուժը:

«Դեպի ձիերը», — սա եղավ Միշկայի առաջին միտքը: Նա կուզեկուզ անցավ փողոցների խաչմերուկները, ոչ մի անգամ շունչ չառավ: Սիրտը նվաղեց, մինչև որ նա հասավ բնակարանը: Եմեկյանը լծեց ձիերը, վախից չէր կարողանում կցել քաշանները:

— Այս ի՞նչ է, Միխայիլ, ի՞նչ բան է, — թոթովում էր նա՝ դողալուց ճքճքացնելով ատամները: Լծեց, կորցրեց երասանները: Սկսեց շարշարվել, — արձակվել էր ձախ կողմի ձիու անուրի փոկը:

Նրանց զբաղեցրած տան բակի դուռը տափաստանի կողմն էր: Միշկան նայում էր սոճիներին, բայց այնտեղից հետևազորի շղթաներ չէին երևում, չէր սրարշավում հեծելազորը: Ինչ-որ մի տեղ կրակում էին, փողոցները դատարկ էին, ամեն ինչ առօրյա էր ու ձանձրալի: Ու միևնույն ժամանակ սարսափելի բան էր կատարվում. հեղաշրջումը փաստ էր դառնում:

Մինչ Եմեկյանը ձիերով էր զբաղված, Միշկան տափաստանից աչքը չէր կտրում: Նա տեսավ, թե ինչպես սև վերարկուով մի մարդ վազեց մատուռի, այն վայրի կողքից, ուր դեկտեմբերին վառվել էր ռադիոկայանը: Այդ մարդը սլանում էր ամբողջ ուժով, ցածր, կռանալով դեպի առաջ,

ձեռները կրծքին սեղմած: Կոշեոյը վերարկուից ճանաչեց քննիչ Գրոմովին: Նա կարողացավ նաև տեսնել, թե ինչպես ցանկապատի ետևից երևաց մի ձիավորի կերպարանքը: Միշկան որան էլ ճանաչեց: Դա Վեշենսկու կազակ Չերնիշկինն էր, երիտասարդ, հայտնի սպիտակազվարդիական: Չերնիշկինից հարյուր սաժեն տարածությամբ բաժանված Գրոմովը վազելիս մի երկու անգամ ետ նայեց, գրպանից հանեց ատրճանակը: Չայթեց մի կրակոց, հետո մյուսը: Գրոմովը թռավ ավազաթմբի վրա, էլի կրակեց նազանից: Չերնիշկինը ձիուց թռավ դրա վազքի պահին. սանձը բռնած, հանեց հրացանը, պառկեց ձևակույտի տակին: Առաջին կրակոցից հետո Գրոմովը քայլեց կողքի ընկած, ձախ ձեռքով բռնելով ցախի ճյուղերից: Շրջանցելով ավազաթումբը, նա երեսնիվայր ընկավ ձյան մեջ: «Սպանեց», — Միշկան սարսուռ զգաց: Չերնիշկինը լավագույն հրաձիգն էր և գերմանական պատերազմից բերած ավստրիական կարաբինով ավրեպ խփում էր ամեն մի նպատակի, ինչպիսի հեռավորութուն էլ որ դա ունենար: Արդեն սահնակ նստած, դարպասից դուրս գալով, Միշկան տեսավ, թե ինչպես Չերնիշկինը ձիով սլացավ դեպի ավազաթումբը, թրով կտրատեց սև վերարկուն, որ շեղակի փռած էր ձյան վրա:

Գոնի վրայով Բազկիի կողմը սլանալը վտանգավոր էր: Գոնի սպիտակ, լայնարձակ տարածության վրա ձիերն ու ձիավորները հիանալի թիրախ կլինեին:

Այնտեղ արդեն ընկել էին պահակային վաշտի երկու կարմիրբանակայիններ, գնդակներով խոցված: Այս պատճառով էլ Եմեկյանը շուտ եկավ լճի վրայով դեպի անտառը: Սառույցը թաց ձյունով էր ծածկված, ձիերի սմբակներին տակից սվսվալով թռչում էին ջրիկ ձյան փաթիլներն ու գնդերը, սահնակի կողերի տակ գամված երկաթաձողերը խոր ակոսներ էին գծում: Մինչև խուտոր կատաղի թափով էին սլանում: Բայց երկաթուղու բարձրի մոտ Եմեկյանը քաշեց երասանները, քամուց դադված երեսը դարձրեց դեպի Միշկան:

— Ի՞նչ անենք: Բա որ մեզ մոտ էլ այսպիսի խառնակ-չուժյուն լինի՞:

Միշկայի աչքերը լցվեցին թախիժով: Դիտեց խուտորը:

Դոնին ամենամոտ փողոցով սբանում էին երկու ձիավոր: Ըստ երևույթին: Կոշևոյին թվաց, որ դրանք միլիցիոներներ են:

— Քշիր խուտոր: էլ ո՞ւր պիտի գնանք,— վճռականորեն ասաց նա:

Եմելյանը մեծ դժկամությամբ քշեց ձիերը: Անցան Դոնը: Բարձրացան խուտոր: Վազելվազ ընդառաջ էին գալիս Անտիպ Փշանովը ու խուտորի վերին ծայրից էլի երկու ծերուկ:

— Ա՛խ, Մի՛շկա,— Եմելյանը Անտիպի ձեռքին հրացան տեսավ, քաշեց երասանները, կտրուկ ետ դարձավ:

— Կանգնե՛լ:

Կրակոց: Եմելյանը ընկավ՝ ձեռքից բաց շթողնելով երասանները: Ձիերը թափով խրվեցին ցախե ցանկապատի մեջ: Կոշևոյը թուավ սահնակից: Վազելվազ մոտենալով նրան, սայթաքելով քոշեր հագած ոտների վրա, Անտիպը ճոճվեց, կանգ առավ, հրացանի կոթը դեմ արեց ուսին: Ընկնելով ցանկապատին, Միշկան ծերունիներից մեկի ձեռքում տեսավ երեքմատնանի եղանի սպիտակ ատամները:

— Զա՛րկ դրան:

Կոշևոյն ուսը դադվելուց առանց ճշալու ընկավ ներքև, ձեռներով ծածկեց աչքերը: Ծերունին ծանր շնչելով թեքվեց նրա վրա, եղանով խոցեց նրան:

— Վե՛ր կաց, շուն:

Մնացած բոլորը Միշկան հիշում էր ինչպես երազում: Անտիպը հեկեկալով նետվում էր նրա վրա, քաշքշում կուրծքը...

— Հորըս մեռցրիր, հա՞-ա... Թողեք, բարի մարդիկ, թողեք սատկացնեմ սրան, հովացնեմ սիրտս:

Նրան ետ էին քաշում: Խմբվեց ամբոխը: Մեկը հորդորող, խուպոտ ձայնով ասում էր.

— Թողեք տղին: Ձեր դոշին խաչ չկա՞, ի՛նչ է: Թո՛ղ, Անտիպ: Հերդ ետ չի գա, իսկ դու մարդուն զուր տեղը կկործանես... Ցրվեցեք, աղբեր-տղերք: Հրե՛ն այնտեղ, պահեստում շաքար են բաժանում: Գնացեք...

Միշկան աչքերը բացեց երեկոյան, նույն ցանկապատի տակ: Սուր ցավում էր եղանով խոցված կողքը: Եղանի ատամները ծակել էին կիսամուշտակը ու բամբակաբաճկո-

նը, ոչ շատ խոր խրվել մարմնի մեջ: Բայց խոցված տեղերը ցավում էին, դրանց վրա գունդ-գունդ մակարդվել էր արյունը: Միշկան ոտքի ելավ, ականջ դրեց: Խուտորում ըստ երևույթին ապստամբների պարեկներ էին շրջում: Հատուկենտ կրակոցներ էին ճայթում: Ծները հաշում էին: Հեռվից մոտեցող խոսակցություն էր լսվում: Միշկան գնաց Դոնի վրա անասունների կոխոտած շավղով: Հասավ յառի գլուխը ու սող տվեց ցանկապատերի տակին, ձեռներով կաշուում էր ձյան կոշտ կեղևից, պոկ էր գալիս ու ընկնում: Նա չէր ճանաչում այդ տեղերը, յա բախտ էր գնում: Մարմինը դողում էր ցրտից, ձեռները սառչում էին: Հենց ցուրտն էլ Կոշևոյին մեկի դարպասից ներս մղեց: Միշկան բացեց դռից գործած փակով մի դռնակ, մտավ ետին բակը: Զախ կողմում երևում էր հարդանոցը: Նա մտավ այնտեղ, բայց իսկույն քայլեր ու հազ լսոց:

Մեկը, ճոճացնելով թաղյակները, գալիս էր հարդանոց. «Հիմի կսպանեն»,— անտարբեր, ասես կողմնակի մարդու մասին, մտածեց Կոշևոյը: Մի մարդ կանգնեց դռան մթին, լայն շեմքին:

— Ո՞վ է այստեղ:

Զայնը թույլ էր ու կարծես վախեցած:

Միշկան անցավ պատի ետևը:

— Ո՞վ ես, է՞,— հարցրին արդեն ավելի անհանգիստ ու բարձր:

Ճանաչելով Ստեպան Աստախովի ձայնը, Միշկան հարդանոցից դուրս եկավ:

— Ստեպան, ես եմ, Կոշևոյը... Փրկիր, ի սեր աստծու: Կարո՞ղ ես ոչ ոքի բան չասել: Օգնիր:

— Ա՛յ թե ով է...— Ստեպանը, որ տիֆից հետո հենց նոր էր ոտքի ելել, թուլացած ձայնով էր խոսում: Նիհարությունից երկարած նրա բերանը ժպտում էր լայն ու անվրստահ.— Դեհ, ի՛նչ արած, գիշերս անցկացրու, իսկ ցերեկը մի ուրիշ տեղ գնա: Բա դու ո՞նց ընկար ախտեղ:

Միշկան առանց պատասխանելու շաշափեց նրա ձեռքը, մտավ հարդի շեղջի մեջ: Մյուս երեկոյան, հենց որ իջավ

մինչաղը, նա հանդուգն քայլի դիմելով, գնաց տուն. ծեծեց պատուհանը: Մայրը բացեց հաշտի դուռը, լացեց, նրա ձեռները տնտղում, օղակում էին Միշկայի պարանոցը, իսկ գլուխը լացից զողում էր որդու կրծքի վրա:

— Գնա, ի սեր Քրիստոսի գնա, Միշենկա: Այսօր առավոտյան կազակներ եկան: Ամբողջ տունը տակնուվրա արին, քեզ էին փնտրում: Անտիպկա Փշանը մտրակով ծեծեց ինձ: «Տղիդ թաքցնում ես, հե՛-ա,— ասում է,— ափսոս որ նրան միանգամից չսպանեցինք»:

Քե որտեղ էին յուրայինները, Միշկան այդ շէր պատկերացնում: Զգիտեր, թե խուտորում ինչ էր կատարվում: Մոր կարճ պատմածից հասկացավ, որ Դոնի շրջակա բոլոր խուտորները ապստամբել էին, որ Շտոկմանը, Իվան Ալեքսեևիչը, Դավիդկան ու միլիցիոններները ձի էին նստել ու փախել, իսկ Ֆիլկան ու Տիմաֆեյը դեռ երեկ, կեսօրին սպանվել էին հրապարակում:

— Գնա՛, այստեղ կգտնեն քեզ...

Մայրը լալիս էր, բայց նրա վշտալի ձայնը անհողողող էր: Երկար ժամանակվա ընթացքում առաջին անգամ լացեց Միշկան, երեսայի պես հեծկլտաց, բերանից պղպաղակներ արձակեց: Հետո թամբեց ծնած զամբիկը, որով մի ժամանակ ծառայում էր իբրև ձիարած, դուրս տարավ կալը, ետևվից գնում էին քուռակը և մայրը: Մայրը Միշկային նստեցրեց ձիուն, խաչակնքեց: Զամբիկը գծկամորեն շարժվեց, երկու անգամ խրխնջաց՝ կանչելով քուռակին: Ու երկու անգամն էլ Միշկայի սիրտը պոկ եկավ, ասես գլորվեց ներքև: Բայց նա բարեհաջող կերպով բարձրացավ բլուրը, յորդա սլացավ Հետմանական ճանապարհով դեպի արևելք, Ուստ-Մեդվեդիցայի ուղղությամբ: Մթին, հեռու փախստականի գիշեր էր: Զամբիկը հաճախ վրնջում էր, վախենալով, որ կկորցնի իր կաթնակերին: Կոշեղը ատամներն իրար էր սեղմում, սանձի ծայրով խփում նրա ականջներին, հաճախ կանգ էր առնում ունկնդրելու, թե արդյոք ետևից կամ առջևվից ձիերի խուլ վազք չի՞ լսվում, արդյոք վրնջյունը չի՞ գրավել որևէ մեկի ուշադրությունը: Բայց շուրջը խոր, հեքիաթային լուռություն էր փռվել: Կոշեղը միայն լսում էր, թե

ինչպես քուռակը, օգտվելով կանգ առնելուց, մոր սև կուրծին կռթնած, ետին տոտիկները ձյան մեջ թաղած, ծծում է ու ճպճպացնում, ու ձիու կոնակից զգում էր նրա պահանջկոտ հրոցները:

XXVIII

Տարթանոցը բռնված է շոր գոմաղբի, փտած ծղնոտի խոտի թափթփուկների սուր հոտով: Ցերեկները գորշ լույս է ընկնում ճիլ խոտով ծածկված կտուրից: Ցախն դռնից, ինչպես մաղի միջից, երբեմն նայում է արևը: Գիշերը անթափանց խավար է: Մկների ճատնստոց: Լուռություն...

Օրական մի անգամ, երեկոյան, տանտիրուհին ուտելիք էր բերում Գրիգորիին: Տարթերի մեջ դրված էր դուլի տարողովթյամբ և ջրով լեցուն մի սափոր: Ամեն ինչ տանելի կլիներ, բայց ծխախոտը վերջացավ: Գրիգորին առաջին օրերը ծանր տանջվում էր, ու, այլևս չդիմանալով, առավոտները սողում էր հողե հատակի վրա, բռով հավաքում էր ձիու շոր թրիքը, փշրում ու ծխում: Մի երեկո տանտերը կնկա հետ ուղարկեց ավետարանից պոկած երկու թերթ փտած թուղթ, մի տուփ լուցկի ու մի բուռ ծխելիք, — շոր իշաովույտի և իր մշակած, չհասունացած դյուբեկ ծխախոտի արմատիկների խառնուրդ: Գրիգորին ուրախ էր, ծխեց մինչև սիրտը խառնելը և առաջին անգամ պինդ քնեց խորզուբորդ տարթերի վրա, գլուխը փեշով փաթաթած, ինչպես թռչունը թևի տակ:

Առավոտյան նրան արթնացրեց տանտերը: Սա վազելվազ ընկավ տարթանոց, կտրուկ ձայն տվեց.

— Քնե՛լ ես, վեր կաց, Դոնը բարձրացել է... — ու փառփառ ծիծաղեց:

Գրիգորին դեզից ցած թռավ: Նրա հտևից խուլ դղրդրոցով փուլ եկան տարթերի փթանոց քառակուսիները:

— Ի՞նչ է պատահել:

— Այս կողմից ապստամբել են ելանցիներն ու վեշենցիները: Տոմինը և ամբողջ իշխանությունը վեշկիից փախել են Տոկին: Կարծեմ ապստամբել են Կազանսկայան, Շումի-

լինակայան, Միգուլինակայան: Հասկացա՞ր թե բանը որտեղ է հասել:

Գրիգորիի ճակատի ու պարանոցի վրա ուռճացան երակացանցերը, ակնաբիրները կանաչավուն կայծեր թափեցին: Նա չէր կարող թաքցնել ուրախությունը. ձայնը դողաց, սև մատները աննպատակ սահեցին շինելի կոճակների վրայով:

— Բա ձեզ մո՞տ... խուտորո՞ւմ: Ի՞նչ կա, ո՞նց է:

— Ոչինչ չի լսվում: Տեսա նախագահին,— ծիծաղում է. «Իմ կարծիքով,— ասում է,— միևնույն է, թե ինչ աստծու կաղոթես, միայն թե աստված լինի»: Դե՛հ, դուրս եկ քո որջից:

Նրանք գնացին խրճիթ: Գրիգորին սածենանոց քայլեր էր անում: Կողքից աճապարում էր տանտերը, պատմում էր.

— Ելանսկում առաջինը ոտքի ելավ Կրասնոյարսկի խուտորը: Երեկ չէ մյուս օրը Ելանսկու քսան կոմունները գնացին Կրիվսկոյ և Պլեշակովսկի, որ ձերբակալեն կազակներին, իսկ Կրասնոյարցիները իմացան այդ բանը, հավաքվեցին ու որոշեցին՝ «Մինչև ե՞րբ պետք է մենք տանենք ծաղր ու ծանակը. մեր հայրերին բռնում են, մեզ էլ կհասնեն: Թամբեցեք ձիերը, գնանք ազատենք ձերբակալվածներին»: Հավաքվեց մի տասնհինգ մարդ, բոլորն էլ կտրիճ տղերք: Նրանց տարավ մարտական կազակ Ատլանովը: Ունեին միայն երկու հրացան, ոմանք թուր, ոմանք նիզակ, ոմանք էլ դագանակ: Դո՞նի վրայով հասան Պլեշակով: Կոմունները հանգստանում էին Մելնիկովի բակում: Կրասնոյարցիները հեծյալ շարքով գրոհ տվին բակի վրա, իսկ բակը շրջապատված է քարե ցանկապատով: Նրանք դեմ առան դրան ու ետ փախան: Կոմունները սպանեցին մի կազակի, ողորմի նրա հոգուն: Ետևից խփեցին, նա պոկ եկավ ձիուց ու կախվեց մի ցախե ցակապատից: Պլեշակովի կազակները նրան իր ձիով տարան ստանիցայի ախոռները: Մտրակը պոկ չէր գալի խեղճի ձեռից... Ու սկսվեց գործը: Այդ ժամանակ էլ եկավ սովետական իշխանության վերջը, ես դրա...

Խրճիթում Գրիգորին ազահոլթյամբ կերավ նախաճաշի մնացորդները. տանտիրոջ հետ դուրս եկավ փողոց: Փողոցների անկյուններում խոսմբ-խոսմբ կազակներ էին կանգնած, ասես տոն լիներ: Գրիգորին ու տանտերը մոտեցան

այդպիսի խմբերից մեկին: Իբրև պատասխան նրանց բարեվիճին, կազակները ձեռները տարան փափախներին, զուսպ վերաբերվեցին՝ հետաքրքրությամբ ու սպասողաբար դիտելով Գրիգորիի անծանոթ կերպարանքը:

— Սա մեր մարդն է, պարոն կազակներ: Դուք սրանից չվախենաք: Տատարսկու Մելնիկովների մասին լսե՛լ եք: Սա Պանտելեյի տղան է, Գրիգորին: Ինձ մոտ թաքնվել էր, որ ազատվեր գնդակահարությունից,— հպարտությամբ ասաց տանտերը:

Հենց որ սկսվեց խոսակցությունը, կազակներից մեկը պատմեց, թե ինչպես ռեշետովցիները, դուբրովցիները և շերնովցիները վեշենսկուց դուրս քշեցին Ֆոմինին, բայց այդ ժամանակ փողոցի ծայրում, որ հասնում էր սպիտակ, լայնաճակատ սարալանջին, երևացին երկու ձիավոր: Նրանք սլանում էին փողոցով, կանգ առնում կազակների յուրաքանչյուր խմբի մոտ՝ շուտ տալով ձիերը, ու ինչ-որ գոռում էին, թափահարում ձեռքերը: Գրիգորին ազահոլթյամբ սպասում էր նրանց մոտենալուն:

— Դրանք մերոնցից չեն, ուրիշները չեն... Մի տեղից եկած սուրհանդակներ են,— ուշադիր նայելով՝ ասաց կազակը ու ընդհատեց վեշենսկու գրավման մասին իր պատմածը:

Երկուսը անցնելով հարևան նրբանցքը, մոտ եկան: Առջևինը, որ մի ժերուճի էր շկոճկած կապայով, առանց գրպի, քրտնաթոր, կարմիր դեմքով ու ճակատին թափված ձերմակ գանգուրներով,— կտրիճաբար ետ տվեց ձի. բոլորովին մեջքի վրա ընկնելով, աջ ձեռքը պարզեց դեպի առաջ:

— Կազակներ՛ր, ի՞նչ եք փողոցներում կանգնել ոնց որ կնանիք,— լացակոտմած բղավեց նա: Չար արցունքները խզում էին նրա ձայնը, հուզմունքը դողացնում էր կարմիր թշերը:

Նրա տակին աշխույժ խայտում էր գեղեցիկ զամբիկը. որ շորս տարեկան էր, շծնած, շիկակարմիր, սպիտակառունգ, թել-թել պոչով ու պինդ, ասես պողպատից ձուլված ոտներով: Փնջալով ու կծոտելով սանձի բերանոցը, նա պլըզում էր, ցատկոտում ու ծառս լինում, խնդրում թուլացնել սանձը, որպեսզի դարձյալ սլանար շեշտակի, զրնգուն քառատրոփով, որպեսզի քամին դարձյալ ծալծլեր իր ականջ:

ները, սվսվար բաշի մեջ, որպեսզի սմբակների ողորկ կոնքերի տակ վերստին հեծկլտար սառնամանիքներից չորացած, ճքճքան գետինը: Զամբիկի բարակ մաշկի տակ խաղում ու շարժվում էր յուրաքանչյուր հողը և երակը: Պարանոցի վրա ցնցվում էին երկայնակի, կլորավուն մկանունքները, դողում էր քթարմատի թափանցիկ, կարմրավուն ստորին ու միջին մասը, իսկ ուռուցիկ, սուտակափայլ աչքը շուռ տալով արյունամած սպիտակուցը, պահանջկոտ ու զայրագին նայում էր տիրոջը:

— Ի՞նչ եք կանգնել, հաղաղ Գոնի զավակներ,— մի անգամ էլ գոչեց ծերունին՝ հայացքը Գրիգորից փոխադրելով մյուսների վրա.— ձեր հայրերին ու պապերին գնդակահարում են, ձեր գույքը վերցնում, ջհուղական կոմիսարները ծաղրում են ձեր հավատը, և դուք սեմիչկա եք չրթում և երգ ու պարի գնում, հա՛-ա: Սպասում եք, որ ձեր վիզը պարա՞ն գցեն: Մինչև ե՞րբ պետք է փեշերդ կարեք ձեր կնանոց փեշերին, հը՞: Ելանակու ամբողջ հողը մեծից մինչև փոքրը ոտքի է ելել: Վեշինսկում դուրս են քշել կարմիրներին... Իսկ դո՞ւք, Ռիբինսկու կազակներ: Զեզ համար ձեր կյանքը էժանացե՞լ է, հա՞: Թե՞ ձեր դամարներումը կազակական արյան տեղ մուծիկական կվաս է: Ելե՞ք, գենք վերցրեք: Կրիվսկոյ խուտորը մեզ ուղարկել է խուտորները ոտքի հանելու: Զի՛ նստեք, կազակներ, քանի ուշ չէ:— Նա խելագարված աչքերը հառեց մի ծերունու ծանոթ դեմքին, մեծ վիրավորանքով թղավեց.— Բա դու ինչի ես կանգնել, Սեմյոն Խրիստաֆորովիչ, հը՞: Կարմիրները Ֆիլոնովի մոտ թրատեցին տղիդ, իսկ դու հանգիստ պառկո՞ւմ ես վառաբանի վրա, հը՞:

Գրիգորին մինչև վերջ չլսեց, նետվեց բակը: Հարդանոցից վարզով դուրս բերեց երկար ժամանակ այնտեղ կանգնած ձին. արյունոտվելու շափ կտրատելով եղունգները, փոքրիկ տարթերը, հանեց թամբը ու կատաղածի պես դուրս թռավ դարպասից:

— Գնացի՛նք, Քրիստոս փրկե, — կարողացավ նա բղավել դարպասին մոտեցող տանտիրոջը ու, ընկնելով թամբի առ՛նի դաշին, ամբողջովին թեքվելով ձիու պարանոցին, փուռոցով մեկ ձյան փոշու սվսվարակ, թաթառանման կեմ

բարձրացրեց՝ երկու կողմից մտրակելով ձին, ամբողջ թափով բաց թողնելով նրա դուխը: Նրա ետևից նստում էր ձյան մուժը, ոտների վրա ցատկոտում էին ասպանդակները, ընդարմացած ոտները քսմովում էին թամբի թևերին: Ասպանդակների տակ շեշտակիորեն թքթքում էին ձիու սրմբակները: Նա այնպիսի վայրագ, հսկայական ուրախություն, ուժերի ու վճռականության այնպիսի հորդում էր զգում, որ, իր կամքին հակառակ, կոկորդից լալագին, բուռնաթափ խորդյուն էր թռչում: Նրա մեջ ազատություն էին ստացել գերված, թաքնված զգացմունքները: Թվում էր, որ այսուհետև պարզ էր իր ուղին ինչպես լուսնի լուսավորված ճանապարհը:

Ամեն ինչ վճռված ու կշռադատված էր այն տաղտկալի օրերին, երբ նա զազանի նման թաքնվել էր տարթե որջում և զազանի նման ունկնդրում էր դրսի յուրաքանչյուր հընչյունին ու ձայնին: Կարծես թե չէր էլ ապրել ճշմարտության որոնումների, դեգերումների, անցումների ու ներքին ծանր պայքարի օրերը:

Ամպի ստվերի նման սահել ու անցել էին այն օրերը, ու հիմա իր որոնումները իրեն ապարդյուն ու դատարկ էին թվում: Ինչի՞ մասին էր մտածում: Ինչո՞ւ էր իր հոգին շուրջկալի ժամանակ հալածվող գալլի նման դեգերում ելք փնտրելով, հակասությունները լուծելու համար: Գուրս եկավ, որ կյանքը քմծիծաղ է տալիս, իմաստունորեն պարզ է: Հիմա նրան արդեն թվում էր, որ դրա մեջ երբեք էլ չի եղել այնպիսի ճշմարտություն, որի թևի տակ ամեն ոք կարողանար ջերմանալ, ու ծայրահեղորեն զայրացած, նա մտածում էր՝ յուրաքանչյուր մեկն ունի իր ճշմարտությունը, իր ուղին: Մի պատառ հացի համար, մի կտոր հողի համար, ապրելու իրավունքի համար միշտ էլ պայքարել են մարդիկ և պետք է պայքարեն՝ քանի դեռ նրանց լույս է տալիս արևը, քանի դեռ երակներում տաք արյուն է հոսում: Պետք է կռվել այն մարդկանց դեմ, ովքեր ուզում են խլել կյանքդ, ապրելու իրավունքդ. պետք է կռվել ուժգնորեն, չդողալ գրնդակահարվողի նման, իսկ ատելության հուրը, հաստատակամությունը կտա պայքարը: Հարկավոր է միայն շսանձա-

հարել զգացումները, ազատութիւն տալ նրանց, ինչպես կատարութեանը, — և սրիշ ոչինչ:

Կազակութեան ուղիները խաղաձևվեցին հողագործի, մուսթիկական Ռուսիայի ուղիների հետ, բանվոր մարդկանց ուղիների հետ: Զարկվել նրանց հետ: Մահու գնով նրանց ոտների տակից պոկել Դոնի արգավանդ, կազակական արյունով ողողված հողը: Մարզի սահմաններից քշել նրանց, ինչպես թաթարներին: Յնցել Մոսկովան, նրա վզին ամոթալի հաշտութիւն փաթաթել: Նեղ կածանով իրար դեմ եկողները չեն անցնի. պետք է որ մեկն ու մեկը ցած գցի մյուսին: Փորձը արված է. կարմիր գնդեր են բաց թողել դեպի գորաց հողը, տեսել են դրա համը: Դեհ, հիմա վերցրու՛ թուրը:

Կույր ատելութեամբ բորբոքված, այդ մասին էր մտածում Գրիգորին, մինչդեռ ձին նրան տանում էր դոնի սպիտակաբաշ ծածկոցի վրայով: Նրա մեջ մի ակնթարթ գալարվեց հակասութիւնը՝ «Հարուստները — աղքատների և ոչ թե. կազակները Ռուսիայի դեմ... Միշկա Կոշկոյը և Կատարովը նույնպես կազակներ են, բայց մինչև ուղն ու ծուծը կարմիր են...» Բայց նա բարկութեամբ ձեռք քաշեց այդ մտքերից:

Երևաց Տատարսկին: Գրիգորին քաշեց սանձը, փրփուրի պղպշակներ թափող ձին քշեց թեթև վազքով: Խուտորի ծայրին դարձյալ արագացրեց ընթացքը, ձիու կրծքով բացեց ցանկապատի դռնակը. ներս ընկավ բակը:

XXIX

Ուսաբացին հոգնատանջ Կոշկոյը մտավ Ուստ-Խոպերուկայա մեծ ստանիցայի մի խուտորը: 4-րդ Զամուրսկի գնդի ուղեկալը կանգնեցրեց նրան: Երկու կարմիրբանակային նրան տարան շտաբ: Ինչ-որ մի շտաբային աշխատող երկար ու անվստահութեամբ հարցուփորձ էր անում նրան, փորձում էր շշկլեցնել, տալով այնպիսի հարցեր, ինչպես, օրինակ, հետևյալ հարցերը. «Իսկ ձեզ մոտ ո՞վ էր ռեկոմի նախագահ». «Ինչո՞ւ փաստաթղթեր չկան» և այլն: Միշկան ձանձրացավ հիմար հարցերին պատասխանելուց:

— Դու ինձ մի շարշարի, ընկեր: Կազակներն ինձ ավելի շատ են շարշարել, ամա բան չի գորս եկել:

Նա բարձրացրեց շապիկը, ցույց տվեց եղանով խոցված կողը և փորի ստորին մասը: Ուզում էր կծու խոսքով գաղել շտաբայինին, բայց այդ պահին ներս մտավ Շտակմանը:

— Անառակ որդի, սատանի ճուտ. — նրա բաժք ձայնը խզվեց, ձեռները շանչեցին Միշկայի մեջքը. — Ի՞նչ ես արան հարցուփորձ անում, ընկեր: Ախր սա մեր տղան է: Էլ ինչո՞ւ ես հիմարութեան պոչից բանել: Մարդ ուղարկեիր ինձ կամ Կատարովին կանչելու, պրծավ-գնաց, ու ոչ մի հարց... Գնանք, Միխայիլ: Բայց ի՞նչպես ես կենդանի մնացել, ինչպե՞ս, ասա ինձ: Ախր մենք քեզ ջնջել էինք կենդանի մարդկանց ցուցակից: Կարծում էինք, որ ընկել ես հերոսի մահով:

Միշկան վերհիշեց, թե ինչպես իրեն գերի վերցրին, վերհիշեց իր անպաշտպան լինելը, սահնակում թողած հրացանը, ու տանջալից կերպով, արտասովելու շափ կարմրեց:

XXX

Գրիգորիի ժամանելու օրը Տատարսկում արգեն կազակների երկու հարյուրյակ էր կազմվել: Ժողովում որոշել էին մոբիլիզացնել զենք կրելու ընդունակ բոլոր մարդկանց, տասնվեցից մինչև յոթանասուն տարեկան: Շատերը զգում էին ստեղծված դրութեան անհուսալիութիւնը. հյուսիսում գտնվում էր թշնամական, բուշեիկացած Վորոնեժի նահանգը և Խոպերի կարմիր օկրուգը, հարավում՝ ռաբանակատում, որը շուտ գալիքով կարող էր իր հեղեղով ճզմել ապստամբներին: Առանձնապես զգուշ մի շարք կազակներ չէին ուզում զենք փրցնել, բայց նրանց զգուշ էին ստիպում: Ստեպան Աստախովը կտրականապես հրաժարվեց կռվելուց:

— Ես չեմ գնա: Վերցրեք ձին, ինչ ուզում եք արեք ինձ հետ, բայց ես չեմ ուզում հրացան վերցնել, — հայտարարեց նա առավոտյան, երբ նրա տունը մտան Գրիգորին, Խրիստոնյան ու Անիկուշկան:

— Ո՞ւնց թե չես ուզում, — շարժելով ունեզերը, հարցրեց Գրիգորին:

— Հենց այնպես, չեմ ուզում, պրծավ-գնաց:

— Բա որ կարմիրները վերցնեն խուտորը, ո՞ր պիտի շնաս: Մեզ հետ կգա՞ս, թե կմնաս:

Ստեպանը սեևոուն, առկայծող աչքերով նայում էր մերթ Գրիգորիին, մերթ Ակսինյային, ու մի քիչ լռելուց հետո պատասխանեց.

— Այն ժամանակ կտեսնենք...

— Որ այդպես է, դուրս եկ: Վերցրու դրան, Խրիստան: Հիմի մենք քեզ կգնդակահարենք.— աշխատելով չնայել վառարանին կպած Ակսինյային, Գրիգորին վերցրեց Ստեպանի վերնաշապկի թևքից, քաշեց դեպի իրեն.— գնա՛նք, պրծա՛վ:

— Գրիգորի, հիմարություն մի անի... Թո՛ղ:

Ստեպանը սփրթնում էր, թույլ դիմադրում: Ետևից նրան գրկից մռայլված Խրիստոնյան, մռթմռթաց.

— Ուրեմս գնանք, թե որ դու այդ տեսակ մարդ ես:

— Եղբայրներ...

— Մենք քեզ եղբայրներ չենք, ասում են ե՛կ:

— Թողեք, ես կգրվեմ հարյուրյակի մեջ: Տիֆից թուլացել եմ...

Գրիգորին ծուռ քմծիծաղ տվեց, բաց թողեց Ստեպանի վերնաշապկի թևքը:

— Գնա, հրացան ստացիր: Վաղուց պետք էր այդ անել:

Կոճկելով շինելը, առանց հրաժեշտ տալու, նա դուրս ելավ: Խրիստոնյան չքաշվեց այդ բոլորից հետո մի պապիրոսի ծխախոտ խնդրել Ստեպանից, ու դեռ երկար նստեց, խոսեց, կարծես թե նրանց մեջ ոչինչ էլ չէր պատահել:

Իրիկնադեմին Վեշենսկուց երկու սալլ գնք բերին: Ութսունչորս հրացան և հարյուրից ավելի թուր: Շատերը հանեցին իրենց թաքցրած զենքերը: Խուտորը տվեց երկու հարյուր տասնմեկ մարտիկ: Հարյուր հիսուն ձիավոր, մնացածները— պլաստուններ:

Ապատամբները դեռ միասնական կազմակերպություն չունեին: Խուտորներն առայժմ զատ-զատ էին գործում. ինքնուրույն կերպով հարյուրյակներ էին կազմում, ժողովներում առավելապես մարտական կազակներից հրամանատարներ էին ընտրում՝ հաշվի առնելով ոչ թե աստիճանները, այլ նրանց մատուցած ծառայությունները. հարձակողական գոր-

ծողություններ չէին ձեռնարկում, այլ միայն կապ էին հաստատում հարևան խուտորների հետ ու հեծյալ հետախուզախմբերով զննում էին շրջակայքը:

Տատարսկում դեռ մինչև Գրիգորիի ժամանումը հեծյալ հարյուրյակի հրամանատար ընտրեցին Պետրո Մելեխովին, ինչպես և տասնութ թվականին: Հետևակ հարյուրյակի հրամանատարությունը իր վրա վերցրեց կատիշևը: Հրետանավորները Իվան Տամիլինի գլխավորությամբ մեկնեցին Բազկի: Այնտեղ գտնվեց կարմիրների թողած, կիսաջարդված մի թնդանոթ առանց պանորամայի և ջարդված անիվով: Հրետանավորներն էլ հենց գնացել էին այն նորոգելու:

Երկու հարյուր մարդու համար Վեշենսկուց բերին և խուտորում հավաքեցին հարյուր ութ հրացան, հարյուր քառասուն թուր և տասնչորս որսորդական հրացան: Պանտելեյ Պրակոֆևիչը, որ մյուս ծերունիների հետ ազատվել էր Մոխովի տան գետնահարկից, գետնի միջից հանեց գնդացիրը: Բայց ժապավեններ չգտնվեցին, և հարյուրյակը շրնդունեց գնդացիրը:

Մյուս օրվա իրիկնադեմին հայտնի դարձավ, որ ապրտամբությունը ճնշելու համար կիսաչևի հրամանատարությամբ Կարգինսկուց գալիս է կարմիր զորքերի պատժիչ մի շոկատ երեք հարյուր սվինով, յոթ թնդանոթով ու տասներկու գնդացրով: Պետրոն որոշեց ուժեղ հետախուզախումբ ուղարկել Տոկին խուտորի ուղղությամբ, միաժամանակ հաղորդելով Վեշենսկայային:

Հետախուզախումբը մեկնեց մթնշաղին: Գրիգորի Մելեխովը տանում էր տատարցիներից երեսուներկու հոգի: Խուտորից գնացին քառատրոփով ու այդպես էլ սլացան հենց մինչև Տոկին: Այնտեղից երկու վերստ հեռավորությամբ, ոչ խորունկ մի յառի մոտ, ճանապարհի կողքին Գրիգորին ձիերից իջեցրեց կազակներին, տեղավորեց յառի տակ: Զիսպահները ձիերը տարան ձորահովիտ: Այնտեղ խորունկ ձյուն էր պառկած: Զիերը իջնելիս մինչև փորերը թաղվում էին փխրուն ձյան մեջ. մեկի հովատակը նախազարնանային գրգռմունքից վրնջում էր, աքացում: Հարկավոր եղավ առանձին ձիապահ ուղարկել նրան հսկելու համար:

Գրիգորին երեք կազակի՝ Անիկուշկային, Մարտին Շա-

միտին և Պրոխոր Զիկովին ուղարկեց իրատորի ուղղութեամբ։
Նրանք ճանապարհովեցին քայլքով։ Հեռվում, սարալանջի
տակ, լայն գիզգազով դեպի հարավ-արևելք ձգված, կապույ-
տին էին տալիս Տոկինի պուրակները։ Իջնում էր գիշերը։
Տասփատանի վերևում կուտակվում էին ցածր ամպերը։ Կա-
զակները լուռ նստել էին յառի տակ։ Գրիգորին նայում էր,
թե ինչպես երեք ձիավորների կերպարանքները իջնում են
զառիվայրով, միաձուլվում ճանապարհի սև լանջին։ Ահա
արգեն շեն եթևում ձիերը, միայն ձիավորների գլուխներն են
նշմարվում։ Դրանք էլ չբացան։ Մի ընկերից հետո այնտե-
ղից բարձր որոտաց գնդացիքը։ Հետո մի տնոնով ավելի բար-
ձրը, տենորանման ճարճատեց մի այլ, ըստ երևույթին ձեռքի
գնդացիք։ Դատարկելով սկավառակը, ձեռքի գնդացիքը լռեց
իսկ առաջինը շունչ քաշելով, արագորեն վերջացրեց էլի մի
ժապավեն։ Գնդակների երամները ցրիվ թռչում էին յառի
վճրեից, մթնշաղային բարձունքում։ Նրանց կենդանի ձայնը
քաղալերում էր, ուրախ էր ու նուրբ։ Երեքը ամբողջ թափով
սլանում, գալիս էին։

— Ուղեկալի հանդիպեցինք,— հեռվից բղավեց Պրոխոր
Զիկովը։ Զիերի վազքի որոտմունքը խլացրեց նրա ձայնը։

— Զիապահները պատրաստվե՛ն,— հրաման տվեց Գրի-
գորին։

Նա թռավ յառի գլուխը, ասես խրամատի պատվարի
վրա և, ուշադրութեամբ շանհելով գնդակները, որոնք Ֆշշալով
թաղվում էին ձյան մեջ, գնաց մոտեցող կազակներին ըն-
դառաջ։

— Ոչինչ չտեսա՞ք։

— Լսեցինք, որ այնտեղ իրարանցում սկսվեց։ Ձայներից
երևում է, որ շատ են նրանք,— հեռվով ասաց Անիկուշկան։

Նա ցատկեց ձիուց, սապոգի թաթը մնաց ասպանդակի
մեջ, ու Անիկուշկան հայհոյանք թափեց, կաղաց, ձեռքով
ազատեց ոտը։

Մինչդեռ Գրիգորին նրան հարցուփորձ էր անում, ութ
կառակ յառից իջան ձորահոսվիտը. նստեցին ձիերը ու հա՛յ-
դա դեպի տուն։

— Վաղը կգնաք Կահրանք,— կամացուկ ասաց Գրիգորը

լին՝ ունկնդրելով փախտականների ձիերի հեռացող գո-
փյունին։

Մնացած կազակները էլի մի ժամ նստեցին յառի տակ,
զգուշութեամբ լուսնյուն էին պահպանում, ավանջ դնում։ Ի
վերջո մեկը սմբակների դոփյուն լսեց։

— Գալիս են Տոկինից...

— Հետախուզություն է։

— Զի՛ կարող պատահել։

Նստում էին շշնջալով։ Բարձրացնելով գլուխները, իզուր
փորձում էին որևէ բան նշմարել գիշերային անթափանց խա-
վարում։ Ֆեդոտ Բոգոլսկովի կալմիկական աչքերը առաջի-
նը ինչ-որ բան տեսան։

— Գալիս են,— վստահորեն ասաց նա՝ հանելով հրա-
ցանը։

Տարօրինակ ձևով էր նա այն կրում, փակը անց էր կաց-
նում վիզը, ինչպես թաշի զայթանը, իսկ հրացանը շեղակի
կախվում էր կրճից։ Սովորաբար նա այդպես էլ քայլում
էր կամ գնում ձիով՝ ձեռները փողին ու ազուստին դրած,
ինչպես շուր տանող կինը ձեռները գնում է գուլլերի լծակին։

Տասը ձիավոր լուռ, ցրված գալիս էին ճանապարհով,
Առջևում կես ձիու շափ երևում էր պարթև, տաք հազված
մի կերպարանք։ Երկարամարմին, կարճապաշ նժույզը քայ-
լում էր վստահորեն ու սիգապանծ։ Ներքևից դիտող Գրիգո-
րին գորշ երկնքի ֆոնի վրա պարզ տեսնում էր ձիերի մար-
մինների գծերը, ձիավորների ուրվագծերը, նա մինչև իսկ
տեսնում էր առջևից եկողի կուբանյան փափախի տափակ,
հարթ կարկազը։ Զիավորներն այնքան մոտեցան, որ մինչև
յառը տառը սաժեն էր մեռնում. այնքան փոքր էր տարածու-
թյունը նրանց և կազակների միջև, որ թվում էր, թե նրանք
պետք է որ լսեին կազակների թե խապոտ շնչառությունը և
թե սրտերի արագ զարկը։

Գրիգորին դեռ ատաջ հրամայել էր առանց իր հրամանի
չկրակելու նա, ինչպես դարձանակալած գազանորս, հաշվեհե-
կատալիս և աժեն ինչ ճշտած սպասում էր մոմենտին։
Նա արդեն սթաշում էր ընդունել՝ ձայն տալ եկողներին, ու
երբ նրանք շփոթմունքից իրար գլխի հավաքվեն, կրակ բա-
նալ։

Ճանապարհի վրա մեղմ ղողողում էր ձյունը: Սմբակների տակից դեղին լուսատտիկի նման մի կայծ թռավ. երևի պայտը սլկաց մերկ կայծքարի վրայով:

— Ուլբե՞ր են գալիս:

Գրիգորին թեթև, կատվի նման ղուրս թռավ յառից, շքտկըվեց: Նրա ետևից խուլ շրջունով ղուրս թափվեցին կազակները:

Կատարվեց այն, ինչ որ բնավ չէր սպասում Գրիգորին:

— Իսկ ղուք ո՞ւմ եք ուզում,— առանց վախի կամ զարմանքի որևէ նշույլի հարցրեց առջևից եկողի թավ, խուպոտ ձայնը: Ձիավորը ձին դարձրեց, եկավ Գրիգորիի կողմը:

— Ո՞վ է,— կտրուկ գոռաց Գրիգորին առանց տեղից շարժվելու, կիսաթեքված ձեռքով աննշմար բարձրացնելով նագանը:

Նույն բամբ ձայնը ամպագոռոռո, զայրագին որոտաց.

— Ո՞վ է համարձակվում գոռալ: Ես պատժիչ զորքերի ջոկատի հրամանատարն եմ: Ութերորդ Կարմիր բանակի շտաբի կողմից լիազորված եմ ապստամբությունը ճնշելու: Ո՞վ է ձեր հրամանատարը, թող գա այստեղ:

— Ես եմ հրամանատարը:

— Դո՞ւ ես: Չը՞մ...

Գրիգորին ձիավորի բարձրացած ձեռքում տեսավ մի սև բան, կարողացավ ընկնել մինչև կրակոցը. ընկնելիս բղավեց.

— Կրա՛կ:

Քրաունինգի բթաքիթ գնդակը շվաց Գրիգորիի գլխավերևում: Երկու կողմից էլ խլացուցիչ կրակոցներ թափվեցին: Քողովակովը կախվեց անվճեր հրամանատարի ձիու սանձից: Բուզովսկովի վրայից ձգվելով, մի ձեռքը ետ պահած, Գրիգորին թրի բութ կողմով խփեց կուբանյան փափախին, թամբից քաշեց ու գցեց ծանր մարմինը: Երկու բոպեում վերջացավ գոտեմարտը: Երեք կարմիրբանակայիններ ետ սլացան, երկուսը սպանվեցին, մնացածներին զինաթափեցին:

Գրիգորին կարճ հարցաքննեց գերի բռնված, կուբանյան փափախ դրած հրամանատարին՝ նագանի փողով բռթելով նրա ջարդված բերանը.

— Ի՞նչպես է ազգանունդ, ի՞ժ:

— Լիխաչև:

— Ինչի՞ վրա էիր հույս դնում, երբ գալիս էիր ինը պահապաններով: Դու կարծում էիր կազակները ծո՞ւնկ կոքեն, հա՞: Ներողություն կիսնդրեն:

— Սպանեցեք ինձ:

— Դրա ժամանակը կգա,— սփոփեց նրան Գրիգորին,— փաստաթղթերդ ո՞ւր են:

— Պայուսակում: Վերցրու, բանդի՛տ... սրիկա՛...

Գրիգորին ուշադրություն չդարձնելով հայհոյանքին, ինքը խուզարկեց Լիխաչևին. նրա կիսամուշտակի գրպանից հանեց երկրորդ բրաունինգը, հանեց մատուցերը և դաշտային պայուսակը: Կողքի գրպանում գտավ գազանի խայտաբղետ մորթիով ծածկված մի փոքրիկ պորտֆել, որի մեջ գտնվում էին թղթերը, և մի պորտսիգար:

Լիխաչևը շարունակ հայհոյանք էր թափում, ցավից տընքում: Գնդակը ծակել էր նրա աջ ուսը, զլուխը սաստիկ վիրավորվել էր Գրիգորիի թրով: Նա բարձրահասակ էր, բոլորով բարձր էր Գրիգորիից, ծանրամարմին էր ու երևի ուժեղ: Քուխ, նոր սափրված դեմքի վրա, քթարմատի մոտ լայնադիր ու տիրաբար միանում էին կարճ, լայն, սև հոնքերը: Քերանը մեծ էր, կզակը քառակուսի: Լիխաչևը հագել էր ծալավոր կիսամուշտակ, գլխին դրել կուբանյան սև փափախ, որը ճխլտվել էր սրի հարվածից, կիսամուշտակի տակ նրա ձրա բարեձև նստել էին պաշտպանական գույնի ֆրենչը, լայն գալիֆեն: Բայց ոտները փոքր էին, նրբագեղ, նա լաքած ձիաքերով, շքեղաշուք սապոգներ էր հագել:

— Հանիր կիսամուշտակդ, կոմիսար,— հրամայեց Գրիգորին,— դու կոկլիկ ես: Չաղացել ես կազակական հացո՛ւլ, չես մրսի:

Գերինների ձեռները կապեցին լաթագոտիներով, պախուշներով, նստեցրին հենց նրանց ձիերին:

— Վարգով իմ ետևի՛ց,— հրաման տվեց Գրիգորին և իր վրա շտկեց Լիխաչևի մատուցերը:

Նրանք գիշերեցին Բազկիում: Հատակի վրա, վառարանի մոտ, ծղնոտե փոռցի վրա Լիխաչևը տնքում էր, կրճատչևում ատամները, գալարվում: Գրիգորին լամպի լույսով վաղ ու կապեց նրա վիրավորված ուսը: Բայց հարցուկ...

ձից հրաժարվեց: Երկար նստեց սեղանի առաջ, նայեց Լի-
խաչկի մանդատները, Վեշենսկու կոնտրոլլուցիոներ կա-
զակների ցուցակները, որ փախած ռուսերունալը հանձնել
էր Լիխաչկին, ծոցատետրը, նամակները, քարտեզի վրա
արված նշումները: Երբեմնակի նայում էր Լիխաչկին, շեղ-
բանման իր հայացքները մեխում նրա աչքերին: Կազակնե-
րը: որոնք գիշերում էին այդ խրճիթում, ամբողջ գիշերը
դես-դեն էին ընկնում, դուրս էին գնում ձիերին նայելու և
հաշտում ծխելու, պառկած խոսակցում էին:

Գրիգորին ննջեց առավոտյան դեմ, բայց շուտով արթնա-
ցավ, սեղանից բարձրացրեց ծանրացած գլուխը: Լիխաչկը
նստել էր ծգնոտի վրա, ատամներով քանդում էր բինտը,
պոկելով վիրակապը: Նա արյունակալած, կատաղի աչքերով
նայում էր Գրիգորին: Սպիտակ ատամներով նրա բերանը
բացվում էր տանջալից կերպով, ինչպես հոգեվարքի պահին,
աչքերը այնպիսի մահացու թախիծ էին արտահայտում, որ
Գրիգորիի քունը միանգամից փախավ:

— Հը՛, ֆ՛նչ կա,— հարցրեց նա:

— Ախր էլ ի՞նչ է քեզ պետք... Մա՛հ եմ ուզում,—
մոնչաց Լիխաչկը դալկանալով, գլուխը գցելով ծղնոտին:

Գիշերված ընթացքում նա մոտ կես դուռ ջուր խմեց: Մին-
չև լուսաբաց աչք չփակեց:

Առավոտը Գրիգորին նրան սայլով, կարճ զեկուցազրով
ու գրաված բոլոր փաստաթղթերով ուղարկեց Վեշեն-
սկայա:

XXXI

Վեշենսկում երկու հեծյալ կազակների հսկողության տակ
սայլը արագ մոտեցավ գործկոմի կարմիր, աղյուս շենքին:
Լիխաչկը կիսապառկած էր սայլի ետին մասում: Նա՛ վեր
կացավ՝ ձեռքը պահած արյունոտ վիրակապին: Կազակները
իջան ձիերից. ուղեկցելով նրան, մտան տուն:

Հիսունի չափ կազակներ խիտ փամբվել էին ապստամբա-
կան միացյալ ուժերի ժամանակավոր հրամանատար Սու-
յարովի սենյակում: Լիխաչկը ձեռքը վերքին պահած, նրանց

միջով մտածեցավ սեղանին: Մեղանի առաջ նստած էր Սույա-
րովը,— փոքրամարմին, ոչնչով աչքի չընկնող, բացի դեղին
աչքերի հագվածություն նենգավոր խորշիկներից: Նա հեզ նա-
յեց Լիխաչկին, հարցրեց.

— Բերի՞ն տղավնյակին: Լիխաչկը հենց դո՛ւ ես:

— Ես եմ: Ահա իմ փաստաթղթերը:— Լիխաչկը պարկի
մեջ դրված պորտֆելը գցեց սեղանի վրա, անմատչելիորեն
ու խստաբարո նայեց Սույարովին:— Ցավում եմ, որ ինձ
չհաջողվեց կատարել իմ ստացած հանձնարարությունը,—
ճգմել ձեզ, ինչպես իժերին: Բայց Սովետական Ռուսաստա-
նը ձեզ կհատուցանի պատշաճը: Խնդրում եմ ինձ գնդակա-
հարել:

Նա շարժեց գնդակով խոցված ուսը, շարժեց լայն
հոնքը:

— Ո՛ւ, ընկեր Լիխաչկ: Մենք ինքներս ենք ապստամբել
գնդակահարությունների դեմ: Մեզ մոտ այնպես չէ, ինչպես
ձեզ մոտ,— գնդակահարություններ չկան: Մենք քեզ կրու-
ժենք, և դու գուցե մեզ օգուտ տաս,— մեղմակի, բայց աչ-
քերը փայլեցնելով ասաց Սույարովը:— Ավելորդ մարդիկ
դուրս գնացեք այստեղից: Դեհ, շուտ:

Մնացին Ռեշետովսկու, Չերնովսկու, Ուշակովսկու, Դուբ-
րովսկու և Վեշենսկու հարյուրյակների հրամանատարները:
Նրանք նստեցին սեղանի մոտ: Մեկը ոտով հրեց տարուրե-
տը ու հրամցրեց Լիխաչկին, բայց սա չնստեց: Հենվեց պա-
տին, գլուխների վրայով նայեց պատուհանին:

— Ա՛յ թե ինչ, Լիխաչկ,— սկսեց Սույարովը՝ հայացք-
ներ փոխանակելով հարյուրյակների հրամանատարների
հետ,— ասա մեզ, որքան է քո ջոկատը:

— Չեմ ասի:

— Չե՞ս ասի: Պետք չի: Մենք ինքներս կիմանանք քո
թղթերից: Կամ թե չէ, կհարցաքննենք քո պահապան կար-
միրբանակայիններին: Մենք մի բան էլ պիտի խնդրենք
(Սույարովը շեշտեց այդ բառը) քեզ. գրիր քո ջոկատին, որ
դա Վեշկի: Մենք ձեզ հետ կովելու բան չունենք: Մենք դեմ
չենք սովետական իշխանության, այլ դեմ ենք կոմունային
ու ջհուղներին: Մենք քո ջոկատը կզինաթափենք ու կթողնենք
տուն: Քեզ էլ ազատ կարձակենք: Մի խոսքով, գրի նրանց,

որ մենք էլ իրենց պես աշխատավորներ ենք, թող մեզանից չվախենան, մենք Սովետներին դեմ չենք...

Լիխաշևի թուրք ընկավ Սուլայրովի ալիխառն, սուր մորուքին: Սուլայրովը թևքով սրբեց մորուքը, նրա այտերը կարմրեցին: Հրամանատարներից ոմանք ժպտացին, բայց ոչ ոք վեր չկացավ պաշտպանելու ապստամբական ուժերի հրամանատարի պատիվը:

— Վիրավորում ես մեզ, ընկեր Լիխաշև,— արդեն բացահայտ կեղծավորությամբ ասաց Սուլայրովը,— ատամանները, սպաները մեզ ծաղր ու ծանակի էին ենթարկում, թքում էին մեզ վրա, և դու էլ, կոմունիստ լինելով, թքում ես: Իսկ բոլորդ էլ ասում եք, թե ժողովրդի կողմն եք... է՛յ, ո՛վ կա այնտեղ... Տարեք կոմիսարին: Վաղը քեզ կուղարկենք Կազանսկայա:

— Գուցե կմտածե՞ս,— խիստ տոնով հարցրեց հարյուրյակների հրամանատարներից մեկը:

Լիխաշևը արագ շարժմամբ շտկեց ուսերին գցած ֆրենչը, քայլեց դեպի ուղեկցորդը, որ կանգնած էր դռան մոտ: Նրան չգնդակահարեցին: Ապստամբները հո պայքարում էին «գնդակահարությունների ու կողոպուտների» դեմ... Մյուս օրը նրան տարան Կազանսկայա: Նա քայլում էր ձիավոր ուղեկցորդների առջևից, թեթևակի ոտները դնում ձյան վրա, կիտում կարճլիկ մազերով լայն հոնքերը: Բայց անտառում, անցնելով մահացու սպիտակություն ունեցող մի կեչու կողքից, աշխույժ ժպտաց, կանգ առավ, ձրգվեց դեպի վեր և առողջ ձեռքով մի ոստ պոկեց: Դրա թուխ բողբոջները արդեն լցվել էին մարտ ամսի քաղցր հյութով: Նրանց նուրբ, հազիվ զգալի բուրմունքը խոստանում էր գարնանային ծաղկում, կյանք, որ կրկնվում է արևի բուրակի տակ... Լիխաշևը ուռուցիկ բողբոջները դնում էր բեռանը, ծամում դրանք, մշուշված աչքերով նայում սառնամանիքից ազատված, բաց գույն առած ծառերին, ու ժրպտում էր սափրված շուրթերի անկյունով:

Բողբոջների սև թերթիկները շուրթերին նա մեռավ. վեշենսկուց յոթ վերստ հեռավորությամբ, մռայլ ու խոժոռ ավազաթմբերի վրա ուղեկցորդները գազանաբար թրատեցին նրան: Կենդանի վիճակում հանեցին նրա աչքերը, կրտս-

րեցին թևերը, ականջները, քիթը, թրերով խոցոտեցին դեմքը: Արձակեցին շավարի կոճակները և անարգեցին, պղծեցին մեծ, առնական, գեղեցիկ մարմինը: Անարգեցին արյունահոս կտրվածքը, հետո էլ ուղեկցորդներից մեկը ոտքը դրեց թույլ դողացող կրծքին, մեջքի վրա ընկած մարմնին ու մի հարվածով շեղակի կտրեց գլուխը:

XXXII

Դոնի մյուս կողմից, նրա վերին ավազանից, բուրբ կողմերից լուրեր էին գալիս ապստամբության լայն ծավալման մասին: Միայն երկու ստանիցայի հողը չէր, որ արդեն ոտքի էր ելել: Ապստամբեցին Շումիլինսկայա, Կազանսկայա, Միգուլինսկայա, Մեշկովսկայա, Վեշենսկայա, Ելանսկայա, Ուստ-Խոպերսկայա ստանիցաները, հապճեպորեն հարյուրյակներ կազմեցին. պարզապես ապստամբների կողմն էին թեքվում Կարգինսկայա, Բոկովսկայա, Կրասնոկուտսկայա ստանիցաները: Ապստամբությունը սպառնում էր անցնել նաև հարևան Ուստ-Մեղվեդիցի և Խոպերի օկրուգները: Արդեն սկսվում էր հուզմունքը Բուկանովսկայա, Սլաշևսկայա և Ֆեդոսևսկայա ստանիցաներում. հուզվում էին Վեշենսկուն հարևան Ալեքսևսկայա ստանիցայի խուտորները... Վեշենսկայան որպես օկրուգային ստանիցա, ապստամբության կենտրոն դարձավ: Երկար վեճերից ու դատողություններից հետո որոշեցին պահպանել իշխանության նախկին կառուցվածքը: Օկրուգային գործկոմի կազմի մեջ ընտրեցին առավելապես հարգվող կազակներին, գլխավորապես Երիտասարդներին: Նախագահ նստեցրին հրետանային գերատեսչության զինվորական շինովնիկ Դանիլովին: Ստանիցաներում ու խուտորներում սովետներ կազմակերպվեցին, և, որքան էլ տարօրինակ է, առօրյա կենցաղում մնաց մի ժամանակ հայհոյական «ընկեր» բառը: Նետվեց նաև դեմագոգիկ լողունգ,— «Հանուն սովետական իշխանության, բայց ընդդեմ կոմունայի, գնդակահարությունների և կողոպուտների»: Հենց դրա համար էլ ապստամբների փափախներին վրա մեկ սպիտակ թելի կամ կապի փոխարեն երևացին Լրկուսը,— սպիտակ ու կարմիր, խաչաձև կպցրած...

Ապստամբական միացյալ ուժերի հրամանատարի պաշտոնում Սուլյարովին փոխարինեց երիտասարդ, քսանութ տարեկան խորունժի Պավել Կուդինովը, — բոլոր շորս աստիճանների գեորգեյան կավալեր, ճոռումախոս ու խելոք մի մարդ: Նա աչքի էր ընկնում իր թույլ բնավորութամբ, և նա չէր, որ այդպիսի փոթորկալից ժամանակներում պիտի կարողանար կառավարել խռովարար օկրուզը, բայց կազակները նրա հետ ոտ մեկնեցին իր պարզության ու լավ վարվեցողության համար: Գլխավորն այն էր, որ Կուդինովը իր ծագմամբ կազակության բուն իսկ զանգվածից էր ու զերծ էր գոռոզությունից և սպայական ամբարտավանությունից, որը սովորաբար հատուկ է նորեկուկներին: Նա միշտ համեստ էր հագնվում, երկար, կլորած և կտրված մազեր էր թողնում, մի փոքր կորացած էր և արագախոս: Նրա նիհար, երկարաքիթ դեմքը մուժիկական էր թվում, ոչնչով աչքի չէր ընկնում:

Շտաբի պետ ընտրեցին փոխ-յասավուլ Իլյա Սաֆոնովին, և ընտրեցին միայն այն պատճառով, որ վախկոտ մարդ էր, բայց հարմար էր իր գրագիտությամբ, քանզի գրագետ էր: Նրա մասին հենց այդպես էլ ասացին ժողովում:

— Սաֆոնովին նստեցրեք շտաբում: Շարքում նա անպետք է: Նա շատ կորուստներ կտա, չի պահպանի կազակներին, ու ինքն էլ, մեկ էլ տեսար, փշացրեց գործը: Թե գրնչուից տերտեր լինի, նրանից էլ կավոդ կլինի:

Կարճահասակ, կլորավուն Սաֆոնովը այդ դիտողության վրա ուրախ ժպտաց դեղնասպիտակավուն բեղի տակին ու մեծ հաճույքով համաձայնվեց ընդունել շտաբը:

Բայց Կուդինովը և Սաֆոնովը միայն ձևակերպում էին այն, ինչ որ ինքնուրույն կերպով կատարում էին հարյուրյակները: Ղեկավարելու նկատմամբ նրանց ձեռքերը կապված էին և նրանց ուժերից էլ վեր էր այդպիսի մի մեծ գործ վարել ու հտ շմնալ իրադարձությունների շեշտակի թափից:

4-րդ Ձաամուրսկի հեծյալ գունդը, որին միացել էին Ուստ-Նոպերսկայա, Նլանսկայա և մասամբ Վեջենսկայա ստանիցանների բոլշևիկները, կովով՝ անցավ մի քանի խուտոր, անցավ Նլանսկու սահմանը և տափաստանով, Դոնի փիերով շարժվեց դեպի արևմուտք:

Մարտի 5-ին զեկուցագրով Տատարսկի եկավ մի կազակ: Նլանցիները շտապ օգնություն էին պահանջում: Նրանք նահանջում էին համարյա առանց դիմադրության, փամփուշտներ ու հրացաններ չկային: Նրանց խղճուկ կրակոցներին ի պատասխան զաամուրցիները նրանց վրա գնդացրային կարկուտ էին թափում, խփում երկու մարտկոցներից: Այսպիսի պայմաններում ժամանակ չկար օկրուզից կարգադրություններ սպասելու: Եվ Պետրո Մելխովը որոշեց կովի ելնել իր երկու հարյուրյակներով:

Նա վերցրեց հարևան խուտորների նաև շորս հարյուրյակների հրամանատարությունը: Կազակներին առավոտյան դուրս բերեց բլուրի վրա: Սկզբում, ինչպես այդ սովորաբար լինում է, ընդհարվեցին հետախուզախմբերը: Կոխն ավելի ուշ ծափալվեց:

Կարմիր Հովտի մոտ, Տատարսկի խուտորից ութ վերստ հեռավորությամբ, ուր մի ժամանակ Գրիգորին կնոջ հետ վաթ էր անում և ձմեռը շուտ վրա հասավ, ուր առաջին անգամ նա խոստովանեց Նատալյային, որ չի սիրում նրան, — ձմեռային այդ մռայլ օրը ձյան վրա, խորունկ յառերի կողքին հեծյալ հարյուրյակները իջնում էին ձիերից, շղթաներ էին կազմվում, ձիապահները ձիերը տանում էին թաքստոց: Ներքևից, խորունկ, ընդարձակ հովտից երեք շղթայով գալիս էին կարմիրները: Հովտի սպիտակ տարածությունը կտրատված էր մարդկանց սև բծերով: Շղթաներին սայլեր էին մոտենում, վխտում էին հեծյալները: Կազակները, որոնք հակառակորդից բաժանված էին երկու վերստ տարածությամբ, անշտապ պատրաստվում էին կովի բռնվելու:

Պետրոն իր պարարտ, մի փոքր քրտնակալած ձիով Նլանսկու հարյուրյակներից, որոնք արդեն շղթաներ էին կազմել, սրարշավ մոտեցավ Գրիգորիին: Նա ուրախ էր, աշխուժացած:

— Աղբեր տղերք, փամփուշտները զուր չծախսեք: Խփեցեք, երբ հրաման տամ... Գրիգորի, քո կիսահարյուրյակը տար մի հարյուր հիսուն սաժեն դեպի ձախ: Վազիր: Զիապահները թող իրաք զլխի չհավաքվեն: — Նա արավ վերջին, էլի մի քանի կարգադրությունները, հանեց հեռագրիտակը: —

Կարծես թե մարտկոց են տեղավորում Մատվեկ կուրգանի վրա:

— Ծա վաղուց եմ նկատում. հասարակ աչքով է երևում:

Գրիգորին նրա ձեռքից վերցրեց հեռադիտակը, դիտեց: Կուրգանի ետևում, որի կատարից քամիները քշել-տարել էին ձյունը, սևին էին տալիս սայլերը, երևում էին շատ փոքրիկ թվացող մարդիկ:

Տատարսկի հետևազորը, — «պլաստունիկները», ինչպես կատակով նրանց անվանում էին հեծյալները, — շնայելով իրար գլխի շհավաքվելու խիստ հրամանին, խմբվում էին, իրար մեջ փամփուշտներ բաժանում, ծխում, կատակներ փոխանակում: Ցածրահասակ կազակներից մի գլխով բարձր ճոճվում էր նրիստոնյայի փափախը (զրկվելով ձիուց, նա ընկել էր հետևազոր), կարմրին էր տալիս Պանտելեյ Պրակոֆևիչի ականջավոր փափախը: Հետևազորում մեծ մասամբ գտնվում էին ծերունիները և շատ ջահելները: Արևածաղկի ցողունների չկտրատված թավուտից դեպի աջ մեկ ու կես վերստի վրա ցրված էին ելանցիները: Նրանց շորս հարյուրյակներում կար վեց հարյուր մարդ, բայց համարյա երկու հարյուրը ձիերն էին պահում: Ամբողջ կազմի մեկ երրորդ մասը ձիերի հետ թաքնված էր ձորակների զառիվայր ճյուղերում:

— Պետրո Պանտելևիչ, — բղավում էին հետևակ շարքերից, — տե՛ս, կովում մեզ, հետևակներիս չթողնես ու հեռանաս:

— Հանգիստ եղեք, շենք թողնի, — ժպտաց Պետրոն ու նայելով դանդաղորեն բլուրին մոտեցող կարմիրներին, սկսեց ջղայնոտությամբ խաղացնել մտրակը:

— Պետրո, եկ այստեղ, — խնդրեց Գրիգորին՝ շղթայից անցնելով մի կողմ:

Պետրոն ձին քշեց, մոտեցավ: Գրիգորին դեմքը կնճռոտելով, նկատելի դժգոհությամբ ասաց.

— Դիրքը իմ սրտովը չի: Պետք է անցնել այս յառերը: Քե չէ թևից կըրջանցեն մեզ, փորձանքի մեջ կընկնենք: Հը՞:

— Ի՞նչ ես ասում, է՞, — սրտնեղությամբ ասաց Պետրոն, — ո՞նց թե մեզ կըրջանցեն: Ծա ռեզերվում մի հարյուր-

րյակ եմ թողել, հետո, թե որ գործը վատ գնա, յառերն էլ պետք կգան: Նրանք շեն խանգարում:

— Տե՛ս, տղա, — նախազգուշացնող տոնով ասաց Գրիգորին, նորից ու նորից աչքերով արագորեն զննեց տեղանքը:

Նա մոտեցավ իր շղթային, նայեց կազակներին: Շատերի ձեռների վրա թաթմաններ ու ձեռնոցներ արդեն չկային: Հուզմունքից դրանք հանել էին: Ոմանք ձանձրանում էին. մերթ թրերն էին շտկում, մերթ գոտու այվզուկը տեղափոխում, պրկում գոտին:

— Մեր հրամանատարը իջավ ձիուց, — ժպտաց Ցեզոտ Բողովսկովը ու հեգնաբար, թեթևակի գլխով արավ Պետրոյի կողմը, որ շորորալով քայլում էր դեպի շղթաները:

— Է՛յ, դու, գեներալ Պլատով, — քրքջաց կոնատ Ալյոշկա Շամիրը, որ միայն թրով էր զինված, — հրամայիր մի մի թաս արաղ տալ դոնեցիներին:

— Սո՛ւս հարեցող, մինչև արաղը բերանիդ մոտեցնես, կարմիրները կկտրեն մյուս ձեռքդ: Քեզ կմնա տաշտից լակելը:

— Դե՛հ, դե՛հ:

— Ա՛յ թե կխմեի, հա՛-ա, էժան կնստեր, — հոգոց հանեց Ստեպան Աստախովը և, նույնիսկ ձեռքը բարձրացնելով թրափնջից, ուլորեց շեկլիկ բեղը:

Շղթայով մեկ ստեղծված դրուժյան համեմատ բոլորովին անհարմար խոսակցություններ էին տեղի ունենում: Ու միանգամից լռեցին, հենց որ Մատվեկ կուրգանի ետևից հուժկու որոտաց թնդանոթը:

Բամբ, լիակշիռ ձայնը գնդիկի նման դուրս թույլ թրնդանոթի երախից ու երկար շաշեց տափաստանի վրա, ինչպես ծխի սպիտակ քուլա, ու միախառնվեց պայթյունի հրատակ, կարճ ու հատու ձայնին: Արկը տեղ չհասավ. պայթեց կազակական շղթայից կես վերստ հեռավորությամբ: Սև ծուխը ձյան սպիտակ, շողուն ֆոնի վրա դանդաղ, պալանպալան գալարվեց դեպի վեր. թափվեց ներքև. փովեց ու շոքեց քուլերի վրա: Կարմիր շղթայում իսկույն որոտացին գնդացիները: Սառնամանիքը հափշտակում էր ձայնի լիահնչունությունը, գնդացրային հերթերը տկտկում էին զիշե-

րային պահապանի թակիչի նման: Կազակները պառկեցիս ձյան մեջ, քոլերում, արևածաղկի ցցուն, անզլիկ ցողունների մեջ:

— Մուխը շատ սև է, ոնց որ թե գերմանական արկից լինի,— բղավեց Պրոխոր Զիկովը՝ նայելով Գրիգորիին:

Հարևան Ելանսկու հարյուրյակում աղմուկ բարձրացավ: Քամին բերեց մի ճիչ:

— Քավոր Միտրաֆանը սպանվեց:

Ռուբեժինի հարյուրյակի շիկամորուք հրամանատարը, Իվանովը կրակի տակ վազեվազ մոտեցավ Պետրոյին: Նա փափախի տակին սրբեց ճակատը, շնչասպառ ասաց.

— Ա՛մա թե ձյուն է, հա՛ւա: Այնքան կպչուն է, որ շնչ կարհնում ոտներդ դուրս քաշել:

— Ի՞նչ ես ուզում,— հոնքերը կիտելով դիմեց նրան Պետրոն:

— Մի բան եմ մտածել, ընկեր Մելեխով: Դու ցածր տեղերով մի հարյուրյակ ուղարկի Գոնի կողմը: Շղթայից հանի և ուղարկի: Թող նրանք իջնեն ցածր տեղով ու վազ տան մինչև խուտոր, իսկ այնտեղից խփեն կարմիրների թիկունքին: Նրանք կարելի է թե այնտեղ են թողել գումաղները... Դե, այնտեղ ինչքա՞ն պահապաններ պիտի լինեն որ: Ինչքան շիկի, խուճապ կառաջացնեն:

«Մի բանը» դուր եկավ Պետրոյին: Նա կրակելու հրաման տվեց իր կիսահարյուրյակին, ձեռքով արավ ամբողջ հասակով մեկ կանգնած կատիչեին ու ճոճվելով քայլեց դեպի Գրիգորին: Ռացատրեց, թե բանն ինչ է, կարճ հրամայեց.

— Տար կիսահարյուրյակդ: Սեղմիր նրանց պոչը:

Գրիգորին դուրս բերեց կազակներին, ձորահոգիտում ձի նստեցին, արագ վարձով, ձյան փոշի բարձրացնելով, սլացան դեպի խուտորը:

Կազակները ամեն մի հրացանից երկու պահուսակ փամփուշտ կրակեցին, լռեցին: Կարմիրների շղթաները պառկեցին: Գնդացիները շեշտակի ճարճատում էին, ասեռ ոմանք շեշտակ էին պարում՝ ոտները արագ-արագ խփելով հատակին: Զիսպահներից մեկի ձեռքից պոկ եկավ Մարտին Շամիլի սպիտակատա ձին, որը վիրավորվել էր պատահական զնդակով, ու խելագարված, սլացավ Ռուբեժինի կազակների:

շղթայի միջով, սարն ի վար գնաց կարմիրների կողմը: Գընդացրային կրակը խփեց նրան, ու նժույգը ամբողջ թափով սլանալիս վեր գցեց գավակը, փովեց ձյան մեջ:

— Նշան բռնել զնդացրորդների վրա,— շղթայով մեկ հաղորդեցին Պետրոյի հրամանը:

Նշան բռնեցին: Կրակում էին միայն ճարտար հրաձիգները, ու հակառակորդին վնաս հասցրին. վերխնե-Կրիվսկոյ խուտորի անբարետես մի կազակ իրար ետևից զնդակներով խփեց երեք զնդացրորդի, և պատյանում եռացող ջրով «մաքսիմը» լռեց: Սակայն խփված զնդացրորդներին փոխարինեցին նորերը: Գնդացիքը դարձյալ որոտաց՝ ցանելով մահվան սերմերը: Հաճախակի ճայթում էին համազարկերը: Կազակներն արդեն ձանձրացել էին, աճելի խոր էին թաղվում ձյան մեջ: Անիկուշկան ձյունը փոփրելով, հասավ մերկ գետնին՝ չդադարեցնելով կատակները: Նրա փամփուշտները վերջացել էին (դրանք հինգ հատ էին, կանաչ, ժանգոտ պահուսակի մեջ դրված), ու նա երբեմնակի զլուխը բարձրացնելով ձյան տակից շրթունքներով այնպիսի ձայն էր հանում, որը շատ նման էր վախեցող արջամկան ճրատճրատոցին:

— Աղխյո՛ւ...— արջամկան պես ճատճատում էր Անիկուշկան՝ հիմար նայվածքը սահեցնելով շղթայի վրա:

Նրա աչ կողմում արտասովելու շափ քրքջում էր Ստեպան Աստախովը, իսկ ձախ կողմում բարկությամբ մայր էր հայհոյում Անտիպկա Փչանը:

— Ձեռ քաշի, ի՛ժ: Ժամանակ ես գտել հանաք անելու:

— Աղխյո՛ւ...— Անիկուշկան դարձավ նրա կողմը՝ շինծու վախով կլորացնելով աչքերը:

Կարմիրների մարտկոցում հավանորեն արկերի պակասութուն էր զգացվում. կրակելով մոտ երեսուն արկ, նա լռեց: Պետրոն անհամբերությամբ նայում էր ետ, բլուրի կատարին: Նա երկու բանբեր էր ուղարկել խուտոր, հրամայելով, որ խուտորի ամբողջ շափահաս բնակչությունը զինվի եղաններով, ցցերով, գերանդիներով ու դուրս գա բլուրը: Նա ուզում էր վախեցնել կարմիրներին ու նույնպես երեք շղթա կազմել:

Շուտով ժողովուրդը հոծ ամբոխներով երևաց բլրագագաթի եզրին ու դեպի ներքև հոսեց:

— Մտիկ արեք, դուրս են թափվել սև ազոսավները:

— Ամբողջ խուտորը դուրս է եկել:

— Այնտեղ ոնց որ թե կնանիք էլ կան:

Կազակները բացականչություններ էին փոխանակում, ժպտում էին: Հրաձգությունը բոլորովին դադարեցրին: Կարմիրների կողմից գործում էին միայն երկու գնդացիք, երբեմն էլ համազարկեր էին ճայթում:

— Ափսոս, նրանց մարտկոցը ձենը կտրեց: Մի արկ գցեին կնանոնց զորքի վրա, ա՛յ թե վայնասուն կբարձրանար, հա՛-ա: Թրջված փեշերով վազ կտային խուտոր,— հաճույքով ասաց կոնատ Ալյոշկան, ըստ երևույթին լրջորեն ցավելով, որ կարմիրները կանանց վրա ոչ մի արկ չեն արձակի:

Ամբոխը սկսեց հավասարվել, մասնատվել: Շուտով երկու լայն շղթա կազմեց: Կանգ առավ:

Պետրոն թույլ չտվեց, որ նրանք թեկուզ գնդակի թռիչքի տարածության չափ մոտենան կազակական շղթային: Բայց նրանց հենց միայն երկալը զգալի ազդեցություն թողեց կարմիրների վրա: Կարմիր շղթաները սկսեցին ետ քաշվել՝ իջնելով ձորի հատակը: Կարճ խորհրդակցելով հարյուրյակների հրամանատարների հետ, Պետրոն լքեց աչ թևը,— այնտեղից հանեց ելանցիների երկու շղթա, սրանց հրամայեց ձի նստած գնալ դեպի հյուսիս, Դոնը՝ այնտեղ Գրիգորիի գրոհին օժանդակելու համար: Հարյուրյակները կարմիրների աչքի առաջ շարժվեցին Կարմիր յառի մյուս կողմում, գնացին ցած, դեպի Դոնը:

Վերսկսվեց հրաձգությունը նահանջող կարմիր շղթաների վրա:

Այդ ժամանակ «ռեզերվից», որ կազմված էր կանանցից, ծերերից ու անչափահասներից, մի քանի հանդուգն կանայք ու մի խումբ երեխաներ սողոսկեցին մարտական շղթայի մեջ: Կանանց հետ մեջտեղ եկավ նաև Դարյա Մելեխովան:

— Պետյա, տուր մի կրակեմ կարմրի վրա: Ես հո գիտեմ հրացանը բանեցնել:

Նա խկապես որ վերցրեց Պետրոյի կարաբինը. տղամարդու պես, ծնկելով, կարաբինի կոթով վստահորեն սեղմելով կրծքի վերին մասին, նեղ ուսին, երկու անգամ կրակեց:

Իսկ «ռեզերվը» մրսում էր, ոտները խփում գետնին, ցատկոտում, խնչում: Երկու շղթաներն էլ շարժվում էին առես քամուց: Կանանց այտերն ու շուրթերը կապտում էին. յուրեքների լայն փեշերի տակին լկտիաբար տեր ու տնօրինություն էր անում սառնամանիքը: Հյուսիսից ծերուկները բոլորովին սառեցին: Նրանցից շատերին, այդ թվում նաև Գրիշակա պապին, թեկնուկ արած, տարան խուտորի այս կողմում գտնվող դիք բլուրը: Բայց այստեղ, բլուրի վրա, որ մատչելի էր բարձրից փչող քամիներին, ծերունիները աշխուժացան հեռավոր հրաձգությունից և ցրտից: Շղթայում, նրանց միջև անվերջ խոսակցություններ էին տեղի ունենում առաջվա պատերազմների ու մարտերի, այժմյան ծանր պատերազմի մասին, ուր եղբայրը եղբոր, հայրը որդու դեմ է կռվում, իսկ թնդանոթները այնքան հեռու տեղից են կրակում, որ հասարակ աչքով դրանք չես է՛լ տեսնի...

XXXIII

Գրիգորին իր կիսահարյուրյակով զզգեց զամուրցիների առաջին կարգի գումակը: Թրատվեց ութ կարմիրբանակային: Գրավվեց փամփուշտներով բեռնված չորս սայլ ու երկու հեծկան ձի: Կիսահարյուրյակը պրծավ նրանով, որ սպանվեց մի ձի և կազակներից մեկը մարմնի վրա չնշխեքերծվածք ստացավ:

Բայց, մինչդեռ Գրիգորին ոչ ոքի կողմից չհետապնդվելով և հաջողությունից չափազանց երջանկացած, Դոնի ափերով ետ էր գնում, տանելով գրաված սայլերը,— բլուրի վրա մոտեցավ կովի վախճանը: Զաամուրցիների մի հեծելավառ դեռ մարտից առաջ հեռավոր, շուրջանակի ճանապարհով գնաց շրջանցման, տասը վերստ շրջան կատարեց ու հանկարծակի դուրս գալով բլուրի ետևից, գրոհ տվեց ձիապահների վրա: Ամեն ինչ իրար խառնվեց: Զիապահները ձիերով

դուրս թռան Կարմիր յառի ճյուղից, կարողացան ձիեր տալ մի քանի կազակների, իսկ մնացածների վրա արդեն փայփըլեցին զաամուրցիների սրերը: Բազմաթիվ անգնն ձիապահներ բաց թողին ձիերը, իրենք ձի նստելով, ցրիվ եկան ու փախան: Հետևազորը զրկվելով կրակելու հնարավորությունից, — վախենալով, որ գնդակները կդիպեն յուրայիններին, — ինչպես պարկից թափվող սիսեռը, թափվեց յառի տակ, անցավ մյուս կողմը, խառնիխուռն փախավ: Հեծյալներից նրանք (իսկ դրանք մեծամասնությունն էին կազմում), որոնք կարողացել էին բռնել իրենց ձիերը, իրար առաջ կըտրելով, նետվեցին դեպի խուտոր, շափվելով միմյանց հետ, թե՛ օրում ձիին է ավելի լավը:

Պետրոն առաջին պահին, հենց որ ճշոցի վրա շուռ տվեց գլուխը ու տեսավ՝ ձիապահների վրա սլացող հեծյալ զանգվածը, հրաման տվեց:

— Ձի նստել: Հետևազոր: Ըատիշն՝ Յառի վրայով...

Բայց նա շկարողացավ հասնել իր ձիապահին: Նրա ձիին պահում էր երիտասարդ տղա Անդրյուշկա Բեսիլբեմովը: Սա քառատրոսիով սլանում էր դեպի Պետրոն. Պետրոնի և Ֆեդոտ Բոդովսկովի ձիերը թռչում էին իրար կողքի, աչ կողմից: Բայց կողքից Անդրյուշկայի վրա հարձակվեց կոճակներն արձակված, դեղին կիսամուշտակով մի կարմիրբանակալին, թրի թարս հարվածով խփեց նրան, գոռաց:

— Ա՛յ թե կուլող ես, հա՛-ա. ես քո...

Անդրյուշկայի բախտից նրա մեջքին թռչկոտում էր հրացանը: Թուրը փոխանակ կտրելու շարժով կապված նրա վիզը, կրճկրճալով սահեց հրացանի փողի վրայով, վնասաց, պոկվեց կարմիրբանակայինի ձեռքից ու շտկվող աղեղի նրման դեն թռավ: Անդրյուշկայի տակի տաքարյունն ձիին մի կողմ նետվեց, թրխկոցով փախավ: Պետրոն ու Բոդովսկովի ձիերը սլացան նրա ետևից...

Պետրոն ախ քաշեց, մի վայրկյան կանգ առավ, սփռթեց, քրտինքը միանգամից ողողեց նրա դեմքը: Նա ետ նայեց. տասի շափ կազակներ վառ էին տալիս նրա մոտ:

— Կարանք, — գոռաց Բոդովսկովը: Ասրսափը ծամուռան էր նրա դեմքը:

— Թռեք յառի տակ, կազակներ, եղբայրներ, յառի տակ:

Պետրոն ինքն իրեն հավաքեց. առաջինը վազեց դեպի յառը ու երեսուն սաժենանոց զառիթափով ներքև գլորվեց: Կառչելով քոլից, նա կիսամուշտակը պատռեց կրծքի գրպանից մինչև փեշի բոլորքը, վեր թռավ, միանգամից ամբողջ մարմնով թափահարվեց շան նման: Վերևից զլղի-զլոր, շուռ ու մուռ գալով թափվում էին կազակները:

Մի րոպեում ներքև ընկավ տասնմեկ մարդ: Պետրոն տասներկուերորդն էր: Այնտեղ, վերևում դեռ ճայթում էին կրակոցները, հնչում ձիերը, ձիերի դոփյունը: Իսկ ձորակի հատակում կազակները հիմարաբար թափ էին տալիս փափախներին նստած ձյունն ու ավազը, ոմանք շփում էին մարմինների ցաված տեղերը: Մարտին Շամիլը հանելով փակաղակը, դուրս էր փչում հրացանի փողի մեջ լցված ձյունը: Մի տղայի, Մանիցկովի, խուտորի հանգուցյալ ատամանի որդու թշերը, հոսող արցունքներով ողողված, դողում էին մեծ ահից:

— Ի՛նչ անենք, Պետրո, տա՛ր մեզ: Մահը աչքերիս առաջ է... Ո՛ր ջուրն ընկնենք: Օ՛յ, կկոտորեն մեզ:

Ֆեդոտը չըջացրեց ատամները, նետվեց ներքև, ձորակի հատակով վազեց դեպի Դոն:

Նրա ետևից ոչխարների պես վազ տվին նաև մնացածները:

Պետրոն գծվարություն մը կանգնեցրեց նրանց:

— Կանգնեցեք, կորոշենք... Մի՛ փախեք, կկրակեն:

Բոլորին դուրս բերեց յառի կարմրակով կողում գտնվող հեղեղների փորած փոսի մոտ ու, կակազելով, բայց աշխատելով հանգիստ տեսք ունենալ, առաջարկեց.

— Ներքև գնալ չի կարելի: Նրանք մերոնց հեռու կըքշեն... Պետք է այստեղ... Յրվեցեք ու պառկեք փոսերի մեջ... Երեքը թող այս կողմը անցնեն... Կպաշտպանվենք կրակելով... Այստեղ կարելի է դիմանալ պաշարման...

— Ախր կկորչենք, է՛, Հայրեր, սիրելիներ, թողեք ինձ այստեղից... Չեմ ուզում... Չեմ ցանկանում մեռնել, — հանկարծ մղկտաց խարտյաշ, դեռ մինչ այդ լացող տղան՝ Մանիցկովը:

Ֆեդոտը կալմիկական աչքերից կայծեր թափելով, հանկարծ բռունցքով ուժգին խփեց Մանիցկովի դեմքին:

Տղայի բթից հորդեց արյունը, նա մեջքով կալ թափեց յառի պատից ու հազիվ մնաց ստների վրա, բայց լացը դադարեցրեց:

— Ո՞նց թե կրակելով պաշտպանվենք,— հարցրեց Շամիլը՝ բռնելով Պետրոյի թևերից,— բա քանի՞ փամփուռ ունենք: Փամփուռներ չկան:

— Նոնակ կգցեն: Պրծա՛վ մեր բանը:

— Լավ, բա ի՞նչ անենք.— Պետրոն հանկարծ կապուտկեց, բեղերի տակին, շրթունքների վրա պճպճաց փրփուրը.— Պառկեցե՛ք... Ե՛ս եմ հրամանատարը թե ոչ: Կսպանե՛մ:

Նա իսկապես որ կազակների գլուխների վրա թափահարեց նազանը:

Նրա սուլող շնչոցը կարծես կյանք ներշնչեց կազակներին: Բողոքակովը, Շամիլը ու էլի երկու կազակ վազեցին յառի մյուս կողմը, պառկեցին մի փոսի մեջ, մնացածները տեղավորվեցին Պետրոյի հետ:

Գարնանը լեռնային ջրի պղտոր հեղեղը, գլորելով բնածին քարերը, ձորակի հատակում խորխորատներ է փորում, քանդում կարմիր կավի շերտերը, յառի պատերի մեջ փոսեր ու անցքեր է փորում: Հենց դրանց մեջ էլ դարանակալեցին կազակները:

Պետրոյի կողքին, հրացանը պատրաստ պահած, կռացած կանգնել էր Անտիպ Փչանովը, զառանցազին շնչում էր.

— Ստյոպկա Աստախովը իր ձիու պոչից բռնեց... Նստե՛ց ու ճղեց, իսկ ինձ չհաջողվեց... Հետևակը թողեց մեզ... Կկորչենք, եղբայրներ... Կմեռնենք, աստված վկա...

Վերևից լսվեց վազող քայլերի թփթփոց: Յառից ձյան ու կավի կտորներ թափվեցին:

— Ահա նրանք,— շնչաց Պետրոն՝ բռնելով Անտիպկայի թևից, բայց սա հուսալքված ետ քաշեց թևը, նայեց վերև՝ մատը ձգանի վրա պահած:

Վերևից ոչ ոք չէր մոտենում յառի գլխին:

Այնտեղից լսվեցին ձայներ, բղավոցների ձիերի վրա...

«Խորհուրդ են անում»,— մտածեց Պետրոն, ու նորից

քրտինքը հոսեց մեջքի, կրծքի փոսի, դեմքի վրայով,— ասես լայն բացվել էին մարմնի բոլոր ծակոտիները...

— Է՛յ, դուք, դուրս եկեք: Միևնույն է, կխփենք,— գոռացին վերևից:

Յառի գլխից ավելի շատ, կաթի սպիտակ շիթի նման ձյուն էր թափվում: Ըստ երևույթին ոմանք բուրբուկին մոտեցել էին յառի եզրին:

Մի ուրիշ ձայն նույն տեղից վստահորեն ասաց.

— Նրանք այստեղից ցած են թռել, ահա հետքերը: Ես հո ինքս տեսա:

— Պետրո Մելիսով, դուրս եկ:

Կույր բերկրանքը մի վայրկյան բոցի պես ընդգրկեց Պետրոյին: «Կարմիրներից ո՞վ է ճանաչում ինձ: Այդ մերոնք են, նրանց ետ են մղել»: Բայց այդ նույն ձայնը նրան ստիպեց թեթևակի դողալ.

— Խոսում է Միխայիլ Կոշևոյը: Առաջարկում ենք կամփին անձնատուր լինել: Միևնույն է, չեք կարող փախչել: Պետրոն սրբեց թաց ճակատը, ձեռքի վրա մնացին կարմրավուն, արյունոտ քրտինքի հետքերը:

Անտարբերության մի ինչ-որ տարօրինակ զգացում, որ մոռացման էր հասնում, սողոսկեց նրա մեջ:

Ու նրան օտարոտի թվաց Բողովակովի բղավոցը.

— Դուրս կգանք, եթե կխոստանաք բաց թողնել մեզ: Իսկ եթե ոչ, կրակելով կպաշտպանվենք: Վերցրեք մեզ:

— Բաց կթողնենք...— մի փոքր լռելով, պատասխանեցին վերևից:

Պետրոն սարսափելի ճիգով թոթափեց իր քնեած թմրությունը: «Բաց կթողնենք» բառերի մեջ նա անտեսանելի հեզանք զգաց: Խուլ բղավեց.

— Ե՛տ դարձեք,— բայց արդեն ոչ ոք չէր հնազանդվում նրան:

Բոլոր կազակները, բացի փոսի մեջ կուչ եկած Անտիպկայից, կառչելով յառի ելուստներից, վերև բարձրացան:

Պետրոն վերջինը դուրս եկավ: Նրա մեջ, ինչպես երեխան կնոջ սրտի տակ, տիրաբար խաղաց կյանքը: Ղեկավարվելով ինքնապաշտպանության բնազդով, նա գլխի ընկավ պահեստատուից դուրս շարտելու փամփուռները բարձրա-

ցավ յառի դիք լանջով: Նրա աչքերը մշուշվում էին, սիրտը բռնել էր ամբողջ կուրծքը: Մանր ու հեղձուցիչ էր օդը ինչպես մանկուկի օրերի մղձավանջային երազում: Նա պոկեց վերնաշապկի օձիքի կոճակները, պատռեց տակի կեղտոտ շապկի օձիքը: Քրտինքը լցվում էր նրա աչքերը, ձեռները սլկում էին յառի պաղ ելուստներից: Խոխապանակում, նա ելավ յառի գլխի հարթակը, որ տրորված էր ոսններով, հրացանը գցեց գետին, ձեռները վեր բարձրացրեց: Նրանից առաջ ելած կազակները իրար գլխի էին հավաքվել: Ննջատվելով հետևակ ու հծծյալ զամուրցիների մեծ բազմությունից, Միշկա Կոշևոյը քայլեց նրանց կողմը, մոտեցան հծծյալ կարմիրբանակայինները:

Միշկան հուպ մոտեցավ Պետրոյին, կամացուկ, աչքերը գետնից շարձարացնելով, հարցրեց.

— Կովեցիր-կշտացա՞ր.— սպասելով պատասխանի ու շարունակելով նայել Պետրոյի ոտների տակ, հարցրեց.— Դո՞ւ էիր սրանց հրամանատարը:

Պետրոյի շրթունքները դողացին: Մեծ հոգնածության ժեստով, դժվարությամբ նա ձեռքը տարավ թաց ճակատին: Միշկայի երկար, կեռ արտևանունքները դողդողացին, վերին ուռուցիկ շրթունքը, որ ծածկված էր տենդի խոցիկներով, վերև սողաց: Այնպիսի ուժեղ դողով բռնվեց Միշկայի մարմինը, որ թվում էր, թե նա չի կարողանա կանգնած մնալ, կրնկնի: Բայց նա իսկույն աչքերը հռեց Պետրոյի վրա, նայելով նրա ականաբեբերին, տարորեն-օտար նայվածքը մեխելով դրանց, ու արագ մոթմոթաց.

— Հանվի՛ր:

Պետրոն արագորեն հանեց կիսամուշտակը, խնամքով ծալեց ու դրեց ձյան վրա. հանեց փափախը, գոտին, պաշտպանական գույնի վերնաշապիկը ու, նստելով կիսամուշտակի փեշին, սկսեց հանել սապոգները, նա յուրաքանչյուր վայրկյան ավելի ու ավելի էր գունատվում:

Իվան Ալեքսեևիչը իշավ ձիուց, մոտեցավ կողքից, ու նայելով Պետրոյին, ատամներն իրար սեղմեց՝ վախենալով հեկեկալուց:

— Սպիտակեղենդ մի՛ հանի,— շնչաց Միշկան, ու ցընց.

վելով, հանկարծ սուր ձայնով բղավեց.— Շո՛ւտ արա, է՛... և

Պետրոն շշկվեց, ոտներից հանած բրդե դուլպաները գնդեց ու դրեց սապոգների ձիտքերի մեջ ու, կանգնելով, կիսամուշտակից ձյան վրա դրեց մերկ ոտները, որոնք ձյան վրա շափրանե-դեղին գույն ունեին:

— Քավո՛ր,— հագիվ շարժելով շրթունքները, կանչեց նա Իվան Ալեքսեևիչին: Սա լուռ նայում էր, թե ինչպես է հալչում ձյունը Պետրոյի մերկ գարշապարների տակ:— Քավոր Իվան, դու մկրտել ես իմ երեխային... Քավոր, մի սպանեք ինձ,— խնդրեց Պետրոն, ու տեսնելով, որ Միշկան արգեն նագանը բարձրացրել է իր կրծքի բարձրության չափ, լայնացրեց աչքերը՝ ասես պատրաստվելով ինչ-որ կուրացուցիչ բան տեսնելու, արագորեն խաչակնքելու ձև տվեց մատներին, զլուխն առավ ուսերի մեջ, ինչպես ցատկումից առաջ:

Նա շլսեց կրակոցը, ընկավ մեջքի վրա, ինչպես ուժեղ ցնցումից:

Կոշևոյի մեկնված ձեռքը բռեց նրա սրտից ու իսկույն այնտեղից քամեց արյունը: Օրհասական, վերջին ճիգով Պետրոն դժվարությամբ բացեց տակի շապկի օձիքը՝ ձախ պտուկի տակին մերկացնելով գնդակի կտրվածքը: Մի փոքր հապաղելով, այնտեղից դուրս եկավ արյունը, հետո, ելք գրտնելով, սվսվալի հորդեց կպրանման-սև շիթերով:

XXXIV

Լուսադեմին Կարմիր յառ ուղարկված հետախուզախումբը վերադարձավ և լուր բերեց, որ մինչև Ելանսկու սահմանը կարմիրներ չեն հայտնաբերված և որ Պետրո Մելեխովն ու տասը կազակ թրատված-ընկած են այնտեղ, յառի զբլխին:

Գրիգորին կարգադրեց սահնակներ ուղարկել սպանվածներին բերելու, զնաց Խրիստոնյայի մոտ՝ գիշերվա մնացած ժամանակ այնտեղ անցկացնելու: Մեռածի վրա կանանց ողբը, Դարյայի աղիողորմ լացն ու ձայնը նրան արտաքսեցին տանից: Մինչև լուսաբաց նա նստեց Խրիստոնյայի խրճի-

թում, վառարանի մոտ: Ագահությամբ ծխում էր, ու կարծես վախենալով դեմառդեմ մնալ իր մտքերի հետ, Պետրոյի պատճառած վշտի հետ, նորից հապճեպորեն հանում էր ծխախոտի տոպրակը, ամբողջովին ներշնչում բարկ ծովաը, ննջող Խրիստոնյայի հետ շարունակում կողմնակի խոսակցությունները:

Լուսացավ: Հենց առավոտից սկսվեց հալհոցը: Ժամը տասից լճակներ երևացին աղբոտած ճանապարհի վրա: Կտուրներից ջուր էր կաթում: Գարնանային զարթոնքով կանչում էին աքաղաղները, մի տեղից հավի կշիռն էր գալիս ինչպես տոթակեզ կեսօրին:

Բակերի արևոտ կողմում, տաք տեղերում եզները քրամրսվում էին ցանկապատերին: Փամին նրանց թուխ մեջքերից տանում էր գարնանը թափվող մազը: Տարածված էր հալող ձյան բարկ ու անալի հոտը: Խրիստոնյայի դարպասի մոտ ճոճվելով խնձորենու մերկ ոստի վրա, ճովողում էր մի փոքրիկ, ձմռանը չլվող երաշտահավ:

Գրիգորին կանգնած էր դարպասի մոտ, սպասում էր, որ բլուրից կերևան սահնակները, ու երաշտահավի ճովողունը ակամա նմանեցնում էր մանկութ ծանոթ լեզվին: «Արի՛ր խոփը, սրի՛ր խոփը»,— ցնծագին դայլայլում էր երաշտահավը, այդ տաք օրը, իսկ սառնամանիքին,— Գրիգորին այդ գիտեր,— փոխվում էր նրա ձայնը. երաշտահավը արագ ճովողում էր ու այսպիսի մի բան էր ստացվում. «Հագիր քոշերդ, հագիր քոշերդ»:

Գրիգորին հայացքը ճանապարհից դարձնում էր թռչկոտող թռչունի վրա: «Արի՛ր խոփը, սրի՛ր խոփը»,— ճլվլում էր այն: Ու Գրիգորին անակնկալ վերհիշեց, թե ինչպես մանկության օրերում տափաստանում ինքն ու Պետրոն հնդուհավեր էին արածացնում, ու Պետրոն, որ այն ժամանակ բաց շեկլիկ գլխով, շարունակ քերծված, կարճիկ քթով էր, ճարտարությամբ ընդօրինակում էր հնդուհավերի կոթկոթոցը ու նրանց խոսվածքը նմանեցնում իր մանկական լեզվին: Նա հմուտ կերպով վերարտադրում էր վիրավորված հնդուհավիկի ծվծվոցը՝ բարակ ձայնով արտասանելով. «Թուրը կոշիկներով են, իսկ ես ոչ, բոլորը կոշիկներով են, իսկ ես ոչ»: Ու իսկույն, շոկով աչքերը, ծալում էր ձեռները,

քավթառ հնդաքաղաղի նման կողքի քայլում, կոթկոթում՝ «Գո՛ւտ, գո՛ւտ, գո՛ւտ, բազարում ստահակին սապոգներ գնենք»: Այն ժամանակ Գրիգորին ծիծաղում էր երջանիկ ծիծաղով, խնդրում էլի խոսել հնդուհավերի լեզվով, ցույց տալ, թե ինչպես մտահոգված ծվծվում է հնդուհավի ձագը, որը խոտաբույսերի մեջ գտել է մի որևէ կողմնակի առարկա, օրինակ, թիթեղի կամ լաթի կտոր...:

Փողոցի ծայրում երևաց առջևի սահնակը: Դրա կողքից մի կազակ էր քայլում: Առաջինի ետևից դուրս եկան երկրորդը և երրորդը: Գրիգորին վանեց արցունքը և անկոշ հուշերի մեղմ ժպիտը, հապճեպորեն քայլեց դեպի իրենց դարպասը: Ուզում էր առաջին սարսափելի րոպեին զսպել վշտից խելագարված մորը և շթողնել, որ սա մոտենա Պետրոյի դիակը բերող սահնակին: Առաջին սահնակի կողքից առանց գլխարկի քայլում էր Ալյոշկա Շամիլը: Կտրված թևի մնացորդով նա փափախը սեղմել էր կրծքին, աչ ձեռքով բռնել մազե երասանները: Գրիգորին երկար շղնեկով Ալյոշկայի դեմքը, նայեց սահնակին: Մղնտե փողոցի վրա, երեսը դեպի վեր պառկել էր Մարտին Շամիլը: Դեմքը, կանաչ վերնաշապիկը կրծքի ու ներս ընկած փորի վրա ողողվել էին սառած արյունով: Երկրորդ սահնակով բերում էին Մանիցկովին: Սրա թրատված դեմքը թաղվել էր ծղնոտի մեջ: Գլուխը կուշ էր եկել ուսերի արանքում, իսկ ծոծրակը բուրբուլիկ կտրված էր վարծ հարվածից. մազերի սև լուլաները ծոպերի պես եզրակել էին գանգի մերկացած ոսկորները: Գրիգորին նայեց երրորդ սահնակին: Նա շճանաչեց մեռածին, բայց նրա աչքովն ընկավ մոմագույն, ծխախոտից դեղնած մատներ ունեցող ձեռքը: Այն կախվել էր սահնակից, մատներով խազում էր հալող ձյունը,— դրանք մեռնելուց առաջ խաչակնքելու ձև էին ընդունել: Մեռելը սապոգներով ու շինելով էր. նույնիսկ փափախն էլ դրված էր կրծքին: Գրիգորին բռնեց շորրորդ սահնակի ձիու սանձը, դրան վարգով տարավ բակը: Սահնակի ետևից ներս վազեցին հարևանները, երեխաները, կնանիքը: Ամբոխը խմբվեց մուտքի սանդուղքի մոտ:

— Ահա նա, մեր սիրելի Պետրո Պանտելեևիչը: Վախճանվեց, էլի՛,— կաճացուկ ասաց մեկը:

Մտեպան Աստախովը առանց զլխարկի ներս մտավ դարպասից: Որտեղից-որտեղ երևացին Գրիշակա պապին ու էլի երեք ծերունի: Գրիգորին շփոթված նայեց շուրջը:

— Եկեք տանենք տուն...

Մասնակավարը փորձեց վերցնել Պետրոյի ոտներինց, բայց ամբոխը լուռ բաժանվեց երկու մասի, պատկառանքով ճանապարհ տվեց մուտքի սանդուղքից իջնող Իլյինիչ-նային:

Նա նայեց սահնակին: Մահու գունատությունը մթնեցրեց նրա ճակատը, ծածկեց այտերը, քիթը, սողաց կզակի վրայով: Դողացող Պանտելեյ Պրակոֆևիչը նրան թևանցուկ արեց: Առաջինը լացուկոծ բարձրացրեց Դունյաշկան, նրան արձագանքեցին տասնյակ ձայներ: Դարյան դուռը շրիկացնելով, մազերը զգզված, դեմքը ուռած, դուրս թռավ տանից, նետվեց սահնակի վրա:

— Պետյո՛ւշկա, Պետյո՛ւշկա, ազիզս, վե՛ր կաց, վեր կաց:

Գրիգորիի աչքերը մթնեցին:

— Հեռացի՛ր, Դաշկա,— ինքն իրեն կորցրած, վայրագորեն գոռաց նա ու անդիտակցաբար հրեց Դարյայի կուրծքը:

Դարյան ընկավ ձնակույտի մեջ: Գրիգորին արագորեն վերցրեց Պետրոյի թևերից, սահնակավարը՝ Պետրոյի մերկ կոճիկներից, բայց Դարյան նրանց ետևից շորեքթաթ սողաց սանդուղքի վրայով, նա բռնում, համբուրում էր ամուսնու շժովող, սառած ձեռները: Գրիգորին ոտներով հրում էր նրան, զգում էր, որ էլի մի ակնթարթ, և ինքը կկորցնի իրեն: Դունյաշկան զոռով անջատեց Դարյայի ձեռները, նրա ուշազնաց զլուխը սեղմեց իր կրծքին:

Խոհանոցում մեռելային լուսթյուն էր տիրում: Պետրոն պառկած էր հատակի վրա, նա տարօրինակ կերպով փոքր էր, ասես ամբողջովին սմբած: Նրա քիթը սրվել էր, ցորնագույն բեղերը մթագնել էին, իսկ ամբողջ դեմքը խիստ երկարել էր, գեղեցկացել: Շավարի ծայրերից դուրս էին ընկել բոբիկ, մազոտ ոտները: Մարմինը դանդաղ հալչում էր:

տակին կարմրավուն ջրի լճակ էր գոյացել: Եվ որքան ավելի էր հալչում գիշերվա ընթացքում սառած մարմինը, այնքան ավելի էր զգացվում արյան աղի հոտը ու դիակային քաղցրամեղցր, տերեփուկային հոտը:

Պանտելեյ Պրակոֆևիչը մարագի շարդախի տակ տախտակներ էր տաշում դագաղի համար: Կնանիքը օթախում զբաղված էին ուշքի շեկող Դարյայով: Այնտեղից երբեմն լսվում էր որևէ մեկի բուռն, հիստերիկ հեծկտոցը, հետո էլ առավակի նման խոխոջում էր «վշտակցելու» համար եկած խնամախոս Վասիլիսայի ձայնը: Գրիգորին նստել էր նստարանի վրա, եղբոր գիմաց, ծխախոտ էր փաթաթում, նայում Պետրոյի դեմքին, որի եզրերը դեղնած էին, նրա ձեռներին, որոնց մատների եղունգները կլոր ու կապուտկած էին: Օտարացման մեծ սառնությունը նրան արդեն բաժանում էր եղբորից: Պետրոն հիմա արդեն օտար էր, կարճ ժամանակվա հյուր, որից նա բաժանվելու էր: Պառկած է հիմա Պետրոն, թուշը անտարբերությամբ հպել է հողե հատակին, ասես ինչ-որ բան է սպասում անդորր, խորհրդավոր կիսաժպիտով, որը սառել է ցորնագույն բեղերի տակին: Իսկ վաղը կինը և մայրը նրան կուղեկցեն գերեզմանոց:

Դեռ իրիկվանից մայրը երեք շուգուն ջուր տաքացրեց, իսկ կինը պատրաստեց մաքուր սպիտակեղեն, լավագույն շալվարն ու համազգեստը: Գրիգորին, նրա հարազատ եղբայրը և նրա հայրը կլողացնեն այլևս նրան չպատկանող, իր մերկությունից շամաշող մարմինը: Տոնական զգեստ կհագցնեն ու կդնեն սեղանի վրա: Հետո էլ կգա Դարյան, լայն ու սառցե ձեռներով մեջ,— որոնք դեռ երեկ գրկում էին նրան,— կդնի այն մոմը, որը նրանց երկուսին լույս էր տվել եկեղեցում, երբ նրանք քայլել էին գրքակալի շուրջը,— ու կազակ Պետրո Մելեխովը պատրաստ է հուղարկավորվելու այնտեղ, որտեղից մարդիկ շեն վերադառնում հայրենական տները:

«Ավելի լավ կլինեի դու մեռնելիս որևէ մի տեղ, Պրուսիայում, քան այստեղ, մորդ աչքերի առաջ»,— մտքում եղբորը կշտամբանքով ասում էր Գրիգորին, ու նայելով դիակին, հանկարծ սփրթնեց. Պետրոյի թշի վրայով արցունք

սողաց դեպի կախ ընկած բեղը: Գրիգորին նույնիսկ վեր
թռավ տեղից, բայց ավելի ուշադիր նայելով, թեթևացած
շունչ առավ. ոչ թե մեռածի արցունք, այլ հալված, գանգուր
քյաքուլից հոսող կաթիլ էր, որ ընկել էր Պետրոսի ճակատին,
դանդաղ գլորվել թշի վրայով:

XXXV

Վերին Դոնի ապստամբական միացյալ ուժերի հրամա-
նատարի հրամանով Գրիգորի Մելիխովը նշանակվեց Վե-
շենսկու գնդի հրամանատար: Գրիգորին տասը հարյուրյակ
կազակներին տարավ դեպի Կարգինսկայա: Շտաբը նրան
հրամանագրել էր ինչ կերպ էլ լինի ջախջախել Լիխաշևի
չոկատը և այն դուրս շարտել օկրուգի սահմաններից, այն
հաշվով, որ ոտքի հանվեն Կարգինսկայա ու Բոկովսկայա
ստանիցաների բոլոր խուտորները, որոնք գտնվում են Ձիրի
ավազանում:

Եվ Գրիգորին մարտի 7-ին տարավ կազակներին: Ձյու-
նից ազատված, սև, մերկ քուլերով ծածկված մի բլրակի վրա
նրա կողքից անցան բոլոր տասը հարյուրյակները: Ծանա-
պարհի մոտ, ձիու վրա կողքի թեքված, կորացած, նա պինդ
քաշում էր սանձը, զսպում տաքարյուն ձին, իսկ նրա կող-
քից երթական շարասյուններով անցնում էին Դոնի շրջակա
խուտորների— Բազկիի, Բելոգորկայի, Օլշանսկու, Մերկու-
լովի, Գրոմկովսկու, Սեմյոնովսկու, Ռիբինսկու, Վոդյասկու,
Լեբյաժու, Երիկի հարյուրյակները:

Գրիգորին ձեռնոց հագած ձեռքով շոյում էր սև բեղերը,
շարժում ուրուրի իր քիթը, թևավոր հոնքերի տակից մռայլ,
հուսալ հայացքով ուղեկցում յուրաքանչյուր հարյուրյակը:
Ձիերի բազմաթիվ, թրջված ոտները հունցում էին թուխ, կի-
սահալ ձյունը: Մանոթ կազակներն անցնելիս ժպտում էին
Գրիգորիին: Նրանց փափախների վերևում քուլա-քուլա
բարձրանում ու ցնդում էր ծխախոտի ծուխը: Ձիերից գոլորշի
էր բարձրանում:

Գրիգորին միացավ վերջին հարյուրյակին: Երեք վերստ
անցնելուց հետո նրանց դիմավորեց հեծյալ պարեկը: Դրան

գլխավորող ուրյադնիկը ձին քշեց-մոտեցավ Գրիգորիին:
— Կարմիրները նահանջում են Չուկարինի ճանապար-
հով:

Լիխաշևի ջոկատը կովի շրոնվեց: Բայց Գրիգորին երեք
հարյուրյակ ուղարկեց նրանց շրջանցելու և մնացածներով
այնպես նեղեց, որ կարմիրբանակայինները արդեն Չուկա-
րինում սկսեցին թողնել սայլերը, լցարկղերը: Չուկարինի
ծայրամասում, մի անշուք, փոքրիկ եկեղեցու մոտ, գետա-
կում խրվեց ու մնաց Լիխաշևի մարտկոցը: Հեծյալ հրետա-
նավորները կտրատեցին քաշանները, տնամերձ ծառաստան-
ների միջով սլացան դեպի Կարգինսկայա:

Կազակներն առանց կովի անցան տասնհինգ վերստ,—
Չուկարինից մինչև Կարգինսկայա: Աչ կողմում, Յասենով-
կայից դեմը հակառակորդի հեծյալ պարեկը գնդակոծեց վե-
շենցիների հետախուզախումբը: Գործը դրանով էլ վերջա-
ցավ: Կազակներն արդեն սկսեցին կատակել,— «Մինչև նո-
վոչերկասկ ենք գնալու, հա՛-ա»:

Գրավված մարտկոցը ուրախացրել էր Գրիգորիին: «Մին-
չև իսկ շեն կարողացել փականները փչացնել»,— արհա-
մարհանքով մտածեց նա: Եզներով դուրս քաշեցին խրված
հրանոթները: Հարյուրյակներից իսկույն մարտկոցի անձ-
նակազմ հավաքվեց: Հրանոթները գնում էին կրկնակի լծա-
սարքով,— վեց զույգ ձիեր մի հրանոթ էին քաշում: Պաշտ-
պանության համար նշանակված կիսահարյուրյակը ուղեկ-
ցում էր մարտկոցին:

Մթնշաղին հարձակմամբ գրավեցին Կարգինսկայան:
Լիխաշևի ջոկատի մի մասը մնացած երեք թնդանոթով և ինը
գնդացրով գերի բռնվեց: Մնացածները Կարգինսկու ուղևորի
հետ միասին կարողացան խուտորների վրայով փախչել Բո-
կովսկայա ստանիցայի ուղղությամբ:

Ամբողջ գիշերն անձրև էր գալիս: Առավոտյան դեմ հե-
ղեղվեցին հովիտներն ու ձորակները: Ծանապարհները
անանցանելի դարձան. որ հովիտն ասես՝ թակարդ էր: Ջուր
ծծած ձյուր փլչում էր մինչև գետին: Ձիերը խրվում էին,
մարդիկ ընկնում հոգնածությունից:

Բազկիի խորունժի Երմակով Խարլամպիի հրամանատա-
րությամբ երկու հարյուրյակ, որ Գրիգորին ուղարկել էր նա-

հանջող հակառակորդին հետապնդելու, Լատիշեակի և Վիսլու-գուզովսկի կից խուտորներում բռնեցին ետ մնացած մոտ երեսուն կարմիրբանակային. առավոտյան նրանց բերին Կարգինսկայա:

Գրիգորին իջևանել էր տեղական հարուստ Կարգինի հըս-կայական տանը: Գերիներին բերին դրա բակը: Երմակովը մտավ Գրիգորիի մոտ, բարևեց:

— Գերի եմ վերցրել քսանյոթ կարմիրների: Բանբերդ այնտեղ ձի է բերել քեզ համար: Հիմի գնո՞ւմ ես թե ինչ:

Գրիգորին շինելի վրայից կապեց գոտին, հայելու առաջ սանրեց փափախի տակ խճճված մազերը, միայն դրանից հետո դարձավ դեպի Երմակովը:

— Գնանք: Հիմա պետք է դուրս գալ: Հրապարակում մի-տինգ կանենք ու կարշավենք:

— Էլ ինչի՞ է պետք միտինգը.— Երմակովը թոթվեց ուսերը, ժպտաց:— Նրանք բոլորն էլ առանց միտինգի ար-դեն ձի են նստել: Հրե՛ն, նայիր, դրանք վեշենցիներ չեն, բայց գալիս են այստեղ:

Գրիգորին նայեց պատուհանից: Գալիս էին երկու հա-րյուրյակ, հիանալի կարգով, յուրաքանչյուր շարքում չորս հեծյալ: Կազակները կարծես ջոկովի էին, ձիերը հիանալի էին,— թեկուզ ստուգատեսի ուղարկեիր:

— Ո՞րտեղից է այդ, ո՞րտեղից դրանց բերեց սատա-նան,— ցնծությամբ մոթմոթաց Գրիգորին՝ վազելիս կապե-լով թուրը: Դարպասի մոտ Երմակովը հասավ նրան:

Առջևի հարյուրյակի հրամանատարը արդեն մոտեցավ դարպասին: Նա պատկառանքով ձեռքը տարավ փափախի եզրին, չհամարձակվեց այն մեկնել Գրիգորիին:

— Դուք ընկեր Մելիխո՞վն եք:

— Ես եմ: Ո՞րտեղից եք եկել:

— Ընդունեցեք մեզ ձեր զորամասը: Միանում ենք ձեզ: Մեր հարյուրյակն այս գիշեր է կազմվել: Լիխովիդով խուտո-րից է, իսկ մյուս երկու հարյուրյակը՝ Գրաշևից, Արխիպով-կայից ու Վասիլևկայից:

— Կազակներին տարեք հրապարակ: Այնտեղ հիմի մի-տինգ կլինի:

Բանբերը (Գրիգորին բանբեր է վերցրել Պրոխոր Զիկո-

վին) ձին մատուցեց նրան, նույնիսկ բռնեց ասպանդակը: Երմակովը մի առանձին ճարպկությամբ, համարյա չդիպչե-լով թամբի դաշին ու ձիու բաշին, իր նիհար, երկաթե մար-մինը գցեց թամբի վրա, մոտենալով և ըստ սովորականին թամբի վրա հարգարելով շինելի փեշերը, հարցրեց.

— Գերիներին ի՞նչ անենք:

Գրիգորին բռնեց նրա շինելի կոճակից, թամբից կռանա-լով մոտեցավ նրան, Աչքերում շիկակարմիր կայծեր փայ-լեցին, բայց բեղերի տակ շրթունքները ժպտացին,— թեև գազանավարի:

— Հրամայիր տանել Վեշկի: Հասկացա՞ր: Այնպես որ հրե՛ն այն կուրգանից դենը չգնան:

Նա մտրակով ցույց տվեց ստանիցայի կողքին բարձրա-ցող ավազոտ կուրգանի ուղղությամբ, քշեց ձին: «Սա Պետ-րոյի համար առաջին հատուցումն է նրանց»,— մտածեց նա՝ անցնելով վարգի, ու առանց որևէ պատճառի մտրակով դաղեց ձիու գավակը և սպիտակավուն, ուռուցիկ սպի առա-ջացրեց:

XXXVI

Գրիգորին Կարգինսկուց արդեն երեք հազար հինգ հա-րյուր մարդ տարավ դեպի Բոկովսկայա: Շտաբը և օկրուպի գործկոմը նրա ետևից սուրհանդակներով հրամաններ և կարգադրություններ էին ուղարկում: Շտաբի անդամներից մեկը մասնավոր գրության մեջ ձոռոմ լեզվով Գրիգորիին գրել էր.

«Հարգելի ընկեր Գրիգորի Պանտելեևիչ, մեզ նենգավոր լուրեր են հասնում, որ իրր թե դու դաժան դատաստան ես տեսնում գերի կարմիրբանակայինների դեմ: Իբր թե քո հրամանով ոչնչացված, այսինքն թրատված են երեսուն կար-միրբանակայիններ, որոնց գերի էր վերցրել խարլամպի Եր-մակովը Բոկովսկու մոտ: Լուրերի համաձայն, հիշյալ գերի-ների մեջ կար մի կոմիսար, որը շատ պետք կգար մեզ, նրանց ուժերը լուսաբանելու համար: Դու, թանկագին ընկեր, վերացրու գերիներ շվեբցնելու հրամանդ: Այդպիսի հրամա-

նը սարսափելի վնասակար է մեզ համար, ու կազակները կարծես թե մինչև իսկ տրտնջում են այդ տեսակ դաժանության դեմ ու վախենում են, որ կարմիրներն էլ կթրատեն գերիներին և կոշնչացնեն մեր խուտորները: Հրամանատարական կազմը նույնպես ուղարկիր կենդանի վիճակում: Մենք նրանց կամաց-կամաց մեջտեղից կվերացնենք Վեշկիում կամ Կազանսկում, իսկ դու քո հարյուրյակներով գնում ես ինչպես գրող Պուշկինի պատմական վեպի Տարաս Բուլբան և ամեն ինչ հրի ու սրի ես մատնում ու հուզում կազակներին: Դու խելոքացիր, խնդրեմ, գերիներին մի՛ տուր մահվան, այլ ուղարկիր մեզ մոտ: Վերոհիշյալում էլ հենց կլինի մեր ուժը: Եվ ապա, ողջ լինես: Ուղարկում ենք քեզ խոնարհ բարև և հաջողութունների ենք սպասում»:

Գրիգորին նամակը չկարդաց մինչև վերջ, պատուեց, գցեց ձիու ոտների տակ: Ի պատասխան Կուզինովի հրամանի,— «Անհապաղ ծավալիր հարձակումը դեպի հարավ, Կրուտենկի—Աստախովո—Գրեկովո ճակատամարտ: Շտաբը անհրաժեշտ է համարում միանալ կաղեսներին ճակատին: Հակառակ դեպքում մեզ կըրջապատեն ու կչարդեն»,— առանց ձիուց իջնելու գրեց.— «Հարձակվում եմ Բոկովսկու վրա, հետապնդում եմ փախչող հակառակորդին: Իսկ Կրուտենկու վրա չեմ գնա, քո հրամանը հիմար հրաման եմ համարում: Եվ ինչո՞ւ պիտի գնամ Աստախովոյի վրա հարձակվելու: Այնտեղ բացի քամուց ու խախոլներից, ոչ ոք չկա»:

Սրանով վերջացավ նրա պաշտոնական գրագրությունը ապստամբական կենտրոնի հետ: Հարյուրյակները երկու գնդի բաժանված, մոտենում էին Բոկովսկուն սահմանակից Կոյնկով խուտորին: Մարտական հաջողությունը դեռ երեք օր ժպտում էր Գրիգորիին: Կովով գրավելով Բոկովսկայան, Գրիգորին ինքնագլուխ շարժվեց դեպի Կրասնոկուտսկայա: Զարդեց իր ճանապարհը փակած մի փոքրիկ ջոկատ, բայց չհրամայեց թրատել վրցրված գերիներին, սրանց ուղարկեց թիկունք:

Մարտի 9-ին նա արդեն գնդերը մոտեցնում էր ուկրաինական Չիստյակովո գյուղին: Այդ ժամանակ կարմիր հրամանատարությունը թիկունքից սպառնալիք զգալով, ապստամբություն դեմ մի քանի գունդ ու մարտկոցներ նետեց:

Չիստյակովոյի մոտ վրա հասած կարմիր գնդերը զարկվեցին Գրիգորիի գնդերի հետ: Մարտը երեք ժամ տևեց: Վախենալով «ծուղակից», Գրիգորին իր զորամասերով ետ քաշվեց դեպի Կրասնոկուտսկայա: Բայց մարտի 10-ի առավոտյան կովում հոպերի կարմիր կազակները մի լավ զգզեցին վեշենցիներին: Գրոհի ու հակագրոհի պահին երկու կողմից իրար վրա տվին դոնեցիները, թրամարտեցին ինչպես հարկըն է, ու Գրիգորին մարտում կորցնելով ձին, թուշը պատրուված, գնդերը կովից դուրս բերեց, ետ քաշվեց դեպի Բոկովսկայա:

Երեկոյան նա հարցաքննեց մի գերի խոսվերցու: Նրա առաջ կանգնած էր Տեպիկինսկայա ստանիցայի տարեց մի կազակ, խիստ շիկահեր, նեղ կրծքանի, շինելի ծալի վրա— կարմիր բանտի ծվեններ: Նա հոժարաբար էր պատասխանում հարցերին, բայց ժպիտը ժլատ ու մի տեսակ ծուռն էր:

— Երեկ կովում ի՞նչ գնդեր կային:

— Ստենկա Ռազինի անվան մեր երրորդ կազակական գունդը: Նրա մեջ համարյա բոլորն էլ հոպերի օկրուգի կազակներ են: Հինգերորդ Ջամուրսկի, Տաներկուերորդ հեծելազորային և Վեցերորդ Մցենյան գնդերը:

— Ո՞ւմ ընդհանուր հրամանատարություն: Ասում են Կիկվիձեն էր տանում:

— Ոչ, միացյալ ջոկատի հրամանատարը ընկեր Դոմենիչն էր:

— Զեզ մոտ շա՞տ ուսումամթերք կա:

— Բավական շատ:

— Թնդանոթեն՞ր:

— Կարծեմ ութ հատ:

— Ո՞րտեղից էին բերել գունդը:

— Կամենսկու խուտորներից:

— Բացատրե՞լ էին, թե ուր են ուղարկում:

Կազակը շղկվեց, բայց և այնպես պատասխանեց: Գրիգորին ուզեց տեղեկանալ խոսվերցիների տրամադրության մասին:

— Կազակներն իրար մեջ ի՞նչ էին ասում:

— Ասում էին, թե չեն ուզում կռիվ գնալ...

— Գնդում գիտե՞ն, թե մենք ինչի դեմ ենք ապստամբել:

— Ո՞րտեղից իմանան:

— Բա ինչո՞ւ էին չկամությամբ գնում:

— Դուք էլ հո կազակներ եք: Ախր կռիվը մեր հոգին հա-
նել է: Երբ որ մենք գնացինք Միրոնովի հետ, այն ժամա-
նակից մինչև հիմի կովի մեջ ենք:

— Գուցե ծառայե՞ս մեզ մոտ:

Կազակը թոթվեց նեղ ուսերը:

— Ձեր կամքն է, ամա հավես չկա...

— Դեհ, գնա: Կթողնենք, կերթաս կնկադ մոտ... Կարո՞-
տած կլինես, հը՞:

Գրիգորին աչքերը կկոցելով, նայեց հեռացող կազակի
ետևից, կանչեց Պրոխորին: Երկար ծխում էր, լռում է Հետո
մոտեցավ լուսամուտին, ու մեջքով դեպի Պրոխորը կանգնած,
հանգիստ հրամայեց.

— Ասա տղերանց, որ հիմի իմ հարցաքննած մարդուն
սուսուփուս տանեն այգիները: Կարմիր կազակներին ես գե-
րի չեմ վերցնում.— Գրիգորին կտրուկ շուռ եկավ ծոված
կրունկների վրա.— Թող դրան հենց հիմի... Գնա՛:

Պրոխորը գնաց: Գրիգորին մի ըոպե կանգնած էր՝ կոտ-
րատելով պատուհանին դրված խորդենիների փափուկ ուս-
տերը, հետո արագ դուրս եկավ: Պրոխորը ցածրաձայն խո-
սում էր կազակների հետ, որոնք նստել էին ամբարի տակ,
արևկող տեղում:

— Բաց թողեք գերուն: Թող նրա համար անցաթուղթ
գրեն,— առանց կազակներին նայելու ասաց Գրիգորին ու
վերադարձավ սենյակ, կանգնեց հնացած հայելու առաջ,
տարակուսանքով տարածեց ձեռները:

Նա չէր կարողանում ինքն իրեն բացատրել, թե ինչու
դուրս ելավ ու հրամայեց բաց թողնել գերուն: Չէ՞ որ նա
որոշ շարախինդ զգացում, գոհունակության նմանվող ինչ-
որ բան ապրեց, երբ թաքցրած ծաղրանքով ասաց՝ «Կթող-
նենք, կերթաս կնկադ մոտ... Գնա»,— ինքն էլ գիտեր, որ
հիմա կկանչի Պրոխորին ու կհրամայի այգիներում գնդակա-
հարել խոպերցուն: Նա մի փոքր ջղայնացավ կարեկցության
իր զգացմունքի վրա. դա ոչ այլ ինչ էր, եթե ոչ անգիտակցա-
կան կարեկցություն, որը սողոսկել էր նրա գիտակցության
մեջ ու դրդել էր ազատել թշնամուն: Ու միևնույն ժամանակ

այն թարմացուցիչ-խնդաբեր էր... Այդ ինչպե՞ս պատահեց՞
նա չէր կարողանում ինքն իրեն հաշիվ տալ: Եվ դա առա-
վել էր ևս տարօրինակ էր նրանով, որ ինքը հենց երեկ ասում
էր կազակներին. «Մուծիկը թշնամի է, բայց այն կազակը,
որ հիմի կարմիրների հետ է գնում, երկու թշնամի արժե:
Կազակի, որպես լրտեսի դատաստանը կարճ պետք է լինի-
մեկ, երկու,— և ուղարկիր գրողի ծոցը»:

Հենց այս շուռված, խոցող հակասությամբ, իր գործի
անիրավացիության ըմբոստացած զգացումով էլ Գրիգորին
հեռացավ բնակարանից: Մինչ այդ նրա մոտ եկան Չիրի
գնդի հրամանատարը,— բարձրահասակ մի ատամանցի ան-
նշան, մանր, հիշողությունից ջնջվող դիմագծերով, ու հա-
րյուրյակների երկու հրամանատար:

— էլի օժանդակ ուժեր են ուղարկել,— ժպտալով հա-
ղորդեց գնդի հրամանատարը,— երեք հազար ձիավորներ
Նապոլովից, Յարլոնեայա ռեչկայից, Գուսինկայից,— շահ-
ված երկու հետևակ հարյուրյակը: Ի՞նչ պիտի անես դրանց,
Պանտելիչ:

Գրիգորին գոտուց քարշ արավ մաուզերը և պճնագեղ
դաշտային պայուսակը, որոնք մնացել էին չիխաչևից, ու
դուրս ելավ բակը: Շողում էր տաք արևը: Երկինքը ամառվա
պես բարձր ու կապույտ էր, ու ամառվա պես դեպի հարավ
էին սահում փոքրիկ ամպերը: Գրիգորին մի նրբանցքում
հավաքեց բոլոր հրամանատարներին, խորհրդակցելու հա-
մար: Եկան մոտ երեսուն մարդ, նստոտեցին տապալված
ցախե ցանկապատի վրա, մեկի ծխախոտի տոպրակը ձեռքից
ձեռք անցավ:

— Ի՞նչ պլաններ ենք կազմելու: Ինչպե՞ս ջարդենք այն
գնդերը, որոնք մեզ Չիստյակովոյից ետ քշեցին, և ո՞ր կող-
մը պիտի գնանք,— հարցրեց Գրիգորին ու միաժամանակ
հաղորդեց Կուզինովի հրամանի բովանդակությունը:

— Իսկ մեր դեմ ինչքա՞ն զորք կա, հարցուփորձ արե-
ցի՞ր գերուն,— մի փոքր լռելուց հետո հարցրեց հարյու-
րյակների հրամանատարներից մեկը:

Գրիգորին թվեց նրանց դեմ կանգնած գնդերը, թուցիկ
կերպով հաշվեց հակառակորդի սվինների ու թրերի հավա-
նական թիվը: Կազակները լռեցին: Չէր կարելի խորհրդակ-

ցությանը հանդես գաւ հիմար, շմտածված խոսքով: Գրա-
չակու հարյուրյակի հրամանատարը հենց այդպես էլ ասաց.

— Մի քիչ կաց, Մելիսով: Թող մտածենք: Սա հո թրով
կտրելու բան չի: Կարող ենք քյալագի մեջ ընկնել:

Նա հենց առաջինը սկսեց խոսել:

Գրիգորին ուշադրութեամբ լսեց բոլորին: Արտահայտվող-
ների մեծամասնութեան կարծիքն այն էր, որ նույնիսկ հաջո-
ղութեան դեպքում շատ հեռու շքան և պաշտպանողական
պատերազմ մղեն: Սակայն Չիրի կողմի հրամանատարնե-
րից մեկը ջերմորեն պաշտպանում էր ապստամբական ուժե-
րի հրամանատարի հրամանը, ասում էր.

— Մենք չպետք է այստեղ թրև գանք, Թող Մելիսովը
մեզ տանի Դոնեցի կողմը: Խելքներդ թոցրե՞լ եք, ինչ է:
Մենք շատ քիչ ենք, իսկ մեր դեմ ամբողջ Ռուսաստանն է:
Ո՞նց կարող ենք դիմանալ: Վրա կտան մեզ, ու կկորչենք:
Պետք է կռվով առաջ անցնել: Թեկուզև քիչ են մեր փամ-
փուռները, բայց մենք կճարենք: Պետք է արշավանքի դուրս
գալ: Վճռեցե՛ք:

— Բա ժողովրդի՞ն ինչ անենք,— կանանց, ծերերին,
երեխեքին:

— Թող մնան:

— Քո խելոք գլուխը անխելքի ձեռքն է ընկել:

Մինչ այդ, ցանկապատի ծայրին նստած, հրամանատար-
ները շնչալով խոսում էին վերահաս գարնան մասին, այն
մասին, թե ինչ կլինի տնտեսութունների վիճակը, եթե կըռ-
վով առաջ գնան, բայց Չիրի հրամանատարի ճառից հետո
բոլորն էլ սկսեցին տաքացած խոսել: Խորհրդակցութունը
միանգամից ընդունեց խուտորային ինչ-որ ժողովի բնույթ:
Նապոլովի զառամյալ մի կազակ մյուսներից ավելի շատ
բարձրացրեց ձայնը.

— Մեր ցանկապատերից շենք հեռանա: Ես առաջինը
խուտոր կտանեմ իմ հարյուրյակը: Թե որ կռվելու ենք, ուրի-
մըս կռվենք մեր տների մոտ և ոչ թե ուրիշների կյանքը
փրկենք:

— Դու շատ մի վրա տա: Ես հարմար եմ դատում, իսկ
դու բղավում ես:

— Էլ ի՞նչ խոսելու բան կա:

— Թող Կուդինովն ինքը գնա Դոնեցի կողմը:

Սպասելով, որ ձայները հանդարտվեն, Գրիգորին վճռա-
կան խոսք դրեց վեճի կշեռքի վրա.

— Չրոնտը կպահենք այստեղ: Թե որ Կրասնոկուտսկա-
յան մեր կողմը լինի, նրան էլ կպաշտպանենք: Առաջ գնա-
լու կարիք չկա: Խորհրդակցութունը վերջացավ: Գնացեք ձեր
հարյուրյակները: Հենց հիմի դուրս ենք գալի դիրքերը:

Կես ժամից հետո, երբ հեծելազորի հոծ զանգվածները
անվերջ հոսում էին փողոցներով, Գրիգորին սուր կերպով
հպարտ ուրախութուն զգաց. նա դեռ երրեք այդչափ քա-
նակութեամբ մարդկանց հրամանատար չէր եղել: Բայց ի՞նչ
ինքնասիրութունը շոյող բերկրանքի հետ մեկտեղ նրա մեջ
անհանգստութուն, բարկ դառնութուն առաջացավ. արդյո՞ք
նա կկարողանա ղեկավարել այնպես, ինչպես պետք է. ար-
դյո՞ք կբավականանա իր կարողութունը՝ հազարավոր կա-
զակներին կառավարելու: Ոչ թե մի հարյուրյակ, այլ մի դի-
վիզիա էր ենթարկվում նրան: Եվ մի՞թե ինքը, կիսազրա-
գետ մի կազակ, կարող է իշխել հազարավոր մարդկանց
վրա և նրանց համար մեծապես պատասխանատու լինել:
«Եվ որ գլխավորն է՝ ո՞ւմ դեմ եմ տանում նրանց. ժողովրդ-
դի դեմ... Բա ո՞վ է իրավացի»:

Գրիգորին, ատամները կրճտացնելով, ճանապարհում էր
փակ շարքով անցնող հարյուրյակները: Նրա աչքում հնացել
ու դալկացել էր իշխելու արբեցուցիչ ուժը: Մնացել էին ան-
հանգստութունը, դառնութունը, անտանելիորեն ծանրացել
սրտին, կորացրել ուսերը:

XXXVII

Գարունը բացել էր գետերի երակները: Երկարել էին օրե-
րը, ավելի կարկաչահոս դարձել լեռնային վարար վտակնե-
րը: Արևը նկատելիորեն շիկացել էր, թափել անզոր ու դե-
ղին երանգը: Արեգակնային ճառագայթների քիստերը ավե-
լի էին խավոտել և արդեն խոցում էին տաքութեամբ: Կեսօ-
րին գոլորշի էր արձակում ջեռացած հերկը, անտանելի պրս-
պըղում ծակոտկեն, թեփուկավոր ձյունը: Խիտ ու բուրեղ էր
օդը, որ հաղեցած էր անալի խոնավութեամբ:

Արևը տաքացնում էր Գրիգորիի մեջքը: Տաքացնում էր ամբողջ գունդը: Թամքերի բարձրը հաճելիորեն տաքացել էին, խոնավաշորթ քամին թաշաքացնում էր կազակների թուփ ալտերը: Նա երբեմնակի թեթև ցուրտ էլ էր բերում ձյունած բլուրից: Բայց տաքովյունը հաղթահարում էր ձմաւոր: Գարնանայնորեն կայտառ թռչկոտում էին ձիերը, նրանցից թափվում էր խունացած մազը, ձիու քրտինքը ավելի սուր էր ծակում մարդկանց պինշերը:

Կազակներն արդեն կապոտում էին ձիերի թել-թել պոչերը: Ձիավորների մեջքերի վրա արդեն ավելորդ տեղն էին փոփոում ուղտի բրդից պատրաստված բաշլուղները, իսկ փափախների տակին նամանում էին ճակատները, ու մարդիկ կիսամուշտակներով և տաք շեքմեններով արդեն շոգում էին:

Գրիգորին գունդը տանում էր ամառային ճանապարհով: Հեռվում, հողմադացի խաչից դենը հոծ զանգվածներով ծավալվում էին կարմիրների հեծելավաշտերը. Սվիրիդով խուտորի մոտ սկսվում էր մարտը:

Գրիգորին դեռ չէր կարողանում հեռվից ղեկավարել, ինչպես այդ ընդունված էր: Նա ինքն էր կովի տանում վեշենցիների հարյուրյակները նրանց նետում ամենավտանգավոր տեղերը: Ու մարտը տեղի էր ունենում առանց ընդհանուր կառավարման: Յուրաքանչյուր գունդ, խախտելով նախնական պայմանավորվածությունը, գործում էր հանգամանքների դասավորմանը հարմարվելու միջոցով:

Ռազմաճակատ չկար: Դա լայն ծավալման ու մանևրներ կատարելու հնարավորություն էր տալիս:

Հեծելազորի շատությունը (Գրիգորիի ջոկատում այն գերակշռում էր) կարևոր առավելություն էր: Օգտագործելով այդ առավելությունը, Գրիգորին որոշեց պատերազմ մղել «կազակական» եղանակով, — անցնել հակառակորդի թևերը, մանևլ նրա թիկունքը, ջախջախել գումակները, գիշերային հարձակումներով անհանգստացնել ու բարոյալքել կարմիրներին:

Բայց Սվիրիդովի մոտ նա որոշեց այլ կերպ գործել. հարյուրյակները արագ վարձով դուրս բերեց դիրքերը, նրանցից մեկը թողեց խուտորում, հրամայեց իջնել ձիերից:

պուրակներում պառկել, — դարանակալել՝ նախապես ձիապահներին ուղարկելով խուտորի խորքը, բակերը, իսկ մնացած երկու հարյուրյակներով դուրս թռավ բլուրի վրա, ու հողմադացից կես վերստ հեռավորությամբ հետզհետե կրավի բռնվեց:

Նրա դեմ կար կարմիր հեծելազորի ավելի քան երկու վաշտ: Դրանք խուպերցիներ չէին, որովհետև Գրիգորին հեռադիտակով տեսավ մանր, ոչ Դոնի ձիեր կտրված պոչերով, իսկ կազակները երբեք չէին կտրում ձիերի պոչերը, չէին փշացնում ձիու գեղեցկությունը: Հետևաբար հարձակվում էին կամ 13-րդ հեծելազորային գունդը, կամ նոր եկած զորամասեր:

Գրիգորին բլրակից հեռադիտակով դիտում էր տեղանքը: Ձիու վրայից գետինքը միշտ էլ նրան ավելի լայնարձակ էր թվում, և նա իրեն ավելի վստահ էր զգում՝ երբ սապոզների թաթերը գտնվում էին ասպանդակների մեջ:

Նա տեսավ, թե ինչպես Չիր գետի մյուս կողմից թմբաձև շարժվում էր երեք հազար հինգ հարյուր կազակների թուփ, երկար շարասյունը: Վերջինս դանդաղ գալարվելով, բարձրանում էր սարն ի վեր, գնում դեպի հյուսիս, Ելանսկու և Ուստ-Խոպեբսկու հողերի սահմանը, որպեսզի այնտեղ հանդիպեր Ուստ-Մեդվեդիցից հարձակվող հակառակորդին և օգներ պայքարում ուժասպառ եղած ելանցիներին:

Գրիգորին մեկ ու կես վերստ տարածությամբ էր բաժանված գրոհի պատրաստվող կարմիրների զանգվածից: Գրիգորին հապճեպորեն, հին ձևով ծավալեց իր հարյուրյակները: Կազակներից ոմանց ձեռքին տեղեր չկային, իսկ տեղեր ունեցողները անցան առաջին տողանը, տասը սածենի շափ առաջ անցան: Գրիգորին սլացավ առաջին տողանից էլ առաջ, կանգնեց կիսադարձ, հանեց թուրը:

— Կամացուկ վարձով մա՛րդ:

Առաջին ռուպեին սայթաքեց նրա ձին՝ ոտը գցելով արջամկան բնի մեջ, որը ձյունով էր լցված: Գրիգորին շրտկվեց թամբի վրա, կատաղությունից սփրթնեց և թրի տափակ կողմով ուժեղ խփեց ձիուն: Նրա ձին մի վեշենցուց վերցրած հիանալի շարային, կայտառ ձի էր, բայց Գրիգորին ծածուկ անվստահությամբ էր վերաբերվում նրան: Նա գիտեր, որ

Հին երկու օրում չէր կարող ընտելանալ իրեն, ինքն էլ չէր ուսումնասիրել նրա սովորություններն ու բնավորությունը, — վախենում էր, որ ուրիշի ձին իրեն չի հասկանա կես խոսքից, սանձի թեթև շարժումից, այնպես, ինչպես հասկանում էր Չիստյակովի մոտ սպանված իր ձին: Երբ թրի հարվածը տաքացրեց ձիուն, և սա, չհնազանդվելով սանձին, քառատրոփի անցավ, Գրիգորին ներքուստ սարսոց և նույնիսկ մի փոքր շփոթվեց: «Մա իմ գլխին փորձանք կբերի», — ցավով մտածեց նա: Բայց որքան հեռու և համաշափ էր սլանում ձին իր ուժգնաթափ քառատրոփով, որքան ավելի էր հնազանդվում իր վազքին ուղղություն տվող ձեռքի հագիվ նկատելի շարժման, այնքան ինքնավստահ ու պաղարյուն էր դառնում Գրիգորին: Մի վայրկյան հայացքը կտրելով դեմուդեմ եկող հակառակորդի երեքուն, ցրիվ շարքերից, նա աչքերը սահեցրեց ձիու պարանոցի վրայով: Ձիու շիկակարմրավուն ականջները պինդ ու բարկացկոտ սեղմված էին գլխին, պարանոցը, որ ձգված էր ասես կառափնարանի վրա, սիթմիկորեն ցնցվում էր: Գրիգորին շտկվեց թամբի վրա, ազահուլթյամբ օդ առավ թոքերի մեջ, սապոգները խորունկ խոթեց ասպանդակների մեջ, նայեց շուրջը: Քանի՜-քանի անգամ նա իր ետևում տեսել էր ձիավորներից ու ձիերից համաձուլված, զորդալի հեղեղը, ու ամեն անգամ նրա սիրտը կծկվել էր երկյուղից՝ կենդանական վայրի հուզման վերահաս և ինչ-որ անբացատրելի զգացմունքի հանդեպ: Այն մոմենտից, երբ նա բաց էր թողնում ձիու գլուխը, ու մինչև այն մոմենտը, երբ հասնում էր հակառակորդին, կար ներքին կերպափոխման անըմբռնելի մի ականթարթի: Այդ սարսափելի ականթարթում բանականությունը, պաղարյունությունը, հաշվենկատությունը, — ամեն ինչ թողնում էր Գրիգորիին, և միայն գազանային բնազդն էր տիրաբար ու անբաժանելիորեն վարում նրա կամքը: Եթե որևէ մեկը կարողանար գրոհի ժամին մի կողմից նայել Գրիգորիին, հավանորեն կկարծեր, որ սառն, չշփոթվող միտքն է կառավարում նրա շարժումները: Արտաքուստ դրանք այնքան վրաստահ էին, ստույգ ու հաշվարկված:

Երկու կողմի միջև տարածությունը կրճատվում էր թեթևա-

թուցիչ արագությամբ: Խոշորանում էին ձիավորների, ձիերի կերպարանքները: Խոտորի արոտավայրի մի կարճ, քուերթով փո ձյունով ծածկված կտոր, որ գտնվում էր հեծյալների երկու հեղեղի միջև, կոխկրտվում էր ձիերի սմբակներով: Գրիգորին նկատեց մի ձիավոր, որ սլանում էր իր հեծելավաշտի առջևից, մոտավորապես երեք ձիու մարմնի երկարությամբ նրանից հեռու: Նրա տակի մուգ շագանակագույն, բարձրամարմին ձին գալիս էր գայլի կարճ ցատկումներով: Ձիավորը օդում թափահարում էր սպայական սուրը, արծաթե պատյանը լիսկլիսկում էր ու զարկվում ասպանդակին, արևի տակ հրեղեն ցուքեր արձակում: Մի վայրկյան անց Գրիգորին ճանաչեց ձիավորին: Դա Կարգինսկու ոչ կազակ կոմունիստ Պյոտր Սեմիգալովն էր: Տասնյոթ թվականին գերմանական պատերազմից նա առաջինը եկավ, այն ժամանակ քսանչորս տարեկան տղա էր, ոտները մինչ այդ շտեմանված փաթաթաններով իր հետ բերեց բուլշևիկյան համոզմունքներ և ճակատային հաստատուն կոփվածություն: Նա բուլշևիկ էլ մնաց: Ծառայում էր Կարմիր բանակում և ապստամբությունից առաջ եկել էր զորամասից, ստանիցայում սովետական իշխանություն կազմակերպելու: Հենց այս Սեմիգալովն էլ սլանում էր Գրիգորիի վրա՝ վստահորեն ջջելով ձին, նկարագեղ թափահարելով սպայական սուրը, որ գրավված էր խուզարկության ժամանակ և պիտանի էր միայն զորահանդեսների համար:

Բանալով միմյանց պինդ սեղմված ատամները, Գրիգորին մի քիչ բարձրացրեց սանձը, ու ձին հնազանդությամբ արագացրեց ընթացքը:

Գրիգորին գիտեր միմիայն իրեն հատուկ մի մաներ, որ նա կիրառում էր գրոհի ժամանակ: Նա դիմում էր այդ մաներին, երբ բնազդով ու հայացքով ճանաչում էր ուժեղ հակառակորդին, կամ երբ ուզում էր խոցել դիպուկ, մահացու կերպով, խոցել մի հարվածով, ինչ գնով էլ լինի: Գրիգորին մանկությունից ձախլիկ էր: Նա գդալն էլ ձախ ձեռքով էր վերցնում և դրանով խաչակնքում: Պանտելեյ Պրակոֆևիչը դրա համար խիստ ծեծում էր նրան, նույնիսկ հասակակից տղաներն էլ նրան «Ձախլիկ Գրիշկա» էին անվանում: Ծեծն ու հայհոյանքը ըստ երևույթին ազդեցություն չունեցան փոքրահասակ Գրիշկայի վրա: Տասը տարեկանից

«Չախլիկ» մտականվան հետ շքացավ աջ ձեռքը ձախով փոխարինելու նրա սովորութունը: Բայց մինչև վերջին ժամանակները նա կարող էր ձախ ձեռքով հաջողութեամբ կատարել այն ամենը, ինչ որ կատարում էր աջ ձեռքով: Եվ ձախ ձեռքն էլ նույնիսկ ավելի ուժեղ էր: Գրոհի ժամանակ Գրիգորին միշտ էլ անդամաճան հաջողութեամբ օգտվում էր այդ առավելութունից: Նա, ինչպես և սովորաբար բոլորը, ձին ընտրած հակառակորդի վրա քշելիս ձախ կողմն էր անցնում, որ աջ ձեռքով թրատեր. նույն կերպ էր վարվում նաև հակառակորդը, որը պետք է զարկվեր Գրիգորիի հետ: Եվ ահա, երբ մինչև հակառակորդը ընդամենը մի տասը սաժեն էր մնում, և վերջինս մի քիչ կախվում էր կողքի, բարձրացնելով թուրը.— Գրիգորին կտրուկ, բայց թեթև շրջադարձով անցնում էր աջ կողմը՝ թուրը աջ ձեռքից նետելով ձախ ձեռքը: Շփոթված հակառակորդը փոխում է դիրքը, նրա համար անհարմար է թրատել աջից ձախ, ձիու գլխի վրայով, նա կորցնում է ինքնավստահութունը, մահը նրա աչքերի առաջ է... Գրիգորին թափ առնելով հասցնում է սարսափելի ուժեղ, կտրող հարվածը:

Այն ժամանակից, երբ Չուբատին Գրիգորիին սովորեցնում էր թրատելը, «բախլանովյան» հարվածը,— շատ ջուր էր հոսել: Գրիգորին երկու պատերազմի ընթացքում մարզել էր ձեռքը: Թուրը բանեցնելն ու գուժան բանեցնելը մեկ չէ: Նա շատ բան էր ըմբռնել թրատելու տեխնիկայից:

Նա դաստակը երբեք չէր անցկացնում թրափնջի մեջ, որպեսզի հեշտ լիներ կարճ, անորսալի մի ակնթարթում թուրը մի ձեռքից նետել մյուսին: Նա գիտեր, որ ուժեղ հարվածի դեպքում, եթե թրի ծովածքը սխալ լինի, թուրը պոկ կգա ձեռքից, դաստակի հոդերն էլ կարող են խախտվել: Գիտեր շատ քշերին հաջողվող մի պրիոմ, թե ինչպես կարելի է հագիվ նկատելի շարժմամբ դեն շարտել թշնամու գնքը կամ թե կարճ, ոչ ուժեղ շոշափմամբ կասեցնել նրա ձեռքը: Գրիգորին շատ բան գիտեր այն գիտությունից, որ սովորեցնում է սառը զենքով մեռցնել մարդկանց:

Ուռուտը թրատելիս ճարպիկ հարվածից ընկնում է շեղակի կտրված շյուղը, շի ցնցվում, շի շարժում պատվանդանը: Սուր ծայրը փափլիկ խրվում է ավազի մեջ, այն ցողունի

կողքին, որից նրան բաժանել էր կազակական թուրը: Հենց այդպես էլ կալմիկանման, գեղեցիկ Սեմիգլազովը կախվեց ծառու եղած ձիուց, ընկավ թամբից՝ ձեռները սեղմելով շիզակի թրատված կրծքին: Մահվան սառնությունը պատեց մարմինը...

Գրիգորին այդ իսկ բուպեին շտկվեց, կիսականգնեց ապանդակների վրա: Նրան կուրորեն վրա տվեց երկրորդը՝ այլևս չկարողանալով գսպել սլացող ձիուն: Զիու վերջից, փրփրուն մոտեթից դենը Գրիգորին դեռ չէր տեսնում ձիավորին, բայց տեսնում էր թրի կեռ սայրը, դրա մուգ փորակները: Գրիգորին ամբողջ ուժով քաշեց սանձը, ընդունեց ու ետ մղեց հարվածը,— աջ սանձափուկը վերցնելով ձեռքը՝ թրով խփեց թեքված, վերևից սափրված, կարմիր պարանոցը:

Նա առաջինը դուրս թռավ խոնված, իրար խառնված ամբոխի միջից: Աչքերի առաջ—ձիավորների վխտացող կուտակ: Ձեռքի ափը շղայնորեն քոր է գալիս: Թուրը դրեց պատյանը, հանեց մատուցերը, արդեն ամբողջ թափով ձին դեպի ետ քշեց: Կազակները սլացան նրա ետևից: Հարյուրյակները ցրված էին գնում: Մերթ այնտեղ, մերթ այստեղ երևում էին ձիերի պարանոցներին ընկած փափախներն ու ականջավոր գզակները՝ սպիտակ կապերով: Գրիգորիի կողքից սլանում էր ծանոթ մի ուրյադնիկ աղվեսի մորթու փափախով, խակի գույնի կիսամուշտակով: Նրա ականջը և այտը մինչև կզակը թրատված էին: Կրծքի վրա ասես հասունացած բալով լեցուն մի զամբյուղ էին ճգմել: Ատամները բացված էին ու արյունով ողողված:

Կարմիրբանակայինները, որոնք ընկրկել էին ու կիսով չափ նույնպես փախուստի դիմել, շուտ տվին ձիերը: Կազակների նահանջը նրանց դրդեց անցնել հետապնդման: Ետ մնացած մի կազակի ասես քամին քշեց ձիու վրայից, և սա ընկավ ձիերի ոտների տակ, ճգմվեց ձյան մեջ: Ահա, ահա խուտորը, այգիների սև խմբերը, մի մատուռ բլրակի վրա, լայն փողոցը: Մնում էր ոչ ավելի քան հարյուր սաժեն մինչև ա՛յն պուրակի ցանկապատերը, ուր դարանակալել էր հարյուրյակը... Ձիերի մեջքերին—փրփուր ու արյուն: Գրիգորին, որ սլանալիս զայրագին սեղմել էր մատուցերի հրահանք,

չկրակող այդ գեները խոթեց տուփի մեջ (փամփուշտը ծրուվածք էր տվել), ահեղ գոռաց.

— Բաժանվե-ե՛լ:

Կազակական հարյուրյակների համաձուլյ հոսանքը, որպես ժայռին հանդիպող սրընթաց մի գետ, սահուն կերպով բաժանվեց երկու բազուկի՝ մերկացնելով կարմիրբանակային հեղեղը: Դարանակալած հարյուրյակը ցանկապատի ետևից նրա վրա տվեց մի համազարկ, ապա երկրորդը, երրորդը... Ճի՛շ: Կարմիրբանակային հեծած մի ձի գլորվեց գլխի վրա: Մի այլ ձիու ծնկները ծալվեցին, մոռվթը մինչև ականջները թաղվեց ձյան մեջ: Գնդակները թամբերից պոկեցին էլի երեք թե շորս կարմիրբանակայինի: Մինչդեռ մնացածներն ամբողջ թափով սլանալիս կուտակվեցին, ետ դարձրին ձիերը, կազակները նրանց վրա մի-մի պահունակ փամփուշտ արձակեցին ու լռեցին: Գրիգորին նոր էր խըռպոտված ձայնով բղավել «Հարյու-ուր-յա՛ակ...» — երբ ձիերի հազարավոր ոտներ, փորփրելով ճանապարհի կարճ պտույտի ձյունը, շուռ եկան ու սլացան նահանջողների ետևից: Բայց կազակները դժկամորեն էին հետապնդում. ձիերը կանգ առան: Մեկ ու կես վերստ անցնելուց հետո կազակները վերադարձան: Հանեցին սպանված կարմիրբանակայինների շորերը, սպանված ձիերի թամբերը: Կոնատ Ալյոշկա Շամիրը սպանեց վիրավորված երեք կարմիրբանակայինի: Նրանց կանգնեցրեց երեսները դեպի ցանկապատը, հերթով թրատեց: Սրանց կողքին հետո երկար ժամանակ խռնվում էին կազակները, ծխում, զննում դիակները: Երեքի վրա էլ միատեսակ նշաններ կային, — իրանները շեղակի ճեղքված էին անրակներից մինչև գոտկատեղերը:

— Երեքը վեց դարձրի, — պարծենում էր Ալյոշկան՝ թարթելով աչքը, ցնցելով թուշը:

Նրան քծնողաբար հյուրասիրում էին ծխախոտով, լիթաքցրած հարգանքով նայում Ալյոշկայի փոքրիկ, բողկի շափ բուռնքին, ուռուցիկ կրծքին, որի վրա իրար չէին հասնում շեքմենի եզրերը:

Ցանկապատի մոտ դողում էին քրտնակալած, շինչներով ծածկված ձիերը: Կազակները ձգում էին նրանց փորքաշնորը: Նրբանցքում, շրհորի մոտ ջրի հերթ էին կանգնել: Շա-

տերը սանձերից քաշելով տանում էին հոգնած, ոտները քարշ տվող ձիերը:

Գրիգորին Պրոխորի և հինգ կազակի հետ առաջ գնաց: Կարծես նրա աչքերից ընկել էր կապը: Դարձյալ, ինչպես և գրոհից առաջ, նա տեսավ աշխարհը լուսավորած արևը, կիսահալ ձյունը ծղնտտի դեզերի կողքին, լսեց ճնճողակների զարնանային, խուտորով մեկ ժլվոցը, զգաց շեմքին կանգնած գարնան օրերի նրբագույն բույրերը: Կյանքը վերադարձավ ոչ թե դալկացած, ոչ թե քիչ առաջ թափած արյունից խամրած, այլ նա է՛լ ավելի էր հմայում ժլատ ու խաբուսիկ բերկրանքներով: Զյունից ազատված հողի սև ֆոնի վրա միշտ ավելի հրապուրիչ կերպով ու ավելի պայծառ է սպիտակին տալիս մնացած մի կտոր ձյունը...

XXXVIII

Վարարող ջրի նման բարձրացավ ու ծավալվեց ապրտամբությունը, հեղեղեց Դոնի ամբողջ շրջանը, անդրդոնյան տափաստանային երկրամասերը՝ շորս հարյուր վերստ շրջագծով: Քսանհինգ հազար կազակ ձի էին նստել: Վերին Դոնի օկրուգի խուտորները տասը հազարանոց հետևազոր էին հանել:

Պատերազմը մինչ այդ շտեմնված ձևեր էր ընդունում: Ինչ-որ մի տեղ, Դոնեցի մերձակայքում ճակատ էր պահում Դոնի բանակը՝ պաշտպանելով Նովոչերկասկը, պատրաստվելով վճռական գոտեմարտի: Իսկ նրա դեմ կանգնած 8-րդ ու 9-րդ կարմիր բանակների թիկունքում փոթորկվում էր ապստամբությունը՝ անվերջ բարդացնելով Դոնին տիրանալու առանց այն էլ դժվարին խնդիրը:

Ապրիլին ռեսպուբլիկայի Ռազմառևույժային խորհրդի առաջ ամբողջ բացահայտությամբ ծառայած սպիտակների ֆրոնտին ապստամբների միանալու սպառնալիքը: Պահանջվում էր ինչ կերպ էլ լինի ճզմել ապստամբությունը, քանի դեռ թիկունքից այն չէր քայքայել կարմիր ճակատի տեղամասը ու չէր միացել Դոնի բանակին: Ապստամբության դեմ սկսեցին փոխադրվել լավագույն ուժերը. էքսպեդիցիոն զորքերին էին միացվում բալթյան ու սևծովյան նավաստիների

անձնակազմերը, ամենահուսալի գնդերը, զրահագնացքնե-
րի զորախմբերը, առավելապես խիզախ հեծելազորային
մասերը: Ռազմաճակատից ամբողջովին հանվեցին Բոգու-
չարյան մարտական դիվիզիայի հինգ գնդերը, որոնք ունեին
մոտ ութ հազար սվին, մի քանի մարտկոց ու հինգ հարյուր
գնդացի: Ապրիլին ապստամբական ճակատի Կազանսկու
տեղամասում արդեն անսահման արիությունը կռվում էին
Ռյազանի ու Տամբովի կուրսերը, հետագայում ժամանեց
Համառուսական Կենտրոնի դպրոցի մի մասը, Շումի-
լինսկու մոտ ապստամբների դեմ կռվում էին լատիշական
հրաձիգները:

Կազակները շնչահեղձ էին լինում մարտական հանդեր-
ձանքի պակասությունից: Սկզբում չկային բավականաչափ
քանակությամբ հրացաններ, վերջանում էին փամփուռներ-
ը: Դրանք պետք էր ձեռք բերել արյան գնով, դրանք պետք
էր գրավել գրոհով կամ գիշերային հարձակումով: Եվ գրա-
վում էին: Ապրիլին ապստամբները արդեն ունեին լրիվ քա-
նակությամբ հրացաններ, վեց մարտկոց և մոտ հարյուր հի-
սուն գնդացի:

Ապստամբության սկզբում Վեշենսկու պահեստում մնա-
ցել էր հինգ միլիոն անգնդակ փամփուռ: Օկրուգի սովետը
մոբիլիզացրեց լավագույն դարբիններին, փականագործնե-
րին, հրացանագործներին: Վեշենսկում կազմակերպվեց
գնդակների ձուլման արհեստանոց, բայց արձիճ չկաք, գրն-
դակներ ձուլելու նյութ չկար: Այն ժամանակ օկրուգային սո-
վետի կողով բոլոր խուտորներում սկսեցին արձիճ ու պղինձ
հավաքել: Շոգեաղացներից վերցրին արձիճ ու բաբբիտի
բոլոր պաշարները: Զիավոր սուրհանդակներով հետևյալ
կարճ կոչն ուղարկեցին խուտորները.

«Ձեր ամուսինները, որդիներն ու եղբայրները
կրակելու համար փամփուռներ չունեն:

Նրանք կրակում են միայն այն, ինչ որ խլում
են անիծված թշնամուց: Հանձնեցեք այն ամենը,
ինչ որ կա ձեր տնտեսություններում և պիտանի է
գնդակներ ձուլելու համար: Քամահարներից հա-
նեցեք արձեճ մազերը»:

Մի շաբաթ անց ամբողջ օկրուգում ոչ մի քամահարի վրա
մազ չմնաց:

«Ձեր ամուսինները, որդիները, եղբայրները կրակելու
համար փամփուռներ չունեն»... Եվ կանայք խուտորների
սովետներն էին տանում այն ամենը, ինչ որ պիտանի էր և
ոչ, այն խուտորների երեխաները, ուր կռիվներ էին տեղի
ունենում, պատերը փորփրելով կարտեչ էին հանում, փոր-
փրում էին հողը, արկի բեկորներ փնտրում: Բայց այս գոր-
ծում ևս հաստատուն միասնություն չկար. կանանցից ոմանց,
որոնք շքավորներից էին և շէին ցանկանում զրկվել տնտե-
սական վերջին մանրութից, «կարմիրներին համակրելու»
համար ձերբակալեցին և ուղարկեցին օկրուգ: Տասարսկում
ունեւոր ծերունիները ծեծելով արյունլվիկ արեցին զորամասից
արձակուրդ եկած Սեմյոն Զուգունին, հենց միայն հետևյալ
անզգույշ խոսքերի համար. «Հարուստները թող քանդեն
քամահարները: Նրանց համար կարմիրները երևի տնաքան-
դությունից ավելի սարսափելի են»:

Արձեճի պաշարները հալեցվում էին Վեշենսկու արհես-
տանոցում, բայց ձուլված գնդակները զուրկ լինելով նիկելի
շապկից նույնպես հալում էին... Կրակոցից հետո ինքնա-
գործ գնդակը փողից դուրս էր թռչում իբրև հալված արձեճ
գնդիկ: Թռչում էր վայրենի ոռնոցով ու ֆսֆոսոցով, բայց խո-
ցում էր միայն հարյուր, հարյուր քսան սաժենի վրա: Դրա
փոխարեն այդ գնդակներից առաջացած վերքերը զարհուրե-
լի էին: Կարմիրբանակայինները իմանալով բանի էությունը,
երբեմն, մոտիկից հանդիպելով կազակների պարեկներին,
բղավում էին. «Բղեգներով եք կրակում... Անձնատուր եղեք,
միևնույն է, բոլորիդ կկոտորենք»:

Երեսունհինգ հազար ապստամբները կազմում էին հինգ
դիվիզիա և մի առանձին բրիգադա: Մեշկովսկայա—Սետրա-
կով—Վեժա տեղամասում Եգորովի հրամանատարությամբ
կռվում էր 3-րդ դիվիզիան: Կազանսկայա—Դոնեցկոյե-Շու-
միլինսկայա տեղամասը գրավել էր 4-րդ դիվիզիան: Նրան
առաջնորդում էր տեսքով խիստ մոռյլ, մարտում լավ թրա-
տող ու աներկյուղ փոխ-խորունժի Կոնդրատ Մեդվեդևը: 5-րդ
դիվիզիան կռվում էր Սլաշևսկայա—Բուկանովսկայա ճակա-

տում, նրա հրամանատարը Ուշակովն էր: Ելանսկու խուտոր-
ների—Ուստ-Խոպպերսկայա—Գորբատով ուղղությամբ իր 2-րդ
դիվիզիայով կռվում էր վախճախատր Մերկուովը: Այնտեղ էր
նաև 6-րդ միավորումը,— առանձին բրիգադան, որը լավ էր
կազմակերպված, կորուստներ համարյա չէր տալիս, որով-
հետև նրա հրամանատարը, Մակասևի կազակ, աստիճանով
փոխ-խորունժի Բոգատիրովը շրջահայաց էր, զգուշ, երբեք
ոխակ չէր անում և մարդկանց ապարդյուն կորուստ չէր տա-
լիս: Չիրի փեհերին իր 1-ին դիվիզիան էր ցրիվ տվել Մելե-
խով Գրիգորին: Նրա տեղամասը ճակատային դիրք ուներ,
նրա վրա հարավից հարձակվում էին ճակատից կտրվող
կարմիր զորամասերը, բայց նա կարողանում էր ոչ միայն
եռ մղել հակառակորդի գրոհը, այլև օժանդակել ավելի քիչ
կայուն 2-րդ դիվիզիային,— հետևակ և հեծյալ հարյուրյակ-
ներ ուղարկել նրան օգնելու:

Ապստամբությանը չհաջողվեց ընդգրկել Խոպերի և Ուստ-
Մեդվեդիցկի օկրուգների ստանիցաները: Այնտեղ էլ հուզ-
մունք կար, այնտեղից էլ սուրհանդակներ էին գալիս՝ խընդ-
րելով ուժեր ուղարկել դեպի Բուզուլուկ և Խոպերի վերին
ավազանը, կազակներին ոտքի հանելու համար. բայց ապրս-
տամբական հրամանատարությունը որոշեց դուրս չգալ վե-
րին Դոնի օկրուգի սահմաններից, գիտենալով, որ խոպեր-
ցիների հիմնական մասսաները սովետական իշխանության
հենարան են հանդիսանում և զենք չեն վերցնի: Սուրհան-
դակներն էլ հաջողություններ չէին խոստանում, ճշմարտացի
պատմում էին, որ խուտորներում կարմիրներից դժգոհ մար-
դիկ այնքան էլ շատ չեն, որ Խոպերի օկրուգի խուլ ան-
կյուններում մնացած սպաները թաքնվում են, չեն կարող
ապստամբությանը համակրող զգալի ուժեր հավաքել, որով-
հետև ճակատայինները կամ իրենց տներումն են, կամ Մի-
րոնովի հետ են, իսկ ծերունիներին նեղն են լծել ոնց որ հոր-
թանոց քշվող հորթերին, ու նրանք արդեն ոչ ուժ ունեն, ոչ
էլ առաջվա կշիռը:

Հարավում ուկրաինացիներով բնակեցված ոլոստներում
կարմիրները մոբիլիզացրին երիտասարդությունը, և սա, լրջ-
վելով Բոգոլյարյան մարտական դիվիզիայի գնդերը, մեծ
սիրով կռվում էր ապստամբների դեմ: Ապստամբությունը

ներկակվել էր վերին Դոնի օկրուգի շրջանում: Ու սպստամ-
բական հրամանատարությունից սկսած՝ բոլորի համար հե-
տըզհետե պարզ էր դառնում, որ հույրենի տները երկար
պաշտպանել չի հաջողվի. վաղ թե ուշ կարմիր բանակը Դո-
նեցից շուտ գալով, կճգմի ապստամբությունը:

Մարտի 18-ին Կուդինովը Գրիգորի Մելեխովին կանչեց
Վեշենսկայա՝ խորհրդակցության: Դիվիզիայի հրամանատա-
րությունը հանձնարարելով իր օգնական Ռյաբչիկովին,
Գրիգորին վաղ առավոտյան իր հանձնատարի հետ մեկնեց
օկրուգ:

Նա շտաբ ժամանեց հենց այն պահին, երբ Կուդինովը
Սաֆոնովի ներկայությամբ բանակցություններ էր վարում
Ալեքսեևսկայա ստանիցայի սուրհանդակներից մեկի հետ:
Կուդինովը կորացած նստել էր գրասեղանի առաջ, լղար,
թուխ մատներով տնտղում էր իր կովկասյան գստու ծայրը,
ու շարժարացնելով ուռած, անքուն գիշերներից շաղախվող
աչքերը, հարցրեց իր դիմաց նստած կազակին.

— Բա դուք ինքներդ ի՞նչ եք անում: Ի՞նչ եք մտածում:

— Դե մենք էլ, հարկ է որ... Մեր ձեռից ոնց որ թե քիչ
բան է գալի... Ով գիտի թե ինչ կա մյուսների մտքում: Գի-
տես, էլի, թե ինչ տեսակ մարդիկ են: Վախում են: Համ
ուզում են կռվել, համ էլ վախում են...

— «Ուզում են կռվել», «Վախում են»,— բարկությունից
սփրթնելով բղավեց Կուդինովը ու բազկաթոռի վրա անհան-
գիստ շարժումներ արեց, ասես նրա տակը կրակ թափեցին.—
Դուք բոլորդ էլ ոնց որ սիրուն աղջիկներ լինեք. համ ուզում
եք. համ չեք ուզում, մայրիկն էլ հակառակ է: Դեհ ուրեմն
գնա ձեր Ալեքսեևսկայան, ասա ձեր ծերուկներին, որ մենք
մի դասակ էլ չենք ուղարկի ձեր հողը, քանի դեռ դուք ինք-
ներդ չսկսեք: Թեկուզ կարմիրները մեկ-մեկ կախեն ձեզ:

Հսկայամարմին կազակի կարմրավուն ձեռքը աղվեսի մոր-
թու պսպղուն գդակը դժվարությամբ քշեց ծոծրակին: Քըր-
տինքը շեշտակի հոսեց ճակատի խորշումներով, ինչպես
գարնանային ջուրը— առունների միջով. կարճ, խարտյաշ ար-
տևանունքները արագ թարթում էին, իսկ աչքերը նայում
ժպտալով ու մեղավորաբար:

— Դե, հարկ է, որ ժանտախտն էլ ձեզ չի ստիպի գալ

մեր կողմը: Ամա այստեղ ամբողջ գործը նախաձեռնութիւնս նրն է: Փողից է՛լ թանկ է այդ նախաձեռնութիւնը...

Գրիգորին, որ ուշադրութեամբ լսում էր խոսակցութիւնը, մի կողմ քաշվեց. առանց դուռը ծեծելու միջանցքից սենյակ մտավ կաշվե կիսամուշտակով, ցածրահասակ, սև բեղերով մի մարդ: Նա գլխի շարժմամբ բարեկեց Կուղինովին, նստեց սեղանի մոտ՝ թուշը դնելով սպիտակ ձեռքին: Գրիգորին, որ բոլոր շտաբայիններին ճանաչում էր դեմքերից, սրան առաջին անգամ տեսավ, զննեց հայացքով: Նրբորեն գծված, թուխ, բայց շնորհամարմարում ու արևից չսևացած դեմքը, ձեռների մեղմ սպիտակութիւնը, ինտելիգենտական շարժումները, — այս ամենը ցույց էր տալիս, որ նա տեղացի մարդ չէ:

Կուղինովը աչքերով ցույց տալով անձանոթին, դիմեց Գրիգորին:

— Ծանոթացիր, Մելիխով: Սա ընկեր Գեորգիձենն է: Նա... — ու կանգ առավ, տնտղեց գոտու սևանախշ արծաթե ձողիկը, վեր կենալով ու դիմելով Ալեքսեևսկայա ստանիցայի սուրհանդակին, ասաց. — Գե՛հ, աղբերս, գնա: Մենք հիմի գործեր ունենք: Գնա տուն և իմ խոսքերը հաղորդիր ում որ պետք է:

Կազակը աթոռից վեր կացավ: Աղվեսի մորթու վառ շիկակարմիր, սևախավ փափախը համարյա հասավ առաստաղին: Եվ սենյակը միանգամից փոքր ու նեղ թվաց կազակի լայն ուսերի առկայութեամբ, որոնք ծածկեցին լույսը:

— Օգնութիւն խնդրելո՞ւ ես եկել, — հարցրեց Գրիգորին՝ ձեռքի վրա դեռևս տհաճութեամբ զգալով կովկասցու ձեռնասեղմումը:

— Ը՛հր՛մ, օգնութեան համար: Ամա, արի ու տես, թի ինչ է դուրս գալի... — Կազակը ուրախացած դարձավ դեպի Գրիգորին՝ աչքերով պաշտպանութիւն փնտրելով: Իր փափախի կարկաշի պես կարմիր նրա դեմքը այնքա՛ն շփոթված էր, քրտինքն այնքա՛ն առատորեն էր ողողել այն, որ նուրբսկ մորուքի և կախ ընկած շիկակարմիր բեղերի վրա կարծես մանր ուլունքներ էին թափված:

— Ձեզ է՞լ դուր չեկավ սովետական իշխանութիւնը, — Գրիգորին շարունակեց հարցեր տալ, ձևացնելով, թե չի նկատում Կուղինովի անհամբեր շարժումները:

— Նա, աղբերս, սչի՛նչ, — խելամտորեն, բամբ ձայնով ասաց հսկա կազակը, — ամա վախում եմք, որ բանն ավելի վատ կգնա:

— Ձեզ մոտ գնդակահարութիւններ եղա՞ն:

— Ձէ, աստված շանի: Այդպիսի բան չի լսվում: Դե՛հ, մի խոսքով, ձի, հաց տարան, հարկ է, որ բռնուտեցին դեմ խոսողներին: Մի խոսքով, վախենալու բան է:

— Իսկ եթե վեշենցիները գային ձեզ մոտ, ոտքի կկենե՞րք, բոլորդ էլ կկովե՞րք:

Կազակի մանր, արևից ոսկեջրված աչքերը խորամանկորեն կկոցվեցին, խուսափեցին Գրիգորիի աչքերից. փափախը սողաց այդ ակնթարթում մտածմունքի ծալերով ու թըմբերով ծանրացած ճակատի վրա:

— Բոլորի մասին ո՞նց ասեմ... Դե, հարկ է, որ մեծ տնտեսութիւն ունեցողները կկովե՞ին:

— Բա չքավորները, մեծ տնտեսութիւն չունեցողները: Գրիգորին, որ մինչ այդ իզուր էր փորձում բռնել խոսակցի հայացքը, հանդիպեց մանկականորեն գարմացած, ուղիղ իրեն նայող նրա աչքերին:

— Չը՛մ... Մուլեբը ինչի՞ պիտի գնան որ: Հենց կյանքը ինքն է նրանց տանում այդ իշխանութեան կողմը, ա՛յ թե ինչ:

— Որ այդպես է, տո՛, պոլոզ սատանա, — արդեն շթաքցրած բարկութեամբ գոռաց Կուղինովը, ու նրա տակին երկար նոճուց բազկաթոռը, — որ այդպես է, էլ ինչի՞ ես եկել մեր գլուխը տանելու, հը՞: Թե՞ ձեզ մոտ բոլորն էլ հարուստ են: Այդ ի՞նչ տեսակ ապստամբութիւն է: Եթե խոտորում երկու-երեք տուն է ոտքի ելնելու, հը՞: Հեռացիր այստեղից, գնա, ասում եմ քեզ: Տապակած աքլորը հլա դեռ չի կոտցել ձեր քամակը, ամա որ կոտցի, առանց մեր օգնութեան էլ կկովե՞րք: Սովորել եք, շան որդենիք, ուրիշի մեջքին նստած՝ վար անել: Ձեր բանն է գլխովել ու փովել վառարանի վրա... Դե՛հ, գնա՛, գնա: Քեզ պես սատանին նայելիս մարդու սիրտ է խառնում:

Գրիգորին մոռացվեց, դեմքը շուռ տվեց: Կուղինովի դեմքի վրա հետզհետե ավելի պարզ էին երևում կարմիր բծերը: Գեորգիձեն բեղն էր ոլորում, շարժում խիստ սապատավոր, ասես ունդած քթի պնչերը:

— Որ այդպես է, ներողութիւնն ենք խնդրում: Իսկ դու, ձերք բարեօճննդութիւնն, մի՛ գոռա ու մի վախեցնի, այստեղ գործը կամովին է: Ես ձեզ հաղորդեցի մեր ծերունիների խնդիրքը ու ձեր պատասխանն էլ կտանեմ նրանց, էլ գոռալըս որն է: Եվ մինչև ե՞րբ պիտի գոռան ուղղափառների վրա: Սպիտակները գոռում էին, կարմիրները գոռում էին, հիմի էլ դու ես գոռում, ամեն մեկն իր իշխանութիւնն է ցույց տալիս ու հլա դեռ ուզում է սֆաթդ էլ տաքացնել... է՛հ, գլուղացու կյանք, մունտոիկ շան լիզած կյանք...

Կազակը, շարանալով, փափախը քաշեց աչքերին, քարի կտորի պես դուրս ընկավ միջանցքը, կամացուկ ծածկեց դուռը. բայց միջանցքում արձակեց բարկութիւն ձեռները ու այնպես շրխկացրեց դրսի դուռը, որ սվաղը հինգ րոպե թափվում էր հատակին ու պատուհանների գոգերին:

— Ա՛յ թե ինչ տեսակ մարդիկ կան, է՛,— արդեն ուրախ ծայտում էր Կուդրինովը, խաղում գոտիով, հետզհետե բարի տեսք ընդունում:— Տասնյոթ թվականի գարնանը գնում եմ կայարան, վարի ժամանակն էր, զատկի մոտերքը: Վար են անում ազատ կազակները և ուղղակի խելքները թոցրել են այդ ազատութիւնից, էլ ճանապարհ չի մնացել, որ չվարեն,— կարծես թե իրենց հողը քիչ էր: Տոկինսկի խուտորից դենը կանչում եմ այդ տեսակ մի հողագործի, մոտենում է իմ տարանտասին: «է՛յ, դու ինչի՞ ես ճանապարհը վարել, հը՞»: Վախեցավ տղան: «էլ չեմ վարի,— ասում է,— շատ ներողութիւնն եմ խնդրում, կարող եմ մինչև իսկ վարածս տափտփել»: Այսպես վախեցրի էլի երկու թե երեք հոգու: Անցանք Գրաչևից դենը,— էյի՛ ճանապարհը վարած է, ու հենց այնտեղ մի տղա գնում է գութանի ետևից: Ձեն եմ տալի նրան՝ «Հապա, եկ այստեղ»: Մոտենում է: «Դու ի՞նչ իրավունք ունես ճանապարհը վարելու, հը՞»: Նա մտիկ արեց ինձ, կտրիճ կազակ էր, աչքերն էլ պայծա՛ռ ու պայծառ, իսկ հետո սուսուփուս շուռ եկավ ու վազ տվեց դեպի եզները: Հասավ, լծից հանեց երկաթե սամին ու էլի թռավ ինձ մոտ: Բռնեց տարանտասի կողմից, ոտը դնում է ոտնատեղը: «Դու,— ասում է,— ինչացո՞ւ ես, հը՞, մինչև ե՞րբ պետք է դուք մեր արյունը ծծեք: Ուզո՞ւմ ես,— ասում է,— հենց հիմի գլուխդ կտոր-կտոր անեմ»: Ու թափ է տալի սամին: Ես

նրան ասում եմ՝ «Ի՞նչ ես անում, Իվան, ես հանաք արեցի»: Նա էլ թե՛ «Ես հիմի ոչ թե Իվան եմ, այլ Իվան Օսիպիչ, ես քո մոռութը կշարդեմ կոպտութեանդ համար»: Հավատո՞ւմ ես, հազիվ պրծա նրա ձեռից: Այնպես էլ սա, ֆսֆում ու գլուխ էր տալի, ամա վերջը ցույց տվեց իր բնավորութիւնը: Մարդիկ հպարտութիւնից չգիտեն ինչ են անում:

— Ոչ թե հպարտութիւնը, այլ գոհակութիւնն է արթնացել նրա մեջ ու դուրս թափվել: Գոհակութիւնը օրինակաւորութեան իրավունք է ստացել,— հանգիստ ասաց կովկասցի փոխգնդապետը և առարկութիւնների շապասելով, վերջացրեց խոսակցութիւնը:— Խնդրում եմ սկսել խորհրդակցութիւնը: Ես կուզենայի հենց այսօր հասնել գունդ:

Կուդրինովը ծծեց պատը, բղավեց.

— Սաֆոնով,— ու դիմեց Գրիգորիին,— դու մնա մեզ հետ, միասին խորհուրդ կանենք: Գիտե՞ս առածը՝ «Մի խելքը լավ է, երկուսը ավելի լավ»: Մեր բախտից ընկեր Գեորգիձեն պատահամբ մնացել է Վեշկիում, իսկ հիմի օգնում է մեզ: Նա աստիճանով փոխգնդապետ է, գլխավոր ակադեմիան է ավարտել:

— Բա դուք ինչպե՞ս եք մնացել Վեշենսկում,— հայտնի չէ ինչու ներքուստ սառչելով և ուշադրութիւնը լարելով, հարցրեց Գրիգորին:

— Հիվանդացել էի տիֆով, երբ սկսվեց նահանջը Հյուսիսային ֆրոնտից, ինձ թողին Դուդորեակի խուտորում:

— Ո՞ր զորամասում էիք:

— Ե՞ս: Ոչ, ես շարքային չեմ: Հատուկ խմբի շտաբումն էի:

— Ո՞ր խմբի: Գենեռալ Սիտնիկովի՞:

— Ոչ...

Գրիգորին ուզում էր էլի ինչ-որ բան հարցնել, բայց փոխգնդապետ Գեորգիձեի դեմքի մի տեսակ լարված, կնճռոտ արտահայտութիւնը ստիպեց զգալ հարցուփորձի անտեղիութիւնը, ու Գրիգորին կես խոսքի վրա լուց:

Շուտով եկան շտաբի պետ Սաֆոնովը, 4-րդ դիվիզիայի հրամանատար Կոնդրատ Մեդվեդևը և սպիտակ ատամներով, կարմրաթուշ փոխ-խորունժի Բոգատիրյովը,— 6-րդ հատուկ բրիգադայի հրամանատարը: Սկսվեց խորհրդակցու-

թյունը: Կուղինովը ամփոփագրերի համաձայն բուղմաճա-
կատի դրության մասին կարճ ինֆորմացիա տվեց հավաք-
վածներին: Առաջինը խոսք խնդրեց փոխգնդապետը: Սեղա-
նի վրա դանդաղ բաց անելով երեք վերստանոց քարտեզը,
նա խոսեց սահուն ու վստահորեն, հազիվ նկատելի ակցեն-
տով:

— Ամենից առաջ ես բացարձակապես անհրաժեշտ եմ
համարում Երրորդ և Չորրորդ դիվիզիաների մի քանի ռեզեր-
վային զորամասերը տեղափոխել այն տեղամասը, որ գրա-
վում են Մելեխովի դիվիզիան և փոխ-խորունժի Բոգատի-
րյովի հատուկ բրիգադան: Մեզ մոտ եղած գաղտնի տեղե-
կություններից և զերինների հարցաքննությունից միանգա-
մայն ականերև կերպով պարզվում է, որ կարմիր հրամանա-
տարությունը հատկապես Կամենկա—Կարգինսկայա—Բո-
կովսկայա տեղամասում մեր դեմ լուրջ հարված է պատրաս-
տում: Փախստականների ու զերինների ասածներից պարզվել է,
որ իններդ Կարմիր բանակի շտաբը Օբլիվից և Մորոզովս-
կուց ուղարկել է երկու հեծելազորային գունդ, որոնք վեր-
ցրված են Տամաներկուերորդ դիվիզիայից, հինգ փակոցա-
յին ջոկատ, դրանց միացրած երեք մարտկոցով և զնդաց-
րային խմբերով: Կոպիտ հաշվով այդ համալրումները հա-
կառկորդին կտան հինգ հազար հինգ հարյուր մարտիկ:
Այսպիսով թվական գերակշռությունը, անկասկած, նրանց
կողմը կլինի, էլ չխոսենք այն մասին, որ սպառազինության
գերակշռությունը նրանց կողմն է:

Պատուհանի շրջանակով խաշաձև կտրված արևածաղկի
պես դեղին արևը հարավից ընկել էր սենյակը: Ծխի կա-
պույտ ամպը անշարժ կախվել էր առաստաղի տակ: Տնային
մշակութային ծխախոտի դառնավուն հոտը լուծվել էր նա-
մացած սապոնների սուր գարշահոտության մեջ: Որտեղից-
որտեղ, առաստաղի տակ հուսալքված տղզում էր ծխախո-
տի ծխով թունավորված մի ճանճ: Գրիգորին քնկոտ նայում
էր պատուհանին (նա երկու գիշեր բոլորովին չէր քնել), ուռ-
չում էին արճճի պես ծանրացած կոպերը, տաք վառած սեն-
յակի շերմութային հետ քունը ներխուժում էր նրա մարմնի
մեջ, հարբած հոգնածությունը թուլացնում էր նրա կամքը և
գիտակցությունը: Դրսում ծառս էին լինում ու գալարվում:

էին ցածրից փչող գարնանային քամիները, Բազկիի բլուրի
վրա վարդամած շողում ու պսպղում էր վերջին ձյունը, Դոնի
մյուս կողմում բարդինների գազաթնները քամուց այնպես էին
ճոճվում, որ նրանց նայելիս Գրիգորին թվում էր, թե այն-
տեղից անլուելի, բամբ դղրդուն է գալիս:

Փոխգնդապետի հստակ, հաստատուն ձայնը գրավում էր
Գրիգորիի ուշադրությունը: Գրիգորին լսում էր լարվելով, ու
քնկոտությունը աննկատելիորեն չբացավ, կարծես հավից:

— ...Առաջին դիվիզիայի ֆրոնտում հակառակորդի ակ-
տիվության թուլացումը և նրա համառ փորձերը—հարձակ-
ման անցել Միգուլինսկայա — Մեշկովսկայա գծով — մեզ
ստիպում են աշխուրջ լինել: Ծս կարծում եմ...— փոխգըն-
դապետը հազաց «ընկերներ» բառի վրա, ու արդեն շարացած
թափահարելով կանացիորեն սպիտակ, բարակ ձեռքը,
բարձրացրեց ձայնը,— որ հրամանատար Կուղինովը Սաֆո-
նովի աջակցությամբ խոշորագույն սխալ է կատարում՝ հա-
լած յուղի տեղ ընդունելով կարմիրների մանևրները, թու-
լացնելով Մելեխովի գրաված ճակատամասը: Ներեցեք, պա-
րոններ, ախր դա ստրատեգիայի այբուբենն է,— հակառա-
կորդի ուժերը քաշել մի տեղ՝ մի այլ տեղում նրա վրա
նետվելու համար...

— Բայց ռեզերվային գունդը Մելեխովին հարկավոր
չէ,— ընդհատեց Կուղինովը:

— Ընդհակառակը. մենք պետք է Երրորդ դիվիզիայի
ռեզերվների մի մասը ձեռքի տակ ունենանք, որպեսզի
ճեղքվածքի դեպքում կարողանանք ծածկել այն:

— Կուղինովը երևի չի ուզում ինձ հարցնել՝ ռեզերվ կը-
տամ իրեն թե ոչ,— ցասկոտելով ասաց Գրիգորին.— Իսկ
ես չեմ տա, մի հարյուրյակ է՛լ չեմ տա:

— Է-է՛, աղբերս, դա...— ձայնը երկարացրեց Սաֆոնո-
վը՝ ժպտալով ու շփելով շեկիկ-դեղնավուն բեղերը:

— Ոչ մի «աղբերս»: Չեմ տա, պրծավ-գնաց:

— Օպերատիվ տեսակետից...

— Դու ինձ օպերատիվ տեսակետներ մի՛ ասա: Ծս պա-
տասխանատու եմ իմ ճակատամասի և իմ մարդկանց հա-
մար:

Փոխգնդապետ Գեորգիձեն դադարեցրեց այդպես ան-

սպասելիորեն ծագած վեճը: Նրա ձեռքի կարմիր մատիոր կետաշարով նշեց սպառնալիքի տակ գտնվող ճակատամարտը, ու երբ խորհրդակցողների գլուխները միմյանց մոտենալով կախվեցին քարտեզի վրա, բոլորի համար էլ անհերքելիորեն պարզ եղավ, որ կարմիր հրամանատարության կողմից պատրաստվող հարվածը իրոք որ հնարավոր է հարավային ճակատամասում, որպես Դոնեցին ամենամոտիկ և հաղորդակցության նկատմամբ շահավետ ճակատամաս:

Խորհրդակցությունը վերջացավ մի ժամից հետո: Մոռյլ, գայլի տեսք և գայլի սովորություն ունեցող Կոնգրատ Մեդվեդևը, որ հազիվ էր գրի սևն ու սպիտակը ջոկում, խորհրդակցության ժամանակ լուռ մնալով, շարունակելով խեթ-խեթ նայել բոլորին, ի վերջո ասաց.

— Մեկխոսվին օգնելը մենք կօգնենք: Ավելորդ մարդիկ կան: Միայն թե մի անիծված միտք հանգիստ չի տալի: Բա որ բոլոր կողմերից մեզ հուպ տան, այն ժամանակ ի՞նչ պիտի անենք: Մեզ կխփեն, կհավաքեն իրար գլխի, ու մենք կընկնենք լորտուփ դրության մեջ, ոնց որ լորտուներ վարարած ջրերում, մի որևէ փոքրիկ կղզու վրա:

— Լորտուները լողալ գիտեն, իսկ մենք լողալու տեղ էլ չունենք,— քրքջաց Բոգատիրյովը:

— Մենք դրա մասին մտածել ենք,— մտախոհ ասաց Կուդրինովը,— էհ, ի՞նչ արած, թե որ նեղը լծեցին, կթողնենք բոլորին, ովքեր զենք կրելու ընդունակ չեն, կթողնենք ընտանիքներս և կովով կգնանք Դոնեցի կողմը: Մեր ուժը քիչ չէ, երեսուն հազար է:

— Իսկ կաղետները կընդունեն մեզ. նրանք ոխ ունեն վերին դոնեցիների դեմ:

— Հավը բնի մեջ է, իսկ հավկիթը... մեջ: Կարիք չկա դրա մասին խոսել: Գրիգորին ծածկեց փափախը, դուրս ելավ միջանցք: Դռան միջից լսում էր, թե ինչպես Գեորգի-ձեն խշաղջնելով ծավոող քարտեզը, պատասխանում էր.

— Վեշենցիները և առհասարակ բոլոր ապստամբները Դոնի և Ռուսաստանի առաջ կթավեն իրենց մեղքը, եթե շարունակեն արիաբար պայքարել բոլշևիկների դեմ...

«Ասում է ու ինքն իր մեջ ծիծաղում, ի՛ժ»,— լսելով այդ խոսքերը, մտածեց Գրիգորին: Ու վերստին, ինչպես սկզբը-

բում, Վեշենսկում անսպասելիորեն հայտնված այդ սպային հանդիպելիս, Գրիգորին ինչ-որ անհանգստություն և անառիթ բարկություն զգաց:

Շտաբի դարպասի մոտ Կուդրինովը հասավ նրան: Միաժամանակ քայլում էին լուռ: Աղքոտած հրապարակում քամին տատանում ու սարսուղացնում էր լճակները: Իրիկնանում էր: Հարավից դանդաղ, կարապների պես սահում էին թուլա-թուլա ծանր ամպերը, որոնք սպիտակ էին ինչպես ամառը: Կենարար ու թունդ էր ձյունից ազատված հողի խոնավ բույրը: Յանկապատերից դենը կանաչին էին տալիս մերկացած խոտաբույսերը և արդեն իրոք քամին Դոնի մյուս ափից բերում էր բարդիների հուզիչ շրշյոսնը:

— Շուտով Դոնը կազատվի սառույցից,— հազալով ասաց Կուդրինովը:

— Այո:

— Գրո՛ղը տանի... Կկորչեք առանց ծխելու: Մի բաժակ տնական թութունին քառասուն ուրբի Կերենսկու փող կտալի:

— Դու ասա ա՛յ թե ի՞նչ,— քալելիս դառնալով դեպի Կուդրինովը, խիստ տոնով հարցրեց Գրիգորին,— այդ սպան, չերքեզը, քեզ մոտ ի՞նչ է անում:

— Գևորգիձե՛ն: Օպերատիվ վարչության պետն է: Ա՛մա գլուխ ունի անպիտանը, հա՛-ա: Նա է մշակում պլանները: Ստրատեգիայից մեզ բոլորիս էլ կկտրի:

— Նա միշտ վեշկիո՞ւմն է:

— Ու՛ո՛շ... Մենք նրան գործուղել ենք Չերնովյան գունդը, գու՛մակը:

— Բա նա ինչպե՞ս է հետևում գործերին:

— Գիտե՞ս ինչ, նա հաճախ է գալիս: Համարյա ամեն օր:

— Բա ինչո՞ւ դուք նրան չեք բերում Վեշկի,— փորձելով ըմբռնել այդ, հարցուփորձ էր անում Գրիգորին:

Կուդրինովը էլի հազալով, ձեռքը տանելով բերանին, դըժկամ պատասխանեց.

— Անհարմար է կազակների առաջ: Գիտե՞ս թե ինչ տեսակ են նրանք, այդ աղբերացուները: «Ահա,— կասեն,— խցկվիլ են սպաները, իրենց ուզածն են անում: էլի՛ ուսադիրներ...»— և այլն:

— Նրա պես էլ ուրիշ մարդիկ կա՞ն զորքի մեջ:

— Կազանսկում կան երկուսը թե երեքը... Դու, Գրիշա, շատ մի՛ տխրի: Ես գիտեմ, թե ինչ ես մտածում: Մենք, հոգիս, բացի կաղեմներին, ուրիշ նեցուկ չունենք: Այդպես է, չէ՞: Թե՞ դու մտածում ես տասը ստանիցայից թո՛ւ ռեսպուբլիկան կազմակերպել: Այստեղ կարիք չկա դեռ-դեռ ընկնել... Կմիանանք, մեղավոր զլխով կգնանք Կրասնովի մոտ: «Մի՛ դատի, Պետրո Միկոլայիչ,— կասենք,— մի քիչ մոլորվել էինք մենք, թողնելով ֆրոնտը»...

— Մոլորվե՞լ էինք,— հարցրեց Գրիգորին:

— Բա ո՞նց,— անկեղծ զարմանքով պատասխանեց Կուդինովը և զգուշութամբ շրջանցեց լճակը:

— Իսկ ես միտք եմ անում...— Գրիգորին մռայլվեց, բռնազբոսիկ ժպտաց.— Իսկ ես կարծում եմ, որ մենք մոլորվել էինք, երբ ապստամբություն բարձրացրինք... Լսեցի՞ր թե ինչ էր ասում խոպերցին:

Կուդինովը լռեց, կողքից հետաքրքրութամբ նայեց Գրիգորին:

Փողոցների խաչմերուկում, հրապարակի մյուս կողմում նրանք բաժանվեցին: Կուդինովը դպրոցի կողքից քայլեց դեպի իր բնակարանը: Գրիգորին վերադարձավ շտաբ, նշան արավ, որ հանձնատարը բերի ձիերը: Արդեն թամբին նըստած, դանդաղ վերցնելով սանձը, շտկելով հրացանի փոկը, նա դեռ էլի փորձում էր ինքն իրեն հաշիվ տալ տհաճություն ու կասկածանքի այն անհասկանալի զգացման նկատմամբ, որը տածում էր շտաբում հայտնված փոխգնդապետի հանգեպ, ու հանկարծ սարսափով մտածեց. «Իսկ ի՞նչ կլինի, եթե կաղեմները դիտմամբ մեզ մոտ թողած լինեն այդ պիտուն սպաներին, որպեսզի կարմիրների թիկունքում մեզ ոտքի հանեն, որպեսզի այդ սպաները իրենց ուզածի պես, իրենց գիտութամբ դեկավարեն մեզ»,— ու գիտակցությունը շարախինդ պատրաստակամությամբ ենթադրություններ ու փաստարկներ էր մեջտեղ բերում: «Չասաց, թե որ զորամասից է... քաշվեց... Շտաբային է, իսկ այստեղից շտաբներ չեն էլ անցել... Ո՞ր սատանան է դրան բերել Գուդորևսկի, այդ տեսակ խուլ անկյունը: Հը՛մ, այստեղ մի բան կա: Ամա՛ թե գործեր ենք բռնել...» Ու այլևայլ ենթադրություն-

ներ անելով, ասնջալից կերպով, ցավազնորեն եզրակացրեց.— «Ուսումնական մարդիկ շշկեցրել են մեզ... Շշկեցրել են պարոնները: Կապել են կյանքի ոտները ու մեր ձեռքերով իրենց գործերն են կատարում: Դատարկ բանի մեջ էլ ոչ ոքի չի կարելի հավատալ...»

Դոնի մյուս կողմում ձին քշեց արագ վարձով: Ետևից ճոճոճում էր հանձնատարի թամբը. հանձնատարը Օլշանսկի խուտորից էր, լավ կովոդ ու խիզախ մի կազակ: Գրիգորին հենց այդպիսիներին էր ջոկում, որպեսզի իր ետևից «հրի ու սրի» դեմ գնային, իրեն շրջապատում էր հենց այդպիսի մաշդականցով, որոնք կոփվել էին դեռ գերմանական պատերազմում: Հանձնատարը, որ անցյալում հետախույզ էր, ամբողջ ճանապարհին լռում էր, քամու տակ, վարձելիս վառում ծխախոտը՝ կայծքարը զարկելով հագգին բռի մեջ պահած, արևածաղկի մոխրի մեջ թրծված, հոտավետ աբեթին: Տոկին խուտորը իջնելիս նա Գրիգորին խորհուրդ տվեց.

— Թե որ վռազելու կարիք չկա, արի այստեղ գիշերենք: Զիե՛րը բեզարել են, թող հանգստանան:

Գիշերեցին Չուկարինում: Խարխուլ մի խրճիթում, որի բոլոր շենքերը մի ընդհանուր կտուրի տակ էին, ցուրտ քամուց հետո զգացվում էր տնային հարմարակեցությունը և տաքությունը: Հողե հատակից գալիս էր հորթերի ու այծերի մեզի շոռ հոտը, վառարանից՝ կաղամբի տերևների վրա թխված, ասես անալի-խանձրահամած հացի հոտը: Գրիգորին դժկամորեն էր պատասխանում հարցուփորձ անող տանտիրուհուն, որը մի պառավ կազակուհի էր և իր երեք որդուն ու ամուսնուն ապստամբության էր ճամփել: Պառավը խոսում էր թավ ձայնով, հովանավորական տոնով ընդգծելով իր տարիքի առավելությունը, ու առաջին իսկ խոսքերից կապտաբար հայտարարեց Գրիգորին.

— Շատ է՛լ դու մեծավոր ես ու գիժ կազակների հրամանատար ես, ամա ինձ՝ պառավիս վրա իշխանութեն չունես և ինձ տղի տեղ ես գալի: Խոսա ինձ հետ, կտրիճ, բարի եղիր: Դու հա՛ հորանջում ես, ոնց որ թե չես ուզում զրույցով պատիվ անել պառավիս: Պատիվ արա, էլի՛: Հը՛ն, ես ձեռ կովին,— ջհաննամը գնա այդ կռիվը,— զրկել եմ երեք տղիս ու հլա դեռ մեղքի մեջ ընկել, այլևորիս էլ եմ զրկել:

Դու նրանց վրա հրամանատար ես, իսկ ես նրանց, այսինքս տղերքիս աշխարհք եմ բերել, պահել, մեծացրել, փեշիս տակ ման ածել, բոստան ու բախշա տարել, շարշարանք եմ քաշել: Բա այդ հեշտ բան է, հը: Դու քիթդ մի՞ ցցի, մի՞ գոռոզանա, մի կարգին ասա ինձ, շո՛ւտ կպրծնի կոփվը:

— Շո՛ւտ... կավ կլինե՞ր քնեիր, նանի:

— Շուտ ու շո՛ւտ: Բա ե՞րբ է, է՞: Դու ինձ մի՞ քնացրու, այստեղ տան կնիկը ես եմ, ոչ թե դու: Ես հլա դեռ պիտի գնամ բակից բերեմ ուլերն ու գառները: Գիշերները դըրանց բերում ենք բակից, հլա դեռ մատողաշ են: Հա՛, մինչև զատիկ կհաշտվե՞ք:

— Կվոնդենք կարմիրներին ու կհաշտվենք:

— Ա՛յ քեզ բա՛-ան.— պառավը գոսացած ծնկների սուր անկյուններին էր խփում ձեռները, որոնց դաստակները ուռած էին, մատները ծամովել էին աշխատանքից ու ունատիզմից, դառնությամբ ծամծամում էր կինամոնագույն ու շորացած, բալենու կեղևը հիշեցնող շրթունքները.— Ախր նըրանք ձեր ինչի՞ն են պետք, է՞: Ինչի՞ եք նրանց հետ կոփվանում: Մարդիկ դիվոտե՞լ են, էլի՞... Հրացանից կրակելն ու ձիով ջիրիդ խաղալը ձեզ դուր է գալի, հա՛, անիծվածներ, բա մայրերի հա՛լը ոնց կլինի: Բա որ կոտորում են նրանց զավակներին: Գլխներիցդ կոփվ-մոփվ եք հանել, էլի՞...

— Բա մենք մայրերի զավակներ չե՞նք, թե՞ շան զավակներ ենք,— շարացած ու խռպոտ մումուաց Գրիգորիի հանձնատարը՝ սաստիկ վրդովվելով պառավի խոսքերից.— Մեզ սպանում են, իսկ դու «ձիով ջիրիդ խաղալու» մասին ես խոսում: Ոնց որ թե մայրերի վիճակն ավելի ծանր է, քան սպանվողների վիճակը, հա՛-ա: Այդքան ապրել ես, աստծու դմբո, մազերդ ճերմակել են, ամա սարսաղ բաներ ես դուրս տալի... Դեսից ու դենից ես բռնում, չես թողնում, որ մարդիկ քնեն...

— Կքնես, խելառ, դո՛ւ ինչի մեջ ընկար: Գելի պես սոււ սուփուս էիր ու մեկ էլ հերստեցիր: Ի-ի՛հ, քիչ է մնում տրաքվես շարությունից:

— Սա չի թողնի, որ մենք քնենք, Գրիգորի Պանտելիչ,— հուսահատորեն քրթմնջաց հանձնատարը ու ծխախոտը վա-

ռելիս այնպես խփեց արեթին, որ կայծքարի տակից կայծե-րի մի ամբողջ խուրձ թռավ:

Մինչդեռ արեթը բռնկում, հոտ ու ծուխ էր արձակում, հանձնատարը կծու կոթեց շողակրատ տանտիրուհուն:

— Ա՛մա կծող ես դու, ա՛յ տատի, ոնց որ փաղիժ լինես: Թե որ ալևորիդ կովում սպանեն, մեռնելիս երևի կուրախանա: Ձե՛հ,— կասի,— փառք աստծու, ազատվեցի պառավիցս, թող կարապի բմբուլի պես թեթև լինի նրա հողը»:

— Լեզո՛ւդ լալկի, սադայե՛լ:

— Քնիր, տատո, ի սեր Քրիստոսի: Մենք երեք գլխեր չենք քնել: Քնիր: Այդ տեսակ գործքիդ համար կմեռնես առանց հաղորդվելու:

Գրիգորին զոռով հաշտեցրեց նրանց: Քուն մտնելիս ես հաճույքով զգում էր իր վրա գցած ոշխարենու մուշտակի թթվաշ տաքությունը, քնի միջից լսեց, թե ինչպես շրխկաց դուռը, և ցուրտն ու գոլորշին պարուրեցին նրա ոտները: Հետո ականջի վերևում գի՛լ մայեց մի գառ, հատակի վրա թթթացին ուլերի փոքրիկ կճղակները ու զգացվեց խոտի, ոշխարի տաք-տաք կաթի թարմ ու բերկրալի բույրը, դրսի ցուրտը, գոմ ու փարախի հոտը...

Կեսգիշերին փախավ նրա քունը: Գրիգորին երկար պառկած էր բաց աչքերով: Ցածրիկ վառարանում, արևակնագույն մոխրի տակին կարմրավառ պլպլում էին ածուխի կտորները: Հենց կրակի մոտ, վառարանի դռնակի կողքին իրար գլխի հավաքվել, պառկել էին գառները: Կեսգիշերային լուռ անդորրության մեջ լսվում էր, թե ինչպես նրանք քնեած վիճակում դռճդռճացնում են ատամները, երբեմնակի փրորշտում ու փնշում: Պատուհանից նայում էր հեռո՛ւ-հեռավոր լիալուսինը: Հողե հատակի վրա, լույսի դեղին քառակուսու մեջ ցատկոտում ու աքացում էր անհանգիստ, սև մի ուլիկ: Շեղակի ձգվել էր լուսնի լույսի տակ մարգարտաշող փոշին: Խրճիթում դեղնակապտավուն, համարյա ցերեկային լույս էր: Բուխարիկի վրա կայծկլուում է մի կտոր հայելի, միայն առջևի անկյունում մթին ու աղոտ ուրվագծվում է սրբապատկերի արծաթած ծածկոցը... Գրիգորին դարձյալ մտածեց վեշենսկու խորհրդակցության, Խոպերի սուրհան-

գակի մասին՝ վերհիշելով փոխդնդապետին, նրա օտարու-
տի, ինտելիգենտային արտաքինը և խոսելու ձևը, ու ան-
հաճո, տաղտուկ հուզմունք զգաց: Ուլիկը բարձրանալով
մուշտակի, Գրիգորիի փորի վրա, երկար ու հիմարաբար
աչք ածեց, շարժեց ականջները, հետո, սիրտ առնելով մի
երկու անգամ ցատկոտեց ու հանկարծ իրարից հեռացրեց
փրշոտ տոտիկները: Բարալիկ շիթը վշտալով, զլորվեց ոչ-
խարենուց ու թափվեց Գրիգորիի կողքին քնած հանձնատա-
րի պարզած ձեռքի վրա: Վերջինը մոմոաց, արթնացավ,
ձեռքը քսմսեց շալվարին ու դառնությամբ օրորեց զլուփը:

— Քրջեց անիծվածը... Քը՛շշ, — ու հաճույքով շրմփաց-
րեց ուլիկի ճակատին:

Սուր մկկալով, ուլիկը մուշտակից դեն ցատկեց, հետո
մոտեցավ ու պուճուրիկ, խորդուբորդ և տաք լեզվով երկար
լիզեց Գրիգորիի ձեռքը:

XXXIX

Տատարակից փախչելուց հետո Շտոկմանը, Կոշևոյը,
Իվան Ալեքսեևիչը և էլի մի քանի կազակներ, որոնք ծառա-
յել էին իբրև միլիցիոններն, միացան 4-րդ Ձաամուրսկի
գնդին: Այս գունդը տամութ թվականի սկզբին գերմանա-
կան ճակատից վերադառնալիս միացավ կարմիր զվարդիայի
ջոկատներից մեկին և քաղաքացիական պատերազմի ճա-
կատներում մեկուկես տարվա մարտերի ընթացքում դեռ
պահպանել էր հիմնական կարգերը: Ձաամուրցիները հիա-
նալի հանդերձավորված էին. նրանց ձիերը կուշտ էին ու
լավ մարզված: Գունդը աչքի էր ընկնում իր մարտունակու-
թյամբ, բարոյական կայունությամբ ու մարտիկների հեծե-
լազորային լավ պատրաստությամբ:

Ապստամբության սկզբում զաամուրցիները 1-ին Մոս-
կովյան հետևակ գնդի օժանդակությամբ համարյա մենակ
էին դիմադրում ապստամբների ճնշման, որոնք ձգտում էին
կռվով անցնել դեպի Ուստ-Մեդվեդիցա. հետո օժանդակ ու-
ժեր եկան, ու գունդը առանց ցրիվ գալու վերջանականապես
գրավեց Ուստ-Խոպերսկիի ճակատամասը՝ Կրիվայա գետակի
ափերին:

Մարտի վերջին ապստամբները Նլանսկայա ստանցիայի
հողից դուրս մղեցին կարմիր զորամասերը՝ գրավելով Ուստ-
Խոպերսկիի խուտորների մի մասը: Ստեղծվեց ուժերի որոշ
հավասարակշռություն, որի հետևանքով ճակատը գրեթե եր-
կու ամիս անշարժ մնաց: Արևմուտքից պաշտպանելով Ուստ-
Խոպերսկայան, Մոսկովյան գնդի մի դումարտակը իրեն
տրված մարտկոցով գրավեց Դոնի ափին գտնվող Կրուտովս-
կի խուտորը: Դոնի մերձակա բլրաշարքի մի ճյուղից, որ
ձգվում է Կրուտովսկուց դեպի հարավ, կարմիր մարտկոցը,
դաշտային մի կալում քողարկվելով, ամեն օր առավոտից
մինչև երեկո ուժակոծում էր աջափնյա բլրակների վրա կու-
տակվող ապստամբներին՝ օժանդակելով Մոսկովյան գնդի
շղթաներին, հետո կրակը փոխադրում էր ու սփռում Նլանս-
կի խուտորի վրա, որ գտնվում էր Դոնի մյուս կողմում:
Խիտ կուտակված տների վերևում բաբձր ու ցածր բռնկվում
ու արագ ցնդում էին շրապնելի պայթյունների փոքրիկ ամ-
պիկները: Արկերը մերթ ընկնում էին խուտորի վրա, — ու
փողոցներով մեկ վայրի սարսափով բռնված, շարդոտելով
ցանկապատերը, փախչում էին անասունները, կոացած վա-
զում մարդիկ, — մերթ պայթում էին հնածեսների գերեզմա-
նոցից դենը, հողմադալների մոտ, ամայի ավազաթմբերի
վրա՝ վեր թռցնելով թուխ, չհալված ու գունդ-գունդ հողը:

Մարտի 15-ին Շտոկմանը, Միշկա Կոշևոյը ու Իվան
Ալեքսեևիչը Չերոտարյով խուտորից մեկնեցին Ուստ-Խո-
պերսկայա, — լսել էին, որ այնտեղ գուզազ է կազմակերպ-
վում ապստամբական ստանիցաներից փախած կոմունիստ-
ներից ու սովետական աշխատողներից: Նրանց տանում էր
մի հնածես կազակ, այնպիսի մաքուր, մանկականորեն կար-
միր դեմքով, որ նույնիսկ Շտոկմանը, նայելով նրան, ժրպ-
տալիս առանց պատճառի սեղմում էր շրթունքները: Չնայե-
լով կազակի շահելության, նրա մորուքը փարթամ էր, գան-
գուր, բաց շեկլիկ, դրա միջին ձմերուկի դիլիմի պես վար-
դագունել էր թարմ, կարմիր բերանը, աչքերի կողքին ոս-
կեփայլում էր ազվամազը, ու ճոխ մորուքից էր թե լիարյուն
կարմրությունից, — աչքերը մի առանձին հստակությամբ էին
կասլույտին տալիս:

Միշկան ամբողջ ճանապարհին քթի տակ երգեր էր եր-

գում, իվան Ալեքսեևիչը նստել էր ետևում, հրացանը ծընկ-
ներին դրած, մոռալ կուշ եկած, իսկ Շտոկմանը սահնակա-
վարի հետ խոսակցութիւն սկսեց դատարկ բաներից.

— Առողջութիւնիցդ հո շե՞ս գանգատվում, ընկեր,—
հարցրեց նա:

Եվ ուժով ու առողջութեամբ լի հնածեսը, բանալով ու-
խարենու կիսամուշտակը, ջերմ ժպտաց.

— Չէ, աստված հլա թողութիւն է տալի մեղքերիս: Ին-
չի՞ պիտի անառողջ լինենք: Կյանքերումս շենք ծխել,
արաղ, իհարկե, խմում ենք, փոքրուց ցորենհաց ենք ուտում:
էլ որտեղի՞ց պիտի հիվանդութիւն լինի:

— Հը՛մ, իսկ ծառայութեան մեջ եղե՞լ ես:

— Մի քիչ եղել եմ: Կաղետները քարշ տվին:

— Բա ինչո՞ւ Դոնեցից դենը շե՞ս գնացել:

— Զարմանք բան ես ասում, ընկեր.— հնածեսը գցեց
ձիու մազից հյուսված երասանները, հանեց կաշվե, անաս-
տառ ձեռնոցները ու սրբեց բերանը՝ նեղացած կկոցելով
աչքերը.— Ինչի՞ պիտի գնալի այնտեղ, նոր երգեր լսելո՞ւ:
Ես կաղետների մոտ էլ չէի ծառայի, եթէ նրանք զոռով չը-
տաններն: Չեր իշխանութիւնը արդար է, միայն թե դուք մի
քիչ սխալ բան արեցիք...

— Ի՞նչ սխալ բան:

Շտոկմանը ծխախոտ փաթաթեց, ծխեց ու երկար սպա-
սեց պատասխանի:

— Ինչի՞ ես փստացնում այդ թունավոր խոտը,— երեսը
շուռ տալով ասաց կազակը,— տես, թե չորս բոլորը ինչպի-
սի գարնանային մաքուր հոտ է, իսկ դու կործբդ պղծում ես
գարշահոտ ծխով... Դուրքս չի գալի: Իսկ թե ինչ սխալ բան
եք արել, կասեմ: Դուք նեղեցիք կազակներին, անխելք բան
արեցիք, թե չէ ձեր իշխանութեանը ոչ մի վնաս էլ չէր հաս-
նի: Մուռ մարդիկ շատ կան ձեզ մոտ, դրա պատճառով էլ
ապստամբութիւն եղավ:

— Ո՞նց թե անխելք բան. այսինքն, քո կարծիքով, հի-
մարութիւններ արեցինք, հա՞: Ի՞նչ հիմարութիւններ:

— Ինքդ էլ երևի գիտես... Գնդակահարում էիք մարդ-
կանց: Այսօր մեկին, վաղն էլ մյուսին... Ո՞ւմ համար է հե-
տաքրքիր իրեն հերթին սպասել: Երբ որ եզը տանում են

մորթելու, նա է՛լ է գլուխը թափ տալի: Այսպէս որինակ,
Քուկանովսկայա ստանիցայում... Հրե՛ն, երևում է, տեսնո՞ւմ
ես, հրե՛ն նրանց եկեղեցին: Մտիկ տուր, ուր որ մտրակովս
ցույց եմ տալի, տեսնո՞ւմ ես... Այ թե ինչ են պատմում.
նստել է նրանց մոտ կոմիսարն իրեն ջոկատով, ազգանունը
Մալկին: Եվ ի՞նչ, արդա՞ր է վարվում ժողովրդի հետ: Ա՛յ,
հիմի կպատմեմ: Խուտորներից հավաքում է ալևորներին,
տանում է ցախուտ, այնտեղ հանում նրանց հոգիները, բո-
լորովին տկլորացնում ու չի թողնում, որ հարազատները
նրանց թաղեն: Նրանց դժբախտութիւնն այն է եղել, որ մի
ժամանակ նրանց ընտրել էին ստանիցայի պատվավոր դա-
տավորներ: Իսկ դու գիտես, թե նրանք ինչ տեսակ դատա-
վորներ էին: Մեկը զոռով է ստորագրում իրեն ազգանունը,
մյուսն էլ կամ մատն է թաթախում թանաքի մեջ, կամ խաչ է
դնում: Այդ տեսակ դատավորները շատ անգամ հենց միայն
ձեի համար են նստում: Նրա ամբողջ արժանավորութիւնը
երկար մորուքն է, իսկ նա ծերութիւնից շալվարը կոճկելն էլ
է մոռանում: Նրանից ի՞նչ պահանջես. ինչ որ կարելի է
պահանջել փոքր երեխից: Եվ ահա այդ Մալկինը, ոնց որ
աստված, տնօրինում է ուրիշների կյանքը. մի անգամ հը-
րապարակով գնում է մի ալևոր, մականունը՝ Թոկամտրակ:
Սանձը ձեռին գնում է նա իրեն կալը, որ ձին արձակի ու
տանի, իսկ տղերքը հանաքով նրան ասում են՝ «Գնա, Մալ-
կինը քեզ կանչում է»: Թոկամտրակս իրեն հերետիկոսական
ձեռով խաչակնքում է,— նրանք բոլորն էլ նոր հավատով են
ապրում, փափախը հանում է դեռ հրապարակում: Ներս է
մտնում, վախում է: «Կանչե՞լ եք»,— ասում է: Մալկինը ծի-
ծաղում է, ձեռները դնում կողքերին: «Հը՛մ,— ասում է,—
թուշուն իրեն թեռով եկավ: Քեզ ոչ ոք չի կանչել, ամա որ
եկել ես, թող այդպես լինի: Տարեք, ընկերներ, սրան—եր-
րորդ կատեգորիայով»: Դե, իհարկե, բռնում են նրան ու տա-
նում ցախուտը: Պատավը սպասում է ու սպասում— չկա:
Գնաց ու կորավ պապին: Սանձը ձեռքին թռավ երկնային
արքայութիւն: Մի ուրիշ ալևորի էլ, Անգրիանովսկի խուտոր-
ցի Միտրոֆանին, Մալկինը ինքը տեսավ փողոցում, կան-
չում է իր մոտ. «Ո՞րտեղացի ես, ո՞նց է ազգանունդ,— ու
քոքում է,— հլա տես,— ասում է,— ո՞նց է երկարացրել.

մորուքը, ասես աղվեսի պոչ լինի: Դու քո մորուքով շատ նման ես Նիկոլա արդարին: Մենք,— ասում է,— քեզանից, քեզ պես չաղ խոզից սապոն կպատրաստենք: Սրան— կրորդ կատեգորիայով»: Դրուստ որ, այդ պապի մորուքը թարսի պես ոնց որ կորեկի ծղնտտի ավել լիներ: Ու գնդակահարեցին մենակ նրա համար, որ երկարացրել էր մորուքը ու թարս ժամին երևացել Մալկինի աչքին: Բա դա ծաղր չի՞ ժողովրդի նկատմամբ:

Միշկան դեռ հնածեսի պատմածի սկզբում ընդհատեց երգը և վերջում բարկությամբ ասաց.

— Անհաջող ես փշում, ա՛յ քեռի:

— Դու ավելի լավ փշիր: Նախքան սուտը բռնելը իմացիր բանը, հետո խոսիր:

— Իսկ դու այդ բանը հաստա՞տ գիտես:

— Մարդիկ էին ասում:

— Մարդի-ի՛կ: Մարդիկ ասում են, թե հավերին կթում են, իսկ դրանք ծիծ շունեն: Վայրահաշտվյուններ ես լսել ու բլբլացնում ես կնկա պես:

— Ծերուկները հանգիստ էին...

— Էլ ո՞նց չէ, հանգի-ի՛ստ էին,— վրդովվելով, տնազարեց Միշկան,— քո այդ հանգիստ ծերուկները երևի ապրատամբություն էին պատրաստում, կարելի է այդ դատավորների բակերում գետնի մեջ գնդացիրներ էին թաղված, իսկ դու ասում ես, թե մորուքի պատճառով կամ թե հանաքի համար նրանց գնդակահարեցին... Բա քեղ ինչո՞ւ չեն գնդակահարել մորուքիդ համար: Քո մորուքը հո այդքան լայն է, ոնց որ քավթառ էծի մորուքը:

— Ես ինչքանով որ առել եմ, այնքանով էլ ծախում եմ: Սատանեն գիտի, կարելի է թե մարդիկ ստում են, կարելի է թե ծերուկները վատ գործ էին բռնել իշխանության դեմ...— շփոթված մութմութում էր հնածեսը:

Նա սահնակից ցած թռավ, սկսեց երկար քայլել ճանապարհի կողքից, ճլմփացող, հալված ձյան միջով: Նրա ոտները սլկում էին, ճեղքում թացությունից կապտած, փափրիկ ձյունը: Արևը փաղաքուչ լուսավորել էր տափաստանը: Բաց կապույտ երկինքը հուժկու գրկել էր հեռուներում երևացող բլուրներն ու լեռնանցքները: Զեփյուռի թույլ, դանդաղ շարժ-

ման մեջ զգացվում էր մոտալուտ գարնան բուրավետ շունչը: Արևելքում, Դոնի շրջակա լեռների սպիտակավուն, ծուռումուռ շարքից դենը, կապույտին տվող օդացուլքերում աստիճանաձև բարձրանում էր Ուստ-Մեդվեդիցկի լեռան գագաթը: Կռթնելով հորիզոնին, այնտեղ, հեռո՛ւ-հեռովում վիթխարի, ալեձև ծածկոցի նման երկրի վրա փռվել էին սպիտակ, փոքրիկ ամպերը:

Սահնակավարը թռավ սահնակի վրա, մի փոքր կոպտացած դեմքը դարձրեց դեպի Շտոկմանը, նորից սկսեց խոսել.

— Իմ պապը, նա միշտ հիմի էլ կենդանի է, հիմի նա հարյուր ութ տարեկան է, պատմում էր,— նրան էլ իրեն պապն էր պատմել,— որ նրա, այսինքս իմ պապի պապի օրով Պյոտր ցարը մեր Դոնի վերին կողմն էր ուղարկել մի իշխան,— տեր աստված, միտս գցի, էլի,— չգիտեմ Դլիննորուկով թե Դոլգորուկով: Ու այս իշխանը գինվորներով իջնում էր Վորոնեժից, քարուքանդ անում կազակական շեները, այն պատճառով, որ կազակները չէին ուզում նիկոնյան մուստառ հավատը ընդունել ու ցարի ուզածով շարժվել: Կազակներին բռնատում էին, քթները կտրում, ոմանց էլ կախում լաստերի վրա ու դրանք բաց թողնում Դոնի վրայով դեպի ներքև:

— Դու այդ ինչի՞ համար ես ասում,— խստորեն լարելով ուշադրությունը, հարցրեց Միշկան:

— Նրա համար, որ ցարը նրան այդ տեսակ իրավունքներ չէր տվել, թեկուզև նա Դլիննորուկի (Երկայնաբազուկ) էր: Իսկ կոմիսարը Բուկանովսկում, գորօրինակ, այդպես էր անում. միթամ թե՛ «Ես ձեզ, շան որդենիք, կապակազակացնեմ, այնպես որ, ձեր ամբողջ կյանքում այդ կճիշեք...» Բուկանովսկում, հրապարակում այդպես էլ ասում էին ամբողջ ստանիցայի ժողովի առաջ: Իսկ սովետական իշխանությունը մի՞թե նրան այդպիսի իրավունքներ է տվել: Հենց այդ է բանը, է՛: Հո մանդատներ չեն տրված այդպիսի գործերի համար, որ բոլորին մի արշինով չափեն: Կազակները զանազան տեսակի են...

Շտոկմանի այտերի մաշկը կիտվեց, գուն-գունդ եղավ:

— Ես քեզ լսեցի, հիմի դու ինձ լսիր:

— Կարելի է, որ ես անխելքությունից ավելորդ բան սասի, դուք ինձ ներողություն արեք:

— Սպասիր, սպասիր... Ուրեմն այսպես: Այն, որ դու պատմեցիր ինչ-որ կոմիսարի մասին, իսկապես որ ճշմարտության նման չէ: Ես այդ կատուգեմ: Եվ եթե դա այդպես է, եթե նա ծաղրում էր կազակներին ու խելություն անում, ապա մենք նրան չենք ների:

— Օ՛խ, դժվա՛ր թե:

— Ոչ, հենց այդպես էլ կլինի: Երբ ֆրոնտը անցնում էր ձեր խուտորով, մի՞թե կարմիրբանակայինները չգնդակահարեցին հենց իրենց զորամասի կարմիրբանակայինին այն բանի համար, որ նա թալանել էր մի ինչ-որ կազակուհու: Այդ մասին ինձ սասել են ձեր խուտորում:

— Հա՛. նա Պերֆելենայի սնդուկն էր մաքրազարդել: Այդ եղել է: Դրուստ է: Կարելի է որ... Խիստ էին: Դու դրուստ ես ասում,— կալերից դենը սպանեցին նրան: Հետո մեզ մոտ երկար վիճեցին, թե նրան որտեղ պետք է թաղել: Ոմանք ասում էին՝ գերեզմանոցում, մյուսներն էլ թե՛ դրանով կըպըղծվի գերեզմանոցը: Խեղճին այնպես էլ թաղեցին կալի մոտ:

— Եղե՞լ է այդպիսի դեպք.— Շտովմանը արագ-արագ ծխախոտ էր փաթաթում:

— Եղել է, եղել է, շեմ ուրանա,— աշխուժանալով համաձայնվեց կազակը:

— Հապա դու ինչո՞ւ ես կարծում, թե կոմիսարին չենք պատժի, եթե պարզենք նրա մեղքը:

— Սիրելի ընկեր, գուցե ձեզ մոտ նրա գլխին մեծավոր էլ չի գտնվի: Ախր այս սպանվածը գինվոր էր, իսկ նա կոմիսար է...

— Ուրեմն է՛լ ավելի խիստ կվարվենք նրա հետ, հասկացա՞ր: Սովետական իշխանությունը դատաստան է տեսնում միայն թշնամիների դեմ, և մենք անողորմաբար պատժում ենք սովետական իշխանության այն ներկայացուցիչներին, որոնք անարդարացիորեն նեղում են աշխատավոր բնակչությանը:

Թնդանոթի որոտը փլվածքի դղրդյունի նման ճզմեց մարտի տափաստանային կեսօրվա անդորրությունը, որ խախտ-

վում էր միայն սահնակի հիմնածողերի սվավոցով ու ձիերի սմբակների չփչիոզ զարկերով: Առաջին կրակոցին հավասար ընդմիջումներով հետևեց էլի երեք կրակոց: Կրուտովսկուց մարտկոցը վերսկսեց Դոնի ձախ ափի հրակոծությունը:

Սահնակի վրա խոսակցությունը ընդհատվեց: Հրանոթային որոտը շնորհաշնակվող գամմայի պես ներխուժեց ու խախտեց նախագարնանային տառապանքում նիրհող տափաստանի դալուկ հմայքը: Նույնիսկ ձիերն էլ քայլեցին ավելի արագ, աշխույժ՝ թեթևակի շարժելով ու փոխելով ոտները, գործունեաբար թափահարելով ականջները:

Դուրս եկան Հետմանական ճանապարհը, ու սահնակին նստածների աչքերի առաջ փովեց Անդրդոնի լայնարձակ տարածությունը, որ վիթխարի էր, բծաշատ ու խայտաբղետ, դեղին ավազուտների հավված բացուտներով, ուռենիների և լաստենու անտառի հրվանդաններով ու գորշ-կադտավուն կղզիներով:

Ուստ-խոպերսկում սահնակը մոտեցավ ուկրմի շենքին, որի կողքին էր Մոսկովյան գնդի շտաբը:

Շտովմանը խառնշտելով գրպանը, քսակից հանեց Կերենսկու քառասուն ուրբլիանոց մի թղթադրամ, տվեց կազակին: Վերջինս ուրախ ժպտաց՝ թաց բեղերի տակից բաց անելով դեղնավուն ատամները, ու շփոթվելով ասաց.

— Ի՞նչ եք անում, ընկեր, Քրիստոս փրկե: Չարժե փող տալ:

— Վերցրու, քո ձիերի աշխատանքի դիմաց: Իսկ իշխանության մասին դու մի՛ կասկածիր: Հիշիր, որ մենք պայքարում ենք բանվորների և գյուղացիների իշխանության համար: Ձեզ ապստամբության են դրդել մեր թշնամիները,— կուլակները, ատամանները, սպաները: Նրանք ապստամբության հիմնական պատճառն են: Իսկ եթե մերոնցից որևէ մեկը անարդարացիորեն նեղել է աշխատավոր կազակին,— որը համակրում է մեզ, օգնում ռևոլյուցիային,— ապա նեղողի դեմ կարելի է դատաստան տեսնել:

— Գիտե՞ս ինչ է ասում առածը, ընկե՛ր. աստված բարձր է, իսկ թագավորը հեռու... Միևնույն է, ձեր թագավորն էլ է հեռու... Ուժեղի դեմ մի՛ կովի, հարուստի հետ մի՛ դատվի, իսկ դուք և՛ ուժեղ եք, և՛ հարուստ.— Ու խորամտանկ

ժպտաց.— Մտի՛կ, է՛, քառասուն մանեթ տվեց, իսկ ճապարհ գալու իսկական գինը մի հնգանոց է: էհ, Քրիստոս, փրկե:

— Նա խոսելուդ համար այդքան տվեց,— ժպտաց Միշկա Կոշեռը՝ ցած թռչելով սահնակից ու հարդարելով շալվարը,— մեկ էլ դուրեկան մորուքիդ համար: Գիտե՞ս, թե ում ես բերել, դժմագլուխ. նա կարմիր գեներալ է:

— Հա՞:

— Հա ու քեզ հայրապետի մախաթ: Դուք էլ միթամ մարդ եք, էլի... Թե որ քիչ տան, դալմադալ ես անում՝ «Հրես, ընկերներին տարա, մի հնգանոց տվին, ա՛մա մարդիկ են հա՛-ա»: Ամբողջ ձմռանը նեղացած կլինես: Թե որ շատ են տվել, էլի ներսդ վառվում է. «Ի՛նչ հարուստ մարդիկ են, է՛: Քառասուն մանեթ ցնծաց: Անհաշիվ փող ունի...» Ես քեզ մի քոռ գորշ էլ չէի տա: Թեկուզ նեղանաս: Մեկ է քեզ չեն գոհացնի: Դեհ, գնանք... Գնաս բարով, մորուք:

Միշկայի թունդ խոսքի վերջում նույնիսկ նոթոտ իվան Ալեքսեևիչն էլ ժպտաց:

Շտաբի բակից սիբիրյան փրչոտ ձիով դուրս թռավ հեծյալ հետախուզախմբի մի կարմիրբանակային:

— Ո՞րտեղից է սահնակը,— հարցրեց նա՝ քաշելով կարճ սանձը ու շուռ տալով ձին:

— Դու ի՞նչ ես ուզում,— հարցրեց Շտոկմանը:

— Պետք է փամփուռներ տանել Կրուտովսկի: Բե՛ր սահնակը:

— Ո՛չ, ընկեր, այս սահնակը մենք բաց կթողնենք:

— Իսկ դուք ո՞վ եք:

Կարմիրբանակայինը, որ շահել գեղեցիկ մի տղա էր, բոլորովին մոտեցավ:

— Մենք Զամուրսկի գնդից ենք: Սահնակը մի պահի:

— Ա՛-ա... Դե լավ, թող գնա: Ազա՛տ ես, ծերուկ:

XI.

Ստուգումից պարզվեց, որ Ուստ-Նոպերսկում ոչ մի գուգազ էլ չի կազմակերպվում: Կազմակերպվել էր մի գուգազ, բայց ոչ թե Ուստ-Նոպերսկում, այլ Բուկանովսկում: Գուգազը կազմակերպել էր հենց այն կոմիսար Մալկինը, որը 9-րդ Կարմիր բանակի շտաբի կողմից ուղարկվել էր Նոպերի ստորին ստանիցաները և որի մասին ճանապարհին պատմում էր հնածես կազակը: Ելանսկու, Բուկանովսկու, Սլաշչևսկու և Կոմիլժենսկու կոմունիստներն ու սովետական աշխատողները, կարմիրբանակայիններով համալրված, կազմում էին բավական պատկառելի մարտական մի միավոր, որ ուներ երկու հարյուր հետևակ և, բացի այդ, նրան էին միացրել հեծյալ հետախուզախումբը,— մի քանի տասնյակ թուր: Գուգազը ժամանակավորապես գտնվում էր Բուկանովսկում, Մոսկովյան գնդի մի վաշտի հետ դիմադրում էր Կուստամբենիին, որոնք փորձում էին հարձակվել Ելանկա գետակի վերին ավազանից և Զիմովնուց:

Բանակցելով շտաբի պետի հետ, որը նախկին կադրային սպա էր, մտալլ ու քայքայված մի մարդ, և քաղկոմիսարի հետ, որը Մոսկովայի բանվոր էր Միխեյսոնի գործարանից, Շտոկմանը որոշեց մնալ Ուստ-Նոպերսկում, միանալ զենդի 2-րդ գումարտակին: Մաքուր սենյակում, որ լիքն էր փաթաթաններով, հեռախոսալարի կծիկներով և այլ ուղմական գույքով, Շտոկմանը երկար խոսեց քաղկոմիսարի հետ:

— Գիտե՞ս ինչ, ընկեր,— դանդաղ խոսում էր կարճահասակ դեղնադեմ կոմիսարը, որը տառապում էր կույր աղիքի սուր հիվանդության նոպաներից,— այստեղ գոյություն ունի բարդ մեխանիկա: Մեր տղերքը մեծ մասամբ մոսկովացի և ոչազանցիներ են, մի քիչ էլ կան նիժնիովգորողցիներ: Պինդ տղերք են, մեծամասնությունը բանվորներ են: Մեզ մոտ էր միրոնովյանների մի հեծելավաշտ, 14-րդ,— Միրոնովի դիվիզիայից. սրանք դանդաղեցնում էին գործը: Հարկավոր եղավ նրանց վերադարձնել Ուստ-Մեդվեդիցա... Դու մնա, աշխատանք շատ կա: Հարկավոր է աշխատել բը-

նակչութեան մեջ, բացատրել: Դու հասկանում ես, որ այդ կազակները... Այստեղ պետք է սուր պահել ականջը

— Այդ ամենը ես հասկանում եմ քեզանից ոչ պակաս,— ժպտալով կոմիսարի խնամակալական տոնի վրա ու նայելով նրա տառապալից աչքերի դեղնած սպիտակուցներին, ասաց Շտոկմանը.— Իսկ դու ինձ ասա, այդ ի՞նչ կոմիսար է Բուկանովսկու:

Կոմիսարը սղալում էր խուզած բեղերի գորշ խոզանը, ալարկոտ պատասխանում՝ երբեմնակի բարձրացնելով կապտավուն, բարակ կոպերը:

— Նա այնտեղ մի ժամանակ շափն անց էր կացնում: Նա լավ տղա է, բայց այնքան էլ գլուխ չի հանում քաղաքական իրադրությունից: Բայց ախր երբ անտառը կտրում են, տաշեղները դես-դեն են թռչում... Այժմ նա ստանիցանների տղամարդ բնակչությանը տեղափոխում է Ռուսաստանի խորքը... Անցիր տնտեսավարի մոտ, նա ձեզ հաշվի կառնի ապրուստի համար,— ասում էր կոմիսարը տանջալից կերպով դեմքը կնճռոտելով, կեղտոտ, բամբակուն շալվարը ձեռքով պահած:

Առավոտյան 2-րդ գումարտակը հավաքվեց «ի զեն» հրամանով, տեղի ունեցավ մարդկանց առկայության ստուգում: Մի ժամից հետո գումարտակը երթալին շարասյունով շարժվեց դեպի Կրուտովսկի խուտորը:

Չորս հոգուց բաղկացած շարքերից մեկում իրար կողքի քայլում էին Շտոկմանը, Կոշևոյը և Իվան Ալեքսեևիչը:

Կրուտովսկուց ձիավոր հետախուզախումբ ուղարկեցին Դոնի մյուս կողմը: Շարասյունը նրա ետևից անցավ Դոնը: Կակղած, գոմաղբի դարչնագույն, կամ թափթփուկներով սլատած ճանապարհին ջրափոսեր կային: Դոնի սառույցը լամբած, պղպշակավոր կապտութուն ուներ: Առափնյա վարարած ջրաշերտերը անցնում էին ցանկապատերի վրայով: Ետևից, սարից մարտկոցը արկեր էր տեղում բարդինի-րի պուրակների վրա, որոնք երևում էին Ելանսկի խուտորի ետևում: Մի կողմ թողնելով կազակների լքած Ելանսկի խուտորը, գումարտակը պետք է շարժվեր Ելանսկայա ստանի-չայի ուղղությամբ, ու կապվելով 1-ին գումարտակի մի վաշտի հետ, որ հարձակվում էր Բուկանովսկուց, գրավեր

Անտոնով խուտորը: Դիսպոզիցիայի համաձայն, գումարտակի հրամանատարը պարտավոր էր իր զորամասը տանել Բեզորոդով խուտորի ուղղությամբ: Հեծյալ հետախուզախումբը շուտով հաղորդեց, որ Բեզորոդովում հակառակորդը չի հայտաբերված, իսկ խուտորի աջ կողմում, դրանից չորս վերստ հեռավորությամբ հրացանային արագ փոխհրաձգություն է տեղի ունենում:

Կարմիրբանակայինների շարասյան գլուխների վրայով, ինչ-որ բարձրության վրա կրճտալով ու դրոգալով թռչում էին արկերը: Նոնակների (արկերի) ոչ հեռու պայթյունները ցնցում էին գետինը: Ետևում, Դոնի վրա զրնգալով շարժվեց սառույցը: Իվան Ալեքսեևիչը ետ նայեց:

— Երևի ջուրը վարարում է:

— Հիմար բան է այս ժամանակ Դոնն անցնելը: Մեկ էլ տեսար սառույցը շարժվեց,— նեղանալով մոթմոթաց Միշկան, որ ոչ մի կերպ չէր ընտելանում հետևազորի նման հրատակ ու համաքայլ քայլելուն:

Շտոկմանը նայում էր առջևից գնացողների մեջքերին, որոնց վրա պինդ կապված էին գոտիները, ութմիկորեն ճոճվող հրացանների փողաբերաններին, որոնց վրա ամրացված էին գորշ-սևավուն, նամակալած սվինները: Ետ նայելով, նա տեսնում էր կարմիրբանակայինների լուրջ ու անտարբեր դեմքերը, որոնք այնպե՛ս տարբեր և այնպե՛ս անխախտելիորեն նման էին միմյանց, տեսնում էր հնգաթև կարմիր աստղերով ու մոխրագույն գդակների ճոճուն շարժումը, գորշ շինիկները, որոնցից հները դեղնավուն էին, իսկ նորերը՝ բաց գույնի ու խավոտ. լսում էր մարդկանց մասսայի ճլմփացող ու ծանր երթալին քայլքը. խուլ ասուլիսը, տարբեր ձայներ արձակող հազը, ջրամանների գնդոցը. զգում էր նամացած սապոզների, մախորկայի, փոկեղեն հանդերձանքի սուր հոտը: Կիսափակելով աչքերը, նա աշխատում էր համաքայլ գնալ, ու զգալով ներքին բուռն, մեծ ջերմություն դեպի այդ բոլոր, դեռ երեկ իրեն անծանոթ և օտար տղաները, մտածում էր՝ «Լավ, հապա ինչո՞ւ այժմ սրանք ինձ համար դարձան առանձնապես սիրելի ու խղճալի: Ի՞նչն է կապում. դե՛, ընդհանուր իդեան... Ո՛չ, անշուշտ այստեղ էլ ոչ միայն իդեան է, այլև գործը: Հապա էլ ի՞նչ: Գուց՛

վտանգի ու մահվան մոտիկությունը: Ու մի տեսակ առանձնապես հարազատ են...» Նա աչքերով ժպտաց: «Մի՞թե ծերանում եմ»:

Շտոկմանը հայրական զգացմունքին նմանվող հաճուքով նայում էր իր առջևից քայլող կարմիրբանակայինի հուժկու, ուղիղ, խոշոր մեջքին, պատանիորեն կլոր պարանոցի կարմիր ու մաքուր մի հատվածին, որ երևում էր օձիքի ու փափախի արանքից, ապա հայացքը փոխադրեց իր հարևանի վրա: Թուխ, սափրված դեմք արյան պես կարմիր այտերի սալերով, նուրբ, առնացի բերան, ինքը բարձրահասակ, սակայն բարեկազմ ինչպես աղավնին. գնում է՝ ազատ ձեռքը համարյա առանց թափահարելու, ու շարունակ մի տեսակ հիվանդագին կերպով կնճռոտում է դեմքը, իսկ աչքերի անկյուններում—ծերունական խորշոմների ոստայն: Ու Շտոկմանը ցանկացավ խոսակցություն սկսել:

— Վաղո՞ւց ես, բանակում, ընկեր:

Հարևանի բաց կինամոնագույն աչքերը սառն ու զննողաբար, մի քիչ ծուռը սահեցին Շտոկմանի վրայով:

— Տասնութ թվից,— դժկամ ասաց նա:

Ձուպ պատասխանը շատեցրեց Շտոկմանին:

— Ո՞րտեղացի ես:

— Հայրենակի՞ց ես փնտրում, հայրիկ:

— Հայրենակցին ուրախությամբ կհանդիպեմ:

— Մոսկվացի եմ:

— Բանվոր:

— Ը՛հր՛մ:

Շտոկմանը անցողակի նայեց հարևանի ձեռքին: Ժամաշակը դեռ չէր ջնջել երկաթի վրա աշխատելու հետքերը:

— Մետաղագործ ես:

Ու էլի կինամոնագույն աչքերը սահեցին Շտոկմանի դեմքի, նրա մի փոքր ճերմակած, անմաքուր մորուքի վրայով:

— Մետաղի ճախարակագործ եմ: Դու է՞լ.— Ու կարծես ջերմացան խիստ, կինամոնագույն աչքերի անկյունները:

— Ես փականագործ եմ եղել... Այդ ի՞նչ է ընկեր, գեմքը շարունակ կնճռոտում ես:

— Սալոդներս հարում են, սմքել են: Գիշերը գաղոնքում էի, ոտներս թրջվեցին:

— Չե՞ս վախենում,— կոահողաբար ժպտաց Շտոկմանը:

— Ինչի՞ց:

— Դե, չէ որ մարտի ենք գնում...

— Ես կոմունիստ եմ:

— Իսկ կոմունիստները մահից չեն վախենում, ինչ է նրանք նույնպիսի մարդիկ չեն,— խոսակցությանը միջամրտեց Միշկան:

Շտոկմանի հարևանը ճարպկությամբ վեր գցեց հրացանը, առանց Միշկային նայելու, մտածելով, պատասխանեց.

— Դու, աղբերս, այս գործերի մեջ դեռ խամ ես: Ես չեմ կարող վախենալ: Ինքս եմ ինձ հրամայել, հասկացա՞ր: Եվ դու առանց մաքուր ձեռնոցների մի՞ մտնի իմ հոգու մեջ... Ես գիտեմ, թե ինչի համար և ում դեմ եմ կռվում, գիտեմ, որ մենք կհաղթենք: Իսկ դա գլխավորն է: Մնացածը դատարկ բան է:— Ու ինչ-որ հուշից ժպտալով, նայելով Շտոկմանի պրոֆիլին, պատմեց.— Անցյալ տարի ես Կրասավցևի ջոկատումն էի, Ուկրաինայում, կոիվներ էին տեղի ունենում: Մեզ շարունակ նեղում էին: Կորուստներ: Սկսեցին վիրավորներին թողնել-հեռանալ: Եվ ահա ժմերիկայի մոտերքում մեզ շրջապատում են: Հարկավոր էր գիշերով անցնել սպիտակների դիրքերի միջով և նրանց թիկունքում պայթեցնել մի գետակի կամուրջը, որ նրանց զրահանացքը շարողանար անցնել իսկ մենք պետք է կռվով անցնեինք երկաթուղագիծը: Ցանկացողներ են կանչում: Այդպիսիներ չկան: Կոմունիստները,— մենք շատ չէինք,— ասում են՝ «Եկեք վիճակ գցենք, թե մեզանից ով գնա»: Ես մտածեցի ու հանձն առա: Վերցրի պայթուցիկ գլաններ, քուղ, լուցկի, հրաժեշտ տվի ընկերներինս, գնացի: Գիշերը մթին էր, մշուշոտ: Անցա մի հարյուր սաժեն, սկսեցի սողալ: Սողում եմ չհնձած տարեկանի, հետո ձորակի միջով: Դուրս եմ գալի ձորակից, միտս է, թե ինչպես քթիս տակից թռալ մի ինչ-որ թռչուն: է-է-է... Անցա պահպանական խմբի կողքից, նրանից տասը սաժեն հեռավորությամբ, մոտեցա կամուրջին: Գնդացրային մի ուղեկալ պահպանում էր կամուրջը: Երկու ժամ պառկեցի, սպասում էի հարմար մոմենտին: Գլանները

տեղավորեցի, փորձեցի փեշիս տակ վառել լուցկին,—նա՛մ
մացել է, չի վառվում: Ախր ես փորիս վրա էի սող տվել,
ցողից թրջվել էի, շորերս մզեիր, ջուր կթափվեր, լուցկու
գլխիկները թաց էին: Եվ ահա, բիծա ջան, այդ ժամանակ ես
սարսափեցի: Շուտով լուսանալու է, իսկ իմ ձեռքերը դո-
ղում են, քրտինքը լցվում է աչքերս: «Կորա՛վ ամեն ինչ»,—
մտածում եմ: «Եթե չպայթեցնեմ, ինքնասպան կլինեմ»: **Չարչարվեցի, շարչարվեցի, ու մի կերպ վառեցի ու հեռացա:**
Երբ կամուրջը պայթեց, ես պառկած էի երկաթգծի հողա-
թմբի ետևում, վահանների տակ. նրանց մոտ աղմուկ բարձ-
րացավ: Տագնապ: Կրակեցին երկու գնդացրից: Իմ կողքից
շատ ձիավորներ թռան, բայց գիշերով ո՛նց գտնեին: Վա-
հանների տակից դուրս ելա ու մտա արտերի մեջ: Ու գի-
տե՛ս, միայն այստեղ թուլացան ոտներս ու ձեռներս, իսկի
շարժվել էլ չեմ կարողանում: Պառկեցի: Երբ գնում էի այն-
տեղ, ոչինչ, լավ էի զգում ինձ, իսկ վերադառնալիս ա՛յ թե
ինչ պատահեց... Ու գիտե՛ս, սիրտս սկսեց խառնել, ինչ որ
կար թափեցի: Զգում եմ, որ էլ ոչինչ չկա, բայց էլի խառ-
նում է: է-է-հե՛... Բայց և այնպես, իհարկե, հասա մե-
րոնց:— Ու աշխուժացան, տարօրինակ կերպով ջերմացան
և գեղեցկացան վառ փայլող, կինամոնազույն աչքերը:—
Առավոտը, կովից հետո, տղերանց պատմում եմ, թե լուցկու
հետ ինչ պատահեց, իսկ մի ընկերս ասում է՝ «Բա բոցա-
հանը Սերգեյ, մի՞թե կորցրել էիր»: Զեռքս տանում եմ
կրծքիս գրպանը.— այստե՛ղ է: Հանեցի, շխկացրի,— երևա-
կայիր իսկույն վառվեց:

Բարդինների հեռավոր կղզուց քամու ուղղությամբ բարձր
ու շեշտակի թռչում էին երկու ագռավ: Քամին քշում, ճո-
ճում էր նրանց: Նրանք արդեն շարասյունից մի հարյուր սա-
ծեն հեռու էին գտնվում, երբ Կրուտովսկու սարի վրա, մի
ժամվա ընդմիջումից հետո, նորից որոտաց հրանոթը, հրա-
ձրգության ճշտման արկը սկսեց մոտենալ ուժգին, սաստ-
կացող կրճկրճոցով, ու երբ նրա ոռնոցը կարծես թե մեծա-
գույն լարվածության էր հասել, ավելի բարձր թռչող ագռա-
վը հանկարծ կատաղաբար պտույտ եկավ հողմի քշած տա-
շեղի նման ու, թևերը շեղակի տարածած, պարուրաձև պղճ

որտվելով, դեռ փորձելով դիմանալ, ընկավ մի ահագին, սև
տերևի նման:

— Թռչում էր մեռնելու,— հրճվանքով ասաց Շտոկմանի
ետևից քայլող կարմիրբանակայինը,— ո՛նց ֆուռաց, հա՛-ա,
մազալու բան է:

Վաշտի հրամանատարը շարասյան գլխից սլացավ բարձ-
րամարմին, թուխիկ ձիով, որի ոտների տակից հալված
ձյան կտորներ էին թռչում:

— Շղթա՛ կազմել:

Լուռ քայլող Իվան Ալեքսեևիչի վրա ձյան փաթիլներ
չպրտելով, կողքից սլացան երեք սահնակ գնդացիրներով:
Փոսից անցնելիս գնդացրորդներից մեկը պոկվեց ետին
սահնակից, ու կարմիրբանակայինների հուժկու և զրնգուն
քրքիջը հնչեց այնքան ժամանակ, մինչև որ ձիավոր գնդաց-
րորդը ճարպկությամբ շուռ տվեց ձիերը և ընկած գնդացրո-
րը թռավ կանգ շառած սահնակի վրա:

XLI

Կարգինսկայա ստանիցան 1-ին ապստամբական դիվի-
զիայի համար հենակետ էր դարձել: Գրիգորի Մելեխովը
հիանալիորեն հաշվի առնելով Կարգինսկայային մոտիկ
դիրքի ստրատեգիական շահավետությունը, որոշեց ոչ մի
դեպքում այն չթողնել: Չիր գետի ձախ փոխով ձգված լեռնե-
րը այն իշխող բարձունքներն էին, որոնք պաշտպանվելու
հիանալի հնարավորություն էին տալիս կազակներին: Ներ-
քևում, Չիրի մյուս կողմում, փռված էր Կարգինսկայան,
նրանից դենը փափրիկ գորգի նման դեպի հարավ էր ձգվում
տափաստանը, որ տեղ-տեղ լայնակի կտրատված էր ձորակ-
ներով ու հովիտներով: Գրիգորին սարի վրա ինքը տեղ ընտ-
րեց երեք թնդանոթանոց մարտկոցը տեղավորելու համար:
Մոտիկում կար մի շատ լավ դիտակետ,— տեղանքի վրա
իշխող, կիտովի մի կուրգան, որը պաշտպանված էր կաղնու
անտառով և բլրաշատ շրջակայքով:

Ամեն օր Կարգինսկայայի մերձակայքում մարտեր էին
տեղի ունենում: Կարմիրները սովորաբար հարձակվում էին

երկու կողմից, — տափաստանով, հարավից, ուկրաինական Աստախովո մեծ գյուղի կողմից և արևելքից, Բոկովսկայա ստանիցայից, առաջանում Չիր գետով դեպի վեր, համատարած խուտորներով: Կազակական շղթաները պառկած էին Կարգինսկուց հարյուր սածեն դենը, ուշ-ուշ էին կրակում: Կարմիրների անողոք կրակը համարյա միշտ էլ նրանց ստիպում էր նահանջել դեպի ստանիցան և ապա նեղ ձորակներին դիք յառերի տակից՝ դեպի սարը: Կարմիրները բավականաչափ ուժ չունեին հետապնդումը շարունակելու համար: Նրանց հարձակողական գործողությունների հաջողության վրա խիստ բացասաբար էր անդրադառնում հարկավոր քանակությամբ հեծելազոր չունենալը, որ կարողանար թևերի շրջանցումով ստիպել կազակներին շարունակել նահանջը ու, շեղելով հակառակորդի ուժերը, արձակել հետևազորի ձեռները, և հետևազորը տատանվելով թրևում էր ստանիցայի մատուցներում: Հետևազորը չէր կարող օգտագործվել նման մաների համար, որովհետև թույլ էր նրա շարժունակությունը, նա անընդունակ էր արագ մանևրներ կատարելու, իսկ կազակների ուժերը բաղկացած էին գլխավորապես հեծելազորից, որ կարող էր ուզած պահին հետևազորի երթի ժամանակ հարձակվել նրա վրա ու սլոպիսով նրան շեղել հիմնական խնդրից:

Ապստամբների առավելությունները նաև այն էին, որ նրանք, հիանալի գիտենալով տեղանքը, չէին կորցնում առիթը՝ աննկատելիորեն հեծյալ հարյուրյակներ տեղափոխել ձորակների միջով, դեպի հակառակորդի թևերն ու թիկունքը, մշտապես սպառնալ նրան ու կասեցնել նրա հետադա առաջշարժումը:

Մարտի 20-ի նախօրյակին Գրիգորին կարմիրներին ջախջախելու պլան կազմեց: Նա ուզում էր կեղծ նահանջով նրանց քաշել Կարգինսկայա, միաժամանակ Ռյաբչիկովին հեծյալ գնդով, արևմուտքից Գուսինսկու ձորակով և արևելքից Գրաչիի վրայով նետել նրանց թևի վրա, շրջապատել նրանց և խորտակել հարված հասցնել: Պլանը մանրակրկիտ կերպով էր մշակված: Երեկոյան խորհրդակցության ժամանակ ինքնուրույն գորամասերի բոլոր հրամանատարները ճշգրիտ հրահանգներ ու հրամաններ ստացան: Գրիգորին

մտքով շրջանցման շարժումը պետք է սկսվեր լուսարացին, լավագույն կերպով քողարկվելու համար: Ամեն ինչ պարզ էր ինչպես տամա խաղալիս: Ու Գրիգորին մանրակրկիտորեն ստուգելով և կշռադատելով բոլոր հնարավոր պատահականությունները, այն ամենը, ինչ որ չնախատեսված կերպով կարող էր խանգարել իր պլանի իրականացման, երկու բաժակ տնական օղի խմեց, առանց հանվելու փովեց մահաճակալի վրա: շինելի թաց փեշը քաշելով գլխին, քնեց մեռածի նման:

Հետևյալ օրվա առավոտյան ժամը մոտ շորսին կարմիր շղթաները արդեն գրավում էին Կարգինսկայան: Կազակական հետևազորի մի մասը դիտավորյալ կերպով ստանիցայի միջով փախավ դեպի սարը: Կարգինսկայայի ծայրին կանգ առած երկու գնդացի, արագորեն շուռ տալով ձիերը, սայլակների վրայից կրակ բացեցին փախչողների վրա: Կարմիրները դանդաղ ցրվում էին փողոցներում:

Գրիգորին կուրգանի ետևումն էր, մարտկոցի մոտ: Նա տեսնում էր, թե ինչպես կարմիր հետևազորը գրավում է Կարգինսկայան ու կուտակվում Չիրի ափին: Պայմանավորվել էին, որ առաջին թնդանոթային կրակոցից հետո կազակների երկու հարյուրյակները, որոնք պառկած են սարի տակ, այգիներում, կանցնեն հարձակման, իսկ այդ ժամանակ այն գունդը, որ գնացել էր շրջանցման, կսկսի թևանցումը: Մարտկոցի հրամանատարը ուզում էր ուղիղ նշանառությամբ խփել Կլիմովսկու բլուրով արագություն դեպի Կարգինսկայա սլացող, գնդացրով բեռնված սայլակին, երբ դիտորդը հաղորդեց, որ Նիժնի-Լատիշևսկի խուտորում, կամրջի վրա, երեք և կես վերստ հեռավորությամբ երևացել է մի թնդանոթ: Կարմիրները միաժամանակ հարձակվում էին նաև Բոկովսկու կողմից:

— Հրասանդից կրակեցեք նրանց վրա, — խորհուրդ տվեց Գրիգորին՝ աչքերից չհեռացնելով Ցեյսի հեռադիտակը:

Նշանառուն մի քանի խոսք փոխանակելով վախժիստրի հետ, որը մարտկոցի հրամանատարի պարտականություններն էր կատարում, արագությամբ տեղադրեց նշանոցը: Հրետանավորները պատրաստվեցին կրակելու, և շորս ու կես դույումանոց հրասանդը, — ինչպես այդ որոշել էին կազակ-

ները,— որոտալից ճայթեց՝ ետևից փորելով հերկած հողը: Լենց առաջին արկը խփեց կամրջի ծայրին: Կարմիր մարտկոցի երկրորդ հրանոթը այդ միջոցին անցնում էր կամրջի վրա: Արկը դեռ-դեռ շարտեց ձիերի լծասարքը, վեց ձիուց,— ինչպես պարզվեց հետագայում,— ողջ մնաց միայն մեկը, բայց արկաբեկորը կտրեց այդ ձիու վրա նստած հրետանավորի գլուխը: Գրիգորին տեսավ, թե ինչպես հրանոթի առաջ բռնկեց ծխի դեղնագորշ քուլան, ծանր պայթեց արկը, ու ծխով պատած, ծառս լինելով, կտրված ծառի պես ընկան ձիերը. ընկնելով՝ փախչում էին մարդիկ: Մի հեծյալ կարմիրբանակային, որ արկն ընկնելու պահին հրանոթի առաջքի մոտ էր, ձիու և կամրջի բազրիքի հետ միասին թռավ ու զարկվեց սառույցին:

Մարտկոցավորները այդպիսի հաջող դիպում չէին սպասում: Կուրգանի տակ, հրանոթի կողքին մի բույս լուռթյուն տիրեց. միայն մոտիկում գտնվող դիտորդը, վեր թռչելով ու ծնկաչոք լինելով, ինչ-որ բղավում էր ու թափահարում ձեռները:

Ու իսկույն ներքևից, բալենու այգիների ու պուրակների խիտ ծառուտներից լավեց աններդաշնակ «ուռոտ»-ն, հրացանային կրակոցների անհամաչափ ճարձատյունը: Մոռանալով զգուշութունը, Գրիգորին վազեվազ բարձրացավ կուրգանի վրա: Փողոցներով վազում էին կարմիրբանակայինները, այնտեղից գալիս էին ձայների անկարգ դժժոցը, հրամանների հատու բղավոցները, հրաձգության մրրկաթափ բռնկոցները: Գնդացրավոր սայլակներից մեկը փորձեց սլանալ դեպի բլրագագաթը, բայց գերեզմանոցին մոտիկ տեղում իսկույն ևեթ կտրուկ շուռ եկավ ու գնդացիրը վազող ու վազելիս ընկնող կարմիրբանակայինների գլուխների վրայով կրակ բացեց կազակների վրա, որոնք այգիներից դուրս էին թափվում:

Գրիգորին իզուր էր ջանում հորիզոնում տեսնել կազակական ցրիվ շարքերը: Լեծեղազորը, որ Ռյաբչիկովի հրամանատարությամբ շրջանցման էր գնացել, դեռևս չէր երեվում: Չախ թևում եղած կարմիրբանակայինները արդեն Զաբուրուննի հովտի միջով վազում էին դեպի կամուրջը,

որը Կարգինսկայան միացնում էր կից խուսորին,— Արխիպովսկուն, մինչդեռ աջթևայինները դեռ փախչում էին ստանիցայի երկայնքով ու ընկնում կազակների կրակոցներից, իսկ կազակները գրավել էին Չիրին մոտիկ երկու փողոց:

Վերջապես, բլուրի ետևից երևաց Ռյաբչիկովի առաջին հարյուրյակը, ապա՝ երկրորդը, երրորդը, չորրորդը... Ցրիվ գալով ու շղթա կազմելով, հարյուրյակները կտրուկ դարձան դեպի ձախ, կտրեցին բլրալանջով Կլիմովկա փախչող կարմիրբանակայինների ճանապարհը: Գրիգորին ձեռների մեջ ճմռթելով ձեռնոցները, հուզված հետևում էր կովի ընթացքին: Նա թողեց հեռադիտակը և արդեն հասարակ աչքով նայում էր, թե ինչպես են ցրիվ շարքերը շեշտակի մոտենում Կլիմովսկու ճանապարհին, ինչպես են կարմիրբանակայինները շփոթված ետ դառնում և խումբ-խումբ ու մեկ-մեկ փախչում դեպի Արխիպովկայի տները ու, հանդիպելով կազակական հետևազորի կրակին,— իսկ այդ հետևազորը ծավալում էր հետապնդումը Չիրի հոսանքով դեպի վեր,— նորից վազում են դեպի ճանապարհը: Կարմիրբանակայինների միայն մի աննշան մասին հաջողվեց անցնել Կլիմովկա:

Բլուրի վրա սկսվեց թրատումը, որ սարսափելի էր իբր լուռլ՛յամբ: Ռյաբչիկովի հարյուրյակները շուռ եկան Կարգինսկու կողմը ու կարմիրբանակայիններին ետ քշեցին, ինչպես քամին՝ տերևները: Զաբուրուննու կամրջի կողքին մի երեսուն հոգի կարմիրբանակայիններ, տեսնելով, որ շրջապատված են ու ելք չկա, սկսեցին կրակելով պաշտպանվել: Նրանք ունեին հաստոցավոր մի գնդացիր, ժապավենների ճեծ պաշար: Հազիվ էր այգիներից երևում ապստամբների հետևազորը, երբ գնդացիրը սկսում էր աշխատել տենդային արագությամբ, և կազակներն ընկնում էին, սողեսող անցնում շարդախների ու բակերի քարաշեն ցանկապատքի տակ: Բլուրից երևում էր, թե ինչպես կազակները Կարգինսկայայի միջով վազեվազ քարշ էին տալիս իրենց գնդացիրը: Արխիպովկայի կողմի ծայրամասի տներից մեկի մոտ նրանք դանդաղեցրին ընթացքը, հետո ներս վազեցին բակը: Շուտով այդ բակի ամբարի կտուրից աշխույժ տկտկոց լավեց: Հեռադիտակը ուղղելով այնտեղ, Գրիգորին տեսավ նաև գնդացրորդներին: Մեկը պռակել էր կտուրի վրա, ոտները

տարածած, շալվարի ծայրերը սպիտակ գուլպաների մեջ դըրած, վահանի տակ կուշ եկած. երկրորդը բարձրանում էր սանդուղքով, գնդացրային ժապավենով փաթաթված: Հրկատանավորները որոշեցին օգնութեան հասնել հետևազորին: Շրայնեյը խփեց կարմիրների դիմադրող խմբի կենտրոնացման կետին: Վերջին, շարդուփշուր անող արկը պայթեց հեռվում, ստանիցայից դուրս:

Քառորդ ժամից հետո Զաբուրունու մոտ կարմիրների գնդացիները հանկարծակի լռեց, ու իսկույն թնդաց կարճատև «ուռա»-ն: Ուռնիների մերկ բների արանքներում երևացին հեծյալ կազակների կերպարանքները:

Ամեն ինչ վերջացած էր:

Գրիգորիի հրամանով Կարգինսկայայի և Արխիպովկայի բնակիչները կեռերով ու կարթածողերով քարշ տվին հարյուր քառասունյոթ թրատված կարմիրբանակայիններին ու լցրին մի փոսի մեջ, Զաբուրունու մոտ ու ծածկեցին հողի բարակ շերտով: Ռյոբչիկովը գրավեց փամփշտի վեց երկանիվ սայլակ, ձիերով ու փամփուշտներով հանդերձ, ու գնդացրի մի սայլակ՝ առանց փականքի գնդացրով: Կլիմովկայում վերցրեց ռազմական գույքով բեռնված քառասուներկու սայլ: Կազակներից սպանվեց շորս և վիրավորվեց տասնհինգ մարդ: Կուլից հետո Կարգինսկայայում մի շաբաթ անդորրութուն էր տիրում: Հակառակորդը հարձակումը փոխադրեց ապստամբների 2-րդ դիվիզիայի վրա ու շուտով, նրան նեղելով, դրավեց Միգուլինսկայա ստանիցայի մի շարք խուտորները, — Ալեքսեևսկին, Զերնիցկայա մեծ գյուղը, ու մտտեցավ Վերխնե-Չիրսկի խուտորին:

Այնտեղից ամեն օր առավոտյան արշալույսին թնդանութային որոտմունք էր լսվում, բայց մարտերի ընթացքի վերաբերյալ հաղորդագրությունները մեծ ուշացումով էին ստացվում և պարզ պատկերացում չէին տալիս 2-րդ դիվիզիայի ռազմաճակատի դրութեան մասին:

Այդ օրերում Գրիգորին սկսեց խմել փորձելով այդ կերպ վանել սև մտքերը, խլացնել գիտակցութունը, շմտածել այն մասին, ինչ որ տեղի էր ունենում շուրջը և ինչի ականավոր մասնակիցն էր նա: Եթե ապստամբները ցորենի հսկայական

պաշարներով հանդերձ ալյուրի սուր կարիք էին զգում (աղացները չէին հասցնում բանակի համար կատարվող իրենց աշխատանքը), ապա արադի պակասություն չկար: Հեղեղի պես հոսում էր տնային արտադրութեան արադը: Գոնի մյուս կողմում Գուդարևսկի կազակների մի հարյուրյակ հեծյալ շարքով, բուրովին հարբած վիճակում ճակատից գրոհ տվեց գնդացիների վրա և կիսով շափ ոչնչացվեց: Հարբած վիճակում դիրքերը դուրս գալու դեպքերը սովորական երևույթ էին դարձել: Գրիգորիին ծառայակամորեն արադ էին բերում: Արադ ձեռք բերելու մեջ առանձնապես աչքի էր ընկնում Պրոխոր Զիկովը: Կարգինսկու ճակատամարտից հետո, Գրիգորիի խնդրանքով, նա դուլյանոց երեք սափորով արադ բերեց, հավաքեց երգիչներին, ու Գրիգորին զգալով ազատ լինելու իրականությունից ու մտորումներից կտրվելու բերկրանքը, մինչև առավոտ խմեց կազակների հետ: Առավոտյան խումար ընկավ, շափազանց շատ խմեց, ու իրիկնադեմին նորից հարկավոր եղան երգիչները, ձայնների ուրախ դժոցը, մարդկային զվարճությունները. պարը, — այն ամենը, ինչ որ իսկական ուրախության պատրանք էր ստեղծում ու սքողում զգաստ, անողոք իրականությունը:

Հետո էլ հարբեցողութեան պահանջը կարճ ժամանակվա ընթացքում սովորական բան դարձավ: Առավոտը սեղան նստելով, Գրիգորին արդեն օղի կուլ տալու անհաղթահարելի ցանկություն էր զգում: Նա շատ էր խմում. բայց շափը չէր անցկացնում, միշտ էլ ոտների վրա պինդ էր կանգնում: Նույնիսկ առավոտյան դեմ, երբ մնացածները սրտերը թափելով, քնած էին լինում սեղանի շուրջը և հատակի վրա, շինելներով ու տապճակներով ծածկված, — նա զգաստ տեսք էր ունենում, միայն ավելի շատ էր գունատվում, աչքերը մռայլում էին, ձեռներով սեղմում էր զլուփը՝ խուճաճ քյաքուլը կախած:

Չորս օրվա անընդհատ խրախճանքների ընթացքում նա զգալիորեն կորացավ, դեմքը ուռավ. աչքերի տակ կապուտկեցին պարկանման ծալերը, նայվածքում ավելի և ավելի հաճախ էր փայլում անմիտ դաժանութեան կայծր:

Հինգերորդ օրը Պրոխոր Զիկովը բազմախոսուժ ժպիտով առաջարկեց.

— Գնա՞նք Լիխովիդով: մի լավ կնկա մոտ: Հը՞, ուզո՞ւմ ես: Միայն թե դու, Գրիգորի Պանտելիչ, ձեռքիցդ բաց չթողնես: Քաղցր կնիկ է, ոնց որ ձմերուկ: Թեև ես նրան չեմ փորձել, ամա գիտեմ: Միայն թե խլշկոտող է անիծվածը, գիժ է: Մի անգամից բան չի դուրս գա, չի թողնում, որ գուրգուրես: Ամա այնպիսի արաղ է քաշում, որ դրանից ավելի լավը չես գտնի: Առաջին արաղ քաշողն է ամբողջ Չիրի վրա: Նրա մարդը փախել է Դոնեցի մյուս կողմը,— որպես թե ի միջի այլոց խոսքը վերջացրեց Պրոխորը:

Երեկոյան մեկնեցին Լիխովիդով: Գրիգորիին ուղեկցում էին Ռյաբչիկովը, Խարլամպի Երմակովը, թեև կտրած Ալյուշկա Շամիլը և շորորոդ դիվիզիայի հրամանատար Կոնդրատ Մեդվեդևը, որ եկել էր իր ճակատամասից: Պրոխոր Ջիկովը առջևից էր գնում: Խուտորում նա դանդաղեցրեց ձիու վագքը, անցավ քայլերի, շուտ եկավ մի նրբանց, բացեց մի կալի դարպասը: Գրիգորին ձին քշեց նրա ետևից, Պրոխորի ձին ցատկեց դարպասի մոտ կուտակված, կիսահաված ձյան վրայից, առջևի ոտներով թաղվեց ձյան մեջ ու, փնչալով, շրտկվեց, անցավ ձնակույտի վրայով, որ ծածկել էր դարպասը ու ցանկապատը՝ մինչև դրա կատարը: Ռյաբչիկովը իջավ ձիուց և տարավ սանձից բռնած: Գրիգորին Պրոխորի հետ հինգ բուրդի ձիով գնաց ծղնտի ու խոտի դեզերի կողքից, հետո բուլենիների մերկ այգու միջով, ուր լսվում էր սառույցի, ասես ապակու զրնգոցը: Երկնքում, կապտությամբ լըցված, թեք կախվել էր նորալուսնի ոսկե թասը, երբեմն էին աստղերը, տիրում էր թովիչ անդորրություն, ու շների հեռավոր հաշոցը և ձիերի սմբակների քստքստոցը շխախտելով այդ անդորրությունը, միայն ընդգծում էին այն: Բալենիների խիտ ծառուտի ու խնձորենիների լայնատերև ճյուղերի միջից դեղնափայլեց լույսը, աստղաշող երկնքի ֆոնի վրա պարզ երևաց եղեգնով ծածկված մի մեծ խրճիթի ուրվապատկերը: Պրոխորը, թամբից կռանալով, ծառայակամությամբ բաց արեց բակի դռնակը: Մուտքի սանդուղքի մոտ, սառած լճակի մեջ երբեմն էր արտացոլված լուսինը: Գրիգորիի ձին սմբակով շարդեց լճակի եզրի սառույցը ու կանգնեց, միանգամից շունչ առավ: Գրիգորին թռավ ձիուց, սանձք կապեց բազրիքին, մտավ խավար հաշտը: Ծուկից Ռյաբ-

չիկովն ու կազակները, իջնելով ձիերից, խոսում էին, ցածրաձայն երգում:

Գրիգորին շոշափելով գտավ դռան բռնակը, ներս մտավ ընդարձակ խոհանոցը: Զահել, ցածրահասակ, սակայն կաքավի պես բարեկազմ, թխադեմ ու սև, ներկած հոնքերով մի կազակուհի, մեջքը վառարանին դարձրած, գուլպա էր գործում: Վառարանի վրա թեկերը տարածած քնել էր բաց շիկահեր, մոտ ինը տարեկան մի աղջիկ:

Գրիգորին առանց հանվելու նստեց սեղանի մոտ:

— Արաղ կա՞:

— Բա բարեկը հարկավոր չի՞,— հարցրեց տանտիրուհին առանց Գրիգորիին նայելու և շարունակելով արագ բանեցնել գործելու ճաղերը:

— Բարև, եթե ուզում ես: Արաղ կա՞:

Կինը բարձրացրեց արտևանունքները, կլոր, շագանակագույն աչքերով ժպտաց Գրիգորիին՝ ականջ դնելով հաշտից լսվող խոսակցության ու քայլերի դոփուլունին:

— Արաղ կա: Իսկ դուք, գիշերելու եկածներդ շա՞տ եք:

— Շատ ենք: Ամբողջ դիվիզիան...

Ռյաբչիկովը շեմքից ներս մտավ պպզապարելով, թուրը քաբշ տալով, փափախը խփելով սրունքներին: Դռան մոտ խմբվեցին կազակները. նրանցից մեկը փայտե դափով հրաշալիորեն պարեղանակ էր նվագում:

Շինելների մի ամբողջ կույտ գցեցին մահճակալի վրա, զենքերը դրին նստարաններին: Պրոխորը ջանադրությամբ օգնում էր տանտիրուհուն՝ սեղան գցելու: Կոնատ Ալյուշկա Շամիլը գնաց մառան, կաղամբի թթու բերելու, վերադառնալիս սայթաքեց սանդուղքից, շեմենի փեշով բերեց ջարդված ափսեի կտորտանքները և մի կույտ թաց կաղամբ:

Մինչև կեսգիշեր խմեցին երկու դուլ տնական արաղ, անհաշիվ կաղամբ կերան ու որոշեցին ոչխար մորթել: Պրոխորը փարախում խարխափելով բռնեց մի թոխի, իսկ Խարլամպի Երմակովը,— նույնպես ճարտար մի թրամարտիկ,— թրով կտրեց թոխի գլուխը և հենց շարդախի տակ քերթեց կաշին ու մաքրեց փորոտիքը: Տանտիրուհին վառեց վառարանը, դուլլանոց շուգունով միսը դրեց եփելու:

Նորից դափով պարեղանակ նվագեցին, ու Ռյաբչիկովը

թռավ՝ շուռումուռ անելով ոտները, ձեռները պինդ-պինդ շրմփացնելով սապոգների ճիտքերին, երգելով իր սուր, բայց հաճելի տենորով.

Ա՛յ, մենք հիմի պիտի խմենք, քեֆ անենք,
Երբ մալ չկա, որ գոմիցը դուրս հանենք...

— Ուզում եմ քե՛ֆ անել,— մռնչում էր Երմակովը ու շարունակ առիթ էր փնտրում թրով փորձելու պատուհանների շրջանակների ամրությունը:

Գրիգորին, որ սիրում էր Երմակովին նրա բացառիկ քաջության և կազակական խիզախության համար, սաստում էր նրան՝ պղնձե բաժակը խփելով սեղանին.

— Խարլամպի, գժուկյուն մի՛ անի:

Խարլամպին հնազանդովյամբ թուրը պցում էր պառայանի մեջ, բաժակով ազահովյամբ կոնծում արաղը:

— Այս տեսակ քեֆից հետո մեռնելն էլ սարսափելի չէ,— ասաց Ալյոշկա Շամիրը՝ նստելով Գրիգորի մոտ:— Գրիգորի Պանտելեիչ, դու մեր պարծանքն ես, քեզանով է միայն, որ մենք ապրում ենք աշխարհքում: Եկ մի անգամ էլ չխկայնենք բաժակներս... Պրոխոր, արա՛ղ:

Թամբերը շհանած ձիերը կանգնած էին դեզի մոտ և ուզածների շափ ուտում էին խոտը: Մարդիկ հերթով դուրս էին գնում նրանց նայելու:

Միայն լուսաբացից քիչ առաջ Գրիգորին զգաց, որ հարբել է: Նա ասես հեռվից էր լսում ուրիշների խոսքերը, ծանր պտտում աչքերի արյունամած սպիտակուցները և կամքի հսկայական լարումով զսպում գիտակցությունը:

— Էլի մեր գլխին ոսկե ուսադրավորներն են կանգնած, իշխանությունը իրենց ձեռքն են վերցրել,— բղավեց Երմակովը՝ գրկելով Գրիգորիին:

— Խնչ ուսագիրներ,— ետ մղելով Երմակովի ձեռները՝ հարցրեց Գրիգորին:

— Վեշի՞ում: Դու չգիտե՞ս, ինչ է: Կովկասցի մի կնյազ է նստել: Գնդապետ է... Կթրատեմ, Մելիխով: Կմեռնեմ քո ոտների տակ, մի՛ թող, որ մենք կորչենք: Կազակները հուզվում են: Տա՛ր մեզ Վեշկի, ամեն բան ջարդ ու փշուր կանենք, մոխիր կրթրձենք: Իլյուշկա Կապիտովին, գնդապետ:

տիկն—բուրդին կոչնչացնենք: Հերիք է նրանք մեզ դաղեն: Արի կովենք թե՛ կարմիրների և թե՛ կաղետների դեմ: Ա՛յ թե ինչ եմ ուզում:

— Գնդապետին կսպանենք: Նա դիտմամբ է մնացել... Խարլամպի, եկ սովետական իշխանության ոտներն ընկնենք. մեղավոր ենք մենք...— Գրիգորին մի րոպե զգաստանալով, ծուռ ժպտաց.— Ես հանաք եմ անում, Խարլամպի, խմի՛ր:

— Խնչ հանաք, Մելիխով: Դու հանաք մի՛ անի, այստեղ լուրջ գործ կա,— խիստ տոնով խոսեց Մելիխովը.— Մենք ուզում ենք թափ տալ իշխանությունը: Բուրդին էլ կփոխենք ու քեզ կնստեցնենք: Ես խոսել եմ կազակների հետ, նրանք համաձայն են: Կապիտովին ու նրա թիկնապահներին սիրով կասենք՝ «Հեռացեք իշխանությունից: Դուք մեզ պեաք չեք»: Կհեռանան,— լավ, իսկ եթե ոչ, գունդը կտանենք Վեշկի վրա ու նրանց գրողի ծոցը կուղարկենք:

— Էլ չխոսե՛լ դրա մասին,— կատաղած բղավեց Գրիգորին:

Մելիխովը թոթվեց ուսերը, սեղանից ետ քաշվեց ու դադարեցրեց խմելը: Իսկ անկյունում, փրշտված գլուխը նրստարանից կախած, ձեռքը կեղտոտ հատակին քամսելով, Ռյաբչիկովը աղիողորմ երգում էր.

Դու՛, ա՛յ տղա, վախուկ տղա,
Ո՛յ, դու թեքիր գլուխդ, էլի.
Թեքիր, էլի՛, քո գլուխը...
Թեքիր էլի՛, մեկ աչ կողմը,
Մեկ աչ կողմը, մեկ ձախ կողմը.
Թեքի՛ր դոշիս, ճերմակ գոշիս:

Եվ մի խուլ, բամբ ձայնը, որ կանացիորեն հուզիչ ու լալազին էր, խառնելով Ռյաբչիկովի բարակ ձայնին, Ալյոշկա Շամիրը երգում էր.

Կրծքիս վրա երբ պառկած էր,
Մանր-ծանր թառանչում էր...
Մանր-ծանր թառանչում էր, վերջը ասավ՝
«Առաջվա սեր, բարով մնա,
Առաջվա սեր, և օտտանա...»

Գրսում կապույտին էր տալիս արշալույսը, երբ տանտի-
րուհին Գրիգորիին տարավ օթախը:

— Հերիք է խմացնեք սրան: Չեռ քաշի, սարսաղ, չե՞ս
տեսնում թե ոնց է հալից ընկել,— ասաց տանտիրուհին՝
դժվարությամբ ոտքի վրա պահելով Գրիգորիին, մյուս ձեռ-
քով ետ հրելով Երմակովին, որը գնում էր նրանց ետևից,
արադով լի բաժակը ձեռքին:

— Քնեցնելու՞ ես, ինչ է,— աչքով էր անում Երմակովը,
ճոճվում ու բաժակից թափթփում արաղը:

— Հա՛, էի՛, քնեցնելու:

— Դու հիմի դրա հետ մի պառկի, բան չի դուրս գա...

— Քո գործը չի: Կեսար՞րս ես, ինչ է:

— Գդալից բռնի,— ընկնելով անզուսպ ծիծաղի մոլուց-
քից, հռհռաց Երմակովը:

— Ի-ի՛-ի՛հ, անամոթ, գրողի տարած: Աչքերը կարմրաց-
քել է ու ինչե՛ր է դուրս տալի:

Տանտիրուհին Գրիգորիին տարավ օթախը, պառկեցրեց
մահճակալի վրա, աղջամուղջում գարշաճքով ու կարեկցու-
թյամբ զննեց նրա դեմքը, որ մեռելային գունատությամբ էր
պատած, աչքերը բաց էին ու չէին տեսնում:

— Գուցե խոշա՞ր կիմես:

— Բեր:

Տանտիրուհին բալի մի բաժակ սառը խոշաբ բերեց ու,
նստելով մահճակալին, այնքան տնտղեց ու շոյեց Գրիգորիի
խճճված մազերը, մինչև որ վերջինս քնեց: Տանտիրուհին իր
համար անկողին գցեց վառարանի վրա, աղջկա կողքին,
բայց Շամիլը չթողեց քնել: Գլուխը արմունկին գցած, Շամի-
լը խոխոացնում էր վախեցած ձիու նման, հետո հանկարծ
արթնանում էր ասես ցնցումից ու խոպտ մոմոում էր:

...Մառալու-թյու՛ւ-նից տուն դարձա-ա՛նք,
Ուսողիրնե-րը կրծ-քերիս,
Ու խաշերը— ուսերիս...

Գլուխը գցում էր թևերի վրա, իսկ մի քանի րոպեից հե-
տո, խլշկոտած նայելով շուրջը, դարձյալ սկսում էր:

Մառալու-թյունից տուն դարձա-անք...

Առավոտյան արթնանալով, Գրիգորին վերհիշեց Երմա-
կովի ու Մեղվեղեկի հետ ունեցած խոսակցությունը: Գիշերը
նա այնքան էլ հարբած չէր ու առանց մի առանձին լարվա-
ծության հիշողության մեջ վերականգնեց իշխանությունը
փոխելու վերաբերյալ խոսակցությունները: Նրա համար
պարզ էր, որ կիսովիդովում կերուխումը կազմակերպվել էր
ակնհայտ նպատակով,— իրեն դրդել հեղաշրջման. Կուղի-
նովի դեմ, որը բացահայտ կերպով ցանկություն էր հայտ-
նում գնալ դեպի Դոնեց ու միանալ Դոնի բանակին, ինտ-
րիզներ էին լարում ձախ տրամադրված կազակները, որոնք
զաղտուկ երազում էին վերջնականապես անջատվել Դոնից
և իրենց մոտ կազմել սովետական իշխանության պես ինչ-
որ մի բան առանց կոմունիստների: Գրիգորիին էլ ուզում
էին իրենց կողմը քաշել, չհասկանալով ապստամբական լա-
գերի ներսում երկպառակություն ամբողջ կործանարարու-
թյունը, երբ ամեն րոպե կարմիր ճակատը Դոնեցի մոտ քայ-
քայվելու դեպքում կարող էր առանց դժվարության նրանց
ճզմել իրենց «անմիաբանության» հետ միասին: «Երեսա-
յական խաղ է»,— մտքում ասաց Գրիգորին ու թեթև վեր
կացավ մահճակալից: Հագնվելով, նա արթնացրեց Երմակո-
վին ու Մեղվեղեկին, նրանց կանչեց օթախը, պինդ փակեց
դուռը:

— Ա՛յ թե ինչ, տղերք. գլխներիցդ դեն գցեք երեկվա
խոսակցությունը ու մի՛ փսփոսացեք, թե չէ՛ ձեր բանը վատ
կլինի: Բանն այն չէ, թե ով է հրամանատարը: Բանը Կու-
ղինովը չէ, այլ այն է, որ մենք օղակի մեջ ենք, մենք ոնց
որ թե տակառ լինենք հեցերի մեջ: Վաղը-մյուս օրը հեցերը
մեզ կճզմեն: Գնդերը պետք է տանել ոչ թե Վեշկիի, այլ Մի-
զուլինի, Կրասնակուտսկու վրա,— նշանակալից կերպով շեշ-
տեց Գրիգորին՝ աչքերը չկտրելով Մեղվեղեկի մոայլ, անտար-
բեր դեմքից.— Այդպես ուրեմն, Կոնդրատ, չպետք է ջուրը
պղտորել: Դուք լավ մտածեցեք ու հասկացեք, որ եթե սկսենք
խոտանել հրամանատարությունը ու ինչ-որ հեղաշրջումներ
սարքել, կկործանվենք: Հարկավոր է միանալ կամ սպիտակ-

ներին, կամ կարմիրներին: Մեջտեղում չի կարելի մնալ,— կճզմեն:

— Խոսակցությունը մեր մեջ մնա, հա՛-ա,— երեսը շուռ տալով՝ խնդրեց Սրմակովը:

— Մեզ հետ է՛լ կմեռնի, բայց պայմանով, որ դուք այլևս չխառնակեք կազակներին: Իսկ Կուղինովն ու իր խորհրդականներն ի՞նչ են որ: Նրանք լրիվ իշխանություն չունեն. ես ոնց որ կարող եմ, այնպես էլ կառավարում եմ իմ զիվիզիան: Վատ են նրանք, ի՞նչ խոսք ու մեզ էլի կմիացնեն կադետներին, ոնց որ մի բաժակ ջուր տաս: Բայց ախր ո՞ւր պիտի գնանք: Մեր ճամփեքը բոլոր կողմերից կտըրված են:

— Այդպես է, էլի՛... — դժվարությամբ համաձայնվեց Մեղվեդկը և խոսակցության ընթացքում առաջին անգամ արջի իր փոքրիկ, բարկությամբ լեցուն աչիկները բարձրացրեց Գրիգորիի վրա:

Գրանից հետո Գրիգորին էլի երկու օր անընդհատ խմում էր Կարգինսկուն մոտիկ խոտորներում՝ կյանքը ֆոփկի նման պտտեցնելով հարբեցողության մոլուցքում: Նույնիսկ նրա թամբի քրտնաքաշից էլ օղու հոտ էր գալիս: Կնանիքը և աղջկական թարմությունը կորցրած աղջիկները Գրիգորիի ձեռքն էին ընկնում՝ նրա հետ վայելելով կարճատև սերը: Բայց առավոտյան դեմ, հերթական վայելքի ջերմությամբ լիովին հագեցած, Գրիգորին զգաստ ու անտարբեր մտածում էր ասես կողմնակի մարդու մասին՝ «Ապրեցի ու ամեն ինչ փորձեցի անցած ժամանակ: Շատ կնանիք ու աղջիկներ սիրեցի, լավ ձիերով... է-է-հե՛... ոտնատակ արեցի տափաստանը, ուրախանում էի երեխաներովս ու սպանում մարդկանց, ինքս մահվան դեմ էի գնում, աչքի էի ընկնում: Կյանքը էլ ի՞նչ նորություն ցույց կտա ինձ. նոր բան չկա. կարիլի է և մեռնել: Սարսափելի չէ: Կարելի է և պատերազմի խաղ անել և առանց դիսկի, ոնց որ հարուստը: Շատ բան չեմ տանուլ տա»:

Կապույտ, արևաշող օրվա պես սահում էր մանկությունը անկապ հուշերում,— սարյակները քարակույտներում, իր բորբիկ ոտները տաք փոշու մեջ, վեհորեն սահող Դոնը իր ջրերում անզբազարձած կանաչ անտառով, ընկերների մանկա-

կան դեմքերը, ջահել, վայելչակազմ մայրը... Գրիգորին ձեռքով ծածկում էր աչքերը ու նրա մտքի հայացքի առջևից անցնում էին ծանոթ դեմքերը, իրադարձությունները,— երբեմն շատ մանր, բայց հայտնի չէ ինչու հիշողության մեջ անջնջելիորեն տպավորված,— հիշողության մեջ հնչում էին կորուսյալ մարդկանց մոռացված ձայները, խոսակցությունների հատվածները, մեկի կամ մյուսի ծիծաղը: Հիշողությունը հուշերի ճառագայթը ուղղում էր վաղուց մոռացված, մի ժամանակ տեսած դաշտապատկերի վրա, ու հանկարծ Գրիգորիի առջև կուրացուցիչ պայծառությամբ պատկերանում էին լայնարձակ տափաստանը, ամառային ճանապարհը, սայլը, դրա առջևի մասում նստած հայրը, եղները, հնձած հացի ոսկեվուն խոզանը արտում, սերմնաքաղնների սև ցրոնքը ճանապարհի վրա... Գրիգորին ուղանացանցի պես խճըճված մտքերում շուռումուռ էր անում անցածը, անդարձ հեռացած այդ կյանքում հանդիպում էր Ակսինյային, մտածում. «Սիրելի, անմոռանալի»,— ու զզվանքով դեն էր քաշվում կողքին պառկած կնոջից, հառաչում էր, անհամբերությամբ սպասում լուսաբացին, ու հենց որ արևը սկսում էր կարմրավառ ցուլքերով, ոսկե բաֆթայով նախշել արևելքը,— վեր էր կենում, լվացվում, շտապում դեպի ձին:

XLIII

Ամեն ինչ կլանող տափաստանային հրդեհի նման մոլեգնում էր ապստամբությունը: Ռազմաճակատների պողպատե օղակը սեղմվում էր անհնազանդ ստանիցաների շուրջ: Դատապարտվածության ուրվականը դրոշմվել էր մարդկանց վրա: Կազակները խաղում էին իրենց կյանքի հետ ինչպես արծվախաղ խաղալիս և քիչ չէր այն մարդկանց թիվը, որոնց ոչ թե «արծիվը», այլ «գիրն» էր ընկնում: Զահելները բուռն սիրով էին տարվում, ավելի հասակավորները տրաքվելու շափ արաղ էին խմում, փողով ու փամփուռաներով թուղթ խաղում (ըստ որում փամփուռաները թանկից էլ թանկ էին գնահատվում), մեկնում էին տուն, որ գեթ մի բուրբ, խորթացած հրացանը դեմ անելով պատին, վերցնեին

կացիներ կամ ունդան, որ հանգստացնեին սրտերը,— հոտավետ կարմիր ուռով նորոգեին ցանկապատը կամ տափանքը և սայլը պատրաստեին գարնանային աշխատանքի համար: Ու շատերը հանգիստ ուտելով ու խմելով, հարբած վերադառնում էին գորամաս և զգաստանալով, շարանալով «բնավեր կյանքի վրա, հետևակ շարքով, ճակատ առ ճակատ գրոհ էին տալիս գնդացիների վրա, կամ թե չէ, կատաղությամբ բռնկված, վայրագորեն սլանում էին գիշերային հարձակում գործելու, շղթալով, որ ձիերի վրա են, ու գերիներ վերցնելով, դաժանորեն, նախնադարյան վայրենությամբ ծանակում էին նրանց, սպանում թրերով, խնայելով փամփուռաները:

Իսկ այն տարվա գարունը շողշողում էր շտեմնված պերճանքներով: Ապրիլին օրերը պարզ էին, ասես ապակիացած, եղանակը հիանալի էր: Երկնքի անհաս, կապույտ անհունում ճախրում, դեպի հյուսիս էին սլանում վայրի սագերի, պղնձաձայն կոտնկների երամները՝ անցնելով ամպերից: Տափաստանի դալկականաչ ծածկոցի վրա, լճակների կողքին շաղ տրված մարգարտի նման կայծկլտում էին ջրուջ անելու համար նստած կարապները: Դոնի կողքին գետառները հեծկլտում էին թռչունների կոնչյունից ու աղմուկից: Հեղեղված մարգագետիններում, թմբերի ու ջրից դուրս մնացած գետնի վրա ձայն ձայնի էին տալիս սագերը՝ պատրաստվելով հեռանալու, ուռուտներում անլուելի ֆշշում էին սիրային տարփանքով բռնված արու բաղերը: Ուռենիների վրա կանաչին էին տալիս կատվիկները, ուռճանում էին բարդու մածուցիկ, բուրավետ բողբոջները: Անպատմելի հրապույրով էր լցվել տափաստանը, որը մի քիչ կանաչել էր, պարուրվել ձյունից ազատված սևահողի հնադարյան ու մատողաշ խոտաբույսերի հավերժորեն թարմ բուրմունքով:

Ապստամբական պատերազմը հաճելի էր նրանով, որ յուրաքանչյուր մարտիկի կողքին գտնվում էր հայրենի խըրճիթը: Երբ ձանձրացնում էր ուղեկալ ու գաղտնք գնալը, երբ ձանձրացնում էր հեծյալ պարեկի կազմում բլուրից բլուր և լեռնանցքից լեռնանցք թրեկելը, կազակը թուլլտվություն էր վերցնում հարյուրապետից, գնում էր տուն, իսկ իր փոխարենն շարային ձիով ուղարկում էր իր ալևոր պապին կամ

անշափահաս որդուն: Հարյուրյակները միշտ էլ ունենում էին մարտիկների լրիվ քանակ և միշտ հոսուն կազմ: Բայց ոմանք էլ այսպիսի խելք էին բանեցնում. մայրամուտից առաջ մեկնում էին հարյուրյակի գրաված վայրից, քառատրոփով թշում ձին, ու անցնելով երեսուն, նույնիսկ քառասուն վերստ, վերջալույսը մարելու պահին արդեն տանն էին լինում: Գիշերը քնելով իրենց կանանց կամ սիրուհիների հետ, երկրորդ աքլորականչից հետո թամբում էին ձիերը, ու դեռ համաստեղությունները շմարած, նորից լինում էին հարյուրյակում:

Շատ մասխարա մարդիկ էլ ուրախությունից շէին կըշտանում, կովելով հայրենի ցանկապատերի մոտ: «էլ մեռնե՞լս որն է»,— կատակում էին կազակները, որոնք հաճախակի այցելում էին իրենց կանանց:

Հրամանատարությունը առանձնապես վախենում էր դաշտային աշխատանքների սկզբում սպասվելիք դասալքությունից: Կուղիներով հատուկ շրջագայություն էր կատարում զորամասերում և իր համար անսովոր հաստատակամությամբ հայտարարում.

— Ավելի լավ է մեր դաշտերում քամիները արածեն, ավելի լավ է մի հատիկ էլ չգցենք հողի մեջ, իսկ կազակներին զորամասերից բաց թողնել չեմ թույլ տալի: Ինքնակամ գնացողներին կքոթակենք ու կգնդակահարենք:

XLIV

Գրիգորիին վիճակվեց Կլիմովկայի մոտ եղած մի կովի էլ մասնակցել: Կեսօրին ծայրամասերի տների մոտ փոխհրաձգություն սկսվեց: Մի քիչ հետո կարմիրբանակայինների շղթաները մտան Կլիմովկա: Ջախ թևում սև բաճկոններով համաչափ առաջանում էին նավաստիները—Բալթյան տորմիդի մի ինչ-որ նավի անձնակազմը: Աներկյուղ գրոհով նրանք խուտորից դուրս քշեցին Կարգինի ապստամբական գնդի երկու հարյուրյակ, ձորակի միջով նրանց ետ մղեցին դեպի Վասիլևսկի:

Երբ գերակշռությունը սկսել էր թեքվել կարմիրբանակա-

յին զորամասերի կողմը, Գրիգորին, որ բլրակից դիտում էր մարտը, ձեռնոցով նշան արավ Պրոխոր Զիկովին, որը նրա ձիու հետ կանգնել էր փամփուշտների սայլակի մոտ, վազեմազ թուով ձիու վրա: Սրարշավ շրջանցելով ձորակը, արագ վարգով սլացավ Գուսինկայի վայրէջքի ուղղությամբ: Այնտեղ,— նա գիտեր,— գտնվում էր Ջորգ գնդի ռեզերվային մի հեծյալ հարյուրյակը՝ պուրաֆներով քողարկված: Այգիներին ու ցախե ցանկապատների միջով գնաց հարյուրյակի գրաված վայրը: Հեռվից տեսնելով ձիերից իջած կազակներին ու ձիակապարանի մոտ եղած ձիերը, հանեց թուրը, բռավեց:

— Զի՛ նստել:

Նրկու հարյուր ձիավորները մի ընդհանուր նստեցին ձիերը: Հարյուրյակի հրամանատարը սլացավ Գրիգորին ընդատառչ:

— Կալի՛ ենք ելնում:

— Վաղուց էք պետք, քնած ես.— Գրիգորի աչքերը կարծկլտեցին:

Զին ետ տալով, նա իջավ ու թարսի պես ուշացյալ պինդ ձգելով փորքաշը (քրտնակալած ու տաքացած ձին վեր-վեր էր թռչում, չէր թողնում, որ նա պրկեր թամբի միջով ձրգված փորքաշը, ցափոտում էր, խոխոացնում ու, բարկության մեջ ատամները բացած, փորձում էր առջևից հրել Գրիգորին): Հուսալիորեն թամբը ամրացնելով, Գրիգորին ոտը խոթեց ասպանդակի մեջ. առանց նայելու հարյուրյակի շփոթված հրամանատարին, որ ականջ էր դնում սաստկացող հրաձգության, գոչեց.

— Հարյուրյակը ես եմ տանելու: Մինչև խուտորից դուրս գալը— դասակային շարքերով, վարգով:

Խուտորից գնալ Գրիգորին հարյուրյակը տարավ ցրիվ շաքառով. փորձեց, թե արդյո՞ք թուրը պատյանից հեշտության մեջ է գալիս. երեսուն սաժենի շափ անջատվելով հարյուրյակից, քառասորոփով սլացավ դեպի Կլիմովկա: Հարավային կողմով Կլիմովկա իջնող թուրի կատարին մի վայրկյան դանդաղեցրեց ձիու ընթացքը, հայացքով գնեց շրջակայքը: Խուտորում ձիերով սլանում ու վազում էին նահանգը հեծյալ ու հետիոտն կարմիրբանակայինները, սլա-

նում առաջին կարգի գումակի երկանիվ սայլակներն ու բրիչկաները: Գրիգորին կիսով չափ դարձավ դեպի հարյուրյակը.

— Թրերը հանե՛լ, գրոհե՛լ, եղբայրնե՛ր, իմ ետևի՛ց.—

Թեթև դուրս քաշեց թուրը, առաջինը գոռաց՝ ուռա-ա՛-ա...— ու ամբողջ մարմնի մեջ զգալով սարսուռ և ծանոթ թեթևությունը, բաց թողեց ձիու գլուխը: Չախ ձեռքի մատների մեջ զողում էր լարի պես պրկված սանձը, գլխից վեր բարձրացրած սուսերը սվավալով ճեղքում էր հանդիպական քամու հոսանքը:

Գարնանային քամու թևերով քուլա-քուլա բարձրացող, վիթխարի մի ամպ մի ընդհանուր ծածկեց արևը, ու նրա գորշ ստվերը Գրիգորից առաջ սահելով, առերևույթ դանդաղությամբ սողաց բլուրի վրա: Գրիգորին հայացքը Կլիմովկայի մոտեցող տներից դարձրեց թուխ, շորացած գետնով սահող ստվերի վրա, առաջ սլացող բաց դեղնավուն, բերկրառատ լուսաշերտի վրա: Հանկարծ առաջացավ անբացատրելի ու անզիտակցական մի ցանկություն— հասնել գետնի վրայով վազող լույսին: Խթանելով ձին, Գրիգորին նրա գլուխը բաց թողեց ու սլացավ ամբողջ թափով,— վրա տալով, մոտեցավ լույսը ստվերից բաժանող հոտուն սահմանին: Մի քանի վայրկյան կատաղի վազք, և ահա ձիու մեկնված գլուխը շողված է լուսավառ ճառագայթների խորձով, ու նրա շիկակարմիր բուրդը հանկարծ բռնկում է պայծառ, կուրացուցիչ փայլով: Այն պահին, երբ Գրիգորին անցնում էր ամպի ստվերի աննշմար եզրը, նրբանցքից խուլ ճայթեցին կրակոցները: Քամին շեշտակի բերում էր ձայների պատռիկները, մոտեցնում դրանք և ուժեղացնում: Էլի մի ինչ-որ անորսալի ակնթարթ,— և Գրիգորին իր ձիու սմբակների թափվող դոփյունի մեջ, գնդակների սվավոցի և կանջներում վայող քամու մեջ այլևս չէր լսում ետևից եկող հարյուրյակի թփփոցը: Նրա լսողությունից ասես ընկավ ձիերի զանգվածի ծանր, հուժկու, շորացած խուպան գետինը ցնցող ոստյունը,— կարծես սկսեց հեռանալ, լռել: Այդ միջոցին հանդիպական հրաձգությունը ճարճատեց ինչպես խարույկ, որի մեջ շոր ցախ են գցում, սվավացին գնդակների երամները: Գրիգորին շվարած, ահով ետ նայեց: Ծփոթվածությունը և ցասումը ջղաձգություններով այլանդակեցին

նրա դեմքը: Հարյուրյակը ձիերը շուռ տալով, թողնելով նրան, Գրիգորիին, ետ էր սլանում: Մոտիկ տեղում հրամանատարը ձիու վրա դես-դեն էր դառնում, անհեթեթ թափահարում թուրը, լալիս էր ու ինչ-որ գոռում կերկերուն, խռուված ձայնով: Միայն երկու կազակ էին մոտենում Գրիգորիին, ու մեկ էլ Պրոխոր Զիկովը, քաշելով կարճ սանձը, ձին շուռ տվեց ու քշեց հարյուրյակի հրամանատարի կողմը: Մնացածները ցրիվ շարքով ետ էին սլանում՝ թրերը պատյանների մեջ դրած, մտրակելով ձիերը:

Ընդ մի վայրկյան Գրիգորին դանդաղեցրեց ձիու վազը, փորձելով պարզել, թե ինչ կատարվեց ետևում, ինչու՞ հարյուրյակը կորուստներ չտալով հանդերձ, անսպասելիորեն փախուստի դիմեց: Եվ այդ կարճ ակնթարթում գիտակցութունը նրան դրոշեց ոչ թե ետ դառնալ, փախչել, այլ առաջ ընթանալ: Նա տեսավ, որ մի նրբանցքում, իրենից հարյուր սաժեն հեռավորությամբ, ցանկապատից դենը, գնդացրի սայլակի մոտ իրար էին անցնում մի յոթ հոգի կարմիրբանակայիններ: Նրանք փորձում էին սայլակը շուռ տալ այնպես, որ գնդացրի փողաբերանը ուղղված լիներ իրենց վրա գրոհող կազակների կողմը, բայց ըստ երևույթին նեղլիկ նրբանցքում այդ նրանց չէր հաջողվում. գնդացիրը լուռ էր ու ավելի ուշ-ուշ էին ճայթում հրացանների կրակոցները, զրնդակների տաք սվավոցը ավելի քիչ էր դաղում Գրիգորիի ականջները: Զին առաջ քշելով, Գրիգորին որոշեց մտնել այդ նրբանցքը տապալված ցանկապատի վրայով, որով մի ժամանակ շրջապատված էր եղել պուրակը: Նա հայացքը կտրեց ցանկապատից, ու ինչ-որ հանկարծակի ու պարզ կերպով, ասես հեռադիտակի միջով արդեն իրեն մոտիկ տեղում տեսավ նավաստիներին, որոնք հապճեպորեն լծից արձակում էին ձիերը, տեսավ նրանց սև, ցեխոտված բաճկոնները անհովար գլխարկները, որոնք պինդ քաշած էին ճակատներին տարօրինակ կլորութուն էին տալիս նրանց դեմքերին: Երկուսը կտրում էին քաշանները, երրորդը գլուխն ուսերի մեջ առած, զբաղված էր գնդացրով, մնացածները հրացաններից կանգնած ու ծնկած կրակում էին Գրիգորիի վրա: Վրա հասնելով, Գրիգորին տեսնում էր, թե նրանց ձեռներն ինչպես էին բանեցնում հրացանների փակաղակները, ու լուռ

էր հատու, դեմառդեմ կրակոցները: Կրակոցներն այնքան արագ էին հաջորդում միմյանց, հրացանների կոթերն այնքան շուռ-շուռ էին դեմ արվում ու սեղմվում ուսերին, որ քրտնքից ամբողջովին թրջված Գրիգորիին ջերմացրեց բերկրալի մի վստահութուն՝ «Կվրիպեն»:

Ցախե ցանկապատը ճքճքաց ձիու սմբակների տակ, մնաց ետևում: Գրիգորին բարձրացրեց թուրը, կկոցված աչքերով ընտրեց առջևի նավաստուն: Երկյուղի դարձյալ մի բռնկոց կայծակնաթափ խարկեց նրան. «Կխփեն դեմառդեմ... Զիս—ծառս կլինի... շուռ կգա... կսպանեն...» Արդեն դեմառդեմ երկու կրակոց. «Կենդանի կրոնենք»,— բղավեցին կարծես հեռվից: Առջևում—բացված ատամներ առնացի, մերկաճակատ մի դեմքի վրա, անհովար գլխարկի թռչկոտող ժապավեններ, բոլորքի խոնացած մակագրության դժգույն ոսկին... Ասպանդակների սեղմում, թափ,— ու Գրիգորին զգում է, թե թուրն ինչպես է մածուցիկ խրվում նավաստու փափուկ, տեղի տվող մարմնի մեջ: Երկրորդը, որ հաստավիզ ու հաղթանդամ էր, կարողացավ գնդակով խոցել Գրիգորիի ձախ ուսի փափուկ տեղը և նույն պահին Պրոխոր Զիկովի թրով շեղակի ճեղքված գլխով ընկավ գետին: Մոտիկից փակաղակի շրխկոց լսելով, Գրիգորին շուռ եկավ: Հրացանի փողաբերանի սև աչքը սայլակի ետևից ուղիղ նրա դեմքին էր նայում: Ուժգնաթափ նետվելով ձախ կողմը, աչնպես, որ շարժվեց թամբը ու ճոճվեց խոխոտցող, խելագարված ձին, նա խույս տվեց մահից գլխավերևից վզալով թռած գնդակից, ու այն պահին երբ ձին ցատկեց սայլակի առեղի վրայով, նա թրատեց կրակոցին, որի ձեռքը այնպես էլ չհասցրեց երկրորդ փամփուշտը փակաղակով մղել հրացանի փողի մեջ:

Անզգայիորեն կարճ մի ակնթարթում (հետո Գրիգորիի գիտակցության մեջ այն մարմնացավ իբրև երկար ժամանակամիջոց) նա թրատեց չորս նավաստի, ու չլսելով Պրոխոր Զիկովի բղավոցները, փորձեց ընկնել հինգերորդի ետևից, որ չբացել էր նրբանցքի շրջադարձից դենը: Բայց հարյուրյակի հրամանատարը, վրա հասնելով, կտրեց նրա առաջը, բռնեց Գրիգորիի ձիու սանձից:

— Ո՛ւր, է՞: Կսպանե՛ն... Այնտեղ, մարագների ետևում նրանց մյուս գնդացիին է:

Էլի երկու կազակ ու Պրոխորը, իջնելով ձիերից, վազվազ մոտեցան Գրիգորիին, զոռով քաշեցին ու իջեցրին ձիուց: Գրիգորին սկսեց թպրտալ նրանց ձեռքերի մեջ, գոռաց.

— Թողե՛ք, իժե՛ր... Նավաստի-մավաստիներին... Բոլորին... Կթրատե՛մ...

— Գրիգորի Պանտելևիչ, ընկե՛ր Մելեխով,— ախր ուշքի եկեք, է՛,— հորդորում էր Պրոխորը:

— Թողե՛ք, եղբայրնե՛ր,— արդեն ուրիշ, նվազած ձայնով խնդրեց Գրիգորին:

Նրան բաց թողին: Հարյուրյակի հրամանատարը շշջալով ասաց Պրոխորին.

— Սրան ձի նստեցրու և տար Գուսինկա. երևում է, որ հիվանդացել է:

Իսկ ինքը քայլեց դեպի իր ձին, հրաման տվեց հարյուրյակին.

— Զի՛ նստե՛լ...

Բայց Գրիգորին փափախը շարտեց ձյան վրա, մի փոքր կանգնեց ճոճվելով ու, հանկարծ կրճատացնելով ատամները, սարսափելի հեծկլտաց, դեմքը ծամովեց, ու նա սկսեց պոկոտել շինելի կոճակները: Հարյուրյակի հրամանատարը մի քայլ էլ չէր արել նրա կողմը, երբ Գրիգորին կանգնած տեղում երեսնիվայր, մերկացած կրծքով ընկավ ձյան վրա: Հեկեկալով, հեծեծանքից ցնցվելով, նա շան պես սկսեց բերանել ձյունը, որ մնացել էր ցանկապատի տակ: Հետո, գիտակցության հրեշավոր պայծառացման ինչ-որ ըրպեում փորձեց վեր կենալ, բայց չկարողացավ ու, արտասովթոր, ցավից այլանդակված դեմքը դարձնելով իր շուրջը խմբված կազակներին, տանջալից, օտարոտի հնչող ձայնով գոռաց.

— Ո՛ւմ թրատեցի ես...— Ու կյանքում առաջին անգամ քնկավ անհնածանր ուշաֆնացության մեջ՝ ճշոցների արձակելով, փոփրակալած շրթունքների միջից հեծկլտալով.— Սղբայրներ, ինձ ներել չկա... Սպանեցեք, ի սեր աստծու... աստծու մերը... Մեռցրեք ինձ...

Հարյուրյակի հրամանատարը վազեվազ մոտեցավ Գրիգորիին, նա և դասակների հրամանատարը ընկան Գրիգորի

ըի վրա, կտրեցին թրի փոկը և դաշտային պայուսակը, փակեցին բերանը, ոտները սեղմեցին գետնին: Բայց Գրիգորին նրանց տակին դեռ երկար թպրտում էր, ծովում աղեղի նման, ջղաձգաբար շտկած ոտներով փորփրում հատիկավոր ձյունը ու, մրմնջալով, գլուխը խփում սմբակներով փորփրված, պարարտ, սևահողով փայլող գետնին, որի վրա ծնվել ու ապրել էր, ցավ ու կսկիծով հարուստ ու բերկրանքներով աղքատ կյանքից լիաշափ վերցնելով այն ամենը, ինչ որ պատրաստված էր իր համար:

Գետնի վրա լոկ խոտաբույսն է աճում անտարբերությամբ ընդունելով արևն ու վառ եղանակը, սնվելով երկրային կենարար հյութերով, հլու կորանալով մորիկների կործանարար շնչից: Հետո էլ սերմը քամուն տալով, մեռնում է նույնպես անտարբերությամբ, իր թորշոմած ցողունների շրջունով ողջունում մահ ճառագայթող աշնանային արևը...

XLV

Մյուս օրը Գրիգորին դիվիզիայի հրամանատարությունը հանձնելով իր զնդերի հրամանատարներից մեկին, Պրոխոր Զիկովի ուղեկցությամբ մեկնեց Վեշենսկայա:

Կարգինսկիից դենը, Ռոզոժկինի լճակում, որ գտնվում է խոր հովտում, խիտ լողում էին հանգստի համար նստած վայրի սագերը: Պրոխորը մտրակով ցույց տալով լճակի կողմը, քմծիծաղ տվեց.

— Ի՛նչ լավ կլինեք, Գրիգոր Պանտելևիչ, մի հատ վայրի սագ զարկեհինք: Ո՛նց կուտեհինք ու արաղ կխմեհինք, հա՛ւա:

— Արի մոտ գնանք, ես կփորձեմ զարկել հրացանով: Մի ժամանակ վատ չէի կրակում:

Նրանք իջան հովիտը: Պրոխորը ձիերով կանգ առավ մի բլրակի ետևում, իսկ Գրիգորին հանեց շինելը, հրացանի ձգանը դրեց պահպանակին ու սողաց ծանծաղ հեղեղատով, որ ծածկված էր նախորդ տարվա գորշ քոխխոտով: Նա սողում էր երկար, համարյա առանց գլուխը բարձրացնելու, սողում էր այնպես, ինչպես հետախուզության ժամանակ, դեպի թշնամու գաղոնքը, ինչպես գերմանական ճակատում այն օրերին, երբ Ստոխոդի մոտ բռնեց թե սպանեց գերմա-

նական ժամապահին: Պաշտպանական գույնի խունացած վերնաշապիկը իր գույնով միախառնվում էր գետնի թուխկանաշավուն գույնի հետ. հեղեղատը Գրիգորիին քողարկում էր հսկող արու սագի սրատես աչքերից,— այդ սագը կանգնած էր մի ոտի վրա, ջրի մոտ, գարնանային ջրի բերած հողի դարչնագույն թմբին: Գրիգորին սողեսող մոտեցավ մոտիկից կրակելու, մի քիչ բարձրացավ տեղից: Հսկող արու սագը դես ու դեն էր շուռ տալիս քարի պես գորշ, օձային կազմվածք ունեցող գլուխը, աշալուրջ նայում էր շուրջը: Նրանից դենը թուխ-մոխրագույն ծածկոցի նման ջրի վրայ ցրիվ նստոտել էին սագերը, մեջմեջ—վայրի բաղերն ու սուզաբաղերը: Լճակից լսվում էր մեղմ կոնչյուն, կռթկոթոց, ջրի ճողփյուն: «Կարելի է մշտական նշանոցից»,— մտածեց Գրիգորին՝ տրոփող սրտով հրացանի կոթը սեղմելով ուսին՝ նշան բռնելով հսող սագի վրա:

Կրակելուց հետո Գրիգորին վեր թռավ սագերի երամի կռթկոթոցից, նրանց թևերի շփշփոցից խլացած: Այն սագը, որի վրա կրակել էր նա, սարսափահար վեր էր բարձրանում, մնացածները թռչում էին լճակի վերևում, բարձանում խիտ ամպի նման: Վշտացած Գրիգորին երկու անգամ էլ կրակեց հենց դեպի վեր ճախրող երամի վրա, հայացքով հետևեց, թե արդյոք մեկն ու մեկը չի՞ ընկնում, ու գնաց Պրոխորի մոտ:

— Մտիկ արա, մտիկ արա...— բղավեց վերջինս՝ թռչելով ու ամբողջ հասակով մեկ կանգնելով ձիու վրա, մտրակը տնկելով կապույտին տվող եթերում հետզհետե հեռացող սագերի երամի կողմը:

Գրիգորին շուռ եկավ ու ցնցվեց ուրախությունից, որ սորդական հուզումից. մի սագ, անշատվելով արդեն շարք կազմած սագերի երամից, իջնում էր արագ թափով, թևերը թափահարում դանդաղությամբ և ընդհատումներով: Ոտների մատների վրա բարձրանալով, ձեռքը տանելով աչքերին, Գրիգորին հայացքով հետևում էր նրան: Սագը անհանգրստությամբ աղմկող երամից մի կողմ էր թռչում դանդաղորեն իջնելով, թուլացնելով թռիչքը, ու հանկարծ մեծ բարձրությունից քարի պես ընկավ գետին, երևաց միայն սպիտակ թևը, որ արևի տակ կուրացուցիչ փայլ արձակեց:

— Զի՛ նստել:

Պրոխորը բերանաբաց ժպտալով, ձիերը բռնեց, մոտեցավ ու սանձը գցեց Գրիգորիին: Նրանք քառատրոփով բարձրացան բլուրը, վազելով անցան մի ութսուն սածեն:

— Ահա նա:

Սագը ընկել էր վիզը երկարացրած, թևերը փռած, ասես վերջին անգամ գրկել էր այդ անսիրալիր հողը: Գրիգորին առանց ձիուց իջնելու կռացավ, վերցրեց որսը:

— Գնդակը դրա ո՞ր տեղն է կծոտել,— հետաքրքրվեց Պրոխորը:

Պարզվեց, որ գնդակը ծակել էր սագի կտուցի ստորին մասը, աչքի կողքին շուռ տվել ոսկորը: Մահը արդեն թռիչքի ժամանակ վրա էր հասել ու նրան խել եռանկյունածև շարք կազմած երամից, գցել գետին:

Պրոխորը սագը կապեց թամբին: Գնացին:

Դռնը անցան նավակով, ձիերը թողին Բազկիում:

Վեշենսկում Գրիգորին իջևանեց ծանոթ մի ծերունու բնակարանում, հրամայեց անմիջապես տապակել սագը: Իսկ ինքն առանց շտաբ ներկայանալու Պրոխորին ուղարկեց արաղի: Խմեցին մինչև երեկո: Խոսակցության ժամանակ տանտերը բերանից գանգատի խոսքեր թոցրեց:

— Մեզ մոտ, Վեշկիում, Գրիգորի Պանտելիչ, իշխանությունը շատ է նեղություն տալի:

— Ի՞նչ իշխանություն:

— Ինքն իրեն հաստատած իշխանությունը, էլի՛... Կուրհինովը ու մեկ էլ ուրիշները:

— Ի՞նչ են անում որ:

— Ոչ կազակ բնակիչներին հա՛ հուպ են տալի: Ովքեր գնացել են կարմիրների հետ, նրանց ընտանիքներից տանում ու նստեցնում են կնանոնց, աղջիկներին, ալեորներին. Խնամուս կնկանը նստացրին նրա տղի պատճառով: Բա այդ ինչի՞ է պետք: Դե, ոնց ասեմ, թե որ դուք, զորորինակ, կաղետների հետ գնալիք Դոնեցից դենը, ու կարմիրները ձեր հորը, Պանտելիյ Պրակոֆիչին ծակը կոխեն, այդ բանը հո սխալ կլիներ չէ՞:

— Իհարկե:

— Իսկ այստեղի իշխանությունները նստեցնում են

Կարմիրները գալիս էին, ոչ ոքի նեղութուն չէին տալի, իսկ սրանք շնացել են, կատաղել, շափն անցկացրել:

Գրիգորին վեր կացավ, մի քիչ ճոճվեց՝ ձեռքը տանելով մահճակալից կախված շինելին: Նա միայն թեթևակի էր հարբած:

— Պրոխոր, թո՛ւրջս, մաուզե՛րջս:

— Ո՛ւր, Գրիգորի Պանտեյկիչ:

— Քո գործը չի, տուր, ինչ որ ասի:

Գրիգորին կապեց թուրը, մաուզերը, կոճկեց շինելը, կապեց գոտին, գնաց ուղիղ դեպի հրապարակը, բանտը: Ժամապահը, որ ապաշար կազակներից էր ու կանգնել էր դռան մոտ, փորձեց փակել նրա ճանապարհը:

— Անցաթուղթ կա՞:

— Թող, դեն քաշվիր ասում եմ:

— Առանց անցաթղթի ոչ ոքի չեմ կարող ներս թողնել: Չի թույլատրվում:

Գրիգորին կիսով շափ էլ չէր հանել թուրը, երբ ժամապահը դռնից ներս ծլկվեց: Գրիգորին թրի կոթը բռնած, նրա ետևից մտավ միջանցքը:

— Բանտապետին կանչել այստե՛ղ,— գոռաց նա:

Նրա դեմքը գունատվեց, սապատավոր քիթը գիշատչաբար ծովեց, հոնքը շարժվեց...

Վրա վազեց մի ինչ-որ կաղ կազակ, որ վերակաջուկ պաշտոն էր կատարում, գրասենյակից դուրս նայեց մի փոքրը տղա,— գրագիրը: Շուտով եկավ նաև քնաթաթախ, բարկացկոտ բանտապետը:

— Առանց անցաթղթի՞. գիտե՞ս ինչ կլինի դրա համար,— որոտաց նա, բայց ճանաչելով Գրիգորիին և դիտելով նրա դեմքը, վախենալով կմկմաց.— Այդ դո՛ւք եք, ձևրըդ... Ընկեր Մելիխոյ: Ինչո՞ւմն է բանը:

— Կամերաների բանալիները:

— Կամերաների՞:

— Քառասուն անգամ պիտի կրկնեմ, հը՞: Դեհ, տուր բանալիները, շան որդի:

Գրիգորին մի քայլ արեց դեպի բանտապետը, սա ետևտ գնաց, բայց բավական հաստատուն կերպով ասաց.

— Բանալիները չեմ տա: Իրավունք չունեք:

— Իրավու-ո՞ւնք...

Գրիգորին ատամները կրճտացրեց, քաշեց թուրը: Նրա ձեռքում թուրը միջանքի ցածր առաստաղի տակ սվավալով մի շողշողուն շրջան կատարեց: Գրագիրն ու վերակացուները դես-դեն թռան ինչպես վախեցած ճնճղուկներ, իսկ բանտապետը սեղմվեց պատին, նրա դեմքը պատից ավելի սպիտակ գույն առավ, նա քթի տակին մոթմոթաց.

— Ինչ ուզում եք արեք, ահա բանալիները... Իսկ ես կգանգատվեմ:

— Ես քեզ գանգա՛տ ցույց կտամ: Սովորե՛լ եք թիկունքում շնթեկ... Կնանոնց ու ալեորներին նստեցնելու համար քաջ եք... Այստեղ ես բոլորիդ էլ թափ կտամ: Գնա՛ դիրքերը, իժ, թե չէ հիմի կթրատեմ:

Գրիգորին թուրը դրեց պատյանի մեջ, բռունցքով խփեց սարսափահար բանտապետի վզակոթին. ծնկով ու բռունցքներով նրան դուրս հրելով, գոռաց.

— Դեպի Ֆրո՛նտ... Գնա՛... Գնա-ա՛... Ես ձեր... Թիկունքի ոչիլ...

Բանտապետին դուրս հրելով ու բանտի ներքին բակից աղմուկ շեղով, վազեց ախտեղ: Խոհանոցի դռան առաջ կանգնած էին երեք վերակացու. մեկը քաշքշում էր ճապոնական հրացանի ժանգոտած փակաղակը, տաքացած, արագ-արագ բղավում էր.

— ...Հարձակում կատարեց... Պետք է հարձակումը ետ մղել... Հին կանոնագրքում ո՞նց է ասված:

Գրիգորին քաշեց մաուզերը, ու վերակացուները իրար առաջ կտրելով նետվեցին խոհանոց:

— Դո՛ւրս եկե-ե-ք... Գնացեք ձեր տները...— Բաբձրաձայն գոչում էր Գրիգորին՝ բանալով լիք լցված բանտախրցների դռները, թափահարելով բանալիների կապոցը:

Նա բաց թողեց բոլոր (մոտ հարյուր հոգի) կալանավորներին, նրանց, ովքեր վախենում էին դուրս գալ, զոռով դուրս քշեց փողոց, փակեց դատարկ բանտախցերը:

Ժողովուրդն սկսեց հավաքվել բանտի դռան մոտ: Կալանավորները դռնից դուրս թափվեցին հրապարակը. նայելով իրենց շուրջը, կուչ գալով, գնում էին իրենց տները: Թրերը բռնած, շտաբից դեպի բանտ էին վազում պահակալին դա-

տակի կազակները. սայթաքելով գալիս էր ինքը Կուղինովը: Գրիգորին վերջինը հեռացավ դատարկված բանտից: Անցնելով ճանապարհ բացած ամբոխի միջով, մայր հայհոյեց նորությունների ծարավ, փսփսող կանանց, ու կորանալով, դանդաղ քայլեց Կուղինովին ընդառաջ: Պահակային դասակի վազ տվող կազակներին, որոնք ճանաչեցին ու ողջունեցին նրան, բղավելով ասաց.

— Տո, բուղաներ, գնացեք ձեր շենքը, էլի: էլ ի՞նչ եք վազ տալի, դիվտտե՞լ եք, ինչ է: Մա՛րջ:

— Մենք կարծում էինք, թե բանտում բունտ են անում, ընկեր Մելեխով:

— Այն պատիկ գրագիրը վազեվազ եկավ, ասում է՝ «Մի սև մարդ հարձակվեց, ջարդում է կողպեքները»:

— Սուտ տազնապ եղավ, էլի՛:

Միծաղելով ու խոսքեր փոխանակելով, կազակները ետ դարձան: Կուղինովը հապճեպ մոտենում էր Գրիգորին՝ քայլելիս շտկելով գլխարկի տակից դուրս թափված, երկար մազերը:

— Բարև, Մելեխով: Ինչո՞ւմն է բանը:

— Բարև, Կուղինով: Ձեր բանտը տակնուվրա արեցի:

— Ի՞նչ հիման վրա: Դա ի՞նչ բան է:

— Բոլորին էլ բաց թողի, պրծավ-գնաց... Դե, ի՞նչ ես չեմ աչքերդ: Դուք այստեղ ի՞նչ հիման վրա եք նստեցնում ոչ կազակուհի կնանոնց ու ծերունիներին, հը՞: Դա ի՞նչ բան է: Դու խելոք կաց, հա՛-ա, Կուղինով:

— Չհամարձակվես քեզանից բաներ հնարել: Դա ինքնագլխով լինում է:

— Ես քեզ ցո՛ւյց կտամ ինքնագլխով լինումը, ես քո.. Հիմի ես Կարգինսկուց կկանչեմ իմ գունդը, և դուք գրողի ծոցը կգնար:

Գրիգորին հանկարծ բռնեց Կուղինովի լսնակոնած կովկասյան գոտուց, ճոճեց, թափահարեց նրան, սառն կատաղությամբ շնչաց.

— Ուզո՞ւմ ես հենց հիմի բաց անեմ ֆրոնտը: Ուզո՞ւմ ես հենց հիմի թոցնեմ հոգիդ: Ի-ի՛-ի՛հ, քոսոտ... — Գրիգորին կրճատացրեց ատամները, բաց թողեց մեղմ ժպտացող Կուղինովին. — Ի՞նչ ես բաց անում ատամներդ:

Կուղինովը շտկեց գոտին, թևանցով արեց Գրիգորին:

— Գնանք ինձ մոտ: էլ ինչո՞ւ ես շարացել: Մի նայի՛ր վրադ. ինչի՞ ես նման... Մենք այստեղ կարոտել ենք քեզ, աղբերս: Իսկ ինչ վերաբերում է բանտին, այդ դատարկ բան է... Դե, բաց թողի՛ր նրանց, ի՞նչ մեծ փորձանք է որ... Ես կասեմ տղերանց, որ իրոք մի քիչ հանդարտվեն: Թե չէ՛ քարշ են տալի բոլոր ոչ կազակուհի կանանց, որոնց ամուսինները կարմիրների մեջ են... Բայց ախր դու ինչո՞ւ ես մեր հեղինակությունը գցում: Ախ, Գրիգորի, ինչքա՛ն գիժ ես դու: Կգայիր, կասերի՞՛ «էհ, այ թե ինչ, հարկավոր է բանտը թեթևացնել, բաց թողնել այսինչ ու այնինչ մարդկանց»: Մենք կնայեինք ցուցակները ու ոմանց կազատեինք: Իսկ դու բոլորին էլ միանգամից: Լավ է որ կարևոր հանցագործներն առանձին են նստած, բա որ դու նրանց էլ բաց թողնեիր: Տաքարյուն ես դու. — Կուղինովը տփտփացրեց Գրիգորի ուսին, ծիծաղեց. — Արի ու քեզ հակառակ բան ասա այսպիսի դեպքում, — կտաս կսպանես: Կամ թե, ո՞վ գիտի, կխառնակես կազակներին...

Գրիգորին թևը դուրս քաշեց Կուղինովի թևից, կանգ առավ շտաբի տան մոտ:

— Դուք բոլորդ էլ քաջեր եք դարձել այստեղ, մեր թիկունքում: Բանտը լիք լցրել եք մարդկանցով... Դու քո ընդունակությունները թող ցույց տայիր այնտեղ, դիրքերում:

— Ես, Գրիշա, իր ժամանակին դրանք քեզանից վատ չեմ ցույց տվել: Թեկուզև հիմա. դու եկ իմ տեղը, իսկ ես կվերցնեմ քո դիվիզիան...

— Օ՛, ոչ, շնորհակալ եմ:

— Հենց այդ է, է՛:

— Դե, ես քեզ հետ երկար խոսելու բան չունեմ: Հիմի ես գնում եմ տուն, մի շաբաթ հանգստանալու: Ոնց որ թե հիվանդացել եմ... Այստեղ էլ ուսըս մի քիչ վիրավորեցին:

— Ինչո՞վ ես հիվանդացել:

— Դարդով, — ծուռ ժպտաց Գրիգորին: — Սիրտս հուզված է...

— Չէ՛, հանաք մի անի, ի՞նչ հիվանդություն ունես: Մեզ մոտ մի լավ բժիշկ կա, գուցե թե մինչև իսկ պրոֆեսոր է: Գերի է: Մերոնք նրան բռնել էին Շուսիլինսկու մոտերքում,

երբ գնում էր նավաստիների հետ: Մանր ու մեծ տեսքով է, սև ակնոցներով: Գուցե նայի քեզ, հը՞:

— Է-է՛հ, թող կորչի:

— Դե ի՞նչ արած, գնա, հանգստացիք: Գիվիզիան ո՞ւմ ես հանձնել:

— Ռյաբչիկովին:

— Սպասիր, է՛, ո՞ւր ես շտապում: Պատմիր, այնտեղ ո՞նց են գործերը: Ասում են, դու նրանց մի լավ թրատել ես, հա՞: Երեկ գիշեր մեկն ինձ հաղորդեց, որ դու Կլիմովկայի մոտ շատ նավաստիներ ես բրթել: Ճի՞շտ է:

— Մնաս բարով:

Գրիգորին գնաց, բայց մի քանի քայլ հեռանալով, կիսադարձ կանգ առավ, ձայն տվեց Կուդրինովին.

— Է՛յ, եթե լսեմ, որ էլի նստեցնում եք...

— Ո՛չ, ոչ: Խնդրեմ շանհանգստանաս: Գնա հանգստացիր:

Օրը չվում էր դեպի արևմուտք, արևի ետևից: Դռնից, վարարած ջրից սառնություն փչեց: Գրիգորիի գլխավերևից սվավալով թռավ մրտիմների երամը: Նա արդեն բակն էր մտնում, երբ վերևից, Դռնի հոսանքով դեպի ներքև, Կազանսկու հողի ինչ-որ վայրից ջրի վրայով իրեն հասավ թընդանոթային համազարկի ձայնը:

Պրոխորն արագությամբ թամբեց ձիերը. սանձերը քաշելով, դրանք մոտ բերեց, հարցրեց.

— Մեր կո՞ղմն ենք գնում, Տատարսկի՞:

Գրիգորին լուռ ընդունեց սանձը, լուռ պատասխանեց գլխի շարժումով:

XLVI

Տատարսկին առանց կազակների դատարկ ու ձանձրալի էր: Տատարցիների հետիոտն հարյուրյակը ժամանակավորապես միացված էր 5-րդ դիվիզիայի գնդերից մեկին, տեղափոխված էր Դռնի ձախ կողմը:

Մի ժամանակ կարմիր զորամասերը, որոնք համալրվել էին Բալաշովից ու Պովարինից եկած օժանդակ զորամասերով, ուժեղ հարձակում գործեցին հյուսիս-արևելքից, գրավեցին Սլանսկայա ստանիցայի մի շարք խուտորները ու

մոտեցան հենց Սլանսկայա ստանիցային: Ստանիցայի մատուցներում բռնկված կատաղի մարտում ապստամբները հաղթեցին: Հաղթեցին, որովհետև խոշոր օժանդակ ուժեր էին ուղարկվել Սլանսկի և Բուկանովսկի գնդերին օգնելու, որոնք նահանջում էին Մոսկովյան կարմիրբանակայինի գրնդի ու հեծելազորի երկու վաշտի ճնշման տակ: Դռնի ձախ կողմով, Վեշենսկուց դուրս եկան ու Սլանսկուն մոտեցան 1-ին դիվիզիայի 4-րդ ապստամբական գունդը (որի կազմում նաև տատարցիների հարյուրյակը), երեք թնդանոթով մի մարտից ու երկու ռեզերվային հեծյալ հարյուրյակ, Բացի դրանից, Դռնի աջ ափով զգալի օժանդակ ուժեր ուղարկվեցին դեպի Պլեշակով և Մատվենսկի խուտորները, որտեղից մինչև Սլանսկայա ստանիցան—Դռնի վրայով—երեք-հինգ վերստ է: Կրիվսկու բլուրի վրա տեղավորվեց հրանոթային մի դասակ: Նշանառուներից մեկը, Կրիվսկի խուտորի մի կազակ, որ հռչակված էր անվրեպ հրաձգությամբ, հենց առաջին կրակոցով շախչախեց կարմիրբանակային գնդացրային բունը ու շրապնելի մի քանի հերթով,— որը թափվեց կարմիր ուռուտում պառկած կարմիրբանակային շղթայի վրա,— ոտքի հանեց այն: Մարտը վերջացավ հօգուտ ապստամբների: Վրա տալով նահանջող կարմիր զորամասերին, ապստամբները նրանց քշեցին Սլանսկա գետակի մյուս կողմը, հետապնդելու համար նետեցին հեծելազորի տասնմեկ հարյուրյակ, ու մի բլուրի վրա, Զագուլովսկի խուտորի մերձակայքում այն վրա հասավ և ամբողջովին սրախողխող արեց կարմիրբանակայինների հեծելավաշտը:

Այդ ժամանակից Տատարսկի «պլանստունները» թրևում էին Դռնի ձախ, ավազոտ ափերին: Հարյուրյակի կազակները համարյա արձակուրդ չէին գալիս: Միայն զննակին, ասես պայմանավորված լինելով, համարյա հարյուրյակի կեսը եկավ խուտոր: Կազակները մի օր ապրեցին խուտորում, ուտիսի խորակներ անուշ արին ու, փոխելով սպիտակեղենը, տներից վերցնելով ձարպ, պաքսիմատ և այլ ուտեցիք, անցան Դռնի մյուս կողմը, խմբովին, ինչպես ուխտավորներ (միայն թե ցուպերի փոխարեն հրացաններ վերցրած), ճանապարհ ընկան Սլանսկու ուղղությամբ: Կանայք, մայրերը,

քույրերը Տատարսկի բլուրից, առափնյա սարից ճանապարհհեցին նրանց: Կնանիքը լալիս էին, լաշակների ու շալերի ծայրերով սրբում լացակումած աչքերը, խնշում տակի յուրկանների փեշերի մեջ... Իսկ Դոնի մյուս կողմում, վարաբած ջրով հեղեղված անտառից դենը, ավազակույտների վրայով գնում էին կազակները,— Խրիստոնյան, Անիկուշկան, Պանտելեյ Պրակոֆևիչը, Ստեպան Աստախովը և մյուսները: Հրացանների ծայրերին ամրացված սվինների վրա ճոճվում էին ուտելիքով լեցուն, քաթանե տոպրակները, քամու թեւվերին թռչում էին ծոթորի բուլրի պես տրտում տափաստանային երգերը, կազակների միջև այլարկոտ խոսակցություն էր տեղի ունենում... Նրանք քայլում էին անուրախ, բայց կուշտ էին, շորերը լվացված: Տոնից առաջ կնանիքը ու մայրերը ջուր էին տաքացրել, լվացել նրանց մարմիններին կպած կեղտը, մաքրել արյունառուտ սալդաթական ոջիլները: Ինչո՞վ ասես, որ չէր կարելի լավ ապրել տանը, քեֆ քաշել: Բայց ահա պետք է մահվան դեմ գնալ... Ու գնում են: Զահեկները, տասնվեց-տասնյոթ տարեկան տղաները, որոնք հենց նոր էին կանչվել ապստամբական շարքերը, սապոգներն ու քոշերը հանած, քայլում են տաք ավազի վրա: Հայտնի չէ ինչու ուրախ են նրանք, աշխույժ խոսք ու զրույց էլ է տեղի ունենում նրանց միջև, երգեր էլ են մղմղացնում բեկուն, չհասունացած ձայներով: Պատերազմը նրանց համար նորույթ է, ասես մանկական խաղ լինի: Նրանք առաջին օրերին գնդակների սվավոցին էլ ականջ են դնում գլուխները բարձրացնելով փոքրիկ խրամատը պաշտպանող թաց հողաթմբից: «Նոխա՛»,— արհամարհանքով անվանում են նրանց ճակատային կազակները, գործնականում սովորեցնելով, թե ինչպես պետք է խրամատներ փորել, ինչպես էրակել, երթի ժամանակ ինչպես կրել զինվորի ունեցվածքը, ինչպես լավ թաքստոց ընտրել, ու նույնիսկ սովորեցնելով, թե ինչպիսի վարպետությամբ պետք է կրակի վրա թափ տալ ոջիլները ու փաթաթանները այնպես փաթաթել ոտներին, որ տը հոգնածություն չզգա «տուշիկե» ոտնամանների մեջ: Սովորեցնում են չհասկացող ջահելներին: Ու «խամ տղան» դարձացած, թռչնային հայացքով այնքան է դիտում իրեն շրջապատող պատերազմի աշխարհը, այնքան է բարձրացնում

գլուխն ու նայում խրամատից, վառվելով հետաքրքրությունից, փորձելով տեսնել «կարմիրներին»,— մինչև որ կարմիրբանակայինի գնդակը խփում է նրան: Եթե մահացու է խփում, մեկնվում է այդ տեսակ տասնվեց տարեկան «ռազմիկը», ու ոչ մի կերպ նրան չես տա իր կարճատև տասնվեց տարին: Ընկած է լինում այդպիսի մեծ երեխան իր տղայական խոշոր թևերով, ցցված ականջներով ու բարակ, շառնացած վզի վրա ադամախնձորի սաղմով: Կտանեն նրան հայրենի խուտորը, կթաղեն գերեզմանոցում, ուր փտել են նրա պապերն ու նախապապերը, ձեռներն իրար զարկելով նրան կղիմավորի մայրը ու երկար լաց ու կոծ կանի մեռելի վրա, ալեզարդ գլխից կպոկի մազերը: Հետո էլ, երբ կթաղեն ու փոքրիկ գերեզմանի վրա կշորանա կավը, նա զառամած, մայրական անքթիթ վշտից գետնին կռացած, կսկսի եկեղեցի գնալ, հիշել իր «սպանված Վանյուշկային» կամ «Սյոմուշկային»:

Հո այնպես էլ է լինում, որ գնդակը մահացու չի խփում մի որևէ Վանյուշկայի կամ Սյոմուշկայի. միայն այստեղ է նա ըմբռնում պատերազմի անողոք դաժանությունը: Ցընցվում են մթին խավով պատած նրա շուրթերը, ծումովում: Ճշում է «ռազմիկը» մանկական ճշոցին նմանվող, նապաստակային ճիշով՝ «Ազիզ մերիկ ջան», ու աչքերից բուռ-բուռ արցունքներ են թափվում: Սանիտարական սայլը կցնցահարի նրան, կտանի ճանապարհազուրկ դար ու փոսերով, կվնասի վերքը: Հարյուրյակի փորձված բուժակը կմաքրի գնդակի կամ արկաբեկորի կտրվածքը ու, քմծիծաղ տալով, կսփոփի նրան, ինչպես երեխային. «Կատուն ցավ զգա, կաշաղակը ցավ զգա, իսկ Վանյուշկայի վերքը լավանա»: Իսկ «ռազմիկ» Վանյուշկան լաց կլինի, կխնդրի իրեն տուն ուղարկել, կկանչի մորը: Բայց եթե վերքը լավանա և նա կրկին լինի հարյուրյակում, ապա արդեն այստեղ կսովորի վերջնականապես հասկանալ պատերազմը: Մի երկու շաբաթ կլինի շարքում, մարտերում և ընդհարումներում, սիրտը կկոշտանա, հետո էլ, աչքդ բարին տեսնի, մի կերպ կցցվի գերի կարմիրբանակայինի առաջ ու, մի ոտը ետ դրած, մի կողմ թքելով, որևէ շախկալ վախմիտորի նմանվելով, կըմբռնվի ատամների միջից, կհարցնի կոտորատվող, թավ ձայնով.

— Է՛, մուժիկ, ես քո մերը, բռնվեցի՞ր, հը՞: Ըհը՞րմե՛ Ըո՞ղ էիր ուզում, հա՞. հավասարությո՞ւն: Դու հո կոմբու- նիստ ես, չէ՞: Խոստովանիր, իժ,— ցանկանալով ցույց տալ իր կտրիճութունը, «կազակական խիզախությունը», կը- բարձրացնի հրացանը, կսպանի նրան, ով ապրեց և մահ ըն- դունեց Դոնի հողում՝ կովելով սովետական իշխանության համար, կոմունիզմի համար, այն բանի համար, որ երկրի վրա այլևս երբեք պատերազմներ չլինեն:

Ու Մոսկվայի կամ Վյատկայի նահանգի որևէ վայրում, Սովետական մեծ Ռուսաստանի որևէ հեռավոր գյուղում կարմիրբանակայինի մայրը ծանուցում ստանալով, որ նրա որդին «զոհվեց սպիտակզավարդիականության դեմ և կալ- վածատերերի ու կապիտալիստների լծից աշխատավոր ժո-ղովրդին ազատագրելու պայքարում...», կսկսի ողբը, լաց ու կոծը... Այրող վիշտը կհոշոտի մայրական սիրտը, խամրած աչքերից կթափվեն արցունքները, ու ամեն օր, միշտ, մինչև մահը կհիշի որդուն, որին մի ժամանակ կրել էր արգանդում, ծնել արյան մեջ ու կանացի տանջանքներում և որն ըն- կավ թշնամու ձեռքից, հեռո՛ւ-հեռվում, Դոնի անհայտ հո-ղում...

Գնում էր Տատարսկի՝ ուզում ճակատը լքած հետևազորի կիսահարյուրյակը: Գնում էր առափնյա ավազուտներով, շողուն, կարմրագույն ուռուտներով: Զահեյները քայլում էին ուրախ, առանց մտահոգվելու, ծերունիները, որոնց ծաղրա- բար «հայդամակներ» էին անվանում քայլում էին ախ ու վա- խով, խորունկ թաքցրած արցունքով. անցնում էր վարելու, ցանելու, հողը մշակելու ժամանակը. հողը կանչում էր դեպի իրեն, կանչում անդադար, գիշեր-ցերեկ, իսկ այստեղ հար- կավոր էր պատերազմել, ուրիշների խոտորներում մեռնել հարկադրական անգործությունից, ահից, կարիքից ու ձանձ- րույթից: Հենց այդ պատճառով էլ մորուքավորներին այ- րում էր արցունքը, հենց այդ պատճառով էլ նրանք նոթոտ էին քայլում: Ամեն մեկը հիշում էր իր լքած տնտեսությունը, գույքը, ինվենտարը: Ամեն ինչի համար տղամարդու ձեռ- քեր էին պահանջվում, ամեն ինչ ողորալի էր առանց տնտե- սատիրոջ հոգատարության: Իսկ կանանցից ի՞նչ պահանջներ էր Կշորանա հողը, ցանքը գլուխ չեն բերի, սովով կվախեցնի

հետևյալ տարին: Հո իզուր չի ասում ժողովրդական առածը, որ «տնտեսության մեջ հալից ընկած ծերունի ավելի պետք կգա, քանց ջահել կնիկը»:

Ավազուտներով լուռ քայլում էին ծերունիները: Աշխու- ժացան, երբ երիտասարդներից մեկը կրակեց նապաստակի վրա: Մերունիները որոշեցին իզուր տեղը փամփուշտ վատ- նելու համար (որ խստորեն արգելվում էր ապստամբական ուժերի հրամանատարի հրամանով) պատժել մեղավորին, Իրենց բարկությունը թափեցին երիտասարդի վրա, մի լավ թակեցին նրան:

— Ծիպոտի քառասուն հարված դրա տկլոր քամակին,— առաջարկեց Պանտելեյ Պրակոֆևիչը:

— Շա՛տ կլինի:

— Հետո նա տեղ չի հասնի:

— Տաս-նը-վե՛ց,— թնդաց Խրիստոնյան:

Համաձայնվեցին տասնվեց,— զույգ թվով հարված տալ: Զանցառուին պակեցրին ավազի վրա, իջեցրին փոխանը, Խրիստոնյան մի երգ դունդունալով, փոքրիկ դանակով ձի- պոտներ էր կտրում, որոնք ծածկված էին դեղին, խավոտ բողբոջներով, իսկ Անիկուչկան ձաղկում էր: Մնացածները նստել էին շուրջը, ծխում էին: Հետո շարունակեցին գնալ: Բոլորի ետևից ոտները քարշ տվեց պատժվածը՝ սրբելով արցունքները, պինդ ձգելով վարտիքի կապը:

Հենց որ անցան ավազուտները ու հասան գորշ, ավա- զախառն հողերին, սկսվեցին խաղաղ խոսակցությունները:

— Հրես, սիրած հողը, տիրոջն է սպասում, իսկ տերը ժամանակ չունի, սատանաները նրան բլրբլուր են քշում, կոխվ է անում,— հոգոց հանեց բիձաններից մեկը՝ մատնա- ցույց անելով աշնանավարի մի շորացող հողամաս:

Գնում էին հերկի կողքից, ու ամեն մեկը կռանում էր, վերցնում շոր, զարնանային արև բուրոջ մի կտոր հող, տորում ձեռների մեջ, խեղդում ախ ու վախը:

— Հասունացել է հողը:

— Հենց հիմի ցաքանելու ժամանակն է:

— Երեք օր ուշացնես, էլ չի կարելի ցանել:

— Մեզ մոտ, այն կողմերում քիչ շուտ է:

— Հա՛, էլի, շո՛ւտ է: Մտիկ արա, հրեն, Դոնի մոտերքում յառեթի վերև դեռ ձյուն է նստած:

Հետո կեսօրին կանգ առան հանգստանալու, հաց ուտելու Պանտելեյ Պրակոֆևիչը ծեծված տղային հյուրասիրում էր քամած, «ճամփի» մածնով: (Նա այն տանում էր տոպրակի մեջ լցրած, որ կապել էր հրացանի ծայրին, ու ամբողջ ճանապարհին տոպրակից ջուր էր կաթկթում: Անկուշկան ծիծաղում էր նրա վրա. «Քեզ, Պրոկոֆիչ, կարելի է գտնել քո թողած հետքով, քո ետևից թաց ճիզ է մնում, ոնց որ եզան ետևից»): Հյուրասիրում էր ու լրջորեն ասում.

— Դու ծերուկներից մի՛ նեղանա, դմբու: Լավ, թակեցին, ի՞նչ մեծ փորձանք է որ: Մեկ ծեծվածը երկու շփածված մարդ արժե:

— Թե որ քեզ այսպես ծեփեին, Պանտելեյ պապի, կարելի է ուրիշ ձենով երգեիր:

— Ինձ ավելի վատ էին ծեփում, տղա:

— Ավելի վա՛տ:

— Հա, էլի, ավելի վատ: Պարզ բան է, հնում այդպես չէին թակում:

— Թակո՞ւմ:

— Հարկ է որ, թակում էին: Հերբս, տղա, մի անգամ սայլի քաշանով խփեց մեջքիս, ու ես դիմացա:

— Քաշանո՞վ:

— Ասում եմ քաշանով, ուրեմս քաշանով: է-է՛, դանդաղո՛ւ: Մածուն կեր, էլի, ի՞նչ ես մտիկ անում բերանիս: Գդալդ առանց կոթի է, ջարդե՛լ ես, հը՛: Հայվա՛ն: Այսօր քի՛շ թակեցին քեզ, հա՛, շան որդենի:

Կեսօրվա հացն ուտելուց հետո որոշեցին մի քիչ քնել գարնանային թարմ, գինու պես արբեցուցիչ օդում: Պառկեցին մեջքերը արևին դեմ արած, մի քիչ խոմփացրին, հետո էլ դարձյալ գնացին գորշ տափաստանով, անցյալ տարվա խոզաններիով, կարճ ճանապարհով, մի կողմ թողնելով բանուկ ճանապարհները: Գնում էին սերթուկներ, շինելներ, կապաներ ու դաբաղած մորթու կիսամուշտակներ հագած, ոտներին — սապոգներ, քոշեր, շալվարների ծայրերը սպիտակ գուլպաների մեջ դրած, ումանք էլ առանց ոտնաման-

ների: Սվինների ծայրերին ճոճվում էին ուտելիքի տոպրակները:

Այնքա՛ն ողորմելի, ոչ զինվորական տեսք ունեին հարյուրյակ վերադարձող դասալիքները, որ նույնիսկ արտույտները, երկնքի կապույտ անհունում վերջացնելով իրենց գեղգեղանքը, անցնող կիսահարյուրյակի կողքին ընկնում էին խոտաբույսերի մեջ:

Գրիգորի Մելիխովը խուտորում կազակներից ոչ մեկին չգտավ: Առավոտյան նա մի քիչ մեծացած իր Միշատկային նստեցրեց ձիուն, հրամայեց տանել Դոն ու ջրել, իսկ ինքը նատալյայի հետ գնաց այցելելու Գրիշակա պապին ու զբանջին:

Լուկինիչնան արցունքներով դիմեց փեսային.

— Գրիշենկա, որդյակս, մենք կկորչենք առանց մեր Միրոն Գրիգորևիչի, ողորմի նրա հոգուն... Ո՞վ պիտի աշխատի մեր արտերում: Ամբարները լիքն են հացահատիկով. ամա ցանող չկա: Վա՛յ իմ գլխին, վա՛յ, որք մնացինք, ոչ ոքի էլ հարկավոր չենք, բոլորին էլ օտար ենք, ավելորդ ենք... Դու հլա մտիկ արա, թե ոնց է բրիշակ եղել մեր տուն ու տեղը: Ձեռներս ոչ մի բանի չեն հասնում...

Իրոք որ տուն ու տեղը արագ թափով դեպի անկում էր գնում. եզները խփում ու տապալում էին բակերի ցախե ցանկապատերը, տեղ-տեղ ընկել էին արորները. քանդվել էր մարագի սամանե պատը, — գարնանային ջուրը փորփռել էր դրա տակը. կալի ցանկապատը քանդված էր, բակը մաքրված չէր. մարագի շարդախի տակ դրված էր մի ժանդոտած, հասարակ հնձիչ մեքենա, նույն տեղում ընկած էր դրա ջարդված կտրիչը... Ամենուրեք ամայացման ու քայքայման հետքեր էին երևում:

«Առանց տիրոջ ամեն բան շուտ է ավերվել», — անտարբերությամբ մտածեց Գրիգորին՝ շրջելով Կորշունովների բակում:

Նա վերադարձավ տուն:

Նատալյան շնջալով մի բան էր ասում մորը, բայց տեսնելով Գրիգորիին լռեց, քծնությամբ ժպտաց:

— Գրիշա, մայրիկը խնդրում է... Դու ոնց որ թե պատ-

բաստվում էիր դաշտ գնալու... Կարելի է սրանց համար է՛լ մի դեպքատին ցանք անես:

— Յանքը ձեր ինչի՞ն է պետք, մայրիկ,— հարցրեց Գրիգորին,— ձեր ամբարները հո լիքն են ցորենով:

Լուկինիչնան ձեռներն իրար զարկեց:

— Գրիշենկա, բա հողը ի՞նչ անենք: Ախր մեր ողորմած հոգին աշնանը երեք հողամաս էր հերկել:

— Դե, հողին ի՞նչ կլինի որ, հո չի՞ փտի: Սաղ լինենք, եկող տարի կցանենք:

— Ո՞նց կլինի: Հողը պարապ կմնա:

— Յրոնտները կհեռանան, այն ժամանակ կցանեք,— Գրիգորին փորձեց համոզել զոքանչին:

— Բայց վերջինս պնդեց իր ասածի վրա, նույնիսկ կարծես նեղացավ Գրիգորիից և ի վերջո ծովուց շրթունքները:

— Էհ, թե որ դու ժամանակ շունես, կամ գուցե շիս ուզում մեզ օգնել...

— Դե լավ, հա: Վաղը կերթամ մեզ համար ցանելու և ձեզ համար էլ մի երկու դեպքատին կցանեմ: Այդ էլ հերիք է ձեզ... Իսկ Գրիշակա պապը կենգանի՞ է:

— Շնորհակալ եմ, զավակս,— ուրախացավ պայծառացած Լուկինիչնան.— Այսօր Գրիպաշկային կասեմ, որ տանի սերմացուն... Պա՞պը. աստված նրան չի տանում, էլի: Կենդանի է, ամա ոնց որ թե խելքը սկսել է ցնցել: Նստում է գիշեր-ցերեկ, սուրբ գիրքն է կարդում: Մեկ էլ առաք բլբլբլացրեց, բլբլացրեց, միայն թե բան չես հասկանա, եկեղեցական լեզվով է... Դու գնալիր նրան տեսնելու: Նա օթախումն է:

Նատալյայի լիքը թշի վրայով արցունքի մի կաթիլ սուղաց:

Արցունքների միջից ժպտալով, Նատալյան ասաց.

— Հիմի ես մտա նրա մոտ, իսկ նա ասում է՝ «Խորամանկ դուստրես, ինչի՞ չես գալի մոտս: Շուտով ես կմեռնեմ, սիրելիս... Քեզ համար, թոռնիկիս համար, հենց որ գնացի, աստծուն մի խոսք կասեմ: Ուզում եմ հող մտնել, Նատալյուշկա... Հողը կանչում է ինձ: Ժամանակն է»:

Գրիգորին մտավ օթախը: Խնկի, բորբոսի ու նեխածուժյան հոտը, ծեղունի, անմաքուր մարդու հոտը թունդ խփեց

նրա քթածակերին: Գրիշակա պապին էլի նույն բանակային մոխրագույն համազգեստով, որի օձիքի ծալերի վրա կարմրին էին տալիս մերակները, նստել էր պառկելատեղի վրա: Նրա լայն շավարը խնամքով կարկատած էր, բրդե գուլպաների ծակերը թելով լցրած: Պապին խնամելը անցել էր մեծացած Գրիպաշկի ձեռքը, և սա սկսել էր նրան հետևել նույնպիսի ուշադրությամբ և սիրով, ինչպես մի ժամանակ Նատալյան, երբ աղջիկ էր:

Գրիշակա պապին Աստվածաշունչը դրել էր ծնկներին: Պղնձե խոնացած շրջանակ ունեցող ակնոցի տակից նա նայեց Գրիգորիին, ժպտալով բացեց սպիտակատամ բերանը.

— Զինվո՛ր տղա, սա՞ղ ես: Աստված պաշտպանե՛լ է չար զնդակից: Էհ, փառք ասածո: Նստիր:

— Քե՞քդ-հալդ ո՞նց է, պապի:

— Հը՞:

— Ասում եմ ո՞նց է առողջությունը:

— Ա՛յ քեզ բան, մազալու ես, դրուստ խոսք: Իմ հասակումը ի՞նչ առողջություն կարող է լինել: Ախր ես արդեն մոտ հարյուր տարեկան եմ: Ըհը՛մ, հարյուր տարեկան... Ո՞նց ապրեցի—չիմացու: Ոնց որ թե երեկ էի ման գալի շեկլիկ քյաքուլով, ջահել ու առողջ: Հիմի էլ զարթնեցի. և ահա այսպես եմ, էլ ի՞նչ մնաց... Եկավ ու գնաց կյանքս ոնց որ ամառվա եռուզեռը, ու չկա նա... Տկարացել է մարմինս: Քանի՞ տարի է, որ ճաղքս դրված է անբարում. ամա, երևում է, որ աստված մոռացել է ինձ: Ծս, մեղավորս, մեկ էլ տեսար աղաչում եմ նրան՝ «Տեր ողորմած աչքդ դարձրու քո ծառա Գրիգորիի վրա: Ծս ավելնորդ եմ երկրում, և նա ինձ»...

— Հլա դեռ կապրես, պապի: Ա՛յ, բերանդ լիքն է ատամներով:

— Հը՞:

— Հլա շատ ատամ ունես:

— Ատա՛մ: Ա՛յ. քեզ ասրսա՛ղ,— հերսոտեց Գրիշակա պապին,— ատամներով հո չես պահի հոգիդ, ետե նա թողնի մարմինդ... Դու էլի կուվո՞ւմ ես, այ գիժ:

— Կուվում եմ:

— Մեր Միտյուշկան էլ է կովում, ճարպիկ է, հա՛ւա, արյունն էլ տաք է:

— Ճարպիկ է:

— Ես էլ այդ եմ ասում: Իսկ ի՞նչ պատճառով եք կրո-վում: Դուք էլ չեք իմանում: Ամեն բան աստո՞՞հ հրամանով է կատարվում: Մեր Միրոնը ի՞նչ պատճառով մահ ընդունեց: Այն պատճառով, որ աստո՞՞հ դեմ գնաց, մարդիկ բունտ արին իշխանության դեմ: Իսկ ամեն մի իշխանություն աստ-ծուց է: Թեկուզև նա հակառակ է Քրիստոսին, ամա մեկ է, աստծուց է տրված: Ես նրան դեռ այն ժամանակ ասում էի՝ «Միրոն, դու կազակներին մի՛ խառնակի, մի՛ գրգռի իշխա-նության դեմ, մեղքի մեջ մի՛ գցի»: Իսկ նա ասում է ինձ՝ «Զէ, ապի, չեմ համբերի, պետք է ապստամբել, ոչնչացնել այս իշխանությունը, նա մեզ մուրացկան է դարձնում: Մարդավարի ապրում էինք, ամա ճգնավորներ կդառնանք»: Տես թե չհամբերելուց ինչ դուրս եկավ: Թուրը քաշողը թրից էլ կմեռնի: Ճշմարիտ խոսք: Մարդիկ ասում են, թե դու, Գրիշկա, գեներալի աստիճան ունես, դիվիզիայի հրամանա-տար ես: Ճի՞շտ է թե ոչ:

— Ճիշտ է:

— Դիվիզիայի հրամանատա՞ր ես:

— Հա, էլի:

— Բա ո՞ւր են էպուլետներդ:

— Մենք դրանք վերացրել ենք:

— Է-է՛, սարսաղներ: Վերացրե՛լ ենք: Բա էլ ի՞նչ գե-ներալ ես դու: Վա՛յ, վա՛յ: Առաջ է՛լ գեներալներ կային. մտիկ տայիր քեֆդ կզար. շաղ էին, հաստափոր, ծանր ու մեծ: Իսկ դու հիմի... Թյո՛ւ, և ուրիշ ոչինչ: Հենց մենակ շի-նելն է վրեդ, այն էլ կեղտոտ, ոչ էպուլետ կա ուսիդ, ոչ էլ սպիտակ դայթաններ՝ դոշիդ: Շորերիդ կարերն էլ երևի լիքն են ոջիլներով:

Գրիգորին քա՛հ-քա՛հ ծիծաղեց: Բայց Գրիշակա պապին տաքացած շարունակեց.

— Դու մի ծիծաղի, մունդո՞՞ր: Մարդկանց դեպի մահ ես տանում, ոտքի ես հանել իշխանության դեմ: Մեծ մեղք ես գործում ու հլա դեռ ատամներդ էլ ես բաց անում: Հը՞... Ա՛յ, հենց այդ է բանը: Մեկ է, ձեզ ջարդ ու փշուր կանեն,

մեզ էլ ձեզ հետ: Աստված ինքը ձեզ ցույց կտա իր ճանա-պարհը: Մեր խառնակ ժամանակների մասին չէ՛, որ ասում է Աստվածաշունչը: Հապա, լսիր, կարգամ Երեմիա մարգա-րեի ասածը...

Մերունին դեղին մատով թերթեց Աստվածաշնչի դեղին էջերը. դանդաղ, վանկը վանկից անջատելով, կարդաց.

— «Պատմեսցե՛ք հազար և լու արարեք, նշան կանգնեսցեք, լսելի արարեք, մի ծածկեցեք, ասացիք՝ առավ Բաբելոն, համոթ եղել Բել, բեկավ Մերովդաք, համոթ եղեն կուռք նո-րա, բեկան գարշելիք նորա: Զի ել ի վերա նորա ազգ ի հյուսիս, նա դիցե գերկիր նորա հապականություն և ոչ ոք իցե, որ բնակեսցե ի նմա ի մարդո մինչև հանասուն. զի խախտեցան և գնացին»... Հասկացա՞ր, Գրիշենկա: Հյուսի-սից կզան ու կտան ձեր, բաբելոնացիների վզակոթին: Հետո. լսիր. «Հավուրսն այնոսիկ և ի ժամանակին հայնմիկ, ասե. տեր, եկեսցեն որդիքն Իսրայելի ինքյանք և որդիքն Հուդա ի միասին, շրջեսցեն և լալով գայցեն առ տեր աստված յուր-յանց խնդրեսցեն: Իբրև զոչխարս կորուսյալս եղև ժողո-վուրդ իմ, հովիվք նոցա մոլորեցուցեն զնոսա, ի վերա լե-բանց, ի լեռնե ի բլուր գնացին»:

— Դրա միտքը ի՞նչ է, ո՞նց հասկանալ,— հարցրեց Գրիգորին, որ լավ չէր հասկանում սլավոնական լեզուն:

— Միտքը այն է, մունդո՞՞ր, որ դուք, խառնակիչներդ սարեսար պիտի ընկնեք: Որովհետև դուք ոչ թե կազակների հոգևոր հովիվներ եք այլ անբան ու անխելք ոչխարներից էլ վատ եք, չեք հասկանում, թե ինչ եք անում... Է՛լի լսիր. «Մոռացան զմատաղատերս յուրյանց, ամենեքյան որ գտա-նեին, ուտեին զնոսա»: Եվ սա դրուստ է. հիմի ոջիլը չի՞ ուտում ձեզ:

— Ոջիլից փրկություն չկա,— խոստովանեց Գրիգորին:

— Հենց դրա համար էլ այստեղ դրուստ է ասված: Լսիր. «Եվ թշնամիք նոցա ասացին՝ մի ներեսցուք նոցա, փոխա-նակ զի մեղան տյառն: Խույս տուք ի միջո Բաբելոնի և հերկերդ քաղղեացոց ելեք և եղերուք իբրև զնոխազս առաջի խաշանց: Զի ահավասիկ ես հարուցից և ածիցի վերա բաբե-լացվոց զժողովս ազգաց մեծամեծաց հերկրե հյուսիս. և ճակատեսցին զնովով, և անտի ըմբռնեցի, իբրև զնես

իմաստուն պատերազմողի, որ ոչ դարձցի ունայն: Եվ եղիցի երկիրն քաղղեացվոց հավար և ամենայն ավարառուքն նորա հագեացին, ասե տեր. զի ուրախ լինեիք և պարծեիք հափշտակել զժառանգություն իմ»...

— Գրիգոր պապի, դու ինձ բռնեցին լեզվով ասեիք, թե չէ չեմ հասկանում,— ընդհատեց Գրիգորին:

Բայց ծերունին ծամծամեց շրթունքները, բացակայող հայացքով նայեց նրան, ասաց.

— Հիմի կվերջացնեմ, լսիր. «...Խայտացիք զի խայտացիք իբրև զվարակս ի վերա դալարո և ոգորեցիք իբրև զցուս: Համոթ եղել մայրն ձեր հույժ, մայրն, որ ի բարություն էր. ահավաղիկ վախճան ազգաց՝ ավեր անջուր և անապատ: Ի բարկութենե տյառն մի բնակեացի, այլ եղիցի հապականություն առհասարակ, և ամենայն, որ անցանիցե ընդ Բաբելոն, տրտմեացի և շիւսեցի ի վերա ամենայն հարվածոց նորա»:

— Իսկ դա ի՞նչպես հասկանալ,— նորից հարցրեց Գրիգորին, զգալով, որ մի փոքր վրդովվում է:

Գրիշակա պապը շատասխանեց, ծածկեց Աստվածաշունչը ու թեքվեց պառկելատեղի վրա:

«Եվ ահա ի բնե մարդիկ այդպես են,— մտածում էր Գրիգորին՝ դուրս գալով օթախից.— ջահել ժամանակ դիվտում են, արաղ են լափում և ուրիշ մեղքեր են գործում, իսկ ծերանալով, այնքան շատ զժություններ անելուց հետո աստծու փեշի տակ են խցկվում: Ա՛յ, թեկուզ Գրիշակա պապին: Ատամները ոնց որ գիլի ատամներ լինեն: Առում են ջահել ժամանակ, երբ որ եկավ ծառայությունից, բոլոր կնանիքը նրա ձեռից լաց էին լինում, էլ ով ասես, որ նրա ճանկը չի ընկել: Իսկ հիմի... էհ, թե որ ինձ հաջողվի ապրել մինչև ծերություն, ես այդ ախմախ բանը չեմ կարդալու: Ես աստվածաշնչերի հետ զուգո շունեմ»:

Գրիգորին վերադառնում էր զոքանչի տանից՝ մտածելով Գրիշակա պապի հետ ունեցած խոսակցությունը մասին, Աստվածաշնչի խորհրդավոր, անհասկանալի «ասմունքների» մասին: Նատալյան նույնպես լուռ էր քայլում: Այս անգամ նա ամուսնուն ընդունեց անսովոր խոթողությամբ. ըստ երեվելութի են նրան էլ էր հասել այն լուրը, թե Գրիգորին Կար-

գինսկայա ստանիցայի խուտորներում ինչպես էր քեֆ անում ու կենակցում կանանց հետ: Գրիգորիի ժամանելու օրը, երեկոյան նա Գրիգորիի համար անկողին պատրաստեց օթախում, մահճակալի վրա, իսկ ինքը պառկեց սրնդուկի վրա, ծածկվեց մուշտակով: Բայց կշտամբանքի ոչ մի խոսք չասաց, ոչինչ չհարցրեց: Գիշերը լուռ անցկացրեց նաև Գրիգորին, որոշելով, որ ավելի լավ է առայժմ նրան հարցաւփորձ չանել իրենց փոխհարաբերություններում շտեմնված այդչափ սառնության պատճառների մասին...

Նրանք լուռ քայլում էին դատարկ փողոցով, միմյանց ավելի օտար, քան երբևէ: Հարավից տաք, հաճելի քամի էր փչում, արևմուտքում կուտակվում էին խիտ, գարնանայնորեն սպիտակ ամպերը: Նրանց շաքարային-կապտավուն կատարները քուլա-քուլա բարձրանալով, փոխում էին իրենց ուրվագծերը, սահում ու դիզվում Դոնի առափնյա կանաչած լեռան ծայրին: Թնդաց առաջին որոտը, ու ծառերի բողբոջները, ձյունից ազատված գետնքի թարմ սևահողը խուտորով մեկ հմայական, կենարար բույր սփռեցին: Սահում էին վարարած Դոնի փրփրաբաշ ալիքները, ցածրից փչող քամին բերում էր մեղմակի, զվարթացուցիչ խոնավությունը, փտող սաղարթի ու թաց ծառերի փոթոթահամ բույրը: Աշնանահերկի մի երկայնակի հողամաս, որ թավշյա-սև կարկատանի նման փռված էր բլրալանջին, գոլորշի էր արձակում, հոսանուտ մուժը բարձրանում ու սահում էր Դոնի շրջակա բլրագագաթների վրա, հենց ճանապարհի վրա զմայլանքով գեղգեղում էր արտույտը, բարալիկ ձայնով ճստճստում էին ճանապարհի լայնքով վազող գետնասկյունները: Եվ ամբողջ այդ աշխարհի վերևում, որ ներխուժում էր մեծ արգավանդությամբ ու կենսաստեղծ ուժերի առատությամբ, շոգում էր բարձր և սիզապանձ արեգակը:

Խուտորի մեջտեղում, կամրջի մոտ, որի տակից հեղեղատի միջով, մանկական ուրախ թոթովանքով դեռևս դեպի Դոն էր վազում գարնանային, լեռնային ջուրը,— Նատալյան կանգ առավ: Կռանալով իբր թե քաշի փոկիկը կապելու համար, բայց իրոք Գրիգորիից թաքցնելով դեմքը, հարցրեց.

— Ինչո՞ւ ես լուռ:

— Բա ինչի՞ մասին խոսեմ քեզ հետ:

— Խոսե՛լու բան կա... Պատմե՛իր, թե ոնց է՛ր հարբե-
ցողութիւն անում Կարգինսկու մոտերքում, ոնց է՛ր մուռ-
տառովում բ... հետ...

— Իսկ դու արդեն գիտե՞ս... — Գրիգորին հանեց ծխա-
խոտի տոպրակը, սկսեց ծխախոտ փաթաթել: Տնային թու-
թունի հետ խառնված իշառվույտը քաղցր բուրմունք արծա-
կեց: Գրիգորին ներս քաշեց ծուխը, էլի հարցրեց. — Ուրեմն
գիտե՞ս: Ո՞ւմից ես իմացել:

— Որ ասում եմ, գիտեմ: Ամբողջ խուտորը գիտի, ով
ասես կհայտնեք:

— Դե, եթե գիտես, էլ ի՞նչ պատմեմ:

Գրիգորին լայնացրեց քայլերը: Կամրջակի փայտե ծած-
կի վրայով, գարնանային հստակ անդորրում պարզ դըմբ-
դըմբացին նրա դանդաղ քայլերը ու նրա ետևից աճապա-
րող նատալյայի թքթքացող քայլվածքի արձագանքները:
Կամրջակն անցնելուց հետո նատալյան լուռ էր, սրբում էր
հաճախակի հեղվող արցունքները, հետո էլ, կուլ տալով հե-
կեկանքը, կմկմալով հարցրեց.

— էլի հնի պոչի՞ց ես բռնում:

— Թո՛ղ, նատալյա:

— Անիծված, անկուշտ որձ շուն, ինչո՞ւ ես էլի տանջում
ինձ:

— Լավ կլինեք քիչ հավատայիր սուտ-մուտ բաներին:

— Ինքդ խոստովանեցիր:

— Երևում է, որ քո ականջին ավելի շատ բան են փչել,
քանց թե իսկապես եղել է: է՛հ, մի քիչ մեղավոր եմ քո
առաջ... Կյանքը ինքն է մեղավորացնում, նատալյա... Ամ-
բողջ ժամանակ մահվան սպառնալիքի տակ ես գտնվում, դե
սպտահում է, որ չափն անց ես կացնում...

— Երեխաներդ, հրե՛ն, ինչքա՛ն են մեծացել: Բա ի՞նչ
խղճով ես նայում նրանց:

— Օ-հո՛-ո, խի՞ղճ. — Գրիգորին ժպտալիս բացեց սպի-
տակափայլ ատամները, ծիծաղեց. — Ես դրա մասին մտա-
ծելն էլ եմ մոռացել: էլ խի՞ղճ կարող է լինել, երբ ամբողջ
կյանքը տակնուվրա եղավ... Սպանում ես մարդկանց...
Հայտնի չէ ինչի համար է այս ամբողջ խառնափնթորութիւն-

նը... Ախր ո՞նց ասեմ քեզ. չես հասկանա: Քո մեջ հենց մի-
այն կնկա հերսն է վառվում, միտքդ չի հասնում այն բանին,
ինչ որ սիրտս է մաշում, արյունս ծծում: Ես էլ արադին զոռ
տվի: Անցած օրը ուշաթափ եղա: Սիրտս մի քանի վայրկյան
կանգ առավ ու մարմնովս սարսուռ անցավ... — Գրիգորին
սփրթնեց, ծանր էր արտասանում բառերը. — Դժվար է իմ
բանը, դրա համար էլ միտք եմ անում, թե ինչով մոռանալ
այդ բոլորը, արադո՞վ, կնկանո՞վ... Կա՛ց, է՛, թող ասեմ.
ա՛յ, այստեղ ինձ շարունակ մի բան է կրծում ու կրծում,
մաշում ինձ... Սխալ է կյանքի ընթացքը, կարելի է դրա
համար ես էլ եմ մեղավոր... Հիմի հարկավոր է հաշտվել
կարմիրների հետ ու գնալ կաղետների վրա: Իսկ ինչպե՞ս:
Մեզ ո՞վ կմիացնի սովետական իշխանութիւնի հետ: Ո՞նց
կատարես մեր ընդհանուր վիրավորանքների հաշիվը: Կա-
զակների կեսը Դոնեցի մյուս կողմումն է, իսկ ովքեր մնա-
ցել են այստեղ, կատաղել են, իրենց տակի հողն են կըր-
ծում... Գլխիս մեջ ամեն բան խառնափնթոր է եղել, նա-
տաշկա... Ա՛յ, քո Գրիշակա պապն էլ կարդաց Աստվածա-
շունչը ու ասում է, թե մենք սխալ բան ենք արել, հարկա-
վոր չէր պատամբել: Հորըդ էր հայհոյում:

— Պապս արդեն խելքը թոցրել է: Հիմի հերթը քոնն է:

— Դու էլ հենց միայն այդպես կարող ես դատել: Խելքդ
ուրիշ բանի չի հասնի...

— Խոսքը կտուրը մի՛ գցի, հա՛-ա: Կեղտոտութիւնն ես
արել, մեղք ես գործել, հիմի էլ պատերազմն ես մահանա
դարձնում: Դուք բոլորդ էլ այդպես եք: Քի՛չ եմ քեզ պես
զրոյի տարածի պատճառով փորձանքի մեջ ընկել, հա՞, ափ-
սոս, երանի թե այն ժամանակ մեռած լինեի...

— Քեզ հետ խոսելու էլ բան չկա: Թե որ քեզ համար
ծանր է, մի քիչ տղզա. կնկա արտասուքը միշտ էլ թեթևաց-
նում է դարդը: Իսկ ես հիմի քեզ մխիթարող չեմ: Ես այն-
քան եմ արնտովել ուրիշի արյունով, որ էլ ոչ ոքի չեմ կա-
րող խղճալ: Երեխեքին էլ համարյա չեմ խղճում, իսկ իմ
մասին չեմ էլ մտածում: Պատերազմն ամեն ինչ քամել է
ինձնից: Ինքս էլ սարսափելի եմ ինձ համար... Մտիկ տուր
հոգուս մեջ, այնտեղ մութն է ոնց որ դատարկ ջրհորում...

Նրանք համարյա տուն էին հասել, երբ վրա հասած գորշ

ամպից շեղակի ու խոշոր անձրև տեղաց: Անձրևը կերպով ճանապարհի թեթև, արևարույր փոշին, շխլշխկաց կուր- ների վրա, թարմություն, սարսուռի զովություն բուրբ: Գրիգորին արձակեց շինելի կոճակները, փեշով ծածկեց հոնգուր-հոնգուր լացող նատալյային, գրկեց նրան: Գարնանային աշխույժ անձրևի տակ նրանք այդպես էլ բակ մտան միմյանց պինդ սեղմված, մի շինելով ծածկված:

Գրիգորին երեկոյան բակում կարգի բերեց թեթև արորը, ստուգեց ցանիչի թևերը: Սեմյոն Զուգունի տասնհինգ տարեկան որդին, որ սովորել էր դարբինի արհեստը և ապստամբության օրից մնացել էր Տատարսկում իբրև միակ դարբինը, մի կերպ սարքեց Մելիխովների հին գուլթանի խոփը: Ամեն ինչ պատրաստված էր գարնանային աշխատանքի համար: Եզները գարուն էին ելել շաղացած, նրանց համար լիովին հերիք էր Պանտելեյ Պրակոֆևիչի պատրաստած խոտը:

Գրիգորին առավոտյան պատրաստվում էր գնալ տափաստան: Իլլինիչնան ու Դունյաշկան դեռ գիշերվանից վառել էին վառարանը, որպեսզի մինչև լուսաբաց ուտելիք պատրաստեին մաճկալի համար: Գրիգորին մտածում էր աշխատել մի հինգ օր, ցանել իրենց և զոքանչի համար, մի երկու դեսյատին վար անել բոստանի ու արևածաղկի համար, հետո էլ հարյուրյակից կանչել հորը, որպեսզի սա վերջացնեն ցանքը:

Տան ծխնելույզից գալարվելով բարձրանում էր յասամանագույն ծուխը, բակում վազվզում էր աղջիկ տեղովը փարթամացած Դունյաշկան, շոր ցախ հավաքում կաշանի համար: Գրիգորին նայում էր նրա կլորացած իրանին, պիրկ ցցված ստինքներին, տխրությամբ ու սրտնեղությամբ մտածում էր՝ «Ա՛մա թե աղջիկ է դառել, հա՛-ա: Թու՛ում է կյանքը ոնց որ կայտառ ձի: Վաղո՞ւց է, որ Դունյաշկան փոքրիկ, խլնքոտ աղջիկ էր. մեկ էլ տեսար վազվզում էր, իսկ մեջքի վրա թռչկոտում էին պստիկ ծամբը ոնց որ մկներք պոչերը, իսկ հիմի տես թե ինչ է դառել, թեկուզ հենց հիմի մարդու տուր: Իսկ իմ մազերն արդեն ճերմակում են, հայհայս գնում վայ-վայս է մնում... Դրուստ էր ասում Գրիշակա պապին՝ ձեզի ու գնաց կյանքս, ոնց որ ամառվա եռու-

ղեռք»: Կյանքում առանց այն էլ կարճ է կտրած մարդու ճամփեն, ամա արի ու տես, որ այստեղ այդ կարճ միջոցից էլ պիտի զրկվես... Գրողի ծոցը գնա այս տեսակ վիճակը: Թե որ սպանելու են, թող շուտ սպանեն»:

Դարյան մոտեցավ նրան: Պետրոյի մահից հետո նա զարմանալի կերպով շուտ էր մոռացել վիշտը: Սկզբում թախծում էր, վշտից դեղնում և նույնիսկ կարծես պառավում: Բայց հենց որ փչեց գարնանային զեփյուռը, հենց որ արևը մի քիչ տաքացրեց երկիրը, Դարյայի վիշտը չքացավ հաված ձյան հետ: Նրա երկարավուն թշերը ծաղկեցին նըրբին կարմրությամբ, փայլեցին մինչ այդ մի փոքր խամրած աչքերը, քայլվածքը ստացավ առաջվա կոտորատվող թեթևությունը... Վերադարձան նաև հին սովորությունները. նրա հոնքերի բարակ աղեղները էլի ծածկվեցին սև ներկով, թշերը փայլեցին ճարպից. վերադարձավ նաև կատակելու, նատալյային անպարկեշտ խոսքով շփոթեցնելու ցանկությունը. նրա շրթունքների վրա ավելի ու ավելի հաճախ էր երևում ինչ-որ սպասումով մշուշված ժպիտը... Բուռնաթափ կյանքը հաղթանակ տարավ:

Դարյան մոտեցավ Գրիգորին, ժպտալով կանգ առավ... Նրա գեղեցիկ դեմքից վարունգի օժանելիքի արբեցուցիչ հոտ էր գալիս:

- Գուցե մի բանով օգնեմ, Գրիշենկա:
- Օգնելու կարիք չկա:
- Ախ, Գրիգորի Պանտելևիչ, ինչքա՞ն խիստ եք դարձել ինձ հետ, այրի կնկա հետ: Չեք ժպտում և մինչև իսկ ուսդ էլ չեք շարժում:
- Գնայիր եփել-թափելու, օյինբազ:
- Ախ, դա ինչի՞ է պետք:
- Օգնեիր նատալյային: Հրեն, Միշատկան վազվզում է կեղտի մեջ կորած:
- Ակաս-մակաս այդ էր պակաս: Դուք նրանց վաստակեք, իսկ ես կեղտը լվամ, հա՞: Ո՞նց չէ: Քո նատալյան ճազարի պես բեղմնավոր է: Նա հյա դեռ մի տասը հատ էլ կբերի: Թե որ ես դրանց բոլորին մաքրեմ, էլ ձեռներիս մեջ հալ չի մնա:
- Կավ, հերիք է, գնա՛:

— Գրիգոր Պանտելիչ, հիմի խուտորում կա միայն մի կազակ,— դուք եք: Մի՛ վռնդեք, թողեք գոնն հեռվից մտիկ անեմ ձեր սև, գրավիչ բեղերին:

Գրիգորին ծիծաղեց, քրտնած ճակատից ետ դցեյ մազերը:

— Ամա թե դուչադ ես, հա՛-ա: Պետրոն ո՞նց էր ապրում քեզ հետ... Դու երևի ձեռք ընկածին բաց չես թողնում:

— Այդպես էլ իմացեք,— հպարտությամբ հաստատեց Դարյան, ու խաղացկուն, կկոցված աչքերով Գրիգորիին նայելով, շինծու վախով դարձավ դեպի տունը.— վա՛յ, ինձ այնպես թվաց, թե նատալյան դուրս եկավ... Այնքան խանդոտ է,— ուղղակի շտեմնված բան: Այսօր, երբ ճաշ էինք անում, ես մի անգամ նայեցի քեզ, ու նրա երեսը թունդ մթնեց: Իսկ ինձ երեկ ջահել կնանիքն ասում էին. «Սա ի՞նչ քամբախտություն է, կազակներ չկան, իսկ ձեր Գրիշկան եկել է տուն ու կնկանից պոկ չի գալի: Բա մենք,— ասում են.— ո՞նց պիտի ապրենք: Թեկուզ նա շատ վերքեր է ստացել, թեկուզ առաջվա Գրիգորիի կեսն է մնացել, ամա մենք այդ կեսով էլ բավական կլինեինք: Ասա նրան, որ գիշերը խուտորում ման չգա, թե չէ կրոնենք, գլխին փորձանք կգա»: Ես էլ նրանց ասի՝ «Չէ, կնանիք, մեր Գրիշկան միայն ուրիշ խուտորներում է կամքից թույլ, իսկ տանը փեշը կարել է նատալյայի փեշին ու չի հեռանում նրանից: Մոտիկ ժամանակներից նա սուրբ է դառել...»

— Ամա՛ թե փուչն ես, հա՛-ա,— ծիծաղելով, անշար առաց Գրիգորին,— լեզուդ իսկը ցախավել է:

— Ինչ որ կամ, այս եմ: Իսկ քո սիրունիկ, չքավող նատաշենկան երեկ վռնդեց քեզ, հա՞: Տեղն է քեզ, բուղա, էլ օրենքի սահմանից չես անցնի:

— Այ թե ինչ... Դու գնա, Դաշկա: Ուրիշի գործերին մի խառնվի:

— Ես չեմ խառնվում: Նրա համար եմ ասում, որ քո նատալյան հիմար է: Մարդը եկել է, իսկ նա փքվում է, կտորատվում ոնց որ կոպեկանոց բլիթ, սնդուկի վրա պառկեց... Իսկ ես հիմի կազակից չէի հրաժարվի: Թե որ ձեռք քնկնեիր... Ես քեզ պես քաջին էլ կվախեցնեիր:

Դարյան կրճտացրեց ատամները, քրքշաց ու քայլեց դե-

պի առն՝ նայելով ծիծաղող ու շփոթված Գրիգորիին, փայլուն լեցնելով սկեզ գինդերը:

«Քախտավորվեցիր որ մեռար, Պետրո աղբերս...—մտածում էր ուրախացած Գրիգորին,— սա ոչ թե Դարյա է, այլ իսկական սատանա: Միևնույն է, վաղ թե ուշ սրա երեսից կմեռնեիր»:

XLVI

Բախմուտկին խուտորում մարում էին վերջին լույսերը: Թեթև սառնամանիքը սառույցի ամենաբարակ թաղանթով էր ծածկում ջրափոսերը: Խուտորից, արոտավայրից դենը, նախորդ տարվա խոզանի վրա գիշերելու էին իշել ուշացած կունկները: Հյուսիս-արևելքից փչող թեթև քամին խուտոր էր բերում նրանց զուսպ, հոգնած կոնչոցը: Եվ դա մեղմակի նրբերանգում, ընդգծում էր ապրիլյան գիշերվա խաղաղ անդորրությունը: Այգիներում խիտ ստվերներ էին կուտակվում. որտեղից-որտեղ բառաչեց մի կով. հետո ամեն ինչ լռեց: Կես ժամի շափ խուլ անդորրություն էր տիրում, որը միայն երբեմնակի խախտվում էր գիշերն էլ թռչող կտցարների թախծոտ փոխականչով ու բաղերի անհամար թևերի շառաչուն սվավոցով. բաղերի երամները թռչում էին, շտապում՝ հասնելով վարարած Դոնի առափնյա, հեղեղված, լայնարձակ մարգագետինները... Հետո էլ խուտորի ծայրափողոցում մարդկային ձայներ հնչեցին, փաթաթած պապիրոսների կարմիր կայծեր երևացին, լսվեց ձիու փնչոց, ձիերի սրմբակներով կոխկրտվող, կիսասառած ցեխի կրճկրճոց: Հեծյալ պարեկը վերադարձավ խուտոր, որտեղ գտնվում էր ճ-րդ առանձին բրիգադի կազմի մեջ մտնող կազակական ապստամբական երկու հարյուրյակ: Կազակները տեղավորվեցին խուտորի ծայրում գտնվող մի խրճիթի բակում. խոսքեր փոխանակելով, ձիերը կապեցին բակի մեջտեղում ընկած սահնակին, նրանց կեր տվին: Մեկը խոստո, հաստ ձայնով սկսեց մի պարերգ՝ հստակորեն արտասանելով բաները, հոգնածությամբ ու դանդաղ երգելով.

Կամաց-կամաց գնում էի,
Գնում էի շունչս պահած,
Ու առաջվա սիրով տարված,
Աղչկա հետ կատակ արի...

Ու իսկույն ձայնակցողի աշխույժ, բարակ ձայնը թռու-
շուների պես թռավ շաշող, թավ ձայնից էլ վեր և ուրախ,
հռանդով սկսեց.

Թունդ հերոսոց իմ անուշո,
Միլլա տվեց, գաղեց թուշո,
Ու իմ սիրտը կազակական
Խիստ դառնացավ, ատեց նրան...

Երգին միացան էլի մի քանի թավ ձայներ, նրա տեմպն
արագացավ, աշխուժացավ, ու ձայնակցողի տենորը բարձր
նոտաներ վերցնելով, արդեն ավելի ուժեղ և խիստ ուրախ
էր հնչում.

Սա աչ ձեռքս վեր քշտեցի,
Իր ականջին պինդ դմբեցի,
է՛խ, երեսը նրա մարջան
Կաս-կարմրեց ոնց պորինջան:
Կաս-կարմրեց, ինքն էլ տզգաց.
Ու դարձավ ինձ այսպես սասց.
«Ի՞նչ ընկեր ես դու ինձ հիմա,
Երբ սիրում ես օխտը կնկա,
Ութերորդն էլ որբևայրի,
Իններորդն էլ կինդ է, էի՛ր,
Սա էլ տասը, շան որդենի...»

Հողմաղացից դենը պահպանական հսկողություն կա-
տարող կազակները լսում էին թե՛ կուռնկների կունչոցը
ամայացած արտերում, թե՛ կազակների երգը և բաղերի թե-
վերի սվավոցը գիշերային անթափանց խավարում: Նրանց
համար ձանձրալի էր գիշերով պառկել պաղ, սառնամանի-
քից կոշտացած գետնին: Ոչ կարող էին ծխել, ոչ խոսել, ոչ էլ
տաքանալ քայլելով կամ մուշտակովով: Պատկի՛ր հա պառ-
կիր արևածաղկի նախորդ տարվա ցողունների մեջ, նայի՛ր
խավարով պատած տափաստանին, լսիր՝ ականջդ գետնին
դրած: Իսկ տասը քայլ հեռավորությամբ ոչինչ չի երևում,
ապրիլյան գիշերն էլ այնքան հարուստ է շշուկներով, մթու-

թյան միջից այնքան շատ, կասկածելի ձայներ են գալիս,
որ դրանցից յուրաքանչյուրը անհանգստություն է առաջաց-
նում. «Ձի՛ր գալիս արդյոք, չի՞ սողում կարմիրբանակային
հետախուզախումբը»: Կարծես թե հեռվից լսվում է կոտոր-
վող քուլի ճրոցը, զուսպ հեոց... Երիտասարդ կազակ Վիպ-
րյաժկինը ձեռնոցով սրբում է լարվածությունից առաջացած
արցունքի կաթիլը, արմունկով բռնում հարևանին: Վերջինս
ննջում է գունդ ու կծիկ եղած, կաշվե փամփշտանոցը գլխա-
տակին դրած. ճապոնական փամփշտակալը ցավեցնում է
նրա կողերը, բայց նա ծուլանում է ավելի հարմար պառկել,
չի ուզում, որ գիշերային ցրտի հոսանքը թափանցի շինելի
պինդ ծածկած փեշերի տակ: Քուլախոտերի խշշոցը և հեոցը
սաստկանում են ու անսպասելիորեն հնչում հենց Վիպրյաժ-
կինի կողքին: Նա քիչ բարձրանում է արմունկի վրա, տա-
րակուսանքով նայում խիտ քուլախոտերի միջով ու դժվարու-
թյամբ նշմարում մի մեծ ոզնու ուրվագծերը: Ոզնին արա-
գորեն առաջ է շարժվում մկան հետքով, խոզի փոքրիկ
մուկթը կախած, ֆսսալով ու ասեղային մեջքը քսելով քուլա-
խոտերի շոր ցողուններին: Հանկարծ նա զգում է ինչ-որ
թշնամական բանի ներկայությունը իրենից մի քանի քայլ
հեռավորությամբ, ու բարձրացնելով գլխիկը, տեսնում է
իրեն նայող մարդուն: Մարդը թեթևացած արտաշնչում է
օդը, շնչում.

— Մունդուի՛կ սատանա: Ո՞նց վախեցրեց, է՛...

Իսկ ոզնին շեշտակիորեն բարձրացնում է գլուխը, ներս
է քաշում տոտիկները ու մի բուպե պառկում է մորթու փշե-
րի մեջ կծկված, հետո դանդաղ ձգվում է, ոտներով շոշա-
փում պաղ գետինը ու գլորվում սահող, գորշ զնդի նման՝
դիպչելով արևածաղկի ցողուններին, ճամթելով փտած պա-
տատուկի շոր մնացորդները: Ու նորից իջնում է լուսթյունը:
Գիշերն էլ հեքիաթի պես է...

Խուտորում հնչեց երկրորդ ալլորականջը: Երկինքը պարզ-
վեց: Ամպերի նոսր ծածկոցի միջից երևացին առաջին
աստղերը: Հետո քամին բռեց ամպերը, ու երկինքը անթիվ
ու անհամար ոսկե աչքերով նայեց երկրին:

Հենց այդ ժամանակ էլ Վիպրյաժկինը լսեց ձիու պարզո-
րոշ քայլը, քուլախոտերի շրշյուն. ինչ-որ մետաղե առարկայի

շաշուսն, մի քիչ հետո էլ՝ թամբի ճոռոց: Լսեցին նաև մյուս կազակները: Մատները դրին հրացանների հրահաններին:

— Պատրաստվեք,— շնչաց դասակապետի օգնականը:

Աստղալից երկնքի ֆոնի վրա ուրվագծվեց մի ձիավորի որոշակի սիլուետը: Մեկը ձին քայլեցնելով գալիս էր խուտորի կողմը:

— Կա՛նգ առ... Ո՞վ է գալիս... Ի՞նչ է անցաբանը...

Կազակները վեր թռան, պատրաստվելով կրակելու: Ձիավորը կանգ առավ, ձեռները վեր բարձրացրեց:

— Ընկերներ, մի՛ կրակեք:

— Ի՞նչ է անցաբանը:

— Ընկերներ...

— Ի՞նչ է անցաբանը: Դա-սա՛կ...

— Սպասեք... Ես մենակ եմ... Անձնատուր եմ լինում...

— Սպասեք, տղերք: Չկրակե՛լ... Կենդանի կրոնենք...

Դասակապետի օգնականը վազելով մոտեցավ ձիավորին: Վիպրյաժկինը բռնեց նրա ձիու սանձից: Ձիավորը ոտն անցկացրեց թամբի վրայից, իջավ ձիուց:

— Ո՞վ ես, կարմիր՞ ես: ԸՆՏՐՄ, տղերք, նա է: Հրե՛ս, փափախի վրա աստղ կա: Բռնվեցիր, հա՛-ա...

Ձիավորը ճմլկոտելով ոտները, արդեն հանգիստ ասաց.

— Ինձ տարեք ձեր պետի մոտ: Ես նրան մեծ կարևորություն ունեցող լուր եմ հաղորդելու: Ես Սերգորյան գնդի հրամանատարն եմ ու եկել եմ բանակցություններ վարելու համար:

— Հրամանատար-ա-ա՞ր... Տղերք, սպանենք սրան, իժիմ: Լուկա, թող ես հիմի սրան...

— Ընկերներ, դուք ինձ միշտ էլ կարող եք սպանել, բայց նախ՝ թողեք ես ձեր պետին հաղորդեմ այն, ինչի համար եկել եմ: Կրկնում եմ, սա ահագին կարևորություն ունեցող գործ է: Խնդրեմ, վերցրեք իմ զենքերը, եթե վախում եք, որ ես կփախչեմ...

Կարմիր հրամանատարը սկսեց արձակել թրակալը:

— Հանի, հանի,— նրան շտապեցնում էր կազակներից մեկը:

Հանած նագանն ու թուրը ընկան դասակապետի օգնականի ձեռքը:

— Խուզարկեցեք սերգորյան հրամանատարին.— հրամայեց նա՝ նստելով կարմիր հրամանատարին պոտկանոց ձիուն:

Բռնվածին խուզարկեցին: Դասակապետի օգնականը և կազակ վիպրյաժկինը նրան տարան դեպի խուտորը: Բռնվածը ոտով էր գնում, նրա կողքից քայլում էր Վիպրյաժկինը՝ ավստրիական հրացանը հորիզոնադիր բռնած, իսկ ետևից ձիով գնում էր դասակապետի գոհ օգնականը:

Տասը բուսե լուռ էին գնում: Բռնվածը հաճախակի կանգ առնելով, վառում էր ծխախոտը, շինելի փեշի տակ վառում լուցկին, որպեսզի քամին չհանգցներ այն: Ընտիր ծխախոտի հոտը համբերությունից հանեց Վիպրյաժկինին:

— Տուր ինձ էլ,— խնդրեց նա:

— Խնդրեմ:

Վիպրյաժկինը վերցրեց ծխախոտով լեցուն, երթալին կաշվե պորտսիգարը, դրա միջից մի սիգարետ հանեց, իսկ պորտսիգարը դրեց իր զրպանը: Կարմիր հրամանատարը լռեց, բայց մի քիչ հետո, երբ մտան խուտոր, հարցրեց.

— Դուք ինձ ո՞ւր եք տանում:

— Այնտեղ կիմանաս:

— Բայց և այնպե՞ս:

— Հարյուրյակի հրամանատարի մոտ:

— Դուք ինձ տարեք բրիգադի հրամանատար Բողատիրյովի մոտ:

— Նու այստեղ չի:

— Ինչպես թե այստեղ չի: Ինձ հայտնի է, որ նա երեկ շտարի հետ ժամանել է Բախմուտկին և հիմա այստեղ է:

— Դա մեզ հայտնի չի:

— Դե լավ, էլի, ընկերներ: Ինձ հայտնի է, իսկ ձեզ հայտնի չէ... Դա ուղղակի գաղտնիք չէ, մանավանդ որ այդ մասին արդեն իմացել են ձեր թշնամիները:

— Գնա, գնա:

— Ես գնում եմ: Դե ուրեմն ինձ տարեք Բողատիրյովի մոտ:

— Լոիր, ծառայություն կանոններով ինձ չի թույլատրվում քեզ հետ խոսել:

— Իսկ պորտսիգարը վերցնելը թույլատրվո՞ւմ է ծառայության կանոններով:

— Շատ էլ չի թույլատրվում... Գնա ու սուս արա, թե չէ հիմի շինելդ էլ կհասնեմ: Ի-ի՛հ, նեղացողիս մտիկ:

Հարյուրյակի հրամանատարին հազիվ զարթեցրին: Նա բոռնցքներով երկար տրորում էր աչքերը, հորանջում, դեմքը կնճռոտում և ոչ մի կերպ չէր կարողանում ըմբռնել այն, ինչ որ նրան ասում էր դասակապիտի ուրախացած օգնականը:

— Ո՞վ ես: Սերդորյան գնդի հրամանատարը: Հո չե՞ս փշում: Տուր փաստաթղթերդ:

Մի քանի թուպից հետո նա կարմիր հրամանատարի հետ գնաց բրիգադի հրամանատար Բոգատիրյովի բնակարանը: Բոգատիրյովը հենց որ լսեց, թե բռնված ու բերված է Սերդորյան գնդի հրամանատարը, վեր թռավ բոլորովին սթափված: Նա կոճկեց շալվարը, տաքատակալը գցեց իր ամրակազմ ուսերին, վառեց հինգ գծանի լամպիկը, հարցրեց դուռնի մոտ ձիգ կանգնած կարմիր հրամանատարին.

— Դուք Սերդորյան գնդի հրամանատարն եք:

— Այո, ես Սերդորյան գնդի հրամանատար Վորոնովսկին եմ:

— Նստեցեք:

— Շնորհակալ եմ:

— Ձեզ ինչպե՞ս... ի՞նչ պայմաններում բռնեցին:

— Ես ինքս էի գալիս ձեզ մոտ: Ես ուզում եմ ձեզ հետ առանձին խոսել: Հրամայեցեք, որ կողմնակիները դուրս գնան:

Բոգատիրյովը ձեռքով արավ, և կարմիր հրամանատարի հետ եկած հարյուրապետն ու բերանը բաց կանգնած տանտերը, որ շիկակարմիր մորուքով մի հնդկական էր, — դուրս ելան: Բոգատիրյովը շփելով բոլորովին կնտած, թուխ ու ձմերուկի պես կլոր գլուխը, միայն տակի կեղտոտ շապկով նստել էր սեղանի առաջ: Նրա դեմքը, որ ուռած թշերով էր և անհարմար քնից առաջացած կարմիր բծերով, զուսպ հետաքրքրություն էր արտահայտում:

Վորոնովսկին, ցածրահասակ, ամրակազմ մի մարդ, որ քիպ նստած շինելով էր և ուսերից գցած սպայական փոկե-

րով, շտկեց ուղիղ ուսերը. նրա ակ, ժայռատ բեղերի տակին սահեց ժպիտը:

— Հուսով եմ, որ սպայի հետ պատիվ ունեմ խոսելու, այո՞: Թույլ տվեք երկու խոսք իմ մասին, հետո արդեն խոսենք այն միտքայի մասին, որով ես ձեզ մոտ եմ եկել... Ես ծագումով ազնվական եմ և ցարական բանակի շտաբս-կապիտան: Գերմանիայի հետ եղած պատերազմի տարիներին ծառայում էի հարյուր տասնյոթերորդ կուսմիթյան հրաձիգ գնդում: Հազար ինն հարյուր տասնութ թվականին մորիլիզացվել էի սովետական կառավարության դեկրետով իբրև կադրային սպա: Ներկայումս, ինչպես արդեն ձեզ հայտնի է, կարմիր բանակում Սերդորյան գնդի հրամանատարն եմ: Գտնվելով կարմիր բանակի շարքերում, ես վաղուց առիթ էի փնտրում անցնել ձեր... բոլշևիկների դեմ պայքարողների կողմը:

— Երկար եք առիթ փնտրել, պարոն շտաբս-կապիտան...

— Այո, բայց ես ուզում էի քավել իմ մեղքը Ռուսաստանի առաջ և ոչ միայն անձնապես անցնել (այդ կարելի էր վաղուց իրագործել), այլև ինձ հետ բերել կարմիրբանակային զորամասը, իհարկե առավելապես առողջ նրա այն տարրերը, որոնք խաբված էին կոմունիստների կողմից ու ներգրավված էին այս եղբայրասպան պատերազմին:

Նախկին շտաբս-կապիտան Վորոնովսկին նեղլիկ, գորշ աչքերով նայեց Բոգատիրյովին ու, նկատելով նրա անվրաստահ ժպիտը, շիկնեց աղջկա նման, վրա տվեց.

— Բնական է, պարոն Բոգատիրյով, որ դուք կարող եք որոշ անվստահություն տածել դեպի ինձ և իմ խոսքերը... Ակներև է, որ եթե ես ձեր տեղը լինեի, նույնպիսի զգացումներ կապրեի: Դուք ինձ թույլ տվեք դա ապացուցել փաստերով... Անհրաժեշտ փաստերով...

Շուտ տալով շինելի փեշը, նա պաշտպանական գույնի շալվարի գրպանից հանեց մի փոքրիկ դանակ, կոացավ այնպես, որ ճեճոցին ուսերից անցկացրած փոկերը, ու զգուշությամբ սկսեց քանդել շինելի պինդ կարված բոլորքը: Մի թուպից հետո քանդած տեղից հանեց դեղնած թղթեր և մի փոքրիկ լուսանկար:

Բոգատիրյովը ուշադրությամբ կարդաց փաստաթղթերը:

Դրանցից մեկում ասված էր՝ «Սույն ներկայացնողը իրոք 117-րդ Լյուբոմիրյան հրաձիգ գնդի պորուչիկ Վորոնովսկին է, որը բուժումից հետո երկու շաբաթվա արձակուրդով մեկնում է իր բնակավայրը,— Սմոլենսկի նահանգը»: Վկայականը կնքված էր և այն ստորագրել էր 14-րդ Սիբիրյան հրաձիգ դիվիզիայի № 8 շրջիկ հոսպիտալի գլխավոր բժիշկը: Վորոնովսկու անվան մյուս փաստաթղթերը անժխտելիորեն ցույց էին տալիս, որ Վորոնովսկին իրոք սպա էր եղել, իսկ լուսանկարից Բոգատիրյովին նայեցին երիտասարդ փոխպորուչիկ Վորոնովսկու ուրախ, նեղլիկ աչքերը: Պաշտպանական գույնի գեղեցիկ ֆրենչի վրա շողում էր սպայական գեորգելյան խաչը, և ուսադիրների կուսական սպիտակությունը է՛լ ավելի պարզ էր երանգավորում փոխպորուչիկի թուխ այտերը, բեղերի մուգ շերտը:

— Ուրեմն ի՞նչ,— հարցրեց Բոգատիրյովը:

— Ես եկել եմ ձեզ հաղորդելու, որ ես իմ օգնականի, նախկին պորուչիկ Վոլկովի հետ միասին ագիտացիա եմ մղել կարմիրբանակայինների մեջ, ու Սիբիրյան գնդի ամբողջ կազմը, իհարկե բացառությամբ կոմունիստների, պատրաստ է ուզածդ թույլին անցնել ձեր կողմը: Կարմիրբանակայինները համարյա բոլորն էլ Սարատովի ու Սամարայի նահանգների գյուղացիներ են: Նրանք համաձայն են կովել բոլշևիկների դեմ: Մեզ անհրաժեշտ է ձեզ հետ իսկույն ևեթ համաձայնության գալ գնդի անձնատուր լինելու պայմանների մասին: Գունդը այժմ գտնվում է Ուստ-Խոպերսկում, ունի մոտ հազար երկու հարյուր մարտիկ, կոմբոյջուցում կան երեսուներե մարդ, պլյուս երեսուն հոգի տեղական կոմունիստներից կազմված դասակը: Մենք կվերցնենք մեզ միացրած մարտկոցը, ըստ որում հավանորեն հարկավոր կլինի ոչնչացնել անձնակազմը, որովհետև այնտեղ գերակշռող մեծամասնությունը կոմունիստներ են: Իմ կարմիրբանակայինների մեջ հուզմունք է տեղի ունենում այն ծանրությունների պատճառով, որ նրանց հայրերը կրում են շերտիվ պարենային մասնատրման: Մենք օգտվեցինք այդ հանդամանքից և նրանց համոզեցինք անցնել կազակների կողմը... այսինքն՝ ձեր կողմը: Իմ զինվորները վախենում են, որ շիրի թե գնդի անձնատուր լինելու ժամանակ

նրանց դեմ բռնություն գործադրվի... Ահա այս հարցի շուրջը ես պետք է պայմանագրվեմ ձեզ հետ, իսկ դրանք, իհարկե, մասնավոր բաներ են:

— Ի՞նչ բռնություն կարող է լինել:

— Դե, սպանություններ, կողոպուտներ...

— Ոչ, այդ շենք թույլ տա:

— Ու մի բան էլ. զինվորները պահանջում են, որ Սիբիրյան գունդը պահպանվի իր կազմով ու բոլշևիկների դեմ կովի ձեզ հետ միասին, բայց որպես ինքնուրույն մարտական միավոր:

— Ես այդ մասին ձեզ...

— Գիտեմ, գիտեմ: Դուք կբանակցեք ձեր բարձրագույն հրամանատարությունից հետ և կհայտնեք մեզ:

— Այո, ես պետք է հաղորդեմ Վեշկի:

— Ներեցեք, ես խիստ քիչ ժամանակ ունեմ, ու եթե մի ավելորդ ժամ ուշանամ, գնդի կոմիսարը կարող է նկատել իմ բացակայությունը: Ես գտնում եմ, որ մենք համաձայնության կգանք անձնատուր լինելու պայմանների մասին: Շտապեցեք հաղորդել ինձ ձեր հրամանատարության որոշումը: Գունդը կարող են փոխադրել Գոնեցի կողմը կամ նոր համալրում կուղարկեն, ու այդպիսով...

— Այո, ես հենց հիմա հատուկ ձեռնարկեմ Վեշկի:

— Մի բան էլ. հրամայեցեք ձեր կազակներին, որ վերադարձնեն իմ զենքերը: Ինձ ոչ միայն զինաթափեցին,— Վորոնովսկին կտրեց իր կոկիկ խոսքը և կիսով չափ շփոթվելով ժպտաց,— այլև վերցրին... պորտսիգարա: Այդ, իհարկե, դատարկ բան է, բայց պորտսիգարը ինձ համար թանկ է իբրև գերդաստանական առարկա...

— Ձեզ ամեն ինչ կվերադարձնեն: Ինչպե՞ս հաղորդեմ ձեզ, երբ Վեշկիից պատասխան ստանամ:

— Երկու օրից հետո Ուստ-Խոպերսկից մի կին կգա ձեզ մոտ, Բախմուտկին: Նշանաբանը... ասենք թող լինի «միություն»: Նրան էլ կհաղորդեք: Անսպասյան բանավոր կերպով...

Կես ժամից հետո Մակասան հարյուրյակի կազակներից մեկը քառատրոփով սլանում էր դեպի արևմուտք, Վեշնակայա...:

Մյուս օրը Կուղինովի անձնական սուրհանդակը ժամանեց Բախմուտկին, գտավ բրիգադի հրամանատարի բնակարանը և նույնիսկ չկապելով ձին, մտավ տուն, Գրիգորի Բոգատիրյովին տվեց մի ծրար՝ «Խիստ շտապ: Բոլորովին գաղտնի» մակագրությամբ: Բոգատիրյովը բուն հետաքրքրություններ կոտրտեց զմուռսե կնիքը: Վերին Դոնի օկրուգային խորհրդի բլանկի վրա պոչավոր տառերով, հենց Կուղինովի ձեռքով գրված էր.

«Բարի աջողում, Բոգատիրյով: Խիստ ուրախալի նորություն է: Քեզ լիազորում ենք բանակցություններ մղել սերդոբցիների հետ և ամեն կերպ համոզել նրանց, որ անձնատուր լինեն: Առաջարկում եմ զիջումներ անել նրանց ու խոստանալ, որ գունդը ամբողջովին կընդունենք և նույնիսկ շենք դիմաթափի: Անվերապահ պայման դիր, որ բունվեն ու հանձնվեն գնդի կոմունիստները, կոմիսարը և որ զլխավորն է՝ մեր Վեշնակու, Ելանակու և Ուսա-Նոսպերակու կոմունիստները: Քող անպայման բերեն մարտկոցը, գումակը, նյութական մասը: Ամեն կերպ արագացրու այդ գործը: Որքան կարելի է շատ ուժ կենտրոնացրու այնտեղ, ուր ժամանելու է գունդը, կամաց-կամաց շրջապատիր և իսկույն սկսիր զինաթափումը: Եթե դիմադրեն, կոտորիր բոլորին մինչև վերջին մարդը: Գործիր զգուշությամբ, բայց վճռականորեն: Հենց որ զինաթափես, ամբողջ գունդը ուղարկիր Վեշնակայա: Նրանց քշիր Դոնի աջ կողմով, այդպես ավելի հարմար է, որովհետև այդ կողմից թե՛ Ֆրոնտը հեռու կլինի և թե՛ տափաստանն էլ մերկ է,— չեն կարողանա փախչել, եթե խելքներին փշի այդպիսի փորձ անել: Նրանց ուղարկիր Դոնի ափով, խուտորների միջով, իսկ նրանց ուղեկցելու համար երկու հեծյալ հարյուրյակ կարգիր: Վեշնակում մենք նրանցից երկուական, երեքական մարտիկ կուղարկենք հարյուրյակները: Կասենք, թե ոնց կխփեն յուրայիններին: Հետո արդեն մեր գործը չի, թե ինչ կլինի. կմիանանք մերոնց, որոնք Դոնեցի մյուս կողմումն են, այն ժամանակ մերոնք թող դատեն նրանց ու ինչպես ուզենան, այնպես էլ վարվեն նրանց հետ: Ինձ համար մեկ է,— թեկուզ բոլորին էլ կախեն: Չեմ ափսոսի: Ուրախանում եմ քո հաջողությամբ: Ամեն օր հաղորդիր հատուկ սուրհանդակով: Կուղինով:»

Նամակին ավելյացրած էր.

«Եթե սերդոբցիները հանձնեն մեր տեղական կոմունիստներին, սրանց ամեն հակողության տակ քշիր Վեշնի, նույնպես խուտորների միջով: Բայց ակզում ուղարկիր սերդոբցիներին: Հանձնարարիր ուղեկցորդ նշանակել

ամենահուսալի կազակներին (ովքեր ավելի դաժան են ու ծեր են), թող դրանք քշեն-տանեն նրանց և վազորոք այդ մասին լայն շափով հաղորդեն ժողովրդին: Հարկ չկա: որ մենք ձեռներս աղտոտենք նրանց վրա, կնանիքը նրանց կկոտորեն ցցերով, եթե գործը հմուտ ու խելացի կերպով դրվի: Հասկացա՞ր: Այս քաղաքականությունը մեզ ավելի ձեռնտու է. եթե նրանց գնդակահարենք, լուրը կարմիրներին էլ կհասնի, կասեն՝ քեզինքնին գնդակահարում ենք. իսկ այդպես ավելի լավ է,— ժողովրդին սրտով նրանց դեմ, մարդկանց բարկությունը, ոնց որ կապած շանը, բաց թողնել նրանց վրա: Ինքնադատաստան, պրծավ-գնաց: Ոչ քեզ հարցնող կլինի, ոչ էլ պատասխան կտաս:»

XLVIII

Ապրիլի 12-ին Առաջին Մոսկովյան գունդը շարաշար տուժեց ապստամբների դեմ մղած կռվում, Ելանակայա ստանիցայի Անտոնով խուտորի մերձակայքում:

Լավ ծանոթ շլինելով տեղանքին, կարմիրբանակային շղթաները կռվով մտան խուտոր: Կազակական ցաք ու ցրիվ տները գտնվում էին ավազախան, պինդ, փոքրիկ հողամասերի, ասես կղզիների վրա, իսկ ցախով հատակած փողոցներն ու նրբանցքները ձգվում էին անանցելի, ճահճային խրուտներով: Խուտորը ընկղմված էր լաստենու խիտ մացառուների մեջ, ճլոտ, ճահճային տեղանքում: Նրա ծայրից հոսում էր Ելանակա գետակը, որ ծանծաղ էր, բայց տիղմոտ խրուտ հատակով:

Առաջին Մոսկովյան գնդի հրաձիգները շղթա կազմած շարժվեցին խուտորի միջով, բայց հենց որ անցան առաջին տները ու մտան լաստենուտը, պարզվեց, որ անկարելի է շղթայով անցնել լաստենուտից: Զորը գումարտակի հրամանատարը,— կամակոր մի լատիշ,— շլսեց մի վաշտապետի փաստարկները, որ հազիվ էր ազատել խորունկ տիղմի մեջ խրված իր ձին, հրաման տվեց՝ «Դեպի առաջ», ու առաջինը համարձակորեն ընթացավ թույլ, երերուն գետնի վրայով: Փոքր-ինչ տատանվելով, կարմիրբանակայինները հետևեցին նրան ձեռների վրա տանելով գնդացիները: Մինչև ծնկները տիղմի մեջ թաղվելով, անցան մի հիսուն սածեն, ու հենց այստեղ աչ թևից շղթայով մեկ հաղորդեցին՝ «Շըր-շանց՝ մե՛ն», «Կազակները», «Շըջապատեցին»:

Ապստամբութեան երկու հարչուրյակ իսկապես շրջանցեցին գումարտակը, խփեցին թիկունքից:

1-ին ու 2-րդ գումարտակները լաստենուտում կորցրին իրենց կազմի համարյա մեկ երրորդ մասը, նահանջեցին:

Այս մարտում Իվան Ալեքսեևիչը ոտքից վիրավորվեց ապստամբների ինքնագործ գնդակով: Միշկա Կոշևոյը նրան գրկած՝ դուրս բերեց կովից և սվինահար անելու սպառնալիքով մի կարմիր բանակայինի ստիպեց նրան վերցնել փամփուշտների իր սալյակի վրա, որ սլանում էր թմբի վրայով:

Գունդը ետ շարտվեց, քշվեց մինչև Ելանսկի խուտորը: Պարտությունը կործանարար հետևանք ունեցավ Դոնի ձախ կողմով առաջացող կարմիրբանակային զորամասերի հարձակման համար: Մալկինը ստիպված եղավ Բուկանովսկուց ռսան վերստ ետ քաշվել դեպի Տյուսիս, Սլաշևսկայա ստանիցան. հետո էլ, նեղվելով ապստամբական ուժերից, որոնք կատաղի հարձակում էին գործում ու թվով բազմապատիկ չափով գերազանցում էին նրա զուգազից, սառցահոսանքից մի օր առաջ անցավ խոպերը, ջրասույզ անելով մի քանի ձի, ու շարժվեց դեպի Կուսիլժենսկայա ստանիցան:

1-ին Մոսկովյան գունդը, որի ճանապարհը խոպերի գետաբերանում փակել էր սառցահոսանքը, Դոնի վրայով անցավ նրա աջ ափը. սպասելով համալրման, կանգ առավ Ուստ-խոպերսկայա ստանիցայում: Շուտով Սերգորբյան գունդը ժամանեց այնտեղ: Նրա կադրերն իրենց կազմով խիստ տարբերվում էին 1-ին Մոսկովյան գնդի կադրերից: Բանվորները, — մոսկովացիները, տուլացիները, նիժնի-նովգորդբլները, որոնք Մոսկովյան գնդի մարտական միջուկն էին կազմում, — կովում էին արիաբար, համառորեն, հաճախ ձեռնամարտի էին բռնվում ապստամբների հետ, ամեն օր սողանված ու վիրավորված տասնյակ մարտիկների կորուստ էին ունենում: Միայն Անտոնովսկում պատրաստված թակարդը ժամանակավորապես շարքից հանեց գունդը, բայց, նահանջելով, նա ոչ մի գումակային փամփուշտատար սայլակ. ոչ մի արկղ փամփուշտ չթողեց թշնամիներին: Իսկ սերգորբյանների մի վաշտ Յագոդինսկի խուտորի մոտ հենց առաջին կովում շղիմացավ ապստամբների հեծելազորային

գրոհին. տեսնելով կազակների հոծ շղթան, թողեց խրամատները և անկասկած ամբողջովին կթրատվեր, եթե չլինեին գնդացրորդ կոմունիստները, որոնք գնդացրային մըրրկանման կրակով ետ մղեցին գրոհը:

Սերգորբյան գունդը հապճեպորեն կազմվել էր Սերգորբյակ քաղաքում: Կարմիրբանակայինների մեջ, որոնք բոլորն էլ Սարատովի նահանգի չափահաս գյուղացիներ էին, պարզապես այնպիսի տրամադրություններ էին նկատվում, որոնք բնավ չէին նպաստում մարտական ոգու բարձրացման: Վաշտերում չափից դուրս շատ էին անգրագետները և գյուղի ունեոր-կուլակային տարրերին պատկանողները: Գնդի հրամարկավոր կեսը կազմված էր նախկին սպաներից. կոմիսարը, — թույլ բնավորություն ունեցող և կամքից զուրկ մի մարդ, — կարմիրբանակայինների մեջ հեղինակություն չունեցող զավաճանները, — գնդի հրամանատարը, շտաբի պետը և երկու վաշտապետ, մտադրված լինելով գունդը հանձնել ապստամբներին, ոչինչ չտեսնող բջիջի աչքի առաջ, կոնսուր-նեոլյուցիոն կերպով տրամադրված, գնդի մեջ խցկված կուլակների միջոցով հանցավոր աշխատանք էին կատարում կարմիրբանակային մասսայի բարոյալքման համար, հմուտ կերպով ագիտացիա էին մղում կոմունիստների դեմ, թերահավատություն էին սերմանում ապստամբության ճնշման պայքարի հաջողության նկատմամբ՝ նախապատրաստելով գնդի անձնատուր լինելը:

Շտոկմանը, որ երեք սերգորբյանների հետ մի բնակարանում էր գտնվում, անհանգստություն հետամուտ էր լինում կարմիրբանակայիններին և վերջնականապես համոզվեց գնդի վրա կախված լրջագույն սպառնալիքի հարցում, երբ մի անգամ խիստ ընդհարվեց սերգորբյանների հետ:

Ամսի 14-ին, արդեն մթնշաղին 2-րդ վաշտի երկու սերգորբյակ եկան նրա բնակարանը: Նրանցից մեկը, Գորիզասով ազգանունով, առանց բարե տալու, նողկալի ժպիտը երեսին նայելով Շտոկմանին և մահճակալի վրա պատկած Իվան Ալեքսեևիչին, ասաց.

— Այ՛ թե կովելով ուր հասանք: Տանը մեր հարազատներից վերցնում են հացը, իսկ այստեղ ստիպված ես կովել հայտնի չէ ինչի համար...

— Քեզ հայտնի չէ՞, թե ինչի համար ես կոչվում, հա՞ն՜ ա,— խիստ տոնով հարցրեց Շտոկմանը:

— Այո, հայտնի չէ: Կազակները նույնպիսի հողագործներ են, ինչպես և մենք: Գիտենք, թե նրանք ինչի դեմ են ապստամբել: Գիտենք...

— Իսկ դու գիտե՞ս, սրիկա, թե ում լեզվով ես խոսում. սպիտակ գվարդիականի լեզվով,— տաքացավ սովորաբար զուսպ Շտոկմանը:

— Դու սրիկա ասելուց վաղն արի, հա՛ն-ա, թե չէ կըրըմ֊ փացնեմ բեղերիդ... Լսո՞ւմ եք, տղերք, հլա սրա՛ն մտիկ:

— Կամաց, կամաց, մորուքավոր: Մենք շատ ենք տեսել ձեզ նմաններին,— մեջ մտավ մի ուրիշը, որ ցածրահասակ էր, պինդ՝ ինչպես ալյուրով լեփ֊լեցուն ջվալը.— Կարծում ես եթե կոմունիստ ես, ուրեմն մեր բեկի՞ն պիտի չոքիս: Զգո՛ւյշ, թե չէ կզարկենք ու դուրս կթափենք քո եռանդը:

Նա իր մարմնով պաշտպանեց լղարիկ Գորիգասովին, քշեց Շտոկմանի վրա՝ կարճլիկ, ուժեղ ձեռները մեջքին դրած, խաղացնելով աչքերը:

— Այդ ի՞նչ է... Բոլորդ էլ սպիտակների պե՞ս եք տրամադրված,— շնչասպառ հարցրեց Շտոկմանը և ուժով ետ հրեց իրեն վրա տվող կարմիրբանակայինին:

Վերջինս ճոճվեց, կարմրատակեց, ուզում էր բռնել Շտոկմանի թևից, բայց Գորիգասովը զսպեց նրան.

— Թող, գործ չունես:

— Դրանք կոնտրոկոլուցիոն խոսքեր են: Մենք ձեզ կդատենք իբրև սովետական իշխանության դավաճանների:

— Ամբողջ գունդը հո չե՞ս ուղարկի տրիբունալ,— պատասխանեց այն կարմիրբանակայիններից մեկը, որոնք Շտոկմանի հետ միևնույն բնակարանում էին գտնվում:

Այդ կարմիրբանակայինին պաշտպանեցին.

— Կոմունիստներին շաքար էլ են տալիս, պապիրոս է՛լ իսկ մեզ համար չկա:

— Սուտ ես ասում,— գոչեց Իվան Ալեքսեևիչը՝ քիչ բարձրանալով մահճակալի վրայից,— ստանում ենք նույնը, ինչ որ դուք...

Շտոկմանը առանց մի խոսք ասելու հագնվեց, զուգս

գնաց: Նրան չպահեցին, բայց ետևից ծաղրական բացականչություններ արեցին:

Շտոկմանը գնդի կոմիսարին գտավ շտաբում: Նրան կանչեց մի ուրիշ սենյակ, հուզված հաղորդեց կարմիրբանակայինների հետ ունեցած ընդհարումը, առաջարկեց ձերբակալել նրանց: Կոմիսարը թիմարելով վառ֊շիկակարմիր մորուքը, լսեց նրան, անվճռականորեն շտկեց եղջերային շըրջանակով ակնոցը:

— Վաղը կհրավիրենք բջջի ժողով, կբննարկենք դրությունը: Իսկ այդ տղաներին ձերբակալելը տվյալ պայմաններում ես հնարավոր չեմ համարում...

— Ինչո՞ւ,— կտրուկ հարցրեց Շտոկմանը:

— Գիտե՞ք, ընկեր Շտոկման... Ես ինքս եմ նկատում, որ մեր գնդում դրությունը անբարենպաստ է, հավանորեն գոյություն ունի մի ինչ֊որ կոնտրոկոլուցիոն կազմակերպություն, բայց չի հաջողվում այն հայտաբերել: Իսկ գնդի մեծամասնությունը նրա ազդեցության տակ է: Գյուղացիական տարերք է, ի՞նչ կարող ես անել: Ես հաղորդել եմ կարմիրբանակայինների տրամադրության մասին և առաջարկել եմ ետ տանել ու լուծել զունդը:

— Ինչո՞ւ դուք հնարավոր չեք համարում հենց այժմ ձերբակալել սպիտակգվարդիականության այդ գործակալներին և ուղարկել դիվիզիայի ուստրիբունալը: Ախր նման խոսակցությունները ուղղակի դավաճանություն են:

— Այո, բայց դա կարող է անցանկալի էքսցեսներ և նույնիսկ ապստամբություն առաջացնել:

— Ահա թե ի՞նչ: Հապա ինչո՞ւ դուք, տեսնելով մեծամասնության այդպիսի տրամադրությունը, վաղուց չեք հաղորդել քաղաքին:

— Ես ձեզ ասացի, որ հաղորդել եմ: Զգիտես ինչու Ուստ֊Մեդվեդիցայից դեռ պատասխան չի գալիս: Հենց որ գունդը ետ կանչեն, մենք խստորեն կպատժենք կարգապահության բոլոր խախտողներին, և մասնավորապես այն կարմիրբանակայիններին, որոնք ասել են այժմ ձեր հաղորդածը...— Կոմիսարը կիտեց հոնքերը, շնչալով ավելացրեց.— Ես կասկածում եմ Վորոնովսկուն և... շտաբի պետ Վոլկովին: Հենց վաղը, բջջի ժողովից հետո ես կմեկնեմ Ուստ֊Մեդվե֊

հիցս: Հարկավոր է շտապ միջոցներ ձեռք առնել այդ վտանգը լիվկիդացնելու համար: Խնդրում եմ ձեզ գաղտնի պահել մեր խոսակցությունը:

— Բայց ինչո՞ւ չի կարելի այժմ կոմունիստների ժողով հրավիրել: Զէ՞ որ ժամանակը չի սպասում, ընկե՛ր:

— Ես հասկանում եմ: Բայց այժմ անկարելի է: Կոմունիստների մեծամասնությունը գտնվում է ուղեկալներում և գաղտնքներում... Ես եմ այդ բանը պահանջել, որովհետև այսպիսի վիճակում անպարտիականներին վտահանն անըզգուշություն կլինի: Մարտկոցն էլ, որտեղ մեծամասնությունը կոմունիստներ են, միայն այս գիշեր կժամանի Կրուտովսկուց: Կանչել եմ գնդում տիրող այս հուզումների կապակցությամբ:

Շտոկմանը վերադարձավ շտաբից, գնդի կոմիսարի հետ ունեցած խոսակցությունը կարճ հաղորդեց Իվան Ալեքսեևիչին և Միշկա Կոշևոյին:

— Դու դեռ չե՞ս կարող քայլել,— հարցրեց նա Իվան Ալեքսեևիչին:

— Կաղում եմ: Առաջ վախենում էի վերքը վնասել, իսկ հիմի ուզես-չուզես պետք է քայլես:

Շտոկմանը գիշերով մանրամասն հաղորդագրություն գրեց գնդի դրուժյան մասին, ու կեսգիշերին արթնացրեց Կոշևոյին: Ծրարը դնելով նրա ծոցը, ասաց.

— Իսկույն ձի գտիր ու թռիր Ուստ-Մեդվեդիցա: Մեռիր, բայց այս նամակը հանձնիր Տասնչորսերորդ դիվիզիայի քաղբաժնին... Քանի՞ ժամից հետո կլինես այնտեղ: Ո՞րտեղ պիտի ձի գտնես:

Միշկան տնքալով, թուխ-կարմրավուն սապոգները քաշեց ոտներին, պաուզաներով պատասխանեց.

— Զին կգողանամ... ձիավոր հետախույզներից, իսկ Ուստ-Մեդվեդիցա կհասնեմ... ամենաշատը... երկու ժամում: Հետախույզության ձիերը լավ չեն, թե չէ... մեկուկես ժամում էլ կհասնեի: Ծառայել եմ իբրև ձիարած... Գիտեմ, թե ինչպես պետք է քամել... ձիու ամբողջ կայտառությունը:

Միշկան ծոցից հանեց ծրարը, դրեց շինելի գրպանը:

— Ինչո՞ւ այդպես,— հարցրեց Շտոկմանը:

— Որ շուտ հանեմ. կթե սերգոբայները բռնեն:

— Հետո՞,— դեռ չհասկացավ Շտոկմանը:

— Էլ ի՞նչ «հետո»: Հենց որ բռնեն, կհանեմ ծրարը և կույ կտամ:

— Ապրե՛ս.— Շտոկմանը մի քիչ ժպտաց, մոտեցավ Միշկային, ու կարծես ծանր նախազգացումից նեղվելով, պինդ գրկեց նրան. ուժեղ համբուրեց սառն, դողողուն շքրթունքներով.— Ին գնա:

Միշկան դուրս գնաց, ձիակապարանից բարեհաջող կերպով արձակեց հեծյալ հետախույզախմբի լավագույն ձիերից մեկը, քայլքով անցավ ուղեկալի կողքից՝ շարունակ ցուցամատը բոլորովին նոր հեծելազորային հրացանի հրահանին պահած, դաշտերի միջով հասավ ճանապարհը: Միայն այնտեղ նա հրացանի փոկը գցեց ուսին, սկսեց սարատովյան կարճապոչ ձիուկից ամբողջ թափով «քամել» դրան ոչ հատուկ կայտառություն:

XLIX

Լուսաբացին մանր անձրև սկսվեց: Աղմկեց քամին: Արեւիկեից բարձրացավ սև, փոթորկաբեր մի ամպ: Այն սերգոբայները, որոնք Շտոկմանի ու Իվան Ալեքսեևիչի հետ մի բնակարանում էին ապրում, հենց որ լույսը մի քիչ բացվեց, վեր կացան, գնացին: Կես ժամից հետո վազեվազ եկավ նլանակու կոմունիստ Տոլկաչևը, որը, ինչպես և Շտոկմանը իր տղերքի հետ, միացել էր Սերգոբայան գնդին: Բանալով դուռը, նա հեռավոր գոչեց.

— Շտոկման, Կոշևոյ, տա՛նն եք, դուրս եկեք:

— Ի՞նչ է պատահել: Եկ այստեղ.— Շտոկմանը դուրս ելավ նախասենյակ՝ քայլելիս հագնելով շինելը.— Եկ այստեղ:

— Փորձա՛նք,— շնչաց Տոլկաչևը՝ Շտոկմանի հուկից մտնելով երկրորդ սենյակը.— Հիմա հետևազորը ստանիցայի մոտ... ստանիցայի մոտ ուզում էր զինաթափել Կրուտովսկուց եկած մարտկոցը: Փոխհրաձգություն եղավ...

Մարտկոցավորները ետ մղեցին հարձակումը, հանեցին թընդանոթների փականքները ու նավակներով անցան Դոնի մյուս կողմը...

— Հետո՞, հետո՞,— շտապեցրեց Իվան Ալեքսեևիչը՝ տնքալով ու սապոզը հագնելով վիրավորված ոտին:

— Իսկ այժմ եկեղեցու մոտ միտինգ է... Ամբողջ գունդը...

— Պատրաստվիր, շո՛ւտ,— հրամայեց Շտոկմանը Իվան Ալեքսեևիչին ու բռնեց Տուկաչևի տաք կուրտկայի թևքից.— Ո՞րտեղ է կոմիսարը, ո՞րտեղ են մյուս կոմունիստները...

— Զգիտեմ... Ոմանք փախան, իսկ ես եկա ձեզ մոտ: Հեռագրատունը գրավված է, ոչ ոքի չեն թողնում... Պետք է փախչել: Բայց ինչպե՞ս փախչել.— Տուկաչևը իրեն կորցրած, ընկավ սնդուկին՝ ձեռները տանելով ծնկների արանքը:

Այդ ժամանակ մուտքի սանդուղքի վրա քայլեր դմբղմբացին, վեց հոգի կարմիրբանակային սերողբեցիներ խմբով ներխուժեցին խրճիթը: Նրանց դմբերը բորբոքված էին, շարվճականություն էին արտահայտում:

— Կոմունիստներ՛ր, եկեք միտինգի, շո՛ւտ:

Շտոկմանը մի հայացք փոխանակեց Իվան Ալեքսեևիչի հետ, բարկություններ իրար սեղմեց շրթունքները.

— Գնանք:

— Զենքերը թողեք: Կովելու չեք գնում,— առաջարկեց սերողբեցիներից մեկը, բայց Շտոկմանը, որպես թե չլսելով, հրացանը կախեց ուսից, առաջինը դուրս եկավ:

Հազար հարյուր կոկորդները տարբեր ձայներով դժժում էին հրապարակում: Ուստ-Նոպերսկայա ստանիցայի բնակիչները չէին երևում: Նրանք թաքնվել էին տներում՝ վախենալով իրադարձություններից (դրանից մի օր առաջ ստանիցայում համառ լուրեր էին պտտվում, թե գունդը միանում է ապստամբներին, և ստանիցայում կարող է կռիվ լինել կոմունիստների հետ): Շտոկմանը առաջինը մոտեցավ կարմիրբանակայինների խուլ աղմկող բազմությունը, դեռ ու դեռ նայեց՝ որոնելով գնդի հրամանատարական կազմից որևէ մեկին: Նրա կողքից անցկացրին գնդի կոմիսարին: Երկու կարմիրբանակային բռնել էին նրա թևերից: Գոճառ կոմիսարը, որին հրում էին ետևից, մտավ շարք չկանգնած

կարմիրբանակայինների բազմության մեջ: Շտոկմանը մի քանի րոպե նրան կորցրեց աչքից, հետո էլ տեսավ արդեն ամբոխի մեջտեղում, ինչ-որ մեկի տանից բերված թղթախաղի սեղանի վրա կանգնած: Շտոկմանը նայեց շուրջը: Իր ետևում, հրացանին հենված, կանգնել էր կաղ դարձած Իվան Ալեքսեևիչը, իսկ վերջինիս կողքին— այն կարմիրբանակայինները, որոնք եկել էին նրանց տանելու:

— Ընկեր կարմիրբանակայիններ,— թույլ հնչեց կոմիսարի ձայնը,— միտինգ անել այսպիսի ժամանակ, երբ թընամին այնքան մոտիկ է գտնվում... Ընկերներ՛ր:

Նրան թույլ չտվին շարունակել ճառը: Սեղանի մոտ, ասես քամուց ծածանվելով, ճոճվեցին կարմիրբանակայինների մոխրագույն փափախները, օրորվեց սվինների սև անտառը, դեպի սեղանը մեկնվեցին սեղմված բռունցքները, հրապարակով մեկ, ինչպես կրակոցներ, հնչեցին կատաղի, կարճ ճշոցները.

— Ընկերներ՛ր դարձանք:

— Հլա հանի՛ կաշվե տուժուրկադ:

— Խաբեց, էլի՛:

— Ո՞ւմ դեմ եք կռվի տանում:

— Քաշի՛ դրա ոտներից:

— Շրմփացրո՛ւ:

— Սվինով խփեք:

— Պրծավ դրա կոմիսարությունը:

Շտոկմանը տեսավ, թե ինչպես մի վիթխարի, տարեց կարմիրբանակային բարձրացավ սեղանի վրա, ձախ ձեռքով բռնեց կոմիսարի կարճ, շիկակարմիր, լայն մորուքից: Սեղանը ճոճվեց, և կարմիրբանակայինն ու կոմիսարը ընկան սեղանի շուրջը կանգնածների մեկնված ձեռների վրա: Այնտեղ, ուր քիչ առաջ թղթախաղի սեղանն էր, եռաց շինելների գորշ զանգվածը. կոմիսարի մենավոր, հուսահատական ճիշմարեց ձայների միաձուլ որոտմունքում:

Շտոկմանը անմիջապես նետվեց այնտեղ: Անողորմաբար հրելով, աքացելով գորշ շինել հագածների մեջքերը, նա համարյա վազեվազ անցնում էր այնտեղ, որտեղից խոսել էր կոմիսարը: Նրան չէին կանգնեցնում, այլ բռունցքներով ու հրացանների կոթերով հրում, խփում էին մեջքին, ծոծրակին,

ուսից պոկեցին հրացանը, գլխից՝ կարմիր կարկաչով կազակական փափախը:

— Ո՛ւր ես քշում, սատանա... — գայրույթով բղավեց կարմիրբանակայիններից մեկը, որի ոտը սեղմել ու ցավ էր պատճառել Շտոկմանը:

Ոտները վերև շուռ տված սեղանի մոտ կարճահասակ մի դասակարգի փակեց Շտոկմանի ճանապարհը: Գորշ գառնենու նրա փափախը ընկել էր ծոծրակին, շինելի կոճակները արձակված էին. աղյուսագույն-կարմիր դեմքից քրտինք էր հոսում, բորբոքված, վայրագ կատաղությունից կայծկլտող աչքերը ծուռ հայացքներ էին նետում:

— Ո՛ւր ես գոռում, է՛:

— Խոսք տվեք, խոսք տվեք շարքային մարտիկին... — իռպոտ գոչեց Շտոկմանը հագիվ շունչ առնելով, ու սեղանը վայրկենապես դրեց ոտների վրա: Նրան նույնիսկ օգնեցին սեղանի վրա բարձրանալու: Բայց հրապարակով մեկ դեռ թնդում էր ցասկոտ մռնչոցը, ու Շտոկմանը ձայնալարերի ամբողջ զորեղությունը գոռաց. — Լո՛ւ-ե՛լ... — ու կես ըրպեից հետո, երբ աղմուկը մի քիչ մեղմացավ, նա կերկրուն ձայնով, հազը խեղդելով, սկսեց խոսել. — Կարմիրբանակայիններ, ամոթ ձեզ: Ամենածանր ըրպեին դուք դավաճանում եք ժողովրդի իշխանությունը: Դուք տատանվում եք, երբ հարկավոր է պինդ ձեռքով հարվածել թշնամու հենց սըրտին: Դուք միտինգ եք անում, երբ Սովետական երկիրը շքնապատ է լինում թշնամիների օղակի մեջ: Դուք կանգնած եք ուղղակի դավաճանության սահմանին: Ինչո՞ւ-ու: Ձեր դավաճան հրամանատարները ձեզ ծախել են կազակական գեներալներին: Նրանք, նախկին սպաները, շարդարացրին սովետական իշխանության վստահությունը, և օգտվելով ձեր սոցիալականությունից, ուզում են զունդը հանձնել կազակներին: Ուշքի եկեք: Ուզում են ձեր ձեռքով օգնել՝ խեղդելու բանվորա-գյուղացիական իշխանությունը:

Չ-րդ վաշտի հրամանատարը, նախկին պրապորշչիկ Վեյստմինստերը, որ կանգնած էր սեղանից քիչ հեռու, բարձրացրեց հրացանը, բայց Շտոկմանը նկատելով նրա շարժումը, գոռաց.

— Չհամարձակվե՛ս: Սպանել միշտ էլ կարող ես: Խոսքը

կոմունիստ-մարտիկինն է: Մենք, կոմունիստներս մեր ամբողջ կյանքը... մեր ամբողջ արյունը... կաթիլ կաթիլ... — Շտոկմանի ձայնը վերածվեց սարսափելի լարվածություն լեցուն տենորի, դեմքը մահու գունատություն ստացավ ու ծանովեց, — տվել ենք բանվոր դասակարգին... Ճնշված գյուղացիությունը ծառայելու գործին: Մենք սովոր ենք անվեհեր կերպով նայել մահվան: Դուք կարող եք սպանել ինձ...

— Լսե՛լ ենք:

— Հեռիք է խաղերը:

— Թողեք ասեմ:

— Դեհ, սակի՛ր:

— ...սպանել ինձ, բայց ես կրկնում եմ՝ ուշքի եկեք:

Հարկավոր է ոչ թե միտինգ անել, այլ գնալ սպիտակների դեմ. — Շտոկմանը նեղլիկ աչքերով նայեց կարմիրբանակայինների հանդարտած բազմությունը և իրենից քիչ հեռու տեսավ գնդի հրամանատար Վորոնովսկուն: Սա ուսուսի տրված կանգնել էր մի ինչ-որ կարմիրբանակայինի հետ. բռնազրոսիկ ժպտալով, ինչ-որ շշնջում էր նրա ականջին. — Ձեր գնդի հրամանատարը...

Շտոկմանը պարզեց ձեռքը՝ ցույց տալով Վորոնովսկուն. բայց վերջինս ձեռքը տանելով բերանին, անհանգստությունը ինչ-որ շշնջաց իր կողքին կանգնած կարմիրբանակայինին, ու Շտոկմանը դեռ չէր վերջացրել նախադասությունը, երբ խոնավ օդում, որ հագեցված էր թարմ անձրևի ապրիլյան զովությունը. խուլ ճայթեց կրակոցը: Հրացանի կրակոցի ձայնը լիահնչուն չէր, ցածր էր, ասես մտրակի ծայրով էին հարված տվել, բայց Շտոկմանը ձեռները տանելով կրծքին, ընկավ ծնկների վրա, կախեց բաց, ալեխառն գլուխը... Եվ իսկույն, ճոճվելով, նորից ոտքի ելավ:

— Օսիպ Դավիդովիչ, — հառաչեց Իվան Ալեքսեևիչը՝ տեսնելով վեր թռած Շտոկմանին, ջանալով մոտենալ նրան, բայց արմունկներից բռնեցին իրեն, շշնջացին.

— Լո՛իր, տա՛գ արա: Տո՛ւր այստեղ հրացանդ, սրիկա՛:

Իվան Ալեքսեևիչին զինաթափեցին, խառնխոսեցին նրա գրպանները. տարան հրապարակից: Դրա զանազան մասերում զինաթափում ու ձերբակալում էին կոմունիստներին: Նրբանցքում, վաճառականական մի ցածր տան մոտ գիյ

ճայթեց հինգ թե վեց կրակոց. սպանեցին մի կոմունիստ գնդացորդի, որը չէր հանձնում Լյուիսի գնդացիրը:

Իսկ այդ ժամանակ Շտոկմանը վարդազույն արյամբ ողողված շուրթերով, ջղաձգաբար ցնցվելով, մեռելի պես ամբողջովին սպիտակ, մի բուպե ճոճվեց թղթախաղի սեղանի վրա, ու լարելով վերջին, շքացող ուժերը, կամքի մնացորդը, դեռ կարողացավ բղավել.

— ...Ձեզ մոլորեցրել են... Դավաճանները... Նրանք իրենց համար կվաստակեն ներումն, սպայական նոր աստիճաններ... Բայց կոմունիզմը կապրի... Ընկերներ... Խելքի եկեք...

Ու Վորոնովսկու կողքին կանգնած կարմիրբանակայինը նորից հրացանի կոթը դեմ արեց ուսին: Երկրորդ կրակոցը Շտոկմանին գցեց երեսի վրա, սեղանի վրայից նա ընկավ կարմիրբանակայինների ոտների տակ: Իսկ սերդոբցիներից մեկը, որ երկար բերանով էր, տափակ առամներով, ծաղիկ հիվանդությունից չնշտած դեմքով, ջահելավարի թռավ սեղանի վրա, հնչեղ ձայնով գոռաց.

— Մենք այստեղ գանազան խոստումներ շատ ենք լսել, բայց այդ բոլորը, թանկագին ընկերներ, հենց միայն փույց ու սպանալիք է: Գլորված, ընկած է այս մորուքավոր հոստորը, բայց շունը շան մահով էլ մեռնում է: Մահ կոմունիստներին, աշխատավոր գյուղացիության թշնամիներին: Ընկերներ, թանկագին մարտիկներ, ես կասեմ, որ մեր աչքերը հիմա բաց են: Մենք գիտենք, թե ում դեմ պետք է գնալ: Զորորինակ, մեզ մոտ, Վոլսկի գավառում ի՞նչ էր ասված. ժողովուրդների հավասարություն, եղբայրություն. այ թե ինչ էին ասել խաբեբա կոմունիստները... Իսկ հետո ի՞նչ դուրս եկավ: Այ, թեկուզ իմ հայրիկը. մեզ ուղարկել է տեղեկություն ու արտասովալի մի նամակ, գրում է, թե օրը ցերեկով խայտառակ թալան է կատարվում: Նույն այդ իմ հայրիկի ամբողջ հացը սրբել-տարել են ու աղացք վերցրել, իսկ դեկրետը այդպե՞ս է խոսում աշխատավոր գյուղացիության մասին: Եթե այդ պատիկ աղացք իմ ծնողների աշխատավորական քրտինքով է ձեռք բերված, ապա, ես ձեզ հարցնում եմ, բա դա կոմունիստների թալանը չի՞: Խփե՛լ նրանց, ջարդել ու արյունլվիկ անել:

Հոստորին չվիճակվեց վերջացնել ճառը: Արևմուտքից ապստամբական երկու հեծյալ հարյուրյակ վարպետով մտան Ուտ-Խոպերսկայա ստանիցան, Դոնի շրջակա լեռների հարավային լանջերից իջնում էր կազակական հետևազորը, մի կիսահարյուրյակի պահպանությունը իր շտաբի հետ գալիս էր ճ-րդ ապստամբական առանձին բրիգադի հրամանատար խորունժի Բոգատիրյովը:

Ու իսկույն արևելքից վրա հասած ամպից անձրև տեղաց, հեռվում, Դոնի մյուս կողմում, Խոպերի վրա փովեց որոտի խուլ գոռոցը:

Սերդոբյան գունդը սկսեց հապճեպորեն շարժվել. քառյակներ կազմել: Ու հենց որ սարից երևաց Բոգատիրյովի շտաբային հեծյալ խումբը, նախկին շտաբ-կապիտան Վորոնովսկին կարմիրբանակայիններին մինչ այդ անսովոր, ամպագորգոռ մռնչոցով, դմբդմբալի ձայնով հրաման տվեց, բոռաց.

— Գու՛ր-նդ, զգա-ա-ա՛ստ...

L

Գրիգորի Մելիխովը հինգ օր ապրեց Տատարսկում, այդ ժամանակվա ընթացքում իրենց և զոքանչի համար մի քանի դեսյատին հաց ցանեց, հետո էլ, հենց որ տնտեսությունը կարողացավ նիհարած, ոչլոտած Պանտելեյ Պրակոֆևիչը եկավ հարյուրյակից, — պատրաստվեց մեկնելու իր գործասար, որ առաջվա պես գտնվում էր Զիրի ափերին: Կուղինովը գաղտնի նամակով հաղորդել էր նրան Սերդոբյան գնդի հրամանատարության հետ սկսված բանակցությունների մասին, խընդրել էր վերագառնալ, ընդունել դիվիզիայի հրամանատարությունը:

Այդ օրը Գրիգորին պատրաստվեց մեկնել Կարգինսկայա: Մեկնելուց առաջ կեսօրին ձին տարավ Դոն, ջրելու, և իջնելով դեպի ջուրը, որ բարձրացել-հասել էր համարյա մինչև բանջարանոցների ցանկապատերը, տեսավ Ակսինյային: Արդյո՞ք Գրիգորին այդպես թվաց, թե՞ Ակսինյան իսկապես դիտմամբ էր հապաղում՝ ծուլորեն ջուր վերցնելով, սպա-

սելով նրան, — բայց Գրիգորին ակամա արագացրեց քայլերը, ու բուսեակապես, մինչև հուլիս մոտեցավ Ակսինյային, իր առջևից սլացավ տխուր հուշերի պայծառ երամբ...
Ասելով քայլերի ձայնը, Ակսինյան շուտ եկավ, նրա դեմքի վրա դարձանք արտահայտվեց, որը, անկասկած, շինծու էր, բայց հանդիպումի բերկրանքը, բայց վաղուցվա կսկիծը մասնեցին նրան: Նա ժպտաց իր հպարտ դեմքին շատող այնպիսի ողորմելի, շփոթված ժպտով, որ Գրիգորիի սիրտը դողաց կարեկցութունից ու սիրուց: Կարոտով խայթված, վրա տվող հուշերով պաշարված, նա կանգնեցրեց ձին, ասավ.

— Բարև, թանկագին Ակսինյա:

— Բարև:

Ակսինյայի մեղմ ձայնի մեջ հնչեցին ամենատարտի զգացումների, և՛ զարմանքի, և՛ փայփայանքի, և՛ դառնության նրբերանգները...

— Վաղուց մենք իրար հետ չենք խոսել:

— Վաղուց:

— Ծա արդեն ձենդ էլ եմ մոռացել...

— Այդքան շո՛ւտ:

— Մի՞թե շուտ է:

Գրիգորին բռնել էր իրեն վրա տվող ձիու սանձը, Ակսինյան գլուխը ծռած, լծակի կեռը գցում էր դուլի ունկին, ոչ մի կերպ չէր կարողանում դրանք միացնել: Մի բուսեակապ շփում կանգնեցին: Նրանց գլխավերևից, ասես պարսատիկով նետված, սվսվալով թռավ վայրի մի բադ: Դարափուլի տակ ալիքները խփում, անհագորեն լիզում էին կապույտ կավ-ճասալերը: Վարարած ջրերում, որ հեղեղել էին անտառը, խոնավում էին սպիտակագեղմ ալիքները: Քամին մանրագույն ջրափոշի, քաղցրավուն բույր էր բերում Դոնից, որը ուժգնաթափ հոսանքով սլանում էր դեպի ցածրավայրերը:

Գրիգորին իր հայացքը Ակսինյայի դեմքից փոխադրեց Դոնի մշուս կողմը: Ջրերի մեջ կանգնած դալկաբուն բարդիները օրորում էին մերկ ճյուղերը, իսկ ուռնիները բողբոջներով—աղջկական դինդերով խավակալած, փարթամորեն խոյանում էին ջրերի վրա՝ որպես ամենաթեթև, արտասո-

վոր կանաչ ամպեր: Թեթև սրտնեղում ու դառնութուն արտահայտող ձայնով Գրիգորին հարցրեց.

— Ի՞նչ է... Ծա ու դու մի՞թե խոսելու նյութ էլ չունենք: Ինչո՞ւ ես լռում:

Բայց Ակսինյան կարողացավ հավաքել ինքն իրեն. նրա պաղած դեմքի վրա էլ ոչ մի մկան չդողաց, երբ նա պատասխանեց.

— Մենք ոնց որ թե արդեն խոսել-պրծել ենք...

— Այդպե՞ս է:

— Դե, երևում է, որ այդպես է: Ծառը հո տարենը մի անգամ է ծաղկում...

— Կարծում ես մեր ծառը թոռոմե՞լ է:

— Բա չէ՞:

— Զարմանք բան է այդ բոլորը...— Գրիգորին ձին մոտեցրեց ջրին, ու նայելով Ակսինյային, տխուր ժպտաց.— Իսկ ես, Կսյուշա, իսկի չեմ կարողանում սիրտս քեզնից կտրել: Երեխաներս արդեն մեծացել են, մազերս էլ ճերմակել են կիսով չափ, այսքան տարիներ են անցել ու մեր մեջ անդունդ բացել... Ամա էլի քո մասին եմ մտածում: Երազումս տեսնում եմ քեզ, մինչև օրս էլ սիրում եմ: Մեկ էլ տեսար միտք արի քո մասին, սկսեցի հիշել, թե ոնց էինք ապրում Լիստնիցկինների մոտ... ոնց էինք սիրում իրար... ու այդ հիշողութուններից... Մեկ էլ տեսար, մտաբերելով ողջ կյանքդ, մտիկ ես անում, տեսնում ես, որ նա ոնց որ թե ջատարկ, թարս շուտ տված գրպան լինի...

— Ծա է՛լ... Պետք է գնամ... Շատ խոսեցինք:

Ակսինյան վճռականապես բարձրացրեց դուլները, գարնանային արևից մի քիչ թուխ գույն առած ձեռները դրեց լծակի աղեղնաձև մեջքին, սկսեց բարձրանալ վերև, սակայն հանկարծ դեմքը դարձրեց դեպի Գրիգորին, ու թարմ, նըրբին կարմրութունը հազիվ նկատելի գունազարդեց նրա այտերը:

— Կարծեմ թե մեր սերը, Գրիգորի, սկսվեց հենց այստեղ, այս նավամատուցի մոտ: Մի՞տղ է: Այն օրը կազակներին ճամբար էին ուղարկում,— ժպտալով ասաց նա, և նրա ձայնը ավելի հաստատուն, ուրախ հնչեց:

— Բոլորը միտս է:

Գրիգորին ձին տարավ ախոռ, կապեց մսուրին: Պանտե-
լեյ Պրակոֆեկիչը, որ Գրիգորին ճամփելու համար առաջու-
տից չէր գնացել ցանքերը տափանկելու, դուրս եկավ մարա-
քի շարդախի տակից, հարցրեց.

- Հը՛, շո՛ւտ ես գնալու: Զիտն գարի տա՛մ:
- Ո՞ւր գնամ.— Գրիգորին անուշադիր նայեց հորը:
- Բարի աջողո՞ւմ: Բա կարգին էիր գնալու:
- Ես այսօր չեմ գնա:
- Ինչո՞ւ:

— Այնպես էի՛... միտքս փոխեցի...— Գրիգորին լիզեց
նեքքին ջերմությունից չորացած շրթունքները, հայացքը սա-
հեցրեց երկնքով մեկ.— Ամպեր են հավաքվում, երևի անձ-
րս կլինի, իսկ ինձ համար ի՞նչ հաշիվ է թրջվել անձրևի
տակ:

— Հաշիվ չէ,— համաձայնեց ծերունին, բայց չհավա-
տաց Գրիգորին, որովհետև մի քանի բուսե առաջ անասնոցի
բակից տեսել էր նրան ու Ակսինյային նավամատուցում
խոսելիս: «Էլի սկսվեց սիլի-բիլին,— անհանգստություն
մտածում էր ծերուկը,— չլինի՞ թե էլի ծուռ գործ բունի նա-
տալյայի հանդեպ... Ա՛խ, քո հերն անիծվի, Գրիշկա: Եվ ո՞ւմ
է քաշել այս բուղան, մի՞թե ինձ»: Պանտելեյ Պրակոֆեկիչը
դադարեցրեց կեչու բունը կացնով տաշելը,— դա պետք է
մեխեր սայլակին,— նայեց հեռացող որդու կորացած մեջ-
քին, ու հապճեպորեն քրքրելով հիշողությունը, մտաբերեց,
թե նա ինչպես էր փոքր ժամանակ, ու սրռոջեց. «Ինձ է քա-
շել սատանի ճուտը: Հորից էլ դեմն է անցել այդ շան պոչը:
Թակել՛ դրան, որ էլի չսկսի Ակսինյայի ետևից բնկնել, ըն-
տանիքի մեջ խառնակություն գցել: Ամա ո՞նց թակեա դը-
րան»:

Մի ուրիշ ժամանակ Պանտելեյ Պրակոֆեկիչը տեսնելով,
որ Գրիգորին Ակսինյայի հետ խոսում է առանձնացած,
մարդկանցից հեռու, առանց երկար մտածելու կհասցնե-
ր նրա քամակին որևէ առարկայով, ինչ որ ձեռքն ընկներ, իսկ
այս միջոցին շփոթվեց, ոչինչ չասաց և նույնիսկ ցույց էլ
չտվեց, թե հասկացել է այն իսկական պատճառները, որոնք
Գրիգորին դրդել էին հանկարծակի հետաձգել մեկնումը:
Եվ այդ բոլորը այն պատճառով, որ Գրիգորին հիմա արդեն

ոչ թե «Գրիշկա» էր, խենթ ու խելառ մի ջահել կազակ, այլ
գիլիգիլայի հրամանատար էր, «գեներալ» էր, թեպետև
առանց ուսուղիներրի, ու նրան հազարավոր կազակներ էին
ենթարկվում ու բոլորն էլ հիմա նրան անվանում էին ոչ
այլ կերպ, քան Գրիգորի Պանտելեկիչ: Ինքը, Պանտելեյ Պրա-
կոֆեկիչը, որ ընդամենը «ուրյադնիկի» աստիճան ուներ, էլ
ինչպե՞ս կարող էր ձեռք բարձրացնել գեներալի, թեկուզև
հարազատ որդու վրա: Ենթակարգությունը Պանտելեյ Պրակո-
ֆեկիչին թույլ չէր տալիս նույնիսկ մտածել այդ մասին, դրա
համար էլ Գրիգորիի նկատմամբ նա իրեն զգում էր կաշ-
կանդված, մի տեսակ օտարացած: Ամեն ինչի մեկավորը
Գրիգորիի աստիճանի արտասովոր բարձրացումն էր: Նույ-
նիսկ վար անելիս, մի երկու օր առաջ, երբ Գրիգորին հեր-
սոտ ձայն տվեց նրան՝ «Է՛լ, ի՞նչ ես բերանդ բացել, քշի՛ր
գութանը...»— Պանտելեյ Պրակոֆեկիչը հանդուրժեց այդ, մի
խոնք է՛լ չասաց... Վերջին ժամանակներում նրանց դերերը
կարծես փոխվել էին. Գրիգորին բղավում էր ծերացած հոր
վրա, իսկ վերջինս, զգալով նրա ձայնի հրամայական շեշ-
տը, դես-դեն էր ընկնում, կաղում էր վնասված ոտքից, աշ-
խատում էր գոհացնել...

«Անձրևի՛ց վախեցավ: Անձրև չի լինի, ո՞րտեղից պիտի
լինի, երբ քամին արևելքից է ու երկնքի մեջտեղում մենակ
մի ամպ է թրև գալի: Ասեմ Նատալյային»:

Իր ըմբռնողությունամբ աշխուժացած, Պանտելեյ Պրակո-
ֆեկիչը աճապարեց դեպի խրճիթ, բայց միտքը փոխեց.
վախենալով անախորժությունից, վերադարձավ ու վերսկսեց
տաշել կեչու չորսուն...

Իսկ Ակսինյան հենց որ տուն եկավ, դատարկեց դուլե-
րը, մոտեցավ վառարանի պատին կպցրած հայելուն, ու եր-
կար, հուզված դիտեց իր պառաված, բայց դեռևս գեղեցիկ
դեմքը: Դա ուներ էլի նույն արատավոր ու հմայիչ գեղեց-
կությունը, բայց կյանքի աշունը արդեն դալուկ գույներ էր
առաջացրել այտերի վրա, դեղնեցրել էր կոպերը, սպիտա-
կությունն նոսր ոստայն էր ներհյուսել ևև մազերի մեջ, մա-
րել աչքերը: Գրանք արդեն տխուր հոգնածություն էին ար-
տահայտում:

Ակսինյան մի փոքր կանգնեց, իսկ հետո մոտեցավ մահ:

ճակարհին, ընկավ երեսի վրա ու լացեց այնպիսի հորդառատ, թեթևացուցիչ ու քաղցր արցունքներով, որոնցով վաղուցս վաղուց չէր լացել...

Չմոռանը Դոնի առափնյա լեռան զառիվայրի, վայրէջքի կորնթարդ լանջի վրա, որ հասարակ լեզվով «դուռ» է անձ վանվում, թափառում, ոռնում են ձմեռային ցուրտ քամիները: Դրանք լերկ քարերով ծածկված բլրակից տանում են ձյան սպիտակ փշուրը, կուտակում մի տեղ, ձյան ահագին շերտեր առաջացնում: Վիթխարի ձնակույտը կախվում է դարափոսի վերևից, արևի տակ նա շաքարափայլ-կայծակլուտուն է, մթնշաղիս՝ բաց կապույտ, առավոտները՝ դալուկ-յասամառ նագույն ու արևծագին՝ վարդագույն: Իր լուսթյամբ ահավոր, նա կկախվի առժամանակ, մինչև որ ձնահալքը տակից կքայքայի նրան, կամ ի՛ր իսկ ծանրությամբ բեռնված, կշարժվի կողքից փշող քամուց: Ու այն ժամանակ մղվելով դեպի ներքև. կգահավիժվի խուլ ու մեղմակի դղրդյունով, իր ճանապարհին քարուքանդ անելով փշեմու մանր թփերը, շարդոտելով լանջի վրա վախլուկ կուշ եկած մլեխու ծառերը, իր ետևից շեշտակի քարը տալով ձյան փոշու ահագին, դեպի երկինք բարձրացող, արծաթե փեշը:

Ակսիսյայի բազմամյա զգացմունքին, որ կուտակվել էր ձյան կիտվածքի նման, հարկավոր էր ամենափոքր մի ազդակ: Եվ ազդակ հանդիսացավ հանդիպումը Գրիգորիի հետ, վերջինիս փաղաքուշ խոսքը՝ «Բարև, թանկագին Ակսիսյա»: Իսկ Գրիգորիին՝ Միթե նա թանկագին չէր Ակսիսյայի համար: Միթե այդ բոլոր տարիների ընթացքում Ակսիսյան նրան չէր հիշում ամեն օր, ամեն ժամ, սևեռուն մտքերով շարունակ վերադառնում նրան: Ու ինչի մասին էլ որ մտածեր, ինչ էլ որ աներ, միշտ էլ իր մտորումներում անբաժանելիորեն գտնվում էր Գրիգորիի կողքին: Այդպես ջրհան հարմարանքի կողքից քայլում է կույր ձին՝ առանցքի շուրջը պտտելով ոտոզիչ անիվը...

Ակսիսյան մինչև երեկո պառկեց մահճակալի վրա, հետո վեր կացավ արցունքներից ուռած աչքերով, լվացվեց, սանրվեց, ու ինչպես աղջիկը հարսնատեսից առաջ, սկսեց հագնվել տենդային արագությամբ: Հագավ մաքուր շապիկ,

քորոզ գույնի բրդե շրջագգեստը, ծածկվեց շալով, հարևանցիորեն նայեց հայելուն, դուրս ելավ:

Տատարակու վրա իջել էր մթնակապույտ մթնշաղը: Հեռվում, վարարած ջրերի վրա անհանգիստ կոնչում էին վայրի սագերը: Դոնի առափնյա բարդիների ետևից բարձրանում էր տկար ու դալուկ լուսնյակը: Ջրի վրա ձգված էր լուսնի լուսի երերուն, կանաչավուն շավիղը: Տափաստանից դեռ լուսով վերադարձել էր նախիրը: Բակերում բառաչում էին մատղաշ կանաչից չկշտացած կովերը: Ակսիսյան չկթեց իր կովը: Հորթանոցից նա դուրս քշեց սպիտակառունգ հորթը, թողեց մոր մոտ, ու հորթը շրթունքները ագահությամբ սեղմեց կովի կուրծին՝ խաղացնելով պոչը, լարված տարածելով ետին ոտները:

Դարյա Մելիսովան հենց նոր էր կթել կովը և կաթքամն ու դույլը ձեռքին գնում էր խրճիթ, երբ նրան ձայն տվին ցանկապատի ետևից.

— Դա՛շա:

— Այդ ո՞վ է:

— Ես եմ, Ակսիսյան... Մի բուպե արի ինձ մոտ:

— Այդ ինչի՞ համար ես քեզ հարկավոր եղա:

— Շատ ես հարկավոր: Արի, ի սեր Քրիստոսի:

— Հիմի կաթը կքամեմ, կգամ:

— Դեհ, ես քեզ կսպասեմ բակի մոտ:

— Լավ:

Քիչ հետո Դարյան դուրս եկավ: Ակսիսյան նրան սպասում էր իրենց բակի դռան մոտ: Դարյայից գալիս էր թարմ կաթի տաք բույրը, գոմի հոտը: Նա զարմացավ՝ Ակսիսյային տեսնելով ոչ թե փեշը քշտած, այլ զուգված, մաքուր:

— Գործդ շուտ ես պրծել, հարևանուհի:

— Առանց Ստեպանի գործս քիչ է: Մի կով եմ կթում, համարյա բան չեմ եփում... Այնպես, էլի, մի կտոր շոր բան եմ ուտում, ու պրծավ-գնաց...

— Ինչո՞ւ ես կանչել ինձ:

— Մի բուպե արի մեր տուն, կասեմ: Գործ կա...

Ակսիսյայի ձայնը դողում էր: Դարյան մի քիչ կռահելով խոսակցության նպատակը, լուռ գնաց նրա ետևից:

Ակսիսյան հենց որ մտավ օթխիլը, առանց լույսը վառե-

լու բացեց սնդուկը, խառնխտեց այն, ու իր շոր, տաք ձեռ-
նհերով վերցնելով Դարյայի ձեռքը, սկսեց հապճեպորեն մի
մատանի անցկացնել նրա մատին:

— Այս ի՞նչ էս անում: Ոնց որ թե մատանի է, հը՞: Ի՞նչ
ես տալի, թե ինչ...

— Քե՞զ, քեզ: Ինձանից... հիշատակ...

— Ոսկի՞ է,— գործարար տոնով հարց տվեց Դարյան՝
մոտենալով լուսամուտին, լուսնի աղոտ լույսի տակ զննելով
իր մատին անցկացրած մատանին:

— Ոսկի է: Պահիր մատիդ:

— էհ, Քրիստոս փրկե... Քեզ ի՞նչ է հարկավոր, ինչի՞
համար ես նվիրում:

— Կանչիր... կանչիր ձեր Գրիգորիին:

— էլի՞, հա՞,— Դարյան գլխի ընկավ, ժպտաց:

— Չէ, չէ, օ՛յ, ի՞նչ էս ասում,— վախեցավ Ակսինյան՝
արտասվելու շափ կարմրատակելով,— ես նրա հետ պետք է
խոսեմ Ստեպանի մասին... Կարելի է նրա համար արձա-
կուրդ հաջողացնի...

— Բա դու ինչի՞ չեկար մեզ մոտ: Այնտեղ էլ կխոսեիր
հետը, թե որ գործ ունեիր,— նենգամտորեն ասաց Դարյանը:

— Չէ, չէ... Նատալյան կարող էր ուրիշ բան մտածել...
Անհարմար է...

— Դե լավ, կասեմ թող գա: Ի՞նչ ինչ:

Գրիգորին վերջացրեց ընթրիքը: Վար դրեց գդալը, ծծեց
ու ձեռքով սրբեց խոշարով թրջված բեղերը: Զգալով, որ սե-
ղանի տակ մեկի ոտը դիպում է իր ոտին, նայեց շուրջը,
ու նկատեց, որ Դարյան հազիվ նկատելի կերպով իրեն աշ-
քով արավ:

«Ըթե սա ուզում է հանգուցյալ Պետրոյին ինձանով փո-
խարինել և հիմի դրա մասին որևէ բան ասի, կծեծեմ: Կտա-
նեմ կալը, յուրեկան կկապեմ գլխին ու շան պես կթակեմ»,—
չարացած մտածեց Գրիգորին, որ այդ ամբողջ ժամանակ
մտալլ դեմքով էր ընդունում հարսի խնամքը: Բայց, սեղա-
նից վեր կենալով ու վառելով ծխախոտը, նա դանդաղ դուրս
ելավ: Համարյա անմիջապես դուրս ելավ նաև Դարյան:

Հաշտում անցնելով Գրիգորիի կողքից, քայլելիս կուրծ-
քը հպելով նրան, շշնջաց.

— Փո՛ւ, անզգամ: Կանչում էր քեզ... Գնա՛, էլի՛:

— Ո՞վ,— շունչ առնելով հարցրեց Գրիգորին:

— Նա:

Մի ժամից հետո, երբ Նատալյան քնել էր երեխաների
հետ, Գրիգորին քիպ կոճկած շինելով Ակսինյայի հետ դուրս
եկավ Աստախովների բակի դռնից: Նրանք լուռ կանգնեցին
խավար նրբանցքում ու նույնպես լուռ գնացին տափաս-
տան, որը նրանց կանչում էր իր լուռթյամբ, խավարով,
մատողաչ խոտաբույսերի արբեցուցիչ բույրով: Շինելի փեշը
ետ գցելով, Գրիգորին Ակսինյային սեղմում էր իրեն ու
զգում, թե ինչպես է դողում նա, ինչպես է կոֆտայի տակին
ուժեղ, դանդաղ զարկերով բարախում նրա սիրտը...

LI

Մյուս օրը մեկնելուց առաջ Գրիգորին կարճ բացատրվեց
Նատալյայի հետ: Վերջինս նրան մի կողմ կանչեց, շշնջալով
հարցրեց.

— Գիշերը ո՞ւր էիր գնացել: Այնքան ուշ ո՞րտեղից վե-
րադարձար:

— Ոնց էր ուշ:

— Բա չէ՞: Ես զարթեցի, աքլորները կանչեցին, իսկ դու
դեռ չկայիր...

— Կուղիսովն էր եկել: Գնացել էի նրա մոտ, մեր գին-
վորական գործերի մասին խորհուրդ անելու: Դա քո խելքի,
կնկա խելքի բանը չի:

— Բա ինչո՞ւ նա չեկավ մեզ մոտ գիշերելու:

— Շտապում էր վերադառնալ Վեչկի:

— Արողչենկովների մոտ: Նրանք կարծեմ իրեն հեռու
ազգականներ են գալի:

Նատալյան էլ ոչինչ չհարցրեց: Նա մի տեսակ տատան-
վում էր, բայց աչքերը ծածկամտութուն էին արտահայտում,
ու Գրիգորին այնպես էլ չհասկացավ՝ հավատա՞ց թե ոչ:

Գրիգորին արագ նախաճաշեց: Պանտելեյ Պրակոֆևիչը

զնաց ձին թամբելու, իսկ Իլլինիչնան խաչակնքելով ու համբուրելով Գրիգորիին, շուտասելուով շնչաց.

— Դու աստծուն, աստծուն մի՛ մոռանա, որդյակս: Մենք լուր էինք իմացել, որ դու թրատել ես ինչ-որ նավաստիներին... Տե՛ր աստված, ախր դու, Գրիշենկա, խելքի արի, է՛: Հրեն, մտիկ արա, թե ինչ տեսակ երեխեք ունես, ախր նրբանք էլ, որոնց դու սպանել ես, կարելի է երեխեք են թողել... Բա այդ ո՞նց կլինի: Փոքր հասակումդ դու այնպես խելոք ու լավ էիր, իսկ հիմի նոթերդ կիտած ես ապրումս Մտիկ արա, սիրտդ ոնց որ թե գիլի սիրտ է դարձել... Կսի՛ր մորդդ, Գրիշենկա: Ախր դու էլ հո կախարդված չես, քո վզի համար էլ մի քաջ մարդու թուր կգտնվի...

Գրիգորին անուրախ ժպտաց, համբուրեց մոր շորացած ձեռքը, մոտեցավ նատալյային: Վերջինս սառն գրկեց նրան, շուտ եկավ, ու Գրիգորին նրա շոր աչքերում ոչ թե արցունքներ տեսավ, այլ կսկիծ և գաղտուկ ցասում... Հրաժեշտ տվեց երեխաներին, դուրս ելավ...

Ոտը դնելով ասպանդակին, բռնելով ձիու կոշտ բաշից, հայտնի չէ ինչու մտածեց՝ «Ըհ՛մ, կյանքը էլի նոր ձևով շուտ եկավ, իսկ սիրտս էլի սառն ու դատարկ է... Երևում է, որ հիմի Ակսյուտկան էլ չի կարող լցնել այդ դատարկությունը»...

Երեսը շուտ շտալով ու շնայելով հարազատներին, որոնք խմբվել էին դարպասի մոտ, նա քայլքով զնաց փողոցով, ու Աստախովների խրճիթի կողքից անցնելիս շեղակի նայեց պատուհաններին, օթախի ծայրի պատուհանում տեսավ Ակսինյային: Վերջինս ժպտալով, թափահարեց ասեղնազորած թաշկինակը ու իսկույն ձմլեց այն, սեղմեց բերանին, անբռն գիշերից մթնած ակնախոտոչներին...

Գրիգորին սլացավ դաշտային արագ վարձով: Բարձրացավ բլուրը և այստեղ տեսավ ամառային ճանապարհով գանդաղորեն եկող երկու ձիավոր ու մի սայլ: Հանձին ձիավորներին նա ճանաչեց Անտիպ Փչանովին և Ստրեմյաննիկովին, — խուտորի վերին ծայրի երիտասարդ սեավուն ու առույզ կազակին: «Սպանվածներ են բերում», — գլխի ընձկավ Գրիգորին՝ նայելով եզներ լծած սայլին: Դեռ բոլորովին շոտեցած՝ հարցրեց կազակներին.

— Ո՞ւմ եք տանում:

— Ալլոշկա Շամիլին, Տամիլին Իվանին ու Յակով Պողկովային:

— Սպանված են:

— Սպանված ու մեռած:

— Ե՞րբ:

— Երեկ, արևը մայր մտնելուց առաջ:

— Մարտկոցը անվնաս է:

— Անվնաս է: Կարմիրները սրանց, մեր հրետանավորներին ձեռք գցեցին Կալինով հովիտում, որտեղ մենք կանգ էինք առել հանգստանալու: Իսկ Շամիլին թրատեցին այնպես, էլի... իր սարսաղության պատճառով:

Գրիգորին հանեց փափախը, իջավ ձիուց: Սայլվոր կինը, որ տարեց մի կազակուհի էր Զիրի կողմերից, կանգնեցրեց եզները: Սայլի վրա իրար կողքի պառկել էին թրատված կազակները: Գրիգորին դեռ չէր մոտեցել սայլին, երբ քամին արդեն բերեց քաղցրավուն, անհաճո հոտը: Ալլոշկա Շամիլը պառկել էր մեջտեղում: Նրա մուգ կապույտ, հնամաշ շեքմենը բացված էր, դատարկ թևը դրված էր թրատված գլխի տակ, իսկ վաղուց կտրված թևի մնացորդը, որ փաթաթված էր կեղտոտ լաթով և որը միշտ էլ այնքան շարժունակ էր, — շղաձգաբար սեղմվել էր անշունչ կրծքի կորնթարդ խուփին: Ալլոշկայի բաց, սպիտակ ատամներով բերանին առմիշտ սառել էր վայրագ կատաղությունը, բայց կիսաբաց աչքերը հանգիստ և կարծես տխուր մտախոհություններ նայում էին կապույտ երկնքին, տափաստանի վերելում սահող ամպիկին...

Տամիլինի դեմքն անճանաչելի էր. իսկպես ասած՝ այդ ոչ թե դեմք էր, այլ այնպես, էլի, կարմիր ու անձև մի բան՝ սրի հարվածով շեղակի տաշված: Կողքի ընկած Յակով Պողկովան շաֆրանե-դեղին դեմքով էր, ծուռվիզ, նրա գլուխը համարյա բոլորովին կտրել էին: Պաշտպանական գույնի վերնաշապկի արձակված օձիքի տակից ցցված էր կտրատված անրակի սպիտակ ոսկորը, իսկ ճակատի վրա, աչքի վերևում սև, ճառագայթավոր աստղի նման բացված էր գնդակի արյունոտ վերքը: Կարմիրբանակայիններից մեկը, ըստ երևույթին խղճալով դժվարություններ մեռնող կազակին, հա-

մարչա քիս կրակել էր նրա վրա, այնպես որ Յակով Պողկովայի մեռյալ գեմքի վրա մնացել էին նույնիսկ այրվածքը և պայթած վառողի սև բծերը:

— Դեհ, ի՞նչ արած, եղբայրներ, եկեք ողորմի ասենք մեր խուտորցիներին, ծխենք նրանց հոգու հանգստության համար,— առաջարկեց Գրիգորին ու անցնելով մի կողմ, թուլացրեց ձիու փորքաշը, հանեց սանձի բերանոցը, ու սանձը փաթաթեց նրա առջևի ձախ ոտին, թողեց արածիլու մետաքսանման, սլաքաձև վեր ձգված կանաչը:

Անտիպը և Ստրեմյաննիկովը հաճույքով իջան ձիերից, կապեցին ձիերի երեք ոտները, թողին արածելու Պառկոտեցին: Մխեցին: Գրիգորին նայելով բրդոտ, դեռ չմազաթափված եզան, որ դունչը մեկնում էր դեպի նոսր ջղախոտը, հարցրեց.

— Շամիլը ինչպե՞ս սպանվեց:

— Հավատո՞ւմ ես, Պանտելիչ, իրեն հիմարության պատճառով:

— Ինչպե՞ս:

— Ա՛յ թե բանը ոնց եզավ,— սկսեց Ստրեմյաննիկովը.— Երեկ կեսօրին, մենք գնացինք հետախուզության: Պլատան Ռյաբչիկովը ինքը մեզ ուղարկեց մի վախժիտորի հրամանատարությամբ... Անտիպ, ո՞վ էր նա, այն վախժիտորը, որք հետ երեկ գնացինք:

— Սատանան գիշի:

— Հա՛, ինչեիցե: Նա մեզ անծանոթ էր, ուրիշ հարյուրյակից էր: Ը՛հր՛մ... Ուրեմս, գնում ենք, էլի, տասնչորս կազակ ենք, Շամիլն էլ մեզ հետ է: Նա երեկ ամբողջ օրը այնպես ուրախ էր, ուրեմս սիրտը ոչ մի վառ բան չէր կարող զգալ: Գնում ենք, իսկ նա կտրած թևի մնացորդն է թափ տալի, սանձը պոստ է թամքի դաշին ու ասում՝ «է՛խ, բա ե՞րբ է գալու մեր Գրիգորի Պանտելիչը: Մի անգամ էլ խմբինք նրա հետ աւ երգեինք»: Ու այսպես, մինչև կհասնեինք Լատիշևսկու բլուրը, նա շարունակ մղմղացնում էր.

Ստրեմյաննիկովը անաչ նետովում,
Թուղում էինք մենք սարխար,
Իերդաններից կրակ թափում:
Ամեն մեկս—Պանի կազակ:

Ու այսպես հասանք մի ցածրիկ տեղ, որը հենց երուսձորի կողքին է, ու վախժիտորն էլ ասում է՝ «Տղերք, կարմիրները ոչ մի տեղ չեն երևում: Նրանք երևի դեռ դուրս չեն եկել Աստախովա գյուղից: Մուծիկները ծուլլ են, շուտ չեն վեր կենա, երևի մինչև հիմի ճաշվա հացն են ուտում, խախունների հավերն են եփում-լրապակում: Եկեք մենք էլ մի քիչ հանգստանանք, թե չէ մեր ձիերն էլ արդեն քրտնախաշ են եղել».— «Է՛հ, ի՞նչ կա որ, ասում ենք, լա՛վ»: Ու իջանք ձիերից, պառկեցինք կանաչ խոտի վրա, մեկին էլ բլուրի վրա դետք կարգեցինք: Պառկած ենք, մտիկ եմ անում, Ալյոշկան, հանգուցյալը, իրեն ձիու մոտ մլու է տալի, արձակում է դրա փորքաշը: Ես նրան ասում եմ՝ «Ալեքսեյ, լավ կլիներ շարձակեիր փորքաշը, թե չէ, աստված շանի, մեկ էլ տեսար ձի նստեցինք ու թռանք, բա դու, ա՛յ կոնատ, էլ ե՞րբ պիտի պնդացնես այդ փորքաշը»: Ամա նա ատամներն է ցույց տալի. «Քեզանից էլ շուտ ձի կնստեմ: Դու ի՞նչ ես, որ ինձ սովորացնես, ա՛յ խոխա»: Հա՛, արձակեց փորքաշը, հանեց ձիու սանձը: Պառկած ենք, ոմանք ծխում են, ոմանք հեքիաթ-մեքիաթ ասում, ոմանք էլ ննջում են: Մեր դետքն էլ այդ ժամին նույնպես ննջել էր: Պառկել է կուրգանի տակին, ես նրա այսինչը, ու երազներ է տեսնում: Մեկ էլ ի՞նչ եմ լսում,— ոնց որ թե հեռվից ձիու փնչոց է գալի: Ալարում էի վեր կենալ, բայց էլի վեր կացա, այն փոս տեղից ելա բլուրը: Մտիկ եմ անում,— մեզանից մի հարյուր սաժեն դենը, ձորի միջով ձիավոր կարմիրներ են գալի: Առջևից շեկիկ-կարմիր ձիով, գալիս է հրամանատարը: Ոնց որ թե ձիու վրա մեծացած լիներ: Հետներն էլ—վահանով գնդացիր: Ես այստեղ գլիզիլը թռա փոսը, բղավում եմ՝ «Կարմիրները, ձի՛ նստել»: Նրանք կարող էին ինձ տեսած լինել: Հիմի էլ լսում ենք՝ նրանց մոտ հրաման են տալի: Մենք ընկանք ձիերի վրա, վախժիտորը հանեց թուրը, ուզում էր գրոհ տալ: էլ ո՛րտեղից,— մենք տասնչորս էինք, նրանք կես հարյուրյակի շափ, հլա դեռ գնդացիր էլ ունեին: Մենք փախանք ձիերին նստած, նրանք սկսեցինք գնդացիրը, ամա տեսան, որ գնդացրով բան չի դուրս գա, որովհետև ձորը փրկում է մեզ: Ու նրանք ընկան մեր ետևից: Բայց մեր ձիերը ափելի յորդա են, նոս փախանք, բավական հեռացանք, իջանք ձիե-

բից ու սկսեցինք կրակելով պաշտպանվել: Ու միայն այսօր տեղ ենք տեսնում, որ Ալյոշկա Շամիրը մեզ հետ չի: Նա էլ, ուրեմս, երբ իրարանցում էր բարձրացել, վազ է տալի դեպի ձին, սաղ ձեռքով բռնում թամբի զաշից, ու հենց ոտը դնում է ասպանդակին, թամբը ընկնում է ձիու փորի տակ: Չկարացավ նստել ձին ու մնաց դեմառդեմ կարմիրների հետ, ձին էլ հասավ մեզ, քթածակներից ասես կրակ է դուրս գալի, թամբն էլ ճոճվում է փորի տակին: Այնպես է կատաղել, որ չի թողնում մարդ մոտենա, խոխուացնում է ինչպես սատանա: Ա՛յ թե ինչ արամախուժյուն արավ Ալեքսեյը: Թե որ փորքաշը չարձակեր, սաղ կմնար, թե չէ ի՞նչ դուրս եկավ... — Ստրեմյաննիկովը ժպտաց սև բեղիկների տակին, վերջացրեց. — Դրանից առաջ հա՛ դունդունում էր.

Ա՛յ դու պապի, վնակ պապի,
Ա՛ռ կովիկա, առ ու մորթի,
Ի՛մ գլուխը դու ազատի...

Ահա և ազատեցին նրա գլուխը... Երեսը չես ճանաչի: Այնտեղ սրանից այնքան արյուն էր դուրս եկել, ինչքան մորթած եղից... Հետո, երբ կարմիրներին ետ քշեցինք, վազ տվինք այն փոսը, տեսնում ենք՝ ընկած է: Տակին՝ արյան ահագին լճակ, լող էր տվել դրա մեջ:

— Դե, շո՛ւտ ենք գնալու, — անհամբեր հարցրեց սայլվոր կինը՝ շրթունքներից դեն տանելով գլխաշորը, որով նա երեսը պաշտպանում էր արևից:

— Մի վռագի, քույրիկ, սուս արա: Հիմի կերթանք:

— Բա ո՞նց չվռագես, հը՞: Այս սպանվածներից այնպիսի ծանր հոտ է գալի, որ քիչ է մնում ուշք գնա:

— Բա ո՞րտեղից պիտի թեթև հոտ լինի: Հանգուցյալները միս էլ էին ուտում, կնանոնց էլ ճմռում: Ով այդ գործերով է զբաղվում, նա հլա դեռ չմեռած՝ սկսում է հոտ արձակել: Ասում են միթամ կան սրբեր, որոնք մեռնելուց հետո գոլորշի են արձակում, ամա ինձ որ հարցնես, դա պոչով սուտ է: Ինչ տեսակ սուրբ էլ որ լինի, մեկ է, մեռնելուց հետո, բնական օրենքով պետք է հոտ գա նրանից, դնց որ հասարակական արտաքնոցից: Մեկ է, նրանք էլ, սրբերն էլ, փորերը լցնում են ուտելիքով, ու նրանց մեջ էլ կան մար:

դուս համար աստծու որոշած երեսուն արշին աղիքները... — մտազբաղ ասաց Անտիպը:

Բայց Ստրեմյաննիկովը հայտնի չէ ինչու տաքացավ, բղավեց.

— Ախր նրանք քո ինչի՞ն են պետք, հը՞: Ի՞նչ գործ ունես սրբերի հետ: Հա՛յդա, գնացի՛նք:

Գրիգորին հրածեշտ տվեց կազակներին, մոտեցավ սայլին, որ հրածեշտ տա իրենց խուտորի մեռելներին, ու միայն այստեղ նկատեց, որ դրանք երեքն էլ ոտաբորիկ են, իսկ երեք զույգ սապոգների ձիտքերը դրված են ոտների տակ:

— Ինչո՞ւ եք հանել մեռածների կոշիկները:

— Դա մեր կազակներն են արել, Գրիգորի Պանտելիչ... Սրանց, հանգուցյալների վրա լավ ոտնամաններ կային, դե, հարյուրյակումն էլ այսպես խորհուրդ տվին. լավը հանել ու տալ նրանց, ում ոտնամանները վատ են, իսկ վատը տանել խուտոր: Մեռածները հո ընտանիքներ ունեն: Դե, նրանց երեխեքն էլ բարով կմաշեն վատ ոտնամանները... Անիկուշկան այդպես էլ արավ. «Մեռելները ոչ քելելու են, ոչ էլ ձի են նստելու: Տվեք ինձ Ալյոշկայի սապոգները, դրանց տակերը շատ հուսալի են: Թե չէ մինչև ես կարմրից կոշիկներ հանեմ, կարող եմ մրսել ու շանսատակ լինել»:

Գրիգորին մեկնեց և հեռանալիս լսում էր, թե ինչպես կազակների միջև վերսկսվեց վեճը: Ստրեմյաննիկովը հընչեղ բարակ ձայնով բղավում էր.

— Սուտ ես ջարդում, տո Փշանով: Դրա համար էլ հերթը Փշան էր, էլի՛: Կազակներից սրբեր չե՛ն եղել: Դրանք բոլորն էլ մուժիկական ցեղիցն են:

— Չէ, եղել են:

— Շան պես հաշում ես:

— Չէ, եղել են:

— Ովքե՞ր:

— Բա սուրբ Գևորգը ի՞նչ է:

— Փիա՛-ա, խաչ հանի, սարսաղ: Բա նա կազակ է, հը՞:

— Դոնի զուտ կազակ, ցածի ստանիցայից է, կարժյոք Սեմիկարակորսկից:

— Ա՛մա ծոռւմ ես, հա՛-ա: Գոնե՛ս առաջ բուզը տայիր, հետո ծոռիր: Նա կազակ չէ:

— Կազակ չէ՞: Բա ինչի՞ ես նրան մզրախով նկարում, հը՞:

Գրիգորին էլ ոչինչ չլսեց: Ձին քշեց վարգով, իջավ մի ձորակ, ու կտրելով Հետամանական ճանապարհը, տեսավ, որ սայլը և ձիավորները բլուրից դանդաղ իջնում են խուտոր:

Գրիգորին համարյա մինչև Կարգինսկայա վարգով էր գնում: Թեթև քամին փոփոացնում էր ոչ մի անգամ չքրտնած ձիու բաշը: Թուխ, երկար գետնասկյուռները վազում էին ճանապարհի մի կողմից մյուս կողմը, անհանգիստ ճըստ-ճըստում էին: Նրանց սուր, նախազգուշացուցիչ ճտնատոցը տարօրինակ կերպով ներգաշնակվում էր տափաստանում տիրող վեհասքանչ անդորրության հետ: Բլուրների, ճանապարհամերձ թմբերի վերևում սավառնում էին արու արոսները: Չյունափառ, արևի տակ կայծկլտող մի արոսիկ շփշփալի ու արագ թափահարելով թևերը, երկինք էր բարձրանում ու հասնելով գննիթին, ասես լողում էր կապուտաշող անհունում՝ շեշտակիրոբն թռչելիս ձգելով թավշանման սև, հարսանեկան մանյակով պատած պարանոցը, յուրաքանչյուր վայրկյան հեռանալով գետնից: Մի հարյուր սածեն բարձարնալով, իջնում էր, է՛լ ավելի արագ շփշփացնում թևերը, ասես տեղնուտեղը կանգ էր առնում: Բուն իսկ գետնի մոտ, բազմապիսի խոտաբույսերի կանաչ ֆոնի վրա վերջին անգամ սպիտակ կայծակի նման շողում էին թևերի վառվառման փետուրները ու մարում. արոսը չքանում էր,—խոտաբույսերը կլանում էին նրան:

Արունների կանչող, անզսպելիորեն կրքոտ «ձթվթոցը» լսվում էր ամենուրեք: Չիրի առափնյա բլուրի հենց կատարին, ճանապարհից մի քանի քայլ հեռավորությամբ Գրիգորին ձիու վրայից տեսավ արոսների տափտափած մի փոքրիկ տեղ,— գետնի հավասարաչափ մի կլորակ, մեկ ու կես արշին տրամագծով, պինդ տափտափած էր էգի համար կրո՛վող արոսների ոտներով: Այնտեղ չկար և ոչ մի ցողուն. միայն գորշ փոշին, որ ծածկված էր խաշաձև հետքերով, հավասարաչափ շերտով փռված էր այնտեղ, ու շուրջը, քուլախոտի և օշինդրի շոր ցողունների վրա, քամուց օրորվելով,

կախվել էին արոսների դալուկ-խայտաբղետ, վարդերանգ փետուրները, որոնք պոկվել էին կովում, մարտնչող արոսների մեջքերից ու պոչերից: Մոտիկ տեղից, բնից դուրս թռավ գորշ, անբարետես մի էգ արոս: Պառավի նման կորանալով, արագ փոխելով տոտիկները, նա վազեվազ մտավ նախորդ տարվա թառամած իշաովույտի թփի տակ, ու սիրտ շանելով բարձրացնել թևերը, թաքնվեց այնտեղ:

Տափաստանում ծավալվում էր աննշմարելի, գարնան բեղմնավորած, եռուն տրոփյունով առլեցուն ու հզորազոր կյանքը. բուռն թափով աճում էին խոտաբույսերը. մարդկային գիշատչական աչքից հեռու, տափաստանային գաղտուկ ապաստարաններում զուգավորվում էին թռչունների, մեծ ու փոքրիկ գազանների ամուսնական զույգերը. վարելահողերը ծածկվում էին բարձրացող ծլերի անհամար սայրերով: Միայն իր կյանքն ապրած՝ նախորդ տարվա քուլախոտը,— երնջնակը,— տխուր կորացել էր տափաստանում ցրված պահպանական կուրգանների լանջերին, կուշ էր գալիս գետնբին, փրկություն որոնում, բայց կենարար, զով քամին անողորբաբար նրան կոտրատելով ու պոկելով շորացած արմատից, քշում, գլորում էր նրան այս ու այն կողմ, արևով պայծառացած, կյանք առած տափաստանում:

Գրիգորի Մելիխովը իրիկնադեմին ժամանեց Կարգինսկայա: Մանձաղուտով անցավ Ձիր գետը. Արխաջում, կազակական ավանի մոտ գտավ Ռյաբչիկովին: Առավոտյան նրանից ընդունեց իր 1-ին դիվիզիայի զորամասերի հրամանատարությունը, որոնք ցրված էին խուտորներում ու, կարդալով շտաբից ուղարկված վերջին ամփոփագրերը, խորհրդակցելով իր դիվիզիայի շտաբի պետ Միխայիլ Կոպիլովի հետ, որոշեց հարձակվել դեպի հարավ, Մինչև Աստախովո գյուղը:

Ջորամասերում փամփուշտների սուր պակասություն էր զգացվում: Անհրաժեշտ էր դրանք կովով ձեռք բերել: Հենց այդ էր Գրիգորիի ձեռնարկելիք հարձակման հիմնական նպատակը:

Իրիկնադեմին Կարգինսկայա բերվեցին հեծելազորի երեք գունդ և հետևազորի մի գունդ: Որոշվեց դիվիզիայում եղած քսաներկու հաստոցավոր և ձեռքի զնգացիրներից վերցնել

միայն վեցը. մնացածների համար փամփոշտի ժապավենների շկային:

Ապրիլի 22-ի առավոտը դիվիզիան սկսեց հարձակումը: Գրիգորին ճանապարհին թողնելով շտաբը, իր վրա վերցրեց 3-րդ հեծյալ գնդի հրամանատարութունը, ձիավոր պարեկներ ուղարկեց դեպի առաջ, երթակարգով շարժվեց հարավային ուղղությամբ, Պոնամարյովկա ավանի կողմը, որտեղ, հետախուզության տեղեկություններով, կենտրոնանում էին կարմիրբանակային 101-րդ և 103-րդ հետևակ գնդերը, որոնք իրենց հերթին պատրաստվել էին հարձակվել Կարգինսկայայի վրա:

Ստանիցայից երեք վերստ հեռավորությամբ մի հատուկ սուրհանդակ հասավ նրան, հանձնեց Կուդինովի հետևյալ նամակը.

«Սերգոբյան գունդը 2-ին մեզ անձնատուր եղավ: Բոլոր զինվորներն էլ զինաթափված են, նրանցից քսանհինգ հոգու, որոնք հակառակում էին, Բոգատիրյովը այն աշխարհն ուղարկեց. հրամայեց թրատել: Մեզ հանձնեցին շորս թնդանոթ (բայց անիծված կոմունիստ հրեառանավորները կարողացել էին հանել փականները), վալիի քան 200 արկ և 9 գնդացիր: Մեզ մոտ մեծ ցնծություն է: Կարմիրբանակայիններին կից կենք հետևակ հարյուրյակների մեջ, կստիպենք կովել յուրայինների դեմ: Ո՞նց է քեզ մոտ: Հա՛, քիչ մնաց մոռանալի: Բռնված են քո հայրենակից կոմունիստները,— Կոտլյարովը, Կոշևոյը ու շատ ելանցիներ: Վեշկի ճանապարհին դրանց բոլորին կրթեն: Եթե փամփոշտների մեծ կարիք ես զգում, հազորդի սույնը հանձնողի միջոցով, կուղարկենք մի 500 հատ:

Կուդինով:

— Կանչե՛լ հանձնատարին,— բղավեց Գրիգորին:

Պրոխոր Զիկովը անմիջապես մոտեցավ ձիով, բայց տեսնելով, որ Գրիգորիի դեմքը գունատված է, վախենալուց նույնիսկ զինվորական պատիվ տվեց.

— Ի՞նչ ես հրամայում:

— Կանչե՛լ Ռյաբչիկովին: Ո՞րտեղ է Ռյաբչիկովը:

— Շարասյան պոչումն է:

— Թռիր, շո՛ւտ բեր այստեղ:

Պլատոն Ռյաբչիկովը ձին թեթև վազեցնելով երթային շարասյան կողքից, հասավ Գրիգորիին: Նրա սպիտակաբեղ

դեմքի վրա քամիները քերծել էին մաշկը, գարնանային արևից խանձված բեղերն ու հոնքերը աղվեսի մորթու շիկավուն երանգ էին ստացել: Նա ժպտում էր, ընթանալիս փրփրացնում ծխախոտը: Մուգ կարմրավուն նժույզը, որ պարարտ մարմնով էր ու բնավ չէր նիհարել գարնանային ամիսներին, աշխույժ շորորալով քայլում էր նրա տակին՝ պսպղացնելով կրծապանակը:

— Վեշկից նամակ է եկել,— հարցրեց Ռյաբչիկովը՝ Գրիգորիի մոտ տեսնելով սուրհանդակին:

— Այո, նամակ,— զուսպ պատասխանեց Գրիգորին.— Ընդունիր գունդը և դիվիզիան: Ես գնում եմ:

— Ի՞նչ կա որ, գնա: Իսկ ինչո՞ւ ես շտապում: Ի՞նչ եմ գրում: Ո՞վ: Կուդինովը:

— Ուստ-Նոպպերում Սերգոբյան գունդը անձնատուր է եղել...

— Հա՛-ա-ա՛: Ապրում ենք, էլի՛: Հիմի գնո՞ւմ ես:

— Հենց հիմի:

— Է՛հ, աստված քեզ հետ: Մինչև վերադառնաս, մենք արդեն Աստախովոյում կլինենք:

«Կենդանի բռնել Միշկային, Իվան Ալեքսեևին... իմանալ, թե ով էր սպանել Պետրոյին... ու մահից ազատել Իվանին, Միշկային: Ազատել... Մեր մեջ արյուն է թափվել, բայց մենք հո օտար չե՞նք»,— մտածում էր Գրիգորին՝ կատաղությամբ մտրակելով ձին, սրարշավ իջնելով բլուրից:

LII

Հենց որ ապստամբական հարյուրյակները մտան Ուստ-Նոպպերսկայա ու շրջապատեցին միտինգի հավաքված սերգոբցիներին, 6-րդ բրիգադի հրամանատար Բոգատիրյովը Վորոնովսկու և Վոլկովի հետ գնաց խորհրդակցության: Դա տեղի ունեցավ հենց այնտեղ, հրապարակի կողքին, վաճառականական տներից մեկում, ու կարճատև եղավ: Բոգատիրյովը ձեռքից շահանելով մտրակը, բարևեց Վորոնովսկուն, ասաց.

— Ամեն ինչ լավ է: Սա ձեզ համար հաշվի կառնվի:

Բայց դուք ինչպե՞ս չկարողացաք պահպանել հրանոթները:
— Պատահականություն է, զուտ պատահականություն,
պարոն խորունժի: Հրետանավորները համարյա բոլորն էլ
կոմունիստներ էին, նրանք մերոնց կատաղի դիմադրություն
ցույց տվին, երբ սկսվեց նրանց զինաթափումը. սպանեցին
երկու կարմիրբանակայինի ու, հանելով փականները, փա-
խան:

— Ափսո՛ւ.— Բողատիրյովը սեղանի վրա գցեց պաշտ-
պանական գույնի գլխարկը, որի բոլորքի վրա պարզ երևում
էր մինչ այդ հանած սպայական գլխարկանիշի հետքը, ու
կեղտոտ թաշկինակով սրբելով բոլորովին կնտած գլուխը,
թուփ գույն ստացած դեմքի քրտինքը, զուսպ ժպտաց.— է՛հ,
այսքանն էլ լավ է: Դուք հիմա գնացեք ու ասացեք ձեր գին-
վորներին... Կարգին խոսեցեք նրանց հետ, որ նրանք...
դես-դեն շանեն... որ նրանք հանձնեն բոլոր զեն-
քերը:

Վորոնովսկին կազակական սպայի իշխողական տոնից
ուհաճություն զգալով, կմկմալով, հարցրեց.

— Բոլոր զենքե՞րը:

— Դե, ես հո չե՞մ կրկնելու: Ասացի բոլորը, ուրեմն բա-
լորը:

— Սակայն չե՞ որ դուք, պարոն խորունժի, և ձեր հրա-
մանատարությունը ընդունել էիք գունդը չզինաթափելու
պայմանը: Ինչպե՞ս թե այդպես... Դե, ես հասկանում եմ,
պարզ է, որ գնդացիները, հրանոթները, ձեռնանոնակնե-
րը,— այդ բոլորը մենք անպայման պետք է հանձնենք, իսկ
ինչ վերաբերում է կարմիրբանակայինների զենքերին...

— Հիմի կարմիրբանակայիններ չկա՛ն,— շարացած վերև
տալով սափրած շրթունքը, Բողատիրյովը բարձրացրեց ձայ-
նը ու հյուսած մտրակով շրմփացրեց սապոգի ցեխտոված
ճիտքին.— Կարմիրբանակայիններ հիմի չկան, այլ կան
զինվորներ, որոնք պիտի պաշտպանեն Դոնի հողը: Հա՛ս-կա-
նալի՞ է... Իսկ եթե չպաշտպանեն, մենք կստիպենք նրանց:
Կարիք չկա օյին խաղալ: Կեղտոտություն եք արել այստեղ,
մեր հողում, ու դեռ գլխիցդ ինչ-որ պայմաններ ես հանում:
Մեր մեջ ոչ մի պայման չկա: Հա՛ս-կա-նալի՞ է...

Սերդորյան գնդի շտաբի պետը, երիտասարդ պորուչիկ

Վորկովը վիրավորվեց: Մատները հուզված խաղացնելով իր
սև, մահուդե բլուզի կանգուն օձիքի կոճակների վրա, խճճե-
լով գանգուր, սև քյաքուլի կարակուլե խոպուպիկները, նա
խիստ տոնով հարցրեց.

— Ուրեմն դուք մեզ գերինե՞ր եք համարում, այդպե՛ս
է, թե ինչ:

— Ես քեզ այդ շասացի, ուրեմն կարիք չկա մեջտեղ
բերել քո ենթադրությունները,— կոպիտ կերպով ընդհատեց
նրան կազակական բրիգադի հրամանատարը, անցնելով
աղո՛ւ-ի և արդեն պարզապես ցույց տալով, որ իր խոսա-
կիցները ուղղակի և լիակատար կախում ունեն իրենից:

Սենյակում մի րոպե լռություն տիրեց: Հրապարակից
խուլ աղմուկ էր լսվում: Վորոնովսկին մի քանի անգամ ետ ու
առաջ քայլեց, ճքացրեց մատները, հետո էլ կոճկեց իր տաք,
կանաչ-շագանակագույն ֆրենշի բոլոր կոճակները, ու ջղա-
նորեն թարթելով աչքերը, դիմեց Բողատիրյովին.

— Ձեր խոսելաձևը վիրավորական է մեզ համար և չի
սազում ձեզ, իբրև ուսական սպայի: Ես սա շիտակ եմ
ասում ձեզ: Եվ մենք դեռ կտեսնենք, եթե դուք մեզ դրա հա-
մար եք կանչել... Կտեսնենք, թե ինչպես պիտի վարվենք...
Պորուչիկ Վո՛լկով, հրամայում եմ ձեզ՝ գնացեք հրապարակ
և ասացեք ավագներին, որ ոչ մի դեպքում զենքերը չհանձ-
նեն կազակներին: Հրամայեցեք, որ գունդը պատրաստ պա-
հի հրացանները: Ես հիմա խոսակցությունը կվերջացնեմ
այս... այս պարոն Բողատիրյովի հետ ու կգամ հրապարակ:

Բարկուլյունը իր սև թաթով մոռյլեց Բողատիրյովի դեմ-
քը, բրիգադի հրամանատարը ուզեց ինչ-որ բան ասել, բայց
արդեն գիտակցելով, որ շատ է չափն անցկացրել, զսպեց
իրեն և անմիջապես բոլորովին փոխեց իր վարվեցողությու-
նը: Ձեռքի հատու շարժմամբ գլխարկը քաշելով աչքերին,
դեռևս վայրագորեն խաղացնելով ծոպավոր մտրակը, խո-
սեց, ու նրա ձայնի մեջ անսպասելի մեղմություն ու քաղա-
քավարություն նկատվեց.

— Պարոններ, դուք բարեհաճեցիք ճիշտ չհասկանալ ինձ:
Ես, իհարկե, առանձնապես դաստիարակություն չեմ ստա-
ցել, յունկերների դպրոցում գիտություններ չեմ անցել, ու
զուցե թե այնպես չէի բացատրվում, ինչպես որ պետք է,

բայց հո ամեն բան չպիտի՞ լուրջ ընդունել: Մենք հո ինչ: բան չլինի մոտիկ մարդիկ ենք: Մեր մեջ վիրավորանք չպետք է լինի: Ես ո՞նց ասացի: Ես միայն ասացի, որ հարկավոր է հենց հիմի զինաթափել ձեր կարմիրբանակայիններին, մանավանդ նրանց, որոնք մեզ համար էլ, ձեզ համար էլ անհուսալի են... Ես հենց դրանց մասին էի խոսում:

— Ախր թույլ տվեք, է՛: Հարկավոր էր ավելի պարզ բացատրվել, պարոն խորունժի: Եվ հետո, համաձայնվեցեք, որ ձեր զայրացուցիչ տոնը, ձեր ամբողջ վարվեցողությունը... — Վորոնովսկին թոթվեց ուսերը և արդեն ավելի հաշտ, բայց չսառած ցասման երանգավորումով շարունակեց. — Մենք ինքներս էինք մտածում, որ տատանվողներին, անկայուններին պետք է զինաթափել և հանձնել ձեր տնօրինության...

— Ա՛յ, ըհը՛մ, հենց այդպես:

— ...Ախր ես էլ այդ եմ ասում, որ մենք որոշել ենք ինքներս զինաթափենք նրանց: Իսկ ինչ վերաբերում է մեր մարտական միջուկին, մենք այն կպահպանենք: Ինչ կերպ էլ որ լինի, կպահպանենք: Ես ինքս կամ ահա պորուչիկ Վուկովը, որին դուք, հետը ծանոթ չլինելով հանդերձ, թույլատրելի համարեցիք «դու» ասել... Մենք մեր վրա կվերցնենք հրամանատարությունը և կկարողանանք պատվով ջնջել մեր վրայից Կարմիր բանակի շարքերում մեր գտնվելու խայտառակությունը: Դուք պետք է մեզ տաք այդ հնարավորությունը:

— Քանի՞ սվին կլինի ձեր այդ միջուկում:

— Մոտավորապես երկու հարյուր:

— Դե, ի՞նչ արած, լա՛վ,— դժկամ համաձայնեց Բոգատիրյովը: Նա վեր կացավ, կիսով չափ բացեց միջանցք տանող դուռը, հնչեղ ձայնով բղավեց. — Տանտիրուհի,— ու երբ դուան մոտ երևաց տաք շալով ծածկված, տարեց մի կին, հրամայեց,— կաթ բերեք, շո՛ւտ:

— Մենք կաթ չունենք, ներեցեք խնդրեմ:

— Կարմիրների համար երեկ կար, իսկ մեզ համար չկա՞,— թթու ժպտաց Բոգատիրյովը:

Սենյակում վերստին անհարմար լռություն տիրեց: Պորուչիկ Վուկովը ընդհատեց այն.

— Ես գնա՞մ:

— Այո,— շունչ առնելով պատասխանեց Վորոնովսկին,— գնացեք և հրամայեցեք, որ զինաթափվեն նրանք, որոնք նշված են մեր ցուցակներում: Ցուցակները Գորիզասովի և Վեյստմինստերի մոտ են:

Միայն սպայական վիրավորված ինքնասիրությունը նրան դրդեց ասել, որպես թե «մենք դեռ կտեսնենք, թե ինչպես պիտի վարվենք»: Իրոք շտաբս-կապիտան Վորոնովսկին շատ լավ էր հասկանում, որ իր խաղն ավարտված է, և արդեն նահանջելու տեղ չկա: Նրա ունեցած տեղեկություններով Ուստ-Մեդվեդիցայից արդեն շարժվել էին և ժամառ-ժամ գալու էին այն ուժերը, որ բանակի շտաբը ուղարկել էր Սերգոբյան խոռվարար գունդը զինաթափելու համար: Բայց Բոգատիրյովն էլ արդեն գիտակցել էր, որ Վորոնովսկին հուսալի և բացարձակապես անվտանգ մարդ է, որ հիմա այլևս չի կարող ետ մանել: Բրիգադի հրամանատարը իր պատասխանատվությամբ համաձայնեց գնդի հուսալի մասից ինքնուրույն մարտական միավոր կազմել: Դրանով վերջացավ խորհրդակցությունը:

Իսկ այդ ժամանակ հրապարակում ապստամբները առանց սպասելու խորհրդակցության հետևանքներին, արդեն եռանդուն գործողությունների էին դիմել սերդոբցիներին զինաթափելու համար: Կազակական ազահ աչքերն ու ձեռները տնտղում էին գնդի սայլերն ու փամփշտի սայլակները, ապստամբները իրար ձեռքից խլում էին ոչ միայն փամփուշտները, այլև կարմիրբանակային հաստաներբան, դեղին կոշիկները, սրնքափաթաթանները, տաք կուրտկաները, բամբակյա շալվարները, մթերքները: Մի քսան հոգի սերդոբցիներ ակնառու կերպով համոզվելով, թե ինչ բան է կազակական ինքնազլխությունը, փորձեցին դիմադրություն ցույց տալ: Նրանցից մեկը հրացանի կոթով խփեց իրեն խուզարկող ապստամբին, որ կարմիրբանակայինի քսակը հանգիստ կերպով խոթել էր իր գրպանը, ու բղավեց.

— Թալանչի՛ք, Խ՛նչ ես վերցնում: Ետ տուր, թե չէ կխփեմ սվինով:

Ընկերները պաշտպանեցին նրան: Ցասումնալի աղաղակ բարձրացավ.

- Ընկերներ, ի դե՛ս:
- Մեզ խաբել են:
- Հրացանները շտա՛ւ:

Սկսվեց ձեռնամարտը, ու դիմադրող կարմիրբանակա-
յիններին ետ մղեցին դեպի ցանկապատը. հեծյալ ապրս-
տամբները 3-րդ հեծյալ հարյուրյակի հրամանատարի կող-
մից խրախուսված, երկու ընդհանուր թրատեցին նրանց:

Երբ պորուշիկ Վոլկովը եկավ հրապարակ, զինաթափումը
է՛լ ավելի հաջող գնաց: Հորդ անձրևի տակ խուզարկում էին
շարք կանգնեցրած կարմիրբանակայիններին: Հենց այնտեղ,
շարքից քիչ հեռու դարսում էին հրացանները, նռնակները,
գնդի հեռախոսային խմբի գույքը, հրացանի փամփուշտնե-
րի ու գնդացրային ժապավենների արկղերը...

Բոգատիրյովը հապճեպ եկավ հրապարակ և սերողբցի-
ների շարքի առաջ իր տաքացած, թռչկոտող ձիով շուռ գա-
լով բոլոր կողմերը, գլխից վեր սպառնազին բարձրացնելով
հաստ, հյուսած մտրակը, գոռաց.

— Լսեցե՛ք, դուք այսօրվանից կովելու եք շարագործ
կոմունիստների ու նրանց զորքերի դեմ: Ով միշտ կգնա մեզ
հետ, նա կներվի, իսկ ով կհակառակի, նա հրե՛ն այն տե-
սակ վարձ կստանա.— նա մտրակով ցույց տվեց թրատված
կարմիրբանակայիններին, որոնց հագուստը, սպիտակեղենով
հանդերձ, անդին հանել էին կազակները և որոնցից անձև,
անձրևի տակ թրջվող սպիտակ կույտ էր կազմվել:

Կարմիրբանակայինների շարքերով անցավ կամացուկ
փսփոտցը, քայց ոչ ոք լիահնչուն ձայնով չասաց բողոքի ոչ
մի խոսք, ոչ մեկը չխախտեց շարքերի համաշափությունը...

Ամենուրեք խմբերով ու ցրիվ թրևում էին հետիոտն ու
հեծյալ կազակները: Նրանք պինդ օղակով շրջապատում էին
հրապարակը: Իսկ եկեղեցու ցանկապատի կողքին, թմբի
վրա դրված էին կարմիրբանակայինների շարքերի կողմը
դարձրած, կլորերախ, կանաչ ներկած սերողբյան գնդացիր-
ները, ու դրանց մոտ, վահանակների ետևում պատրաստա-
կամ պպզել էին անձրևից թրջված կազակ-գնդացրորդները...

Մի ժամից հետո Վորոնովսկին ու Վոլկովը ցուցակներով
չոկեցին «հուսալիներին»։ Դրանք հարյուր իննսուն հոգի
էին: Նոր կազմված զորամասը անվանվեց «1-ին ապստամ-

բական առանձին գումարտակ», և հենց այդ օրը գնաց դիր-
քերը, դեպի Բելավինսկի խուտորը, որտեղից հարձակվում
էին 23-րդ Միրոնովյան դիվիզիայի գնդերը, որոնք ուղարկ-
ված էին Դոնեցի կողմից: Լուրերի համաձայն, գալիս էին
Միրոնովի հետևյալ գնդերը. 15-րդը — Բիկադորովի հրա-
մանատարությամբ և 32-րդ — հռչակավոր Միշկա Բլինովի
հրամանատարությամբ: Գալիս էին նրանք՝ ջախջախելով դի-
մադրող ապստամբական հարյուրյակները: Սրանցից մեկը,
որ կովի էր դուրս եկել Ուստ-Խոպերսկու հողի մի ինչ-որ խու-
տորից, բոլորովին ջարդեցին: Բոգատիրյովը որոշել էր հենց
Բլինովի դեմ հանել Վորոնովսկու գումարտակը, մարտական
միտություն միջոցով փորձել դրա տոկոսնությունը...

Մնացած սերողբցիները, թվով ավելի քան ութ հարյուր
մարդ, ոտով, Դոնի ափերով ուղարկվեցին Վեչենսկայա,—
այնպես, ինչպես իր ժամանակին Բոգատիրյովի անունով
ուղարկած նամակում հրամայել էր ապստամբական ուժե-
րի հրամանատար Կուդինովը: Նրանց հեռվից հսկելու հա-
մար Դոնի առափնյա բլուրներով գնում էին երեք հեծյալ
հարյուրյակներ, որոնք զինված էին սերողբյան գնդացիրնե-
րով:

Ուստ-Խոպերսկայայից մեկնելուց առաջ Բոգատիրյովը
եկեղեցում մաղթանք կատարեց ու հենց որ վերջացավ տեր-
տերի աղոթքը «քրիստոսասեր կազակական զինվորությու-
նը» հաղթանակ շնորհելու մասին,— դուրս ելավ: Նրա հա-
մար ձի բերին: Նստեց, կանչեց այն հարյուրյակներից մեկի
հրամանատարին, որոնք իբրև առաջակալ թողնված էին
Ուստ-Խոպերսկու, ու ձիու վրայից թեքվելով, շշնջաց նրա
ականջին,

— Կոմունիստներին ավելի խիստ հսկիր, քան վառողի
նկ՛ղը: Վաղը առավոտից հուսալի ուղեկցորդով նրանց
բշխր Վեչենսկայա: Իսկ այսօր սուրհանդակներ ուղարկիր
խուտորները, որ իմաց տան, թե ինչ տիպի մարդկանց ենք
բռնում: Ժողովուրդը նրանց կդատի իր դատաստանով:

Այնուհետև մեկնեց:

Ապրիլի 20-ի կեսօրին վեշենսկայա ստանիցայի Սինգին խուտորի վերևում մի սավառնակ երևաց: Լսելով մոտորի խուլ դղրդոցը, երեխաները, կանայք ու ծերունիները խըր-ճիթներից դուրս վազեցին. գլուխները վեր ցցած, ձեռները վահանակների պես տանելով աչքերին, երկար նայում էին, թե ինչպես սավառնակը ամպամած երկնքում ծովովից, ուրուրի պտույտներ է կատարում: Մոտորի դղրդուներ ավելի սաստկացավ, ավելի հնչեղ դարձավ: Սավառնակը ցածրանում էր, վայրէջքի հարթ տեղ ընտրում խուտորից դուրս, արոտավայրում:

— Հիմի կսկսի ումբ գցել, զգուշ եղեք, — վախեցած բզավեց մի ինչ-որ բանիմաց պապի:

Ու նրբանցքում հավաքված ամբոխը դես ու դեն փախավ: Կանայք քարշ տվին լաց ու կոծ բարձրացրած երեխաներին: Մերունիները այծի վարժունությամբ ու ճարպկությամբ ցատկում էին ցանկապատերի վրայից, փախչում ծառուտները: Նրբանցքում մնաց միայն մի պառավ: Սա էլ փորձեց փախչել, բայց արդո՞ք ոտները թուլացան վախից, թե՞ սայթաթաքեց գուղձի վրա, միայն թե ընկավ ու այնպես էլ պահպանված մնաց՝ անպարկեշտորեն տնկելով լղաք ոտները, կերակրածայն հեծկտալով:

— Օ՛յ, ազատեք, մատաղ ձեզ, օ՛յ, մեռա՛ հս:

Ոչ ոք չվերադարձավ պառավին ազատելու: Իսկ սավառնակը սարսափելի դղրդալով, փոթորկի մոնչոնոնով ու սուլոցով անցավ հենց ամբարի վերևից, մահվան սարսափից չուված պառավական աչքերից իր թևավոր ստվերով մի վայրկյան ծածկեց լույս աշխարհը, սլացավ ու անիվները փափիկ խփելով խուտորի արոտավայրի խոնավ գետնին, վազ տվեց դեպի տափաստան: Հենց այդ միջոցին էլ պառավը մանկական մեղք գործեց: Նա ընկել էր կիսամեռ, ոչինչ չզգալով ու շտանելով ոչ իր տակին, ոչ էլ իր շուրջը: Հասկանալի է, որ նա չէր կարող տեսնել, թե ինչպես հեռվում, գետնին իջած սարսափելի թռչունի միջից դուրս եկան սև կաշվե հագուստով երկու մարդ, ու անվճռականորեն թռեկելով տեղում, նայելով շուրջը, քայլեցին դեպի խուտոր:

Բայց պառավի ամուսինը, որ թաքնվել էր ծառուտում, մոռի նախորդ տարվա մացառուտում, քաջարի մի ծերուկ էր: Թեպետև նրա սիրտը դողում էր ինչպես բռնված ճրճողուկի սիրտը, բայց և այնպես նա դիտելու համարձակություն ուներ: Հենց նա էլ ճանաչեց իր տանը մոտեցող մարդկանցից մեկին, — սպա Պետրո Բոզատիրյովին, որը իր որդու հետ ծառայել էր մի գնդում: Պյոտրը, որ Գրիգորի Բոզատիրյովի՝ ապստամբական 6-րդ առանձին բրիգադի հրամանատարի հորեղբորորդին էր, սպիտակների հետ նահանջել էր Դոնեցի մյուս կողմը: Բայց այդ անկասկած նա էր:

Մերունին մի բոպի շափ խորագնին նայում էր նապաստակի պես պազած ու ձեռները քարշ արած: Վերջնականապես համոզվելով, որ դանդաղ, շորորալով եկողը հենց Պետրո Բոզատիրյովն է որ կա, նույնպես կապուտաշյա, ինչպես տեսել էր նրան նախորդ տարում, միայն մի փոքր բուսապատված դեմքով, վաղուց չսափրած մազ ու մորուքով, — ծերունին ոտքի ելավ, փորձեց, թե արդյոք ոտները կարո՞ղ են իրեն պահել: Մեկատակի շլերը միայն մի քիչ դողում էին, բայց ոտները կարգին պահում էին ծերուկին, և սա շորորալով, մանրաքայլ դուրս եկավ ծառուտից:

Նա շնորհակալ գետնին փռված իր պառավին, այլ ուղղակի գնաց դեպի Պետրոն և սրա ուղեկիցը, հեռվից, ճաղատ գլխից հանեց իր խունացած կազակական գլխարկը: Պյոտր Բոզատիրյովն էլ ճանաչեց նրան, ողջունեց ձեռքի թափահարումով, ժպիտով: Մոտեցան իրար:

— Թույլ տվեք իմանալ, դրո՞ւստ որ այդ դուք եք, Պետրո Գրիգորիչ:

- Հենց ես եմ որ կամ, պապի:
- Աստված հաջողեց, ծեր հասակումս թույլ մեքենա տեսա: Ամա մենք ո՞նց վախեցանք դրանից, հա՛-ա:
- Մոտիկ տեղերում կարմիրներ չկա՞ն, պապի:
- Չկան, չկան, սիրելիս: Նրանց քշել են շատ հեռու, Չիրից դենը, խախունների հողերը:
- Մեր կազակներն է՞լ են ապստամբել:
- Ոտքի ելնելը ելել են, ամա շատերին էլի պառկեցրել են:
- Ինչպե՞ս:

— Այսինքս կոտորել են:

— Ա՛-աա... Իմ ընտանիքը, հայրս, բուրբը կենդանի՞ են:

— Բուրբը: Իսկ դուք Դոնեցի այն կողմի՞ց եք եկել: Իմ Տիխոնին այնտեղ չե՞ք տեսել:

— Դոնեցի մյուս կողմից: Տիխոնից բարև եմ բերել: Է՛հ, պապի, դու մտիկ արա մեր մեքենային, որ երեխաները ձեռք չտան, իսկ ես գնամ տուն... Գնանք:

Պյոտր Բոգատիրյովը և նրա ուղեկիցը գնացին: Իսկ ծառուտներից, շարդախների տակից, մառաններից ու ամեն տեսակ ծակ ու ծուկից դուրս եկավ այնտեղ թաքնված, սարսափահար ժողովուրդը: Ամբոխը շրջապատեց սավառնակը, որ դեռ տաք մոտորի ջերմութուն և բենզինի ու յուղի խանձահոտ էր արձակում: Քաթանով պատած դրա թևերը շատ տեղերից ծակծկված էին գնդակներով և արկերի բեկորներով: Չտեսնված մեքենան կանգնել էր լուռ և տաք՝ ինչպես երկար ժամանակ քշած ձի:

Պապին, որ առաջինն էր դիմավորել Պյոտր Բոգատիրյովին, աճապարեց դեպի նրբանցքը, ուր պառկած էր նրա սարսափահար պառավ կինը, ուզեց նրան ուրախացնել որդու, Տիխոնի մասին իմացած տեղեկություններով, որը դեկտեմբերին նահանջել էր օկրուգային վարչության հետ: Նըրբանցքում պառավը չկար: Նա կարողացել էր հասնել տուն ու մտնելով մառանը, հապճեպ փոխում էր հագուստը՝ շապիկը և յուրկան: Մերունին դժվարությամբ գտավ նրան, բղավեց:

— Պետկա Բոգատիրյովն է թուել-եկել: Տիխոնից շատ կարոտով բարև է բերել,— ու անասելի վրդովվեց, տեսնելով, որ իր պառավը փոխում է շորերը.— Այդ ի՞նչ ես զուգվում, ա՛յ քավթառ ազոավ, հը՞: Թ՛յո՛ւ, գրողի բաժին դառնաս: Ախր ո՛ւմ ես պետք, քաշալ սատանա: Զահե՛լ ես ինչ է:

...Շուտով ծերունիները եկան Պետրո Բոգատիրյովի հոր տունը: Նրանցից ամեն մեկը ներս մտնելիս հանում էր գդակը, խաչակնքում սրբապատկերների առաջ և ծանր ու մեծ բազմում նստարանի վրա՝ հենվելով դազանակին: Սկսվեց խոսակցությունը: Պյոտր Բոգատիրյովը բաժակից խմելով սերը չքաշած, պաղ կաթը, պատմեց, որ եկել է Դոնի կառավարության հանձնարարությամբ, որ իր խնդիրն է կապ

հաստատել վերին Դոնի ապստամբածների հետ և նրանց օգնել կարմիրների դեմ ուղղված պայքարում,— ինքնաթիռներով փամփուշտներ և սպաներ բերել: Հաղորդեց, որ շուտով Դոնի բանակը ամբողջ ֆրոնտով հարձակման կանցնի ու կմիանա ապստամբների բանակին: Բոգատիրյովը միաժամանակ կշտամբեց ծերունիներին, որ թույլ ազդեցություն էին ունեցել երիտասարդ կազակների վրա, որոնք լքել էին ֆրոնտը ու կարմիրներին ճանապարհ տվել դեպի իրենց հողը: Նա իր խոսքը այսպես վերջացրեց:

— ...Բայց քանի որ դուք արդեն խելքի եք եկել և ստանիցաներից քշել եք սովետական իշխանությունը, ուստի Դոնի կառավարությունը ներում է ձեզ:

— Բայց մեզ մոտ, Պետրո Գրիգորիչ, ախր հիմի սովետական իշխանություն է առանց կոմունիստների: Մեզ մոտ դրոշակն էլ հո երեք գույնի չէ, այլ կարմիր ու ճերմակ է,— անվճռականորեն հաղորդեց ծերունիներից մեկը:

— Մինչև իսկ իրար հետ խոսելիս էլ մեր ջահել-ջուհուները, այդ անհնազանդ շան որդեհիքը միմյանց «ընկեր» են ասում,— ավելացրեց մեկ ուրիշը:

Պյոտր Բոգատիրյովը ժպտաց ծայրատ, շիկավուն բեղերի տակին ու հեգնոտ կկոցելով կլոր, կապույտ աչքերը, ասաց.

— Ձեր սովետական իշխանությունը գարնան գլխի սառույց է: Հենց որ արևը տաքացնի, դա կհալչի: Իսկ այն դրդիչներին, որոնք Կալաչի մոտ թողել էին ֆրոնտը, հենց ողվերադառնանք Դոնեցի մյուս կողմից, թունդ կքոթակենք:

— Քոթակել, արյունլվիկ անել այդ անիծվածներին:

— Անպատճառ այդպես վարվել:

— Քոթակել՛, քոթակել:

— Ամբողջ ժողովրդի առաջ ձաղկել, մինչև որ նրանց տակը թրջվի,— ուրախացած աղմկեցին ծերունիները:

Իրիկնադեմին, ձիավոր սուրհանդակի միջոցով լուր ստանալով, ապստամբական զորքերի հրամանատար Կուրդինովը և շտաբի պետ Իլյա Սաֆոնովը եռաձի կառքով ժամանեցին

Մինգին. ձիերը արագ վազքից կորել էին քափ ու քրտնքի մեջ:

Առանց թափ տալու սապոգների և բրեզնտե պլաշների կեզտը, Բոգատիրովի ժամանելուց անսահման ուրախացած, նրանք համարյա վազելով մտան Բոգատիրովի խրճիթը:

LIV

Այն քսանհինգ կոմունիստները, որ Սերդորյան գունդը հանձնել էր ապստամբներին, ուժեղ հսկողութեան տակ դուրս եկան Ուստ-Խոպերսկուց: Փախչելու մասին չէր էլ կարելի մտածել: Իվան Ալեքսեևիչը, կաղ-կաղ քայլելով գերիների բազմութեան մեջտեղում, տխրութեամբ ու ատելութեամբ էր նայում ուղեկցորդ կազակների զայրույթից քարացած դեմքերին, մտածում էր՝ «Կկորցնեն մեզ. եթե դատ չլինի, կորած ենք»:

Ուղեկցորդների մեջ գերակշռում էին հասակավորները: Նրանց հրամանատարը մի հնադավան ժերոնի էր, Ատամանյան գնդի վախժիտոր: Հենց սկզբից, երբ դուրս եկան Ուստ-Խոպերսկուց, նա գերիներին հրամայեց շխոսել, շփսել, հարցեր չտալ ուղեկցորդներին:

— Աղոթք արեք, սաղայելի ծառաներ: Մեռնելու եք գնում, մեղք մի գործեք մնացած ժամերին: Ի-ի-ի՛հ: Մոռացել եք աստծուն, աստանային եք հանձնվել: Չար հոգու բաժին եք դարձել:— Մերուկը մերթ բարձրացնում էր նազանը, մերթ տնտղում դրա հյուսած, վզից գցած քուղը:

Գերիների մեջ միայն երկու կոմունիստ կային, որոնք Սերդորյան գնդի հրամկազմից էին. մնացած բոլորը, բացի Իվան Ալեքսեևիչից, Ելանսկայա ստանիցայի ոչ կազակ բնակիչներ էին, պարթևահասակ ու առողջ տղերք, որոնք պարտիայի մեջ էին մտել այն միջոցին, երբ սովետական զորքերը եկել էին այդ ստանիցան, և որոնք ծառայել էին իբրև միլիցիոներներ, խուտորների ռեկոմենների նախագահներ, ապստամբությունից հետո փախել էին Ուստ-Խոպերսկայա ու մտել Սերդորյան գունդը:

Անցյալում նրանք համարյա բոլորն էլ եղել էին արհես-

տավորներ, — ատաղձագործներ, հյուսներ, տակառագործներ, քարտաշներ, վառարանագործներ, կոշկակարներ, դերձակներ: Նրանցից ամենամեծը տեսքով երեսունհինգ տարեկանից ավելի չէր, ամենափոքրը՝ մոտ քսան տարեկան: Ամրակազմ, գեղեցիկ ու առողջ, ֆիզիկական ծանր աշխատանքից կոշտացած, խոշոր ձեռքերով, լայնաթիկունք ու կրծքեղ այդ մարդիկ իրենց արտաքին տեսքով խիստ տարբերվում էին կորացած ժերուկ ուղեկցորդներից:

— Մեզ դատելու՞ են, ի՞նչ ես կարծում, — շնչաց Ելանսկի կոմունիստներից մեկը, որ քայլում էր Իվան Ալեքսեևիչի կողքից:

— Հազիվ թե:

— Կկոտորե՞ն:

— Երևի:

— Բայց չէ՞ որ սրանց մոտ գնդակահարություններ չկան: Կազակներն այդպես էին ասում, հիշո՞ւմ ես:

Իվան Ալեքսեևիչը լռեց, բայց քամու թոցրած կայծի նման նրա սրտումն էլ շողաց հույսը. «Դրուստ որ, նրանք չեն կարող մեզ գնդակահարել: Նրանց, սրիկաների մոտ լուրում էր նետված՝ «Կորչեն կոմունան, թալանն ու գնդակահարությունները»: Նրանք, լուրերի համաձայն, միայն տաժանակրութեան էին դատապարտում... Կդատապարտեն ճիպոտահարության, տաժանակիր աշխատանքի: էհ, դա սարսափելի չէ: Տաժանակրության մեջ կմնանք մինչև ձմեռ, իսկ ձմռանը, հենց որ Դոնը սառչի, մերոնք էլի վրա կտան սրանց...»:

Առկայծից հույսը ու մարեց ինչպես քամու թոցրած կայծը. «Ձէ, կկոտորեն: Կատաղել են սրիկաները: Մնաս բարով, կյանք... էհ, այսպես չպիտի լիներ: Կովում էի նրանց դեմ ու հենց նրանց էլ խղճում էի... Հարկավոր էր ոչ թե խղճալ, այլ ջարդել ու արմատախիլ անել ամեն ինչ»:

Նա սեղմեց բռունցքները, անզոր ցասումով շարժեց ուսերը ու հենց այդ պահին սայթաքեց, քիչ մնաց ընկներ ետեվից գլխին հասցրած հարվածից:

— Ի՞նչ ես բռունցքներդ սեղմում, պոռնիկ գել: Հարցնում եմ, ի՞նչ ես բռունցքներդ սեղմում, հը՞,— ձիով նրան վրա տալով, բռնաց վախժիտորը, ուղեկցորդի պետը:

Նա մի անգամ էլ մտրակով խփեց Իվան Ալեքսեևիչին, շեղակի ճեղքեց նրա դեմքը հոնքավերևի ոսկորից մինչև պիրկ, մեջտեղը փոս կզակը:

— Ո՞ւմ ես զարկում, ինձ խփիր, հայրիկ, ի՛նձ: Նա վերավորված է, ինչո՞ւ ես նրան խփում,— աղերսագին ժպիտով, կերկերածայն գոչեց ելանցիներից մեկը ու, դուրս գալով խմբի միջից, դեմ արեց ատաղձագործի իր պիրկ կուրծքը՝ պաշտպանելով Իվան Ալեքսեևիչին:

— Քեզ է՛լ կհասնի: Խփեցեք սրանց, կազակներ, խփեցեք կոմուններին:

Մտրակը այնպիսի թափով պատռեց ելանցու պաշտպանական դույնի ամառային վերնաշապկի ուտը, որ ծվեմները ոլորվեցին ինչպես կրակից խանձված տերևներ: Քրշելով ծվեմները, վերքից, արագորեն ուռչող սպիից հոսեց սև, սպանդային արյունը...

Կատաղությունից շնչաօպառ լինելով, գերիներին ձիով առնատակ անելով, վախժխտորը մտավ խմբի մեջտեղը, օհանց անողաբար խփել մտրակով...

Էլի մի հարված տրվեց Իվան Ալեքսեևիչին: Նրա աչքերում կարմիր կայլակներ շողացին, ճոճվեց գետինքը ու ասես կռացավ կանաչ անտառը, որ եզերել էր գետի հակադիր, ավազոտ ափը:

Իվան Ալեքսեևիչը իր ոսկրոտ ձեռքով բռնեց ասպանդակից, ուզեց ձիուց պցել գազանացած վախժխտրին, բայց թրի բուլ կողմով հասցրած հարվածը նրան գետին գլորեց, հեղձուցիչ, թանձր, անալի փոշին լցվեց նրա բերանը, քթից ու ականջներից բխեց տաք արյունը...

Ուղեկցորդները ոչխարների պես նրանց իրար գլխի հավաքելով, խփում էին, երկար ու դաժանորեն ծածուկ: Ծանապարհին ընկած Իվան Ալեքսեևիչը ասես երազի միջից լսում էր խուլ ճիչերը, ոտների թնդածայն դոփյունն իր շուրջը, ձիերի կատաղի փնչոցը: Ձիու փրփուրի մի քուլա ընկավ նրա բաց գլխին ու համարյա նույն ակնթարթում շատ մտ տեղից, հենց իր գլխավերևից տղամարդու կարճ ու սարսափելի հեկեկանք ու ճիչ լսվեց:

— Սրիկաներ, խփում եք անզին մարդկանց...Օ՞-օֆ... Մի ձի ոտը դրեց Իվան Ալեքսեևիչի վերավորված ոտին,

պայտի բուլ սեպերը խրվեցին սրունքի փափուկ մսի մեջ, գլխավերևում շաշում էին հարվածների թնդածայն ու արագորեն իրար հաջորդող շրմփոցները: Եվս մի բուլ, ու այնուհետև ծանր, թաց մի մարմին, գառն քրտնքի ու արյան աղի հոտ արձակելով, ընկավ Իվան Ալեքսեևիչի կողքին, և սա դեռ վերջնականապես գիտակցությունը չկորցրած, լսեց, թե ինչպես ընկած մարդու կոկորդից, ինչպես գլխավայր շուտոված շշի բկից, կլկլալով դուրս հոսեց արյունը...

Հետո էլ գերիների խումբը քեցին Դոն, ստիպեցին լվալ արյունը: Մինչև ծնկները ջրի մեջ կանգնած, Իվան Ալեքսեևիչը թրջում էր հարվածներից առաջացած, սուր ցավով վերքերը և ուռուցքները, բոռով վերցնում ի՞ր իսկ արյան հետ խառնված ջուրը, ագահությամբ խմում էր այն, վախենալով, որ չի կարողանա հագեցնել շարունակ սաստկացող ծարավը:

Ծանապարհին նրանց հասավ ձիավոր մի կազակ: Մոգ կարմրավուն նրա ձին, գարնայնաբեն վառ պլպլալով կշտությունից ու քրտնքից, գալիս էր արագ, աշխույժ վարքով: Ձիավորը չբացավ մի խուտորում, ու գերիները դեռ չէին հասել առաջին տները, երբ ժողովրդի բազմությունները դուրս թափվեցին նրանց ընդառաջ:

Իվան Ալեքսեևիչը նայելով վազելավազ մտտեցող կազակներին ու կանանց, հասկացավ, որ դա մահ է: Հասկացան նաև մյուս բոլոր գերիները:

— Ընկերներ, եկեք միմյանց հրածեշտ տանք,— գոչեց կոմունիստ սերդորցիներից մեկը:

Մոտենում էր ամբոխը, որ զինված էր եղաններով, բլունզներով, ցցերով, սայլերի երկաթե կողերով...

Այնուհետև ամեն ինչ տեղի ունեցավ ինչպես ամենածանր երազում: Ծրհուռն վերստ գնում էին համատարած խուտորներով, յուրաքանչյուր խուտորում հանդիպելով խոշտանգող ամբոխին: Ծերուկները, կնանիքը, երեխաները խփում, թքում էին գերի կոմունիստների ուռած, արյունլվիկ դեմքերին, քարեր ու շորացած հողակոշտեր էին պցում նրանց վրա, փոշի ու մոխիր շարտում ծեծից արյունակալած նրանց աչքերին: Առանձնապես մոլեգնում էին կնանիքը՝ նրանց ենթարկելով ամենադաժան խոշտանգումների: Քսանհինգ դատապարտվածները անասելի տանջանքներ էին կրում: Ի վերջո

նրանք անճանաչելի դարձան, մարդկանց չէին նմանվում, այնքան հրեշավոր կերպով էին այլանդակվել նրանց մարմիններն ու դեմքերը, ուռել, կապուտկել, արյունակալել, ծածկվել արյան հետ խառնված ցեխով:

Սկզբում քսանհինգից ամեն մեկը աշխատում էր ուղեկցորդներից հեռու քայլել, որպեսզի քիչ հարվածներ ստանար. յուրաքանչյուր մեկը ձգտում էր ընկնել իրենց խառնված շարքերի մեջտեղը, դրանից էլ քայլում էին պինդ սեղմված խումբով: Բայց նրանց շարունակ բաժանում էին, դես-դեն հրում: Եվ նրանք կորցրին հարվածներից գեթ որևէ շափով իրենց պահպանելու հույսը, արդեն ցրված էին քայլում, ու յուրաքանչյուրը միայն մեկ տանջալից ցանկություն ուներ. հաղթահարել ինքն իրեն, վայր չընկնել, որովհետև ընկածը այլևս անկարող կլիներ վեր կենալ: Նրանք անտարբեր դարձան, Իսկ սկզբում ամեն մեկը ձեռներով ծածկում էր դեմքն ու գլուխը, անզոր կերպով ձեռները տանում աչքերին, երբ հենց բիրբրի անաչ ցցվում էին եռատամ եղանների երկաթե ծայրերը կամ աղոտ նշմարվում էր ցցի բուլթ, գորշ քիթը, ծեծվող գերիների խմբի միջից լսվում էին և՛ աղերսանքների գուլթ անելու մասին, և՛ հեծեծանքներ ու հայհոյանքներ, և՛ խոր, կենդանական մոնչոց՝ անտանելի ցավից: Կեսօրին բոլորն էլ լռեցին: Ելանցիներից միայն մեկը, ամենաջահելը, անցյալում զվարճախոս և վաշտի սիրելին, ճշում էր, երբ գլխին հարված էր տրվում: Նա քայլում էր ասես կրակի վրայով, ցատկոտելով, ցնցելով ամբողջ մարմինը, քարշ տալով ձողից շարված ոտը...

Իվան Ալեքսեևիչը Դոնում լվացվելուց հետո հոգեպես ամրապնդվեց: Տեսնելով իրենց ընդառաջ վազող կազակներին ու կանանց, հապճեպորեն հրածեշտ տվեց կողքից քայլող ընկերոջը, կամացուկ ասաց.

— Դե, ի՞նչ արած, եղբայրներս, մենք կարողանում էինք կռվել, պետք է կարողանանք և հպարտությամբ մեռնել... Մինչև վերջին շունչը պետք է հիշենք մի բան. մեզ մնում է մտքով մխիթարվել, որ թեև մեզ կկոտորեն, ամա սովետական իշխանությունը հո ցցով չես սպանի: Կոմունիստներ, հեղբայրներ, մեռնե՛նք քաջաբար, որ թշնամիներդ չծիծաղեն մեզ վրա:

Ելանցիներից մեկը շղիմացավ. երբ Բորբովսկի խուտո-

րում ծերունիները սկսեցին վարժ ու դաժանորեն ծեծել նրան, նա տղայական աղիողորմ ճշոցներ արձակեց, պատուց վերնաշապկի օձիքը, կազակներին ու կանանց ցույց տվեց փոքրիկ մի խաչ, որ կեղտից ու քրտնքից սևացած դայթանով կախել էր վզից:

— Ընկերներ, ես նոր եմ մտել պարտիայի մեջ... Խնայեցեք, ես հավատում եմ աստծուն... Ծա երկու երեխա ունեմ... Գութ արեք, դուք էլ երեխաներ ունեք...

— Մենք քեզ ի՞նչ «ընկերներ» ենք: Ձե՛նդ:

— Երեխեքի՞դ՝ միտդ բերիր, կռապաշտ իժ: Խա՞չ ես ցույց տալի, հա՞: Կակղեցի՞ր: Բա որ մերոնց զնդակահարում, թրատում էիր, հիշո՞ւմ էիր աստծուն, հը՞, — շունչ առնելով հարցրեց նրան կարճաքիթ, ականջօղով մի ծերունի, որը խփել էր երկու անգամ: Ու պատասխանի չսպասելով, նորից թափ առավ, խփեց գլխին:

Իվան Ալեքսեևիչը անզգայացել էր այն ամենի վերաբերմամբ, ինչ որ տեսնում էր, լսում, գիտակցում, նրա ուշադրությունը ոչ մի բանի վրա չէր կանգ առնում: Կարծես քարացել էր սիրտը, բայց լոկ մի անգամ դողաց այն: Կեսօրին նրանք մտան Տյուկովնովսկի խուտորը, զնացին փողոցով, ամբոխի շարքերի միջով, նրանց վրա անեծքներ ու հարվածներ էին թափվում: Եվ ահա հենց այստեղ Իվան Ալեքսեևիչը, շեղակի նայելով մի կողմ, տեսավ, թե ինչպես յոթ տարեկան մի տղա կպավ մոր փեշին, ու ծոմոված թշերից կարկտի նման զլորվող արցունքներով, հեծկլտալով, աղիողորմ ճչաց.

— Մայրիկ, մի խփի դրան, օ՛յ, մի խփի... Մեղքս գալիս է, վախենում եմ, նա արյունլվիկ է եղել...

Կինը, որ ցիցը բարձրացրել էր մի ելանցու վրա, հանկարծ ճչաց, դեն գցեց ցիցը, ու բռնելով տղայի ձեռքից, զըլխապատառ նետվեց նրբանցքը: Մանկական լացից, երեխաչական հուզիչ կարեկցությունից սրտաշարժված Իվան Ալեքսեևիչի աչքերից կաթեց անկոչ արցունքը, աղեց կտրատված, արյունակալած շուրթերը: Նա կարճ հեծկլտաց՝ հիշելով իր տղային, կնոջը, ու կայծակի պես բռնկված այդ հիշողությունից առաջացավ անհամբեր մի ցանկություն՝ «Միայն թե նրանց աչքի առաջ չսպանեն: Եվ... թող շուտ սպանեն...»

Գնում էին ոտները հազիվ քարշ տալով, ճոճվելով հոգ-

նածուխյունից և հողերը ծակծկող ցավից: Խուտորից դենը, արոտավայրում տեսնելով տափաստանային մի ջրհոր, խընգրեցին ուղեկցորդի պետին, որ թույլ տա ջուր խմել:

— Զուր խմելու որն է, առանց այդ էլ ուշացել ենք, քայլե՛լ,— բռնաց վախժիստը:

Բայց ծերունի ուղեկցորդներից մեկը պաշտպանեց գերիներին.

— Խիղճ արա, Ակիմ Սազոնիչ, ախր սրանք էլ մարդիկ են:

— Ի՞նչ մարդիկ, է՞: Կոմունիստները մարդիկ չեն: Դու ինձ մի սովորեցնի: Ծ՞ու եմ այստեղ պետք թե՞ դու:

— Քեզ պես պետեր շատ կան: Եկեք խմելու, տղերք:

Ծերունին իջավ ձիուց, մի դույլ ջուր հանեց ջրհորից: Գերիները շրջապատեցին նրան, քսանհինգ զույգ ձեռքեր միանգամից մեկնվեցին դեպի դույլը, փայլեցին բորբոքված, ուռած աչքերը, հնչեց խուպոտ, կցկտուր շշնջուներ.

— Տուր ինձ, պապի:

— Գոնե մի քիչ...

— Մի կում, էլի՛...

— Ընկերներ, բոլորդ միանգամից շմոտե՛նաք:

Ծերուկը տատանվեց, շիմացավ առաջինը ում տար ջուրը: Մի քանի տաղտկալի վայրկյան սպասելուց հետո նա ջուրը լցրեց անասունների փորածո, գետնի մեջ թաղած տաշտը, ետ քաշվեց, բղավեց.

— Ի՞նչ եք եզների պես վրա տալի: Կարգով խմեցեք:

Զուրը հոսելով տաշտի կանաչ-մամռակալած, բորբոսնած հատակով, լցվում էր արևից տաքացած, թաց փայտի հոտ արձակող դրա անկյունը: Գերիները վերջին ուժերը լաբած, նետվեցին դեպի տաշտը: Ծերունին իրար ետևից տասնմեկ դույլ ջուր հանեց, ու խղճահարությունից մոռացվելով, նայելով գերիներին, լցրեց տաշտը:

Իվան Ալեքսեևիչը խմեց ծնկաշոք, ու բարձրացնելով թարմացած դուխը, առավելագույն, գրեթե շոշափելի պայծառությամբ տեսավ կրաքարային փոշու եղյամանման-սպիտակ ծածկոցը Դոնի առափնյա ճանապարհի վրա, կապույտ տեսիլքի նման հեռվում ուրվագծվող կավճոտ բռնաճյուղերը, իսկ դրանց վերևում, ալեծուփ Դոնի հոսուն ժապավենի վերե-

վում, երկնքի անծայրածիր, վեհասքանչ լազուրում, ամենամատչելի բարձունքում՝ փոքրիկ մի ամպ: Քամուց թևավորված, առագաստի պես սպիտակ, առկայծուն կատարով ամպիկը շեշտակի սահում էր դեպի հյուսիս, որ Դոնի հեռավոր ոլորանում արտացոլվում էր նրա արևակնային ստվերը:

LV

Ապստամբական ուժերի գերագույն հրամանատարության գաղտնի խորհրդակցությունում որոշվեց օգնություն խնդրել Դոնի կառավարությունից, ատաման Բոգանսկուց:

Կուդինովին հանձնարարվեց նամակ գրել և զոջում ուցավ հայտնել, որ 1918 թվականի վերջում վերինդոնեցիները բանակցությունների մեջ էին մտել կարմիրների հետ, լքել էին ռազմաճակատը: Կուդինովը նամակ գրեց: Վերին Դոնի ապստամբած ամբողջ կազակության անունից նա խոստանում էր հետագայում տոկունությամբ, մինչև հաղթանակ տանելը կովել բուլշևիկների դեմ, խնդրում էր օգնել ապստամբներին,— ֆրոնտի վրայից սավառնակներով ուղարկել հրացանի փամփուռներ և կադրային սպաներ՝ զորամասերը դեկավարելու համար:

Պյոտր Բոգատիրյովը մնաց Սինգինում, ապա մեկնեց Վեշենսկայա: Օդաշուն Կուդինովի նամակով վերադարձավ նովոչերկասկ:

Այն օրվանից Դոնի կառավարության և ապստամբական հրամանատարության միջև սերտ կապ հաստատվեց: Համարյա ամեն օր Դոնեցի մյուս կողմից ժամանում էին բոլորովին նոր, ֆրանսիական գործարանների արտադրած սավառնակներ, որոնք բերում էին սպաներ, հրացանի փամփուռներ և աննշան քանակությամբ արկեր երեք դույլմանոց հրանոթների համար: Օդաշուները նամակներ էին բերում Վերին Դոնի այն կազակներից, որոնք նահանջել էին Դոնի բանակի հետ, հարազատների պատասխանները Վեշենսկուց տանում էին այդ կազակներին,— Դոնեցի մյուս կողմը:

Հաշվի առնելով ռազմաճակատի դրությունը, իր ստրատեգիական պլանները, Դոնի բանակի նոր հրամանատար գեներ-

բալ Սիդորինը սկսեց Կուդինովին ուղարկել շտաբի մշակած գործողութիւնները պլանները, հրամաններ, ամփոփագրեր, տեղեկութիւններ ապստամբական ճակատ փոխադրվող կարմիրբանակային զորամասերի մասին:

Կուդինովը Սիդորինի հետ ունեցած նամակագրութեան մասին հաղորդում էր միայն մի քանի ընտրյալ մարդկանց, իսկ մնացածներից այդ ամենը խիստ գաղտնի էր պահվում:

LVI

Ցերեկվա ժամը հնգին գերիներին բերին Տատարսկի Արդեն մոտիկ էր գարնանային արագընթաց մթնշաղը, արևը արդեն մոտենում էր մայրամուտին, բոցավառ սկավառակով շոշափում արևմուտքում փոված փրշոտ, կապտավուն ամպի ծայրը:

Փողոցում, հասարակական հսկայական ամբարի շվաքում նստած ու կանգնած էր տատարցիների հետևակ հարյուրյակը: Նրանց տեղափոխել էին Դոնի աջ կողմը, Ելանսկու հարյուրյակներին օգնելու համար, որոնք դժվարութեամբ էին դիմադրում Միրոնովի հեծելազորի գրոհին, և տատարցիները դիրքերը գնալիս ամբողջ հարյուրյակով մտան խուտոր, որպեսզի այցելեն հարազատներին և ուտելիք վերցնեն:

Այդ օրը նրանք պետք է ճանապարհվեին, բայց իմացան, որ գերի կոմունիստներին տանում են Վեշենսկայա, որ նրանց մեջ են գտնվում Միշկա Կոշևոյն ու Իվան Ալեքսեևիչը, որ գերիները քիչ հետո պետք է ժամանեն Տատարսկի, — դրա համար էլ որոշեցին սպասել: Կոշևոյն ու Իվան Ալեքսեևիչին հանդիպելու վրա առանձնապես պնդում էին այն կազակները, որոնք առաջին մարտում Պետրո Մելեխովի հետ սպանվածների ազգականներն էին:

Տատարցիները ալարկոտ խոսակցելով, հրացանները ամբարի պատին հենած, նստել ու կանգնել էին, ծխում էին, սեմիչկա չրթում. նրանց շրջապատել էին կնանիքը, ծերերն ու երեխաները: Ամբողջ խուտորը դուրս էր թափվել փողոց, իսկ տղաները խրճիթների կտուրներից դիտում էին, թե արդյոք չե՞ն գալիս գերիները:

Եվ ահա մանկական մի ձայն ազդարարեց.

— Երևացի՛ն: Բերում են:

Ռազմիկները աճապարանքով ոտքի ելան, ժողովուրդն իրար անցավ, աշխուժացած խոսակցության խուլ դժոյց բարձրացավ, լսվեց գերիներին ընդառաջ վազող երեխաների ոտնաձայնը: Այլոշկա Շամիլի այրին դեռ չհանդարտված վըշտի թարմ տպավորության տակ սկսեց ճղճղալ ընկնավորի նման:

— Բերում են թշնամիներին, — թավ ձայնով ասաց մի ինչ-որ ծերունի:

— Կոտորել դրանց, այդ սատանաներին: Էլ ի՞նչ եք մտիկ անում, կազակներ:

— Դատե՛լ նրանց:

— Մերոնց սպանել էին, է՛:

— Չվանով կախե՛լ Կոշևոյին ու նրա ընկերոջը:

Դարյա Մելեխովան կանգնել էր Անիկուշկայի կնոջ կողքին: Նա առաջինը ճանաչեց Իվան Ալեքսեևիչին խոշտանգված գերիների մոտեցող բազմության մեջ:

— Ձեր խուտորցուն ենք բերել: Հապա մտիկ արեք նրան, շան որդուն, քրիստոսահամբույր տվեք նրան, — վայրագորեն ուժեղացող, կցկտուր խոսակցութիւնից, կանանց ճղճղոցից ու լացից էլ բարձր, խապոտ բղավեց վախմիտորը, ուղեկցորդի պետք, ու մեկնեց ձեռքը՝ ձիու վրայից ցույց տալով Իվան Ալեքսեևիչին:

— Իսկ մյուսը ո՞ւր է: Ո՞ւր է Կոշևոյ Միշկան:

Անտիպ Փշանովը անցավ ամբոխի միջով, քայլելիս ուսից հանելով հրացանի փոկը, ճոճվող հրացանի կոթն ու սվինը դիպցնելով մարդկանց:

— Ձեր խուտորից միայն մեկն է, ուրիշը չկար: Այսքանն էլ հերիք է կտոր-կտոր անելու համար, ամեն մեկիդ հո մի կտոր կընկնի՞... — ասաց ուղեկցորդ-վախմիտորը՝ կարմիր թաշկինակով սրբելով ճակատի առատ քրտինքը, ոտը ծանր անցկացնելով թամբի զաշի վրայից:

Կանանց ճղճղոցներն ու աղմուկը սաստկանալով, լարվածութեան ծայրահեղ աստիճանին հասան: Դարյան անցավ դեպի ուղեկցորդները և իրենից մի քանի քայլ հեռավորութեամբ, մի ուղեկցորդի ձիու թաց գավակից դենը տեսավ

Իվան Ալեքսեևիչի՝ ծեծից թշացած դեմքը: Հրեշավոր կերպով ուռած նրա գլուխը, որի մազերը շորացած արյունով իրար էին կպել, ուղիղ դրած դուլլի բարձրություն ուներ: Ճակատի մաշկը ուռել էր ու ճաքճքվել, այտերը պլպլան կարմրություն ունեին, իսկ կարկաջի վրա, որ դոնդողանման աղտեղութամբ էր ծածկված, ընկած էին բրդե ձեռնոցները: Ինչպես երևում է, նա դրանք դրել էր գլխին, որպեսզի լայն վերքը ծածկեր արևի խայթող ճառագայթներից, ճանճերից և օդում վխտացող մոծակներից: Ձեռնոցները կպել էին վերքին ու այնպես էլ մնացել գլխի վրա...

Նա հոգնատանջ նայում էր այս ու այն կողմ՝ որոնելով ու վախենալով գտնել իր կնոջը կամ փոքրիկ որդուն, ուզում էր դիմել որևէ մեկին ու խնդրել, որ նրանց հեռացնեն, եթե նրանք այստեղ են: Նա արդեն հասկացավ, որ Տատարսկից դենը չի գնա, որ այստեղ կմեռնի, ու չէր ուզում, որ հարազատները տեսնեն իր մահը, իսկ մահվանը նա սպասում էր շարունակ սաստկացող, ազահ անհամբերությամբ: Կուշ գալով, դանդաղ ու դժվարությամբ պատելով գլուխը, հայացքներ էր նետում խուտորցիների ծանոթ դեմքերին և ոչ մի հանդիպական հայացքում ցավակցություն կամ համակրանք չկարդաց. ծուռ և դաժան էին կազակների ու կանանց հայացքները:

Նրա խունացած, պաշտպանական գույնի վերնաշապիկը ուռում, շրշում էր ամեն անգամ, երբ նա շուռ էր գալիս: Ամբողջ վերնաշապիկը ծածկված էր արյան մուգ բծերով, արյունոտված էին նաև կարմիրբանակային բամբկուն մզգակած շալվարը և բոբիկ, խոշոր ոտները՝ տափակ գարշապարներով ու ծովոված մատներով:

Դարյան կանգնել էր նրա դիմաց: Շնչասպառ լինելով կոկորդը կծկող ատելությունից, կատաղությունից, տաղտկալի սպասումից, որ ահա, հենց այժմ ինչ-որ սարսափելի բան է կատարվելու, — նայում էր նրա դեմքին ու ոչ մի կերպ չէր կարողանում հասկանալ՝ արդյո՞ք տեսնում է ու ճանաչում նրան:

Իսկ Իվան Ալեքսեևիչը դարձյալ անհանգստությամբ, հուզված տնտղում էր ամբոխին օտարոտի փայլող մի աչքով

(մյուս աչքը ծածկվել էր ուռուցքով), ու հանկարծ, հայացքը ուղղելով իրենից մի քանի քայլ հեռու գտնվող Դարյայի դեմքին, սաստիկ հարբածի պես մի անհաստատ քայլ արեց դեպի առաջ: Նրա գլուխը պտտվում էր արյան մեծ կորստից, գիտակցությունը թողնում էր նրան, բայց այս անցողիկ վիճակը, երբ ամբողջ շրջապատը անիրական է թվում, երբ դառն շճածությունը գլուխ է պտտեցնում ու մթագնում աչքերի լույսը, — անհանգստություն էր պատճառում, և նրա հսկայական լարվածությամբ դեռ մնում էր ոտների վրա կանգնած:

Տեսնելով ու ճանաչելով Դարյային, մի քայլ արավ, ճոճվեց: Ժպիտին հեռավոր նմանություն ունեցող ինչ-որ մի բան շոշափեց երբեմնի պիրկ, այժմ այլանդակված նրա շուրթերը: Եվ ահա ժպիտի նմանվող հենց այդ ծամածուծությունը Դարյայի սրտին ստիպեց թնդալ, բաբախել արագ. նրան թվում էր, թե սիրտը ինչ-որ մի տեղ, հենց կոկորդի կողքին է տրոփում:

Արագ և սաստիկ հեալով, վայրկյան առ վայրկյան ավելի ու ավելի գունատվելով, նա հուպ մտեցավ Իվան Ալեքսեևիչին:

— Հը՛, բարև, սանահեր:

Նրա ձայնի զրնգուն, բուռն տեմբը, արտասովոր շեշտավորումը ամբոխին ստիպեցին հանդարտվել:

Ու անդորրության մեջ խուլ, բայց հաստատ հնչեց պատասխանը.

— Բարև, քավորկին Դարյա:

— Հապա պատմիր, սիրելի սանահեր, թե ոնց քո քավորին... մարդուս...

Դարյան շնչահեղձ եղավ, ձեռներով բռնեց կուրծքը: Նրա ձայնը կտրվում էր:

Անշուշտ, պիրկ լարված լուծություն էր տիրում, և այդ շարագուշակ, քար լուծյան մեջ նույնիսկ ամենահեռու շարքերում էլ լսեցին, թե ինչպես Դարյան հազիվ ըմբռնելի վերջացրեց հարցը.

— ...ոնց սպանեցիր մարդուս, Պետրո Պանտելեևիչին:

— Զէ, քավորկին, ես չեմ սպանել նրան:

— Ո՞նց չես սպանել.— Դարյայի հեծկտող ձայնը է՛լ

ավելի բարձրացավ.— Ախր դու և Միշկա Կոշկոյը սպանեցիք կազակներին: Դո՛ւք:

— Զէ՛, քավորկին... Մենք նրան... Ծս նրան շեմ սպանել...

— Բա ո՞վ նրան զրկեց լույս աշխարհից: Հը՞, ո՞վ, ասա՛:

— Զաամուրյան գունդը այն ժամանակ...

— Դու, դու ես սպանել... Կազակները ասում էին, որ քեզ տեսել են բլուրի վրա: Դու ճերմակ ձիով էիր: Ուրանո՞ւմ ես, անիծված:

— Ծս էլ այն կովումն էի...— Իվան Ալեքսեևիչի ձախ ձեռքը դժվարությամբ բարձրացավ մինչև գլխի մակարդակը, շտկեց վերքին կպած ձեռնոցները: Նրա ձայնի մեջ պարզապես անվստահություն արտահայտվեց, երբ նա ասաց.— Ծս էլ եղա այն ժամանակվա կովում, բայց քո մարդուն ոչ թե ես սպանեցի, այլ Միխայիլ Կոշկոյը: Նա կրակեց Պետրոյի վրա: Ծս քավոր Պետրոյի համար պատասխանատու չեմ:

— Բա դու, սատանա, մեր խուտորցիներին ո՞ւմ սպանեցիր, հը՞: Դու ինքդ ո՞ւմ երեխաներին որբ ու անտեր թողիր աշխարհքում,— ամբոխի միջից սուր ձայնով բղավեց Յակով Պոդկովայի այրին:

Ու վերստին, լարելով առանց այն էլ լարված մթնոլորտը, լավեցին կանացի հիստերիկ հեկեկանքներ, ճշոցներ և «գեշ ձայնով» լաց ու կոծ՝ մեռելի վրա...

Հետագայում Դարյան ասում էր, որ չի հիշում, թե ինչպես և որտեղից իր ձեռքն ընկավ հեծելազորի մի հրացան, ով իր ձեռքը ճիտեց այդ հրացանը: Բայց երբ կնանիքը լաց ու կոծ բարձրացրին, նա իր ձեռքերի մեջ զգաց կողմնակի առարկալի առկայությունը, առանց նայելու, շոշափելով գլխի ընկավ, որ դա հրացան է: Նա սկզբում հրացանը բռնեց փողից, որպեսզի դրա կոթով խփեր Իվան Ալեքսեևիչին, բայց հրացանի հատիկը խրվեց ձեռքի ափի մեջ ու ցավ պատճառեց, և նա մատները տարավ փողակալին, հետո էլ հրացանը շուռ տվեց, բարձրացրեց և նույնիսկ նշան բռնեց Իվան Ալեքսեևիչի կրծքի ձախ կողմի վրա:

Դարյան տեսավ, թե ինչպես նրա հտեղում կազակները գես-դեն փախան ու երևաց ամբարի գորշ, գերանաշեն պատը:

Լսեց վախից արձակած ճիշերը՝ «Փիա՛, գժվե՛լ ես, ինչ է, մեռնոց կիսփես, կա՛ց, մի՛ կրակի»: Ու խրախուսվելով ամբոխի գազանաբարո, լարված սպասումից, իր վրա կենտրոնացած հայացքներից, ամուսնու մահվան վրեժն առնելու ցանկությունից ու մասամբ հանկարծակի ծագած սնափառության այն մտքից, որ ահա այժմ ինքը բոլորովին այնպես չէ, ինչպես մյուս կնանիքը, որ կազակները զարմանքով և նույնիսկ վախենալով են նայում իրեն ու սպասում գործի վախճանին, որ, այդ պատճառով էլ ինքը մի ինչ-որ անսովոր, առանձնահատուկ բան պետք է անի, որը կարող է սարսափեցնել բոլորին, միաժամանակ այս բոլոր տարատեսակ զգացմունքներից դրդված, երկյուղ ազդող արագություն մտտենալով իր գիտակցության խորքում կանխորոշված ինչ-որ մի բանի, որի մասին ինքը չէր ուզում և չէր կարող մտածել այդ պահին, նա մի փոքր հապաղեց՝ զգուշությամբ շոշափելով հրահանը, ու հանկարծ իրեն համար էլ անսպասելի կերպով ուժեղ սեղմեց այն:

Ծտահարումը նրան ստիպեց խիստ ցնցվել, կրակոցի ձայնը խլացրեց նրան, բայց կկոցած աչքերով նա տեսավ, թե ինչպես մի ակնթարթում սարսափելի ու անուղղելի կերպով փոխվեց Իվան Ալեքսեևիչի դողող դեմքը, ինչպես վերջինս տարածեց ու ծալեց ձեռները՝ ասես պատրաստվելով մեծ բարձրությունից նետվել ջրի մեջ, հետո էլ ընկավ երեսնիվայր, ու տենդային արագությամբ ցնցվեց նրա գլուխը, դողողացին տարածած ձեռների մատները, եռանդով քերքրեցին հողը...

Դարյան դեն գցեց հրացանը՝ դեռևս ինքն իրեն պարզ հաշիվ չտալով, թե ինչ արեց այդ միջոցին. մեջքը դարձրեց սպանվածի կողմը ու իր առօրյա պարզությամբ անբնական շարժմամբ շտկեց գլխաշորը, հավաքեց թափթփված մագերեսները:

— Զարկվածը դեռ շնչում է...— ասաց կազակներից մեկը՝ չափից անց պատրաստակամությամբ ճանապարհ տալով իր կողքից անցնող Դարյային:

Վերջինս ետ նայեց, չհասկանալով, թե այդ ում մասին և ինչ են ասում, լսեց ծոր տվող, միալար, հոգեվարքի զգուշորո-

ցով ընդհատվող տնքոցը, որ ելնում էր ոչ թե կոկորդից, այլ կարծես հենց ընդերքից: Եվ միայն այն ժամանակ գիտակցեց, որ իր ձեռքից մահ ընդունած Իվան Ալեքսեևիչն է տրնջում: Դարյան արագ ու թեթև քայլեց ամբարի կողքից, ոմանց հայացքների ուղեկցությամբ գնաց դեպի հրապարակ:

Մարդկանց ուշադրությունը կենտրոնացավ Անտիպ Փշանովի վրա: Սա, ինչպես վարժական ստուգատեսի ժամանակ, արագորեն, միմիայն ոտնաթաթերի վրա մոտեցավ գետնին ընկած Իվան Ալեքսեևիչին, հայտնի չէ ինչու քամակի վրա թաքցնելով ճապոնական հրացանի դաշույնաձև սվինը: Նրա շարժումները հաշվի առնված և ստույգ էին: Պպզեց, սվինի սայրը ուղղեց Իվան Ալեքսեևիչի կրծքին, ցածրաձայն ասաց.

— Դեհ, շունչդ փչիր, Կոտլյարով,— ու ամբողջ ուժով սեղմեց սվինի կոթը:

Դժվարությամբ ու երկար էր մեռնում Իվան Ալեքսեևիչը: Նրա առողջ, պինդ մարմինը դժկամորեն էր հեռանում կյանքից: Նույնիսկ սվինի երրորդ հարվածից հետո էլ նա դեռ էլի բաց էր անում բերանը, ու արյունով ողողված, ցցված ատամների տակից ծոր տվող, խռպոտ ձայնով կանչում էր:

— Ա-ա՛-ա:

— Ամա՛ թե մորթող ես, կորի՛ դենը,— Փշանովին ետ հրելով ասաց վախժիստրը, ուղեկցորդի պետը, ու բարձրացրեց նագանը, բանիմաց կերպով կկոցեց ձախ աչքը, նշան բռնեց:

Կրակոցից հետո, որ ասես ազդանշան դարձավ, գերինների հարցաքննող կազակները սկսեցին ծեծել նրանց: Գերիները դեռ-դեն նետվեցին: Չոր, կարճ ճալթեցին հրացանների կրակոցները՝ խառնվելով ճիչերի հետ:

Մի ժամից հետո Գրիգորի Մելեխովը ձիով ժամանեց Տատարսկի: Նա մահացու կերպով արագ էր քշել ձին և սա ընկել էր Ուստ-Խոպերսկու ճանապարհին, երկու խուտորների միջև ձգվող ուղեմասում: Թամբը քարշ տալով մինչև ամենամոտ խուտորը, Գրիգորին այնտեղ մի վատ ձի էր վերցրել: Եվ սւշացավ... Տատարցիների հետևակ հարյուրյակը բլուր-

ների վրայով գնացել էր Ուստ-Խոպերսկու խուտորները, Ուստ-Խոպերսկու հողի սահմանը, որտեղ Միրոնովի դիվիզիայի զորամասերի հետ կռիվներ էին տեղի ունենում: Խուտորում լուծյուն էր տիրում, մարդ չէր երևում: Գիշերը սև բողի նման ծածկել էր շրջակա բլուրները, Դոնի ափերը, շրջող բարդիներն ու հացենիները...

Գրիգորին ձիով մտավ բակը, ձին թողեց, մտավ տուն: Լույս չկար: Թանձր մթնոթյան մեջ բզզում էին մոծակները, առջևի անկյունում աղոտ փայլում էին ոսկեջրած սրբապատկերները: Ներշնչելով հայրենական տան հուզիչ, մանկությունից ծանոթ հոտը. Գրիգորին հարցրեց.

— Ո՞վ կա տանը: Մայրի՛կ, Դունյաշկա:

— Գրիշա, դո՛ւ ես, հա՛, — օթախից լսվեց Դունյաշկայի ձայնը:

Բոբիկ ոտների սվսվուն քայլեր, բաց դռնից երևացող Դունյաշկայի սպիտակ կերպարանքը. նա հապճեպ կապում էր տակի յուբեկայի գոտին:

— Ինչո՞ւ եք այդպես շուտ պառկել: Մերս ո՞ւր է:

— Այստեղ, մեզ մոտ է...

Դունյաշկան լռեց, ու Գրիգորին լսեց, թե ինչպես նա արագ, հուզված է շնչում:

— Ի՞նչ կա այստեղ: Գերիներին վաղո՞ւց են տարել:

— Կոտորեցին նրանց:

— Ինչպե՛-ե-ե՞ս...

— Կազակները կոտորեցին... Օ՛յ, Գրիշա, մեր Դաշկան, այդ անիծված փուլը... — Դունյաշկայի ձայնը կերկերաց զայրույթից. — ...նա ինքը սպանեց Իվան Ալեքսեևիչին... կրակեց նրա վրա...

— Ի՞նչ ես դուրս տալի,— վախեցած բռնելով քրոջ ասեղ-նադործ շապկի օձիքից, գոռաց Գրիգորին:

Դունյաշկայի աչքերի սպիտակուցները փայլեցին արցունքներից, և նրա ակնաբիբերում նշմարվող վախից Գրիգորին հասկացավ, որ սխալ չէր լսել:

— Բա Միշկա Կոշևո՞ւյր, Շտոկմա՞նը:

— Նրանք գերիների հետ չէին:

Գունյաշկան կարճ, կցկտուր պատմեց գիրիններին կոտորելու, Դարյայի մասին:

— ...Մայրիկը վախեցավ նրա հետ գիշերել մի տան մեջ, գնաց հարևանների մոտ, իսկ Դաշկան շգիտեմ որտեղից եկավ հարբած... Ցեխից էլ փիս տեսքով եկավ: Հիմի քնած է...

— Որտե՞ղ:

— Ամբարում:

Գրիգորին մտավ ամբար, բոլորովին բացեց դուռը. Դարյան անպատկառ կերպով փեշը վեր քաշած, քնել էր հատակի վրա: Նրա բարակ թևերը փռված էին, աջ թուշը թքով առատորեն ողողված, պլպլում էր, բաց բերանից տնական արագի թունդ հոտ էր փչում: Նա պառկել էր գլուխը անհարմար դրած, ձախ թուշը սեղմել հատակին, շնչում էր ծանր, ֆսֆսալով:

Գրիգորին դեռ երբեք թրատելու այդպիսի վայրագ ցանկություն չէր զգացել: Հառաչելով ու ճոճվելով, ատամները պինդ սեղմելով իրար, նա մի քանի վայրկյան կանգնեց Դարյայի գլխավերևում, անհաղթահարելի զզվանքի ու նողկանքի զգացումով դիտելով այդ փռված մարմինը: Հետո մի քայլ արեց, սապոզի երկաթած կրունկը դրեց Դարյայի երեսին, որի վրա սեխն էին տալիս աղեղնածև, բարձր հոնքերը, ու խուպոտ մոմոաց:

— Ի-ի-ի՞-ժ:

Դարյան սկսեց տնքալ, հարբած վիճակում ինչ-որ մըռթմըռթալ, իսկ Գրիգորին գլուխն առավ ձեռների մեջ ու արագորեն, շրխկացնելով թրի պատյանը, դուրս վազեց:

Հենց այդ գիշեր, առանց մորը տեսնելու, նա մեկնեց ռազմաճակատ:

LVII

8-րդ և 9-րդ կարմիր բանակները մինչև գարնանային վարարումների սկիզբը, չկարողանալով կոտրել Գոնի բանակի զորամասերի դիմադրությունը և անցնել Գոնեցի մյուս կողմը, դեռևս փորձում էին առանձին ճակատամարտերում հար-

ձակման անցնել: Այս փորձերը մեծ մասամբ անհաջող էին վերջանում: Նախաձեռնությունը անցնում էր Գոնի հրամանատարության ձեռքը:

Մայիսի կեսին Հարավային ճակատում դեռևս նկատելի փոփոխություններ չկային: Բայց շուտով դրանք կատարվելու էին: Գոնի բանակի նախկին հրամանատար գեներալ Գենիսովի և նրա շտաբի պետ գեներալ Պոլյակովի մշակած պլանի համաձայն Կամենսկայա և Ուստ-Բելոկալիտվենսկայա ստանիցաների շրջանում ավարտվում էր այսպես կոչված հարվածային խմբի կենտրոնացումը: Ճակատի այդ մասում կենտրոնացվեցին երիտասարդ բանակի ուսուցված կադրերից կազմված լավագույն ուժերը, ստորին Գոնի Գունդարովյան, Գեորգիևյան և այլ մարզված զնդերը: Կոպիտ հաշվով այդ հարվածային խմբի ուժերը բաղկացած էին տասնվեց հազար սվինից ու սրից, քսանչորս հրանոթից և հարյուր հիսուն գնդացրից:

Գեներալ Պոլյակովի մտադրությամբ խումբը գեներալ Ֆիցխելաուրովի զորամասերի հետ համատեղ պետք է հարված տար Մակեևկա ավանի ուղղությամբ, ետ մղեր 12-րդ կարմիր դիվիզիան ու թևանցելով և շրջանցելով 13-րդ և Ուրալյան դիվիզիաները, պետք է կռվով դուրս գար Վերին-Գոնի օկրուգի տերիտորիան, որպեսզի միանար ապստամբական բանակին, հետո արդեն զնար Խոպերի օկրուգը, որպեսզի «առողջացնեն» բոլշևիզմով հիվանդացած կազակներին:

Գոնեցի մոտ ինտենսիվ նախապատրաստություն էր կատարվում հարձակվելու, ճեղքվածք բանալու համար: Հարվածային խմբի հրամանատարությունը հանձնարարվել էր գեներալ Սեկրետևին: Հաջողությունը սկսում էր պարզապես թեքվել Գոնի բանակի կողմը: Այդ բանակի նոր հրամանատարը, գեներալ Սիդորինը, որ փոխարինել էր պաշտոնաթող եղած գեներալ Գենիսովին, Կրասնովի թևարկային, ինչպես և նոր նշանակված զորական ատաման գեներալ Աֆրիկան Բոգաևսկին, դաշնակցային կողմնորոշման կողմնակիցներ էին: Անգլիական ու ֆրանսիական ռազմական միսիաների ներկայացուցիչների հետ համատեղ արդեն Մոսկվայի վրա

արշավելու, Ռուսաստանի ամբողջ տերիտորիայում բուլշևիզմը լիկվիդացնելու լայն պլաններ էին մշակվում:

Ձեռքերով բռնված փոխադրանավեր էին ժամանում Սև ծովի ափի նավահանգիստները: Օվկիանոսային շոգենավերը բերում էին ոչ միայն անգլիական ու ֆրանսիական սավառնականեր, տանկեր, թնդանոթներ, գնդացիներ, հրացաններ, այլև լծկան ջորիներ և Գերմանիայի հետ կնքված հաշտությամբ արժեքագրված պարեն ու հագուստ: Անգլիական մուգ կանաչ հեծելազորային շավարների ու ֆրենչների հակերը, — որոնց պղնձե կոճակների վրա բրիտանական ծառուղած առյուծ էր քանդակված, — լցրին Նովորոսիյսկի համաբարանոցները: Պահեստները լեփ-լեցուն էին ամերիկյան ալյուրով, շաքարով, շոկոլադով, գինիներով: Կապիտալիստական Եվրոպան բուլշևիկների համառ կենսունակութունից վախեցած, առատաձեռնությամբ դեպի հարավային Ռուսաստան էր ուղարկում արկեր ու փամփուշտներ, հենց այն արկերն ու փամփուշտները, որ դաշնակից զորքերը դեռ չէին արձակել գերմանացիների վրա: Միջազգային ռեակցիան գալիս էր խեղդելու արյունաքամ Սովետական Ռուսաստանը... Անգլիական ու ֆրանսիական հրահանգիչ սպաները, որոնք ժամանում էին Դոն և Կուբան, որպեսզի կազակական սպաներին և Կամավորական բանակի սպաներին սովորեցնեին տանկերը վարելու, անգլիական հրանոթներից կրակելու արվեստը, արդեն նախաճաշակում էին Մոսկվա մտնելու հանդեսները...

Իսկ այդ ժամանակ Դոնեցի մոտ տեղի էին ունենում այն իրադարձությունները, որոնք վճռեցին Կարմիր բանակի 1919 թվականի հարձակման հաջողությունը:

Անկասկած է, որ Կարմիր բանակի անհաջող հարձակման հիմնական պատճառը վերին ղոնեցիների ապստամբությունն էր: Երեք ամսվա ընթացքում դա, ինչպես խոց, մաշում էր կարմիր ճակատի թիկունքը, պահանջում էր շարունակ զորամասեր փոխադրել, խոչընդոտում էր ռազմամթերքի ու պարենի անընդհատ առաքմանը, դժվարացնում վիրավորներին ու հիվանդներին թիկունք ուղարկելը: Ապստամբությունը

ճնշելու համար միայն 8-րդ և 9-րդ կարմիր բանակներից մոտ քսան հազար կարմիրբանակային էր ուղարկված:

Ռեսպուբլիկայի Ռազմա-ռևոլյուցիոն խորհուրդը բավականաչափ տեղյակ չլինելով ապստամբության իսկական շափերի մասին, իր ժամանակին բավականաչափ եռանդուն միջոցներ չձեռնարկեց դրա ճնշման համար: Սկզբում ապստամբության դեմ նետեցին առանձին մեծ ու փոքր ջոկատներ (այսպես, օրինակ, Համառուսական Կենտգործկոմի դպրոցը առանձնացրեց երկու հարյուր հոգուց բաղկացած մի ջոկատ), լրիվ չկոմպլեկտավորված զորամասեր, սակավաթիվ փակոցային ջոկատներ: Փորձում էին մարել մեծ հրդեհը և դրա համար ջուրը բաժակներով էին հայթայթում: Կարմիրբանակային ցաք ու ցրիվ զորամասերը շրջապատում էին ապստամբական տերիտորիան, որի տրամագիծը հարյուր իննսուն կիլոմետրի էր հասնում, գործում էին ինքնուրույն կերպով, ընդհանուր օպերատիվ պլանից դուրս, ու չնայնով, որ ապստամբների դեմ կովոդների քանակը քսանհինգ հազար սվինի էր հասնում, էֆեկտիվ արդյունքներ չկային:

Ապստամբությունը ճնշելու համար մեկը մյուսի ետևից ուղարկվեցին տասնչորս երթական վաշտ, տասնյակ փակոցային ջոկատներ. կուրսանտների ջոկատներ էին գալիս Տամբովից, Վորոնեժից, Ռյազանից, Եվ աբդեն այն ժամանակ, երբ ապստամբությունը ծավալված էր, երբ ապստամբները զինվել էին կարմիրբանակայիններից գրաված գնդացիներով ու հրանոթներով, 8-րդ և 9-րդ բանակները իրենց կազմից առանձնացրին մեկական էքսպեդիցիոն դիվիզիա, հրանոթներով ու գնդացրային խմբերով հանդերձ: Ապստամբները խոչոր կորուստ ունեցան, բայց չջախջախվեցին:

Վերին Դոնի հրդեհի կայծերը թռան նաև հարևան խոպերի օկրուգը: Սպաների ղեկավարությամբ այնտեղ կազակական աննշան խմբերի մի քանի ելույթ տեղի ունեցավ: Ուրյուպինսկայա ստանիցայում զորական ավագ Ալիմովը իր շուրջը հավաքեց զգալի թվով կազակներ և թաքնված սպաներ: Ապստամբությունը պետք է տեղի ունենար մայիսի լույս 1-ի գիշերը. բայց իր ժամանակին հայտնաբերվեց դավադրությունը: Ալիմովը և իր գործակիցների մի մասը, բռնվելով

Պլերբրաժենսկայա ստանիցայի խուտորներից մեկում, ուտրիբունալի դատավճռով գնդակահարվեցին, իր ժամանակին գլխատված ապստամբութունը տեղի շունեցավ, և այսպիսով ևնոպերի օկրուգի կենտրոնություն տարբերին չհաջողվեց միանալ Վերին Դոնի օկրուգի ապստամբներին:

Մայիսի սկզբներին Չերտկովո կայարանում, ուր մի քանի կարմիրբանակային համահավաք գնդեր էին կանգնած, գնացքից իջավ Համառուսական Կենտրոնականի դպրոցի ջոկատը: Չերտկովոն մեկն էր Հարավ-արևելյան երկաթուղու այն ծայրակայարաններից, որոնք անմիջականորեն սահմանակից էին ապստամբական ֆրոնտի արևմտյան ճակատամասին: Միգուլինսկայա, Մեշկովսկայա և Կազանսկայա ստանիցաների կազակները այն ժամանակ ձիավորների հսկայական մասսաներով կուտակվում էին Կազանսկայա ստանիցայի հողի սահմանում, կատաղի մարտեր էին մղում հարձակման անցած կարմիրբանակային զորամասերի դեմ:

Կայարանում լուրեր տարածվեցին, թե կազակները շրջապատել են Չերտկովոն և աննկատելիորեն հարձակում կսկսեն: Ու չնայելով, որ մինչև ճակատը առնվազն մի հիսուն վերստ կլինեի, որ առջևում կային կարմիրբանակային զորամասեր, որոնք կհաղորդեին, եթե կազակները ճեղքեին ճակատը,— այնուամենայնիվ կայարանում խուճապ սկսվեց: Կարմիրբանակային շարքերն իրար անցան: Որտեղից որտեղ, եկեղեցուց դենը թնդաց հրամանի հնչել ձայնը՝ «Ի հրացա-ա-ան»: Փողոցներում գլխապատառ վազվզեցին մարդիկ:

Խուճապը սուտ դուրս եկավ: Կազակների տեղ էին ընդունել կարմիրբանակայինների մի հեծելավաշտ, որը Մայնկովո գյուղի կողմից մոտենում էր կայարանին: Կուրսանտները երկու համահավաք գնդով արշավանքի ելան Կազանսկայա ստանիցայի ուղղությամբ:

Մեկ օրից հետո կազակները համարյա ամբողջապես ոչնչացրին նոր ժամանած Կրոնշտադտյան գունդը:

Կրոնշտադտցիների հետ առաջին իսկ կովից հետո գիշերով հարձակում գործեցին: Գունդը ուղեկալներ և գաղտնքներ կարգելով, գիշերում էր տափաստանում՝ ռիսկ չանելով գրավել ապստամբների լքած խուտորը: Կեսգիշերին կազակական

մի քանի հեծյալ հարյուրյակներ շրջապատեցին գունդը, կատաղի կրակ բացեցին՝ լայնորեն օգտագործելով ինչ-որ մեկի հնարած ահաբեկիչ միջոցը՝ փայտե ահագին շաշանակները: Գիշերները այդ շաշանակները ապստամբների համար գնդացիների տեղ էին ծառայում. համենայն դեպս դրանց հանած ձայները համարյա չէին տարբերվում իսկական գնդացրային հրաձգությունից...

Եվ ահա երբ շրջապատված կրոնշտադտցիները գիշերային անթափանց խավարում լսեցին բազմաթիվ «գնդացիների» ճարձատյունը, իրենց ուղեկալների անկանոն կրակոցները, կազակական հարայհրոցը ու ցրիվ շարքերով մոտեցող հեծելազորի թնդածայն դմբոճոցը, նետվեցին դեպի Դոն, կովով առաջ անցան, բայց հեծյալ գրոհով ետ մղվեցին: Գնդի ամբողջ կազմից փրկվեցին միայն մի քանի մարդիկ, որոնք կարողացան լողալով անցնել գարնանային վարարումից բարձրացած Դոնը:

Մայիսին Դոնեցի կողմից նորանոր օժանդակ ուժեր էին ժամանում ապստամբական ճակատ: Եկավ 33-րդ Կուբանյան դիվիզիան, ու Գրիգորի Մելեխովը առաջին անգամ զգաց իսկական հարվածի ամբողջ ուժը: Կուբանցիները անդադար ետ էին քշում նրա 1-ին դիվիզիան: Գրիգորին մեկը մյուսի ետևից թողնում էր խուտորները՝ նահանջելով հյուսիսային ուղղությամբ, դեպի Դոն: Չիրի բնագծում, Կարգինսկայայի մերձակայքում նա կանգ առավ մի օրով, իսկ հետո հակառակորդի գերազանց ուժերի ճնշման տակ ստիպված եղավ ոչ միայն հանձնել Կարգինսկայան, այլև շտապ կարգով օժանդակ զորք պահանջել:

Կոնգրատ Մեղվեզևը իր դիվիզիայից նրան ուղարկեց ութ հեծյալ հարյուրյակ: Նրա կազակները հիանալի հանդերձավորված էին: Բոլորն էլ ունեին բավականաչափ փամփուշտներ, կանոնավոր հագուստ և լավորակ ոտնամաններ,— այդ ամենը խլել էին գերի կարմիրբանակայիններից: Կազանսկու շտապ կազակներ, չնայելով շոգին, կաշվե կուրտկաներ էին հագնում, գրեթե ամեն մեկն էլ կամ նագան ունեի, կամ հեռադիտակ... Կազանսկու կազակները որոշ ժամանակ կանգնեցրին անընդհատ առաջացող 33-րդ Կուբանյան դիվիզիայի

հարձակումը: Օգտվելով դրանից, Գրիգորին, որոշեց մի օրով գնալ Վեշենսկայա, որովհետև Կուդինովը նրան շարունակ խնդրում էր գալ խորհրդակցության:

LVIII

Վաղ առավոտյան նա ժամանեց Վեշենսկայա:

Դռնի վարարած շուրջ սկսել էր իջնել: Օղջ հագեցված էր ծաղկոզ կաղամախիների քաղցրամեղցր, մածուցիկ բույրով: Դռնի մոտ քնեած շրշում էին կաղնիների հյուսթեղ, մուգ կանաչ տերևները: Հողի մերկացած ածուները գոլորշի էին արձակում: Դրանց վրա արդեն բարձրացել էր սրածայր կանաչը, իսկ փոս տեղերում դեռ պսպղում էր լճացած ջուրը, թավ ձայնով կոկոում էին ջրացույները, և տիղմի ու ցեխի խոտով լեցուն, խոնավ օդում խիտ վխտում էին մժղուկները, չնայելով, որ արդեն ծագել էր արևը:

Շտաբում շխշխկում էր հին գրամեքենան, շենքը լիքն էր մարդկանցով ու ծխախոտի ծխով:

Գրիգորին Կուդինովին գտավ տարօրինակ վիճակում: Կուդինովը առանց նայելու կամացուկ ներս մտնող Գրիգորին, լուրջ ու մտախոհ տեսքով պոկում էր բռնված մի մեծ, զմրուխտե-կանաչ ճանճի տոտիկները: Պոկում է, սեղմում չոր բուռնցքի մեջ, ու բուռնցքը մոտեցնելով ականջին. լրջախոհ թեքելով գլուխը, լսում է ճանճի մերթ թավ, մերթ բարակ բզզոցը:

Տեսնելով Գրիգորին, ճանճը զզվանքով ու բարկությունով շարժեց սեղանի տակ, ձեռքը քսմսեց շալվարին, հոգնածորեն թիկնեց բազկաթոռի մեջքին, որը պլպլում էր մաշվածությունից:

— Նստիր, Գրիգորի Պանտելեևիչ:

— Բարև պետ:

— էհ, բարևը լավ բան է, ամա, ոնց որ ասում են, բանը բուրգ է: Ո՞նց է քեզ մոտ: Հո՞ւպ են տալի:

— Շատ են հուպ տալի:

— Զիրի մոտ զազարեցրի՞ր նահանջը:

— Դե, ս՞վ գիտի ինչքան ժամանակով: Կազանցիները փրկեցին:

— Ա՛յ թե ինչ, Մելեխով,— Կուդինովը իր կովկասյան գոտու լանակոնած փոկիկը փաթաթեց մատին և շինծու ուշադրությամբ զննեց մի քիչ սևացած արծաթը, շունչ առավ.— Ոնց որ երևում է, մեր գործերը է՛լ աճելի կվատանան: Դոնեցի մոտ ինչ-որ բան է կատարվում: Այնտեղ կամ մերոնք են թունդ կոխացնում կարմիրներին ու ճեղքում նրանց ֆրոնտը, կամ թե կարմիրները հասկացել են, որ իրենց համար մենք ենք շարիքի ամբողջ արմատը, և ուզում են մեզ աքցանել:

— Բա կադետների մասին ի՞նչ լուր կա: Վերջին այերոպլանով ի՞նչ էին հաղորդում:

— Առանձին ոչինչ չկա: Նրանք, աղբերս, ինձ ու քեզ չեն պատմի իրենց ստրատեգիաների մասին: Սիդորինը ուստա մարդ է, հա՛-ա: Նրանից բան իմանալը դժվար է: Նրանք այսպիսի պլան ունեն,— ճեղքել կարմիրների ֆրոնտը և մեզ օգնություն ուղարկել: Խոստացել են օգնել: Բայց խոստումները հո միշտ էլ չեն կատարվում: Ֆրոնտ ճեղքելն էլ հեշտ գործ չի, գիտեմ, ինքս եմ ճեղքել գեներալ Բրուսիլովի հետ: Ծս ու դու ի՞նչ իմանանք, թե Դոնեցի վրա կարմիրները ինչ ուժեր ունեն: Կարելի է նրանք Կուլչակի ֆրոնտից մի քանի կորպուս են հանել ու քշել այստեղ, հը՞: Իսկի բան չենք իմանում: Ու մեր թից դենը ոչինչ չենք կարենում տեսնել:

— Բա դու ինչի մասին էիր ուզում խոսել, ի՞նչ խորհրդակցություն է,— ձանձրույթից հորանջելով՝ հարցրեց Գրիգորին:

Նրա հոգին շէր ցավում ապստամբության ելքի համար: Այդ նրան ինչ-որ շէր հուզում: Օրը օրին, ինչպես կախիչ գրչոնը կալում քարշ տվող ձի, նա գլուխ էր շարդում այդ իսկ հարցի շուրջը ու վերջապես, մտքում ձեռքաշեց դրանից. «Սովետական իշխանության հետ հիմի մեզ չես հաշտեցրի, մենք էլ, նա էլ շատ ենք իրար արյուն թափել, իսկ կադետական իշխանությունը հիմի շոյում է, հետո էլ կքերթի մեզ: Կորչի՛ է՛: Բանն ինչով որ վերջանալու է, թող վերջանա»:

Կուղինովը փոեց քարտեզը. դարձյալ առանց Գրիգորիի աչքերին նայելու ասաց.

— Այստեղ մենք առանց քեզ խորհուրդ արինք ու որոշեցինք...

— Այդ ո՞ւմ հետ ես խորհուրդ արել, կնյազի հե՞տ, թե ոնց,— ընդհատեց Գրիգորին, հիշելով հենց այդ սենյակում ձմռանը կայացած խորհրդակցությունը և կովկասցի փոխգնդապետին:

Կուղինովը մոայլվեց, դալկացավ:

— Նա արդեն կենդանի չէ:

— Ո՞նց թե,— աշխուժացավ Գրիգորին:

— Բա մի՞թե ես քեզ չեմ ասել: Սպանեցին ընկեր Գեորգիձեհին:

— Ախր նա ինձ ու քեզ ի՞նչ ընկեր է... Քանի դեռ դաբաղած կաշվե կիսամուշտակ էր հագնում, ընկեր էր: Ամա,— աստված շանի,— թե որ մենք միանայինք կաղետների հետ ու նա էլ կենդանի մնար, հենց մյուս օրը բեղերին պոմադ կքսեր, կկոկլիկանար ու քեզ կբարևեր ոչ թե ձեռքով, այլ այսպես, էլի, ճկույթով,— Գրիգորին ետ տարավ իր թուփլիկ ու կեղտոտ մատը և հոճոաց՝ ցույց տալով փայլող ատամները:

Կուղինովը էլ ավելի մոայլվեց: Նրա հայացքը և ձայնը ակնհայտ դժգոհություն, սրտնեղություն, զսպված բարկություն արտահայտեցին:

— Այստեղ ծիծաղելու բան չկա: Ուրիշի մահվան վրա չեն ծիծաղում: Դու ոնց որ թե Վանյուշկա-խելառին ես նմանվում: Մարդուն սպանել են, իսկ դու մտածում ես՝ «ջհաննամը գնաց, էլի՛»:

Մի փոքր վիրավորվելով, Գրիգորին բոլորովին ցույց չտվեց, որ Կուղինովի ասածը շոշափել է իրեն. քմծիծաղ տալով՝ պատասխանեց.

— Այդ տեսակ մարդիկ դրուստ որ պետք է «ջհաննամը գնան»: Ես իսկի էլ չեմ խղճում այդ պիտակ երեսով ու սպիտակ ձեռներով մարդկանց:

— Հա, սպանեցին նրան...

— Կովի մե՞ջ:

— Ո՞նց ասեմ... Մութ պատմություն է, արի ու իմացիր իսկությունը: Ախր նա իմ հրամանով գումակի հետ էր լինում: Դե, կազակների հետ յուրա չգնաց: Գուղարևկայից դենը կոփվ սկսվեց, գումակը, որի հետ գնում էր նա, երկու վերստ հեռու էր կրակի գծից: Նա, Գեորգիձեհն, նստած էր բրիչկայի առեղի վրա (այսպես էին ինձ պատմում կազակները), ու որպես թե շարածճի գնդակը խփել էր քներակին: Միթամ թե տեղնուտեղը մեռել էր... Երևի կազակները, այն սրիկաները սպանեցին նրան...

— Լավ արեցին, որ սպանեցին:

— Թող, է՛: Հերիք է դուրս տաս:

— Մի բարկանա: Հանաք եմ անում:

— Մեկ էլ տեսար գլխիցդ հիմար կատակներ ես հանում... Դու ոնց որ եզ լինես, որտեղ կերար, այնտեղ էլ կեղտոտում ես: Քո ասելով ի՞նչ է դուրս գալի, պետք է սպանե՞լ սպաներին: էլի «կորչե՞ն ուսադիրները», հա՞: Բա ժամանակը չի՞, որ դու խելքի գաս, Գրիգորի: Կաղում ես կաղա, միայն թե մի ոտից:

— Դեռ-դեռ մի ընկնի, պատմիր:

— Ի՞նչ պատմեմ: Հասկացա, որ կազակներն են սպանել, գնացի այնտեղ ու սրտանց խոսեցի նրանց հետ: Այսպես էլ ասացի՝ «էլի հին օյինների պոչի՞ց եք բռնել, շան որդենիք: էլի սկսել եք խփե՞լ սպաներին, շուտ չէ՞: Աշնանն էլ էիք գնդակահարում նրանց, իսկ հետո, երբ ձեր սանձը քաշեցին,— սպաներն էլ պետք եկան: Հենց դուք,— ասում եմ,— ինքներդ էիք գալի ու ծնկաչոք աղաչում՝ «Քեզ վրա վերցրու հրամանատարությունը, դեկավաբիր»: Իսկ հիմի էլի հի՞նը: Դե, ամաչեցրի, նախատեցի: Նրանք ուրացան, միթամ՝ «մենք իսկի էլ նրան չենք սպանել, աստված շանի»: Իսկ նրանց բ... աչքերից տեսնում եմ, որ սուտ են ասում: Ի՞նչ պահանջես նրանցից: Որ աչքերին միզես, կասեն անձրև է:— Կուղինովը ջղայնացած ճմռթեց գոտու ծայրը, կարմրատակեց:— Սպանեցին գիտուն մարդուն, իսկ ես հիմի առանց նրան ոնց որ առանց ձեռների լինեմ: Ո՞վ պիտի պլան կազմի, ո՞վ պիտի խորհուրդ տա: Քեզ հետ ինչքան ասես կխոսենք, իսկ երբ բանը ստրատեգիային ու տակտիկային հասավ,

մենք բոլորովին անպետք կրինենք: Ծնորհակալություն Պետ-
րո Բոգատիրյովին,— եկավ, թե չէ մարդ չգիտի ում հետ խո-
սի... է-է՛, գրողը տանի, հերիք եղավ: Ա՛յ թե ինչ. եթե մե-
րոնք Դոնեցից ֆրոնտը չձեղքեն, մենք այստեղ չենք կարող
դիմանալ: Ոնց որ առաջ էլ ասում էին, որոշված է ամբողջ
երեսուն հազարանոց բանակով ձեղքել ֆրոնտը: Եթե քեզ ետ
ըջեն, նահանջիք հենց մինչև Դոն: Աջ կողմը, Ուստ-Նոպերից
մինչև Կազանսկայա կամաքրենք նրանց համար, Դոնի ափերին
խրամատներ կփորենք ու կպաշտպանվենք:

Դուրը պինդ ծեծեցին:

— Մտի՛ր, ո՞վ է,— բղավեց Կուդրինովը:

Ներս մտավ 6-րդ բրիգադի հրամանատար Գրիգորի
Բոգատիրյովը: Նրա պիրկ, կարմիր դեմքը պլպլում էր քրտըն-
քից, խունացած, շեկ հոնքերը բարկությունից կիտված էին: Զհանելով
գլխարկը, որի կարկաչը թրջվել էր քրտնքից, նա
նստեց սեղանի մոտ:

— Ինչո՞ւ ես եկել,— հարցրեց Կուդրինովը, զուսպ ժպի-
տով նայեց Բոգատիրյովին:

— Փամփուշտ տուր:

— Տրված էր, էլի՛: Հերիք չէ՞ր քեզ: Ես այստեղ փամ-
փուշտի գործարա՞ն ունեմ, ինչ է:

— Ի՞նչ էր տրված, մարդուն մի փամփուշտ: Ինձ վրա
զնդացիրներին կարկուտ են թափում, իսկ ես հենց միայն
մեջքս եմ ծռում ու տապ եմ գալի: Սա պատերա՞զմ է: Սա
միայն... լաց ու կոծ է, ա՛յ թե ինչ...

— Դու կաց, Բոգատիրյով, այստեղ մենք լուրջ խոսակ-
ցություն ունենք,— ու տեսնելով, որ Բոգատիրյովը պատ-
րաստվում է գնալ, ավելացրեց.— Սպասիր, մի գնա, քեզինց
զաղտնիքներ չկան... Հա, Մելեխով, եթե այս կողմում չդի-
մանանք, կձեղքենք հակառակորդի օղակը ու կհեռանանք:
Կթողնենք բոլորին, ովքեր բանակում չեն, կթողնենք բոլոր
գումակները, հետևակը կնստեցնենք բրիչկաներին, մեզ հետ
կվերցնենք երեք մարտկոց ու կովով կանցնենք դեպի Դոնեց:
Մենք ուզում ենք, որ դու առջևից գնաս: Դեմ չե՞ս:

— Ինձ համար մեկ է: Բա մեր ընտանիքնե՞րը: Կկորչեն
աղջիկները, կնանիքը, ծերունիները:

— Ուրիշ կերպ չի լինի: Ավելի լավ է միայն նրանք կոր-
չեն, քան մենք բոլորս:

Կուդրինովը նոթերը կիտելով, երկար լռեց, հետո սեղանի
արկղից մի լրագիր հանեց:

— Հա, մի նորություն է՛լ. գլխավոր հրամանատարը եկել
է զորքերը ղեկավարելու: Լսեցինք, որ նա հիմի Միլլերովո-
յանն է թե Կանտեմիրովկայում: Ա՛յ թե ոնց են մեզ նեղում:

— Իսկուպե՞ս եկել է,— կասկածեց Գրիգորի Մելեխովը:

— Ճի՛շտ, ճիշտ: Ա՛յ, կարդա: Կազանցիներն են ուղար-
կել ինձ: Երեկ առավոտ Շումիլինսկուց դենը մեր ձիավոր
պարեկը հարձակվեց երկու ձիավորի վրա: Երկուսն էլ կարմիր
կոբրասնտներ էին: Կազակները նրանց թրատեցին: Ասում
էին, թե մեկը տեսքով մեծահասակ էր, կարելի է թե կոմի-
սար էր. նրա գծագրոցում գտան այս լրագիրը, որ կոչվում է
«Վը պուտի», այս ամսի տասներկուսինն է: Նրանք հրաշալի
են նկարագրում մեզ.— Կուդրինովը լրագիրը մեկնեց Մելեխո-
վին. լրագրի մի անկյունը այժի ոտի շափ կտրված էր:

Գրիգորին թուցիկ կերպով նայեց քիմիական մատիտով
նշված մի հոդվածի վերնագիրը, սկսեց կարդալ:

ԱՊՍՏԱՄՐՈՒԹՅՈՒՆ ԹԻՎՈՒՆՔՈՒՄ

Դոնի կազակության մի մասի ապստամբությունը արդեն մի քանի
շաբաթ է տևում: Ապստամբությունը բարձրացրել են Դենիկինի գործա-
կալները՝ կոնտրակոլուցիոն սպաները: Դա հենարան է գտել կազակ կո-
լակության միջավայրում: Կուլակներն իրենց ետևից տարել են միջակ
կազակների մի զգալի մասը: Միանգամայն հնարավոր է, որ այս կամ այն
գեպքում կազակները ինչ-ինչ անարդարություններ են տեսել սովետական
իշխանության առանձին ներկայացուցիչների կողմից: Դրանից հետո
կերպով օգտվել են Դենիկինի գործակալները, որպեսզի հրահրեն խոռ-
վության բոցը: Սպիտակգլավորդիական սրիկաները ապստամբության ու-
յունում սովետական իշխանության կողմնակիցներ են ձևանում, որպեսզի
ավելի հեշտությամբ ձեռք բերեն միջակ կազակի վստահությունը: Այս-
պիսի ճանապարհով կոնտրակոլուցիոն խաբեբայությունները, կուլակական
շահերը և կազակության մասսայի տգիտությունը առժամապես ի մի են
ձուլվել և հարավային ֆրոնտի մեր բանակների թիկունքում անիմաստ ու
հանցավոր խռովության են վերածվել: Ռազմիկի թիկունքում խռովու-
թյունը նույնն է, ինչ որ պալարը մշակի ուսի վրա: Պատերազմելու,
սովետական երկիրը պաշտպանելու, կալվածատիրական-դենիկինյան հրո-
սակախմբերը վերջնականապես շարդելու համար անհրաժեշտ է ունենալ

հուսալի, հանգիստ, բանվորագլուղացիական միահամուռ թիկունք: Գրա համար էլ այժմ կարևորագույն խնդիրն է Դոնը մարքիւ խոռվութունից և խոռվարարներից:

Կենտրոնական սովետական իշխանությունը հրամայել է ամենակարճ ժամանակամիջոցում լուծել այս խնդիրը: Հիանալի օժանդակ ուժեր են ժամանել ու ժամանում են իբրև օգնություն էքսպեդիցիոն զորքերին, որոնք գործում են կոնտրոկուլցիոն ստոր խոռվության դեմ: Լավագույն աշխատողներ, կազմակերպիչներ են ուղարկվում այստեղ՝ անհետաձգելի խնդիրը լուծելու համար:

Հարկավոր է վերջ տալ խոռվությանը: Մեր կարմիրբանակայինները պետք է համակվեն այն պարզ գիտակցությամբ, որ վեշենսկայա կամ Նլանսկայա, կամ Բուկանովսկայա ստանիցաների խոռվարարները սպիտակ զվարդիական զենքերակներ Դենիկինի և Կոլչակի ուղղակի օգնականներ են հանդիսանում: Որքան երկար տևի պատամարտությունը, այնքան շատ զոհեր կլինեն երկու կողմից: Արյունահեղությունը կարելի է նվազեցնել միայն մի ճանապարհով. արագ, դաժան, ջախջախիչ հարված հասցնել:

Պետք է վերջ տալ խոռվության: Պետք է հերձել ուսի պալարը և այն դաղել շիկացած երկաթով: Այն ժամանակ կազատվի հարավային ֆրոնտի ձեռքը՝ թշնամուն մահացու հարված հասցնելու համար:

Գրիգորին վերջացրեց ընթերցումը, մուայլ քմծիծաղ տվեց: Հողվածը նրա սիրտը լցրեց շարացումով ու բարկությամբ: «Ճճճոացրել են գրիչը ու միանգամից հավասարացրել Դենիկինին, նրա օգնականներ դարձրել...»

— Հը՛, ո՞նց է, հիանալի է, չէ՞: Ուզում են շիկացած երկաթով դաղել: Հը՛մ, մենք դեռ կտեսնենք, թե ով ում կդաղի ճի՛շտ է, Մեկխոռվ.— Կուդինովը սպասեց պատասխանի ու դիմեց Բոգատիրյովին.— Փամփո՞ւշտ է հարկավոր. կտանք: Բրիգադի ամեն մի ձիավորին — երեսուն հատ: Հերի՞ք է... Գնա պահեստ, ստացիր: Օրդերը կգրի մատակարարման բաժնի պետը, անցիր նրա մոտ: Միայն թե դու, Բոգատիրյով, այնտեղ ավելի շատ զոռ տուր թրին, խորամանկություն բանեցրու, այդ լավ բան է:

— Քոստոս ոչխարից, մի՛ կտող բուրդ պոկելն էլ խեր է,— ժպտաց ուրախացած Բոգատիրյովը ու հրածեշտ տալով դուրս գնաց:

Դեպի Դոն սպասվելիք նահանջի վերաբերմամբ Կուդինովի հետ պայմանավորվելուց հետո Գրիգորի Մեկխոռվն էլ գնաց: Գնալուց առաջ հարցրեց.

— Եթե ես ամբողջ դիվիզիան բերեմ Բազկի, ինչո՞վ պիտի անցնենք Դոնը:

— Բա՛ն ասացիր, էլի՛: Ամբողջ հեծելազորը լողալով կանցնի Դոնը: Ո՛րտեղ է տեսնված, որ հեծելազորը որևէ բանով անցնի:

— Ինձ մոտ դոնեցիները քիչ են, նկատի ունեցիր: Իսկ Զիրի կազակները լող տվողներ չեն: Ամբողջ կյանքը տափաստանում են անցկացնում, էլ ո՞նց պիտի լող տալ իմանան: Նրանք մեծ մասամբ ծանր ու անճոռնի մարդիկ են:

— Զի նստած կանցնեն: Պատահում էր, մանկերների ժամանակ լող էին տալի, գերմանական ֆրոնտում էլ այդպես էր լինում:

— Ես հետևակի մասին եմ խոսում:

— Լաստ կա: Նավակներ կպատրաստենք, մի՛ անհանգրստանա:

— Բնակիչներն էլ կգան:

— Գիտեմ:

— Դու բոլորի համար ապահովիր գետանցը: Թե չէ հոգիդ կհանեմ, հա՛-ա: Հո հանաք բան չի՞, եթե մեր ժողովուրդը մնա:

— Կանեմ, կանեմ, էլի՛:

— Բա թնդանոթնե՞րը:

— Հրասանդները պայթեցրու, իսկ երեք դյուլմանոցները բեր այստեղ: Մենք մեծ նավակներ կսարքենք և մարտկոցները այս կողմը կբերենք:

Գրիգորին իր կարդացած հոդվածի տպավորության տակ դուրս եկավ շտաբից:

«Մեզ Դենիկինի օգնականներ են անվանում... Բա ո՞վ ենք մենք: Դուրս է գալի, որ հենց օգնականներ ենք, էլ ինչի՞ նեղանալ: Մայր-ճշմարտությունը աչք ծակեց...»: Նա վերհիշեց հանգուցյալ Յակով Պոդկովայի խոսքերը: Մի անգամ Կարգինսկում, ուշ երեկոյան տուն վերադառնալով, Գրիգորին մըտավ հրետանավորների մոտ, որոնք տեղավորված էին հրապարակի տներից մեկում. հաշտում ավելով ոտները սրբելով, լսեց, թե ինչպես Յակով Պոդկովան, մեկի հետ վիճելով, ասում էր. «Ասում ես անջատվեցի՞նք: Ոչ մեկի իշխանության տակ չպիտի՞ լինենք: Է՛-է, քո ուսերի վրայինը ոչ թե գլուխ է,

այլ շուտվող դրում: Եթե ուզում ես իմանալ, մենք հիմի ոնց որ անտուն-անտեր շուն լինենք. որևէ մի շուն չի գոհացնի տիրոջը կամ կեղտոտություն կանի, կփախչի տանից, բայց ո՞ր պիտի գնա: Գայլերին չի միանա, վախենում է, ու գիտե, որ դրանք գազանների ցեղից են. տիրոջ մոտ չի կարող վերադառնալ, — սա կթակի կեղտոտության համար: Այդպես էլ մենք: Դու միտդ պահի իմ խոսքերը. պոչներս կքաշենք, մըտրակի պես կկապենք փորերիս ու կտողանք կաղետների մոտ: «Ընդունեցեք մեզ, եղբայրներ, գուժ արեք»: Այ թե ինչ է լինելու»:

Այն կովից հետո, երբ Գրիգորին Կլիմովկայի մոտ թրատեց նավաստիներին, նա ամբողջ ժամանակ ապրում էր իրեն տիրաբար համակած սառն, բուժ անտարբերության վիճակում: Ապրում էր գլուխը տրտում քարշ արած, անժպիտ, անուրախ: Մի ինչ-որ օրով նրան ցնցեցին ցավն ու ցավակցությունը սպանված Իվան Ալեքսեևիչի նկատմամբ, իսկ հետո այդ էլ անցավ: Միակ բանը, որ նրա համար մնացել էր կյանքում (գոնե այդպես էր թվում նրան), դա նոր ու անզուսպ ուժով բռնկված կիրքն էր դեպի Ակսինյան: Միայն սա էր գրավում նրան, ինչպես աշնանային ցուրտ, սև գիշերին ճամփորդին գրավում է տափաստանում վառվող հեռավոր խարույկի երերուն լույսը:

Եվ ահա այժմ էլ, վերադառնալով շտաբից, նա հիշեց Ակսինյային, մտածեց. «Մենք կճեղքենք ֆրոնտը ու կգնանք, իսկ նա ի՞նչ անի. — ու առանց տատանվելու և երկար միտք անելու որոշեց. — Նատալյան կմնա երեխաների, մորըս հետ, իսկ Ակսյուտկային կտաննմ: Նրան ձի կտամ, թող իմ շտաբի հետ գնա»:

Նա Դոնի վրայով անցավ Բազկի, մտավ իր բնակարանը, ծոցատետրից պոկեց մի թերթիկ, գրեց.

«Կսյո՛ւշա, գուցե մենք ստիպված լինենք նահանջել Դոնի ձախ կողմը, դու թող ինչ որ ունես ու գնա Վեշկի: Այնտեղ ինձ կգտնես, կլինես ինձ հետ»:

Երկտողը ծրարեց բալի ջրիկ սոսնձով, հանձնեց Պրոխոր Զիկովին, ու կարմրատակելով, մոռալվելով, շինծու խստության տակ Պրոխորից թաքցնելով իր շփոթմունքը, ասաց.

— Կգնաս Տատարսկի, այս երկտողը կտաս Ակսինյա Ա-

տախովային: Բայց այնպես տուր, որ... դե, զորօրինակ, մերոնցից, իմ ընտանիքից ոչ ոք չտեսնի: Հասկացա՞ր: Ավելի լավ է գիշերը տանես ու տաս: Պատասխան հարկավոր չէ: Եվ հետո, ա՛յ թե ինչ. երկու օրով քեզ արձակուրդ եմ տալի: Ի՛նչ, գնա:

Պրոխորը գնաց ձի նստելու, բայց Գրիգորին հանկարծ սթափվելով, նրան ետ կանչեց:

— Անցիր մերոնց մոտ ու մորըս կամ Նատալյային ասա, որ նրանք վաղօրոք այս կողմը ուղարկեն հագուստը և ուրիշ բաներ, ինչ որ արժեքավոր է: Հացը թող հորեն, իսկ անասունները լող տալով անցկացնեն Դոնից:

LIX

Մայիսի 22-ին սկսվեց ապստամբական զորքերի նահանջը Դոնի աջ ափերով: Զորամասերը կովով ետ էին քաշվում՝ կանգ առնելով յուրաքանչյուր բնագծում: Տափաստանային գոտու խուտորների բնակչությունը խուճապահար փախչում էր դեպի Դոն: Մերունիները և կնանիքը լծում էին տնտեսության մեջ եղած ամբողջ լծկանը, սայլերի վրա էին գցում սնդուկները, կահույքը, հացը, նստեցնում երեխաներին: Նախիրներից ու հոտերից ջոկում էին կովերն ու ոչխարները, բշտում ճանապարհների կողքից: Հսկայական գումակները բանակից առաջ անցնելով, գնում էին Դոնի առափնյա խուտորները:

Հրամանատարի շտաբի հրամանով հետևազորը նահանջը սկսեց մի օր առաջ: Տատարսկի պլաստունները և Վեշենսկու ոչ կազակական զուգազը մայիսի 21-ին դուրս եկավ Ուստ-Խոպերսկայա ստանիցայի Զերոտարյով խուտորից, անցան ավելի քան քառասուն վերստ, գիշերելու համար տեղավորվեցին Վեշենսկայա ստանիցայի Ռիբնի խուտորում:

Ամսի 22-ին երկինքը ծածկվեց դժգույն մուժով: Նրա մշուշված տարածության վրա ոչ մի ամպ չկար, միայն հարավում, Դոնի մերձակա լեռնանցքի վերևում արևծագից առաջ երևաց մի փոքրիկ վարդաշող ամպիկ: Դրա արևելյան կողմից ասես արյուն էր հեղվում, կարմրավառ լույս էր ծո-

րում: Արևը ծագեց ձախափնյա ավազոտ, ցողից հետո զով
թմբերի ետևից, ու ամպիկը չքացավ: Մարգագետնում ավելի
բարձր աղմկեցին արքայալորերը, սրաթև ձկնկույնները կա-
պույտ փաթիլների նման ընկնում էին Դոնի վարարած ջուրը,
բարձրանում վերև, գիշատչական կտուցներով արծաթաշող
ձկնիկներ տանում:

Կեսօրին մայիսի համար արտասովոր շոգ էր: Արևը վա-
ռում էր ինչպես անձրևից առաջ: Դեռ մինչև արշալույսը Դոնի
աջ կողմով դեպի Վեշենսկայա ձգվեցին փախստականների
բազմաքանակ գումակները: Հետմանական ճանապարհին ան-
լուխի դղրդում էին բրիչկանների անիվները: Ձիերի վրնջյունը,
եզնների բառաչը ու մարդկանց խոսակցութունը սարից մինչև
գետառ էին հասնում:

Վեշենսկու ոչ կազակական գուգազը, որ ուներ մոտ երկու
հարյուր մարտիկ, դեռևս գտնվում էր Ռիբնիում: Առավոտյան
ժամը տասին Վեշենսկուց հրաման ստացվեց, որ գուգազը
անցնի Բոլշոյ Գրոմոկ խուտորը, Հետմանական ճանապարհի
վրա ու փողոցներում ուղեկալներ կարգի, բռնի Վեշենսկայա
եկող զինվորական հասակի բոլոր կազակներին:

Դեպի Վեշենսկայա ընթացող սայլերի հոսանքը մոտեցավ
Գրոմոկին: Փռոտված, արևից սևացած կնանիքը քշում էին
անասունները, ճանապարհների կողքից դնում էին ձիավորնե-
րը: Անիվների ճռնչոցը, ձիերի փնչոցը, ոչխարների մայունը,
կովերի բառաչը, երեխաների լացը, տիֆով հիվանդների տըն-
քոցը,— որոնց նույնպես տանում էին իրենց հետ,— դեն
շպրտեցին բալենու այգիներում գաղտուկ ծվարած խուտորի
անդորր լությունը: Այնքան արտասովոր էր այդ բազմապիսի
ու համաձույլ աղմուկը, որ խուտորի շները բոլորովին խուպո-
տեցին հաշելուց և արդեն չէին հարձակվում յուրաքանչյուր
հետիոտն մարդու վրա, ինչպես այդ անում էին սկզբում, փո-
ղոցներով չէին ուղեկցում սայլերին՝ ձանձրույթից մի ամբողջ
վերստ ընկնելով դրանց ետևից:

Պրոխոր Զիկովը երկու օր մնաց տանը, Գրիգորիի երկտո-
ղը հանձնեց Ակսինյա Աստախովային, բանավոր հանձնարա-
րութունը հաղորդեց Իլլինիչնային և Նատալյային ու քսան-
երկուսին մեկնեց Վեշենսկայա:

Նա հույս ուներ իր հարյուրյակը գտնել Բազկիում: Բայց
թնդանոթային խուլ որոտմունք էր լսվում հեռվից, կարծես
նաև Չիրի ափերից: Պրոխորը շուգեց գնալ այնտեղ, ուր
բռնկվել էր մարտը, և նա որոշեց հասնել Բազկի, այնտեղ
սպասել, մինչև որ Գրիգորին իր 1-ին դիվիզիայով կմոտենար
Դոնին:

Մինչև Գրոմոկ ամբողջ ճանապարհին փախստականների
սայլերը հասնում էին Պրոխորին ու նրանից առաջ անցնում:
Նա գնում էր առանց շտապելու, համարյա շարունակ քայլքով:
Նա շտապելու կարիք չունեց: Ռուբեժինից սկսած՝ նա գնում
էր Ուստ-Նոպերսկու նոր կազմված գնդի շտաբի հետ:

Շտաբը տեղափոխվում էր միաքեղի, երկձի, զսպակավոր
սայլակով և երկու բրիչկայով: Շտաբայինները տանում էին
վեց ձի, որոնք թամբած ու կապված էին սայլերի ետին մա-
սերին: Մի բրիչկայով տանում էին ինչ-որ թղթեր և հեռախոսի
ապարատներ, իսկ սայլակով գնում էր վիրավորված, տարի-
քավոր մի կազակ ու մի ուրիշը, որը սարսափելի նիհարած էր,
սապատաքիթ, թամբի բարձրիկից չէր բարձրացնում գլուխը,
որ ծածկված էր մոխրագույն, կարակուլե սպայական փափա-
խով: Ըստ երևույթին նա հենց նոր էր ապաքինվել տիֆից:
Պառկել էր մինչև կզակը շինելով ծածկված. փոշին թեթև
քրտնքի նման նստում էր նրա կորնթարդ, դալուկ ճակատին,
բարակ, կանոնավոր քթին, նա շարունակ խնդրում էր ոտները
փաթաթել որևէ տաք բանով, ու ոսկրոտ, ջլուտ ձևքով ճա-
կատի քրտինքը սրբելով, հայհոյանք էր թափում:

— Սրիկաներ, լրբեր, ոտներիս տակ փշում է, լսո՞ւմ եք:
Պոլիկարպ, լսո՞ւմ ես: Մածկեցեք կարպետով: Երբ առողջ էի,
հարկավոր էի, իսկ հիմա... — ու խիստ, օտարոտի հայացքով,
ինչպես ծանր հիվանդությունից ապանքինված բոլոր մարդիկ,
նա այս ու այն կողմ էր նայում:

Այն մարդը, որին նա Պոլիկարպ էր անվանում, բարձրա-
հասակ, կորովի մի հնադավան էր, նա իջնում էր ձիուց, մո-
տենում սայլակին:

— Դուք կարող եք խիստ մրսել, Սամոյլո Իվանովիչ:

— Մածկիր ինձ, ասում եմ:

Պոլիէարպը հնազանդութեամբ կատարում էր հրամանը, հեռանում էր:

— Ո՞վ է դա,— նրան հարցրեց Պրոխորը՝ աչքերով ցույց տալով հիվանդին:

— Ուստ-Մեդվեդիցկու սպա է: Մեզ մոտ, շտաբումն էր գտնվում:

Շտաբի հետ գնում էին նաև Ուստ-Խոպերսկու, Տյուկովնի, Բոբրովսկի, Կրուտովսկի, Ջիմովնի և այլ խուտորների փախըստականները:

— Հը՛, ձե՞զ ուր է տանում սատանան,— հարցրեց Պրոխորը մի փախտական ծերունու, որ բազմել էր այլևայլ իրերով լեփ-լեցուն, երկար ու մեծ սայլին:

Կուզենք Վեշկի գնալ:

— Խնձո՞ր էին ղրկել, որ Վեշկի գնաք:

— Դե, հարկ է որ չէին ղրկել, ամա ո՞վ կուզի մեռնել: Աչքդ որ վախեցավ, կերթաս:

— Ես հարցնում եմ՝ ախր ինչի՞ եք Վեշկի քշում: Ելանսկում կանցնեիք գետը, պրծավ-գնաց:

— Ինչո՞վ: Մարդիկ ասում էին, որ այնտեղ լաստ չկա:

— Իսկ Վեշկիում ինչո՞վ պիտի անցնեիք: Քո փախս-մաս լասի համար լա՞ստ կտան, հա՞: Զորամասերը կթողնեն ակին, իսկ ձեզ ձեր սայլերո՞վ կանցկացնեն: է-է՛, պապի, անխելք մարդիկ եք: Գնում են սատանան գիտե թե ուր և հայտնի չէ ինչի համար: Ախր ինչի՞ ես այդքան լցրել քո սայլը,— բարկութեամբ հարցնում էր Պրոխորը՝ ձին քշելով սայլի կողքից: մտրակով ցույց տալով կապոցները:

— Շատ էլ շատ բան կա այստեղ: Շոր էլ կա, անուրներ էլ, ալյուր և ուրիշ բաներ, որոնք հարկավոր են տան համար... Չէր կարելի թողնել: Ետ կերթայի ու տունը դատարկ կտեսնեի: Դե, ես էլ լծեցի մի լուծ ձի, երեք լուծ եզ, ինչ որ կարելի էր բարձեցի, կնանոնց էլ նստեցրի ու ճամփա ընկա: Ախր, սիրելիս, այս բոլորը մեջք ծռելով եմ դատել, արցունքով ու քրտինքով դատել, ո՞նց թողնեի: Եթե կարելի լիներ, տունս էլ կբերեի, որ կարմիրների ձեռքը չընկներ, խուրբա՛ն տանի նրանց:

— Լավ, զորորինակ, այդ բարձազը ինչի՞ ես տանում,

կամ թե աթոռները ինչի՞դ են պետք գալու: Դրանք կարմիրներին իսկի էլ հարկավոր չեն:

— Ախր չէր կարելի թողնել, է՛: Մազալու մարդ ես դու... Որ թողնեի, նրանք կամ կջարդեին, կամ կվառեին: Չէ, ինձանից բան չին պոկի: Թող սևանան նրանց հոգիները: Ինչ որ կար վերցրի:

Մերունին մտրակը թափահարեց ալարկոտ քայլող: Կուշտ ձիերի վրա, շուռ եկավ ու մտրակի կոթով ցույց տալով ետև-վից եկող երրորդ եզասայլը, ասաց.

— Հրեն, եզները քշող, շալ գցած այն աղջիկը իմ դուստրն է: Նրա սայլի վրա խոզ ու գոճի կա: Խոզը ծանրած էր, երևի մենք նրան ճմլել էինք, երբ կապում էինք ու գնում սայլին: Գիշերս անտերը ծնեց հենց սայլի վրա: Լսո՞ւմ ես, թե ոնց են խանչում գոճիները: Չէ, կարմիրները ինձանից շատ խեր չեն տեսնի, մահըս տանի նրանց:

— Թե դու ինձ կպատահես լաստի մոտ, այ՛ պապի.— ասաց Պրոխորը՝ բարկութեամբ նայելով ծերունու քրտնած, լայն սֆաթին,— թե դու կպատահես քո խոզերը, գոճիները և ուրիշ ինչ որ ունես, կշարտվեն Դոնի մեջ:

— Ինչի՞ համար, է՞,— սարսափելի զարմացավ ծերունին:

— Նրա համար, որ մարդիկ կտորվում են, ամեն բանից զրկվում, իսկ դու, գրողի տարած քավթառ, սարդի պես ամեն բան քաշում-տանում ես քո ետևից,— բղավեց սովորաբար անվրդով ու մեղմ Պրոխորը.— Ես այդպիսի անպետքներին իսկի չեմ սիրում: Դա սուր դանակի պես ծակում է սիրտս:

— Անցիր, անցիր-գնա,— շարացավ ծերունին՝ ֆասալով ու շուռ տալով երեսը,— զլխիս իշխան գտնվեց, արիշի ունեցածը կզցի Դոնի մեջ... Ես խոսում եմ միթե՞մ լավ մարդու հետ... Իմ վախձիստը տղեն հիմի հարյուրյակի հետ կարմիրների դեմ է կանգնած... Անցիր-գնա, աղբեր: Ուրիշի բարեբե հետ գործ չունես: Թող դու էլ դատեիր, այն ժամանակ նախանձից չէիր տրաքվի:

Պրոխորը ձին քշեց վարզով: Ետևից սուր, բարակ ձայնով խանչեց խոճկորը, անհանգստութեամբ մոթմոթացրեց խոզը: Վերջին խանչոցը բզի պես ծակեց մարդկանց ականջները:

— Սա ի՞նչ է, է՞, գրողը տանի, ո՞րտեղից է այդ խոճ-

կորը: Պոլիկարպ...— հիվանդագին կնճռոտելով դեմքը ու գրեթե լալով բղավեց սայլակի վրա պառկած սպան:

— Գոճին ընկավ սայլից, անիվը ճզմեց նրա ոտները,— ձին մոտ քշելով՝ պատասխանեց Պոլիկարպը:

— Ասա նրանց... Գնա ասա գոճու տիրոջը, որ մորթի գրան: Ասա, որ այստեղ հիվանդներ կան... Առանց այդ էլ ծանր է դրությունս, ու հիմա էլ այդ ճղճղոցը: Շո՛ւտ, գնա:

Հասնելով սայլակին, Պրոխորը տեսնում էր, թե սպան ինչպես էր կնճռոտում դեմքը, անշարժ հայացքով ականջ դնում խոճկորի ճղճղոցին, ինչպես էր ապարդյուն փորձ անում ականջները ծածկել իր կարակուլի փափախով... Վրա հասավ Պոլիկարպը:

— Նա չի ուզում մորթել, Սամոյլո Իվանիչ: Ասում է, թե գոճին կսաղանա, իսկ եթե ոչ, ասում է, իրիկունը կմորթենք:

Սպան սփրթնեց, ճիգ անելով քիչ բարձրացավ ու նստեց սայլակի վրա՝ կախելով ոտները:

— Որտե՞ղ է բրաունինգս: Կանգնեցրու ձիերը: Ո՞րտեղ է խոճկորի տերը: Ես հիմա ցույց կտամ... Ո՞ր սայլի վրա է: Տեսեսարար ծերունուն այնուամենայնիվ ստիպեցին մորթել խոճկորը:

Պրոխորը քթի տակ ծիծաղելով, ձին նորից քշեց վարգով, Ուստ-Խոպերսկու սայլերից առաջ անցավ: Առջևում, մի վերստ հեռավորությամբ, ճանապարհով նորանոր սայլեր ու ձիավորներ էին գնում: Սայլերը առնվազն երկու հարյուր հատ էին, ձիավորները, որոնք ցաք ու ցրիվ էին գնում, մի քառասուն հոգի կլինեին:

«Լաստի մոտ Սոդոմ-Գոմոր կլինի» — մտածեց Պրոխորը:

Հասավ սայլերին: Ընթացող գումակի առջևից մուգ կարմիր, հիանալի ձիով, քառատրոփով նրան ընդառաջ էր գալիս մի կին: Հասնելով Պրոխորին, քաշեց սանձը: Նրա ձին թամբած էր շքեղ թամբով, աստղաձև կրծապանակը և սանձը շողում էին արծաթի նման, թամբի թևերն անգամ որևէ չափով մաշված չէին, իսկ թամբակալներն ու թամբի բարձիկը պլուպլան, լավորակ կաշուց էին: Կինը հմուտ ու ճարպիկ կերպով նստել էր թամբին, հուժկու, թուխ ձեռքով պինդ բռնել էր

կանոնավոր պահած սանձը, սակայն բարձրամարմին գինվորական ձին, ինչպես երևում էր, արհամարհում էր իր տիրուհուն. ձին շուռ ու մուռ էր անում արյունամած աչքի խնձորը, ծովում վիզը, ու բաց անելով ատամնաշարի դեղին սալը, փորձում էր հափոռել կնոջ կլորիկ, յուբկայի տակից դուրս եկած ծունկը:

Կնոջ դեմքը մինչև աչքերը ծածկված էր նոր լվացած, լեղակից կապտած զլխաշորով: Գլխաշորը շուրթերից գնն տանելով, հարցրեց.

— Բիձա, դու վիրավորներով սայլեր չտեսա՞ր:

— Շատ սայլ եմ տեսել: Ի՞նչ կա որ:

— Փորձանք է պատահել,— ձայնը երկարացնելով ասաց կինը,— մարդուս չեմ գտնում: Նա լազարեթի հետ գալիս է Վուստ-Խոպերից: Ուտը վիրավորված էր: Հիմի էլ ոնց որ թե թարախակալել է վերքը, նա խուտորցիների միջոցով հայտնել էր ինձ, որ ձի բերեմ: Սա նրա ձին է,— կինը մտրակով խփեց ձիու պարանոցին, որ ծածկված էր քրտնքի կաթիլներով,— ես թամբեցի ձին, գնացի Վուստ-Խոպեր, իսկ լազարեթն այնտեղ չկար, գնացել էր: Եվ ահա ինչքան էլ դես-դեն եմ ընկնում, նրան ոչ մի կերպ չեմ գտնում:

Պրոխորը կազակուհու կլոր, գեղեցիկ դեմքով զմայլված, բավականությամբ ունկնդրելով նրա ցածր, կոնտրայլտ ձայնի մեղմ տեմբրին, հոգոց հանեց.

— է՛-է, քուրբս, մարդուդ փնտրելը ինչի՞դ է պետք: Թող նա գնա լազարեթի հետ, իսկ քեզ, այդ տեսակ սիրունիկին ով ասես կառնի, այն էլ այդ տեսակ օժիտով,— քո խորոտիկ ձիով: Մինչև իսկ ես էլ ոհսկ կանեի:

Կինը զժկամ ժպտաց, ու թեքելով շաղիկ իրանը, յուբկայի փեշը քաշեց մերկացած ծնկների վրա:

— Դու առանց սիլի-բիլիի ասա, լազարեթը ճանապարհին չե՞ս տեսել:

— Հրե՛ն, այն սայլերի վրա հիվանդներ է՛լ կան, վիրավորներ էլ,— հոգոց հանելով պատասխանեց Պրոխորը:

Կինը թափահարեց մտրակը, նրա ձին միանգամից շուռ եկավ միայն ետին ոտների վրա, փրփուր թափեց ոտների

արանքը, վազեց անհամաչափ քայլերով, անցնելով քառատրոփի:

Սալլերը դանդաղ էին ընթանում: Եզները ծուլորեն թափահարում էին պոչերը, քշում բզզող պիծակներին: Այնքան շոգ էր, մինչամպրոպային օդն այնքան հեղձուկ ու ծանր էր, որ ճանապարհի կողքին կծկվում ու թոշնում էին ցածր արևածաղիկների մատաղ տերևները:

Պրոխորը էլի գումակի կողքից էր գնում: Երիտասարդ կազակների մեծ քանակը ապշեցնում էր նրան: Դրանք կամ կտրվել էին իրենց հարյուրյակներից, կամ ուղղակի դասալքել էին. միացել ընտանիքներին ու նրանց հետ գնում էին Գոնն անցնելու: Ոմանք շարային ձիերը սալլերին կապած, պառկել էին դրանց վրա, կանանց հետ խոսքեր էին փոխանակում, խնամում երեխաներին, մյուսները գնում էին ձիով, իրենց վրայից չհանելով ոչ հրացանները, ոչ էլ թրերը: «Թողել են զորամասերն ու փախչում են»,— եզրակացրեց Պրոխորը՝ նայելով կազակներին:

Զիու և եզան քրտնքի, սալլերի տաքացած փայտի, տնային լրեղենի, անիվների քուռքի հոտ էր գալիս: Եզները քայլում էին ալարկոտ, ծանր շարժելով կողերը: Նրանց դուրս ընկած լեզուներից լորձի պլպլան թելեր էին կախվում փոշոտ ճանապարհի վրա: Գումակը մի ժամում շորս-հինգ վերստ էր անցնում: Զի լծած սալլերը եզներից առաջ շէին անցնում: Բայց հենց որ հեռու-հեռվում, հարավում մեղմիվ փովեց թնդանոթի կրակոցը, ամեն ինչ իրար անցավ. խախտելով ընթացքի կարգը, սալլերի երկար շարանից շեղվեցին երկձի ու միաձի սալլակները: Զիերը վազ տվին, գործի դրվեցին մտրակները, լավեցին տարբեր ձայներ՝ «Գեհ, արագ», «Հը-ը-ը, սատանի ճուտեր», «թոե՛ք»: Ծիպոտներն ու մրտրակները պինդ զարկվում էին եզների մեջքերին, անիվներն ավելի աշխույժ ճռնչացին: Վախը արագացրեց ընթացքը: Ծանր, գորշ փոշին քուլա-քուլա բարձրանում էր ճանապարհից ու սահում դեպի ետ, նստում հացաբույսերի ու խոտաբույսերի ցողուններին:

Պրոխորի փոքրիկ ձիուկը դունչը երկարացնում էր խոտաբույսերին, շրթունքներով պոկում մերթ իշառվույտի մի շյուղ, մերթ կանճրակի դեղին պսակը, մերթ մանանեխի թփի-

կը. պոկում էր և ուտում՝ շարժելով լարված ականջները, աշխատելով բերանից դուրս գցել զրնգուն. լինդերը հարող բերանոցը: Բայց թնդանոթային կրակոցից հետո Պրոխորը կրունկներով թրմփացրեց նրան, ու ձիուկը սիրով անցավ շորորուն վարդին, կարծես հասկանալով, որ հիմա կեր ուտելու ժամանակը չի:

Թնդանոթային որոտմունքը սաստկանում էր: Միախառնելով էին կրակոցների հուժկու, որոտալից ձայները: Հեղձուկ օդում արձագանքվում էր որոտալից, ամպրոպային դղրդյունը:

— Տե՛ր Հիսուս,— սալլի վրա խաշակնքում էր մի ջահել կին՝ երեսայի բերանից հանելով դարչնագույն-կարմրավուն, կաթից պլպլող ծծակը, պիրկ, դեղնավուն ստինքը թաքցնելով շապկի տակ:

— Մերո՞նք են խփում, թե ով, է՛յ, զինվոր տղա,— հարցրեց Պրոխորին եզների կողքից քայլող մի ծերունի:

— Կարմիրներն են, պապի: Մերոնք արկեր չունեն:

— Հը՛մ, երկնային թագավորը փրկե մերոնց:

Ծերունին ձեռքից բաց թողեց եզների հրասանը, հանեց հնամաշ կազակական գլխարկը. քայլելիս խաշակնքելով, երեսը դարձրեց դեպի արևելք:

Հարավում, ուշ ցանված եզիպտացորենի սլաքաձև ծիլերով ծածկված բլրաշարքի ետևից երևաց նոսր, սև մի ամպ: Ամպը բռնեց հորիզոնի կեսը, մուժի ծածկոցով վարագուրեց երկինքը:

— Մեծ հրդեհ է, մտիկ արեք,— սալլի վրայից բղավեց մեկը:

— Այդ ի՞նչ կարող է լինել:

— Ո՛րտեղ է հրդեհը,— հնչեցին ձայները անիվների ճռճոան աղմուկում:

— Զիրի ափերին է:

— Կարմիրները այնտեղ վառում են խոտտորները:

— Զորու՞թյուն է, աստված չանի...

— Տե՛ս ինչ սև ամպ է բարձրացել:

— Վառվողը մի խոտոր չի:

— Զիրի վրա, Կարգինսկուց ներքև կրակ ու բոց է երեվում, հիմի այնտեղ կոխվ է...

— Կարելի է Չորնայա գետակի մոտ է: Քշիր, Իվան:

— Ամա՛ վառվում է, հա՛-ա...

Ան մեզը լայնակի տարածվում էր, հետզհետե ավելի մեծ տարածություն բռնում: Գնալով սաստկանում էր թնդանոթա-յին որոտմունքը: Իսկ կես ժամից հետո հարավային քամին դեպի Հեռմանական ճանապարհը բերեց հրդեհի դառն ու տագնապալից խանձահոտը. հրդեհը ծավալվում էր ճանապարհից երեսունհինգ վերստ հեռավորությամբ, Չիրի խուտորներում:

LX

Բուլշոյ Գրոմոկում ճանապարհը մի տեղ անցնում էր գորշ սալ-քարից կառուցված ցանկապատի կողքից, հետո միանգամից շուտ էր գալիս դեպի Դոն, իջնում էր ոչ խորունկ, չոր մի հեղեղատ, որի վրա գերաններից կամուրջ էր կառուցված:

Չոր եղանակին հեղեղատի հատակը պսպղում էր դեղին ավազով, գույնզգույն, ողորկ քարերով, իսկ ամառային տարափից հետո բլուրից շեշտակիորեն դեպի հեղեղատն էին հոսում պղտոր անձրևաջրերը. միախառնվում էին. հեղեղը սլանում էր ներքև, լվանում ու գլորում քարերը, աղմուկով թափվում Դոն:

Այդպիսի օրերին կամուրջը հեղեղվում էր, բայց կարճ ժամանակով. մեկ-երկու ժամից հետո լեռնային կատաղի ջուրը, որ քիչ առաջ ավերել էր բանջարանոցները և սյունների հետ միասին պոկել ցախե ցանկապատերը, իջնում էր, հեղեղատի մերկացած հատակում թարմ պլպլում էին թաց կավձի ու խոնավության հոտ արձակող, լվացված գլաքարերը, հեղեղատի եզրերին դարչնագույն փայլով փայլում էր ջրաբեր տիրը:

Հեղեղատի կողքերին խիտ աճել էին բարդիները և ուռենիները: Ամառային օրվա նույնիսկ ամենաշոգ ժամերին էլ նրանց ստվերում հով էր լինում:

Ձով տեղը գրավել էր Վեշենսկու ոչ կազակ բնակիչների ուղեկալը, որը տեղավորվել էր կամրջի մոտ: Ուղեկալում կար

տասնմեկ մարդ: Քանի դեռ խուտորում չէին երևում փախըստականների սալերը, գուգազավորները կամրջի տակ պառկած՝ թուղթ էին խաղում, ծխում, ոմանք տկլորացած, շապիկվարտիքների կարերը մաքրում էին սալդաթական անկուշտ ոչիլներից, երկուսը թույլտվություն խնդրեցին դասակապե-տից, գնացին Դոնում լողանալու:

Բայց հանգիստը կարճատև էր: Շուտով սալերը մոտեցան կամրջին: Դրանք գալիս էին անընդմեջ հոսանքով, ու քնեած, ստվերախիտ փողոցը միանգամից դարձավ մարդաշատ, աղմուկոտ, հեղձուկ, ասես սալերի հետ միասին Դոնի առափնյա բլուրից խուտոր էր թափվել նաև տափաստանային բարկ տոթը:

Ուղեկալի պետը, գուգազի Յ-րդ դասակի հրամանատարը, բարձրահասակ, նիհար մի ենթասպա ծայրատ, թուխ մորուքով ու մեծ, տղայի ականջների պես ցցված ականջներով,— կանգնել էր կամրջի մոտ, ձեռքը դրել նագանի մաշված պատյանին: Նա անարգել բաց թողեց մի երկու տասնյակ սալ, բայց մի սալի վրա տեսնելով ջահել, մոտ քսանհինգ տարեկան մի կազակ, կարճ հրամայեց.

— Կա՛նգ առ:

Կազակը քաշեց երասանները, մոայլվեց:

— Ո՞ր զորամասից ես,— հուպ մոտենալով սալին, խստորեն հարցրեց դասակապետը:

— Իսկ դուք ի՞նչ եք ուզում:

— Ո՞ր զորամասից ես, հարցնում եմ: Հը՞:

— Ռուբեժինի հարյուրյակից եմ: Բա դո՞ւք ով եք:

— Իջիր:

— Դուք ո՞վ եք, է՞:

— Իջիր, ասում եմ քեզ:

Դասակապետի կլոր ականջակոնքերը թունդ կարմրեցին: Նա բացեց պատյանը, հանեց նագանը ու առավ ձախ ձեռքը: Կազակը երասանները տվեց կնոջը, ցած թռավ սալից:

— Ինչո՞ւ զորամասում չես, ո՞ւր ես գնում,— հարցրեց նրան դասակապետը:

— Հիվանդացել էի: Հիմի գնում եմ Բազկի... Մեր ընտանիքի հետ եմ գնում:

— Հիվանդութեան մասին փաստաթուղթ կա՞:
— Ո՞րտեղից կարող է լինել: Հարյուրյակում բուժակ չկար...

— Հը՛մ, չկա՞ր... Հապա, Կարպենկո, սրան տար դպրոց:

— Ախր դուք ովքե՞ր եք, է՞:

— Այնտեղ մենք քեզ ցույց կտանք, թե ովքեր ենք:

— Ես պետք է գնամ իմ զորամասը: Ինձ բռնելու իրավունք չունես:

— Մենք ինքներս կուզարկենք քեզ: Զինքերդ մո՞տդ են:

— Միայն մի հրացան:

— Վերցրու, շուտ արա, թե չէ հիմի կգլորեմ: Այդքան ջահել ես, շա՛ւ-ան որդի, ու կընկադ փեշի տակ ես մտնում, թաքնվում: Մե՞նք պետք է պաշտպանենք քեզ, հա՞:— Ու ետևից արհամարհանքով շարտեց.— Կազակի-ի՛ս մտիկ:

Կազակը կարպետի տակից հանեց հրացանը, վերցրեց կնոջ ձեռքը, մարդկանց ներկայությամբ չհամբուրվեց, միայն ձեռքի մեջ մի բուրբակ պահեց կնոջ կողմ ձեռքը, ինչ-որ շշնջաց, գուգազավորների հետ գնաց խուտորի դպրոցը:

Փողոցում հավաքված սայլերը գոգոալով անցան կամուրջը:

Ուղեկալը մի ժամում հիսունի շափ դասալիք բռնեց: Նրանցից ոմանք բռնելու ժամանակ դիմադրում էին, մանավանդ մեկը.— Ելանսկայա ստանիցայի նիժնի-Կրիվսկոյ խուտորի տարիքավոր, երկարաբեղ, տեսքով կորովի մի կազակ: Լսելով ուղեկալի պետի հրամանը,— իջնել բրիչկայից,— նա մտրակով խփեց ձիերին: Երկու գուգազավոր բռնեցին ձիերի սանձերից, կանգնեցրին արդեն կամրջի մյուս կողմում: Այդ ժամանակ կազակը առանց երկար մտածելու փեշի տակից հանեց ամերիկական վինչեստեր հրացանը, կոթը դեմ արեց ուսին:

— Ծանապա՛քհ... Կսպանեմ, սրիկա:

— Իջի՛ր, իջի՛ր: Ով չի ենթարկվում, մենք նրա վրա կրակելու հրաման ենք ստացել: Մենք քեզ ավելի շուտ կգնդակահարենք:

— Մուժիկնե-ե-ե՛ր... Երեկ կարմիր էիք, իսկ այսօր կա-

զակներին եք բան սովորեցնում... Հոտա՛ծ հոպոպ... Դենք աշվի, կզարկեմ...

Գուգազավորներից մեկը, որ բուրրովին նոր, ձմեռային փաթաթաններով էր, կանգնեց բրիչկայի առջևի անիվին և կարճատև ծեծկուտոցից հետո կազակի ձեռքից խլեց վինչեստերը: Վերջինը կատվի նման կորացավ, ձեռքը տարավ վերնազգեստի տակ, պատյանից դուրս քաշեց թուրը. ծնկաշոք լինելով, ձգվեց կցովի, նախշած օրորանի վրայով ու քիչ մնաց թրի ծայրով խփեց գուգազավորի գլխին. վերջինը կարողացավ իր ժամանակին ետ ցատկել:

— Տիմոշա, թող. Տիմոնյուշկա: Օֆ, Տիմոշա... Պետք չի... Գործ չունես դրանց հետ, կսպանեն քեզ...— Լալիս, փոթով լվում էր կատաղած կազակի նիհար, տգեղադեմ կինը:

Բայց կազակը ամբողջ հասակով մեկ կանգնելով բրիչկայի վրա, դեռ երկար թափահարում էր կապույտ փայլ արծակող մերկ թուրը, չէր թողնում, որ գուգազավորները մոտենան բրիչկային, խոպոտ ձայնով մայր էր հայհոյում, աչքերը կատաղաբար դես-դեն դարձնում: «Դե՛ն քաշվեք... Կթրատեմ»: Նրա թուխ-սևավուն դեմքը ջղածգվում էր, երկար, դեղնավուն բեղերի տակին եռում էր փրփրուն լորձուկներ, աչքերի կապտավուն սպիտակուցները հետզհետե ավելի շատ էին արյունով լցվում:

Նրան դժվարութեամբ զինաթափեցին, գցեցին գետին, կապեցին: Ծարպիկ կազակի կովարարությունը շատ պարզ էր բացատրվում. բրիչկան խառնխտեցին ու ամենաթունդ տնական թարմ արաղով լիք լցված դուլյանոց մի սափոր գտան...

Փողոցում խռնվածք առաջացավ: Սայլերը այնքան խիտ կուտակվեցին, որ պահանջվեց արձակել եղներն ու ձիերը, սայլերը ձեռքով քարշ տալ դեպի կամուրջը: Ծքճքում, կոտորվում էին առեղներն ու քաշանները, շարանում, խլչկոտում էին պիծակներից տառապող ձիերն ու եղները, չհնազանդվելով տերերի բզավոցներին, ձանձրությից գժվելով, բարձրանում էին ցախե ցանկապատերի վրա: Կամրջի մոտ գեռ երկար լսվում էր հայհոյանք, ճի: ու աղաղակ, մտրակների շրմփոց, կանանց վայնասուն: Ըտին սայլերը ետ դարձան, որտեղ այդ հնարավոր էր, ու նորից բարձրացան մեծ ճանապարհը, որպեսզի Բազկիի միջով իջնեն Դոն:

Կալանավորված դասալիքներին ուղեկցորդի հսկողութեամբ ուղարկեցին Բազկի, բայց որովհետև նրանք բոլորն էլ զինված էին, ուղեկցորդը շկարողացավ նրանց պահել: Կամբջից քիչ հեռու ուղեկցորդների ու բռնվածների միջև տուր-ուղմփոց եղավ: Մի քիչ հետո գուգազավորները վերադարձան, իսկ դասալիքները իրենք կազմակերպված կարգով գնացին Վեշենսկայա:

Պրոխոր Զիկովին նույնպես բռնեցին Գրոմոկում: Նա ներկայացրեց Գրիգորի Մելիսովի տված արձակուրդի թուղթը և նրան անարգել բաց թողին:

Իրիկնադեմին նա հասավ Բազկի: Բոլոր փողոցները և նրբանցքները լեփ-լեցուն էին Զիրի խուտորներից եկած հազարավոր սայլերով: Դռնի ափին աննկարագրելի իրարանցում էր: Փախստականների սայլերը երկու վերստ տարածութեամբ բռնել էին ամբողջ ափը: Հիսուն հազար մարդ, անտառում ցրված, սպասում էին գետն անցնելուն:

Վեշենսկու դիմաց լաստով անց էին կացնում մարտկոցները, շտաբները և զորական զույթը: Հետևազորը փոքրիկ նավակներով էին անցնում: Դռնի վրա տասնյակ այդպիսի նավակներ էին աշխատում, ամեն մեկը երեք-չորս մարդ էր փոխադրում: Հենց ջրի ափին, նավամատուցի մոտ վայրենի հրմշտոց էր տեղի ունենում: Հեծելազորը, որ մնացել էր իբրև վերջապահ, դեռ չէր եկել: Զիրից դարձյալ թնդանոթային որոտմունք էր լսվում ու է՛լ ավելի սուր կերպով էր զգացվում բարկ, դառն խանձահոտը:

Գետանցումը տեղի ունեցավ մինչև շուշաբաց: Գիշերվա ժամը տասներկուսին մոտեցան առաջին հեծյալ հարյուրյակները: Լույսը բացվելուն պես նրանք պետք է սկսեին գետանցումը:

Իմանալով, որ 1-ին դիվիզիայի հեծյալ զորամասերը դեռ չեն ժամանել Պրոխոր Զիկովը որոշեց Բազկիում սպասել իր հարյուրյակին: Նա սանձը բռնած, ձին դժվարութեամբ անցկացրեց սայլերի կողքից, որոնք անընդմեջ կուտակվել էին տեղական հիվանդանոցի ցանկապատի մոտ, առանց թամբը հանելու ձին կապեց մեկի սայլի շորսուից, հանեց սանձի բերանոցը, իսկ ինքը քայլեց սայլերի արանքով՝ ծանոթներ փնտրելու:

Ամբարտակի մոտ հեռվից տեսավ Ակսինյա Աստախովային: Վերջինս մի փոքրիկ կապոց կրծքին սեղմած, տաք կոֆտան ուսերին գցած, գնում էր դեպի Դոն: Նրա պայծառ, աչքի ընկնող գեղեցկությունը գրավում էր գետափին խմբված հետևակների ուշադրությունը: Նրանք ինչ-որ անպատկառ խոսքեր էին ասում Ակսինյային, քրտնած փոշոտ դեմքերի վրա, ժպիտների մեջ սպիտակափայլում էին ատամները, փառ-փառ ծիծաղ ու բացականչություններ էին լսվում: Բարձրահասակ, սպիտակահեր մի կազակ, որ առանց գոտու էր, վերնաշապկով ու ծոծրակին քշած փափախով, ետևից գրուկեց Ակսինյային, շրթունքները հպեց նրա թուխ, կոկիլի վզին: Պրոխորը տեսավ, թե ինչպես Ակսինյան ուժով ետ հրեց կազակին, ցածր ձայնով ինչ-որ բան ասաց նրան՝ գիշատչաբար բաց անհլով ատամները: Շուրջը հոհացին, իսկ կազակը հանեց փափախը, խոպոտ ձայնով ասաց. «Ա՛խ, քույրիկ ջան, գոնե մի անգամ, էլի՛»:

Ակսինյան արագացրեց քայլերը, անցավ Պրոխորի կողքից: Նրա գիրգ շուրթերի վրա դողում էր արհամարհական քմծիծաղը: Պրոխորը ձայն չտվեց նրան, նա աչքերով զննում էր ամբոխը, փնտրում իրենց խուտորցիներին: Դանդաղ շարժվելով սայլերի միջև, — որոնք դեպի երկինք էին ցցել անշարժ քաշաններն ու առեղները, լսեց հարբած ձայներ, ծիծաղ: Մի սայլի տակ, փոված քաթանի վրա երեք ծերունի էին նստել: Նրանցից մեկի ոտների արանքում դրված էր արողով լեցուն մի դուլ: Քեֆովցած ծերունիները թնդանոթի պարկուճից շինած պղնձե բաժակով հերթով արող էին վերցնում, խմում, շորացած ձուկ ուտում, տնական արողի սուր հոտը և աղած ձկան շոռ հոտը քաղցած Պրոխորին ստիպեցին կանգ առնել:

— Զինվոր աղբեր, արի խմենք, որտեղ լավ մարդ կամեր կենացը, — դիմեց նրան ծերունիներից մեկը:

Պրոխորը շտիպեց երկար խնդրել իրեն, նստեց, խաշակնքեց, աղ ու հացով ծերունու ձեռքից ընդունեց քաղցրաբույր օղիով լեցուն բաժակը:

— Խմի՛, քանի սաղ ես: Հրես, ձուկ-մուկ կեր: Մերունիներից չպետք է փախչես, տղա: Մերունիները խելոք մարդիկ

են: Դուք, ջահելներդ, հլա դեռ մեզանից պետք է սովորեք, թե ոնց պիտի անցկացնել կյանքը և... ոնց արաղ խմել,— որն-գախտսեց թափված քթով ու մինչև լինդերը մաշված վերին շրթունքով մի ուրիշ պապի:

Պրոխորը խմեց՝ վախենալով և շեղակի նայելով անքիթ պապին: Երկրորդ բաժակից հետո, մինչև երրորդը էլ չհամբերեց, հարցրեց.

— Քեֆ անելո՞ւց ես կորցրել քիթդ, պապի:

— Զէ-է՛, հոգիս: Սա մրսելուց է եղել: Դեռ երեխա ժամանակս շատ էի հիվանդանում մրսելուց, դրանից էլ քիթս փշացավ:

— Ես էլ քիչ մնաց մեղք գործեի քո դեմ, մտածում եմ չլինի՞ թե քիթդ գեշ հիվանդությունից է թափվել: Մեկ էլ տեսար վարակվեցիր դրանով,— անկեղծորեն խոստովանեց Պրոխորը:

Մերունու հավաստիացումից հանգստանալով, նա շրթունքները ագահությամբ հպեց բաժակին և արդեն առանց վախենալու, առանց շունչ առնելու քամեց բաժակը մինչև հատակը:

— Կկորչի կյանքդ, ո՞նց չխմես, բղավում էր արաղի տերը, ամրակազմ ու առողջ մի բիձա.— հետս բերել եմ երկու հարչուր փութ ցորեն, հազար փութ էլ տանն եմ թողել: Հինգ լուծ եզ եմ բերել, ու այդ բոլորը ճարահատյալ պիտի թողնեմ այստեղ, հո չե՛մ կարող Դոնից անցկացնել: Ինչ որ ունեմ, կորչում է: Երգե՛լ եմ ուզում: Քեֆ արեք, կազակներ.— Մի-րունին կարմբեց, աչքերը թրշվեցին արցունքներից:

— Մի՛ բղավի, Տրոֆիմ իվանիչ: Մոսկվան—նա շատ չի հավատում արտասուքներին: Սաղ լինենք, էլի՛ կունենանք, համոզում էր ոնդախտս ծերուկն իր բարեկամին:

— Ախր ո՞նց չբղավեմ, է՞,— արտասուքուց աղճատված դեմքով բարձրացրեց ձայնը ծերունին.— Հացը կորչում է, եզները կսատկեն, տունս կվառեն կարմիրները, աշնանը սպանեցին տղիս, էլ ո՞նց կարող եմ չբղավել: Ո՞ւմ համար եմ ետ գցել, հը՞: Ամառը պատահում էր, որ քրտնքիցս տասը շապիկ էր փտում, իսկ հիմի մնում եմ տկլոր ու բրբիկ... Խմե-ե՛նք: Պրոխորը խոսակցության ժամանակ կերավ վառարանի

խուփի պես լայն մի կարմրածուկ, յոթ բաժակ արաղ խմեց, այնքան զխտվեց, որ չափազանց մեծ դժվարությամբ ոտքի ելավ:

— Զինվո՞ր տղա, մեր պաշտպան, ուզո՞ւմ ես ձիուդ համար վարսակ տամ: Ինչքա՞ն ես ուզում:

— Մի պա՛րկ,— մոթմոթաց Պրոխորը, որ անտարբեր էր դեպի ամբողջ շրջապատը:

Մերունին նրա համար մի խոտե ջվալ ընտիր վարսակ լցրեց, տվեց շալակը:

— Զվալը բեր, չմոռանաս, ի սեր Քրիստոսի,— խնդրում էր նա, գրկում Պրոխորին ու լալիս էր հարբած մարդու արցունքներով:

— Զէ, չեմ բերի: Ասում եմ չեմ բերի, ուրեմս չե՛մ բերի...— հայտնի չէ ինչու համառում էր Պրոխորը:

Նա շորորալով հեռացավ սայլից: Զվալը կորացնում էր նրան, դեռ ու դեռ գցում: Պրոխորին թվում էր, թե գնում է սկուն սառույցով պատած գետնի վրայով, նրա ոտները դողում ու թուլանում էին ինչպես չպայտած, սառույցի վրա քայլող, զգույշ ձիու ոտները: Էլի մի քանի անհաստառ քայլ անելով, կանգ առավ: Ոչ մի կերպ չէր կարողանում հիշել՝ գլխին գգակ կա՞ր թե ոչ: Բրիչկային կապված, սպիտակաճակատ, կուտած մի ձի գգաց վարսակի հոտը, գլուխը երկարացրեց դեպի ջվալը, կծեց դրա ծայրը: Մեղմակի խշշալով ջվալի ճեղքած տեղից թափվեց վարսակը: Պրոխորը թեթևացավ ու նորից գնաց:

Վարսակի մնացորդը գուցեև հասցնի իր ձիուն, բայց ահագին մի եզ, որի կողքից նա անցնում էր, հանկարծ կողքից, իր եզային սովորությամբ, աքացեց նրան: Եզանը տանջել էին բոռերն ու մոծակները, նա գժվել էր շոգից ու ձանձրությից, չէր թողնում, որ մարդիկ մոտենան իրեն: Պրոխորը, որ այդ օրը եզան կատաղության առաջին զոհը չէր, թռավ մի կողմ, գլուխը զարկվեց անիվի թոփին, և նա իսկույն քնեց:

Կեսգիշերին արթնացավ: Նրա վերևում, մթնակապտածում բարձունքում շեշտակիորեն դեպի արևմուտք էին սլանում քուլա-քուլա, գորշ-կապարազույն ամպերը: Դրանց արանքից մի ակնթարթ նայում էր թեք ընկած նորալուսիներ, ու երկինքը

կրկին վարագուրվում էր ամպերի ծածկոցով, ու մթության մեջ կարծես սաստկանում էր սուր, պաղ քամին:

Հեծելազորը գնում էր հենց այն սայլի կողքից, որի մոտ պառկած էր Պրոխորը: Գետինքը տնքում ու հառաչում էր բազմաթիվ ձիերի պայտած ամբակների տակին: Զգալով մոտալուտ անձրևը, փնչում էին ձիերը. թրերը շրխկալով դիպչում էին օսպանդակներին, բռնկվում էին ծխախոտի կարմիր կայծերը: Անցնող հարյուրյակներից ձիու քրտնքի հոտ, փոկի հանդերձանքի թթվաշ հոտ էր գալիս:

Պրոխորը, ինչպես և ամեն մի զինծառայող կազակ, պատերազմի տարիներում ընտելացել էր այդ խառն, միայն հեծելազորին հատուկ հոտին: Կազակները այն տարել էին բոլոր ճանապարհներով: Պրուսիայից ու Բուկովինայից մինչև Դոնի տափաստանները, և դա, հեծելազորային զորամասի անխախտ հոտը նույնքան մոտիկ ու ծանոթ էր, որքան և հայրենի խրճիթի հոտը: Ազահուծյամբ շարժելով պինդերը, Պրոխորը քիչ բարձրացրեց ծանր գլուխը:

— Սա ո՞ր զորամասն է, աղբեր-տղերք:

— Հեծելազորային... — մթության միջից կատակով պատասխանեց մի թավ ձայն:

— Հարցնում եմ՝ ո՞ւմ զորամասն է:

— Պետլուրայի... — պատասխանեց նույն թավ ձայնը:

— Ա՛յ քեզ սրիկա... — Մի քիչ սպասեց, կրկնեց հարցը. — ո՞ր գունդն է, ընկերներ:

— Բուկովսկու:

Պրոխորն ուզում էր վեր կենալ, բայց արյունը ծանր խփում էր գլխին, սիրտը խառնում էր: Պառկեց, էլի քնեց: Արշալույսին Դոնից խոնավություն և ցուրտ էր փչում:

— Մեռե՛լ է, — քնի միջից, գլխավերևից լսեց նա մի ձայն:

— Տաք է... ու հարբած է, — հենց Պրոխորի ականջի վերևում պատասխանեց մեկը:

— Քարշ տուր դրան գրողի ծոցը: Փռվե՛լ է լեշի նման: Հապա, մի հատ հասցրու քիթ ու մոռոթին:

Մի ձիավոր տեգի կոթով ցավագին հրեց դեռ ուշքի չեկած Պրոխորի կողքը, մեկի ձեռները հափռեցին նրա ոտները, քարշ տվին մի կողմ:

— Դեն քշեք սայլերը: Սատկե՛լ են: Քնելու ժամանակ են գտել: Կարմիրները հրես պոչներս են կոխտում, իսկ սրանք քնել են ոնց որ տանը: Դեն տարեք սայլերը, հիմի մարտկոցն է անցնելու: Շո՛ւտ... Փակե՛լ են ճամփեն... Ի՛նչ մարդիկ են, է՛,— որոտաց ազգու մի ձայն:

Սայլերի վրա և սայլերի տակ քնած փախտականները շարժվեցին: Պրոխորը վեր թռավ: Նրա վրա ոչ հրացան կար, ոչ էլ թուր, շկար նակ աչ ոտքի սապոզը. երեկվա կոնծաբանութունից հետո նա այդ բոլորը կորցրել էր: Տարակուսանքով շուրջը նայելով, ուզում էր դրանք փնտրել սայլի տակ, բայց վրա հասած, մարտկոցի ձիերից իջած ձիավարները և համարները անողորմաբար դեն շարտեցին սայլը դրա վրա եղած սնդուկների հետ միասին, բոպեպես անցք բացեցին հրանոթների համար:

— Անցնե՛-ե՛-ել...

Ձիավորները թռան ձիերի վրա: Պիրկ դողալով, ձգվեցին լայն, ամուր քաշանները: Փոսից անցնելիս շրխկացին պատյանով ծածկված հրանոթի բարձր անիվները: Լցարկղի ստին խփեց բրիչկայի առեղին. կոտրեց այն:

— Թողնում եք ֆրոնտը, հա՞-ա: Ձեզ պես կովոդների հոր կարկա՛ջը, — բրիչկայի վրայից բղավեց ոնգախոս ծերունին, որի հետ երեկոյան խմում էր Պրոխորը:

Հրետանավորները լուռ անցնում էին, շտապում դեպի գետանցը: Պրոխորը վաղորդյան աղջամուղջում երկար փրնտրում էր հրացանն ու ձին: Այնպես էլ չգտավ: Մակուկյների մոտ մյուս սապոզն էլ հանեց, շարտեց ջրի մեջ ու երկար թրջեց անտանելի ցավից տրաքովոզ գլուխը:

Արևածագին հեծելազորը սկսեց անցնել գետը: Ձիերից իջած կազակները 1-ին հարյուրյակի հարյուր հիսուն ձիերը, թամբերը հանած, քշեցին դեպի Դոն, գետածնկից վերև, որտեղից Դոնը ուղիղ անկյան տակ դառնում է դեպի արևելք: Հարյուրյակի հրամանատարը, որի դեմքը մինչև աչքերը ծածկված էր շիկակարմիր, խիտ մազ ու մորուքով և որը սապատաթիթ էր և վայրագ տեսք ուներ, — ապշեցուցիչ կերպով նման էր վայրի խոզին: Նրա ձախ թևը կախված էր կեղտոտ,

արյունոտած կապից, աջ ձեռքը անդադար խաղացնում էր մտրակը:

— Չթողնե՛լ, որ ձիերը ջուր խմեն: Քշե՛լ, քշել դրանց: է՛յ, ի՞նչ բանի ես... մերըդ... մե՛րըդ... քո մերը... Վախե- նո՞ւմ ես ջրից, ինչ է... Քշիր ձիդ, մտիր ջուրը... Նա շաքար չի, չի հալվի... — Բղավում էր նա կազակների վրա, որոնք ձիերը քշում էին ջրի մեջ, ու նրա շիկակարմիր բեղերի տակին բացվում էին ժանիքանման, սպիտակ ատամները:

Ձիերը խոնվում էին, տհաճությամբ էին մտնում պաղ ջուրը, կազակները աղմկում էին, մտրակներով ձաղկում նրանց: Առաջինը լողանալով գնաց սևաթույր, սպիտակ ոտնզներով, ճակատի վրա լայն ու կարմրավուն բծով մի ձի: Ըստ երևույթին առաջին անգամ չէր, որ լող էր տալիս: Ալիք- ները ողողում էին կախ հետույքով նրա գավակը, մի կողմ քշում թևի-թևի պոչը, իսկ վիզը և մեջքը ջրից դուրս էին: Նրա հոտից գնում էին մնացած ձիերը, ճեղքում հոսանքը, ճլմփա- լով ու փնչալով սուզվում փրփրուն ջրի մեջ: Կազակները վեց նավակով գնացին նրանց հետևից: Ուղեկցողներից մեկը նա- վակի առջևի ծայրին կանգնած, համենայն դեպս պատրաստ էր պահում օղապարանը:

— Առաջ շանցնե՛լ: Ձիերը քշել շեղակի ուղղությամբ: Չթողնել, որ ջուրը նրանց տանի:

Հարյուրյակի հրամանատարի մտրակը աշխուժացավ, մի շրջան գծեց, շրխկալով զարկվեց կավճոտած սապոգի ճիտ- քին:

Արագ հոսանքը քշում էր ձիերը: Սևաթույրը հեշտությամբ լողում էր ձիու երկու մարմնի շափ մյուսներից առաջ: Նա առաջինը հասավ ձախ ափի ավազահատակ ծանծաղուտը: Այդ միջոցին կաղամախիների խիտ ճյուղերի հոտից նայեց արևը, վարդագույն ճառագայթը ընկավ սևաթույր ձիու վրա, ու ջրից պլպլացող նրա բուրդը մի ակնթարթ բռնկվեց սև, պայծառ բոցով:

— Հետևել Մրիխինի զամբիկին, օգնե՛լ նրան... Նրա վրա սանձ կա: Դե՛հ, թիավարեցեք, է՛, թիավարեցեք... — Խռպոտ բղավում էր վայրի խոզին նմանվող հարյուրապետը:

Ձիերը բարեհաջող կերպով անցան գետը: Մյուս ափում կազակները նրանց էին սպասում: Ամեն մեկը վերցնում ու սանձում էր իր ձին: Այս կողմից սկսեցին փոխադրել թամ- ֆերը:

— Երեկ ո՞րտեղ հրդեհ եղավ,— հարցրեց Պրոխորը մի կազակի, որը դեպի նավակն էր տանում թամֆը:

— Չիրի ափերին:

— Արկի՞ց էր վառվել հրդեհը:

— Ի՞նչ արկից,— խիստ տոնով պատասխանեց կազա- կը,— կարմիրներն են հրդեհ գցում...

— Ինչ որ կա վառո՞ւմ են,— զարմացավ Պրոխորը:

— Չէ-է՛... Հարուստ տներն են վառում, որոնք երկաթե կտուրով են: Լավ տուն ու տեղն են վառում:

— Ո՞ր խուտորներն են վառվել:

— Վիսլոզուզովից մինչև Գրաչևը:

— Իսկ առաջին դիվիզիայի շտաբը հիմի ո՞րտեղ է, չգի- տե՞ս:

— Չուկարինսկումն է:

Պրոխորը վերադարձավ փախստականների սայլերի մոտ: Անծայրածիր ձգված քարավանի վերևում ամենուրեք քամուց գալարվում, բարձրանում էր խարույկների դառն ծուխը, որոնք պատրաստվում էին շոր ցախից, քանդած ցախե ցան- կապատներից և անասունների շոր փթիրից. կնանիքը նախա- ճաշ էին եփում:

Գիշերվա ընթացքում էլի մի քանի հազար փախստա- կաններ էին եկել աջափնյա տափաստանային գոտուց:

Խարույկների մոտ, սայլերի ու արաբների վրա՝ ձայների մեղվային դժժոց.

— Ե՞րբ պետք է գետն անցնելու հերթը մեզ հասնի, է՛: Մեռանք սպասելով:

— Թող աստված պատժի ինձ,— հացը կթափեմ Դոնը, որ կարմիրների ձեռքը շրնկնի:

— Լաստի մոտ անհաշիվ ժողովուրդ է կանգնել:

— Կնիկ ջան, բա մենք սնդուկները ո՞նց թողնենք գե- տափին:

— Ետ գցինք, հտ դցինք. ու... Տե՛ր Հիսուս, մեր փրկիչ:

— Մեր լաստը ունենայինք, հո կանցնեինք...
— Սատանեն բերեց այդ Վեշկիի կողմը, ա՛խ:

— Ասում էին, որ Կալինովը բոլորովին վառել են:

— Դե արի ու լաստին հասիր...

— Է՛, որ մնայիր, կնեռեի՞ն, հա՛:

— Նրանց մոտ հրաման կա՝ թրատել բոլոր կազակներին, վեց տարեկանից մինչև ալևորները:

— Մեզ վրա կտան այս կողմում... Այն ժամանակ ի՞նչ կլինի:

— Ինչքա՛ն միս են ձեռք գցելու...

Ուկրաինական խայտաբղետ մի բրիչկայի մոտ ճառաբանում է վայելչակազմ, հոնքերը ճերմակած մի ծերունի, նրա տեսքը և տիրական շարժումները ցույց են տալիս, որ նա խուտորի ատաման է, երկար տարիներ կրել է պղնձե գլխով ատամանական զավազանը.

— ...հարցնում եմ՝ «Ուրեմս ժողովուրդը պիտի կործանվի՞ գետի ափին, հա՛: Բա մենք ե՞րբ պիտի կարողանանք մեր փալաս-փուլուսով անցնել մյուս կողմը: Ախր կարմիրները կկոտորեն մեզ»: Իսկ նորին բարեծննդութունը ասում է ինձ՝ «Մի՛ կասկածի, հայրիկ: Այնքան ժամանակ դիրք կբռնենք ու կպաշտպանվենք, մինչև որ ամբողջ ժողովուրդն անցնի գետը: Կմեռնենք, ամա շենք թողնի, որ մեր կնանիքը, երեխանքն ու ալևորները կորչեն»:

Ծերունիներն ու կանայք շրջապատում են ճերմակ հոնքերով ատամանին: Մեծագույն ուշադրությամբ լսում են նրա խոսքը, հետո ընդհանուր, խառնաշփոթ ազմուկ է բարձրանում.

— Բա ինչի՞ մարտկոցը ծլկեց:

— Քիչ մնաց ոտնատակ անեին մարդկանց, վռազ-վռազ գնում էին գետն անցնելու...

— Հեծելազորն է՛լ եկավ...

— Ասում էին, թե Գրիգորի Մելիխովը թողել է ֆրոնտը:

— Սա ի՞նչ կարգ է: Բնակիչներին թողին, իսկ իրե՞նք...

— Զորքերն իրենց գլուխն են պրծացնում...

— Մեզ ո՞վ պիտի պաշտպանի:

— Հրե՛ն, հեծելազորը լող տալով անցավ...

— Առաջ մորթուս, հետո որդուս...

— Հենց այդ է, է-է՛:

— Բոլորն էլ դավաճանեցին մեզ:

— Կործանումը մոտ է, ա՛յ թե ինչ:

— Պետք է կարմիրների մոտ բիճա-միճա ղրկել աղ ու հացով: Կարելի է գուժ անեն, չկոտորեն:

Փողոցի մուտքում, հիվանդանոցի աղյուսե մեծ շենքի մոտ երևում է մի ձիավոր: Նրա հրացանը կախված է թամբի առջևի դաշից, կողքին ճոճվում է տեգի կանաչ ներկած ձուղակը:

— Ախր դա իմ Միկիշկան է,— ուրախացած ճշում է շալով պինդ փաթաթված, տարեց մի կին:

Նա վազում է դեպի ձիավորը, ցատկում առեղնքի վրայից, անցնում սայլերի ու ձիերի արանքից: Մարդիկ բռնում են ձիավորի ասպանդակից, կանգնեցնում նրան: Նա գլխավերև է բարձրացնում զմուռսե կնիքով մի ծրար, բղավում է.

— Զեկուցագիր եմ տանում գլխավոր շտաբը: Ճանապարհ տվեք:

— Միկիշենկա, որդիս,— հուզված բղավում է տարեց կինը: Նրա մագերի գզգզված, ալեխառն խոպոպներն ընկնում են ուրախությունից փայլող դեմքին: Նա դողողոջ ժպիտով, ամբողջ մարմնով սեղմվում է ասպանդակին, ձիու քրտնած կողին, հարցնում է.

— Մեր խուտորում եղա՞ր:

— Եղա: Հիմի այնտեղ կարմիրներն են...

— Բա մեր տո՞ւնը...

— Մեր տունը անվնաս է, իսկ Ֆեդոտի տունը վառեցին: Կրակը ընկավ մեր մարազը, բայց կարմիրներն իրենք հանգցրին: Ֆետիսկան այնտեղից վազեվազ եկավ, պատմեց, որ կարմիրների մեծը ասել է՝ «Ոչ մի չքավորի տուն չպետք է վառվի, իսկ բուրժույներինը վառեցեք»:

— Փառք քեզ, տեր: Քրիստոս փրկե նրանց,— խաչակնքում է մի կին:

Մռայլադեմ մի ծերունի զայրացած ասում է.

— Այդ ի՞նչ ես ասում, խորոտիկս, հարևանի տունը կրակ տվին, ուրեմն «փառք քեզ տեր», հա-ա՛:

— Նրան գրողն էլ չի տանի,— տաքացած ու արագ

րբլում է կինը, — նա իրեն համար էլի սուս կշինի, իսկ ես ինչո՞վ պիտի շինեմ, եթե վառեին: Ֆեդոտը մի ղութիկ ոսկի է թաղել գետնի մեջ. իսկ ես... ամբողջ կյանքումս ուրիշների դռներն եմ ընկնում, խեղդվում կարիքի մեջ:

— Թող, մերջս, ես պետք է վռագ տեղ հասցնեմ ծրարը, — ձիուց թեքվելով՝ խնդրում է ձիավորը:

Մայրը գնում է ձիու կողքից, քայլելիս համբուրում որդու ձեռքը, որ սևացել է արևից, վազում է դեպի իրեն արաբան, իսկ ձիավորը պատանեկական բարակ ձայնով ճվում է.

— Դեն գնացեք, ծրար եմ տանում հրամանատարին, ճանապարհ տվեք:

Նրա ձին տաքանում է, դես-դեն գցում գավակը, թռչկոտում: Մարդիկ տհաճությամբ են ճանապարհ տալիս, ձիավորը գնում է առերևույթ դանդաղությամբ, բայց շուտով չքանում է արաբաներից, եզների ու ձիերի մեջքերից դենը, ու միայն տեգն է ճոճվում բազմամարդ ամբոխի գլխավերևում՝ մոտենալով Դոնին:

LXI

Օրվա ընթացքում ապստամբական բոլոր զորամասերը և փախստականները փոխադրվեցին Դոնի ձախ ափը: Վերջինը անցնում էին Գրիգորի Մելիխովի 1-ին դիվիզիայի Վեշենսկու զնդի հեծյալ հարյուրյակները:

Գրիգորին մինչև երեկո տասներկու ընտիր հարյուրյակներով դիմադրում էր Կուբանյան 33-րդ կարմիր դիվիզիայի գրոհին: Ժամի հնգին Կուզինովից լուր ստացավ, որ զորամասերն ու փախստականները անցել են գետը, ու միայն այդ ժամանակ նահանջելու հրաման տվեց:

Վաղօրոք մշակված պլանի համաձայն, Դոնի շրջակայքի ապստամբական հարյուրյակները պետք է Դոնն անցնեին ու տեղավորվեին յուրաքանչյուրն իր խուտորի դիմաց: Կեսօրից զեկուցագրեր էին ստացվում հարյուրյակներից: Դրանց մեծամասնությունը արդեն տեղավորվել էր ձախ ափին, իրենց խուտորների դիմաց:

Շտաբը առափնյա տափաստանային գոտու կազակներից

բաղկացած հարյուրյակներ ուղարկեց այնտեղ, ուր խուտորների միջև միջանցներ կային: Կրուժիլինսկու, Մակսան-Սինգինի, Կարգինսկու հետևակ և լատիշևսկու, Լիխովիգովի ու Գրաշևսկու հարյուրյակները գրավեցին Պեգարևկայի, Վեշենսկու, Լեբյաժինսկու, Կրասնոյարսկու միջանցները, մնացածները հտ քաշվեցին դեպի թիկունքը, Դոնի ձախ ափի Դուբրովկա, Չոբնի, Գորոխովկա խուտորները և, ըստ Սաֆոնովի մտադրության, պետք է կաղմեին այն ռեզերվը, որը ճեղքվածքի դեպքում պետք էր գալու հրամանատարությունը:

Դոնի ձախ կողմում, Կազանսկայա ստանիցայի արևմտյան ամենահեռու խուտորներից մինչև Ուստ-Նոպեր հարյուր հիսուն վերստ տարածությամբ ձգվեց ապստամբական ճակատը:

Դոնն անցած կազակները դիրքային մարտերի էին պատրաստվում. շտապ կերպով խրամներ էին փորում, կտրում ու սղոցում բարդները, ուռենիները, կաղնիները, բլինդաժներ ու գնդացրային բներ էին շինում: Փախստականների մոտ գտնված բոլոր դատարկ պարկերը լցնում էին ավազով, տեղավորում խրամների անընդմեջ գծի առջևում իրրև պատվար:

Իրիկնագեմին ամենուրեք ավարտված էր խրամներ փորելը: Վեշենսկու հոտում, սոճու ծառուտներում քողարկվեցին ապստամբական 1-ին ու 3-րդ մարտկոցները, Ութ թնդանոթի համար ընդամենը կար հինգ արկ: Վերջանալու վրա էին նաև հրացանների փամփուշտները: Կուզինովը հատուկ ձիավոր սուրհանդակով հրաման ուղարկեց, որով խուտորին արգելվում էր կրակելով պաշտպանվելը: Հրամանով առաջարկվում էր հարյուրյակներից առանձնացնել մեկական, երկուական առավելապես դիպուկ կրակող հրաձիգներ, բավականաչափ քանակությամբ փամփուշտներ տալ նրանց, այն հաշվով, որ գերդիպուկ կրակող այդ հրաձիգները ոչնչացնեին կարմիր զնդացրորդներին և այն կարմիրբանակայիններին, որոնք կերևան աջափնյա խուտորների փողոցներում: Մնացածներին թույլատրվում էր կրակել միայն այն դեպքում, եթե կարմիրները Դոնն անցնելու փորձեր ձեռնարկեին:

Գրիգորի Մելիխովը արդեն մթնշաղին ձիով շրջագայել

Դոնի ափերին ցրված իր 1-ին դիվիզիայի զորամասերում, գիշերելու համար վերադարձավ Վեշենսկայա:

Գետառում կրակ վառելն արգելված էր: Լույսեր չկային նաև Վեշենսկում: Դոնի ամբողջ ձախ ափը ընկղմած էր կապտավուն մշուշի մեջ:

Վաղ առավոտյան Բազկիի բլուրի վրա երևացին առաջին կարմիր պարեկները: Շուտով նրանք նշմարվեցին աջափնյա բոլոր կուրգանների վրա, Ուստ-Նոպերսկուց մինչև Կազանսկայա: Կարմիր ձակատը հզորագոր հեղեղով մոտենում էր Դոնին: Հետո պարեկները անհայտացան ու մինչև կեսօր բլուրների վրա ծանր լուսթյուն և ամայություն էր տիրում:

Հետմանական ճանապարհի վրա քամին փոշու սպիտակավուն սյուներ էր բարձրացնում ու պտտում: Հարավում գեղեկ կանգնած էր հրդեհների կարմրավուն-սև մառախուղը: Քամու ցրած ամպերը նորից կուտակվում էին: Մի բլուրի վրա ամպի թևավոր ստվեր ընկավ: Շողաց ցերեկվա լույսում սպիտակ կայծակը: Արծաթափայլ, ծուռումուռ գծով նա մի ակնթարթ ճեղքեց կապույտ ամպը, շողշողուն նիզակի նման նետվեց ներքև ու խփեց պահպանական կուրգանի պիրկ, կորնթարդ լանջին: Որոտը կարծես ճղեց կախված, վիթխարի ամպը. դրա ընդերքից թափվեց անձրևը: Քամին ծուռ էր այն, սպիտակավուն, երերուն ալիքներով տանում առափնյա լեռնաճյուղերի կավճոտ լանջերով, շոգից թոշնած արևածաղիկների, գլխիկոր հացարույսերի վրայով:

Անձրևը լվաց մատղաշ, բայց փոշուց գորշացած սաղարթը: Հյուսիս փայլեցին գարնանացանի ծիլերը, դեղնադեմ արևածաղիկները բարձրացրին կլոր, հատիկավորված գլուխները, բանջարանոցներից տարածվեց ծաղկող դդումի մեղրաբույրը: Մարավը հագեցրած գետինքը երկար ժամանակ գոլորշի էր արձակում...

Կեսօրին պահպանական, կիտովի կուրգանների վրա, որոնք նոսր շղթայով ընկած են առափնյա բլրաշարքերին ու Դոնի ափերով ձգվում են մինչև Ազովյան ծովը, — նորից երկվացին կարմիրբանակայինների պարեկները:

Կուրգաններից տասնյակ վերստերի վրա երևում էր Դոնի տափարակ ձախ ափը իր դեղնավուն ավազաթմբերով, ծա-

ռուտների կանաչ կղզիներով: Կարմիրբանակային պարեկները սկսեցին զուշությամբ իջնել խուտորները: Բլուրներից շրջափանդով շարժվեց հետևազորը: Պահպանական կուրգանների հետևում, որոնց վրա մի ժամանակ պոլովիցների¹ ու ռազմասեր բրոդնիկների² զետեղը հսկում էին թշնամու գալուն, տեղավորվեցին կարմիր մարտկոցները:

Բելոգորսկայա լեռան վրա տեղավորված մաբտկոցը սկսեց ոմբակոծել Վեշենսկայան: Առաջին արկը պայթեց հրապարակում, հետո էլ արկերի պայթյունների գորշ ծուխը ու շրապնիլների կաթնանման-սպիտակ, քամուց ցրվող ծուխը ծածկեց ստանիցան: Էլի երեք մարտկոց սկսեցին ոմբակոծել Վեշենսկայան ու Դոնի մոտ եղած կաղակական խրամները:

Բոլշոյ Գրոմոկում զայրույթով ճարձատեցին գնդացիները: Երկու «գոչկիսները» խփում էին կարճ հերթերով, իսկ բարիտոնաձայն «մաքսիմը» անլռելի երկաթե կարկուտ էր թափում, նշանառությունը ճշտելով՝ կրակում Դոնի մյուս կողմում վազեվազք կատարող ապստամբական հետևազորի օղակների վրա: Գումակները մոտենում էին բլուրներին: Տատասկով պատած լեռնալանջերի վրա խրամատներ էին փորվում: Հետմանական ճանապարհի վրա թխկթխկում էին փամփռշտատար և բեռնատար սայլերի անիվները, նրանց ետևից երկար, քուլա-քուլա փեշով փոշի էր բարձրանում:

Ամբողջ ձակատով մեկ որոտում էին թնդանոթները: Դոնի շրջակա, տեղանքի վրա իշխող լեռներից կարմիր մարտկոցները մինչև ուշ երեկո հրակոծում էին ձախ ափը: Ապստամբների խրամներով կտրատված գետառը լռում էր ամբողջ տարածության վրա, Կազանսկուց մինչև Ուստ-Նոպերսկայա: Զիապահները թաքնվել էին եղեգնի, բոշխի ու պրտուի անանց մացառներով պատած ծառուտներում: Այնտեղ միջատ-

1 Պոլովցիները թուրքական ժողովուրդ էին: XI դարում Միջին Ասիայից գաղթեցին Արևելյան Նվրոպա և մինչև թաթարների արշավանքը մեկնում էին իբրև Սև ծովի մերձական բոլոր տափաստանների տերեր, Դոնից մինչև Դանուբ:

2 Բրոդնիկները XII—XIII դդ. քուլոր ժողովուրդ էին հարավ-արևելյան Ռուսաստանի տափաստաններում և Հունգարիայում: Տարեգրություններում հիշատակվում են պոլովցիների հետ միասին:

ները չէին անհանգստացնում ձիերին, վայրի գայլուկով ցանցված թավուտում զով էր: Մտերը և բարձր, սպիտակ ուտերը մարդկանց հուսալի կերպով թաքցնում էին կարմիր-բանակային դիտորդներին:

Ոչ ոք չկար գետառի կանաչ մարգագետնում: Միայն երբեմնակի մարգագետնում երևում էին Դոնից հեռացող, վախից կոպցած փախստականների կերպարանքները: Կարմիրբանակային զնդացիքը մի քանի հերթով փամփուշտներ էր արձակում նրանց վրա, զնդակների ահավոր սվավոցը սարսափած փախստականներին տափում էր գետնին: Նրանք մինչև մթնշաղ պառկում էին խիտ խոտաբույսերի մեջ և միայն դրանից հետո վազում դեպի անտառը, առանց ետ նայելու աճապարում դեպի հյուսիս, ծառուտները, որոնք նրանց հյուրընկալաբար թաքցնում էին շափազանց խիտ բուսած լաստենիների ու կեչիների տակ:

Վեշենակայան երկու օր հրետանային ուժեղ հրակոծության էր ենթարկվում: Բնակիչները նկուզներեց ու գետնահարկերից դուրս չէին գալիս: Ստանիցայի փողոցները, աբկերով փորփրված, միայն գիշերով էին աշխուժանում:

Շտաբում ենթադրություններ էին անում, որ այդչափ ինտենսիվ հրակոծությունը ոչ այլ ինչ է, եթե ոչ հարձակվելու, գետն անցնելու նախապատրաստություն: Երկյուղ կար, որ կարմիրները գետանցումը կսկսեն հենց Վեշենակու դիմաց, նպատակ ունենալով գրավել այն ու ճեղքելով ուղիղ գծով ձգված ճակատը, դա երկու մասի բաժանել և ապա Կալաչից ու, Ուստ-Մեդվեդիցայից թևային հարձակման անցնելով, վերջնականապես ջախջախել ապստամբներին:

Կուզինովի հրամանով Վեշենակում, Դոնի մոտ կենտրոնացված էր քսանից ավելի զնդացի՝ բավականաչափ քանակությամբ զնդացրային ժապավեններով: Մարտիցների հրամանատարները հրաման ստացան մնացած արկերը կրակել միայն դեպքում, երբ կարմիրները փորձեն անցնել գետը: Լաստը և բոլոր նավակները տարված էին գետածոցը, Վեշենակուց վերև, այնտեղ հսկողության տակ էին գտնվում:

Շտաբայինների երկյուղը Գրիգորի Մելիխովին անհիմն

էր թվում: Մայիսի 24-ին տեղի ունեցած խորհրդակցությունում նա ծաղրից Իլյա Սաֆոնովի ու սրա համախոհների ենթադրությունները:

— Վեշկիի դիմաց նրանք ինչո՞վ պիտի անցնեն գետը, — ասում էր նա. — Մի՞թե հնարավոր է անցնել այդ տեղից: Ախր մտիկ արեք. այն կողմում ափը դափի պես մերկ է, ավազոտ, հարթ ցամաքաշերտ, Դոնի ափին էլ ոչ անտառ կա, ոչ թուփ: Ախր ո՞ր հիմարը քիթը կխոթի այնտեղ, գետն անցնելու համար: Միայն Իլյա Սաֆոնովը իր ընդունակություններով կարող էր իրեն զցել այդպիսի մի անդունդ... Գնդացիներն էր բուլոբին էլ կհնձեն այդպիսի մերկ ափում: Եվ դու չկարծես, Կուզինով, որ կարմիր հրամանատարները ինձանից ու քեզանից ավելի հիմար են: Նրանց մեջ մեզանից ավելի լավ զուգու ունեցողներ կան: Նրանք ճակատ առ ճակատ չեն գա Վեշկիի վրա, ու մենք գետանցումը պետք է սպասենք ոչ թե այնտեղ, այլ այնտեղ, ուր գետը խորունկ չէ, ուր ցրիվ ավազի վրա ծանծաղուտ է առաջացել, կամ թե այնտեղ, ուր տեղանքը թաքստոցներով է, անհարթ և անտառոտ: Պետք է խիստ հսկել այդպիսի սպառնալի տեղերը, մանավանդ գիշերը. կազակներին պետք է նախազգուշացնել, որ չվրիպեն, զգուշ կենան, իսկ վտանգավոր տեղերը պետք է առաջուց ռեզերվներ տանել, որ կարելի լինի դեմ կանգնել փորձանքի դեպքում:

— Ասում ես չե՞ն գա Վեշկիի վրա: Բա ինչո՞ւ են մինչև իրիկուն թնդանոթներով հրակոծում ստանիցան, — հարց տվեց Սաֆոնովի օգնականը:

— Այդ նրանց հարցրու: Միայն Վեշկիի վրա՞ են կրակում, ինչ է: Կազանկային էլ են խփում, Երինսկուն էլ, հրեն, Սեմյոնովոկայա սարից էլ են կրակում: Նրանք ամեն տեղ հրակոծում են թնդանոթներով: Երևի նրանց մոտ արկերը մի քիչ ավելի են, քանց մեզ մոտ: Մեր ք... հրետանին է, որ հինգ արկ ունի, այն էլ դրանց բաժակները կաղնուց են շինված:

Կուզինովը հռհռաց.

— Ա՛յ, հենց բուն կետին խփեց:

— Այստեղ քննադատության կարիք չկա, — նեղացավ

3-րդ մարտկոցի հրամանատարը, որ ներկա էր խորհրդակցութեան:— Այստեղ պետք է գործի մասին խոսել:

— Խոսիր, ո՞վ է կապում լեզուդ.— Կուղի՞նովը մտայլվեց, խաղացրեց գոտու ծայրը.— Քանի՞-քանի անգամ էր ասված ձեզ, անիրավներդ՝ «Անօգուտ մի՛ ծախսեք արկերը, պահեցե՛ք կարևոր դեպքերի համար»: Ձէ ու չէ, կրակում էիք ինչի վրա ասես, մինչև իսկ գումակների վրա էլ էիք կրակում: Իսկ այժմ, երբ դանակը ոսկորին է հասել, խփելու հնար չկա: էլ ինչի՞ նեղանալ քննադատութունից: Լա՛վ արեց Մելիսովը, որ ծաղրեց ձեր փայտե հրետանին: Ձեր հանդերձանքը ճիշտ որ ծիծաղի է արժանի:

Կուղի՞նովը բռնեց Գրիգորի կողմը՝ վճռականապես պաշտպանելով նրա առաջարկը.— ուժեղ հսկողութուն ունենալ գետանցման համար առավելապես հարմար տեղերի վրա և ռեզերվային զորամասեր կենտրոնացնել սպառնալից ճակատամասերին անմիջականորեն մոտիկ գտնվող վայրերում: Որոշվեց հենց Վեշենսկում եղած գնդացիներից առանձնացնել մի քանի հատ, Մելոգորսկու, Մերկուլովսկու և Գրոմոկի հարյուրյակներին հանձնելու համար, որոնց ճակատամասերում առավելապես հնարավոր էր գետանցումը:

Գրիգորի այն ենթադրությունը, թե կարմիրները փորձ չեն անի Վեշենսկու դիմաց գետն անցնելու, այլ դրա համար ավելի հարմար տեղ կընտրեն,— հաստատվեց հենց մյուս օրը: Գրոմոկի հարյուրյակի հրամանատարը առավոտյան հաղորդեց, որ կարմիրները պատրաստվում են գետն անցնելու: Դրանի մյուս կողմից ամբողջ գիշերը լսվում էր աղմուկ, մուրձերի թխկթխկոց, անիվների ճոխնչ: Որտեղից-որտեղ բազմաթիվ սայլերով դեպի Գրոմոկ տախտակներ էին բերում, թափում, ու սղոցները անմիջապես սկսում են սվավալ, լսվում էր, թե ինչպես էին թրխկում կացիները և մուրձերը: Այդ ամենից կարելի էր դատել, որ կարմիրները ինչ-որ բան են կառուցում: Կազակները սկզբում ենթադրում էին, թե նավակամուրջ է կառուցվում: Երկու համարձակներ գիշերը կես վերստ վերև անցան այն տեղից, որտեղից գալիս էր ատաղձագործական աշխատանքի աղմուկը, մերկացան ու իրենց վրա կապած թփերով քողարկված, հոսանքի ուղղությամբ

կամացուկ լողացին դեպի ներքև: Նրանք հենց ափի մոտ էին, նրանցից քիչ հեռու խոսքեր էին փոխանակում ուռնիների տակ տեղավորված գնդացրային ուղեկալի կարմիրբանակայինները, խուտորից պարզ լսվում էին ձայները և կացիների թրխկոցը, բայց ջրի վրա ոչինչ չէր երևում: Կարմիրները եթե որևէ բան էին կառուցում, ապա համենայն դեպս դա կամուրջ չէր:

Գրոմոկի հարյուրյակի հրամանատարը ուժեղացրեց հսկողութունը թշնամու կողմի վրա: Արշալույսին դիտորդները, որոնք անընդհատ նայում էին հեռադիտակով, երկար ժամանակ ոչինչ չէին տեսնում: Բայց շուտով նրանցից մեկը, որ դեռ գերմանական պատերազմում գնդի լավագույն հրաձիգն էր համարվում վաղորդյան աղջամուղջում նկատեց մի կարմիրբանակայինի, որ երկու թամբած ձիով իջնում էր Դոն:

— Մի կարմիրբանակային դեպի ջուրն է իջնում,— շշնջաց կազակն ընկերոջը և մի կողմ դրեց հեռադիտակը: Ձիերը մինչև ծնկները մտան ջուրը, սկսեցին խմել:

Կազակը հրացանի երկարացրած փոկը գցեց ձախ ձեռքի արմունկին, բարձրացրեց նշանոցը, երկար ու մանրակրկիտորեն նշան բռնեց...

Կրակոցից հետո ձիերից մեկը դանդաղ ընկավ կողքի վրա, մյուսը վազ տվեց սարն ի վեր: Կարմիրբանակայինը կռացավ, որպեսզի սպանված ձիուց հաներ թամբը: Կազակը կրակեց երկրորդ անգամ, կամացուկ ծիծաղեց. կարմիրբանակայինը արագ շտկվեց, փորձեց փախչել-հեռանալ Դոնից, սակայն հանկարծ ընկավ: Ընկավ երեսի վրա ու այլևս ոտքի չելավ:

Գրիգորի Մելիսովը հենց որ լուր ստացավ, որ կարմիրները պատրաստվում են գետն անցնելու, թամբեց ձին, գնաց Գրոմոկի հարյուրյակի ճակատամասը: Ստանիցայից դեմը նա անցավ ծանծաղ, նեղ լճից, Դոնի գետաբազուկից: որ ձրգվում էր մինչև ստանիցայի ծայրը, ու սլացավ անտառի միջով:

Ճանապարհն անցնում էր մարգագետնով, բայց մարգագետնով գնալը վտանգավոր էր, դրա համար էլ Գրիգորին մի փոքր ավելի երկար շուրջանակի ճանապարհ ընտրեց. ան-

տասի միջով անցավ մինչև Ռասսոխով լճի ծայրը, գուղձիրի և սպիտակ ուռուտի միջով հասավ մինչև Կալմիցկի ջուրը (նեղ վտակ, որի ափերը խիտ ծածկված էին ջրաշուշաններից, և գլխինջով ու եղեգով և որ մարգագետնի լճակներից մեկը միացնում էր Պոդսոնյուցա լճին), և միայն տիղմոտ Կալմիցկի ջուրը անցնելուց հետո կանգնեցրեց ձին, մի քանի րոպե հանգիստ տվեց նրան:

Մինչև Դոն ուղիղ գծով մոտ երկու վերստ էր: Մարգագետնով գնալ դեպի խրամները նշանակում էր հրակոծության ենթարկվել: Կարելի էր սպասել երեկոյան մթնշաղին ու մըթնով անցնել մարգագետնի հարթ, բաց տարածությունը, բայց Գրիգորին, որ չէր սիրում սպասել ու միշտ ասում էր, թե «աշխարհքում ամենավատ բանը, դա սպասելն ու մյուսների ետևից հասնելն է», որոշեց իսկույն գնալ: «Քառատրոփով, ինչքան կարելի է արագ կըջեմ ձիս, գուցե թե գնդակ չդիպչի», — մտածեց նա՝ դուրս գալով թփերից:

Որոշեց գնալ կանաչ, սաղարթախիտ ուռենիների կողքից, որոնք Դոնի մերձակա անտառի մի ճյուղն էին կազմում, բարձրացրեց մտրակը: Հարվածից, որ դաղեց ձիու գավակը, ու վայրենի աղաղակից ձին ցնցվեց ամբողջ մարմնով, պառկեցրեց ականջները ու հետզհետե ավելի մեծ արագություն վերցնելով, թռչունի պես թռավ դեպի Դոն: Գրիգորին մի հիսուն սաժեն էլ չէր անցել, երբ աջ ափի բլուրից, դեմուդեմ, երկար հերթերով որոտաց մի գնդացի: «Ֆիույտ, ֆիո՛ւյտ, ֆիո՛ւյտ, թյո՛ւ, թյո՛ւ», — արջամկան պես սվավացին գնդակները: «Բարձր ես բռնել, ա՛յ քեռի», — մտածեց Գրիգորին՝ ոտները սեղմելով ձիու կողքին, թուլացնելով սանձը, թուշը հպելով ձիու բաշին, որ փոփոռում էր հանդիպական քամուց: Ու կարծես կռահելով նրա միտքը, կարմիր գնդացրորդը, որ պառկած էր հաստոցավոր գնդացրի կանաչ վահանակի ետևում, հրվանդանի պես գետն իջնող, սպիտակ մի բլուրի վրա, կանխումով նշան բռնեց, ավելի ցած թափեց գնդացրային կրակի հոսանքը, և արդեն ձիու առջևի ոտների տակ խորթակով չպպացրին, օձի պես ֆշշացին թռչքում շիկացած գնդակները: Դրանք մխրձվում էին խոնավ, վարարած ջրից դեռ չչորացած գետնի մեջ, տաք ցեխ էին շաղ տալիս...

«Թը՛ք, շշշի՛ւ, թը՛ք, թը՛ք», ու դարձյալ գլխավերևում և ձիու մարմնի կողքերին — «Տիուո՛ւտ, թյո՛ւ... տիիիուուո՛ւտ»:

Քիչ բարձրանալով ասպանդակների վրա, Գրիգորին համարյա պառկած էր ձիու ձգված պարանոցին: Սարսափելի արագությունը դեմուդեմ էր սլանում ուռենիների կանաչ շարանը: Երբ նա արդեն հասավ ճանապարհի կեսին, Սեմյոնովսկի բլուրից խփեց մի թնդանոթ: Արկի երկաթային կրճեկը ճոցը ցնցեց օդը: Պայթյունի մոտիկ զրդոյունը Գրիգորիին ստիպեց ճոճվել ձիու վրա: Նրա ականջներում դեռ չէր մարել արկաբեկորների հեծկտող կաղկանձն ու ոռնոցը, մոտակա լճակում դեռ չէին բարձրացել եղեգները, որոնք տափել էին օդի մրրկաթափ ճնշումից և խշշալով շտկվում էին, — երբ բլուրի վրա թնդաց թնդանոթային կրակոցի որոտը, ու մոտեցող արկի ոռնոցը նորից ճմլեց Գրիգորիին, նրան սեղմեց թամբին:

Նրան թվաց, որ ճնշող, առավելագույն լարվածության հասած կրճկրճոցը խզվեց վայրկյանի ինչ-որ մի հարյուրերորդական մասում, և ահա հենց այդ մեկ հարյուրերորդական վայրկյանում նրա աչքերի առաջ ծառու եղավ մի սև ամպ, խորտակիչ հարվածից զողաց երկիրը, ձիու առջևի ոտները ասես ինչ-որ անգունդ ընկան...

Ընկնելու պահին Գրիգորին բացեց աչքերը: Նա այնքան ուժեղ զարկվեց գետնին, որ պաշտպանական գույնի մահուդե շավարի ծնկները ճղվեցին, կտրվեցին ներբանափոկերը: Պայթյունից ցնցված օդի հուժկու ալիքը նրան ձիուց հեռու շարտեց, ու արդեն ընկնելով, նա մի քանի սաժեն զորովեց խոտաբույսերի վրա, գետնին քսվելուց ցավեցին ձեռներն ու մի թուշը:

Ընկնելուց խլացած, Գրիգորին ոտքի ելավ: Վերևից սև անձրևի նման թափվում էին հողի կտորներն ու փշուրները, խոտաբույսերի դուրս թռած արմատները... Չին ընկած էր ձագարից մի քսան քայլ հեռավորությամբ: Նրա գլուխն անշարժ էր, բայց հողոտված ետին ոտները, քրտնակալած գավակը և պոչի թեք արմատը ցնցվում էին մանր, ջղաձգական դողից:

Դոնի մյուս կողմում գնդացիներ լռեց: Մի հինգ րոպե լուռ-

թյուն էր: Մտախի վրա անհանդիստ կշկշում էին կապույտ ձկնկուլները: Հաղթահարելով գլխապտույտը, Գրիգորին բայ-լեց գեպի ձին: Նրա ոտները դողում էին, տարորեն ծանր էին: Նա այնպիսի գզացում էր ապրում, որը սովորաբար լինում է երկար ու անհարմար նստելուց հետո քայլելիս, երբ արյան առժամապես խախտված շրջանառությունից ուռած ոտները օտարոտի են թվում և յուրաքանչյուր քայլը խուլ արձագանք-վում է ամբողջ մարմնի մեջ...

Գրիգորին սպանված ձիուց հանեց թամբը և հազիվ էր մտել մենամարտ լճակի եղեգների մեջ, — որոնք կտրատված էին արկարեկորներից, — երբ վերստին հավասար ընդմիջում-ներով որոտաց գնդացիքը: Գնդակների թռիչքը չէր լսվում, պարզ էր, որ բլուրից արդեն որևէ նոր նպատակակետի էին կրակում:

Մի ժամից հետո նա հասավ հարյուրյակի հրամանա-տարի գետնատունը:

— Հիմի դադարեցրել են ատաղձագործությունը, — ասաց հարյուրյակի հրամանատարը, — իսկ գիշերն էլի անպայման գործի կանցնեն: Դուք մեզ փամփուշտ ուղարկեիք, թե չէ բա-նը վատ է, ամեն մեկը մեկ-երկու պահունակ փամփուշտ ունի:

— Իրիկնաղեմին փամփուշտ կբերեն: Աչքդ չկտրես այն ասից:

— Հա՛ մտիկ ենք տալի: Միտք ունեմ գիշերս մարդ զրկել, ով որ ուզենա, որ լող տան մյուս կողմը ու տեսնեն, թե նրանք ինչ են շինում:

— Բա ինչո՞ւ անցած գիշերը շես ուղարկել:

— Երկուսին ուղարկել էի, Գրիգորի Պանտելեկիչ, ամա նրանք վախեցել էին խուտոր գնալ: Ափի մոտ լող էին տվել, իսկ խուտորը գնալ սիրտ չէին արել... է՛հ, հիմի ո՞ւմ կարող ես ստիպել: Վախենալու բան է, կընկնես նրանց ուղեկալի ձեռքը, ու նրանք շանսատակ կանեն: Կազակները ոնց որ թե իրենց տներին մոտիկ տեղում զոչաղություն հետ այնքան էլ գլուխ չունեն... Գերմանու կովումը շատ շատերը ոխակ էին անում, որ ինչ է, խաչ ստանան, իսկ հիմի շես կարենում ստիպել, որ չէ՛ թե հեռու հետախուզության, այլ մինչև իսկ ուղեկալ գնան: Մի կողմից էլ կնանիքն են փորձանք դառել:

գալիս են իրենց էրիկների մոտ, գիշերում են հենց խրամատ-ներումը, ու շես կարող վռնդել: Երեկ սկսեցի վռնդել նրանց, իսկ կազակներն ինձ վրա մատ են թափ տալի. «Թո՛ղ, — ասում են, — իրեն խելոք պահի, թե չէ նրա հախիցը կգանք, հա՛-ա»:

Գրիգորին հարյուրյակի հրամանատարի գետնատնից գնաց խրամատները: Դրանք ծուռումուռ ձգված էին անտա-ռում, Դոնից մի քսան սաժեն հեռավորությամբ: Կաղնուտը, ոլոռնաթիփերը և խիտ բուսած մատղաշ կաղամախիները կար-միրբանակայինների աչքերից թաքցնում էին խրամների պատվարի դեղին թումբը: Խրամները հաղորդակցության անցքերով միանում էին բլինդաժճերին, որտեղ հանգստանում էին կազակները: Գետնատների մոտ թափթփված էին շորաց-րած ձկան գորշ կճեպներ, ոչխարի ոսկորներ, արևածաղկի կեղև, ծխախոտի մնացորդներ, ինչ-որ լաթեր. ծառերի ճյու-ղերից կախված էին լվացված գուլպաներ, քաթանե վարտիք-ներ, ոտափաթաթաններ, կանացի շապիկներ ու յուրբաներ...

Հենց առաջին գետնատնից ջահել, քնաթաթախ մի կին դուրս հանեց հերարձակ գլուխը: Նա տրորեց աչքերը, ան-տարբեր նայեց Գրիգորիին. չքացավ մուտքի սև անցքում, ինչպես գետնասկյուռը իր բնում: Հարևան գետնատանը կա-մացուկ երգում էին: Խեղդված, բայց զիլ ու մաքուր կանացի ձայնը միախառնվում էր տղամարդկանց ձայներին: Երրորդ գետնատան հենց մուտքի մոտ նստած էր տարիքավոր, մա-քուր հագնված մի կազակուհի: Նրա ծնկների վրա հանգչում էր մի կազակի ալեխառն. քյաքուլավոր գլուխը: Կազակը ննջել էր կողքի վրա հարմար պառկած. իսկ կինը խնամքով քթիվ էր անում նրա գլուխը, փայտե ատամնավոր սանրի վրա ջարդում գլխի սևաքամակ ոջիլները: Քշում ճանճերը, որոնք նստում էին նրա ծերացած «յարուխ» հրեսին: Եթե շլիններ գնդացրի զայրացկոտ ճարձատյունը Դոնի մյուս կողմում, հրանոթների թնդաձայն որոտմունքը, որ ջրի վրայով գալիս էր վերևից, Միգուլինսկու թե Կազանսկու հողից, — կարելի էր կարծել, որ Դոնի մոտ հանգստանում են հնձվորները, — այն-քա՛ն անդորր էր կրակի գծի վրա գտնվող գրոմոկյան հա-րյուրյակի տեսքը:

Պատերազմի հինգ տարվա ընթացքում Գրիգորին առաջին անգամ էր այդչափ արտասովոր դիրքային պատկեր տեսնում: Չկարողանալով թաքցնել ժպիտը, նա քայլում էր գետնատների կողքից, ու ամենուրեք նրա հայացքը հանդիպում էր կանանց, որոնք սպասարկում էին ամուսիններին, նորոգում, կարկատում կազակական հագուստը, լվանում զինվորական սպիտակեղենը, ուտելիք պատրաստում ու կեսօրվա թեթև հացկերույթից հետո լվանում ամանեղենը:

— Ի՞նչ աստեղ լավ, հարմարություններով էք ապրում... — ասաց Գրիգորին հարյուրյակի հրամանատարին՝ վերադառնալով նրա գետնատունը:

Հարյուրյակի հրամանատարը ժպտաց՝ բաց անելով ատամները.

— Ապրում ենք, էլի՛, ի՞նչ պիտի անենք որ:

— Չափից դուրս հարմար. — Գրիգորին մոռացվեց. — Այստեղից իսկույն վաղեմի կնանկներ: Պատերազմ է, ու այդ տեսակ բան... Բազա՞ր է այստեղ, թե՞ տոնավաճառ, հը՞: Սա ի՞նչ բան է: Այսպես կարմիրները կանցնեն Դոնը, իսկ դուք չեք է՛լ լսի, ժամանակ չեք ունենա լսելու, կկորչեք կնանկներ... Մութն ընկավ թե չէ. քշիր բոլոր երկարապոչերին: Թե չէ վաղը կգամ, ու եթե տեսնեմ յուրկայով մեկն ու մեկին, առաջինը քո գլուխը կթոցնեմ:

— Դե՛, հարկ է որ... — սիրով համաձայնվեց հարյուրյակի հրամանատարը, — ես ինքս կնանկնց դեմ եմ, ամա ի՞նչ անես կազակներին հետ: Կարգապահությունը ընկել է... Կնանիքը կարող եմ իրենց մարդկանց, ախր երրորդ ամիսն է, որ կովում ենք:

Իսկ ինքը կարմրատակելով, նստում էր հողե թախտին, որ իր մարմնով ծածկեր թախտի վրա գցած կանացի կարմիր գողնոցը, ու դեմքը շուռ տալով Գրիգորից, բարկացկոտ, ծուռ նայում էր գետնատան մի անկյունին, որ վարագուրված էր կոշտ քաթանով և որտեղից նայում էր հենց ի՛ր կնկա ծիծաղկոտ, շագանակագույն աչքը...

Ակսինյա Աստախովը՝ն Վեշենսկում տեղավորվեց իրեն ազգական մի պառավի մոտ, որ ապրում էր ստանիցայի ծայրում. նոր եկեղեցուց քիչ հեռու Առաջին օրը նա փրկություն էր Գրիգորիին, բայց սա դեռ Վեշենսկում չէր, իսկ հետևյալ օրը մինչև ուշ երեկո փողոցներում ու նրբանցքներում սվավում էին գնդակները: պայթում արկերը, ու Ակսինյան սիրտ չէր անում խրճիթից դուրս գալ:

«Կանչեց Վեշկի, խոսք տվեց, թե միասին կլինենք, իսկ ինքը ով գիտի որտեղ է. թրև գալի», — շարացած մտածում էր նա օթախում, սնդուկի վրա պառկած կծոտելով կարմիր, բայց արդեն խամրած շուրթերը: Պառավը նստել էր պատուհանի մոտ, գուլպա էր գործում, յուրաքանչյուր հրանոթային կրակոցից հետո խաշակներում էր:

— Ախ, տեր Հիսուս: Սա ի՞նչ քամախառնություն է: Ախր ինչի՞ են կովում, է՞: Ինչի՞ են կատաղել իրար դեմ:

Փողոցում, խրճիթից մի տասնհինգ սաժեն հեռավորությամբ մի արկ պայթեց: Խրճիթում աղիողորմ շրխկոցով թափվեցին պատուհանների ապակիները:

— Մորաքույր, հեռացիր պատուհանից, ախր կարող են խփել քեզ, — խնդրում էր Ակսինյան:

Պառավը ակնոցների տակից հեզանքով նայեց նրան, սրտնեղած պատասխանեց.

— Ախ, Ակսյուտկա, մտիկ եմ անում քեզ ու մտածում՝ որքա՛ն անխելք ես դու: Ես նրանց թշնամի՞ն եմ, ինչ է: Նրանք ինձ վրա ինչի՞ պիտի կրակեն:

— Պատահմամբ կսպանեն: Նրանք հո չե՞ն տեսնում, թե գնդակներն ուր են թռչում:

— Էլ ո՞նց չէ, կսպանե՞ն: Միթամ չեն տեսնում, հա՛-ա: Նրանք կազակների վրա են կրակում, կազակները նրանց, այն կարմիրների թշնամիներն են, իսկ ես պառավ եմ, որբևայրի եմ, նրանց ինչի՞ն եմ պետք: Նրանք հո գիտեն, թե հրացաններով ու թոփերով ում վրա պիտի նշան բռնեն:

Կեսօրին փողոցով, ստորին գետապտույտի ուղղությամբ շեշտակի անցավ ձիու պարանոցին թեքված Գրիգորին: Ակսինյան պատուհանից տեսավ նրան, դուրս թռավ մուտքի

սանդուղքը, որ պատած էր վայրի խաղողով, ճվաց՝ Գրի-
ջա...— բայց Գրիգորին արդեն չքացավ փողոցի շրջագար-
ձում, նրա ձիու սմբակների բարձրացրած փողին դանդաղ
նստեց ճանապարհին: Նրա ետևից վազելն անօգուտ էր: Ակ-
սինյան մի քիչ կանգնեց մուտքի սանդուղքի հարթակում, լա-
ցեց շար արցունքներով:

— Իսկ Ստյոպան չէ՞ր, որ անցավ: Ինչի՞ գծվածի պես
դուրս թռար,— հարցրեց պառավը:

— Չէ... նա մեր խուռորից էր...— արտասովելով պա-
տասխանեց Ակսինյան:

— Բա ինչի՞ արտասուք թափեցիր,— հարցուփորձ էր
անում հետաքրքրվող պառավը:

— Ախր ի՞նչ ես ուզում, ա՛յ մորաքույր: Այդ ձեր խելքի
բանը չի:

— Ո՞նց թե մեր խելքի բանը չի... Ուրեմս անցնողը սի-
րեկանդ էր: Բա ուրիշ ի՞նչ կարող է լինել: Մի բան կա, թե չէ
դու չէիր ճվա... Ես է՛լ հմ ապրիլ, գիտեմ:

Պրոխոր Զիկովը երեկոյան մտավ խրճիթ:

— Բարև ձեզ: Ձեզ մոտ, տանտիրուհի, Տատարսկից
ոչ ոք չկա՞:

— Պրոխոր,— ուրախացած ախ քաշեց Ակսինյան, օթա-
խից դուրս վազեց:

— Ա՛յ աղջի, դու իմ հոգին հանեցիր, է՛: Միտա քեզ
փնտրելով: Հո գիտես նա ինչ մարդ է, չէ՞: Հորն է քաշել, գծի
մեկն է: Անհաշիվ կրակ է թափվում, թե մարդ թե կենդանի
ժակ ու ծուկ են մտել, իսկ նա հա՛ բղավում է՝ «Գտիր Ակսի-
նյային, թե չէ շանսատակ կանեմ»:

Ակսինյան բռնեց Պրոխորի վերնաշապկի թևքից, նրան
տարավ հաշտ:

— Ո՞րտեղ է նա, անիծվածը:

— Հը՛մ... Ո՞րտեղ պիտի լինի: Դիրքերից ոտով եկավ:
Այսօր նրա տակի ձին սպանել են: Եկավ կատաղած, ոնց որ
կապած շուն: «Գտա՞ր»,— հարցնում է: Ախր ո՞րտեղ գտնեմ
նրան,— ասում եմ,— հո չեմ կարող նրան ստեղծել: Նա թե՛
«Մարդը ասեղ չի», ու այնպե՛ս է գոռում վրաս... Իսկական
գեղ է մարդու սֆաթով:

— Ի՞նչ էր ասում:

— Պատրաստվիր գնանք, ուրիշ ոչինչ:

Ակսինյան մի բուպեում կապեց իր իրերը, հապճեպորեն
հրաժեշտ տվեց պառավին:

— Ստեպանն է ուղարկել դրան:

— Ստեպանը, մորաքույր:

— Դե՛հ, բարև տար նրան: Բա ինչի՞ ինքը չեկավ: Կաթ
կխմեր, հրեն, վարենիկ է մնացել...

Ակսինյան մինչև վերջ չլսելով՝ խրճիթից դուրս վազեց:

Մինչև հասավ Գրիգորի բնակարանը, շնչասպառ եղավ,
գունատվեց. խիստ արագ էր քայլում, այնպես որ Պրոխորը
ի վերջո նույնիսկ կշտամբեց:

— Լսիր ինձ, է՛: Ես էլ քահել ժամանակս աղջիկների
ետևից էի ընկնում, ամա կյանքումս այնպես չեմ շտապել,
ինչպես դու: Համբերություն չունե՞ս, ինչ է: Թե՛ հրդեհ մա-
րիլու ես գնում: Շունչս կտրվեց: Բա այդպես կթռչե՞ն ավազի
վրով: Ձեր ամեն ինչն էլ հեշ մարդավարի չէ...

Իսկ ինքն իր մեջ մտածում էր՝ «էլի իրար կպան... Հը՛մ,
սատանեն ինքն էլ հիմի դրանց չի բաժանի: Նրանք իրենց
գործն են տեսնում, իսկ ես սրան, քածին պետք է փնտրեի
գնդակների տակ... Աստված չանի Նատալյան իմանա, նա
ինձ ոտով-գլխով կկորցնի... Գիտենք Կորչունովների ցեղը:
է՛հ, թե որ սարսաղություն չանեի, հարբած չլինեի, ձիս ու
հրացանս չկորցնեի, էլ ինչի՞ պիտի գնայի քեզ ստանիցայում
փնտրելու: Ինքներդ եք ցեխն ընկել, ինքներդ էլ դուրս եկեք»:

Օթախում, որի պատուհանների փեղկերը պինդ ծածկված
էին, մրուր արձակելով վառվում էր ձիթածրագը: Գրիգորին
նստել էր սեղանի առաջ: Նա հենց նոր էր մաքրել հրացանը
ու դեռ չէր վերջացրել մաուզերի փողը սրբելը, երբ դուռը
ճռնաց, Ակսինյան կանգնեց շեմքին: Նրա նեղ, սպիտակ ճա-
կատը քրտնակալած էր, իսկ գունատ դեմքի վրա այնպիսի
մոլեգին կրքով էին վառվում լայնացած, բարկացկոտ աչքե-
րը. որ երբ Գրիգորին նայեց նրան, սիրտը դողաց բերկրան-
քից:

— Կանչեցիր-բերիր... իսկ ինքդ... կորչում ես,— ծանր
շնչելով ասաց Ակսինյան:

Նրա համար այժմ, ինչպես մի ժամանակ, վաղո՛ւց, վա-
ղուց անցած օրերում, ինչպես իրենց սիրային կապի առաջին

օրերում, բացի Գրիգորիից, ուրիշ ոչինչ գոյություն չունին: Ակսինյայի համար նորից մեռնում էր աշխարհը, և բացակայում էր Գրիգորին, ու դարձյալ վերածնվում էր, և բոլոր Գրիգորին նրա մոտ էր լինում: Պրոխորից չթաշվելով, Ակսինյան նետվեց դեպի Գրիգորին, վայրի գայլուկի նման փաթաթվեց նրան, ու լալով, համբուրելով սիրածի մազակալած այտերը, կարճ համբուրներ թափելով նրա քթին, ճակատին, աչքերին, շուրթերին, հեծկտալով, կամացուկ շնչում էր.

— Ինչքան եմ տանջվել... տկարացել, Գրի՛շենկա, հարգատա:

— Դե լավ... Դե, տեսնում ես, էլի... Կաց... Ակսինյա, լավ, հերիք է... — շփոթված մոթմոթում էր Գրիգորին՝ շուտ տալով դեմքը, խուսափելով Պրոխորին նայելուց:

Նա Ակսինյային նստեցրեց նստարանին, նրա գլխից հանեց ծածրակին ընկած շալը, շոյեց զգզված մազերը:

— Դու մի տեսակ...

— Ես էլի այնպես եմ: Իսկ դու...

— Չէ, աստված վկա, դու ջանի կրակ ես:

Ակսինյան ձեռները դրեց Գրիգորիի ուսերին, ծիծաղեց արտասովելով, շնչաց շուտասելուկով.

— Լավ, բա այդպես կարելի՞ է: Կանչեցիր... Եկա ոտով, ամեն բան թողի, իսկ դու չկաս... Ձիով թռար-անցար, ես դուրս վազեցի, ճվացի, իսկ դու շուտ եկար, կորար... Կարող էին սպանել, ու վերջին անգամ քեզ չէի տեսնի...

Նա էլի ինչ-որ անասելի փաղաքուշ, սիրազեղ, կնոջական խենթ բանեք էր ասում ու ձեռներով շարունակ շոյում Գրիգորիի կորացած ուսերը, առհավես հլու իր աչքերով անընդհատ նայում նրա աչքերին:

Ինչ-որ ողորմելի ու միևնույն ժամանակ մահացու կերպով անողորք բան էր տողորվում նրա հայացքում, որպես հալածված գազանի աչքերում, — այնպիսի մի բան, որի պատճառով Գրիգորիի համար անհարմար ու ցավալի էր նայել նրան:

Գրիգորին արևակեղ արտևանունքներով ծածկում էր աչքերը, բռնազրոսիկ ժպտում, լուում, իսկ Ակսինյայի այտերը հետզհետե ավելի էին վառվում երերուն, վառ կարմրություններ, ու ակնարիբերը ասես կապույտ մոժով էին սքողվում:

Պրոխորը դուրս ելավ առանց հրածեշտ տալու, հաշտում թքեց, ոտով տրորեց թուփը:

— Խաթա է, էլի, — մուտքի սանդուղքից իջնելիս շարացած ասավ նա ու դիտմամբ զիլ շրխկացնելով ծածկեց բակի դուռը:

LXIII

Երկու օր նրանք ապրեցին ինչպես երազում, շփոթելով ցերեկներն ու գիշերները, մոռանալով շրջապատը: Երբեմն Գրիգորին արթնանում էր կարճ, շմեցնող քնից ու կիսամթնշաղում տեսնում իրեն նայող Ակսինյայի ուշադիր, ասես ուռումնասիրող հայացքը: Ակսինյան սովորաբար պառկում էր արձունկին հենված, թուշը ձեռքին դրած, նայում համարյա անթարթ աչքերով:

— Ի՞նչ ես նայում, — հարցնում էր Գրիգորին:

— Ընդուն եմ մի լավ տեսնել քեզ... Կսպանեն քեզ, սիրտըս վկայում է:

— Դե որ վկայում է, նայիր, — ժպտում էր Գրիգորին:

Երրորդ օրը նա առաջին անգամ դուրս ելավ փողոց: Կուղինուլը առավոտից սուրհանդակներ էր ուղարկում մեկը մյուսի հետևից, խնդրում էր գալ խորհրդակցության: «Չեմ գա, թող առանց ինձ խորհրդակցեն», — պատասխանում էր Գրիգորին սուրհանդակներին:

Պրոխորը նրա համար նոր, շտաբում ճարած մի ձի բերեց, գիշերով գնաց Գրոմոկի հարյուրյակի ճակատամասը, բերեց այնտեղ թողած թամբը: Տեսնելով, որ Գրիգորին մեկնելու է պատրաստվում, Ակսինյան վախեցած հարցրեց.

— Ո՞ւր:

— Ուզում եմ գնալ Տատարսկի, տեսնել, թե մերոնք ոնց են պաշտպանում խուտորը, ու մեկ էլ իմանամ, թե որտեղ է մեր ընտանիքը:

— Երեխաների՞դ ես կարոտել, — Ակսինյան ասես մըրսելով, շալը գցեց կոկիլիկ, թուխ ունքերին:

— Կարոտել եմ:

— Մի՛ գնա, էլի՛:

— Չէ, կգնամ:

— Մի՛ գնա, — խնդրում էր Ակսինյան, ու նրա սև ակնա-

խոտոչներում սկսում էին բորբ շողալ աչքերը.— Ուրեմն քեզ համար ընտանիքը ինձանից թանկ է, հա՞-ա: Թա՞նկ է: Համ նա է քեզ քաշում, համ ե՞ս: Դե ուրեմն դու ինձ տար քեզ մոտ, էլի: Նատալյայի հետ մի կերպ կհաշտվենք... էհ, գնա, գնա, բայց էլ չգա՞ս ինձ մոտ, չեմ ընդունի: Այդպես չեմ ուզում... Չե՛մ ուզում:

Գրիգորին լուռ դուրս ելավ, ձի նստեց:

Տատարսկի պլաստունների հարյուրյակը ծուլացավ խրամների փորել:

— Ախմախ բան ես հնարում,— ասում էր Խրիստոնյան.— Մենք գերմանական ֆրոնտո՞ւմն ենք, ինչ է: Տղերք, սովորական խրամատներ փորեք, ուրե՛մս, ծնկաչափ խորությամբ: Բա այդ գլուխ գալու բա՞ն է, ուրե՛մս, երկու արշին փորել այս պնդացած հողը: Դա լինգով էլ չի փորվի, էլ ուր մնաց թե բա-հով:

Նրան լսեցին, ձախափնյա դռաջ, սեպաձև յառի տակ պառկած կրակելու խրամատներ փորեցին, իսկ անտառում գետնատներ շինեցին:

— Ահա և մենք արջամկան դրության անցանք,— սրախոտում էր երբեք չտխրող Անիկուշկան.— Կապրենք բների մեջ, խոտ-մոտ կուտենք, հերիք է ինչքան կաթի սերով բլին, միս, էրիշտով ձուկ կերանք... Իսկ էշի յոնջա չէի՞ք կամենա: Կարմիրները տատարցիներին քիչ էին անհանգստացնում: Խուտորի դիմաց մարտկոցներ չկային: Միայն հրբեմն աջ ափից ճարճատում էր մի գնդացի, մի քանի գնդակ արձակում խրամատից դուրս ցցված դիտորդի վրա, հետո էլի երկար ժամանակով լուռություն էր տիրում:

Կարմիրբանակային խրամատները գտնվում էին սարի վրա: Երբեմն այնտեղից էլ էին կրակում: Կարմիրբանակայիները միայն գիշերով էին գնում խուտոր, այն էլ կարճ ժամանակով:

Գրիգորին իրիկնադեմին մտավ իրենց գետառը:

Այստեղ ամեն ինչ ծանոթ էր նրան, յուրաքանչյուր ծառը հուշեր էր առաջացնում... Ճանապարհը գնում էր Դեկիչի

մարգագետնով, որտեղ կաղակները ամեն տարի Պողոս-Պետրոսի տոնին, մարգագետինը «կտրտելուց» (բաժանելուց) հետո արաղ էին խմում: Այլոշկայի պուրակը հրվանդանի ձևով մտնում է գետառը: Վաղ ժամանակ, երբ այդ պուրակը դեռ անուն չունի, գայլերը պատառոտել էին մի կով, որը պատկանում էր մի ինչ-որ Ալեքսեյի,— Տատարսկի խուտորի բնակչին: Մեռավ Ալեքսեյը, ջնջվեց նրա հիշատակը, ինչպես ջնջվում է գերեզմանաքարի մակագրությունը, նույնիսկ նրա ազգանունն էլ մոռացան հարևանները և ազգակիցները, իսկ նրա անունով կոչված պուրակը ապրում է, դեպի երկինք ձգում կաղնիների ու թեղիների մուգ կանաչ գազաթները: Տատարցիները դրանք կտրում են տնտեսության մեջ անհրաժեշտ առարկաներ շինելու համար, բայց հաստարմատ կոճղերից գարնանը կենսունակ, մատաղ ոստեր են բարձրանում. մի-երկու տարվա աննշմար աճ, ու նորից Այլոշկայի պուրակը ամռանը պճնվում է տարածված ճյուղերի մալխիտե սաղարթով, աշնանը — ոսկե օղազրահով,— առավոտյան զովից թարմացած կաղնու նախշուն տերևների ոսկե ցլթով:

Ամռանը Այլոշկայի պուրակում մոշի փշոտ թփուտը խիտ ցանցում է խոնավ հողը, հին թեղիների գազաթներին բույն են հյուսում շքեղ փետրավորված փայտփորներն ու անձեղները. աշնանը, երբ տարածվում է կաղնիների ու կաղնու թափված տերևների բարկ, դառն բույրը, պուրակում կարճ ժամանակ հյուր են լինում չվող կտցարները, իսկ ձմռանը միայն աղվեսի կլոր դրոշմված հետքն է մարգարտաթել ձրգվում ձյան փոված, սպիտակ թաղիքի վրա: Գրիգորին պատանեկության օրերում հաճախ գնում էր Այլոշկայի պուրակը՝ աղվեսների թակարդ դնելու համար...

Նա գնում էր ծառերի ճյուղերի զով ստվերի միջով, նախորդ տարվա ճանապարհի կանաչած անվահետքերով: Անցնելով Դեկիչի մարգագետինը, մոտեցավ Սև յառին, և հուշերը գայլուկի խմիչքի նման խփեցին գլխին: Երեք կաղամախների մոտ մի ժամանակ, երբ փոքր տղա էր, ծանծաղ լճակով ընկնում էր դեռ շթոշող վայրի բաղերի թուխս ու ճուտերի ետևից, Կլոր լճում առավոտից մինչև երեկո տինկաներ էր որսում... Քիչ հեռու գտնվում է փոնչենու վրանանման ծառը:

Այն կանգնած է պուրակից դուրս, միայնակ ու հնուցած: Այն երևում է Մելիխովների բակից, ու Գրիգորին աշնանը դուրս գալով իրենց տանից, մուտքի սանդուղքից դիտում էր փունջե- նու թուփը, որը հեռվից ասես բռնկված լիներ կարմիր, եր- կարալեզու բոցերով: Հանգուցյալ Պետրոն այնքա՛ն էր սի- բում դառնավուն և մածուցիկ փռունչով եփած կարկանդակ- ները...

Գրիգորին մեղմ տխրակալով դիտում էր մանկութունից ծանոթ վայրերը: Ձին քայլում էր՝ պոչով ծուլորեն քշելով հոծ վխտացող մծղուկները, դարչնագույն, շար մոծակները: Կա- նաչ սեզը և ջղախոտը մեղմակի օրորվում էին քամուց: Մար- գագետինը պատած էր երերվող կանաչով:

Մոտենալով Տատարսկի պլաստունների խրամատին, Գրի- գորին մարդ ուղարկեց հորը կանչելու: Հեռվում, ձախ թևում երբստոնյան բղավեց:

— Պրակոֆիչ, շուտ արա զնա, ուրեմս, Գրիգորին եկել է...

Գրիգորին իջավ ձիուց, սանձը տվեց մոտ եկած Անի- կուշկային, դեռ հեռվից տեսավ կաղալով, արագ եկող հորը:

— Հը՛, բարև, պետ:

— Բարև, հերբս:

— Եկա՛ր:

— Զոռով կարողացա գալ: է՛, մերոնք ո՞նց են, մերբս, նատալյան ո՞րտեղ են:

Պանտելեյ Պրակոֆիչը թափ տվեց ձեռքը, կնճոտեց դեմքը: Նրա սև այտի վրայով գլորվեց արցունքը...

— Ի՞նչ է, նրանց ի՞նչ է պատահել, — անհանգիստ ու կտրուկ հարցրեց Գրիգորին:

— Չանցան գետը...

— Ո՞նց թե, հը՞:

— Նատալյան դրանից երկու օր առաջ բոլորովին պառ- կեց: Կարծեմ թե տիֆ է... Հա, իսկ պառավը շուգեց նրան թողնել... Ամա դու մի վախենա, որդիս, նրանց մոտ այնտեղ ամեն բան լավ է գնում:

— Բա երբեմն՞քը, Միշատկա՞ն, Պոլյուշկա՞ն:

— Նույնպես այնտեղ են: Դունյաշկան եկավ: Վախենում էք մնալ... Գիտե՞ս աղջկա գործ է: Հիմի Անիկուշկայի կնկա հետ գնաց Վոլոխով: Իսկ տանը ես արդեն երկու անգամ

եղել եմ: Գիշերվա կեսին նավակով գնացի, տեսա նրա՛նց: Նատալյայի դուրսը շատ վատ է, իսկ երիտաները — ոչինչ, փառք աստծու... Նատալյուշկան ուշագնաց է, տաքու- թյուն ունի, շրթունքները կծոտելուց արյունվիկ են հղել:

— Բա ինչո՞ւ դու նրանց չբերիր այստեղ, հը՞, — վրդով- ված բղավեց Գրիգորին:

Սերունին չարացավ, նրա դողող ձայնը վիրավորանք ու կշտամբանք էր արտահայտում:

— Բա դո՞ւ ինչ էիր անում: Զէի՞ր կարող առաջուց գալ ու տանել նրանց:

— Ես դիվիդիայի հրամանատար եմ: Պետք է դիվիդիա՞ն անցկացնեի, — տաքացած առարկեց Գրիգորին:

— Լսել ենք, թե դու Վեշկիում ինչով ես զբաղվում... Միթե՞մ ընտանիքին ոչինչ էլ չի հարկավոր, հա՞-ա: Պետք է աստծու մասին մտածել, եթե մարդկանց մասին չես մտա- ծում... Ես գետը ոչ թե այստեղից, այլ ուրիշ տեղից եմ ան- ցել, թե չէ մի՞թե նրանց չէի բերի: Իմ դասակը Ելանումն էր, ու մինչև այստեղ հասանք, կարմիրները զրավեցին խուտորը:

— Ես Վեշկիում... Այդ բանը քեզ չի վերաբերում... Եվ դու ինձ... — Գրիգորիի ձայնը խուպոտ ու խեղդված էր:

— Բան չե՛մ ասում, — վախեցավ ծերունին՝ տհաճու- թյամբ նայելով մոտիկում խմբված կազակներին. — Ես դրա մասին բան չեմ ասում... Իսկ դու կամաց խոսա, հրե՛ն, մար- դիկ լսում են... — ու ցածրացրեց ձայնը: — Դու ինքդ հո պըս- տիկ երեխա չես, ինքդ պետք է գիտենաս, իսկ ընտանիքի համար թող հոգիդ շցավի: Աստված կտա, Նատալյան կառող- ջանա, իսկ կարմիրները նրանց նեղութուն չեն տալի: Դրուստ է, մի տարեկան հորթը մորթեցին, ամա մնացածը՝ ոչինչ: Գութ են արել ու ձեռ չեն տալի... Քառասուն կոտ հաց վերց- րին: էհ, բա պատերազմում առանց կորստի բա՞ն կլինի:

— Կարելի է հիմի նրանց բերե՞նք, հը՞:

— Իմ կարծիքով կարիք չկա: Ո՞ւր բերենք հիվանդին: Վտանգավոր բան է: Նրանք այնտեղ էլ վատ չեն ապրում: Պառավը մտիկ է անում տո՛ւն ու տեղին, ես էլ հանգիստ եմ, թե չէ, գիտե՛ս, խուտորում հրդեհներ եղան:

— Ո՞ւմ տները վառվեցին:

— Ամբողջ հրապարակը վառվեց: Ամենից շատ վառվեցին վաճառականների տները: Խնամի Կորշունովների տունը բոլորովին վառվեց: Խնամի Լուկինիշնան հիմի Անդրոնովի տանն է, իսկ Գրիշակա պապին մնացել էր տունը պահելու: Մերըդ պատմում էր, թե նա, Գրիշակա պապին ասել էր՝ «Իմ տնից ոչ մի տեղ չեմ գնա, իսկ կռապաշտները ինձ մոտ չեն գա, խաչից կվախենան»: Նա վերջը բոլորովին թուրքեց խելքը: Ամա, ոնց որ երևում է, կարմիրները չվախեցան նրա խաչից, տուն ու տեղը բռնվեց ծխով, իսկ նրա մասին իսկի լուր չկա... Նրա մեռնելու ժամանակն է: Քսան տարի առաջ իրեն համար ճաղը է պատրաստել, ու էլի ապրում է... Իսկ խուտորը վառողը քո ընկերն է, գետինը մտնի նա:

— Ո՞վ է:

— Միշկա Կոշեռյե, այն անիծվածը:

— Ի՞նչ ես ասու-ո՞ւմ...

— Նա է, աստված վկա: Եղել է մերոնց մոտ, հարցրել քո մասին: Մորըդ այնպես էլ ասել է՝ «Հենց որ անցնենք Գոնի մյուս կողմը, ձեր Գրիգորին կկախվի առաջին հերթին: Կկախվի ամենաբարձր կաղնուց: Ես նրա վրա,— ասել է,— չեմ է՛լ կեղտոտի թուրս»: Իմ մասին էլ հարցրել է ու աստվել: Իսկ այն թոփալին,— ասել է,— ո՞ր է տարել սատանեն: Կնստեր տանը, վառարանի վրա,— ասել է նա: Իսկ եթե բռնեմ, միանգամից չեմ սպանի, այլ մտրակով այնքան կթակեմ, մինչև որ շունչը փչի»: Ա՛յ թե ինչ տեսակ սատանա դուրս եկավ: Ման է գալի խուտորում, կրակ է գցում վաճառականների ու տերտերների տները ու ասում՝ «Իվան Ալեքսեևիչի ու Շտոկմանի համար ամբողջ Վեշենսկայան կվառում»: Բա այդ ինչի՞ է նման:

Գրիգորին մի կես ժամ էլ խոսեց հոր հետ, հետո մոտեցավ ձիուն: Խոսակցության ժամանակ ծերունին այլևս ոչ մի բառով չակնարկեց Ակսինյայի մասին, բայց Գրիգորին առանց այդ էլ ճնշված էր: «Երևի բոլորը իմացել են, քանի որ հերքս է՛լ գիտի: Ո՞վ կարող էր ասել: Բացի Պրոխորից, ո՞վ է մեզ միասին տեսել: Մի՞թե Ստեպանն էլ գիտի»: Նա մինչև իսկ ամոթից, ինքն իր դեմ շարանալուց կրճատցրեց ատամները...

Կազակների հետ կարճ խոսակցություն ունեցավ: Անի-

կուշկան կատակում էր ու խնդրում հարյուրյակի համար մի քանի դույլ արաղ ուղարկել:

— Մեզ փամփուշտներ էլ հարկավոր չեն, միայն թե արաղ լինի,— ասում էր նա քրքջալով ու աչքով անում, նշանակալից կերպով շրխկացնում մատները՝ տանելով վերնաշապկի կեղտոտ օձիքին:

Գրիգորին իր բերած ծխախոտով հյուրասիրեց Խրիստոնյային ու մյուս բոլոր խուտորցիներին. մեկնեցուց առաջ տեսավ Ստեպան Աստախովին: Ստեպանը մոտեցավ, դանդաղ բարևեց, բայց ձեռք չտվեց:

Ապստամբությունը սկսվելու օրվանից Գրիգորին նրան առաջին անգամ էր տեսնում, նայում էր զննողաբար և անհանգիստ. «Գիտի՞ թե չէ»: Բայց Ստեպանի գեղեցիկ, շոր դեմքը հանգիստ էր, նույնիսկ ուրախ, ու Գրիգորին թեթևացած շունչ առավ. «Ոչ, չգիտե»:

LXIV

Երկու օրից հետո Գրիգորին վերադարձավ իր դիվիզիայի ճակատում շրջագայելուց: Հրամանատարի շտաբը տեղափոխվել էր Չոռնի խուտորը: Գրիգորին Վեշենսկու մոտ մի կես ժամով հանգիստ տվեց ձիուն, ջրեց նրան ու առանց ստանիցան մտնելու գնաց Չոռնի:

Կուզինովը ընդունեց նրան, ուրախ նայեց՝ սպասողական ժպիտը դեմքին:

— Հը՛, Գրիգորի Պանտելեև, ի՞նչ տեսար, պատմիր:

— Տեսա կազակներին, բլուրների վրա տեսա կարմիրներին:

— Շա՛տ բան ես տեսել: Իսկ մեզ մոտ երեք անրոպլան եկավ, փամփուշտներ ու նամակներ բերին...

— Ի՞նչ է քեզ գրում քո սիրելի գեներալ Սիդորինը:

— Իմ գինավորական ընկե՞րը,— նույն կատակային տոնով շարունակելով սկսված խոսակցությունը, հարցը կրկնեց արտասովոր կերպով ուրախ Կուզինովը.— գրում է, որ բոլոր ուժերովս դիմանամ ու չթողնեմ, որ կարմիրներն անցնեն

Գոնը: Հետո էլ գրում է, որ Գոնի բունակը շատ շուտով վճռուկան հարձակման կանցնի:

— Քաղցր է գրում:

Կուղինովը լրջացավ:

— Ճեղքելու են ֆրոնտը: Ասում եմ միայն քեզ և բոլորովին գաղտնի: Մի շաբաթից հետո կճեղքեն Ութերորդ կարմիր բանակի ֆրոնտը: Պետք է դիմանալ:

— Դիմանում ենք, էլի:

— Գրոմոկում կարմիրները պատրաստվում են գետն անցնելու:

— Մինչև հիմի էլ թխկացնո՞ւմ են կացինները, — զարմացավ Գրիգորին:

— Թխկացնում են... Իսկ դու ի՞նչ տեսար, ո՞րտեղ էիր: Դու հո վեղկիում չէի՞ր նստած: Գուցե ոչ մի տեղ էլ չես գնացել: Երեկ չէ մյուս օրը ես ամբողջ ստանիցան տակնուվրա արի, քեզ էի փնտրում, և ահա գալիս է մի սուրհանդակ, ասում է՝ «Մեկխուովը տանը չէր, իսկ օթախից դուրս հկավ շատ գեղեցիկ մի կնիկ ու ասաց՝ «Գրիգորի Պանտելեևիչը գնացել է», այդ կնկա աչքերն ուռած էին»: Ծս էլ մտածեցի՝ «Երևի մեր դիվհրամը քեֆ է քաշում սիրածի հետ ու մեզանից թաքնվում է»:

Գրիգորին կնճռոտեց դեմքը: Կուղինովի կատակը նրան զուր չեկավ:

— Լավ կլինեիր դու քիչ ակունջ դնեիր սուտ-մուտ բաներին ու քեզ համար կարճալեզու սուրհանդակներ ընտրեիր: Իսկ եթե ինձ մոտ ուղարկես շատ երկարալեզուներին, ես առաջուց թրով կկտրեմ նրանց լեզուները... որ զուր տեղը չհաչեն:

Կուղինովը հոճոաց, թփթփացրեց Գրիգորիի ուսին:

— Մեկ-մեկ դու է՛լ հանաքի չես դիմանում: Դե՛հ, հանաքը դենը: Ծս քեզ հետ լուրջ խոսակցություն ունեմ: Մենք պետք է լեզու բռնենք, սա մեկ, ու մի ուրիշ բան է՛լ. պետք է գիշերով մի որևէ տեղից, Կազանսկու սահմանից ցած երկու ձիավոր հարյուրյակ անցկացնենք Գոնից ու կարմիրների մեջ իրարանցում պցենք: Կարելի է մինչև իսկ Գրոմոկ անցնել, նրանց մեջ խուճապ առաջացնելու համար, հը՞, դու ի՞նչ ես կարծում:

Գրիգորին մի փոքր լռեց, հետո պատասխանեց.

— Վատ գործ չի:

— Իսկ դու ինքդ, — Կուղինովը շեշտեց վերջին բառը, — չե՞ս տանի հարյուրյակները:

— Ինչո՞ւ ինքս:

— Մարտական հրամանատար է հարկավոր, այ՛ն թե ինչու: Խիստ մարտական հրամանատար, որովհետև այդ գործը հանաք բան չի: Գետն անցնելով, կարելի է այնպիսի դրուժյան մեջ ընկնել, որ ոչ մեկը չի վերադառնա:

Ինքնասիրությունը շոյված Գրիգորին առանց երկար մտածելու համաձայնվեց.

— Կտանեմ, իհարկե:

— Մենք այստեղ պլան ենք կազմել ու այսպես որոշել, — աշխուժացած խոսեց Կուղինովը՝ վեր կենալով տարուրետից, քայլելով օթախի հատակի ճոճուսն տախտակների վրա. — Խոր թիկունք անցնել պետք չէ, այլ Գոնին մոտիկ երկու երեք խուտորում պետք է այնպես թափ տալ նրանց, որ գրլուխները կորցնեն, պետք է փամփուռներ ու արկեր խլել, գերիներ վերցնել ու նույն ճամփով ետ գալ: Այս բոլորը պետք է անել գիշերով, լուսածեղին արդեն անցնել գետը: Ծի՞շա է: Դե, ուրեմն մտածիր, իսկ վաղը վերցրու ուզածդ կազակներին, ընտրիր ու տար: Մենք այնպես էլ որոշել էինք, որ բացի Մեկխուովից, ուրիշ ոչ ոք չի կարող այդ անել: Իսկ երբ որ կատարես, Գոնի կառավարությունը չի մոռանա այդ բանը: Հենց որ մերոնց հետ միանանք, զեկույց կգրեմ ուղղակի փոխառամանին: Կգրեմ քո բոլոր ծառայությունների մասին, ու աստիճանի բարձրացում...

Կուղինովը նայեց Գրիգորիին ու մնաց կես խոսքի վրա. Մեկխուովի մինչ այդ հանգիստ դեմքը մթնեց ու ծամալեց բարկությունից:

— Ծս քեզ համար ի՞նչ եմ... — Գրիգորին ձեռներն արագ տարավ մեջքին, վեր կացավ. — Ծս աստիճանների համա՞ր: պիտի գնամ, հը՞... Վարձո՞ւմ ես... Աստիճանի բարձրացո՞ւմ ես խոստանում, հը՞... Աս...

— Սպասիր, է՛:

— ...Թքել եմ քո աստիճանների վրա:

— Կաց: Դու ինձ սխալ...

— ... Թ՛քել եմ:

— Դու ինձ սխալ հասկացար, Մեկխոյ:

— Ես ամեն բան հասկացա,— Գրիգորին միանգամից շունչ առավ ու նստեց տարուրետին.— Փնտրիր ուրիշին, ես կազակներին չեմ տանի Դոնի մյուս կողմը:

— Զուր տեղն ես տաքանում, էլի՛:

— Զեմ տանի: Դրա մասին էլ ոչ մի խոսք:

— Ես քեզ զոռով չեմ ստիպում ու չեմ խնդրում: Ուզում ես տար, չես ուզում, քո բանն է: Մեր դրուժյունը հիմա շատ լուրջ է, դրա համար էլ որոշել էինք նրանց մեջ տագնապ առաջացնել, շթողնել, որ պատրաստվեն Դոնն անցնելու: Իսկ աստիճանի բարձրացման մասին ես հանաք արեցի: Ինչո՞ւ չես հասկանում հանաքը: Կնկա մասին էլ հանաքով հիշեցրի, հետո էլ տեսնում եմ՝ դու շարանում ես, մտածում եմ՝ արի մի անգամ էլ կծեմ սրան: Ես հո գիտեմ, որ դու կիսատպուտ բոլշևիկ ես ու աստիճան-մաստիճան չես սիրում: Իսկ դու կարծեցիր թե ես լո՞ւրջ ասացի,— խորամանկում էր Կուզինովը ու ծիծաղում այնքան բնականորեն, որ Գրիգորին մի ակնթարթ նույնիսկ մտածեց՝ «Կարելի է սա իսկապե՞ս հանաք էր անում»:— Զէ, դու... քա՛հ-քա՛հ-քա՛հ աաա՛... դու զուր տեղը տաքացար, աղբերս: Աստված վկա հանաք արեցի: Ուզեցի մի քիչ ջղայնացնել...

— Միևնու՛ն է, հրաժարվում եմ Դոնն ացնելուց, փոխեցի միտքս:

Կուզինովը տնտղում էր գոտու ծայրը, անտարբեր, երկար լուռում էր, հետո ասաց.

— Դե ի՞նչ արած, միտքդ փոխեցիր թե վախեցար,— դա կարևոր չէ: Կարևորն այն է, որ մեր պլանը վիժեցնում ես: Բայց մենք, իհարկե, կուղարկենք որևէ մեկին: Ամեն բան հո անպատճառ քեզնով չպիտի՞ լինի... Իսկ որ մեր դրուժյունը հիմի շատ լուրջ է, դրա մասին ինքդ դատիր: Այսօր Կոնդրատ Մեղվեղևը Շումիլինսկուց մեզ մի նոր հրաման է ուղարկել: Մեր դեմ զորքեր են ուղարկում... Հրե՛ս, ինքդ կարդա, թե չէ չես հավատա...— Կուզինովը դաշտային պայուսակից հանեց մի կտոր դեղին թուղթ, որի լուսանցքներում

չորացած արյան մուգ բծեր կային, ու տվեց Գրիգորին.— Գտել են ինչ-որ Ինտերնացիոնալ վաշտի կոմիսարի մոտ: Կոմիսարը լատիշ էր: Այդ իժը պաշտպանվելու համար կրակել էր մինչև վերջին փամփուշտը, հետո էլ հրացանով նետվել կազակների մի ամբողջ դասակի վրա... Նրանցից, այդ զաղափարականներից էլ են լինում այդպիսիները... Կոնդրատն ինքն էր գլորել կոմիսարին: Հենց ինքն էլ նրա կրծքի զորպանում գտել էր այս հրամանը:

Դեղին, արյունոտված թերթիկի վրա մանր, սև տառերով տպված էր.

Հ Ր Ա Մ Ա Ն

Էքսպեդիցիոն զորքերին

Տ Ձ 109

Բողոշար

25 մայիսի 1919 թ.

Կարգալ բոլոր վաշտերում, էսկադրոններում, մարտկոցներում ու խմբերում:

Վե՛րջ Դոնի ստոր ապստամբության:

Հասն՛ել է վերջին ժամը:

Բոլոր անհրաժեշտ նախապատրաստությունները կատարված են: Կենտրոնացված են բավականաչափ ուժեր, որպեսզի նետվեն դավաճանների ու մատնիչների վրա: Հասել է ժամը՝ դատաստան տեսնելու Կայենների դեմ, որոնք ավելի քան երկու ամիս հարվածներ էին տալիս Հարավային Ֆրոնտի մեր գործող բանակների թիկունքին: Ամբողջ բանվորագյուղացիական Ռուսաստանը նողկանքով և ատելությամբ է նայում Միգուլինսկու, Վեշենսկու, Նլանսկու, Շումիլինսկու այն բանդաներին, որոնք խաբերայական կարմիր դրոշակ բարձրացնելով, օգնում են սև-հարյուրյակային կալվածատերերին,— Դենիկինին և Կոլչակին:

Պատժիչ զորքերի զինվորներ՛ր, հրամանատարներ՛ր, կոմիսարներ՛ր.

նախապատրաստական աշխատանքն ավարտված է: Բոլոր անհրաժեշտ ուժերը և միջոցները կենտրոնացված են: Զեր շարքերը կազմ ու պատրաստ են:

Հիմա արգանշանով — դեպի առա՛ջ:

Խայտառակ դավաճանների և մատնիչների որջերը պետք է ավերվեն, Կայենները պետք է ոչնչացվեն: Ոչ մի գթություն այն ստանիցաներին, որոնք դիմագրություն ցույց կտան: Ողորմածություն միայն նրանց, ով-

քեր կամալոր կերպով կհանձնեն զենքերը և կանցնեն մեր կողմը: Կուշակի ու Կենիկիների օգնականների դեմ—արճիճ, պողպատ և կրակ:

Սովետական Ռուսաստանը հույս է դնում ձեր վրա, ընկեր զինվորներ: Մի քանի օրում մենք պետք է Դոնը մաքրենք դավաճանությունից և բժից: Հասել է վերջին ժամը:

Բուրգո մի մարդու պես դեպի առաջ:

LXV

Մայիսի տասնիննին Միշկա Կոշևոյը Գումանովսկու,— 9-րդ բանակի էքսպեդիցիոն բրիգադի շտաբի պետի կողմից շտապ ծրարով ուղարկվեց 32-րդ գնդի շտաբը, որը, Գումանովսկու ունեցած տեղեկությունների համաձայն, գտնվում էր Գորբատով խուտորում:

Նույն օրվա իրիկնադեմին Կոշևոյը ձեռնարկ արեց Գորբատով, բայց 32-րդ գնդի շտաբը այնտեղ չէր: Խուտորը լեփ-լեցուն էր Միրոնովի 23-րդ դիվիզիայի երկրորդ կարգի գումակի բազմաթիվ սայլերով: Դրանք հետևազորի երկու վաշտի պաշտպանությամբ գնում էին Դոնեցից դեպի Ուստ-Մեդվեդիցա:

Միշկան մի քանի ժամ թափառեց խուտորում՝ փորձելով հարցնելու միջոցով իմանալ շտաբի տեղը: Վերջ է վերջո ձեռնարկ կարմիրբանակայիններից մեկը նրան հաղորդեց, որ նախորդ օրը 32-րդ գնդի շտաբը գտնվում էր Եվլանտևսկի խուտորում, Բոկովսկայա ստանիցայի մոտ:

Չիուն կեր տալով, Միշկան գիշերով ժամանեց Եվլանտևսկի, սակայն շտաբը այնտեղ էլ չկար: Արդեն կեսգիշերին վերադառնալով Գորբատովսկի, Կոշևոյը տափաստանում հանդիպեց կարմիրբանակային պարեկին:

— Ո՞վ է գալիս, — հեռվից ձայն տվեց Միշկային:

— Մերոնցից եմ:

— Հապա, տեսնեմ դու մերոնցից ով ես... — ձեռքով մոտ քշելով, ցածր, մրսած ձայնով ասաց ուկրաիններեն խոսող հրամանատարը, որ կուբանյան սպիտակ փափախով էր ու կապույտ շերքեզկայով. — Ո՞ր զորամասից ես:

— Իններորդ բանակի էքսպեդիցիոն բրիգադից:

— Ձորամասից թուղթ կա՞:

Միշկան ներկայացրեց փաստաթուղթը: Լուսնի լույսի

տակ զննելով այն, պարեկի հրամանատարը անվստահությամբ հարցեր տվեց.

— Ո՞վ է ձեր բրիգադի հրամանատարը:

— Ընկեր Լոզովսկին:

— Իսկ հիմի ո՞րտեղ է բրիգադը:

— Դոնի մյուս կողմում: Իսկ դուք ո՞ր զորամասից եք, ընկեր: Երեսուներկուերորդ գնդից չե՞ք:

— Չէ: Մենք երեսուներեքերորդ Կուբանյան դիվիզիայից ենք: Բա դու հիմի ո՞րտեղից ես գալի:

— Եվլանտևսկուց:

— Ո՞ւր ես գնում:

— Գորբատով:

— Օ-հո՛, Ախր Գորբատովսկու հիմի կազակներն են:

— Չի կարող պատահել, — զորամասավ Միշկան:

— Ես քեզ ասում եմ, որ այնտեղ ապստամբ կազակներն են: Մենք հո տեսել ենք:

— Բա ես ո՞նց գնամ Բորբովսկու կողմերը, — շփոթվելով ասաց Միշկան:

— Ոնց որ գիտես, գնա:

Պարեկի հրամանատարը քշեց կախ գավակով, սևաթույր իր ձիին, հեռացավ, բայց հետո կիսով չափ շուռ եկավ թամբի վրայից խորհուրդ տվեց.

— Արի մեզ հետ, թե չէ մեկ էլ տեսար գլուխդ թուցրին:

Միշկան հաճույքով միացավ պարեկին: Հենց այդ գիշեր կարմիրբանակայինների հետ նա ժամանեց Կրուժիլին խուտորը, որ գտնվում էր 294-րդ Տագանրոգյան գունդը, ծրարը հանձնեց գնդի հրամանատարին, ու նրան բացատրելով, թե ինչու չկարողացավ ծրարը հասցնել ըստ պատվամանության, թույլտվություն խնդրեց մնալ գնդում, հեծյալ հետախույզախմբում:

33-րդ Կուբանյան դիվիզիան, որ նոր էր կազմվել Քամանյան բանակի զորամասերից և Կուբանցի կամավորներից, Աստրախանի մերձակայքից փոխադրվեց Վորոնեժ-Լիսկի ուայոնը: Նրա բրիգադներից մեկը, որի մեջ էին մտնում Տագանրոգյան, Դարբանդյան և Վասիլկովի գնդերը, ուղարկվել էր ապստամբության դեմ: Հենց նա էլ հայտնվել էր Միշկան

խովի 1-ին դիվիզիայի վրա՝ նրան հտ շարտելով Դոնի մյուս կողմը:

Բրիգադը կովով, արագացրած երթով անցավ Դոնի աջ ափով, Կազանսկայա ստանիցայի հողից մինչև Ուստ-Խոպերսկայա ստանիցայի արևմտյան առաջին խուտորները, աջ թևով գրավեց Չիրի խուտորները և միայն դրանից հետո հտ դարձավ՝ երկու շաբաթ կանգ առնելով Դոնի մերձակայքում:

Միշկան մասնակցում էր այն մարտին, որ մղվեց Կարգինսկայա ստանիցան և Չիրի մի քանի խուտորները գրավելու համար: 27-ի առավոտյան տափաստանում, Նիժնե-Գրուշինսկի խուտորի մոտ 294-րդ Տազանրոպյան զնդի 3-րդ վաշտի հրամանատարը ճանապարհի կողքին շարք կանգնեցնելով կարմիրբանակայիններին, կարգաց հենց նոր ստացված հրամանը: Միշկա Կոշևոյի հիշողության մեջ ամուր տպավորվեցին հետևյալ խոսքերը. «...խայտառակ դավաճանների որջերը պետք է ավերվեն, Կայինները պետք է ոչնչացվեն...» Եվ ապա՝ «Կուլչակի և Դինիկինի օգնականների դեմ — արճիճ, պողպատ և կրակ»:

Շտոկմանի պանուսթյունից հետո, Իվան Ալեքսեևիչի ու Ելանսկու կոմունիստների մահվան լուրը Միշկային հասնելուց հետո նրա սիրտը լցվեց բուռն ատելության մտքով՝ դեպի կազակները: Նա արդեն երկար չէր մտածում, չէր ունկնդրում կարեկցության անորոշ ձայնին, երբ որևէ ապստամբ կազակ ընկնում էր իր ձեռքը: Այն ժամանակներից նա ներողամտությամբ չէր ցուցաբերում նրանցից և ոչ մեկի նկատմամբ: Կապույտ և սառույցի պես սառն աչքերով նայում էր կազակին, հարցնում՝ «Կովո՞ւմ էիր սովետական իշխանության դեմ, հա՞»-ա», ու պատասխանի չսպասելով, շնայելով գերու սարսափահար դեմքին, թրատում էր նրան: Թրատում էր անողորմ կերպով: Եվ ոչ միայն թրատում էր, այլև «կարմիր աքլոր» էր զցում ապստամբների թողած խուտորների կտուրների տակ: Իսկ երբ վախից խելագարված եզներն ու կովերը, ջարդոտելով վառվող տների ցախե ցանկապատերը, բառաչելով դուրս էին վազում, Միշկան հրացանից դեմադդեմ կրակում էր նրանց վրա:

Անհաշտ, անողորմ պատերազմ էր նա մղում կազակական

հղիացածության, կազակական ուխտադրծության դեմ, այն ամբողջ անխախտ ու քարացած կենսականուցվածքի դեմ, որը հարյուրամյակներով հանգչում էր բարեշն խրճիթների կտուրների տակ: Շտոկմանի ու Իվան Ալեքսեևիչի մահվամբ էր սնվում ատելությունը, իսկ հրամանի խոսքերը առավելապես սպառնալից էին արտահայտեցին Միշկայի համր զգացումները... Այդ նույն օրը նա երեք ընկերների հետ Կարգինսկայա ստանիցայում մի հարյուր հիսուն տուն վառեց: Վաճառականական ինչ-որ մի խանութի պահեստում մի բիդոն նավթ գտավ ու զնաց հրապարակով, սև ձեռքում մի տուփ լուցկի սեղմած, իսկ նրա հտեից դառն ծխով ու բոցով էին բռնվում վաճառականների ու տերտերների թիթեղածածկ, շքեղ, ներկված տները, ունևոր կազակների խրճիթները, հենց այն մարդկանց բնակարանները, «որոնց խարդախությունը դեպի խոռվություն էր մղել կազակական խավարամիտ մասսային»:

Ձիավոր հետախուզախումբը առաջինը մտավ հակառակորդի թողած խուտորները. ու մինչդեռ մոտենում էր հետևազորը, Կոշևոյն արդեն քամուն էր տալիս ամենահարուստ խրճիթները: Նա ուզում էր ինչ կերպ էլ լինի ընկնել Տատարսկի, որպեսզի իրենց խուտորցիներից վրեժ առնե իվան Ալեքսեևիչի ու Ելանսկու կոմունիստների մահվան համար, վառեր խուտորի կեսը: Նա արդեն մտքում կազմել էր այն մարդկանց ցուցակը, որոնց տները պիտի վառեր, իսկ այն դեպքում, եթե իր զորամասը զնար Չիրից, Վեշենսկու ձախ կողմից, Միշկան որոշել էր գիշերով ինքնակամ բացակայել զորամասից ու լինել հայրենի խուտորում: Կար նաև մի ուրիշ պատճառ, որ նրան ստիպում էր գնալ Տատարսկի... Վերջին երկու տարում, այն ժամանակվա ընթացքում, երբ նա երբեմնակի տեսնում էր Դունյաշկա Մելեխովային, նրանց կապում էր դեռևս խոսքերով շարտահայտված զգացմունքը: Հենց Դունյաշկայի թուխլիկ մատներն էին գունագեղ դարուսով ասեղնագործել Միշկային նվիրած ծխախոտի տոպրակը, հենց նա էր, որ ձմռանը, հարազատներից թաքուն, այժի գորշ բրդից գործած ձեռնոցներ էր բերել Միշկային, հենց մի ժամանակ Դունյաշկային պատկանող, ասեղնագործած թաշ-

կինական էր, որ Կոշեոյը խնամքով պահում էր զինվորական բլուզի կրծքի գրպանում, Ու փոքրիկ թաշկինակը, որ իր ծալերի մեջ երեք ամիս պահել էր խոտի բուրմունքի պես հալիվ զգալի՝ աղջկական մարմնի բույրը, անսահմանորեն թանկ էր Միշկայի համար: Երբ Միշկան մենության րուպեներին հանում էր թաշկինակը, միշտ էլ ինքնաբերաբար մեջտեղ էր գալիս հուզիչ հիշողությունը, — եղյամնապատ բարդին ջրհորի մոտ, մտայն երկնքից փչող բուք-բորանը, Գունյաշկայի պինդ, դողող շուրթերը, բյուրեղափայլ ձյան փաթիլները, որոնք հալում էին նրա կորնթարդ արտևանունքների վրա...

Միշկան խնամքով պատրաստվում էր տուն գնալու: Կարգինսկում վաճառականական մի տան պատից պոկից գունագեղ, փոքրիկ մի գորգ, հարմարեցրեց իբրև ձիու տապալակ, — հիանալի, շքեղ տապալակ էր դա, հեռվից էլ աչքի էր ընկնում գույների ու նախշերի բազմազանությունը: Կազակական սնդուկից հանեց համարյա նոր, լամպասավոր մի շալվար, կիս դյուծին կանացի շալեր, որոնք գործածեց իբրև երեք գույզ ոտափաթաթան, կանացի գործած ձեռնոցներ, որոնք դրեց պայուսակի մեջ, որպեսզի հագներ ոչ թե հիմա, պատերազմի գորշ առօրյայում, այլ բլուրի վրա, Տատարների մտնելուց առաջ:

Դարեր շարունակ այնպես էր ընդունված, որ խուտոր ժամանող զինվորը պետք է շքեղ հագնված լինի: Միշկան էլ, որ դեռ չէր ազատագրվել կազակական տրադիցիաներից, նույնիսկ գտնվելով Կարմիր բանակում, պատրաստվում էր սրբությամբ կատարել հինավուրց սովորությունը:

Նրա ձին լավն էր, մուգկարմրավուն և սպիտակաաունգ: Դրա նախկին տիրոջը, — Ուստ-Խոպերսկու կազակին Կոշեոյը թրատել էր գրոհի ժամանակ: Ձին ուղղակի ավար էր, կարելի էր պարծենալ նրանով, տեսքն էլ լավ էր, վազքն էլ, խելքն էլ, շարային կեցվածքն էլ: Բայց Կոշեոյի տակի թամբը խակի էլ աչքի ընկնող չէր: Բարձիկը մաշված ու կարկատված էր, ետին փորքաշը լսնակոնած փոկից էր, ասպանդակները պատած էին վաղուցվա ժանգով, որը համառորեն չէր մաքրվում: Նույնպես խղճուկ էր բոլորովին անզարգ սանձը:

Հարկավոր էր որևէ բան ձեռնարկել գոնե սանձը զարդարելու համար: Միշկան երկար ժամանակ զլուխ էր ջարդում այդ հարցը լուծելու համար, և վերջապես, նա ամենաերջանիկ մի միտք հղացավ: Աի վաճառականի տան մոտ, հենց հրապարակի վրա դրված էր մի սպիտակ, նիկելե մահճակալ, որ վառված տանից գուրս էին բերել վաճառականի ծառաները: Մահճակալի ծայրերին, անդրադառնալով արևը, կուրացուցիչ կերպով շողշողում էին սպիտակ գնդիկները: Բավական էր միայն հանել դրանք, հետո էլ կախ տալ սանձի բերանոցից, ու սանձը բոլորովին ուրիշ տեսք կստանար: Միշկան այդպես էլ արեց. նա մահճակալի ծայրերից պտուտակահանեց մեջները դատարկ գնդիկները, դրանք մետաքսե քուղերով կախեց սանձից, երկուսը՝ բերանոցի օղակներից, երկուսն էլ՝ քթարմատի փոկի կողքերից, ու գնդիկները կեսօրվա սպիտակաշող արևի նման փայլում էին նրա ձիու գլխին: Անդրադարձնելով արևի ճառագայթները, դրանք կուրացուցիչ փայլ էին արձակում: Այնպես էին շողում, որ ձին արևի դիմաց քայլում էր աչքերը կկոցած, հաճախ սայթաքելով, անվստահ փոխելով ոտները: Բայց չնայելով, որ ձիու տեսողությունը տուժում էր գնդիկների փայլից, չնայելով, որ ձիու աչքերը լույսից վնասվելով, արցունքներով էին լցվում, Միշկան և ոչ մի գնդիկ չհանեց սանձից: Եվ ահա արդեն ժամանակն էր դուրս գալ կիսով չափ վառված, մոխրի ու մրոտված աղյուսի հոտ արձակող Կարգինսկայա ստանիցայից:

Գունդը պետք է գնար Դոնի կողմը, Վեշենսկու ուղղությամբ: Դրա համար էլ Միշկան առանց որևէ դժվարություն հետախուզախմբի հրամանատարից թույլտվություն ստացավ մի օրով այցելելու հարազատներին:

Հրամանատարը ոչ միայն կարճատև արձակուրդ տվեց, այլև ավելի շատ բան արեց.

- Ամուսնացած ես, — հարցրեց Միշկային:
- Ոչ:
- Երևի ճնկո ունես, հը՞:
- Ի՞նչ ճնկո... Դա ի՞նչ բան է, — զարմացավ Միշկան:
- Դե՛, սիրած, էլի՛:
- Ա՛-ա-ա... Այդ չկա: Սիրած ունեմ, մաքուր աղջիկ:

— Իսկ շղթայով ժամացույց ունե՞ս:

— Կունեմ, ընկեր:

— Զեղա՛վ,— ու հետախուզախմբի հրամանատարը, որ ստավորույցի էր, անցյալում գերակիտիկ ենթասպա և որը հին բանակից հաճախ արձակուրդով տուն էր գնում ու փորձից գիտեր, թե որքան դառն է զորամասից տկլոր ու դատարկ տուն գնալը,— իր լայն կրծքից հանեց ժամացույցը և անասիլի ծանր շղթան, ասաց.— Դու լավ մարտիկ ես, ա՛ն, կրիր տանը, աղջկանց աչքին թող փշիր, իսկ ինձ հիշիր երրորդ դասակից, Ծս էլ շահել եմ եղել, աղջիկներ եմ փշացրել, կնանոնց հետ սիլի-բիլի արել, գիտեմ... Շղթան նոր, ամերիկական ոսկուց է: Թե որ մեկն ու մեկը հարցնի, այդպես էլ պատասխանիր: Իսկ թե պատահի որևէ ախմախի մեկը ու հարցնուի որձ անի, թե ուր է հարգը, շրմփացրու հենց մոռոթին: Կան լիրք քաղաքացիներ, նրանց մոռոթը պետք է ջարդել առանց երկար խոսելու: Պատահում էր, որ ճաշարանում կամ հասարակական տեղում կամ հենց բ...ում ինձ է մոտենում մի որևէ սարսաղ գործակատար կամ գրագիր և ուզում է սարգկանց մոտ ամոթով անել. «Հը՛, այդ շղթան այնպես եք չաշ արել փորիդ վրա. որ կարծես թե իսկական ոսկի լինի... Բա ո՛ր է դրա հարգը, թույլ տվեք իմանալ»: Իսկ ես նրան շեմ էլ թողնում մեկ էլ բերան բանա. «Հա՛րգը, ա՛ն քեզ»,— ու Միշկայի բարեհոգի հրամանատարը սեղմեց թուխ, մանկան գլխի մեծությամբ բռունցքը. վայրագ ու սարսափելի ուժով թափահարեց այն:

Միշկան վերցրեց ժամացույցը, գիշերով, խարույկի լույսի տակ սափրվեց. թամբեց ձին, ճանապարհ ընկավ: Լուսաբացին մտավ Տատարսկի:

Խուտորը էլի նույնն էր. աղյուսաշեն եկեղեցու ցածր գանգակատունը էլի նույնպես դեպի կապույտ երկինք էր բարձրացրել խունացած ոսկեշրած խաչը, տերևների ու վաճառականների հոյաշեն տնիրը էլի նույնպես ծանր նստել էին հրապարակում, էլի նույն հարազատ լեզվով էր սոսափում Կոշևոյների կիսավեր խրճիթի կողքին բարձրացող բարդին...

Ապշեցնում էր խուտորի համար արտասովոր մեծ լուծությունը միայն, որ ասես սարդոստայնով էր պատել նրբանցք-

ները: Փողոցներում ոչ ոք չկար: Խրճիթների պատուհանների փեղկերը պինդ փակված էին, տեղ-տեղ դռների վրա կողպեքներ էին կախված, բայց դռների մեծամասնությունը բոլորովին բաց էր: Ասես խուտորով մեկ ժանտախտն էր անցել իր սև թաթերով, ամայացրել բակերն ու փողոցները, դատարկությամբ ու ամայությամբ լցրել բնակելի շենքերը:

Ոչ մարդկային ձայն էր լսվում, ոչ անասունների բառաչ, ոչ էլ աքաղաղների պարզ կանչը: Միմիայն ճնճողուկները, ասես անձրևից առաջ, աշխույժ ճովողով էին մարագների շարդախների տակ ու չոր ցախակույտների վրա:

Միշկան մտավ իրենց բակը: Հարազատներից ոչ ոք դուրս չեկավ նրան դիմավորելու: Դրսի դուռը բոլորովին բաց էր, շեմքի մոտ թափթփված էին կարմիրբանակայինի պատրուռված մի ոտափաթաթան, ճմոթված, արյունից սևացած մի բինտ, հավերի գլուխներ, փետուրներ, արդեն նեխված այգ գլուխների վրա ճանճեր էին նստել: Կարմիրբանակայինները ըստ երևույթին օրեր առաջ ճաշել էին խրճիթում. հատակի վրա թափթփված էին ջարդոտված անոթների կտորտանքներ, հավի կրծոտված ոսկորներ, ծխախոտի մնացորդներ, լրագրերի կոխկրտված կտորներ... Խեղդելով ծանր հառաչանքը, Միշկան անցավ օթախը: Այնտեղ ամեն ինչ առաջվա պես էր, միայն հատակի մի տախտակը, որի տակին, նկուղում աշնանը սովորաբար ձմերուկներ էին պահվում, մի քիչ բարձրացած էր թվում:

Միշկայի մայրը սովորություն ուներ այնտեղ չորացրած խնձորներ թաքցնել երեխաներից:

Վերհիշելով այդ, Միշկան մոտեցավ տախտակին: «Մի՞թե մերըս չէր սպսում ինձ: Գուցե նա այստեղ մի բան պահած լինի»,— մտածեց նա: Ու հանկուղ թուրը, դրա ծայրը անցկացրեց տախտակի տակ: Տախտակը բարձրացավ ճոնչալով: Նկուղից խոնավություն ու նեխահոտ փչեց: Միշկան ծունկ չոքեց: Մթությանը շրտելացած նրա աչքերը երկար ժամանակ ոչինչ չէին տեսնում, վերջապես, տեսան հետևյալը. հին փոված սփոռցի վրա դրված էր կես շիշ արաղ, բորբոսնած ձվածեղով մի թավա, կիսով չափ մկների կերած մի կտոր հաց. մի պնակ պինդ ծածկված փայտե կլոր խուփով... Պա-

ուսման սպասել էր որդուն: Սպասել էր որպես ամենաթանկագին հյուրին: Սիրով ու բերկրանքով դողաք Միշկայի սիրաբեր, երբ նա իջավ նկուղը: Այդ բոլոր առարկաներին, որոնք կարգով դրված էին հին, մաքուր սփռոցի վրա, մի քանի օր առաջ հավել էին մայրական հոգատար ձեռքերը... Նույն տեղում սպիտակին էր տալիս մարդակից քաշ արած քաթանն մի տոպրակ: Միշկան հապճեպ հանեց այն ու գտավ իր մի զույգ հին, բայց վարպետորեն կարկատած, մաքուր լվացած և փայտե հարթիչով հարթուկած սպիտակեղենը:

Մկները կեղտոտել էին ուտելիքը. միայն կաթն ու արաղն էին անձեռնմխելի մնացել: Միշկան խմեց տնական արաղը, կերավ նկուղում հրաշալի պաղ վիճակում պահված կաթը, վերցրեց սպիտակեղենը, դուրս ելավ նկուղից:

Մայրը հավանորեն Դոնի մյուս կողմումն էր: «Վախեցել է մնալ, լավ է արել, որ գնացել է, թե չէ կազակները կսպանենին: Առանց այն էլ երևի իմ պատճառով թափ են տվել նրան ոնց որ տանձենի...» — մտածեց նա, ու մի փոքր հապաղելով, դուրս ելավ: Արձակեց ձին, բայց սիրտ շարեց գնալ Մելիխովնեբլի մոտ. նրանց տունը հենց Դոնի վերևումն էր, իսկ Դոնի մյուս կողմից որևէ ճարտար հրաձիգ կարող էր Միշկային գլորել ապստամբական արճիճի անպարուտակ գնդակով: Միշկան որոշեց գնալ Կորշունովների մոտ, իսկ մինչաղին վերադառնալ հրապարակ ու մթության մեջ հրդեհել Մոխովի ու մյուս վաճառականներին և տերտեղեններին տները:

Նետնաբակերով նա ձին քշեց Կորշունովների ընդարձակ բակի կողմը. ներս. մտավ բաց դարպասից, ձին կապեց բազրիքից և ուզում էր անցնել տունը, երբ այնտեղից դուրս եկավ Գրիշակա պապին: Ձյան պես սպիտակ նրա գլուխը դողում էր, ծերութունից խամրած աչքերը կուրաբար կկոցվում էին: Չմտալված կապակական գորշ համազգեստը, որի կեղտոտ օձիքի ծակերի վրա կարմրին էին տալիս մերակները, խնամքով կոճկված էր, բայց դատարկ թվացող, կախ շալվարն ընկնում էր, ու պապին ձեռներով անընդհատ վեր էր քաշում այն:

— Բարև, պապի,— Միշկան կանգնեց արտաքին սանդուղքի մոտ. թափահարելով մտրակը:

Գրիշակա պապին լուռ էր: Նրա մոայլ նայվածքում միախառնվել էին սխալ ու զզվանքը:

— Բարև, առում եմ, քննց ես,— Միշկան բարձրացրեց ձայնը:

— Փառք ասածո,— դժկամ պատասխանեց ծերունին:

Նա շարունակեց Միշկային գննել լարված, զայրացկոտ ուշադրությամբ: Միշկան կանգնել էր մի ոտը անփույթ կերպով ետ դրած. իաղացնում էր մտրակը, նոթոտվում, սեղմում աղջկականորեն փափուկ շրթունքները:

— Ինչո՞ւ դու, Գրիգորի պապի, չես անցել Դոնի մյուս կողմը:

— Իսկ դու ո՞րտեղից գիտես անունս:

— Այստեղի բնակիչ եմ, դրա համար էլ գիտեմ:

— Հա՛-ա՞. Ո՞ւմ տղեն ես:

— Կորշունյի:

— Ակիմկայի տղե՞ն ես, որ մեզ մոտ մշակ էր:

— Հենց նրա:

— Ուրեմս այդ հենց դո՞ւ ես, աղա պարոն, հը՞: Սուրբ մկրտության ժամանակ անունդ Միշկա են դրել, չէ՞: Կա՛վ ես, հա՛-ա, հենց հորդ ես քաշել: Նա, մեկ էլ տեսար, լավության համար ք... էր հատուցում, դու էլ, ուրեմս, այդ տեսակ ես, էլի՛:

Կորշունյը ձեռից քաշեց հանեց ձեռնոցը, է՛լ ավելի մոայլվեց:

— Ինչ էլ որ լինի անունս և ինչ տեսակ էլ որ ես լինեմ, այդ քո բանը չի: Ասում եմ՝ ինչո՞ւ չես անցել Դոնը:

— Չէի ուզում, ու չգնացի: Իսկ դու, ի՞նչ է, սատանի ծառա՞ ես դառել: Գղակիդ կարմիր ա՛ստղ ես կպցրել: Ուրեմս այդ դո՞ւ ես մեր կազակների դեմ գնում, մունդոնի շան որդի, հը՞: Հենց քո խուտորցիների դե՛մ:

Գրիշակա պապին անհաստատ քայլերով իջավ մուտքի սանդուղքից: Նա, ըստ երևույթին, վատ էր սնվում այն օրվանից, երբ կորշունովների ամբողջ ընտանիքը մեկնեց Դոնի մյուս կողմը: Հարազատներից զրկված, հյուծված, ծերունաբար անմաքուր, նա կանգնել էր Միշկայի դիմաց և զարմանքով ու բարկությամբ նայում էր նրան:

— Հենց նրանց դեմ,— պատասխանեց Միշկան,— ու շատ շուտով կսողկենք նրանց։

— Իա սուրբ գրքումը ի՞նչ է ասված։ Ինչ շափով որ շափեք, նրանով հատուցի ձեզ։ Բա ո՞նց կլինի։

— Դու, ա՛յ պապի, գլուխս մի տանի քո սուրբ գրքերով, ես դրա համար չեմ եկել այստեղ։ Ձեռաց հեռացիր տնից,— Միշկան ավելի մոայլվեց։

— Ո՞նց թե այդպես։

— Հենց այդպես։

— Այդ ի՞նչ ես անում, հը՞...

— Դե ոչինչ, էլի, հեռացի՛ր, ասում եմ...

— Չե՛մ գնա իմ տանից։ Գիտեմ, թե այդ ինչի համար է... Դու սատանի ծառա ես, գդակիդ վրա նրա նշանն է։ Հենց ձեր մասին է, որ Երեմյա մարգարեն ասել է՝ «Ահավասիկ ես չամբեցից դոցա օշինդր և արբուցից դոցա ջուր դառնուքյան, զի ի նոցանե էլ պղծություն ընդ ամենայն երկիր»։ Եվ ահա այնպես էլ եղավ, որ տղան դուրս եկավ հոր դեմ, աղբերն աղբոր դեմ...

— Գլուխս մի թլոգի. պապո։ Այստեղ բանը եղբայրները չեն, այստեղ հա. արակ թվաբանություն է. հերբս մինչև մեռնելը աշխատում էր ձեզ համար, ես էլ պատերազմից առաջ ձեր ցորենն էի կալսում. շալակում տանում ձեր ցորենի ջվալները, քիչ էր մնում փորբս պատովեր պոռից, իսկ հիմի եկել է քվիտ լինելու ժամանակը։ Դուրս գնա տնից, հիմի պիտի վառեմ։ Ապրում էիք լավ-լավ տներում, իսկ հիմի կապրեք այնպես, ինչպես մենք էինք ապրում,— սամանե խրճիթներում։ Հասկացա՞ր, բիձա։

— Ա՛յ, ես էլ հենց այդ եմ ասում։ Եսայի մարգարեի շրթումը այդպես էլ գրված է. «Եվ ելցեն և տեսցեն զոսկերս մարդկան առ իս հանցուցելոց, զի որդն նոցա ոչ վախճանեսցի և հուր նոցա ոչ շիջցի և եղիցին ի տեսիլ ամենայն մասեղյաց»։

— Էհ, ես այստեղ քեզ հետ ասուլիս անելու ժամանակ չունեմ,— սառն կատաղությամբ ասաց Միշկան,— տնից հեռանո՞ւմ ես թե չէ։

— Չէ՛, գնա, ոսոխ։

— Հենց քեզ պես քավթառների երեսից է, որ պատեբարզմ է տեղի ունենում։ Հենց դուք եք խառնակում մարդկանց, ուսուցիչայի դեմ հանում...— Միշկան մեջքից արագ հանեց կարաբինը...

Կրակոցից հետո Գրիշակա պապին ընկավ երեսի վրա, պարզ ասավ.

— Որպես... ոչ շնորհիվ իմո... բայց կամոք աստծո մեր հանգյա... Տեր, ընդունյա ծառային քո... խաղաղությամբ...— ու խոխուցրեց, սպիտակ բեղերի տակից ծորաց արյունը։

— Կընդունի՛ր։ Վաղուց էր հարկավոր քեզ այնտեղ ուղարկել, քավթա՛ն սատանա։

Միշկան զզվանքով անցավ սանդուղքի մոտ փոված ծերունու կողքից, բարձրացավ ու ներս մտավ։

Չոր տաշեղները, որ քամին քշել լցրել էր հաշտը, բռնըկվեցին կարմրավուն բոցով, մառանը հաշտից բաժանող տախտակե միջաւայտը սկսեց արագությամբ վառվել։ Մուխը բարձրացավ մինչև առաստաղը ու միջանցիկ քամու հետ ներխուժեց սենյակները։

Կոշեուր դուրս ելավ, ու մինչդեռ կրակ էր գցում մարագն ու ամբարը, տան միջից կրակը արդեն դուրս եկավ, խշշալով, անհագ լիզեց պատուհանների սոճու շրջանակները, երկար լեզուները բարձրացրեց դեպի կտուրը...

Մինչև մթնշաղ Միշկան քնեց հարևան ծառուտում, վայրի գայլուկով ցանցված մամխիների թփերի ստվերում։ Նույն տեղում, ծուլորեն պոկոտելով ջղախոտի հյութեղ ցողունները, արածում էր թամբը հանած ու երեք ոտը կապած նրա ձին։ Երեկոյան ծարավ զգալով, ձին վրնջաց, արթնացրեց տիրոջը։

Միշկան վեր կացավ. շինելը թամբի ետին դաշի փոկերով կապեց թամբին, հենց այնտեղ, պուրակում ձին ջրեց ջրհորի ջրով, հետո էլ թամբեց, նստեց ու դուրս եկավ փողոց։

Կորշունովների վառված տանը, դեռ ծուխ էին արձակում սև, ածխացած գերանները, ցրվում էր խիստ դառն ծուխը։ Ընդարձակ տանից մնացել էին միայն բարձր, քարաշեն հիմքը ու կիսափլված վառարանը. որը դեպի երկինք էր բարձրացրել մրակալած ծխնելույզը։

Կոշեուր գնաց ուղիղ դեպի Մելիխովների տունը։

Իլլինիչնան շարդախի տակ գոգնոցի մեջ կպչան էր լցնում, երբ Միշկան առանց ձիուց իջնելու բացեց բակի դուռը, մտավ բակը:

— Բարև ձեզ, մորքուր ջան,— փաղաքուշ ողջունեց նա պատասխան:

Վերջինս վախով բռնված, պատասխանի մի բառ էլ չասաց, քաշ արավ ձեռները, գոգնոցից թափվեցին տաշեղները...

— Է՛, ո՞նց եք, մորքուր:

— Փառք... Փառք աստծու,— տատանվելով պատասխանեց Իլլինիչնան:

— Ողջ-առո՞ղջ ես:

— Ողջ եմ, իսկ առողջութիւնս մասին մի էլ հարցնի:

— Որտե՞ղ են ձեր կազակները:

Միշկան իջավ ձիուց, մոտեցավ շարդախին:

— Դոնի մյուս կողմում...

— Կաղետներին են սպասում:

— Իմ գործը կնկա գործ է... Ես այդ բաները չզիտեմ...

— Իսկ Եվդոկիյա Պանտելենան տա՞նն է:

— Նա է՛լ է Դոնի մյուս կողմում:

— Սատանե՛ն է նրանց տարել այնտեղ,— Միշկայի ձայնը դողաց, ապա ուժեղացավ զայրույթից:— Ես ձեզ այ թե ինչ կասեմ, մորքուր. Գրիգորին, ձեր տղեն, սովետական իշխանութիւնն ամենակատաղի թշնամի դուրս եկավ: Մենք վաճառեցինք Դոնի այն կողմը, ու առաջինը նրա վիզը կպցնեք պարանը: Իսկ Պանտելիյա Պրակոֆևիչը զուր տեղն է փախել: Ենթադրու է կաղ ուարդ է, պետք է միշտ էլ տանը նստի...

— Մահվա՞ն սպասի,— խիստ տոնով հարցրեց Իլլինիչնան ու էլի սկսեց տաշեղներ հավաքել գոգնոցի մեջ:

— Դե, նրա մահը գեռ հեռու է: Դուցե թե մի քիչ մտրակի ձեռ ուտի, նրան չէին սպանի: Բայց ես, իհարկե, դրա համար չեմ եկել ձեզ մոտ.— Միշկան կրծքի վրա շտկեց ժամացույցի շղթան, կիտեց հոնքերը.— ես եկել եմ, որ տեսնեմ Ֆլորովիյա Պանտելենային: Շատ եմ ափսոսում, որ նա էլ է պառկել, բայց ես ձեզ, մորքուր, ինչպես նրա հարազատ մորը, կասեմ: Ա՛յ թե ինչ կասեմ. ես նրա համար վաղուց եմ տանջվում, բայց հիմի մենք իսկի ժամանակ չունենք արջիկ ուզե-

լու, մենք կովում ենք կոնտրայի (կոնտրակտուցիայի) դեմ ու անխնա ջարդում ենք նրան: Իսկ երբ նրան բոլորովին վերջ տանք, ամբողջ աշխարհում խաղաղ սովետական իշխանութիւնն կհաստատվի, այն ժամանակ ես, մորքուր ջան, ձեզ մոտ խնամախոսներ կուղարկեմ ձեր Եվդոկիային ուզելու համար:

— Ժամանակը չի այդ մասին խոսելու:

— Ոչ, ժամանակն է,— Միշկան մռայլվեց, հոնքերի արանքում կամակորութիւնն արտահայտող կնճիռ առաջացավ:— Նշանվելու ժամանակը չի, ումա դրա մասին Լարիի է խոսել: Ու ես էլ չեմ կարողանա դրա համար ուրիշ ժամանակ ընտրել: Այսօր այստեղ եմ, իսկ վաղը ինձ գուցե Դոնեցից դենն ուղարկեն: Դրա համար էլ ես ձեզ զգուշացնում եմ. անխելք բան չանեք, Եվդոկիային ոչ ոքի մարդու չտաք, թե չէ ձեր բանը վատ կլինի: Թե որ իմ գործասից նամակ գա, որ ես սպանված եմ, այն ժամանակ նշանեցեք, իսկ հիմի չի կարելի, որովհետեւ իմ ու նրա մեջ սեր կա: Ես նրան նվեր չեմ բերել, չգիտես որտեղից նվեր վերցնես, իսկ թե որ ձեզ բուրժույցների, վաճառականների ունեցածից մի բան հարկավոր լինի, ասեք. հիմի կերթամ կբերեմ:

— Աստված շանի: Ոչ մի ժամանակ ուրիշի ունեցածից չենք օգտվել:

— Դեհ, ոնց որ կուզեք: Ինձանից շատ կարոտով բարեարեք Եվդոկիյա Պանտելենային, եթե ինձանից շուտ տեսնեք նրան, դեհ, մնաք բարով, մորքուր, խնդրեմ չմոռանաք խոսքերս:

Իլլինիչնան առանց պատասխանելու գնաց խրճիթ, իսկ Միշկան նստեց ձիւն, գնաց հրապարակ:

Խուտորում գիշերելու համար բլուրից կարմիրբանակայիններ եկան: Փողոցներում հնչում էին նրանց աշխույժ ձայները: Երեքը, որոնք ձեռքի գնդացրով գնում էին ուղեկալ, դեպի Դոն, հարցուփորձ արեցին Միշկային, ստուգեցին նրա փաստաթղթերը: Սեմյոն Չուգունի խրճիթի դիմաց նա էլի շորս կարմիրբանակայինի հանդիպեց: Նրանցից երկուսը սայլով վարսակ էին տանում, իսկ մյուս երկուսը՝ Չուգունի թա-

քախտավոր կնկա հետ — ոտնաշարժ մի կարի մեքենա և մի պարկ ալյուր:

Չուղունի կինը ճանաչեց Միշկային, բարեկեց:

— Այդ ի՞նչ ես տանում, հորքուր,— հետաքրքրվեց Միշկան:

— Մենք աղքատ դասակարգի մի կնկա տուն ու տեղ ենք դարձնում. նրա համար բուրժուայի մեքենա ու ալյուր ենք տանում,— գվարթ շուտասելուկով պատասխանեց կարմիրբանակայիններից մեկը:

Միշկան իրար ետևից վառեց յոթ տուն, որոնք պատկանում էին Դոնեցի մյուս կողմը փախած վաճառականներ Մոխովին և Ատեպին-Տաջային, տեր-Վիսսարիոնին, գործակալ տեր-Պանկրատիին ու էլի երեք ունևոր կազակի, ու միայն դրանից հետո ճանապարհվեց խուտորից:

Բարձրացավ բլուրը, շուտ տվեց ձին: Ներքևում, Տատարսկում, քարետախտակի պես սև երկնքի ֆոնի վրա զալարվում էր շիկակարմրավուն բոցը, որ ասես աղվեսի երերվող, կայծկըլատուն պոչ լիներ: Կրակը մերթ այնպես էր վեր թռչում, որ նրա ցուրեբը ցանցում էին Դոնի բուռն հոսանքը, մերթ էլ իջնում էր. թեքվում դեպի արևմուտք՝ ազահությամբ լափելով շենքերը:

Արևելքից փչում էր տափաստանային թեթև քամին: Սա հրահրում էր բոցը և քշում տանում ահագին հրդեհի մրուրի սև, ածխափայլ փաթիլները...

(ԵՐՐՈՐԳ ԳՐՔԻ ՎԵՐՋԸ) .

«ՌՈՒՍ ԳԱՍԱԿԱՆՆԵՐԻ ԳՐԱԳԱՐԱՆ»
ՄԱՏՆԱՇՄԱՐՈՎ ՇՈՒՏՈՎ ԼՈՒՅՍ ԿՏՈՍՆԵՆ.

Լ. Տոլստոյ — Ա ն և Կ ա ր և Ի և ա (2 գրքով)

Վ. Բելինսկի
Դոբրոլյուբով } — Ը ն տ ի ր է ջ ե ր
Չերեիշևսկի }

Ի. Տուրգենև — Հ ա տ ր և տ ի ր

ԳՐԻՆՈՅԻՆԻ ՀՈՒՈՒՆՈՎ
ԽԱՂՍՂ ԴՈՒՆ
Հատուկ հրատարակություն

Шолохов Михаил Александрович
ТИХИЙ ДОН

В четырех томах. Том третий
(На армянском языке)

Издательство «Советакан քոչ», ул. Теряна, 91.
Ереван 1978

*Խմբագիր՝ Է. Ք. Փոփոնյան
Նկարիչ՝ Ա. Վ. Գառապալյան
Գեղ. խմբագիր՝ Վ. Ա. Հաղոսրյունյան
Տեխ. խմբագիր՝ Կ. Կ. Սարգսյան
Վերատպող սրբագրիչ՝ Ն. Վ. Ազատյան*

ИВ-456

Հանձնված է շարվածքի 5/X 1977 թ.: Ստորագրված է տպագրության 20/111 1978 թ.: Բուդժ տպագր. № 1, $84 \times 108^{1/32}$, տպագր. 16,0 մամ. = 26,88 պայմ., մամ., հրատ. 23,25 մամ.: Պատվեր 2201: Տպաքանակ 50 000: Գինը 2 ս. 20 կ.:

«Սովետական գրող» հրատարակչություն,
Երևան—9, Տերյան 91:

ՀՍՍՀ Մինիստրների խորհրդի հրատարակչությունների, պոլիգրաֆիայի և գրքի առևտրի գործերի պետական կոմիտեի Հակոբ Մեղապարտի անվան պոլիգրաֆկոմբինատ, Երևան—9, Տերյան 91:

Полиграфкомбинат им. Акопа Мегاپарта
Госкомитета Сов. Мин. Арм. ССР по делам
издательств, полиграфии и книжной
торговли, Ереван-9, Теряна, 91.